

SHROENII

Pharmacopoeia Aug.
Revisita.

285

13067
















1. Introduction

Res. 11067 11067

PHARMACO-
POEIA
AUGUSTANA
RESTITUTA,

five

EXAMEN

ANIMADVERSIONUM

in

DISPENSATORIUM AUGUSTANUM,
EIVSDEMQUE MANTISSAM HERMETICAM

Joannis Zvelferi, Palatini,

adornatum

३

Luca Schröckio, Luc. Fil.

Medic. Doct, & in Patriâ Phifico.


[illegible]

ANNO S. R. M. DC. LXXIII.

AUGUSTÆ VINDELICORUM,

Impensis Theophili Göbelij,

Typis Johannis Schönigkij.



Col. 1000 1787
F. 5

COMPANY

OF

ARTILLERY

THE REGIMENT

OF THE

ARMY

OF THE

UNITED STATES

OF AMERICA

1787



ILLUSTRISSIMI
SENATUS
AUGUSTANI
COLLEGIO SEPTEMVIRALI
AMPLISSIMO,

Dn. Davidi à STETTEN,
Dn. Octaviano LANGENMANTELIO, à
Westhaimb,

S. CÆS. MAIEST.
Consiliariis, & Augustæ Duumviris
Præfectis,

Dn. Octaviano à RECHLINGEN, & Radau,
Dn. Jo. Christophoro AMMANO,
Dn. Davidi REHMO,
Dn. Paulo FUGGERO, Comiti in Kirchberg &
Weiffnhorn, &c.
Dn. Leonhardo WEISSIO;

X 2'

nec non

nec non

V I R I S

*Nobilitate, Prudentiâ, Dignitateque Senatoriâ
maximè conspicuis;*

Ædilibus meritissimis,

Dn. Raymundo im H O F,

Dn Maximiliano I L S U N G O, altern,

Dn. Christophoro à S T E T T E N, altern.,

Dn. Jeremiæ Friderico V O I T à Berg;

ut &

Collegio Medico

atque

Officinis Pharmaceuticis

Præfectis gravissimis,

Dn. Hieronymo S U L Z E R O, Quæstori,

Dn. Friderico B E C H L E R O, Cos.,

Dn. Jo. Augustino S C H R E I B E R O, Cos.,


Dn. Andrea H U E B E R O, Senatori,

perpetuum cultum

cum

omnigenæ felicitatis


voto.



Rduum, quod Vestrae protectioni,
Patres Patriæ Optimi, Maximi,
Viri Magnifici, Maximè Strenui,
Illustrissime, Generose, Nobilissimi,
Prudentissimi, Mæcenates mei submissâ animi
devotione colendissimi, committere humillimè
præsumo, adgredior opus; non quòd Animad-
versionibus, quæ hîc examini subjiciuntur, tan-
tum inesse pondus, statuam, quibus enervandis
magna deberetur industria; cum earum multoties
se manifestans vanitas latere vix queat Medicum;
utpote cui, non solum medicamentorum inven-
tionem & adplicationem, sed singulorum quoque
præparationem benè perspectam habere, si Medici
veri nomen mereri velit, incumbit.

Quin potius difficultatis totius cardo in fini-
stro Invidorum, Momorum, & malefano Adver-
sarium judicio versatur; cui resistere arduum
semper, atque difficile esse, existimavi.

Contra cujuslibet imminentem insultum mo-
liri defensionem, atque multorum capitum Hy-
dram decertare, non sufficit quidem facilè unus;
ast tacere, & penitus quasi obmutescere ad tot su-
perbas provocationes, pectori ingenuo grave ni-
mis




mis est, nec opprobrij notam, apud cordatos, veritatisque amantes, evitare posse videtur, si indefinenter à quovis adeo injuriosè traduci se & convitiari pateretur.

Unde mearum partium viriumque quantum est, hoc in me onus suscipere cogitavi.

In publicum verò Vindicationem Cesebris, illibatè ab integro penè seculo magni æstimati Dispensatorij Pharmaceutici Augustani, à malevolis nostris extortam, in publicum emittere non sustinerem, nisi de Patrocinio circumspicerem sufficienti, quo fretus, vanum Adversariorum strepitum excipere tantò confidentior valerem. In quo conquirendo dubius & anceps hærere haud debebam, quin ad Vestram singularem Gratiam, *Viri submissè Venerandi*, confugerem, Vestràque sub tutelâ Examen illud publico judicio exponerem.

Atque hoc dum audeo, Vestrasque altiores curas, exiguâ hac opellâ sollicitare præsumo, veniam eò faciliùs me consecuturum penitùs confido, quòd non meum privatum, sed honorem publicum defendere adgrediar: Pharmacopœiæ nempe Augustanæ, Vestro gratioso jussu, auctoritate, & approbatione olim in lucem editæ.

Phar-



Pharmacopœiæ, inquam, Augustanæ, cujus splendor tot annorum decursu, sub Vestrâ tutelâ, nullâ defœdatus maculâ constitit; cujus dives medicamentorum thesaurus tot sanitate orbatos Cives ad pristinam tam preciosi boni possessionem iterum perduxit; quæ etiam latius se diffundens, in longè diffitis quoque locis, cum adplausu excepta, remediumque parandorum norma constituta fuit.

Hunc autem splendorem, Vestræ Prudentiæ, Directioni & Authoritati acceptum ferendum, temerarij aliqui, rebus novis moliendis nati, atque hujus interitu clarescere cupidi, obfuscare tentarunt, multis contra jus fasque modis huic scopo suo inhiantes.

Nec certè Benignus ille in VOBIS suspiciendus animus permittet, ut salutis Custodes, Vestros nempe Medicos, quorum indefessam, diurnam, nocturnamque vigilantiam, & singularem in medendo dexteritatem satis superque exploratam habetis, qui omnes suas cogitationes, curas, ipsamque vitam publico commodo, Civiumque saluti consecrarunt, quorum etiam post fata superstes adhuc insignis fama volitat per ora Virorum, tam dura maneat conditio.



Commune quasi fatum Medicorum est, imprudentis præcipuè plebeculæ, novarum rerum ut plurimum cupidæ, & in proprium exitium credulæ, quæ ad quemvis audacis Agyrtæ nutum & vana promissa aures arrigit, cæco impetu enatum, ut vilissimis illis fungis, ceu Celebris cuidam Viro audiunt, ludibrium debeant.

Longè acerbior certè Vestrorum Medicorum est conditio; quibus scilicet & hoc accedit, quòd honestæ tranquillitatis amantes, ab iniquis calamis, nullâ ratione prius proritatis, pessimè, & præter meritum perstringantur, ac reformentur, neque illi etiam, ob præclara merita potius honorandi, quorum sepulchris jam manibus dare lilia plenis, purpureosque adspargere flores, ultima illa rerum linea coëgit, non violati dimittantur.

Nec materiam hîc tractandam dedignabimini, spero, quæ seipsam commendat; non quòd ea, quæ conscripsi, vanâ commendatione extollere his præsumam, neutiquam, dum meo me metiri modulo, ac pede scio, sed quia de mediis, vacillantem auro contra chariorem sanitatem, morbisque pressam hominum vitam fulcientibus, agit; de mediis, quorum contemplationi, atque elaborationi Magna Orbis Lumina, Potentissimi aliqui Imperatores, Reges, Principes, aliique conspicuo honoris




honoris loco constituti Viri se tradere, non erubuerunt; de mediis, quibus divina illa Ars, quæ una, Plinio autore, ipsis Imperatoribus quoque imperat, utitur.

Sub Vestrâ itaque Magnificâ authoritate, hocce submissi mei erga VOS obsequij pignus, exiguum tenuis ingenij laborem, in publicum prodire conspectum, gratiosè concedite, eundemque, sub clypeo celebratæ Benevolentiae Vestræ se reclinantem, desiderato efficaci patrocinio suscipite.

Et certè connata Vestra Benignitas de felici eventu me dubitare minimè permittit; cujus insignia in me beneficia jam toties sum expertus; sic ut imminetia Momorum tela, quasi in tuto constitutus, non expaveſcam.

Cæterum pro Vestrâ salute vota indefinenter nuncupare pergam, Numenque Supremum supplex venerabor, ut diu VOS lætos, sospites, felices, pro communi Civium salute, clementissimè conservet, ac benignè concedat, quò Medicinâ rarò indigeatis, Consiliorum robore constanter valeatis, regimine tranquillo ex votò gaudeatis, omniumque desiderandorum bonorum confluxu, *Amplissimi Augustæ Patriæ Patres*, nunquam non abundetis.

Tan-



Tandem, in me quantum est, porrò annitar,
ut debitâ devotione erga VOS nemini cessisse, vi-
deri queam.

Dabam è Musæo Año O.R. M, DC. LXXIII.
Mense Martio.


ILLUSTRISSIMI NOMI-
NIS VESTRI

*cliens obsequentissimus,
humillimus,*

*Lucas Schröckius, Luc. Fil. Medicinæ
Doct̃or, & Physicus Augustanus.*

LECTORI

LECTORI AMICO
SALUTEM!

 Nnus jam agitur vigesimus secundus, ex quo *Johannes Zvelferus, Medicus Viennensis*, temerario ausu *Celebratissimum Augustanorum Dispensatorium reformatum*, vel potius *deformatum*, luci publicæ primò exposuit, ac cum *famigeratissimo Augustanorum Collegio Medico* parùm modestè & humaniter egit, sed convitiis immaniter illud laceravit, ansâ maledicendi vel à levissimis, & vix nuce casâ dignis rebus, protervè sæpius arreptâ. Constituisset quidem *laudatum Medicorum Synedrium* justam adversario opponere apologiam. Ast monitum à Viris in arte medicâ præ aliis Excellentissimis, ne cum homine ad contentionem nato, ignobile bellum iniret, amico consilio locum dare haud detrectavit, ad meliorem frugem Zvelferum rediturum sperans. Verùm dubiam emendationis spem *appendix*, annos post aliquot, *animadversionibus* jam editis superaddita, reddidit; quinimo *ultima Operum editio, cum Apologiâ contra Clariss. Otton. Tackenij, Medici Veneti, Hippocratem Chemicum &c.* planè omnem abstulit, *Augustanis* de novo falsè admodum, sive insulsè pot' us, ab homine illo se traduci, videre coactis. Quis arma iusta in efferatam istius Scriptoris dicacitatem arripere, indecorum putaret? Micis tamen ac ad tranquillitatem compositus

P R Æ F A T I O.

Augustanorum animus, rabiem illam silentio compescere, magis decorum duxit, lunam, quod dicitur, ab allatrante invido cane obscurari haud posse, sibi persuadens; præcipuè cum elusceret, *Zwelfserum* non veritatis amore, nec virtutis ardore tam adversæ mentis esse, sed ut deprimat, alios medicos ipsius deliramenta non adprobantes, sine erubescentiâ maledictis incessere. Quis virum illam morbosum medicè planè tractatum negaret? Hunc postquam fata tulère, efferam istam quosvis sine ullo respectu invadendi, mordendi, lacerandi libidinem, simul tumulatam fore, spes fuit. Ast eventus longè aliud edocuit. Primus scenam Momorum repetiit *Seplasiarius* aliquis, nomine *Fridericus Müllerus*, infernale virus denuò in *Augustanos* evomens. Nil ergo obstat, quò minus, *Hippocratis* ad normam, morbus ille lenibus hætenus cedere remediis detrectans, asperius tractetur, & quem olim in *Zwelfero*, tranquillum silentium sanare haud valuit, responsum quasi extortum in *Müllero* compescere queat. Quis enim temerariorum istorum, pacis & tranquillitatis perturbatorum, hosticos insultus perferre patienter ulterius queat? Præsertim quòd è silentio eorum, quos sibi adversos reddere tam injuriosè laborârunt, tacentes porrò provocârunt, victoriam jam partam imaginentur, indeque pæana canere, trophæa erigere, & tanquam re optimè gestâ exultare, aliis insultare sibi præsumant, cum tamen præter invidentissimum animum, ac loquacem arrogantiam in scriptis ferè nihil prodant. Quare ne modestia, hæc ex parte religiosè hætenus observata, apud honestatis bonæque famæ patronos in opprobrium justè veniat, *Pharmacopœja Augustana*, à Præclarissimis olim, & hodie etiamnum viventibus Medicis, per-versos, invidos, improbosque censores minimè expectantibus,

P R Æ F A T I O.

bus, sed gratos potius ac benevolos lectores sperantibus, non sine magno studio magnâque industriâ elaboratæ, honorem & splendorem, ab integro penè seculo illibatè conservatum, pro virili defendere & impeterricè tueri, pietas ac reverentia, quæ Venerandorum Antecessorum tam acerbè læsis manibus debetur, instigant; tum ne posterì habeant, quod de nimia, in neglectione vindicationis, facilitate nostrâ sinistrè judicent, refutationem hanc necessitas quasi extorsit.

Licebit itaque nobis, sine fraude, sine alienâ ope, nostrâ defendere, ac binis istis inhumanis misfocalis, qui tam improbè nos lacessiverunt, mercedem pro merito tribuere: Quam dum ego, *Inclyto Augustanorum Medicorum Ordini* adjunctus, solvere præsumo, Candidus lector vitio mihi non veret, nec insolentiæ me insimulabit, sed aperti pectoris sincerum hunc conatum benignè potius interpretabitur, spero; præsertim quòd ex Vitiigatorum istorum reprehensione, damnum, aut jactura non sequatur, quin ipsum Veritatis præcium, ac illibata Collegij tam celebris dignitas indè resurgat.

Atqui, ut verum fatear, nunquam non fastuosus ille *Zwelferi* ausus summè mihi displicuit, qui omni humanitate exutâ, ea quæ non intellexit, temerè correxit; alia meliori quæ fieri poterant modo, inurbanè & loquaciter, modestæ admonitionis loco, exagitavit; verbo, omne id strenuè executus fuit, quod Autoribus ægrè facere posse, sciret. Quapropter sapius animo concepi, me nugas illas aliquando orbi erudito aperturum, aut eas *Augustanos* non latere, saltem declaraturum esse. Interea post peregrinationes, ad patrios reversus lares, impudentissimum illud *Mülleri* scriptum luci publicæ expositum paulò post deprehendi. Quare cunctandum ampliùs non esse, ratus, quamprimum tempus

P R Æ F A T I O.

permitteret, id quod jam dudum meditatus fui, perficiendum statui, unâ fideiâ umbratilem *Müllerum*, atrasque *Zvelferi animadversiones* dealbari posse concludens, eo magis ad id incitatus, quia *Müllerum ex Senecâ, convitiatori non respondere, convitium esse, pag. 14. statuere, observavi.*

Nec est, quod quisquam sibi imaginetur, me, *Collegio nostro Amplissimo* instigante, hoc perfecisse. Unde si quid erravi, mihi, non illi Lector benevolus imputet. Et hæc eum in finem à me dicuntur, quò impudenti *Müllero* calumniandi occasio præscindatur; qui in suo, vel quasi, *extemporaneo responso ad Apologiam D. D. Raph. Schmuzij*, audacter adfirmare, *Augustanosque* insimulare audet, quasi ipsi *D. Schmuzium* subornassent, stimulassent, continuo pupugissent, ut quosdam sarcasmos, olidos germanismos, mixtos solæcismos, uti loquitur, typo daret.

Huic itaque adversario, qui *Medicos Augustanos* calumniis & mendaciis tam iniquè adortus est, breviter & succinctè, quòd luridæ ejus pagellæ *Apologiam* prolixam non mereantur, respondere constitui; non ut famam *Schmuzij*, cum quo nihil hîc negotij mihi est, vindicem, sed ut illibatum *Augustanorum Collegij Medici* splendorem, qui ipse per se clarus nullo indiget præconio, conservem, maculam aspersam, eluam, veritatemque propalando, omnibus *Mülleri* intempestivum atque risu dignum zelum, qui instar *spectri Virgiliani* (*æneid. l. 10.*) - - - dat inania verba,
dat sine mente sonum.

ob oculos sistam.

Quo autem nomine antagonistam hunc compellem? *Mülleri* enim, *Umbra*, *Zvelferi redivivi* & *gloriosi* &c. nomen in fronte gerit, *Hercules* etiam dici adfectat.

Herculis

P R Æ F A T I O.

Herculis nomen cum contra *Schmuzium* sibi tribuat, ipse, an eum tali epitheto decoratum velit, videat.

Zvelferus redivivus merito suo, si dexteritas calumniandi: *gloriosus*, si vanum aucupandæ gloriæ studium, & dum plus sibi de se, quàm alij, præsumit, pensitetur, vocari posset.

Umbra omnium optimè adpellarem, cùm responsi illius contra *Schmuzium*, autorem eum non esse, fama haud mendax huc detulerit. Nihil itaque, si author scriptum, suum repetat, nisi inane nomen, instar ridiculæ illius æsopicæ corniculæ deplumatæ, remanebit.

Miror autem, *Müllere*, cur sub umbrâ nominis tui alter ille latere desideret. An eum pudeat (ut vero simile videtur) tam infamis scripti, an verò dignas extimescat pœnas, ipse sciet; me non angit. Ne tamen sibi persuadeat, (licet tenebris, quibus immerfus esse amat *Doctor* ille, hac vice eum extrahere, animus non sit) quòd ignotus planè existat; & sic vel in posterum virulento suo stylo nos impunè petere posse, sibi imaginetur. Detractam enim sibi larvam sufficienter experietur.

Cur verò, *Müllere*, (sic mihi jam vocaberis, & tanquam Umbræ author, non repugnante vero authore, habeberis) nomen tuum libello illi, haud (quatenus *Augustanos* petis) famosi notam effugienti, præfixum vis? *Memorable & constantis amicitia* (ut in præfatione habes) *exemplar erga Zvelferum quò ederes*, respondebis. Nec immeritò post fata etiam *Zvelferum* colis, à quo tot beneficiis cumulatus fuisti, veritus forsitan, ne severam esses incursumus reprehensionem, si tam citò veteris amoris adfectus & beneficiorum memoria in te detepuisset. An verò Mecænatem non nisi alios, sine causâ, traducendo colere potuisti? Quid si *φιλαυσίας* vitio, quo tur-

gere

P R Æ F A T I O.

gere diceris, tam iniquum factum te commisisse dicerem, an à vero aberrarem, aliis morum tuorum gnaris expendendum relinquo?

Præcipuum, quo *Augustanos* invadis, uti supra jam innui, argumentum tuum est, ex falsâ præfumptione & criminosa suspicione ortum, dum *in præfat.* Lectori persuadere conaris, ex nullo alio capite *Zwelferum* peti, quàm merâ invidiâ, sic blaterando: unde *sententiarum divortia*; unde *in Zwelferum odia quaris*? quia vir bonus, felix in praxi, notissimus scriptis, & laudatissimus *Augustanorum* Reformator. Ut autem *Zwelferum* everterent, subornaverunt, stimularunt, continuò pupugerunt *Schmuzium*, donec tandem prodiret, & quosdam sarcasmos, olidos germanismos, mixtos solacismos typo daret.

Atqui quanta est tua temeritas, quòd pag. 6. ludicri libelli, ex istâ iniquè præconceptâ opinione, *Augustanos* vocas *Schmuzij* clientes; & pag. 7. Collegium *Augustanum* se *Schmuzij* concedidisse tutela, audacter adseris. Parùm, crede mihi, angit *Augustanos*, modestiæ & tranquillitatis amatores, utrùm *Zwelferus*, *Schmuzius*, vel alius convitiis superior palmam reportet. Turpis istiusmodi victoria in partes vestras quin semper inclinatura sit, vix est qui dubitet; tot egregiis fortitudinis in maledicendo à vobis jam editis speciminibus; quæ sive intimis vos *præcordiis* (cuis utor verbis, umbræ author) aut *medullis titillet*, sive præ gaudio exanimet, non curant *Augustani*. Prout nec pro capite infixæ vobis an sint *cucurbitæ*, aut *fungi procreati*, (ceu tibi fortè malè conscius pag. 7. persuades) iidem solliciti sunt. Qualiter autem caput tuum se habeat, apologia edita amplum cuivis, qui velleret, differendi præberet campum. Hinc (quod ipse metuisse te ais) labore illo

P R Æ F A T I O.

illo edendi apologema supersedere faciliùs potuisses, quam emendicatum nunc defendere vix sufficies.

Cæterùm, num *Augustani Schmuzium* justæ suæ causæ patronum implorârint; an verò *Schmuzius Augustanorum* favorem ambierit, haud determino.

Certissimum est, *Augustanis* nunquam in mentem venisse, ut sperarent, multò minùs expeterent tutelam *D. D. Schmuzij*, quem vix unus eorum novit. Nec certè, si *Zwelferi* animadversionibus respondere dignati fuissent, opem ipsius pro defensione suscipiendâ implorâssent.

Nostrium itaq; *binc & binc persistit jus*, nullo modo, quod putas, *claudicans*. Et si bona causa, prout scribis, bono eget advocato, quid verus Apologiæ editæ author dicet, qui nomen suum profiteri dubitavit, & forsan æquitati causæ dissensus, sub umbrâ nominis tui latere, satius duxit?

Tutetur partes nostras, qui velit. Si rem benè & candidè peragat, laudes merebitur maximas; sin defensione suâ, proprio lubitu & iniquo ausu susceptâ, in famæ nos discrimen adducat is, parùm æstimabitur.

Pag. 10. pergit, in conjecturas audax, dicens, *Schmuzium* notorios facere complices his verbis: *vicit me doctissimorum virorum indefessus stimulandi animus*. Egregius sanè interpres dictorum ejus, cujus patrocinium nunquam ambiverunt Medici, qui *Augustæ* sunt. Mox nefanda ingerit vituperia sequentia: *quicumq; illi sint Antagonista pessimi, sapientia non merentur insignia*. Ex hoc itaque *Schmuzij* capite, *Müllere*, *Augustanos Schmuzium* stimulasse, hujusque tutelæ se comisisse, divinasti. Verùm quàm frigide in Logicorum Scholâ, quorum tamen syllogismos crepas, versatus sis, sufficienter hoc ipso comprobas; solâ scilicet opinione ductus tam turpiter ratiocina-

tus es,

P R Æ F A T I O.

tus es. Viri autem sapientis est, cautius procedere, nec talia fallaci è fundamento depromta, pro certis venditare. Hinc tu, qui non benè exploratâ causâ, cùm tamen potuisses, calumnias istas in *Augustanos* mendaci ore protulisti, *sapientia non mereris insignia*. Müllere, *Antagonista pessime*.

Ut autem rem ab ovo, quod dicitur, deducam, orbiq̃ue patefiat, quàm dulce tibi fuerit, à regio veritatis tramite recedere, tantùm in viros probos, pro connatâ libidine, debachari ut posses; faciliè imaginari tibi poteris, *epistolam* illam *apologeticam* cujusdam *Anonymi* (quem nonnulli hunc ipsum, sub larvâ tuâ delitescentem Doctorem arbitrantur; quod cùm parum ad rem faciat, in me haud suscipio defendendum) *contra Schmuzium, operibus Zvelferi, Anno M. DC. LXVII. Noribergæ editis, adnexam*, ob sarcasmos largiter insperfos, intimas boni Senis adfixisse medullas. Hinc vindictæ, famæq̃ue adferendæ cupidus, apologiam in vernaculâ & latinâ linguâ conscripsit, ac utramque *Anno M. DC. LXXIX. ad Excellentissimum Virum D. D. Jo. Balthasarem Stangium, Collegij nostri membrum honoratissimum, atque Celsissimi & Reverendissimi Principis, Episcopi Augustani Medicum, nec non Serenissimi Ducis Neoburgici Personæ Medicum & Consiliarium*, cui tamen res hæc summè displicuit, misit, cum illius, tum Collegarum expectens judicia; ubi, quòd responsum subsequeretur nullum, 22. *Augusti, ejusdem anni*, in literis ad ipsum Collegium datis talia perscripsit: *tribus vel quatuor abhinc propè mensibus, apologiam quandam rudi Minervâ conceptam, D. D. Stangio & Collegæ Vestro, contra Augustani Dispensatorij, meiq̃, mastigem susq̃, deg̃, malè feriatum Zvelferum, misi, tum illius, tum aliorum venaturus judicia, quoniam non mei solius, verùm etiam, & præcipuè Celeberrimi Vestri Collegij Medici plurimum interesse, mihi quidem videbatur. Hactenus tertio vel quarto monitus non remisit &c.*

Quibus,

P R Æ F A T I O.

Quibus literis Collegium nostrum ultimo d. August. hunc in modum respondit: Dudum accepimus (non diffitemur) à honorando nostro Dn. Collega, D. Stangio, duplicem apologiam, in Latio & Vernaculâ contra Zvelferum ab Excellentia Vestra conceptam, eandemq; omnes & singuli perlustravimus, ac cognovimus justum animi dolorem, quem ex iniqui & maleferiati istius censoris, pessimo more quosvis, absq; ullo vel dignitatis, vel doctrinæ, vel experientiæ respectu protervè invadentis, nimis licentiosa laudabilium Vestrorum scriptorum censura, E. V. ad animum traxit. Nos quod attinet, fucos & fumos illos non curamus, nam licet εὐδοξίαν majorum obfuscare nitantur, splendorem tamen illis demere antiquum minimè valent; cùm à benevolis ac æquis venerandæ antiquitatis meritorum æstimatoribus faciliè dispellantur. Nec tam humili & abjectâ mente sumus, ut versemur in formidine, ne Γενειοφγορεῖν nobis objiciatur, moniti enim à Viris nostræ Facultatis primariis, ne cum homine ad calumniandum nato contentionis serram ducamus, meritò obtemperavimus, multò minùs jam cum larvâ aut manibus ejus pugnare animus nobis est. Habeat sibi gloriosus iste duodecumanus suam δόκονιστοφίαν, nos manebimus in tranquillâ Diis hominibusq; gratâ modestiâ, & in bonorum studio, sic satis samæ nostræ prospectum erit. Ceterùm quòd in hunc usque diem apud nos permanserint Excellentie Vestre scripta, (ut ingenuè fateamur) moræ causa fuit, quòd honorificè præfatus noster Dn. Collega, D. Stangius absq; comitibus nostris literis illa remittere, sibi grave duxerit; quare id consilij inter nos cæptum est, ut absque ullâ cunctatione ablegari debeant, quamprimùm E. V. super hoc negotium à Collegio sententia suæ explicationem petierit: id quòd jam bonâ fide præstamus, gratias pro communicatione agentes magnas, &c.

Nunc tuum, æqui amans Lector, erit judicare, an Augustani Schmuzium ad apologiam promulgandam incitaverint; an potius amicè & humaniter dehortati fuerint?

P R Æ F A T I O.

Quare plura hanc in rem, tanquam superpondia, haud adduco.

Sed primâ hac frivolæ suspensionis nebulâ discussâ, plurima alia diluenda restarent, quæ tamen partim vix merentur responsionem, partim inferius adducentur. Obiter itaq; saltem nonnulla examini subjiciam.

Pag. 14. quærenti *Schmuzio* : quis te *Dearum infernalium ad tam immane & audax reformandi & abdicandi Pharmacopœiam Augustanam* furia vit facinus ? (Noli similia ex *Zvelsero* quærere, *D. Schmuze*, vix veritatem apertè percipies. An nescis, ad quid arrogantia invidiaque tam superciliosos impellant ?) *Müllerus* expeditè respondet : *luxuriantes errorum stolones, & per totum Augustanorum Dispensatorium velut infame folium* (lolium, dicere vis?) *& zizania repentes, cum mendis defectus id exquirebant.*

Quæ te dementia cepit ? Si tamen amœnæ, saluti feræque herbæ idem tibi sunt cum inutiles zizaniæ, ideoque extirpandæ, vicisti. Ast caveas, ne prudentiores hortulani temerarium tuum ausum conspicientes, condigno te excipiant modo. Quam didicisti artem, exercere, conducibilius tibi fore, existimo, quàm si eo modo id, quod non intelligis, tractare præsumis.

Pag. 15. exclamas : *reformati estis*, (quomodo ? pessimè, & contra æquitatem. *Zvelserus* enim *is non fuit, cui data potestas reformandi pharmacopolia*) *cusi, recusi*, (quò sapius prelo subjicitur liber, eò gratior lectori judicatur esse; idem *Pharmacopœie Augustanæ* toties cusæ debetur) *formam debetis Zvelsero* (egregiam formam, dum benè formata, reformatis, deformatis, destruitis ! An autem forma illa *deformati Dispensatorii Zvelsero* debeatur, *Höferus*, infra audiendus, unâ cum aliis judicet.) *Prius solio deturbabitur Apollo, (Flecti dum nequeunt superi, Acheronta movere,*

P R Æ F A T I O.

movere, præsumis) omnesq; claudentur fabula (quas ad nauseam usque subinde produxisti) *quàm Augustani Reformatoris* (Reformatoris) *nomen abrogabitur.* (ô bruta fulmina! Nec Herophilæ, famosi illius templi Ephesi incensoris, nomen, ullum filere seculum, memento.)

Objicis ulterius: *ne syllogismum quidem* (quid tua crassa Minerva syllogismos crepat? non venduntur ij in pharmacopoliis, aut ibidem addiscuntur) *spatio annorum septendecim,* quibus Zvelferus censuram suam edidit, *in tutelam Pharmacopœiæ suæ & Zvelferi confutationem,* Augustanos efformasse. ô, quàm tremenda objectio! Percepisti credo, superius abundè causam diuturni illius silentij; & si hebes tibi fuerit ingenium, diffusius explicatum tibi in posterum iri, confide.

Causam silentij, omni deposito pudore, *timori* imputas. An tam horribilia vos monstra esse, prædicas, quæ terrorem omnibus incutiant? Licet Herculis adfectes nomen, præter hoc vix quidquam Herculeæ virtutis tibi conceditur. Quinimo si timorem inhibuisse responsum, quod tamen constanter pernegatur, consentirem? Cùm viperini vestri dentes, quosvis immaniter mordentes, & calumniarum veneno inficientes, à consortio & certamine vestro ut alios revocent, apti sint.

Pag. 16. iterum provocas: ad arenam venite, disputate. Nimiùm abuteris patientiâ nostrâ. Disputare cum homine ἀνὴρ, indecorum, frustraneum est.

Verùm nec hîc nugarum terminus est, dum novum mendacij specimen expeditè edis, putidè nugando: *subornatis præclaros viros & doctos, de quorum numero D. Tackenius, felix Practicus.* (En! ut Tackenio adulatur, & contra Zvelferi, Mæcenatis sui, mentem, eundem *Virum præclarum, doctum & felicem*

P R Æ F A T I O.

Practicum vocat.) Nunc, *optime Tackeni*, ingenuè & apertè edisere, an *Augustani* te subornaverint, ut *Hippocratem* tuum *Chimicum* in lucem publicam produceres? An amicitia Tibi cum iis intercesserit? Nihil tale olim ex Te audire licuit. Tuus solus, *Müllere*, (quod nec *Zvelserus* quidem ausus fuit) calamus adferere illud, non dubitat. Interea tam diu mendax habebis, quàm diu *Tackenum*, ut *Zvelserum* invaderet, ab *Augustanis* subornatum fuisse, nugari perges. Tibi verò, Lector benevole, sequentia è literis dicti *Tackenij*, Anno M. DC. LXXII. 21. Martij, *Venetis* ad me perscriptis, verba excerpere volui: Sanctè fateor, me de *Augustanorum* Collegio huc usque temporis (te excepto) cognoscere neminem, & nunc (ni fallor) tertius evolvitur annus, ex quo me Tibi *Schenckij* autoritate obligat amicitia fœdus. Quisquis sit mendacis hujus auctor libelli, qua testimoniorum basi talia mendacia suffulciat, ignoro: nulla enim necessitas elucet, qua compulsus Nobilissimum *Augustanorum* Collegium mihi calcaria subdiderit, ut *Reformatoris* fastus, superbia, furor oppugnaretur, &c.

Pag. 17. novis concitatus furiis, apertè provocare pergis. Quàm verum est: quò quis indoctior, eò impudentior. Audivisti credo, tecum, tecum, inquam, ἀμύσσειν, disputando congregi, indecorum esse & frustraneum. Sutor ne ultra crepidam judicet. Tuum, *Müllere*, est, pharmacis juxta præscriptum Medicorum ritè parandis invigilare, non disputare.

- - - - Illà se jactet in aulâ
ingenium tuum, nunquam non illius dicti *Horatiani* memor:
(lib. 1. epist. 14.)

Optat ephippia bos piger; optat arare caballus.

Quam scit uterque libens, censebo, exerceat artem.

Si itaque in te boni viri character (tuis te compello verbis) & nota, scintilla famæ, & vel mica salis & prudentiæ, in posterum digito

P R Æ F A T I O.

digito labellum compescas, nec in Virorum bonorum famam, quibus te nauci æstimandum præbes, ampliùs involes.

Satisfiet autem petito tuo, & monstrabitur, *Zvelferum* sæpe *crassos, palpabiles & trabales errores* vocare, qui errores non sunt. Monstrabitur, *Zvelferum* minùs debità in *Augustanos animadvertisse*. Monstrabitur, *Zvelferum* iisdem animadversionibus, quas Augustanis destinavit, impegisse. Monstrabitur, *Zvelferum* multoties alienis plumis superbire. Monstrabitur, quantùm occasio & materia alicubi ferunt, quid de uno & altero medicamento *Zvelferi Pharmacopœia*, quam *Regiam* vocat, statuatur.

Interea te, aliaque convitia ab impudenti calamo tuo in *Augustanos* effusa, missa facio, saniorẽ tibi exopto mentem, & ne ampliùs improbum hoc aliena mordendi ac magnis mendaciis adspargendi, negotium adgrediaris, amicẽ adhortor.

Nunc ad *Zvelferum* me converto, qui licet in cavillis suis adeo acerbè cum *Augustanis Medicis* egerit, ut si paria illi reponere, & justam calumniarum vindictam moliri, animus esset, satyrici sales abundantissimè convocandi essent, nitrum pro eo defricando deficeret, & modestiæ cancelli, intra quos Viri docti se continere debent, excedendi forent. Quam enim alicui quis non præstat, ab eodem certè non exigit lenitatem. Nihilominus à gravioribus animi motibus abstinẽbo, severiora cessabunt scommata; &, quantùm virulentum illud scriptum permittet, leni manu ulcerosas *Zvelferi animadversiones* tangam. Cùm mihi ratio habeatur, non quod iste merito audire debeat, sed quod benignas aures haud offendant.

Obgannient quidem nonnulli, & inhumanum dicent, vindi-

P R Æ F A T I O.

vindicias contra *Zvelferum* jam defunctum moliri; facile esse, demortui refutare sententiam; de mortuis non nisi benè loquendum; & quæ hujusmodi alia objicere consueverunt. Non tamen hæc à proposito retrahere me valent, qui minime *Zvelferum* exagitandum, sed *Augustanorum Dispensatorium* contra *ejus animadversiones* defendendum, constitui.

Nec cum larvis luctari, dici potero. *Redivivum* enim, modò audivistis *Zvelferum*, in gloriabundum *Müllerum* animâ *Zvelferi*, per *μετεμψύχωσιν* *Pythagoræam*, transmigrante.

Qui verò piaculum esse, mortuis insultare, clamitant, nimium iniquos hi ipsi erga *Zvelferum* suum, in tot defunctos absque causâ crudelissimum, se præbent. Nam quot scommatibus *Exc. Mindererum*, *fatis jam dudum functum*, exagitat? Quàm protervè in plurium aliorum tum antiquorum, tum recentiorum, imò omnium Medicorum, qui à condito mundo in arte pharmaceuticâ quid scripserunt, dispensatoria antiqua adprobarunt, & eorum medicamentis usi fuerunt, manes involat, pungit, convitiatur?

Et eò gravius quidem deliquit, ac naturæ & conscientiæ repugnavit *Zvelferus*, qui non provocatus, imò ne verbulo violatus, habenis ultrò laxatis, Virorum in re medicâ peritissimorum atque de eâ meritissimorum, famam pruriente, calamo pessundare adlaboravit; nullâ, quæ alicujus momenti foret, causâ impulsus. Quam enim toties adducit, veritatis scilicet amorem, artis pharmaceuticæ ac proximi emolumentum, an admitti possit, dubium relinquitur; bonum utpote prætextum re ipsâ dubium reddente. Et ponamus, unicum illum fuisse *Zvelferi* scopum, an iste conatus absque convitiis & scommatibus perfici non potuit? An in genere, si qui errores artem pharmaceuticam tenuerunt, leniter
emen-

P R Æ F A T I O.

emendari haud potuerunt? An *Pharmacopœja Augustana* desiderio huic inservire debuit?

Non equidem videri vult, ac si *convitiandi libidine aut cavillandi* (ut pag. 18. *apolog. contra Tacken. habet*) illud peregerit; sed solo unoq; communis boni ac emolumenti studio. Pag. insuper seq. 19. nulli injurium se fuisse, & neminem *Augustanorum se suggillasse, aut in particulari commemorasse*, scribit. Ast falsissimum, hoc effatum esse, *animadversiones ejus* abunde edocent. Quot cachinnis excipit Authores medicamentorum *Dispensatorio Augustano* insertorum? Quoties *insulas, inutiles, ineptas, inconcinnas, ridiculas, vanas, stupidissimas, absurdas, ad destructionem ægri excogitatas* &c. vocat eorum compositiones? Ipsos etiam Authores gloriolæ cupidine prurientes, ignaros, & nescio quibus aliis probrosis nominibus onerat? Quàm acerbè in *honorifice præfatum Mindererum, scriptis celeberrimum*, toties debacchatur? Et hic est ille homo, si Diis placet, *pacis & tranquillitatis cultor*; uti pag. 84. *dictæ apologiæ*, se ipsum commendat.

Certè si quod res est, dicere velimus, invidiâ præcipuè & arrogantia turgidum animum, ad tantum facinus perpetrandum, incitasse *Zvelferum*, probatæ fidei Viris videtur.

Invidiosus, inquam, livor arma hæc in *Augustanos* movit, quorum *Dispensatorium*, prout *animadversionum proœmium* habet, *ubivis in Germaniâ à Medicis & Pharmacopœis receptum* est. Hanc operis celebritatem obliquis intuitum oculis, ex animo hominum excludere illud tentasse, vero est simillimum. Quo ipso *Augustani* habent, quod sibi gratulentur; nec etenim, ut invidia à se exulet, desiderant, certi, invidiam esse pedissequam virtutis, imò cum ipsâ pronasci. Unde laudem merentur, qui invidos habent, tanquam indubitatum signum, eos doctrinâ, sapientiâ, vel aliis dotibus, præ cæteris eminere.

Igno.

P R Æ F A T I O.

Ignobiles & abjectæ sortis homines invident ; non autem, ipsis faciliè invidetur!

Arrogantiâ etiam, dum solum se arbitratur *Zvelserus*, quem æquus amavit Jupiter, excitatus, nominis sui immortalitatem sibi parere se posse, dubio procul judicavit, si everso celebratissimo, & ubivis in Germaniâ recepto *Augustanorum Dispensatorio*, suas obtruderet chartas.

Hoc in memoriam mihi revocat dignam illam memoratu *Galenî* sententiam, lib. 2. de comp. medic. per gen. cap. 13. prolatam : *Plerique Medicorum à pharmacis, quæ optimi quique Medici longi temporis experientiâ satis probarunt, eog. nobilia reddiderunt, hac ratione solum abstinunt, ut ipsi melius quippiam habere videantur.* Vivis sanè coloribus arrogantia *Zvelseri* hic depingitur ; cujus ipsemet per totum librum suum luculentissima vestigia impressit, & præcipuè in præmio *Pharmacopœiæ Regiæ*, dum hoc suum dispensatorium pro normâ & idæâ, ad quam alia conformari possint, venditat gloriabundus Dictator, illud *Pythagoræorum* : *αὐτὸς ἐφα, Zvelserus hoc dicit, adfectans.*

Hinc quod ipse non invenit, id ferè omne monstruosis lacerat convitiis, adeo ut commodissimè illud *Terenti* ipsi adplicari possit :

*Homine imperito nunquam quidquam injustius,
qui, nisi quod ipse facit, nihil rectum putat.*

Undè in *App. Animad.* tot diris verbis in illos involat, qui meliora edocti, medicamenta sua ad normam animadversio-num suarum parare recusarunt.

Execranda autem est ejusmodi illicita in medicâ arte principatus adfectatio, quem tamen jam occupasse *Zvelserum*, nonnulli arbitrantur. Sic excussus supra *Müllerus* pag. 27. citata apologiâ exclamare non veretur : tota jam *Europa* applaudit doctrinæ

P R Æ F A T I O.

doctrina Zvelferiana. Perlustremus parùm, quid veri subfit. Distinguere utique debuisset sine ratione differens *Müllerus*, & dicere: non tota Europa, sed nonnulli Europæ incolæ, Medici ac Sepiasarij, doctrinæ Zvelferianæ totis viribus adplaudunt.

Si tota Europa *Zvelfero* subscribit, quamam in mundi parte collocanda erunt loca, quæ repudiata normâ Zvelferianâ, Augustanam sequuntur? Vanitatem vanæ illius gloriolæ arguunt *Francofurtenses*, *Hafnienses Medici clarissimi &c.* quorum, Illi statutis *Pharmacopolas concernentibus*, Anno M. DC. LXIX. editis tit. 3. §. 9. seqq. inseruerunt: Die medicamenta composita, so in den Apotheken ad usum reservirt werden / sollen aus dem Dispensatorio Augustano (nulla hic de Zvelferiano mentio) zubereitet werden. Hi verò quid de *Pharmacopœiâ Augustanâ* sentiant, *Vir omni laude major Tb. Bartholinus*, in præfat. Dispensat. *Hafniens.* Anno M. DC. LVIII. in lucem editi, his verbis innuit: *Sequuti sumus presso pede instructissimam Medicorum Augustanorum Pharmacopœiam, ad cujus normam pleraque nostra exegimus.*

Incomparabile illud artis medicæ decus, *Job. Theodor. Schenckius*, post fata etiam mihi colendus, in dedicatione partis primæ medicinæ generalis, Collegium nostrum sic alloquitur: *Dispensastis unâ cum Pharmacopœiâ plus quàm Regiâ, & cui antea major nulla, nec posthæc ulla aliqua erit superior, famam Vestram.*

Quid de *Inchyto Noricorum Medicorum Collegio* dicam, quod *animadversiones Zvelferianas Censuræ suæ*, ante primam earum impressionem commissas, typis indignas judicavit; *Amplissimus* itidem *ibidem Senatus* pariter rejecit, literis eâ de causâ huc perscriptis, illud attestantibus? Quinimò publicum ejus rei prostat testimonium, *Vindiciis Helvici Dieterici adversus Ott. Tackeniū*, pag. mihi 222. insertum, ubi præfatum Collegium Noricum

P R A E F A T I O.

his verbis *Dietericum* alloquitur: *tempora hæc ut infamiâ laborant, ita infrunitâ fronte infames alunt bestias, in quas sese interfecti pudoris homines, donec satientur myricâ, transformant. Quotidiè illorum morsunculas experimur, & nobiscum alij viri cordati, quos eruditio & velocibus quadrigis honor super athera vexit. Quid augusto Augustano Collegio acciderit, mundus loquitur immundus, mundus autem & candore tersus improbat.*

Porro (ut hoc obiter addam) quantum ex fidâ aliorum relatione mihi constat, *Ratisbonæ, Argentorati, Ulmæ, Dantisci, Regiomonti, Berlini, Basileæ, Tiguri*, multisque aliis in celebrioribus *Germaniæ*, & consequenter *Europæ*, urbibus, non *Zwelferiana*, sed *Augustana Pharmacopœia* adhuc in usu est.

Sic igitur elucescit, vana esse somnia, & blandas titillationes (an dicam sordidas adulationes?) de universali *Dispensatorij Zwelferiani* adoptione, larvatumque *Müllerum*, pro more suo, à veritatis tramite declinasse.

Ast posito, totam *Europam*, (quanquam multitudo errantium erroribus non pariat patrocinium) *Zwelfero* adplaudere; nonnullis pharmaceuticam artem spectantibus monitis; non injurioso in *Augustanos* calamo ipsius, adplaudet. Sic non omnibus ejus Amicis injuriosa illa verba probata fuisse, *Augustani* probè norunt. Sciunt, *Zwelferum*, ab Amico monitum, ut rejectâ verborum asperitate, meliùs rem istam perageret. Quanquam surdo narrata fuerit fabula, qui à conceptâ semel animo sententiâ dimoveri noluit.

Sed ut propiùs ad scopum accedam, uno quidem ariete tota iniquarum animadversionum moles disjici posset; cum *Augustani Dispensatorium suum* typis evulgasse videantur, non ut ex eo ipsam medicamentorum præparationem *Pharmacopœi* addiscerent; sed potius ingredientium seriem dosimque oculis

P R Æ F A T I O.

oculis subiecta haberent, omni industriâ observanda. Nihil tamen per hocce derogatum ipsi volo, quia maximâ ex parte præparationes in eo traditæ firmo stant talo, non indigæ rigorosâ reformatione.

Magnus Conringius cap. 11. introduct. ad medicinam animadversiones Zvelseri ex parte quidem laudat, sed laudatissimis quibusdam viris nimium insultare ipsum, addit. Propterea quoque Flaminium Guastonem lib. de peste thesi 61. illas Zvelseri animadversiones parùm pudicas vocare, arbitror.

Esto autem, in aliquibus compositionibus *Augustanos* errasse. Esto, à *Zvelsero* justè ipsos corrigi. An ideo tam mordaci, protervo & virulento calamo petendi erant? An potius moderato animo illa, quæ reprehensione digna judicabantur, notare conveniebat? Esto, *Zvelserianas animadversiones* omnibus numeris absolutas esse. An tot scommatibus coronandæ erant, non nisi auctori, merito suo, dedecori futuris? *Quercetanus, Sennertus, & multi alij præclari Medici, Zvelserum* multis parasangis eruditione superantes, in quosdam Pharmaciæ errores etiam animadverterunt; ast non adeo inhumanos in eorum autoribus exagitantis, se præbuerunt.

Debita correctio, tranquillo animo instituta, eruditis & modestis hominibus grata acceptaque est; econtra concitatiore cum animo quæ fit, detestanda censetur. Adplaudunt & *Augustani*, non invident, non fremunt, si speciosis, sapientiæ ac modestiæ verbis eventus respondeat. Minimè negant, aliqua meliori modo fieri posse; illa omnia tamen planè fallere, pernegant.

Ut jam non dicam, multos adhuc non immeritò dubitare, an nova medicamentorum præparatio, in cerebello fa-

P R Æ F A T I O.

stuofo excogitata, eundem salubrem cum illo Veterum, ab almâ Medicinæ matre, Experientiâ, in tot ægrotorum myriadibus sufficienter, per filios genuinos, quos Orbis Medicus stupuit, comprobato modo sortiantur? Arduum enim est, ejusmodi noviter, à ratione inventorum medicamentorum experimentum demum instituere; cum sæpe sæpius illa, rationi quàm maximè conformia visa, experientiæ censuræ subjecta, effectum desideratum minùs feliciter consequiprehendantur. Digna est, quæ hîc adducatur sententia, quam *summæ autoritatis Medicus, Dan. Sennertus in Oper. suor. Prælicor. præfat. è Foresto, contra istiusmodi Novatores decernit: Temerrarium & insignis stultitiæ argumentum est, in ancipiti medicamento, periculum facere, quando nulla cogit necessitas, & meliorum copia suppetit.*

Nec defuerunt Majoribus nostris, scientiâ medicâ eminentissimis, rationes, temporum injuriâ nos fortè latentes, ut & experientia, quò medicamenta eo, quem tradiderunt modo, præpararent. Ut ita indiscriminatim pro lubitu illa corrigere velle, hominis prorsus temerarij; imò Præceptores, insuper (quo nomine antiquos Medicos jure dignamur, à quibus fundamenta, magno cum labore & diligentia jacta, accepimus; quibus dein alia aliqua superstruere, facilioris negotij esse videtur) tot scommatibus traducere, eorumque præcepta, ex fido & firmo manantia pectore, injuriosè evertere, impij ac ingrattissimi discipuli foret.

Sanctè adfirmare possumus, scribit Job. Theod. Schenckius part. 1. Syntagm. componendi & præscrib. medicam. sect. 1. cap. 2. Veterum formulas primum ad aspectum sapissimè inconcinnas videri, à docto tamen peritoq; pharmacopola secundum artem elaboratas, artificij plenissimas esse, sicq; præter meritum & satis intempestivè castigari corrigiq;.

Credite,

P R Æ F A T I O.

Credite, verba sunt celeberr. Melch. Sebizij in præfat. speculî medic. præct. Veterum compositiones non nisi singulari DEI præpotentis providentia conservatas, & ad nostram usque ætatem propagatas fuisse, ut ingrati cuculi, imò & injuriosi in Conservatorem & Propagatorem, DEUM Optimum & Maximum, meritò censendi sint, qui compositiones officinales summo cum judicio excogitatas, longòq; usu comprobatas, ridere & stocchi pendere, aut prorsus eliminare minimè crubescunt.

Si errârunt, humanum quid esse, errare, adversariorum cohors sciât. Non malitiâ; sed humanâ imbecillitate, rei gravitate, aliisque negotiis maximè arduis pressi, errârunt. Humana idcirco correctio pariter sit, necesse est; quam tamen cuivis Momo & Blateroni instituere, integrum haud est ac licitum.

Quis autem se perfectum, verè gloriari valet, ut non posteris nova investigandi, vel antiqua perfectiora reddendi, ansam relinquat? Certè & *Zvelseri* defectus scripta propria loquuntur, posterî testabuntur.

Non omnia possumus omnes, nec quidquam uno tempore simul inventum, excultum & confirmatum dici mereatur. Successivè cuncta incrementum capiunt. *Multa*, inquit *Seneca natural. quæst. lib. 7. cap. 31. venientis ævi populus ignota nobis sciet. Multa sæculis tunc futuris cùm memoria nostri exoleverit, reservantur. Pusilla res mundus est, nisi in illo quod querat, omnis mundus habeat. Non semel quedam sacra traduntur: Eleusis servat, quod ostendat revisentibus. Rerum natura, sacra sua non simul tradit. Initiatos nos credimus: In vestibulo ejus hæremus, illa arcana non promiscuè, nec omnibus patent: reducta & in interiore sacrario clausa sunt. Ex quibus aliud hæc ætas; aliud, quæ post nos subibit, aspiciet.*

Dandum

P R Æ F A T I O.

Dandum igitur aliquid priorum seculorum compositionibus, suspendendum est aliquantisper iudicium, si quandoque bonus dormitavit Homerus. Perfectum quid, arduum præcipue quod est, reddere, non humanis competit viribus; sed divinæ proprium censetur naturæ. Quod cum primis in arte pharmaceuticâ locum invenit, quæ amplissimo circumscribitur circulo, semperque nova investigandi, inventa ulterius perficiendi, modum relinquit. Quilibet igitur doctus & ingenuus medicus, quodlibet Dispensatorium continere nonnulla, correctionis, successu temporis, rationis & experientiæ ope instituendæ, indiga, haud inficias ibit.

Hinc nimium decipitur *Zvelserus*, solum se albæ gallinæ filium credens, dum *Augustanos*, & cum iis omnem venerandam Antiquitatem, qui cuncta summè perfectâ in *laudato suo Dispensatorio* haud tradiderunt, tam acerbè culpandos censet. Memor esse debuisset triti illius: *quod tibi non vis fieri, alteri ne feceris.*

Si paria referre liberet, *Zvelserus* malè mulctatus abiret. Multa enim tum *Animadversiones*, cum *Pharmacopœia Regia*, cum ejus *Mantissa Spagyrica*, virgulam censoriam non sustinentia, continet, multa etiam, quæ meliori modo fieri possent.

Miror autem, quod *Augustanos* artem medicamenta componendi, docere audeat turpis Doctor, sibilo potius quàm auscultatione dignus. Juxta enim illud vulgare:

Turpe est Doctori, cum culpa redarguit ipsum.

Nam quid turpius esse potest, quàm erroris reprehensorem simul esse, & fautorem? Quid turpius, quàm fundamenta pharmaceutica aliis, docendo, tradere, & eadem tradita ab ipso autore non observari?

Qua-

P R Æ F A T I O.

Quapropter *Zvelserus*, aliorum in vitiis, oculis lynceis² prædictus, in propriis talpâ cœcior, *Augustanos Medicos* dum reprehendit, se ipsum convitiis obruit. Quæ enim in iis corrigit, majori ex parte in ipso pariter corrigenda deprehenduntur.

Quo ipso argumentis pro defensione *Pharmacopœiæ Augustanæ* adducendis, eò validius robur subministrat. Hostis utpote testimonium, aut magnoperè æstimandum veniet; aut nævi insignes, quos *Augustanis* adfricat, in ipso manifestati, omnium ludibrio exponentur, quos prius delere, *Zvelserianis* incumbet, antequam aliorum tangere licebit.

Addictissimis insuper his *Zvelseri* adfœclis ansa præbebitur, quò in posterum, consideratione alienorum errorum, cautiore procedant, ne ad eundem lapidem impingant, quem aliis cadendi causam fuisse, opinantur. Discantque, *ἔσθ' οὐ μωριέσθαι, ἢ μωριέσθαι*, *facilius esse vituperare, quàm intari.*

Et eò majori dedecori hoc *Zvelsero* cedit, quò diutius in diverforum Pharmacopolarum servitio stipendia meritis² fuit, atque in conficiendis medicamentis per sedecim annorum decursum unicè desudavit; sic ut facilè meliores aliquot conficiendi pharmaca modos, alienis sumtibus, sibi adquirere potuerit, quàm alij Medici, non unicæ Pharmacæ, sed reliquis simul medicinæ partibus strenuam, ut par est, operam ac studium navantes.

Rem ipsam itaque eò alacriùs adgredior, Tibique, Lector Benevole, PHARMACOPOEIAM AUGUSTANAM pristino splendori RESTITUTAM, ac ZVELFERUM magnâ ex parte à ZVELFERO REFORMATUM sistere pergo.

Duram

P R Æ F A T I O.

Duram equidem in me suscepi provinciam, inexpiabiles mihi imminere inimicitias prævidens, quæ non immeritò animum ab instituto revocare possent. Quis enim Adversarios in fermentum actum iri, dubitet, dum famam, quam ex Augustanorum ruinâ aucupari, Antesignanus eorum conatus fuit, periclitari observabunt? Sanè non semel illud *Plauti* (*Trucul. act. 4. sc. 2.*) memoriæ occurrit:

Si stimulos pugnis cedis, manibus plus dolet.
nec non illud :

*Baccha bacchanti si velis adversarier,
ex insanâ insaniorem facies, feriet sæpius.*

Verùm omnes Aristarchorum superciliosas animadversiones firmo pectore rideo, quorum malefieriatarum linguarum sordes animum veri amantem nihil quidquam maculare valent.

Non placet, *Zvelserum* pro Numine quodam doctrinæ venerationi, ut fœdo illo obsequio Amicos mihi conciliem. Apage cum ejusmodi Adulatorum delitiis!

Tu ne cede malis, sed contra audentior ito. (Virg. *Æn.* 6.)

*Iustum & tenacem propositi Virum,
non civium ardor prava jubentium,
non vultus instantis Tyranni*

mente quatit solida. (Horat. *l. 3. carm. od. 3*)

Inimicitias exerceant Veritatis osiores; non deerunt alij justæ causæ adplausuri, imò cavillandi improborum audaciam frænaturi. Præcipuè cum iniquæ illæ *Zvelseri animadversiones* non solos *Augustanos*, sed omnes omnium Dispensatoriorum autores, & *Pharmacopœie Augustanæ* adprobatores petant. Nam in præmio, omnia ac singula dispensatoria iisdem & aequalibus erroribus defœdata esse, scribit *Zvelserus*; imò reliqua multò

P R Æ F A T I O.

multò majoribus, crassioribus ac absurdioribus scaterere, ipsi tacitè dicuntur; dum *inter omnia Augustanum* adhuc *adprobatissimum* nominat. Quod dum Germani aliæque Nationes, autoritate Imperatorum, Regum, Principum, & Statuum Imperij adprobârunt, ac insigni cum ægrotorum adplausu in officinas suas adoptârunt, Ipsos non minùs, quàm *Rempubl. Augustanam*, nefandorum errorum, & suorum subditorum ægrotorumque interitus, impio ore accusat *Zvelserus*.

Sæviat nunc animis ignobile vulgus. Fremant, pun-
gant, insaniant; virtutem licet hac arte premant, non op-
primunt. Quò duriores se præbent, eò fortius instandum
erit. Quò magis invaluit morbus, eò cautiore alij se præbe-
bunt, & ne, pravorum excrementorum copiâ nimium coa-
cervatâ, tumidi isti crepent, prospicient. Nam

*Crescit indulgens sibi dirus hydrops,
nec sitim pellit, nisi causa morbi
fugerit venis, & aquosus alto*

corpore languor. (Horat, 2. cærm. 2.)

Non quidem committam, ut in verba Antecessorum
jurasse videar; quorum præclara monita & inventa cum do-
ctioribus Medicis, debitis laudibus extollo, amplector, de-
fendo; errores benignè excuso; defectus humaniter sup-
plendos existimo.

Nec absimilis sententiæ fuit *Excell. Dn. D. Dan. Geygerus*,
nunc piè defunctus; Cujus de epistolâ quidem, tanquam insigni,
optimè (scilicet) reformatorum & exagitatorum *Augustano-*
rum, sigillo, Adversarij gloriantur; ita ut etiam partem ejus
aliquam *Zvelserus pag. 8. & 9. Refutationis Tackenianæ*; nec non
alter *Anonymus, apologia contra Schmuzium autor, p. 260. & 261.*
typis evulgare curaverint, & *D. Geygerum*, quasi simpliciter
Zvelsero, & per consequens cavillis etiam ejus subsciberet,

P R Æ F A T I O.

nullo suo merito adduxerint. Ut verò famam Viri illius Celeberrimi, ne in suspicionem perfidiæ in Patriam Augustam, & proprium honorem, (cùm membrum Collegij patrij fuerit) apud probos, honestos & eruditos viros incurrat, vindicem, simulque hostiles Invidorum conatus patefaciam. Lector Benevolus, totam rei seriem succinctè proposituro, mihi patienter auscultet, rogo.

Sciendum itaque, quòd adducta *citatis locis* epistola, neutiquam integra sit, & prout à D. Geygero scripta fuit; sed tantùm pars ejus aliqua, quatenus nempe pro *Zwelfero* militare videtur. Id quod testimonio ipsius Geygeri, ex literis propriis huc missis, confirmare licet. Unde *Dispensatoria continere talia quadam, quæ limam rationis ac experientiæ ferre non possint*, benè quidem existimavit Geygerus; *ast tam protervè, tam impiè, tam sceleratè*, verba sunt Ipsius propria, *in eorum auctores invehi, ac venerandam violare antiquitatem, illud rem minimè ferendam*, pariter statuit.

Quapropter in suis Anno M. DC. LII. 22. Julij, ad Nobiliss. Dn. D. Job. Henisum, Com. Palat. Cæs. Equit. D. Marci, pia memor. nec non in aliis, ad Excell. Dn. D. Dan. Widholzium, hoc tempore Collegij nostri Seniore, Vicarium &c. venerandum, 1. Novembr. & 25. Decembr. ejusdem anni, Posonio Augustam missis literis, Collegas ad Apologiam *Zwelfero* opponendam ultrò excitavit, nec absque famæ jacturâ sileri posse, judicavit; *boni omnes*, inter cætera scribens, *avidissimè expectant, imò optant, ut sputa illa petulantissima non tantùm salubri lixivio abstergantur, verùm ipsi auctori, ut par est, rursus reddantur. Mibi quidem videtur maximi res momenti & virgulâ dignissima Criticâ.*

Porro quo in precio Ipsi fuerit *Zwelferus*, ex epistola ad D. Henisum sufficienter patet; ubi, præter notatum unum & alterum *Zwelferi* errorem ac ἀντιλογίαν, *malum corvi mali ovum,*
librum

P R Æ F A T I O.

librum *Zvelferianum* ; atque *sceleratas nimis & impiissimas castigationes* vocat *Animadversiones* ejusdem ; *Zvelferum in Augustanos & alios optimè de republ. medicâ meritos, summè injurium fuisse, elatè ac thrasonicè cristas vel potius auriculas extendere suas*, indicat.

Non dissimilia ad *D. Widholzium* perscripsit ; & se in illâ suâ epistolâ *Zvelfero* scriptâ, commendasse quidem conatus ejus in dissipandis *Pharmaciae* erroribus, retulit ; detestatum autem simul quoque apertè fuisse virulentas istas invectiones, pessimeque egisse *Zvelferum*, addidit, quòd tam sævum *Venerandæ Antiquitati* se præbuerit. Id quod longo satis ordine eleganter protulit ; prout copia ex dictâ epistolâ excerpta, & *D. Widholzio* simul missa, uberius edocet. Quod igitur *Dn. D. Geygeri* testimonium dum luci publicæ exponere, *Antagonistæ* decreverunt, haud mutilum illud, sed integrum adducere, fideliter debuissent. Non miror tamen, partem saltem commendatoriam ab ipsis adductam fuisse, cum totum bonâ fide adscriptum, majori dedecori, quàm gloriæ *Zvelfero* fuisset. Inanis gloriolæ desiderium & odium in *Augustanos*, præ veritate placuit.

Mirabitur autem fortè quispiam, cur *Dn. D. Geygerus* similem epistolam *Zvelfero* scripserit ; Certè non gratiam & favorem hujus aucupandi causâ ; sed ne fortean, dum sileret, inurbanus videretur. Prior quippe calamus arripuit *Zvelferus*. En ! verba *D. Geygeri in epistolâ ad D. Widholzium* : *Es bemühet sich zwar D. Zvelfer von allen Orthen per literas testimonia und judicia über seine animadversiones einzuhohlen / und dieselbe in subsidium proprium zu publiciren / wie er dann auch an mich (unangesehen ich ihn à facie nicht kenne) ein sehr freundlich fuchs-schwänzerisch Brieff de dato Wien 15. Nov. 1652. abgehen lassen (doch nit ohne vicia grammaticalia) &c.*

P R Æ F A T I O.

Ich habe ihm wider geantwort ganz bescheidenlich / seine animadversiones in dem gelobt / wo sie zu loben seyn: die unter-
spickte scommata aber ganz verworffen / dann also lauten / inter
alia, meine Wort; 2c. Et iterum: Ich habe zwar gänzlich ge-
hofft / er werde mir darauf antworten / ist aber bißher nit gesche-
hen / hette es zwar gerne gesehen / damit ich besser ad specialiora
mit ihm kommen were. Aber es bleibt also 2c. Curassem qui-
dem imprimi hîc integras illas epistolas; verum cum lon-
giores quodammodo sint, hæc ex iis tantum excerpere vo-
lui, quæ Tibi, Lector Benevole, sufficient, spero; utpote ex
quibus abunde nobilem & intaminatum *D. Geygeri* animum,
unâ cum iniquo *Zvelferianorum* conatu, venaberis.

Cæterum desiderio tuo, Lector Amice, & expectatio-
ni, quantum possum, in subsequenti *Animadversionum Exa-*
mine, satisfacere tentabo. Prodesse quidem omnibus cupio;
placere *ἀδύνατον* scio; dum - - - *nec Jupiter ipse,*
sive pluat, seu non, unicuique placet.

Nec enim ad gustum humana omnia, quàm diu erimus in hu-
manis, cum *Lipsio* (cent. 2. epist. 15.) fateri cogimur.

Si quid monendum occurrit, æquum te præsta arbitrum,
ac sine bile sententiam tuam amicè explica.

Quò autem facilius, loca nonnulla *Zvelferi* citantem ad-
sequi me possis, monitum te volo, ubi *Animadversionum, Appen-*
dicis earum, nec non *Pharmacopœia Regia* ejusdem mentionem
facio, *ultimam editionem* illorum Operum, quæ nimirum Anno
M. DC. LXVII. Noribergæ, typis *Enderorum*, conjunctim in lu-
cem prodierunt, subintelligere.

Scurrilia malevolorum Zoilorum judicia solo dispellam
sibilo, & instar fatuæ Midæ sententiæ, non nisi ignominiosas
ipsis imposituræ aurículas, æstimabo.

RESTI-



RESTITUTA PRÆLIMINARIA.

PROOEMIUM AD LECTOREM primò quidem discutiendum sese offerret; sed cùm ejus examen tum ex jam dictis, tum insequentibus, unicuique faciliè pateat, in eo moras necitare, supervacaneum duco. Cuilibet autem spontè adparet, illud arrogantia Zvelseriana luculentissimum testimonium, & cavillationum ab ipso effusarum compendium quasi existere.

Ad PROLEGOMENA itaque recto tramite me confero, quæ omnia, solis capitibus sexto, septimo & nono exceptis, partim *superflua*, partim *minus sufficientia* Zvelsero videntur.

Superfluum unicum statuit, *Caput* nimirum *primum*, quod de officio Pharmacopœorum agit; in quo *superabundanter* & *strictissime* ad minima usq; eos depingi, somniat.

Cur verò eliminatum hoc velit, *in promptu causa est*: Pharmacopœus erat. Ex officinâ enim pharmaceuticâ in castra medica demum irrepsisse Zvelserum, quis ignorat?

Hoc in memoriam revocat, quod supra de Zvelseri elato animo prolatum fuit, cujus non postremum indicium hoc ipso edidit.

Fastuosi quippe & superbi leges sibi præscribi, difficulter patiuntur, imò illis, qui sordida eorum ulcera tangunt, porrò irascuntur.

Si Medicum, qua ratione se gerere, & quibus dotibus instructus esse debeat, describere, fas est; cur non idem quoque circa Pharmacopœos, à quorum officio ritè administrato non minima hominum salus dependet, observare liceat? Consulantur *Hippocrates de decenti ornatu*, *Roderici à Castro Medicum Politicum*, multiq; alij diffusè materiam istam tractantes.

Verùm ad minima usque ibidem depingi Pharmacopœum, dulce Zvelseri somnium est. Quinimò non errasset, si & hoc caput sub nomine eorum, quæ *minus sufficientia* vocat, collocasset.

Supervacuum quidem videri posset, talia Pharmacopœis dictare monita;
cùm

cum vir bonus quid sibi factu opus sit, ipse sciat & exsequatur. Sed non omnes capiunt verbum hoc.

Illi, qui se præscripto modo conformes exhibent, habent, de quo sibi gratulentur; Hi, contrario modo qui se præstant, quod imitentur.

Nec Zvelserus multos reperiri negavit, indigos, ut continuo officij sui commonefiant, utpote quos solidâ scientiâ & sedulitate carere, ait. Nihil ergo obstat, vel solum illorum in officinis speculum ejusmodi exponere, quò eò magis ex scriptâ illâ lege muneris sui admoneantur.

Esse autem hoc simpliciter superfluum, ipse Zvelserus tacitè negare cogitur; id quod uno & altero exemplo confirmare libet:

1. Requiritur Augustani, ut Pharmacopœus pharmacorum parandum rationem & modum exactè teneat, ejusque quam profitetur, artis adprimè sit peritus; sedulum etiam se præbeat. Zvelserus in *animadversionibus* toties Pharmacopœos inscitiz insimulat; v. g. in *animadversion. extractor. paucos sedulos & peritos hodiè reperiri pharmacopœos*, exclamat, & numero vix toudem,

quod Thebarum porte, aut divitis ostia Nili.

Pariter in *Proæmio Mantissa suæ Spagyric. eam nunc ætatem esse*, scribit, *quæ pauci reperiuntur, quos solida scientia & jugis doctrina commendat pharmacopœos.* Quid hoc aliud est, quàm Pharmacopœos imperitiæ & locordiæ arguere? An ergo eos, ut talia fugiant, commonefacere, superfluum dicamus?

2. Augustani in mercibus comparandis cautos, æquos &c. ut se præbeant Pharmacopœi, præcipiunt. Zvelserus multis in locis, hoc in passu non dissentit; id quod discursus ejus de *Confectione alchermes &c.* testatur.

3. Augustani ut Pharmacopœus linguam latinam calleat, necessarium ducunt. Zvelserus idem minimè negat. Hinc *Franciscus VERNY, Pharmacopœus Monspelienfis* eam cum non calleat, vel non callere videatur, pessimè ipsi audit.

Alia, ne longior sim in nugis his ventilandis, omitto; unicum hoc *Excellentissimi Geygeri* superaddens, ex *Ejusdem epistolâ jam citatâ ad Dn. D. Joh. Henisium p. m.* desumptum: facile mihi persuadeo, autorem primum illud *Isagog. prolegom. caput*, nullâ aliâ eliminasse ratione, quàm ut, dum ille ipse improbis & impius sit, pios ac bonos pharmacopœos, mendacia, petulantiam & antilogias suas observantes ac desistentes non haberet.

Alterum, quod in *prolegomenis* Zvelserus carpit, est, aliqua minùs sufficientia, ideoque rejicienda, & ex *Dispensatorio* delenda esse; videlicet *Caput Secundum de delectu quorundam medicamentorum simplicium*; *Tertium de collectione eorum*; *Quartum de medicamentorum repositione*; *Quintum de eorum*
dura.


duratione ; *Octavum de venenis ac ipsorum antidotis.* Horum autem loco, brevitatis causâ (quam aliàs sæpius, cùm tamen quàm maximè potuisset, minùs observat) ad decantatam *Joh. Schröderi Pharmacopœiam medicochimicam*, qui materiam illam prolixius & ex professo tractat, Lectorem ablegat. Ast nihil omnino perversum ac adversum hoc judicium evincit. Ambabus quippe conceditur manibus, minùs sufficientia citata capita censeri debere; ob id ipsum tamen planè expungenda esse, absona est decisio. An quidquam, in medicâ cumprimis arte, reperitur, quod perfectum dici mereatur? Unusquisque certè cum *Hippocrate*, nisi pro deliro haberi velit, se ad finem artis non pervenisse, fateri cogitur.

Augustani nequaquam dicta Capita pro perfectis & sufficientibus venditant; sed plurima adhuc superaddi posse, fatentur. Præcipua tamen, materiam istam concernentia, ibidem adduxerunt; in quibus si quid deficiat, defectus ex aliis autoribus, quos ideo si non omnes, selectiores saltem ut Pharmacopœus ad manus habeat, in *Capite primo* consultum ducunt, suppleri facile potest. Si cui *Schröderum*, tantoperè à Zvelfero commendatum, nec non alios probatos autores adjungere, placet, hoc ipso non interdicitur, quinimo suadetur & præcipitur.

Præterea omnibus modis absolutum, sive, ut Zvelferus loquitur, sufficiens de his opus Augustani edere si voluissent, tam exiguis pagellis ea coarctari haud posse, scivissent; vix enim integrum volumen talia caperet, ac prolegomena ipsius materiæ subsequenti molem excederent,



RESTI-



RESTITUTA

CLASSIS PRIMA,

Sirupos alterantes, Mella, Julepos, Mivas ac Rob continens.

O Misso, tanquam superfluo & trito Zvelferi discursu generali, de Sirupis, ipsas mox compositiones eorum speciatim perlustrare, animus est.

Prima autem, quæ in hac classe, & quidem pag. 2. se offert, SIRUPUS DE ABSINTHIO dictus, est; ad cujus animadversiones dum sese accingit, illud Veterum etiam in Scholis non planè ignotum occinit, quòd quædam vegetabilia partes tenues & subtiles secum ferant, in quibus vis corpus penetrandi consistat, quæ levi calore ignis stimulatæ in auras avolent, corpore crassiori effectû suo privato. Pariter & in hoc Sirupo partes istas spirituosiores, etiam si lenta instituatur coctio, exhalare contendit, cum libra V. & unica aliquot evaporare debeant, additque, *Sirupum hunc ad operandum nullius fore efficaciam, nisi dexterior illius instituatur preparatio.*

Qua animadversione nihil novi, quod tamen putat, docet Zvelferus, cum & ante ipsum similia Medicis patuisse, constet. Comprobat id exemplo suo Petr. Joh. Faber myrothec. *spagy. lib. 6. cap. 8. dum Sirupi absinthij simplicis compositionem tradens, succo absinthij depurato & in Sirupi consistentiam cum saccharo cocto, pro majori penetratione Salis absinthij 3ij. Olei ejusdem 3ss. nec non Spiritus 3j. vel alteram adjungit.*

Alij quoque Chimici, in ejusmodi coctionibus subtiliores vires deperdi & evaporare, ante Zvelferum Galenicis objecerunt, imò spirituosos illos vapores in M. B. mediante alembico, colligere, collectosque parato medicamento reddere, (ut ita modum hunc Zvelferi inventioni minimè acceptum ferre debeamus) sciverunt. Videtis Angelum Salam lib. 2. de variis Chemic. & Galenic. errorib. Josephum Quercetanum cap. 8. pharm. dogmas. restituit. nec non

non Dan. Sennertum cap. 18. tr. de consensu & dissensu Chemic. cum Galen. & lib. 5. institut. medic. part. 3. sect. 3. cap. 2.

Sed μηδὲν εἰκὴν, μηδὲν ὑπεροχῶν, nec temerè nec timide sic animadvertendum est.

Non ignotum fuit Augustanis, Sirupo, juxta suum modum parato istas penetrantes, ut vocantur, atomos ex parte deesse; omnibus tamen cum privari, falsissimum est. Nec enim omni odore, signo indubitato superstitum dictarum atomorum, caret.

Quin & specierum ad Sirupi illius compositionem adhibendarum, atq; prius, uti in Sirupi præparatione fit, debite decoctarum (relicto saccharo & succo cydoniorum, ne suspicionem, quasi illis deberetur spiritus eliciendus, incurrant) præcedente conveniente fermentatione, si fiat destillatio, spiritus ardens inde elicitur, gratà aliquà amaritudine præditus.

Hinc est, quod nonnulli diversos ex uno simplici elicere docent spiritus; v.g. è semine anisi, fœniculi &c. superinfuso vini spiritu, spiritum anisi &c. sive, uti alius dicitur, spiritum vini anisatum, per destillationem producunt; quo separato, remanentia fermentationi subjecta, novum ardentem spiritum emittit; in qua tamen nec dum omnis virtus exhausta est; unde spiritus, quem alcalicum adpellant, in furno secundo Glauberiano, imò insuper acidulus per retortam acquiritur.

Nec mirum illud videri cuiquam debet. Licet etenim in coctione, sive levi, sive forti ignis calore institutà, magna oleosarum absinthij particularum pars resolvatur, inque auras fugiat, sal tamen essentialè, vel tartarus remanet, cui non omnis deneganda est efficacia; utpote qui, secundum Zvelferi mentem, oleum, spiritum &c. adhuc in se continet.

Dum autem per fermentationem oleosas illas & volatiles particulas resolvi, certum est, annon idem in corpore nostro evenire, verisimile est, qui quotidie cibos in ventriculo tam promptè, certè non absque fermentatione, resolvi, observamus?

Sed omnibus subtilibus particulis Sirupum præsentem planè destitui, ponamus; efficacia tamen ejus inde non infringitur. Id quod vel ipso Zvelferi calculo comprobari potest, dum aquam absinthij destillatam virtute roborante ventriculum, hepar ac reliqua viscera, exutam esse, neminem sani judicij inficias ire, ipsemet Pharmacop. Regiæ pag. 217. fatetur. Ubinam ergo vis illa ventriculum roborandi, cum in aqua non sit, quærenda? Sanè non nisi in remanentiâ terrestris latebit.

Concedamus itaque Zvelfero, partes illas aëreas insigni penetrandi vi præditas esse; eas autem hoc in loco propriè non desiderari, sciendum est;

ita ut tam studiosâ earum conservatione opus minimè sit. Mens siquidem Augustanorum haud fuit, ut Sirupus ille in corporis intimiores recessus confertim subiret, sed unico ferè ventriculo destinatur, cui robur non tam spirituosâ, quàm & crassiora ac placidè adstringentia medicamenta conciliant. Unde etiam *absinthium ponticum*, non vulgare illud, præscribitur; utpote quod non tam fragrans, & consequenter non tam spirituosum est, atque majori virtute stomachicâ & adstrictoriâ pollere creditur.

Solis verò rebus spirituosus penetrandi facultatem deberi, non item terrestrioribus medicamentis, in dubium non minùs vocari posset; tardius tamen hæc, quàm illa agere, haud negatur.

Adferri illius veritatem comprobat *Antimonium diaphoreticum*, licet per tantam ignis torturam paratum, spiritu nequaquam pollere deprehendatur, totum tamen corpus penetrat. *Purgantia* spirituosâ destituta virtute, vel eadem, si quam habent, per præcedentem cocturam, aliamve præparationem privata, idem præstare, effectus docet. *Alimenta*, uti *caro*, per cocturam omni spiritu exuta in omnes corporis partes distribuuntur. Quid de opio, tosto etiam Zvelseriano, statuendum erit? quid de aliis? *Sirupus contra dysenteriam Zvelseri Pharmacop. Reg. pag. 14.* spirituosus spoliatus partibus, nihilominus ad roborandum ventriculum & hepar, uti præsens Augustanorum *Sirupus de absinthio*, commendatur. Hinc citatus Zvelseri *Sirupus* aut omni exutus erit virtute, aut Augustanorum *Sirupus absinthiacus* illud, quod de ipsius virtute eximiâ prædicatur, pariter præstabit.

Porro, quanquam atomi illæ subtiles corpus egregiè penetrent, non tamen idcirco terrestriorem secum in partes reliquas deferent substantiam, quod Zvelserus innuere videtur, dum sine his penetrantibus spiritibus nullius efficaciæ fore Sirupum, adferit. Verùm si dicti spiritus in auras fugiunt, omni terrestriori corpore post se relicto, etiamsi coctio fortiori igne instituat, quid in ventriculo humano fiet? An subtilior pars crassiorem in corporis interiores recessus secum rapiet? Nullum conspicio vinculum, quo tam arctè in corpore uniri possent. Certè & ibi, leni ventriculi calore resoluta, qua data porta, ruet, crassioris partis distributione minimè expectatâ, quæ, subtiliori jam dudum distributâ, à ventriculo demum in actum deducta, sese per corpus diffundet.

Si autem Medici voluntas omnino fuerit, istum Sirupum penetrantem admodum exhibere; annon scopus ille tunc, quando in usum venit, ab aditis aliis convenientibus morbo, causæ morbi, ætati, sexui &c. medicamentis, obtineri poterit? Rarò insuper & vix per se, sed ut plurimum, imò semper cum aliis, liquoribus imprimis, permistus propinatur. Hujus evidentissimum

simum exemplum Augustani innuunt, dum *ex aquâ mentha in ventriculi adfectibus* eum sumi posse, judicant.

Clarissimus Otto Tackenus Veteres spirituosam ejus partem studio in, auras egisse, Hippocrat. chim. cap. 30. existimat, ut cuique individuo propinari possent, & etiam ad promittitudinem, ceu loquitur, & compendium officina: cum perquam plurimi odores, præsertim spica, ægrè concoquant, & sine stomachi eversione & eruclatione non perferant. Non quidem studio & præmeditatè hoc factum fuisse, nunc defendendum in me suscipiam; nec tamen propterea, Veteres jacturam illorum spirituum, quos parùm hic curasse, supra jam innui, latuisse, adfirmabo. Sic Ludovic. Sepralius animadvers. & caution. medic. lib. 9. §. 24. de diversâ decoctorum ratione agens, sæpe ab autoribus, additâ majore aquæ quantitate, per longam cotionem terrestres medicamentorum partes extrahi, vel calidas nimis & igneus expelli, memorat.

Cæterùm planè negari minimè potest, odorem illum absinthij, spicae, rosarum, mulieribus præcipuè, quibus aquè ac viris hic dicatur Sirupus, plurimè gravem esse & nocivum; quem ideo tantâ cum curâ conservare, frustaneum alicui videri posset.

Non dico, Naturam frustrâ herbis balsamicis odorem dedisse; (ceu Tackenio in ventilatione hujus Sirupi pag. 225. objicit Zvelserus) ast neque ideo eum dedisse, adfirmari potest, ut ille in hoc Sirupo conjunctus manere deberet. Si virtutes rerum integrè conservare semper cogermur, aquæ, spiritus destillati & multa alia medicamenta è foro medico eliminanda forent. Si simplicia co modo, non aliam in formam mutata, usurpare vellemus, quo à Natura producuntur, omnis medicamentorum compositio exulare deberet.

Odori rosarum, quem in hoc Sirupo, quò Augustanis ægrè faciat, magni æstimat, in oleo de Capparibus pag. 265. Pharmacop. Reg. nullam curam agit, unicis partibus terrestribus, quibus tamen virtutem roborativam adscribit, contentus.

Cui verò odor ille tantopere placet, eum quantâ velit cum diligentia Sirupo suo conciliet. Nec idcirco malè Augustanis audiet; quos vicissim, erroris haud insimulet, si scopo suo satisfaciens, eo, quem descripserunt, modo Sirupum de absinthio componere pergant. Imprimis cum Zvelserus vel invitum suum ipsis largiatur calculum, cujus consensum & confirmationem, tanquam adversarij, quis dubitet adducere?

Nam pag. 424. animadvers. de spiritu absinthij agens, eundem infusioni absinthij, spiritu vini factæ, postponit; quia in spiritu destillato partes subtiliores duntaxat absinthij ac volatiliores per alembicum prolificantur, (NB.)

relictis in residuo virtutibus ejusdem potioribus. Si ergo potiores per destillationem virtutes non attolluntur, sed in residuo manent, nimis certè rigorosè cum *Sirupo de absinthio Augustanorum* egit, & nullius efficacia eum pronuntiando, nimium erravit, turpissimeque sibimetipsi contradixit. Ergo *pag. cit. apolog. contra Tacken. absinthij decoctionem solis terrestribus partibus imbutum, malè paleis & sarmentis decoctis æquiparat.*

Sic porrò *pag. 188. Pharmacop. Reg.* totam fere rerum crasin & essentiam in saporibus latere, statuit; *Absinthij* autem decoctum sapore ejus nativo, amaro turget.

Pariter dicta *Pharmacop. pag. 215. absinthium, rosas &c. solum odorem aquis* in destillatione communicare, *virtute roborante in remanentiâ relictâ*; nec non *pag. 217. supra jam citatâ, virtutem roborantem ventriculum, hepar ac reliqua viscera in residuo à destillatione latitare, aquam autem inde destillatam virtute illâ exutam esse*, claris verbis indicat. Sicque *Sirupi absinthiaci Augustanorum* virtutem corroborantem præclare contra quosvis malevolos obtreñtatores defendit, antiquitatis sententiâ, contrarius alioquin, subscribens, facultatem illam roborantem terrestrioribus, adstringentibus partibus adjudicanti; Sic enim *Galenus 6. de simplicium medicament. facultatib. cap. de abrotano, absinthium stomacho gratum statuere, legimus, quia plurimam adstrictiorem continet.*

Licet igitur subtilissimæ, ætherææ & penetrantes partes eant deperditum, virtutem nihilominus confortantem, unicè expetitam, testimonio etiam Antagonistæ, superesse, Augustani sibi gratulentur.

Hunc ab iniquâ Zvelferi reformatione vindicatum Sirupum jam dimitterem, nisi pauca quædam monenda restarent; quod & Zvelferum suos passum esse manes, addictissimi clientes ipsius vel nolentes fateri cogantur, hincque digitis in posterum compescere audax ac injuriosum labellum, nec tam iniquos in aliorum scriptis demergendis, ut Zvelferiana emergant, se amplius præbere, discant.

Mox verò in principio hujus Classis Zvelferum contendere monui, quòd in præparatione Sirupi præsentis libra quinque ac uncia aliquot additi liquoris exhalare debeant. Contrariari autem monitum hocce veritati, unicuique facile liquet, si quantitatem liquoris qualitatemque vel obiter consideret. Quippe adsumuntur *vini veteris & succi cydoniorum an. ℥iij. 3iv. quarum si ℥v. & uncia aliquot, v. g. 3iv. evaporent, libra una & uncia quatuor remanebunt, quæ cum sacchari requisitis ℥ij. justæ formæ Sirupum nunquam supeditabunt. Succus enim cydoniorum si coquatur, non instar aquæ eandem liquidam consistentiam semper retinet, (ut de absinthio &c. adjuncto nil dicam)*

dicam) sed tandem sapiformis planè evadit, ita ut dictæ ℥iij. & ℥iv. succi illius ad remanentiam *unciarum septem, vel plurium* etiam, coctæ, succum Sirupi consistentiam æmulantem præbeant; quas *uncias septem*, utpote non indigas *sacchari* additione, si separemus, *uncie novem* liquoris remanent, quæ prænominatis *libris duabus sacchari* solvendis inque Sirupum redigendis destinantur; cum tamen *septem vel octo* liquoris *uncias*, ad ℥bj. *sacchari* requiri, ipse Zvelserus in *proæmio classis hujus primæ*, statuat.

Recordari idcirco debuisse illius, quod in dicto modo *proæmio* de diversitate liquorum protulit, alios aquosos, crassiores alios &c. vocans, quorum respectu pondus liquoris ad *saccharum*, varium existat.

In eundem quoque scopulum impingit in correctâ suâ, quam subjungit, Sirupi hujus præparatione, dum easdem *libras tres, uncias quatuor vini*, & totidem *succi cydoniorum*, ad *libra unius* liquorum remanentiam destillare, & hanc ad *uncias quatuor* usque, evaporando, redigere præcipit; ex quibus *uncis quatuor*, durioris sive crassioris, quàm Sirupus requirit; consistentiam nactis, nec non *uncis decem* liquoris destillati, & *libris duabus sacchari*, justam Sirupi, quam meditatur, formam minimè acquiret.

Insuper in hujus exterioris (prout minus veraciter eam vocat) præparationis delineatione hoc mirari subit, quod *vel solâ dissolutione sacchari, vel unicâ ebullitione* Sirupum hunc parare, doceat. Quippe si sola dissolutio sufficit, cur etiam ebullitionem, in qua non levis particularum penetrantissimarum incurrit defectum, admittit? Ast jacturam illam non nisi in Augustanorum compositionibus tot diris devovet ac detestatur, contra in propriis tam adcuratus in iisdem conservandis haud est. Evolvat quis saltem, *Sirupum ipsius primum de absinthio Pharmacop. Reg. pag. 2.* in quo non levem, aërearum atomorum partem in auras mittit; à secundo quoque omnes exulare facit, nisi quas extraneas, ratione *elæosacchari cinnamomi* atque *caryophilorum*, ultimò adjungit.

Nec abstractio illa partis subtilioris per destillationem, Zvelseri inventum est, quam aliis, uti *Sennerto l. c.* notam jam fuisse, constat.

Ut alia, quæ notari possent, omittam; præcipuè cum ingrati saporis, ob *vappam vini* nauseosam ipsi adhærentem, nullâ arte separabilem, in *Pharmacop. Reg. cl. 1. pag. 2.* hunc suum correctum Sirupum declaret, ac ex *Dispensatorio expunctum* velit; quod ultimum, cum ita desideret, ambabus ipsi largior manibus.

In *Appendice ad animadvers.* Potum vel Apozema ex iisdem ingredientibus paratum, Sirupo huic substituit; quia 1. Sirupus rarò in usum venit, vel quod oblivioni tradatur, vel ob copiam *sacchari* nauseabundus aut infal-

lubris

lubris evadat; 2. ingredientia ejus nimia quantitate *sacchari* opprimuntur; 3. ut Medici juniores tales potiones per infusionem parare, discant. Nullum tamen horum expungere Sirupi usum, obiter animadverto. 1. Si Sirupum hunc raro in usum venire, Pharmacopœus sciat, eundem minori in quantitate parare novit. Nauseabundum à *sacchari* copia cum fieri, falsum est; cum potius *absinthij* amarities non adeo palato aridens, hoc modo occultetur, medicamentumque gratus reddat. 2. Si illa *sacchari* quantitas aliorum ingredientium virtutem opprimit, pessimè egit Zvelserus, *Sirupis suis Pharmacop. Reg.* non modicum *sacchari* destinans. Premi vel debilitari virtutem, non verò opprimi, rectius admittitur. In Zvelseri quidem infuso ingredientia à nimio *sacchari* pondere opprimi, dici haud potest; interea tamen medicamentum, cujus quantitas ad ℥vij. accedit, durabile non est, sed citius, quàm Sirupus, corrumpitur; illæ autem *uncia quatuor sacchari*, tantæ Infusi quantitati destinata à Zvelsero, saporem ejus ingratum & amarum parum demulcere valent, & nauseabundum illud relinquunt. 3. Infusorum parandorum rationem tradere, non hujus est loci, sed ad alias, *classem* cumprimis *octavam*, pertinet.

SIRUPUM ACETOSITATIS CITRI *eâdem paginâ secundâ* descriptum, acriter satis perstringit, & 1. animadversionem Augustanorum de *succo citri*, colo spontè transmissio, non validè expresso, sumendo, firmo stare talo, ait. Quò tamen & hanc pro more suo carpat, mox addit: *quantum* (animadversionem) *vel illis, qui vix à limine artem pharmaceuticam salutarunt, ipsa dicitur ratio.* Quod Momo dignum dicitur solo sibilo meritò excipitur; cui facilè, ni chartæ maculandæ parcerem, multiplex redhostiumentum ex *Pharmacopœiâ Regiâ* etc. dare liceret, utpote in qua multa, quæ vel illis, qui nec à limine artem pharmaceuticam salutarunt, nota sunt, studiosè adducuntur. Mihi hîc sufficit, Lectorem monuisse, ut animadversiones in *Sirupum ceraforum acidorum* paulò post sequentem scriptas, cum hoc Zvelseri monito conferat.

Altera admonitio de *succo citri* cum *saccharo albissimo*, lento igne coquendo, ne fuscus, sed albus evadat Sirupus, non adeo verisimilis ipsi videtur, quia, si tanta *succi* quantitas, *libra* nimirum *sex*, cum *sacchari libris tribus* (ubi iterum *libras quatuor cum dimidiâ succi* evaporare debere, falsò arguit; destinarentur enim pro *libra unâ sacchari, uncia tantum quing.* & paulò *plus succi*, cum tamen *octo*, imò *plures*, quia ex acidorum numero est, commodè ferre possit; præterea *succus citri* coquendo, instar *succi cydoniorum*, quo de in *Sirupi de absinthio* examine actum fuit, crassescit) ad debitam Sirupi consistentiam coquatur, non possit non rubicundo colore imbui Sirupus, &

quò

quò lentiori coquatur igne, eò evadat rubicundior. Verùm cum hic saltem diffidium sit de colore, qui, ut color, nihil virtutis medicamento addit vel demit, illud tantùm attigisse, sufficit.

Sciant tamen sciolli tales, Augustanos modum saltem recensere, non commendare; cum ultimus paragraphus Ipsorum modum praparandi edoceat; in quo quidem iterum, quod exagitet, Zvelserus investigat. Augustanorum verba ita se habent: *Peritiores Pharmacopœi succum citri vel omnino non, vel modicè saltem coquunt, eundem Saccharo per se, & supra Sirupi consistentiam cœcto artificiosè jungentes &c.* Quibus Zvelserus sequentia opponit: *Quomodo sine omnimodà cœctione possunt exhalare libræ quatuor cum dimidia succi, cum aliis liquores acidi quodammodo fixi sint, & intensiori ignis gradu in destillatione indigeant?* Nimium sibi sapere videtur Zvelserus, seque solum componere posse *Sirupum acetositis citri*, autumat; cum tamen peritissimi Augustanorum Pharmacopœi illud additum: *artificiosè*, antequam insipida illa animadversio monuisset, probè intellexerint, atque quid Sirupus, & quæ ejus differentia sit, sciverint. Unde nec latere eosdem poruit, quantum succi ad sacchari determinatam quantitatem accipiendum sit. Imò *libras quatuor cum dimidiâ* exhalare non debere, paulò ante demonstratum fuit. Hinc *Petr. Poterius pharmacop. pag. yr. lib. 3. sect. 2.* Sirupos acidos aliis Sirupis liquidiore & tenuiores esse debere, ac per consequens, plus liquoris recipere, id est, plures uncias, quàm saltem *septem aut octo pro librâ unâ* sacchari communiter destinatas, monet; etenim, verba sunt Poterij, non tam citò situm contrahunt ac ceteri. Rursus si in eandem crassitiem aliorum Siruporum excoquantur, brevi candidi fiunt, aut si nimis indurati, coalescunt gemmarum instar.

Illud quod addit: *cum aliis liquores acidi quodammodo fixi sint, & intensiori ignis gradu in destillatione indigeant*, quid evincat vel probet, haud video. Posito liquores acidus quodammodo fixos esse, & intensiori ignis gradu in destillatione indigere; non hic expeteretur acidæ, sed phlegmaticæ partus, sive aquositate elementaris, ut illam Zvelserus vocat, ascensus, qui facile leviori ignis gradu impetratur. Id quod Zvelserus ipse diffiteri nequit, dum in *Append. animadvers. pag. 2. succum citri in M. B.* (id est, leni ignis calore) ad tertias abstrahere præcipit; antequam saccharum illi adjiciatur. Ubi notet Lector Benevolus: 1. Zvelserum hoc in loco mentionem facere, se idem de *succi citri in M. B.* ad tertias abstractione in *animadversionibus Sirupi acetositis citri* præcepisse. Evolvat autem quis & revolvat dictas *animadversiones*, in quibus nec verbulum de eâ, vel lynceis aliquis prædictus oculis, inveniet. Pariter & *pag. 3. Pharm. Reg.* se in *animadversionibus* hoc insinuasse, memorat. 2. *Succum citri* destillatum non rubescere, atque

ejus aciditatem integrè in residuo manere, *d. l.* Zvelferus monet. Econtra *Pharm. Reg. l. c.* de concentratione *succi acidi citri* per destillationem agens, eum tali modo in aciditate suâ infringi ac dulcescere, & cum saporis gratiâ, coloris etiam diaphani perspicuitatem deperdere, statuit.

Sirupum limonum conficiendi triplicem modum *Joh. Renodens lib. r. antidot. sect. 2. cap. 25.* adducit, quorum primus, *saccharum* ad Electuarij solidi crassitiem coctum, cum *succo limonum* limpido miscendo, rudiculâ agitando, leviq; cocturâ in Sirupum deducendo, instituitur; *hacq; præparandi ratio*, subjungit *Renodens*, multum probatur, per quam scilicet *succorum vis igne non hebescit, sed integra retinetur.*

Pag. 3. In SIRUPO DE SUCCO ACETOSÆ, & ACETOSELLÆ partem horum vegetabilium spirituosiores in coctione amitti, veretur. Ad quod periculum evitandum, *nobilissimam* dictorum succorum partem per alembicum abstrahit. En! tam parvo interjecto spatio manifestè sibi contradicit Zvelferus. In præcedenti quippe Sirupo liquores acidos quodammodo fixos esse, & intensiori ignis gradu in destillatione indigere edixit; nunc liquores sive succos acidos *acetosæ & acetosellæ* per alembicum abstrahere docet.

Non autem adeo *nobilem* esse illam succi abstractam partem, *Pharmacop. Reg. pag. 3.* statuit; ubi Sirupos hos commodè juxta *Pharmacopœiam Augustanam*, scilicet per decoctionem, parari, etiam concedit. Et *eiusdem Pharmac. Reg. pag. 215.* tres vegetabilium ordines ponit, quorum tertius illorum est vegetabilium, *quæ nihil virtutis & energia per alembicum, ut destilles, communicant, & talia ad destillationes adcommodare, nil aliud esse, quàm oleum & operam perdere.* His autem mox sub initio *pag. 217.* *Acetosæ* quoque adnumeratur. Pariter *pag. 227.* *succus Acetosæ* inter ea collocatur, *ex quibus ne tantillum quidem virtutis destillatione eliciuntur.* Ergo dum Zvelferus in hujus Sirupi præparatione partem aliquam *succi Acetosæ* per alembicum abstrahit, *oleum & operam perdit, medicina probra* (quo nomine tales aquas *pag. 216.* dignatur) obtrudere tentat, ac nullarum virium *& energia aquam* ægris commendat, quam tamen *nobilissimam* modò credidit.

Pag. 4. In SIRUPO ACETOSO SIMPLICI MESUES *crassos commissos esse errores, nullâ ratione conticendos*, exclamat. Perlustramus parumper Zvelferi crassum, de erroribus istis judicium, nullâ ratione conticendum.

1. Frustrâ *aquæ libras quatuor ad libras quinque sacchari* addi, statuit, sed sufficere, si *acetici libra tres* tantum adjungantur; cum aqua penitus penitusque exhalare debeat. Verum frustra hæc impugnat, qui illud Augustanorum,
in fine.

in fine additum : *coquantur secundum artem, non intellexit.* Istud *secundum artem coquere* in eo quoque consistit, ut *saccharum* prius cum *aqua libris quatuor* coquatur ad *sacchari* meliorem solutionem ac depurationem ; quibus coquendo fere absuntis, tum demum *aceti libra tres* addantur. Nec factum esse effatum hocce, ipsorum Augustanorum testimonio comprobo, qui pag. 46. in præparatione *Oxymellis simplicis*, (quod à *Sirupo acetoso simplici* in eo differt, quod hic, loco *mellis*, *saccharum* recipiat) *mel* prius cum *aqua*, ad hujus consumptionem, coquunt, in fine demum coctionis *acetum* adjuvantes.

Ex hac resolutione vanitas pariter secundi objecti elucescit, dum in violentà illà coctione subtiliores *aceti* partes avolare, Zvelserus putat, à quibus tamen præsens Sirupus suas dotes mutuari deberet.

Ponamus autem, *acetum* unà cum *aqua* & *saccharo* coqui ; avolabunt quidem aliquæ subtiliores *aceti* partes, verum non omnes. Notum enim, est cuilibet Chimiæ tyroni, in *aceti* destillatione præcedere phlegma, sublevis spiritum ; & paulò fortiori si pellatur igne, aliquos, sed paucos insimul spiritus in vas recipiens unà cum phlegmate primò transire. Ita & hic cum *aqua* adfusà & phlegmate nonnulla spirituum pars in auras quidem abiret, major tamen eorum copia in residuo, cum *saccharo* scilicet, hæreret ; sic ut avolantibus illis spiritibus, omnes Sirupi præsentis dotes, secus, quàm facit Zvelserus, adscribere nequeam.

3. Præstare putat, si *sacchari libra tres & dimidia* cum *aceti destillati optimè dephlegmati libris duabus ac dimidia* in Sirupum decoquantur. Ast præstare cum *aceto destillato* unice Sirupum hunc conficere, maximè dubium, adhuc mihi videtur ; quia tali modo unà tantum *aceti* parte Sirupus polleret. Duplicem enim *aceto* inesse substantiam salinam, negare nemo potest : Unam quidem illam actu volatilem, spiritus nomine comprehensam ; Alteram, fixiorem, quæ in residuo post destillationem spiritus hæret, & facili operâ in elegantes crystallos concrevit. Hoc itaque fixiori sale, sive, uti aliis dicitur, Tartaro, *Sirupum acetosum* castrari jubet Zvelserus ; cum tamen eidem, non minores, imò majores fortè, humorum crassitiem incidendi, & attenuandi, obstructions levandi, aperiendi & abstergendi, aliasque in *Dispensatorio Augustano* Sirupo huic assignatas virtutes tribui debere, rei evidentia arguat.

Unde Claudius Deodatus Panth. *hygiast. lib. 2. cap. 1.* *acetum destillatum* rejicit, ne propriâ terrâ seu Tartaro, in quo omnes *aceti vires* consistunt, spoliatur *acetum* ; & filtrando solum depuratum commendat ; *scilicet enim acre & venum, suôq; innato Tartaro imprægnatum* obtinemus.

Quia verò tam studiosus particularum penetrantissimarum fautor est Zvelserus, phlegma illud *aceti*, quod destillando separat, tam vili pendere non debuisset; cum subtilissimus, maxime volatilis ac per consequens penetrantissimus *aceti* spiritus, si odorem, saporem etiam, testes adhibeamus, inibi delitescat; quem ideo nonnulli, ceu singularem spiritum, magno conatu separare tentarunt. Ejusdem spiritus in phlegmate occultati modo citatus *Deodatus* mentionem quoque facit.

Imò non levem insuper *aceti* destillati optime dephlegmati iacturam ipse Zvelserus in correcto suo *Sirupo acetoso simplici* procurat, dum *aceti* destillati libras duas semis cum libris tribus semis sacchari in *Sirupi* justam consistentiam coquit. Jam supra ad libram unam sacchari requiri statuit uncias septem vel octo liquoris. Ideo si hic ad libram sacchari, uncias septem *aceti* destillati summat, necessario ab illis libris duabus cum dimidia *aceti* destillati, unciae quinque & dimidia; sin ad libram unam sacchari, uncias octo *aceti* destillati adhibeat, uncia duae hujus evaporare debent, si *justa* *Sirupi* consistentia expetatur.

Coronidis loco, antequam ad sequentem *Sirupum* me convertam, Zvelseri nimiam curiositatem, aliquoties Augustanis ab ipso, licet sapius falsò exprobratam, obiter notare placet. Vult enim, ut ad præparationem hujus *Sirupi acetum destillatum fortissimum*, per *M. B. dephlegmatum* fumatur. Si est *acetum destillatum fortissimum*, quid ulteriori curiosà nimis dephlegmatione opus est? quia illud *acetum destillatum fortissimum* sufficienter jam dephlegmatum se esse, præsupponit; nisi fortè accetorum destillatorum fortissimorum fortissimum desideraverit.

Nunc *SIRUPUS ACETOSUS COMPOSITUS MESUES* pag. 5. occurrit, in cujus animadversionibus dolet ac detestatur partis potioris, scilicet tenuioris *seminum anisi, fœniculi, apij*, nec non eorumdem radicum, expulsionem, deteriori retentâ. Ast cur tantopere hanc Augustanorum præparationem detestatur, atque tenuiorum atomorum expulsionem dolet, qui in eundem scopulum (si tam insigne erratum est) turpiter impingit, aliisque dolendi ac socordiam ipsius detestandi sufficientem ansam præbet?

Etenim si quis *Sirupum acetosum simplicem*, ut & compositum in *Pharmacop. Reg. pag. 3. & 4.* ab eo descriptum, intueatur, in illo meliorem balsamicorum corticum limonum & aurantiorum, per institutas ebullitiones, expelli partem: in hoc autem radicum *apij, fœniculi, seminis apij*, cum aliis aëreâ substantiâ refertis simplicibus, uti *recenti nasturtio, cochleariâ* &c. eandem per diuturnam coctionem amitti, observare licet.

Ut jam non dicam, quòd infra pag. 35. animadvers. *Sirupum* de duabus, item de quinque radicibus, qui pariter radices *apij, fœniculi* &c. recipiunt, coctionis

Alionis beneficio confici posse, judicet; de destillatione verò dubitare videatur, dum illos per eam, adjunctâ dubitandi particulâ: fortè, parari posse, scribit.

Addit autem: quomodo igitur medicus sui voti compos evadet, suumq; adipiscetur finem in referendis obstructionibus, crassitie humorum attenuandâ, & minervâ morbificâ per urinam expurgandâ, si subtiliores & tenuiores partes, à quibus virtutes ille proficiuntur, Sirupum hunc destituant, nilq; nisi crassamentum ab ingredientibus illi sit relictum? Facultatem ergo obstructiones aperienti, crassos humores attenuandi, & urinam educendi solis partibus acereis sive penetrantibus adscribit. Verum vim illam penetrandi non tenuioribus tantum, sed & crassioribus deberi corporibus, examen Sirupi de absinthio abundè declaravit. Si autem justam esse hanc Zvelferi censuram, ponamus; quomodo excusabitur ipsius Sirupus de centaureo min. antifebrilis (Pharmacop. Reg. pag. 11.) è succi centaur. min. ℥iij. cum sacchari ℥ij. ad consistentiam debitam coctis, paratus? in qua nimirum coctione cum ultra libram unam succi evaporare debeat, nescio quibus compedibus spiritus centaurij minoris ibidem ligabitur, quò in diuturnâ illâ coctione fixus persistat? Et tamen idem præstans ad febres tertianas & quartanas abigendas prædicatur, quiq; viscerum obstructiones referat. Quomodo defendi poterit Sirupus ejus hydragogus pag. 15. item nephriticus primus pag. 17. Pharmac. Reg. quorum uterque subtilioribus atque tenuioribus partibus per præcedentem cocturam privatur, & nihilominus ille, ex calculo Zvelferi, serosam humiditatem per urinam educit; hic verò in ciendâ urinâ, exturbando etiam calculo cum renum tum vesicæ, à Zvelfero efficax proclamatur? Ut alia, quæ hanc in rem faciunt, omittam.

Nunc qua ratione Sirupus præsens acetosus à Zvelfero corrigatur & melioretur, videamus: scilicet species omnes, quæ sunt libra unius & uncia dimidia, in duabus aceti destillati libris infundit, macerat, colat, exprimit, clarificat, & cum hujus aceti expressi librâ unâ, atque uncis novem, nec non saccharo, virtute relictorum à præcedente infusione &c. simplicium imprægnato, unâ vel alterâ ebullitione, vel solâ dissolutione sacchari, Sirupum conficit.

Plurima sunt, quæ in correctâ hac, vel mutatâ potius, præparatione notanda occurrunt; cum primis quòd specierum libram unam & unciam dimidiam in libris duabus aceti destillati infundat; quæ tamen quantitas ad tantam specierum quantitatem nimis parva est, ita ut vix humectandis illis, multò minùs extrahendis sufficiat. Hujus adserti autorem ipsum Zvelferum, animadvertorem acerrimum, habeo, inque Sirupi diasereos Andernaci, inferiùs in Classe secundâ expendendi, gratiam adductum hoc volo; in cujus nimirum animadver-

madversionibus Zvelferus in nimis paucam aqua quantitatem additam invenitur. (quanquam, prout ex ejusdem examine patebit, id quod non intellexit, Zvelferus ibidem refutaverit.) *Specierum* enim ad stateram revocatarum pondus in dicto Augustanorum Sirupo *uncias octodecim* vix excedit; cui tamen ponderi *libra quatuor & dimidia aqua* pro extractione, ex mente quidem Zvelferi, assignantur, sicque pro *uncia una specierum, uncia tres aqua* ponuntur. In hoc autem reformato Sirupo *aceroso composito* pro *uncia una specierum* nec integræ quidem *uncia due aceti destillati* adhibentur. Jam infero: Si Augustani tantopere errarunt, *uncia uni specierum, uncias tres liquoris* assignando, majori obnoxius est errori Zvelferus, *uncia uni specierum vix integras duas uncias liquoris* adhibens. Si in illo Augustanorum medicamento species vix humectantur, quid hic cum Zvelferi speciebus fiat, nescio.

Ulteriori etiam animadversione deformatus ille à Zvelfero *Sirupus acetosus* indiget; dum *aceti destillati libras duas* virtute specierum imprægnat, & postea earum *libram unam, & uncias novem* saltem cum *saccharo* ad Sirupum conficiendum adsumit. Ad quid enim reliquæ *tres uncia*? an abjiciendæ? annon pariter in Sirupum redigi poterant?

Objiciet fortè quispiam, partem *aceti* in speciebus infusis remanere. Nec negari utique potest, aliquam ejus partem in speciebus superesse. Et ponamas, *tres dictas uncias* in residuo esse, quomodo tamen illa Sirupi præsentis compositio excusabitur, quam in *primâ Pharmacopœia Augustanæ* reformatæ editione posuit, ubi species non exprimit, sed *acerum destillatum* ab iis ad *siccitatem usque destillando* abstrahit? Id quod in *Vindiciis contra Vernium* pariter reperit. Si enim destillatio ad *siccitatem usque specierum*, id est, omnimodam evocationem adfugarum *librarum duarum aceti destillati* instituitur, illæ quoque *uncia tres* conjunctæ erunt cum reliquis *unciis*. Ast nihilo minus & ibi *libram unam ac uncias novem aceti destillati*, pro conficiendo Sirupo, tantum adhibet. Pessum ergo ibunt reliquæ *uncia*.

Obviam quidem objectioni huic ire velle videtur in *citatis contra Vernium vindiciis*, inquiens: cui (*saccharo* ad consistentiam tabulati cocto) *acetum tenuioribus & spirituosius radicum & seminum paribus, beneficio destillationis secundum ac turgidum, debitâ proportionem adjungendum. Nam vix plus erit aceti hujus, scilicet, quàm libra una, uncia novem.* Verum minus feliciter errorem hunc suum excusat. Si enim per destillationem *libra una cum uncis novem*, ab illis *libris duabus* saltem redeunt, ubi reliquæ *tres uncia* remanent? an in residuo? Species autem ad *siccitatem usque destillari* debere, dum edixit, in residuo esse haud poterunt. Ergo aut in auras unâ cum tenuioribus

nuioribus specierum particulis abierunt ; aut cum reliquo liquore in vase recipiente continentur ; aut destillatio ad siccitatem usque specierum celebrata haud fuit.

Præterea mirari iterum subit, quòd Sirupum hunc vel solâ sacchari dissolutione, vel unâ & alterâ ebullitione conficiat. Si enim, ut repetam, dissolutio sufficit, perperam etiam ebullitiones admittit, in quibus pariter magna & melior pars substantiæ spirituosæ, tam anxie ab ipso desideratæ, pereat necesse est.

Quantum autem humiditatis unâ vel alterâ ebullitione evaporare debeat, adcurati (ut sibi ipse videtur) animadverforis, atque Pharmacopœorum informatoris officium fuisset, exprimere, ne in defectu vel excessu error committeretur. Si enim modum *Sirupi ex helleboro Pharmacop. Reg. pag. 34.* quis imitaretur, magnam is spirituum partem in auras ageret ; cum illum pariter unâ vel alterâ ebullitione conficere doceat ; in quibus ebullitionibus pro iustâ Sirupi consistentiâ impetrandâ libra dimidia liquoris exhalare debet ; si uncias octo liquoris libra uni sacchari destinemus, & à foliis hellebori recentibus nihil humiditatis aquæ hellebori destillatæ accedere, ponamus. Sic quoque in sequenti *Sirupo hydragogo pag. 35.* unâ vel alterâ ebullitione liquoris integræ libra evaporare cogitur.

Quin & absque ebullitione, spirituosâ medicamento adhuc calido infusa, protinus auras petunt ; prout in *passulis purgantibus ultimis Pharmacop. Reg. pag. 48.* uncia tres spiritus vini, in quibus resina gualappa & scammonij soluta, *passulis* cum saccharo ad satis crassam consistentiam coctis superinfusa, licet medicamentum mox ab igne removeatur, nihilominus protinus aëra petunt. Non admodum dissimilia in *animadvers. diacydonij laxat. Augustanor. pag. 99.* leguntur.

Tandem radices & semina, ab aceti destillati, sive destillando, sive exprimendo, abstractione residua, cum aquâ coquit, exprimit &c. ac cum saccharo ad tabulatam consistentiam redigit ; cui acerum destillatum jungendo, Sirupum efformat. Tempus autem & operam in ultimâ illâ decoctione specierum residuarum Zvelserus perdit, atque inquinamento inutili Sirupum, hunc inefficaciorem, proprio suo testimonio, reddit. Nam in citatis vindictis contra *Verrum* illud à destillatione residuum effectum, terreum & mucosum inquinamentum, nec saporem, nec odorem compositi ac concretorem referens, vocat.

Priusquam hunc Sirupum dimittam, Lectorem Benevolum admonitum volo, in ultimis editionibus *Pharmacopœia Augustana*, à Zvelsero exagitata, præfatione (quam nescio, an ex oblivione, vel malo animo, aut qua de causâ suo

ſuo adungere operi, Zvelſerus intermiſit) ſequentem etiam poſitam fuiſſe admonitionem: *Servavimus omnia ut plurimum compoſita, quæ in prioribus exemplis à Prædeceſſoribus noſtris, ut extent, nobis ſunt relictæ: iis tamen, quorum uſus infrequentior, ob temporis ita ſerentis conditionem eſſe cæpit, minori literaturâ impreſſis, ut hoc modo obſoleta ab uſitatis diſcriminata cernantur, & Majorum autoritas rata habeatur, Pharmacopœiæ, noſtri teneant, quæ compoſitiones ab iis præparanda requirantur, quæ verò omittenda: vel ſi omnia parare ipſis ſit animus, quæ copiâ quadam, ut uſitatoria, vel minus uſitata exiguo pondere præſtare, vel omnino exeſſe debeant.* Hæc verba luculenter indicant, plurima in dicto noſtro Diſpenſatorio conſcripta eſſe, quæ ampliùs in uſu haud ſunt, nec ut parata ſemper in promptu habeantur, à Pharmacopœis requiruntur. Quare Zvelſerus moderatiorem in iis ventilandis ſe gerere debuiſſet. Imò fidelem Commentatorem, Reformatorem, aut Animadverſorem agere ſi voluiſſet, pariter in ſuis operibus, *literaturâ minori*, Auguſtanorum exemplo, iſtæ compoſitiones ut imprimerentur, curare debuiſſet. Aſt hoc non e re Zvelſeri fuit, qui reticere hoc potius voluit, quàm ut rei æquitati adſurgeret, aut à cavillando deſiſteret.

Pariter & mihi medicamentorum illorum minùs uſitatorum nomina diverſis literis, ab uſitatorum, exprimere placuit.

Et hoc è numero, compoſitionum ſcilicet apud Auguſtanos *infrequentiorum, omittendarum*, aut *quæ omnino exeſſe debent*, *Sirupus* quoque *acetosus compoſitus Meſues*, modò ventilatus, eſt; quem, utpote obſoletum, paucis attingere vel tranſilire potuiſſem, Zvelſerianorum tamen in gratiam, paulò diffuſius eum perpendere volui, quo & Sirupi dicti integritatem, Ductoriſq; ſui propriam imbecillitatem cognoſcerent.

SIRUPUS ACETOSUS DIARHODON MESUES pag. 5.
ejusdem cum priori ordinis eſt; in quo reſutando Lectorem ad *antecedentis animadverſiones* ablegat; quod haud gravatim concedo, & Lectorem ad *ejusdem examen* pariter remitto, ubi *quilibet, cui mens integra, ex ſacili deprehendet, quale ab eo ſperandum ſit juvenam.*

Nunc *melioris informationis* ergo, qua opus non fuiſſet, aliam ejus ſubnectit præparationem, quæ tamen ut magnopere æſtimetur, haud meretur; cùm imitari eandem qui velit, laborem, ſumtus & tempus, non adeo utili operâ perdat. Conatur quidem Zvelſerus ſpirituoſiorem partem, curioſâ deſtillatione inſtitutâ, conſervare; quod tamen adeo neceſſarium haud eſſe, ex præcedentibus patet. Imò illis *paucis ebullitionibus* (mirum, quòd ſcrupuloſus Animadverſor numerum earum non exprimat!) ultimo factis,

non levem jacturam partium spirituosiorum, qua de etiam supra jam monui, magnâ prius solertiâ à fugâ retractarum, incurrit.

SIRUPUM ADIANTINUM FERNELII pag. 6. quò & ipse iniquam animadversionem experiatur, cum singulare quid in eo carpendum haud inveniatur, per destillationem etiam & coctionem, ex recentibus herbis parare præcipit; ut scilicet sumtus ac labores Pharmacopœorum augeantur, in quibus tamen minuendis nimium sollicitum aliàs se præbet.

SIRUPUS DE AGRESTA MESUES pag. 7. sine castigatione dimittitur. In quo tamen spirituosiore succi illius acidi partem per coctionem exhalare permittit; nec eam, juxta aliorum Siruporum acidorum, acetosæ &c. modum, destillationis ope à fugâ coërcet.

SIRUPUS DE ALTHÆA FERNELII pag. eadem, inconcinna compositio Zvelfero dicitur, *nec inventum esse* (nempe in ipsius cerebello) qui illam eâ, qua præscripta est methode, in Sirupum elegantem, justam habentem consistentiam, verè redigere potuerit; Ex speciebus prædictis absque succo & fallaciâ preparari haud posse; imò paratu impossibilem esse; cum radices & cyme althææ, nec non cyme malvæ, ac semina quatuor frigida majora & minora mucilaginem præbeant, Sirupo ineptam. Pharmacopœos quidem dictas species nodulo inclusas coctioni submittere, ait; quò earum mucilago in sacculo remaneat, sicque Sirupus, istâ destitutus, elegans atque gratus evadat &c. Inconcinna hæc animadversio multis scatet difficultatibus.

Primum & præcipuum quod carpit, est, Sirupum hunc ob mucilagines elegantem &c. fieri non posse. Quod si verum foret, non tamen videre, possem, quam ob causam, mordacem istam animadversionem mereretur. Posito quippe, elegantiam Sirupo deesse; sufficit, si viribus ipsi adsignatis respondeat. Non enim semper ad medicamenti pulchritudinem, sed potius ad ejusdem effectum, respiciendum esse, circa finem animadversionum prodit.

Quamvis Sirupus hic, mucilagine turgidus, elegans planè, justæ consistentiæ, transparentis, oculis & gustui gratus, hic Augustæ prodest. Igitur, ut invertam Zvelferi sententiam, *hic Sirupus ex speciebus prædictis, absque succo & fallaciâ preparari potest, ut sit elegans, justam habeat consistentiam, mucilaginesq; contineat.* Nec ideo paratu impossibilis est.

Et Zvelferus ipse, si illorum, quæ in præfatione hujus classis præmisit, recordari voluisset, Sirupum hunc simpliciter inelegantem & impossibilem, ejus preparationem minime proclamasset. Ibi etenim de Siruporum consistentiâ agens, pondus liquoris ad saccharum præcisè & exactè determinari non posse, scribit, ob liquorum diversitatem, cum alij aquosi sint & diluti, crassiores alij &c. Sic etiam hoc in loco cum liquor crassior sit & viscidus, si elegans ac justâ

ac iustâ consentiâ præditus Sirupus desideretur, non *uncia septem, aut octo*, sed *major liquoris quantitas ad sacchari libram unam* requiritur; ne nimium viscidus, longiori aquosæ partis exhalatione, evadat.

Alterum quod notat, est: Pharmacopœos, de quibus in genere & sic de omnibus loquitur, mucilaginosas illas species nodulo quidem inclusas coquere; ast virtutem earum tali modo aquæ non communicari; cum mucilago in nodulo remaneat. An nonnulli Pharmacopœi hac ratione procedant, mei instituti non est inquirere; id tamen ab omnibus haud fieri, AUGUSTA mihi testis est.

Quibus verò dicta præparatio arridet, ij Sirupum mucilagine imbutum nihilominus adquirunt; transit enim per nodulum aqua, mucilaginem extrahit, & eâ imprægnata, præcipuè si nodulus inter coquendum spatulâ nonnunquam debite comprimitur, utique nodulo iterum egreditur, novâ subinde adveniente aquâ; id quod *aviso.ψία* comprobat. Quanquam mucilaginis aliquam partem intra nodulum remanere, minimè negem.

Loco itaque laudabilis hujus Sirupi, cum *Medici ob virtutes ejus tantopere deprædicatas* (& longo usu confirmatas) eo carere (merito) nolint, decoctum earundem specierum dulcoratum trahere in usum, suadet, cui semina illa officinarum frigida in emulsionem cum aquâ redacta, conjuncta fuerint. Verum hac classis non de compositione *Decoctorum* agit. Cui autem species illas in ejusmodi formam, vel aliam aliquam redactas propinare libuerit, per Augustanos licet; quibus tamen Sirupo hoc, ulteriori ægrotorum cum commodo uti, placebit; præcipuè, dum rejecto decocto Zvelferiano, ab aliis quoque Viris clarissimis eum in usum vocari, observant; prout *Hafnienses Medici famigeratissimi*, paululum mutatâ, non discrepante, conficiendi methodo, eundem *Dispensatorio suo* inferuerunt; nec non *Wolf. Höferus Hercul. med. lib. 8. cap. 4.* alium præparationis modum (diversimodè scilicet mutari potest præparatio hæc à perito Pharmacopœo, eodem recidente effectu) tradit, subjungens: *talia quidem docet quotidianus rerum usus, & spectant ad examina Pharmacopœorum, possentq; plura doceri hic, nisi ab alio in arte hac magis exercitato, quàm in corrigendâ modestia & medendi methodo, talia non ita pridem divulgata essent.* Quis hic ab Höfero indigitetur, facilè divinari potest; neque magno labore opus est, cum digito monstrari, & dicier: HIC EST.

SIRUPUS APERITIVUS MAGISTRALIS MINDERERI pag. 8. prolixè satis à Zvelfero exagitatus, nunc sese offert. Quem antequam adgrediatur, eo nunc rem rediisse, scribillat, ut unusquisque ferè Medicorum,

Medicorum, non solum Juniorum, sed & Seniorum, saltem ut nomen suum hinc inde in officinis pharmaceuticis resonet, peculiarem sibi effingat compositionem, quo ipso sæpenumero summam suam in arte pharmaceuticâ ignorantiam potius prodant, quam ut exinde famam aliquam sibi concilient. Omnes itaque Medicos, qui compositionis alicujus, per optimam rerum magistram, experientiam, probatâ, pharmaceuticas officinas, quò ibidem publici emolumenti causâ proftet, participes reddunt, isto aucupij inanis gloriolâ vitio prurientes compellat; quod unicuique Ipsorum expendendum ac propulandum relinquo. Sed nimium proterva est insimulatio hæc, quæ efficere posset, ut sæpe sapius talis compositio, multorum in salutem, medicinæque incrementum cessura, æternis consecraretur tenebris, ne publico usui exposita, ejusmodi iniquorum Zoilorum iniquissimam censuram incurreret; nisi generosa indoles vilia contradictionis mancia contemneret, nec, ut eorum in gratiam nobile DEI donum intreat, permitteret.

Divini autem quid in Zvelfero eminere, hoc ejus effato permotus quis putaret, utpote cui interiora cordis scrutari, Medicorumque animum penetrare concessum est; dum tam audacter, singulares eos sibi effingere compositiones, scribit, *saltem ut nomen suum hinc inde in officinis pharmaceuticis resonet.*

Non quidem negabo, quosdam ut numero talium inserantur, mereri; de omnibus tamen indistinctè id deblaterare, an virum bonum deceat, dubito.

Si salvo pudore dicere hoc liceret, pari ratione, & majori certè jure, idem de Zvelfero prædicari posset; scilicet, quòd gloriæ cupidine pruriens, peculiare sibi effinxerit compositiones, saltem ut nomen suum hinc inde, in officinis resonet &c. Nec effugiet, quin suo modulo ipsum alios metitum fuisse, dicatur.

Nunc, ad magis specialia ut descendam, dictos inter Medicos & nomen suum profiteri *Mindererum*, inhumanè adfirmat. *Mindererum*, inquam, cujus in rem medicam merita sunt amplissima, qui ægros sollicitè ac fideliter sublevando, scriptis medicinam locupletando, atque eam, quo potuit, modo, totis viribus spectabilem reddendo, immortalem gloriam meritus fuit, non ut mordaci isto sarcasmo, falsæque insimulatione oneretur.

Duo autem hoc in *Sirupo Mindereri* virgulâ animadversoriâ petit, paucis nunc à me examinanda.

Primum quod animadvertit, est, radices illas, quarum succos *Mindererus* præscribit, aridas esse, & exprimendo succo, nisi fortè in parçissimâ quantitate

titate inidoneas. Quod utique firmo staret talo, si expressio solarum radicum, non addita re conveniente aliâ, intelligeretur.

Mindererus minimè ait, succos illos, è solis præscriptis aridis radicibus expressos sumi debere; sed in genere succos earum notat.

Probè enim distinguere norunt *Augustani*, haud indigi *Zvelseri* monito, radices in succulentas & aridiores. Qua differentiâ habitâ, earum quoq; præparationem, sive pro succo impetrando expressionem diversam esse, sciunt. Id quod *Zvelserus* vel nescivit, vel, quò *Augustanos* traducendi materiam haberet, dissimulavit.

Succulentæ itaque radices per se torculari subjectæ, succum suum liberaliter emittunt; aridæ contra prius cum aquâ vel alio conveniente liquore macerantur &c. sicque ad succi sui expressionem, quem per se non fundunt, idoneæ redduntur. Hoc *Zvelserus* è *Schrödero*, à se calidè commendato, alios ut omittam, observare debuisset, qui lib. 2. *Pharmacop. med. chim. cap. 82.* succorum è vegetabilibus educationem tradens, *Vegetabilia succulenta*, inquit, (minùs succulenta macerari, in solari, elixari vè antea volunt aquâ) conquassa & exprime. Idem in specie quoque de floribus minùs succosis, fructibus, radicibus & lignis edocet. Sic & vegetabilia glutinosum, expressionique non adeo aptum succum continentia, liquore aliquo, dum contunduntur, irrigantur, quò postea succum suum faciliùs emittant; quod *portulacæ* exemplo *Galenus* 6. de sanit. tuend. cap. 14. & lib. 9. de simplic. medicam. facultat. declarat. Quin ipse *Zvelserus* parùm sibi metipsi constans, simile quid pag. 386. in animadvers. *Oxyrocei Vigonis* habet, scribens: si ex enumeratis radicibus (althææ puta) radulâ tritis per se succus exprimi nequeat, imprægnetur rasura aliquâ quantitate aquæ, vel substituatur earum radicum mucilago.

Alterum animadversione dignum iudicatum est, quòd subtiliores partes coctione deperdantur; adeò ut mesenterij, hepatis ac venarum mesentericarum obstructionibus reserandis, parùm aut nihil prosit hic *Sirupus*. Cùm hi morbi medicamenta spirituosâ, non verò crassâ & feculentâ medicinas, virtute salinâ, volatili ac spiritali penitus exutas, utpote qua in decoctionibus omninò castrentur, efflagrent. Quid hac de objectione statui debeat, in antecedentibus sufficienter jam declaratum fuit.

Et, denuo pro defensione *Augustanorum* ut testimonio *Zvelseri* utar, Lector Benevolus iterum *Sirupum de centaury minori* pag. 11. *Pharmac. Reg.* descriptum, subtilioribus privatum partibus, & tamen ad viscerum obstructiones reserandas ab eo commendatum, consideret. Quare si *Zvelseriani* illum Antesignani sui *Sirupum de centaury min.* parùm vel nihil prodesse, adfir-

affirmabunt ; tunc demum altiori voce præsentem *Mindereri* Sirupum virtute suâ destitutum, clamitent ; sin minùs ; & hunc intactum relinquant ; cum utrique paripassu ambulent.

Sirupum autem nostrum facultate salinâ penitus exutum esse, falsissimum est ; ea nimirum quod adhuc insit, pars *aceti* major à coctione remanens, tum etiam reliquarum specierum decoctarum natura, sale essentiali sive tartaro, qui coquendo non exhalat, referta, comprobata.

De volatili virtute plura dici possent, nisi in præcedentibus, cum primis *Sirupo de absinthio*, sufficienter jam de eâ disserendi ansa tradita esset. Ex quibus etiam correctâ ipsius, uti quidem putat, preparatio patescit ; in qua insuper alia quoque notanda essent, quæ tamen hac vice brevitatis causâ omitto.

SIRUPUM AURANTIORUM pag. 9. è succo eorum productum, ad normam *Sirupî acetositis citri* parari posse, obiter indicat, Quare sine morâ ad

SIRUPUM DE CORTICIBUS AURANTIORUM pag. 10. ad. me cum ipso confero, quem prolixo discursu evertere conatur, cujus summa est toties jam in medium allata *subtilium spirituum jactura*, quibus solis vires *ventriculorum frigidum roborandi, concoctionem adjuvandi, flatuum dispellendi ac cordis vires adaugendi*, tribuit. Nolo diu huic Sirupo immorari, cum prægressa examina non omnibus viribus eum orbatum esse, clarè satis indicent. Minimè nego, abire partem aliquam oleosam, cui magna vis penetrandi insit ; ast id, quod remanet, effectû viribusque ipsi attributis, prorsus carere, argumenta in contrarium adducta, refutant.

Probent igitur Adversarij, partem crassiorem, sive *extractum*, ceu vocat Zvelserus, *amarum* omni virtute destitui. Imò probent, ventriculorum roborandi, concoctionem adjuvandi, & flatuum dispellendi majorem vim subtiliori, non crassiori ejus parti inesse.

Ad cordis quidem vires citò adaugendas illi insigniorem, præ hac vim facile tribuo ; ast nullam planè huic deberi pernegatur.

Neque enim cordi penetrantia ejusmodi unicè robur addunt, cum diversimodè vires ejus adaugeri, constet, utpote quod ex solidis, humorosis & imperum facientibus partibus componitur. Solidas autem uti cum primis respiciunt medicamenta corroborantia ; sic & cordialia iis præcipue debentur ; quas dum *extractum amarum corticum aurantium* virtute suâ modicè adstringente, nec non calefaciente roborat ; morbificos insuper humores absุมit, aliisque modis sublevat, quis illud è cordialium numero excludat ?

Per accidens etiam, dum prædicta præstat, sanguinem ac spiritus, cum hi cordi ortum suum acceptum ferant, licet omni penetrandi vi spoliatum, confortat.

Ille rectissime roborat & confirmat vires, qui omnes causas, eas debilitantes tollit. Dan. Sennertus paralip. lib. 5. institut. part. 1. sect. 1. cap. 4.

Quamquam litem non moveam illis, qui cardiaca dari statuunt, quæ sanguinem potius & spiritus, quàm solidam substantiam cordis respiciant; quorum illa sanguinem mundificandi, uti *Tincturæ coraliorum* sic dictæ, ex parte etiam prælens *extractum aurantium amarum*; hæc spiritus augendi, refocillandi &c. prout odorata & suavolentia sunt, (de quibus hîc Zvelferus, ac si sola essent cordialia, agit) tunc imprimis, ubi celeri opus est refectiõne, adhibenda, vim propriè obtinent.

Solis verò spirituosiss, balsamicis, penetrantibus &c. virtutem deberi cordialem, ipse Zvelferus tacitè negat, dum (alia ut silentio præteream) *classe 15. animadvers. in aquam cordialem temperatam, pag. 293. succos acidos, citri, granatorum & alios ad cordis corroborationem propter symbolicam aciditatem liquoris in pericardio existentis (quo de suo loco agetur) plurimum posse, si erudi propinentur, adfirmat; quorum laudata efficacia, etiam si destillentur, in residuo maneat, & per consequens, in parte crassiori, fixiori & terrestriori consistat.*

Pag. 6. append. animadvers. Sirupum de corticibus citri (cum quo Sirupus corticum aurantium pari passu ambulat) à partibus odoratis per destillationem separatis, saporis gratiam; à residuo autem extracto amaro virtutem possidere, fatetur.

SIRUPUS FLORUM AURANTIORUM *pag. 10. ferè nihil diversi à præcedente habet, numerumque obsoletorum ingreditur.*

SIRUPUS DE ARTEMISIA *pag. cit. tribus modis à Zvelfero oppugnatur.*

1. Diligentem & iteratam transcolationem non sufficere ad decoctum purificandum, nisi albumen ovi accesserit. Verùm si non sufficiat, quod jam non controvertam, peritus Pharmacopœus, dictante etiam Zvelfero, ipse novit, quid factu opus sit.

2. Aromata sub finem demum coctionis ut injiciantur, ne vires ipsorum protinus evanescant, malè injungi; quia parum & leniter cocta, parum etiam de virtutibus suis in decoctionem deponant; quæ autem in decoctum vis aromatica deposita sit, si non eadem primâ decoctione, cerò tamen in secundâ violentâ ebullitione exspiret. Cui duplici objectioni sic obviam procedo: Si parum & leniter cocta aromata, parum de virtutibus suis decocto impertuntur, &

tur, & ita longiorem ac fortiorem cocturam patiuntur; falsa erunt, quæ in principio *Animadversionum primi Sirupi* Zvelferus protulit, dum vegetabilia non pauca, quantumvis sicca, secum ferre spiritum quendam fugacem, adferit, qui levi calore ignis stimulatus resolvatur. Falsa itidem & frustranea, erit illa *Decocti contra calculum nephritici Pharmacop. Reg. pag. 87.* aromatizatio, ubi sub finem decoctionis *cinnamoni acuti uncia dimidia* injicitur. Econtra si verum hoc est, quòd scilicet levi calore vis aromatica prolucitur; falsum erit adsertum in hoc *Sirupo de artemisiâ*, aromata nimirum leniter cocta parùm de virtutibus suis in decoctionem deponere.

Hanc verò aromaticam vini decocto impressam, si non in primâ, in secundâ tamen coctione ex parte amitti, concedo; omnem autem deperdi, pernego; cum odor relictus de eâ testetur, quem quivis, dummodo emundetas, nec præposterè judicij excremento obstructas habeat nares, facillè percipiet.

Diuturno etiam usu comprobata sibi esse hujus Sirupi efficaciam, Augustani in adjectâ annotatione monent, ut ita de eo, ob leves quasdam rationes, abrogando, & novâ aliquâ eum componendi methodo solliciti quò sint, nullam causam habeant.

Hujus Sirupi loco Lector Benevolus *Sirupum aperitivum splenicum & hepaticum* Zvelferi *Pharmac. Reg. pag. 4.* intueatur; ubi *succorum libra tres eum semisse*, præter eam quantitatem, quæ à reliquis additis recentibus vegetabilibus largè ipsis accedit, digestionem tantùm submittuntur, ne scilicet pars spirituosâ pereat; postea autem cum *sacchari libris quatuor* in Sirupum coquantur; ubi quod per solam digestionem, colaturam, expressionem ac depurationem servatum à spirituosâ partibus fuit, violentis tandem ebullitionibus exspirare cogitur; cum *uncia sedecim liquoris* in auras abire debeant, si *succi dimidiam libram* ex recentibus illis plantis expressam fuisse, ponamus, & *libra uno sacchari uncias octo succi*, pro Sirupi formâ impetrandâ, destinemus.

Tertia censura cum antecedenti tenoris est ejusdem, subtilium scilicet partium habendam esse rationem; quem in finem ipsè novam Sirupi hujus præparationem edocet. Quæ omnia ventilare, cum Zvelfero actum agere, foret.

SIRUPUM DE BETONICA SIMPLICEM *pag. 22.* faciendi duos modos, pro subtiliori parte, mediante destillatione impetrandâ, tradit; quos cui sumtus & labores duplicare placet, sequatur. Augustanorum intentioni traditus à se modus satisfacit; quos etiam hac ex parte *Hafnenses Medici* secuti fuerunt.

SIRU-

SIRUPUS DE BETONICA COMPOSITUS pag. 12. ab illo de *artemisiâ*, & *acetoso composito Mesues* parùm discrepare, Zvelsero dicitur; ideo, cùm in eum singulare quid non animadvertat, sed propriam tantùm præparationem adponat; præterea ipse Sirupus ampliùs in usu haud sit, ad reliquos me converto.

In *SIRUPO DE BERBERIBUS* pag. 13. monet, quòd in vase terreo, vel lapideo confici debeat. Id tamen Augustiani *Prolegom. cap. 4.* in genere de omnibus *Sirupis* per se *acidis*, vel *acetum* recipientibus, quos inter *Sirupum de berberibus* in specie adduxerunt, jam dudum ante Zvelserum prodiderunt; scilicet ut non tantùm in vasis figulinis vitreatis, vel lapideis coquerentur ac despumarentur, sed & in similibus ad usum reponerentur.

Debuisse autem monitum hoc Zvelserus, dum proprio quasi in cerebro prognatum, cùm tamen aliis Autoribus, quin ipsis Augustanis debeat, illud proferre voluit, non huic demum, sed primo acido *Sirupo*, nimirum *acetositis citri*, imò reliquis omnibus adponere; dum tam adcuratus Pharmacopœorum informator audire desideravit.

An verò succi acidi, ut *citri* &c. benè in vase ferreo, præcipuè pro illis compositionibus, quæ & odore, & vi cordiali pollere debent, igni committantur, nec ferrum indè corrodat, ac consequenter sapor vitriolatus martialis medicamento imprimatur, cuilibet expendendum relinquo. Id autem Zvelserus aliquoties facit, uti *Pharmacop. Reg. pag. 120. Sacchari citrati* & pag. 122. *sacchari perlati* præparationes testantur.

In *SIRUPO DE BORRAGINE*, pag. 13. notat, flores *borraginis* sensili odore non pollere; si tamen verum, quòd lætitiæ augeant, cor & spiritus vitales recreent & instaurant, non dissitendum prorsus, eos in se reconditum habere spiritum quandam fugacem, spiritibus vitalibus adeoq; cordi ipsi, cœu eorundem scaturigini, familiarem; quem, ne per coctionem deperdat, ad modum *Sirupi florum aurantium*, destillatione capit. Plura hîc in disputationem vocari possent; ast cùm melior eorum pars cum prioribus coincidat, ea repetere, tædiosum foret.

Dubiam autem reddere alicui medicamento vim cordialem, si odoratum non est, vel medicamento inter cordialia relato, spiritum quandam fugacem, sive facîle exhalantem, necessariò assignare, minis prudentis hominis est. Et ipse Zvelserus, auro crudo, coralio, margaritis &c. vim cordialem tribuit, quæ tamen odorem ullum, vel spiritum aliquem fugacem minime fundunt.

Agunt

Agunt similia occulto nobis modo ; & odore si pollent ; non tamen omnis ipsi virtus adscribenda erit. Sic *Borrage* licet nullo odore prædita, foret, nihilominus cordialis dici posset ; ejus virtutem & Antiquiores & moderni Medici non pauci expertam habent ; unde quoque *Buglossum* (sic *Borraginem* officinarum *Dioscoridi* dici, nonnulli autumant ; vid. *Bauhin. Matthiol. &c.*) *ἐὺ φρεόσυνον* *Dioscoridi* lib. 4. cap. 123. ut audiret, meruit ; vino enim injectum, animum exhilarare creditur. *Borrage* nonnullis dicta videtur, quasi *cor ago*, gaudia cordis ago.

Cæterum flores *Borræginis* sensili odore non pollere, uti *Zvelserus* scribit, ille, qui eos recentes nunquam odoratus fuerit, non talis exercitatus *Veteranus Pharmacopœus* dicat. Quamvis odori illi omnes & præcipuas vires, seu modò innui, hoc ipso neutiquam adjudicatas velim.

Simili judicio SIRUPUS DE BUGLOSSO pag. eadem subijci-
tur.

SIRUPUS BYZANTINUS SIMPLEX, & COMPOSITUS MESUES pag. 14. nihil singulare habent ; cum ille ad exemplum, *Sirupi de betonica simplicis* ; hic *Aperitivi Mindereri* ut parctur, *Zvelserus* moneat.

Nec SIRUPUS DE CALAMINTHA MESUES pag. 14. ab illo, de *absinthio* & *betonica* simplici differre, ipsi dicitur ; quem igitur, additâ solùm mutatâ ejus præparatione, dimittit.

Sic & SIRUPUS DE CHAMÆMELO & DE CAPILLIS VENERIS SIMPLEX pag. 15. nihil novi adportant.

SIRUPUS DE CAPILLIS VENERIS COMPOSITUS pag. eadem multipliciter *Zvelsero* vapulat ; qui licet ampliùs in usu haud sit, paucis tamen evolvi meretur.

Quod ratione *drachmarum duarum seminis malva*, à *Dodonæo* additarum, taxat, *Augustanos* non attinet, qui illud in *Pharmacopœiâ suâ* nec probant, nec improbant. Quamquam improbandum haud sit, cum exigua admodum illa feminum quantitas sit, nec Sirupo conficiendo quidquam deroget ; quo de *Sirupis de althæâ Fernelij* consulatur.

Duplici verò viâ *Augustanos* invadit : I. Ratione *sacchari penidij*, quod frustra *saccharo communi clarificato* adjungi, judicat ; quia necquicquam ab alio quovis *saccharo albo puro* discrepat, si in liquore aliquo dissolvatur ; nec nisi solâ ultra ordinariam consistentiam cocturâ, & peculiari saltem efformandi modo (qui in manuali operatione consistit) ab eodem differt, qui tamen modus speciem & virtutem ejus non variat, nec ullam vim & efficaciam ulterius illi addis, præter-

præterquam quòd magis friabile, & in ore præsertim infantium liquabile evadat, pectusq; sic leniter deglutitum leniat. Tandem precium saltem augere Sirupi, concludit.

1. *Præterquam quòd, precij augendi causâ saccharum penidium additum fuisse, probandum sit; tantum tamen precium huic Sirupo ab eo accedere, non video; cùm, si dicto saccharo penidio sacchari clarificati uncia octo substituantur, tota compositio nec decimâ parte unius Imperialis, & una dosi, si eam unciarum duarum ponamus, ne centesimâ quidem parte unius imperialis carius indè evadat.*

2. *Si saccharum penidium in liquore aliquo solutum necquicquam ab alio quovis saccharo albo discrepat; cur in trochiscis bechicis albis, nigris & rubris, pag. 218. class. 12. saccharum canthum & penidium, unâ cum vulgari albisimo locum habere posse, concedit? Ea non dissolvi, aut in pristinam formam (hæc qualis sit, interprete opus est) ibidem redigi, quidem ait; at dissolvi illa sacchara, ex præparatione elucescit; species enim, quas inter & saccharum canthum ac penidium est, cum mucilagine tragacanthi subiguntur, pulvisque crassioris formam adquirunt; ubi mucilago illa omnes sacchari particulas, si trochisci elegantes ac compacti desiderentur, pervadat, easque humectando solvat, necesse est.*

3. *Saccharum penidium à vulgari albo, non nisi ultra ordinariam consistentiam cocturâ differre, non capio. Sacchari enim albi puri consistentia ordinaria compacta, dura & sicca est; ultra quam an durior & siccior sit, cui saccharum penidium adplicari queat, nescio; cùm potius infra ordinariam consistentiam, id est, non tam duram & siccam, coctum fuerit.*

4. *Saccharum penidium etiam à vulgari albo puro differt, non tantum ratione cocturæ & singularis efformandi modo, in solâ manuali operatione consistente; sed quoque, quòd purissimum sit, partesque aliquas olei amygdalini leniendis faucibus adcommodati, nec non amyli, inter conficiendum, ipsi accedentes, conjunctas habeat. Quem parandi modum Theodor. Corbejus Pharmac. bipart. lib. 1. class. 1. sect. 8. Casp. Bauhinus lib. 1. de remedior. formul. cap. 19. Job. Schröderus Pharmacop. lib. 4. cap. 400. aliique tradiderunt.*

5. *Saccharum penidium à vulgari discrepare, scribit; quòd illud sit liquabile, & pectus, leniter deglutitum, leniat. Hoc autem omni saccharo, illi etiam durissimo crystallino, sive cantho, competit. Nunquam enim videre mihi licuit saccharum, quod in ore liquationi obstitit. Pectus etiam leniendi vis omni saccharo, præ reliquis tamen penidio, competit.*

Dum

Dum itaque *saccharum penidium* atque *vulgare* satis evidenter differunt, & nihilominus reprehensione digna est eorum in uno Sirupo permixtio; quid cum *Zvelseri Sirupo menthae majori Append. animadvers. pag. 8.* fieri debeat, unusquisque facile videbit, ubi in eo *sacchari albisimi libram unam & dimidiam*, & *sacchari albi uncias sex* contineri, observabit.

Sed mitto hæc, ne Lectori Amico, nugis his ventilandis, materiâ sic exigente, diutius immorando, tædium adferam.

II. Augustani immeritam *Zvelseri* reprehensionem incurrunt, ratione *aqua capillorum veneris*, cujus *uncia octo* Sirupum hunc ingrediuntur; hæc autem omnes, si iustæ consistentiæ Sirupus expetatur, iterum exhalare in coctione debere, sibi imaginatur *Zvelserus*. *In quem igitur sinem addita sit*, subiungit, *judicare esto penes Benevolum Lectorem.*

Ex propriis verbis judicare *Zvelserum*, facile est, nempe qui multoties *saccharum* cum decocto aliquo ad tabulati consistentiam coctum, additâ aquarum destillatarum sufficiente quantitate, in Sirupum redigit. An idem de præsentî Augustanorum Sirupo prædicari nequit? Si igitur *capillorum vener. 3v. glycyrrh. 3ij. asplen. Mj. cum 15vj. aquæ* ad medietatis consumptionem coquantur, & hæc medietas aquæ, virtute specierum imprægnata, colata, cum *sacchari clarif. & penid. an. 3viij.* ad tabulati ferè consistentiam, perducantur, ac tum demum *aqua capillor. vener. 3viij.* addantur, annon iustæ consistentiæ Sirupus erit? an *aqua capillorum veneris* exhalâsse dici poterit? Et hoc Augustani innuunt per illud in fine positum: *Fiat Sirupus secundum artem.* Quod secundum artem fieri, *Zvelserus* non intellexit, vel dissimulavit.

IN SIRUPIS DE SUCCO CARDUI BENEDICTI, CERASORUM ACIDORUM, & DE CICHORIO SIMPLICI, pag. 16. nil singulare notandum reperitur; nisi quòd in *Sirupo cerasorum acidorum* animadvertit, sumendum esse succum spontè ex cerasis, unâ cum nucleis contusis, effluentem, qui aliàs ope torcularis expressus gelatinam potius, quàm elegantem Sirupum præbeat. Augustani non dicunt, succum, ope torcularis exprimi debere, cum ille per linteum, leni manuum expressioni facile cedat; ut ita torculari minimè opus esse, probè sciant. Si quis verò ad imitationem moniti *Zvelseri*, succum è cerasis unâ cum nucleis contusis, eductumumat, ille ingratum sibi Sirupum comparabit, eò ingratiorem futurum, si normam pag. 10. *Pharmacop. Reg.* præscriptam, sequatur, ubi *cerasa acida* in mortario lapideo, ut *nuclei* omnes frangantur, conquassare, iisque plures insuper alios *nucleos cerasorum acidorum*, antea adservatorum, ac etiam conquassatorum, pro majori odoris impressione, addere præcipit.

Quis autem in hoc Sirupo levem illum odorem desideret, ut non eundem, sapore gratissimo acidulo in ingratum à *nucleis* mutato, potius abhorreat? An verò Lector Benevole, odorem istum *nucleorum* contusorum Sirupo confecto adhuc inesse, existimas? neutiquam; in aëre quarendus est, quem unà cum illà succi parte, quæ coquendo exhalare debet, petit.

Reliquos duos Sirupos ad modum aliorum è succis paratorum, nempe per destillationem, fieri debere, censet. Cur? Ut habeat, quod Augustanis contradicat. Nam *Pharmacop. Reg. pag. 10. & 11.* eorundem Siruporum, videlicet *de carduo benedicto & de cichorio*, confectionem, secutus Augustanorum modum, mediante solà coctione, tradit.

SIRUPUS DE CINNAMOMO *pag. 17.* si præscripto modo paretur, quòd magnà fragrantium & optimarum particularum parte orbetur, utique verum est. Id tamen non latuit Augustanos, qui, antequam, Zvelserus animadversiones suas promulgasset, alio jam modo eundem parare inceperunt, testantibus idem uno & altero Pharmacopœorum nostrorum peritissimo.

Quare benè sibi consulunt illi, qui *aquam cinnamomi*, prius *recenti cinnamomo* superinfusam, cum *sacchari clarificati* sufficiente quantitate miscendo, solà dissolutione Sirupum hunc conficiunt, eique pro majori efficacià *oleum* etiam ejusdem superaddunt.

Modus quem tradit Zvelserus, satis prolixus, tædiosus & sumtuosus est; cujus insigne compendium fieri potuisset. Ad quid enim trina *illæ aque cinnamomi à recenti* semper *cinnamomo* in B. ex cucurbità (de qua etiam quid dici posset, cum in *App. animadv.* ob *oleum cinnamomi*, destillationem, in arenà per retortam fieri debere, moneat) abstractio, dum unica sufficit? Si nempe illæ *cinnamomi uncie duæ cum dimidià* primæ, & *totidem* secundæ, ac *quinque* tertiæ destillationis jungantur, atque cum assignatis *libris duabus aque cinnamomi* aliquandiu digerantur, tandemque ad siccitatem usque abstrahantur; eadem aqua prodibit, quam à triplici destillatione obtinere liceret; imò fortè melior, cum in repetitis talismodi destillationibus semper aliquid oleosis istis aquis decedat, varioque modo perdatur.

In *Append. animadvers.* quidem prolixitatem illam, sed frigidè satis, excusat, se nimirum imitatum fuisse antiquas reiteratas infusiones, ut eò lucidius errores, contrariis juxta se positos, elucescerent. Sed quia reiteratas istas infusiones erroris insinulat; ut hic elucesceret, ipse contrarium, unicam, nimirum infusionem sive destillationem commendando, ponere debuisset; trinæ enim Augustanorum infusioni, trinam infusionem cum subsequenti destillatione opponere, non est contraria, ratione numeri infusionum, juxta se po-

se ponere. Præterea ne verbulo quidem reiteratas illas Veterum infusiones his in animadversionibus culpavit, cum tamen aliàs in minimis etiam defectibus perstringendis calamo alacriter utatur, & multiplicatos consimiles labores alibi summis viribus contrahere, laboret, prout ejus exemplum pag. 65. animadvers. in *Sirupo rosarum solutivo simplici*, & pag. 332. in *oleo scorpionum magno Matthioli*, subministrat.

Imò *Pharmacop. Reg. pag. 28. aquam rosarum in Fulepo rosarum*, novis superinfusam *rosis* iterum, atque ita bis destillat. In *Fulepo* quoque è *vino*, pag. eadè, *vinum à floribus rosarum, tunica, corticibus aurantiorum, citri, & cinnamomo* abstrahit, quam ipsam abstractionem, adfuso illo destillato *vino* novis speciebus, repetit. Unde licet illum errorem in *Sirupo cinnamomi* commissum aliquo modo excuset, per hæc & similia tamen bonam, quam sibi conciliare conatur, causam, iterum perdit.

Ultima rectificatio, quam conjunctis *aquis cinnamomi & rosarum*, nec non *spiritui vini malvatici* destinat, similiter frustra instituitur. Ex parte, quidem *aque cinnamomi*, quia fortissima & acerrima ipsi jam ante rectificationem dicitur, eà opus minimè est, nisi aquam cinnamomi fortiorem fortissimâ, & acriorem acerrimâ se eo modo impetraturum speraverit. Ponamus autem, eam rectificatione adhuc indigere, absolvi tamen hæc ultimâ illâ, sive tertiâ destillatione poterat, si nempe *aquam cinnamomi* tunc ad siccitatem, usque non abstraxisset, sed leni tantum igne meliorem ejus partem separâisset. Et hoc ipsum quoque in *vini malvatici* atque *aque rosarum* destillatione observare potuisset. Toties enim repetitâ destillatione si nihil aliud, tempus tamen, opera & sumtus inutiliter perderentur.

Denique non minùs, quam supra jam aliquoties attigi, censuram iterum meretur; dum hunc *Sirupum* vel solâ dissolutione, vel unâ ebullitione, conficere, docet. Frustrâ quippe ebullitio admittitur, ubi sola dissolutio sufficit; cum ibi non levis particularum *aque cinnamomi* fragrantissimarum pars pessum eat.

Non dicam jam, quòd & alibi in dissipandâ preciosâ aromatis hujus, aquâ satis prodigus sit Zvelferus.

Nec ipsius *dextra*, uti vocat, *Sirupi hujus præparatio*, in *App. animadvers.* tradita, ab eadem animadversione se vindicare valet; ubi ab *aque cinnamomi* libris duabus, *vini malvatici* librâ unâ, *aque rosarum* uncii duabus, postquam *cinnamomi acuti uncus decem*, superinfusa fuerunt, *libram unam & dimidiam, vel libras duas* in arenâ per retortam, igne paulò fortiori abstrahere præcipit; qua fortî abstractione non sola spirituosior enumeratarum aquarum &c. pars, sed phlegma etiam in largâ quantitate in vas recipiens transit,

sicquæ aliqua fragrantium spirituum portio in retortâ relinquitur, quæ postmodum vel abjicitur, vel unâ cum aquâ & remanentiâ *cinnamomi*, coctione in auras pellitur.

Auctarij loco adjecta cautela, *aquam* scilicet *cinnamomi acerrimam* filtrandam non esse, vel Sirupum per pannum colandum, ne oleaginositas utriusque filtro vel panno adhæreat, vanum excitat strepitum. Probè norunt periti Pharmacopœi, *aquam cinnamomi* (licet albicans adpareat) per alembicum purum, in vas recipiens, pariter nullis sordibus inquinatum, destillatam, ut & Sirupum ex simili aquâ & *saccharo optimè clarificato* paratum, filtrationem non requirere. Si cui verò *aquam cinnamomi* filtrare placeret, aliquam licet oleaginositatis *cinnamomi* particulam amittat, quam unâ cum aquâ chartæpori (sic in Sirupi colaturâ panno aliquid adhereret) imbiberunt. Perpauculum tamen illud est, nec unica, uti modò innui, *cinnamomi* oleaginositas; quia aqua albicans, qualis prius exstitit, per filterum transit; & Sirupus post colaturam potentissimo odore gaudet; atque ita signum infallibile olei superfluitis præbent.

Auctario huic aliud pag. 5. *Append. animadvers.* auctarium subjungit: oleum scilicet, si quod à *cinnamomo* in destillatione cum aquâ prolectum fuerit, cum *saccharo* in clæosaccharum prius redactum, admisceri Sirupo debere, ne vel fundum petat, vel Sirupo supernatet. Quem equidem modum non rejicio, ast solum *oleum*, *saccharo* prius non permistum, Sirupo mediante agitatione si permisceatur, non est dubium, quin per minima cum Sirupo uniatur, oculari inspectione illud clarissimè attestante; sic ut metus ille, ne fundum, vel superficiem petat, inanis planè deprehendatur. Hanc ipsam, tamen cautelam aliis quoque Sirupis, cum primis illi de *corticibus aurantiorum* &c. adjungere, adcurati Animadversoris munus postulasset.

SIRUPI CORALIORUM difficultates, quibus scaterere cum, Zvelserus pag. 28. scribit, nunc enodandæ se sistunt.

I. *Coraliorum* libram dimidiam à *succo berberum* depurato, ad eminentiam quatuor vel quinque digitorum adfuso solvere, Augustanos moliri, objicit, cum tamen octo vel decem ejus libræ vix sufficiant. Ast non dicunt Augustani, quòd omnis *coraliorum* substantia ab illo semel superinfuso succo solvenda sit; sed quòd solutio à sæpius reiteratâ recentis succi adfusione impetretur. Unde aliquoties eam repetendam esse, claris verbis indicant.

II. Licet Augustani hoc in negotio moniti sui parùm memores fuissent, totum scilicet à semel adfuso *succo berberum* solvi statuendo, & postea similem succum pro ulteriori dissolutione fecibus, sive subsidentia relictæ sæpius adjungendo; propterea tamen adeo falsè traducere eos, haud decuit

Zvelse-

Zvelferum, qui se ipsum à nævo illo liberare prius debuisset, quàm aliorum maculam tangeret. Toties enim jam demonstravi, quàm parùm ipse monitorum suorum memor sit, quantasque ἀνυλογίας committat. In subsequentibus quoque, similes plures Zvelferianas contradictiones attingendi, & Zvelferum è Zvelfero reformandi, occasio dabitur. Pariter quæ de succi berberum & coraliorum colore adducit, animum ipsius hostilem, non singularem aliquam animadversionem sapiunt, nec responsionem merentur; cui facile redhostimentum aliquod, si operæ precium foret, è *Pharmacopæiæ Regiæ* reponi posset.

III. *Coralia* in succo berberum soluta, & cum saccharo cocta præcipitari, animadvertit, dum scribit: *Sed esto, imprægnatum hoc modo habeant saturatâ Tincturâ corallinâ succum, subjiciant eundem Vulcani violentia, percoquant, suo modo, cum saccharo pro libitu, deprehendent, Corallia suum retinaculum, quo veluti compede erant restricta, mox desertura, & loco Syrupi Corallinâ Essentiâ imbuti, reperient grumosum, à Corallis planè quasi desertum Berberum succum, saccharinâ dulcedine delinitum; Aciditas enim succi superatur quasi & vincitur à dulcedine Sacchari (præsertim in violentâ & diuturnâ coctione) quod est veluti sal dulce Corallia præcipitans, more aliorum salium.*

Verùm Augustani 1. non desiderant propriè succum imprægnatum, *Tincturâ coralliorum*, sed succum corallinâ essentiâ imprægnatum, sive in quo coralliorum substantia dissoluta sit. De quo non opus fuit, scribere: *Esto, habeant imprægnatum succum &c.* quia reverà talem succum per illam præparationem adquirunt. Inesse enim ipsi *Coralia* soluta, negari nequit.

2. Augustanorum modus non est, *Vulcani violentiâ succum hunc cum saccharo percoquere*, sed leni potius ignis calore eundem in debitam consistentiam reducere. Isto enim: *coquantur in formam Syrupi*, non violentam, sed mitiorem, in B. V. institutam coctionem, intelligunt. Unde Pharmacopœos ad *Quercetanium* quoad *Balnei vaporosi constitutionem* remittunt; qui eandem coctionem in B. V. pariter celebrat. Videatur ejus *Pharmacopœia dogmat. restit. lib. 2. cap. 12.* nec non *Joh. Schröderus Pharmacop. medic. chimic. lib. 3. cap. 6.* ubi artificium *Quercetani*, ad concinnandum hunc Syrupum, nullum aliud, quàm evaporationem lentissimam in M. B. tepido factam, esse, memorat.

3. Licet Augustani violentam coctionem præciperent, *coralia* tamen hac ratione præcipitatum iri, ita ut *succus berberum* planè quasi ab iis deservatur, maxime dubito; & licet aliquid in fundum fortè ageretur, tota tamen *coralliorum* substantia illud nequiquam esset. Quin hujus rei certior ut fierem,

rem, violento igne in vase terreo vitreato *succum berberum, coralis saturatum, cum saccharo* in Sirupum decoxi, & ne granulum quidem præcipitatum fuisse, observavi; cui verò postquam *salis Tartari solutionem* instillavi, *coralia* mox à *succo berberum* soluta fundum petierunt.

4. Grumosum evadere violentà coctione Sirupum, negari equidem, nequit; tanta tamen grumorum quantitas non est, & qui colaturâ institutâ facillè separantur.

5. In cocto isto Sirupo aciditatem *succi berberum* à *saccharo* superari & quasi vinci, concedo; idem tamen in Sirupo *coraliorum Zvelseri*, cujus præparationem adnectit, quoque fit. Neque Sirupus hic ob aciditatem, sed propter *coralia* præparatur.

6. *Saccharum* esse veluti *sal dulce, coralia præcipitans, more aliorum salium*, ex jam dictis, contra *Zvelserum* negatur. Præterea si quis solutionem *sacchari*, solutioni *coraliorum*, sive cum *aceto destillato*, sive *succo berberum* factæ infundat, nullam tamen præcipitationem observabit. Quin etiam si *saccharum* ex acidis soluta in fundum agit, idem in Sirupo *coraliorum Zvelseri* fieri deberet, quia *sal coraliorum in succo berberum* solutum cum *saccharo* miscetur, & digeritur. Idem quoque accideret in *Pharmacop. Reg. pag. 11. Sirupo coraliorum refrigerante*, ubi accedente etiam ebullitione, *coralia* pariter à *succo granatorum acidorum*, per additum *saccharum*, separari deberent. Idem periculum maneret Sirupum emeticum in *Append. animadvers. pag. 10. descriptum*; ubi *vitrum antimonij in aceto destillato* corrosivum, per *sacchari* conjunctionem & violentam coctionem, in qua, juxta *Zvelseri* fundamentum, ad minimum *libra dimidia aceti destillati* ut exhalet necesse est, *acetum destillatum* deferere cogeretur.

7. *Saccharum* non est veluti *sal dulce*, sed revera *salis dulcis* nomen meretur. Quomodo autem *more aliorum salium coralia præcipitare* potest, dum *sal aceti acidum* aliæque, neutiquam *coralia* à *succo berberum* præcipitant; cum hoc tantum salibus, quæ acidis contraria sunt, quæque non ineptè à *Tackenio alcalia* vocantur, competat?

E dictis nunc patet, præscriptam à *Quercetano*, & ab Augustanis *Dispensatorio suo* insertam Sirupi præsentis præparationem, inutilem, sine merito proclamari; cui quidem alteram illam, quæ *coraliorum solutionem in aceto destillato* factam recipit, vel aliam aliquam substitui posse, non inficias ibo. Prout *Augusta* modum istum, per *solutionem* scilicet *coraliorum in aceto destillato*, usitatum jam fuisse, antequam *Zvelseri* nomen ipsis innotuerit, à fide dignis Viris accepi.

Sed quia adeo scrupulosus in hoc Augustanorum Sirupò Zvelserus fuit; vicissim unum alterumque scrupulum in tradito ab ipso modo movere placet.

1. Abstractio illa studiosa in M. B. *solutionis coralliorum aceto destillato* facta, non est necessaria, cum faciliori opera absque tali destillatione solutio coagulari possit. Quia enim saltem *inspidum phlegma* prodit, tantà solertiâ illud excipere, opus haud est.

2. Hanc *coralliorum* exsiccatam solutionem *salis coralliorum* nomine dignatur; quod tamen sal dici non posse, pag. 68. *App. animad.* defendit. Et, revera nihil aliud est, quàm *sal aceti* cum *coralliorum* corpore coagulatum.

3. His verbis: *frustrâ laborant, qui solutiones illas, sive per reiteratas aquarum stillatitiarum affusiones & abstractiones edulcorare tentant, quam nullo modo amittunt, nisi destruxeris totum, traditâ solutione igne violento*; nullus sensus inest. Quid enim illud: *quam nullo modo amittunt*, respicit? quid nullo modo solutiones illa amittunt? Existimo tamen, si reliqua verba consulo, *aciditatem aceti* eum intelligere; ubi verò notandum occurrit

4. Solutiones istas edulcorare, frustraneum laborem simpliciter vocari non posse. Facile enim fit, ut *aceti* quantitas major adsumta fuerit, (nam utriusque proportio exacta ignoratur) quàm ad *coralliorum* totalem solutionem requisitum fuit; Unde hujus superflui *aceti* particulas salinas solutioni conjunctas, per aquarum destillatarum adfusiones, à reliquâ solutione ablueri, non frustraneus labor esse potest.

5. Solutiones illas non nisi igne violento salem acidum amittere, negatur; adfusum enim ipsis *sal Tartari resolutum* &c. in acidum salem istum agit, cum eo conjungitur; & ita *coralliorum* pulverem à sale acido liberatum, in fundum præcipitat.

SIRUPI DE CORTICIBUS CITRI animadversiones his verbis pag. 19. exorditur: *Ipsimet nolentes volentes in annexa sua animadversione fateri coguntur, rei veritate convicti, quòd servata odoris fragrantia suavior, & per consequens etiam utilior & efficacior evadat Syrupus*. Minus veraciter Zvelserus, Augustanos nolentes volentes illud suum de Sirupi hujus fragrantia effatum protulisse, clamat. Probet Adversariorum caterva, Augustanos unquam negasse, quòd *Syrupus corticum citri* ab aromatico illo odore suavior non evadat. Probet, unquam eos veritati se in hoc opposuisse, adeo ut jam *nolentes etiam, rei veritati convicti*, illud fateri cogantur.

Absurda autem est conclusio, quam infert Zvelserus, dum Sirupum, hunc ideo utilem atque efficaciorē dicit, quia ob odoris fragrantiam, suavior sit. Potest medicamentum aliquod ob odorem additum fragrantissimum,

tissimum, suave esse; non tamen sequitur: E. etiam utilius & efficacius est. Contrarium ipse Zvelserus nolens volens, rei veritate convictus multoties probat, v. g. dum purgantia & vomitoria cum cordialibus, aromaticis, odoriferis male misceri, inculcat.

Quin hunc ipsum Sirupum, ubi ab odore fragranti suavior redditus est, in genere utiliore vocare, absolum planè est; non enim omni individuo hoc modo competit, mulieribus præcipuè hystericeis plus oberit, quam proderit; unde quoque *completus ac incompletus*, i. e. *sine* & *cum moscho* in officinis nostris proflare debet.

Cæterum Lectorem ad præparationem *Sirupi corticum aurantium* re-
legat, ex quo hujus etiam præparationem haurire debeat; quo & ego Lectorem remitto.

Crassam insuper, *rusticam* & *explodendam corticum citri* Sirupo jam perfectè cocto, *injectionem* adpellat; cum hic ob lentorem & crassitiam nihil ulterius extrahere possit. Crassa hinc est Zvelseri Minerva, quam vel quilibet rusticus exploderet, si talis Sirupus ipsi odorandus offerretur. Quare iniquo huic judicio refutando immorari nolo, cum omnes argutas objectiones odor citrinus, Sirupo per *corticum* injectionem conciliatus refutet. Præterea Augustani non simpliciter, perfectè cocto Sirupo injici debere *cortices* illos, scribunt; sed in fine coctionis, ubi scilicet Sirupus adhuc calidus, eò facilius virtutem eorum extrahere atque in se recipere potest. Aliàs si talismodi medicamentis similem spissitudinem obtinentibus, nihil virium ab injectis aliis simplicibus accedere posset; nescio, quo modo *Mel anthosatum*, *Pharmacop. Reg. pag. 25.* descriptum, virtute *florum* & *foliorum rosmarini* imbutum dici, sicque nomen *anthosati* præ se ferre queat; nescio, an *pag. ead. mel à mentha*, & *pag. 26. à rosis* immerfis quidquam virium mutuentur?

SIRUPI CYDONIORUM & DE ENDIVIA SIMPLEX

pag. 20. nihil singulare habent.

SIRUPUM DE ENDIVIA COMPOSITUM *pag. ead. cum illo Magistrali Mindereri;*

SIRUPUM DE EUPATORIO MESUES *pag. 21. cum Sirupo de betonica composito;*

SIRUPUM DE FARFARA, *pag. 21. DE FRAGIS*, nec non DE FUMARIA SIMPLICEM, *pag. 22. cum aliis è succis paratis;* &

SIRUPUM DE GLYCYRRIZA MESUES *pag. 22. cum Sirupo capillorum Veneris composito* concordare, scribit.

SIRUPUM GRANATORUM DULCIUM *pag. 22. nec non*
ACI-

ACIDORUM, & DE SUCCO HEDERÆ TERRESTRIS
pag. 23. ad reliquos è succis confectos Sirupos refert.

Quæ contra *Quercetani Sirupum hederæ terrestris* adfert, præterquam ad Augustanos quòd non spectent, parvi etiam momenti sunt, ex parte jam discussa.

SIRUPI FLORUM HYPERICI gènuinam præparationem ex animadversionibus *Sirupi florum aurantium* petendam esse, *pag. 23.* monet. Sed vix destillatione indigere *hypericum* videtur, cùm parvus odor, & consequenter, ex *Zvelseri* doctrinâ, pauca penetrantes particula ipsi insint.

SIRUPI DE HYSSOPO MESUES *pag. 23.* compositionem facilem ac inutilem nominat, cui plurima insunt, quæ paulò adcuratiùs rationis lance si expendantur, difficillimam, imò impossibilem reddant ejus confectionem; ut jure merito huc trahi queant, addens, omnia illa, quæ superius de *Syrupo de althæa* dicta & annotata. Quæ & sequentia dum adcuratiùs rationis lance expendo, plura in futili ac inutili hac animadversione digna invenio reprehensione.

Impossibilem esse ejus confectionem, Officinæ nostræ, & plures dubio procul diversorum locorum aliæ, refutant.

Causam impossibilitatis *Sirupum* hunc conficiendi, ingredientium proprietatem adducit, quæ majori ex parte ad *Sirupi* confectionem inepta sint. *Jujubis* enim, *Sebesten*, *Uvas passus*, *Caricas*, *Dactylos* crassum & viscosum decoctum; *tragacanthum*, *semen malvæ* & *cydoniorum* meram viscidam spissamque mucilaginem præbere; unde *Sirupus* eleganter transparens difficulter conficiatur. Ideo, his eliminatis, è reliquis solis *Sirupum* confici debere, arbitratur. Repetit deinde illud de specierum mucilaginosarum in nodulum inclusione. Quæ omnia si refutare animus esset, Lectori non nisi tædium in repetitione jam dictorum crearem. Quare ut censuram in animadversiones *Sirupi de althæa Fernelij* consulat, suadeo; ubi omnia hæc dubia enodata inveniet. Memor autem illius objecti sui esse debuisset *Zvelserus Pharmacop. Reg. pag. 25.* ubi *Sirupo de glycyrrhizâ pectorali dactylos N. xv.* & *jujubas N. xxv.* coquendo immiscet.

De *saccharo penidio*, quod ob nullam aliam causam *saccharo communi* substitui, quàm ut precium *Sirupi* augeatur, malitiosè imputat, *Sirupi de canillis Veneris* examen agit.

SIRUPUM DE JUJUBIS MESUES *pag. 24.* eodem maculat elogio, & eandem cum antecedente redolere profapiam, iisdemque scater erroribus, statuit. Ex illo igitur integritas huic restituatur.

Peritus autem in arte suâ *Pharmacopœus* non potest ignorare, qua ra-

tione Sirupum hunc & confimiles eleganter, sine ingredientium mutilatione, conficere possit. *Sed qui non norunt naturam rerum, verba sunt Rondeletij pharmacopol. offic. de Sirupo hoc jujubino, non possunt bene parare, & con-
queruntur de viscositate.*

SIRUPUS DE LIMONIBUS pag. 25. idem cum illo acetositate citri esse, declaratur.

SIRUPUM DE LUPULO, DE SUCCO MELISSOPHYLLI, pag. 25. & DE MENTHA MINOREM MESUES pag. 26. ad Sirupi de betonica simplicis confectionem refert.

SIRUPUM DE MENTHA MAIOREM MESUES pag. 26. prolixā animadversione pessumdare tentat, atque

I. *Lepidam & ridiculam esse succorum cydoniorum & granatorum permiscendorum variationem, putat, quia*

1. *fit difficilis, imò vix possibile, etiam in Italiâ, quæ tamen ipsis, maxime granatis, tellus est vernacula. Ast lepidus hic discursus vel cuilibet tyroni pharmaceutico, imò mulierculæ risum movere posset, qui delectum illum facilem admodum esse & maxime possibilem, optimè norunt. Granata quidem quod concernit, res est notissima; quam etiam paulò post, parum sui memor concedit, dum, Granata, inquit, sive fructus mali Punici manifestè inter se differre, nullus diffiteor. Cydoniorum verò delectum non esse impossibilem, sed facillimum, si nullo alio modo, ex ipso tamen Zvelteri circa hunc Sirupum discursu probari posset. Sic enim scribit: quod ad cydonia attinet, illa parum quoad aciditatem & dulcedinem inter sese differunt, & ut plurimum prout magis vel minus maturitatem adeptæ sunt, in sapore discrepant. Quodnam igitur horum genus impetratu vix possibile erit? an cydoniorum non satis maturorum, vel optimè maturitatem adeptorum?*

2. *Cum non sit necessarium, adeo rigide & præcisè differentias illas fin-
corum ad dextram Sirupi hujus confectionem trahere. Cydoniorum quidem, cum uti modò dictum, ratione majoris vel minoris maturitatis saltem inter se differant. Granatorum autem, quia sapor acido - dulcis ex dulci & acido constituitur; inutilem ergo esse succorum dulcium & acidorum sigillatim hujus confectione exoptetur. Verum (ut jam non dicam, quòd Augustani minime rigide præcipiant, ut differentia illa succorum præcisè observetur) ratione succorum cydoniorum malè procedit consequentia: cydonia dulcia & acida ratione majoris vel minoris maturitatis tantum differunt. E. succus eorum dulcis & acidus non necessàriò simul adduntur. Alias enim qualitates plurimæ res crudæ; alias dum coctæ & perfectæ suat, obtinent. Ipse etiam*

etiā Zvelferus *Pharmacop. Reg. pag. 181. 182. in Confectionem cordialem regiam, fructus aurantium immaturorum & minutissimorum, adhuc viridium recipit*; quibus præter *florum eorundem aquam, cortices quoque aurantium maturorum* adjungit. Si igitur immatura cum maturis in unam eandemq; compositionem recipere, tantum in Augustanis piaculum est; non video, quomodo Zvelferus in adductâ confectione cordiali excusari possit.

Granata naturâ suâ acido-dulcia ex acido & dulci mixtis, constare, verum est; an autem si *succus granatorum naturâ dulcium, & succus granatorum naturâ acidorum* misceantur, ejusdem naturæ sint cum *succo naturaliter acido-dolei*, dubito; cum longè aliter illa saporum unio à naturâ instituta, se habeat, quàm quæ ab artifice manu proficiscitur; sic *spiritus vini cum phlegmate vini aut vappâ* post destillationem relicta iterum conjunctus non ejusdem naturæ, saporis, odoris, coloris &c. *vinum* præbet, quale ante destillationem fuit. *Vinum* itidem dulce cum *naturâ acido vino* permixtum, non præbet *vinum* in qualitatibus illis temperatum & jucundum; quale esse solet tale *vinum*, quod sponte suâ sic producitur.

Sed ponamus, non necessariam esse tot diversorum succorum, quia sibi invicem similes existant, additionem; an ideo planè & inutilis & expungenda censeretur? Hoc modo maxima pars compositionum Zvelferi *Pharmacopæiæ Regiæ* expungenda veniet; ubi multa sæpe uni insunt compositioni, quæ sibi tum naturâ tum effectu similia sunt. Exempli loco inseruiat *Saccharum citratum tabulatum Pharmacop. Reg. pag. 120.* quod continet *saccharum in succo citri* (cui *cortices citri* recentes prius infusi fuerunt) solutum, item *cortices citri* contusos, & *essentiam citri saccharinam*, quæ pariter *saccharum, succum corticum citri prelo expressum, nec non succum ex indem digitorum ope saltem expressum* recipit. *Saccharum* igitur bis, *cortices autem citri* quater in hac compositione deprehenduntur. Pari ergo, imò majori jure lepida, ridicula, inutilis & nullius momenti varia ista *corticum citri* additio proclamatur.

3. Sumtuosa cum sit illa succorum dulcium & acidorum conjunctio. Multa toties de sumtuosis compositionibus contra Augustanos garrit, cujus propriæ tamen compositiones, si cum Augustanorum conferantur, tum in *animadversionibus* hîscæ, tum in *Pharmacopæiæ Regiæ*, non sumtuosæ, sed sumtuosissimæ dicendæ erunt. An autem delectus ille sumtus augeat, *Pharmacopœi* & qui similes fructus tractant, judicent. Quod si aliqua differentia ratione precij *granatorum acidorum & dulcium* &c, interdum occurrat, tanti tamen momenti illa minimè erit,

Res sanè cachinno digna, etiam in levissimis illis, quæ vel quivis idiota & crudus rusticus, si iudicium suum parùm saltem consuleret, ex facili suboleret, in-tempestivam suam in animadvertendo curiositatem prostituere.

I I. *Perperam & absurdam illam vini antiqui & generosi* (Notetur, vocabulum hoc : *generosi*, à *Zvelfero* additum, falsò Augustanis quoque tribui) *additionem dicit ; cùm illius spirituosæ partes in cociōne exhalare cogantur.* Sit ita ; cùm tamen nesciam, quam ob causam Antiquitas huic compositioni, aliisque similibus inesse *vinum* voluerit ; nihil determino ; absque tamen eo commodè parari posse, existimo.

Sed in eundem errorem (si error dici debet) absurdum *Zvelferum*, impegisse, facillimè monstrari potest. Ut de *vini spiritu*, quem multoties auras petere cogit, nil dicam. In *confectiōne Rob de spinâ cervinâ Pharmac. Reg. pag. 29. vinum perperam coquit.* In *Pilulis mastichinis pag. 67. libram unam vini optimi & spirituosi leniter evaporare permittit. Pag. 91. in epithemate ad eryspelata vini & aceti an. ℥ij. cum aqua ℥ij. ad consumptionem, quartæ partis coquit. Pag. 287. in Unguento ad hernias, vini boni rubri unciæ sex pariter deperdit.*

I I I. *Ineptè mentham prius siccandam esse, pro supervacaneæ humiditatis, flatibus suis ventriculū turbantis depositione, unumquemq; facile videre, qui computum instituerit, quot libræ pro Sirupi hujus consistentia indipiscenda, liquorum, cum vini, tum succorum inutiliter debeant evaporare.* Video quidem, *menthæ* exsiccationem rejici ; ast causa, quæ adfertur, interprete opus habet ; cùm tam ineptè posita sit, ut quid evincere debeat, nemo facile videat. Melius autem *pag. 7. Append. animadvers.* rem declarat ; ubi *menthæ* exsiccationem ideo vituperat, quia in eâ odoriferæ, sulphuræ ac subtiliores *menthæ* partes exhalant. Dolendum est, joculari liceat, quòd Augustani modum exsiccationis non adjunxerint, *menthamq; in umbrâ cum cautelâ, & chartâ desuper opertam siccandam esse, haud monuerint ;* quo ita *Zvelferi* censuram effugissent. Ipse enim *Pharmacop. Reg. pag. 103. in pulvere grosso ad sacculos pro epithemate cordis & pulsibus, cum herbis, floribus & corticibus recentibus fragrantissimis hoc observat ;* fortè quò ita fragrantia eorum exspiratio, ob *chartam cum cautelâ* impositam, impediatur. Quo ipso forsân artificio *rosas* quoque, quas exsiccatas, in substitutâ præparatione, *App. animad. pag. 7. traditâ, sumendas esse, præcipit, tractari exigit.*

I V. Præparationem ad normam *Sirupi de absinthio* institui debere, monet ; ad cuius itaque examen Lectorem remitto.

V. *Galie moschata drachmas tres in sindone ligatas & tritas præposterè jam confecto Sirupo immitti, animadvertit ;* cùm ejus essentia à Sirupo ad crassitiem

crassitiem perfectè cocto extrahi non possit. Ast præposterum hoc judicium ipse tali modo confectus Sirupus evertit; cum odore dictæ *Galie moschata* se commendet.

Notare etiam convenit, aromatica talia, ceu in *Sirupo de corticibus citri* jam monui, in linteo ligata, pro aromatizatione Siruporum circa finem coctionis, & dum post coctionem adhuc calent, imponenda esse; de quo eleganter agit *Ludovic. Septalius animadvers. medic. lib. 9. §. 210. & seqq.*

SIRUPUS DE SUCCO MERCURIALIS pag. 27. inusitatus est, & ab animadversione liber dimittitur. Sic & sequens

SIRUPUS MYRTINUS COMPOSITUS MESUES pag. ead. suo in valore relinquitur. Admonitio de *aquis stypticis vegetabilium* huc non spectat; & de iis quid monendi inferius occasio dabitur.

SIRUPUS NEPHROCATHARTICUS JOUBERTI pag. 28. licet obsoletorum medicamentorum numerum ingrediatur, breviter tamen, quid de animadversionibus in eum prolatis statui queat, indicabo.

1. Magnum ingredientium numerum inconcinnum vocat farraginem; quam etiam multis in medicamentis *Pharmacopœia Regia* mirari Lectores coguntur, si v. g. *classen* ejus *oſtavam de Decoctis* perlustrant.

2. Parùm perspectè *pulpas passularum, jujubarum & sebesten* adjici, cum Sirupo conficiendo ineptæ sint. De quo dubio *Sirupus de althæa Fernelij* consulatur.

3. Non satis mirari potest parvam *granorum juniperi* dosin, quorum, vix *granum dimidium* unam Sirupi dosin ingrediatur, quæ tamen grana inter potissima nephrocathartica reponi mereantur, à quibus Sirupus hic virtutem illam fortiaur. Conceditur, *granâ juniperi* inter potissima nephritica reponi; ast illa non sola huic Sirupo indita fuerunt, sed cum aliis nephriticis medicamentis conjuncta, quæ non minùs efficacem in ciendâ urinâ, calculis & sabulo pellendis &c. præstant operam; de quorum virtute si hoc in loco quis differere velit, non separatim cujuslibet dosin, sed omnia conjunctim considerare, convenit. Non enim negatur, *granum dimidium juniperi* parùm in recensitis adfectibus efficere; ast si cum reliquis jungatur, prout par est, suum quoque symbolum confert. Si secundùm crassam hanc *Zvelferi* animadversionem medicamenta *Pharmacopœia Regia* inserta pendere vellent, pauca eorum virgulâ censoriâ non notata abirent.

4. Species ingredientem inconvenienter in *decocto hordei* coqui, putat; cum hoc per decoctionem cremorem præbeat ad Sirupi elegantis præparationem nullo modo conducibilem, & quia *hordeo* jam saturatum est, parùm de virtutibus specierum extrahere possit. Verùm dum *hordei decoctum* longâ coctione

coctione & humiditatis ablatione, cremorem spissum præbet, eò usque non coquendum esse, ipsa ratio artifici dicitur. Esse autem decoctum hoc adeo saturatum hordeo, ut amplius ex aliis speciebus quid extrahere vix possit, *aviso* *lia* refutat.

Nec sumitur *decoctum hordei* crassum, sed dilutum & aquosum, quod multum de substantiâ *hordei* adhuc in se recipere posset, & per consequens nondum saturatè virtute ejus imbutum est. Ut alia, quæ circa hanc materiam adduci possent, silentio præteream.

5. Aromatizationem Sirupi, in fine præparationis institutam, obiter carpit; quid autem in eâ desideret, cum non addat, de eâ quidquam proderet, supersedeo.

SIRUPUM DE NYMPHÆA SIMPLICEM NICOLAI *pag. 30. animadversionibus Sirupi florum aurantiorum & buglosi* subjicit, in quo nihil novi cum occurrat, eum missum facio.

Pag. ead. in SIRUPO DE NYMPHÆA COMPOSITO FRANCISCI PEDEMONTANI duo notat: 1. Ingre-
dientia nonnulla viscidum & mucilaginosum præbere decoctum, pro Sirupo conficiendo inutile. 2. Corrigentia, *santalum citrinum & spicam indicam* male addi. Si enim Sirupo jam confecto indantur, virtutem eorum aromaticam extrahi amplius non posse; si unâ decoquantur (de quo apud Augustanos ne verbum reperitur) hanc deperdi. Quæ omnia tamen in *præcedentibus* jam resoluta fuerunt.

In SIRUPO DE PAPAVERE SIMPLICI MESEUS *pag. 30.* cavere jubet, ne mucilagineum per longiorem coctionem, sive nimiam inspissationem, efficiatur decoctum. Quod monitum non est de nihilo, & pro Sirupis militat, quos hætenus propter viscositatem & mucilagineos rejecit. Quibus igitur simile monitum, acerbissimarum animadversionum loco, adjungere præstasset.

Idem in sequenti *SIRUPO DE PAPAVERE COMPOSITO MESUES* *pag. 31.* si attendisset, nec mox prioris suæ animadversionis oblitus fuisset, non iterum in seminum mucilaginosorum additionem invehetur. Cavendum itaque est, ne per longiorem coctionem Sirupus nimium inspissetur; sed ut sufficiens aquæ quantitas pro diluendis mucilaginibus supersit. Quæ de seminum mucilaginosorum in sacculum inclusionem habet, in *Sirupo de aithaâ Fernelij* refutata inveniuntur.

SIRUPOS DE PAPAVERE ERRATICO, FLORUM PARALYSEOS *pag. 31. DE POEONIA & DE PILOSELLA*

pag. 32. ad modum aliorum Siruporum, è florum infusionibus fieri debere, animadvertit; quo de actum jam fuit.

SIRUPUM DE SUCCO PLANTAGINIS pag. 32. ad normam aliorum è succis paratorum conficere jubet. Verùm hos per destillationem preparat, ceu *animadversiones Sirupi de succo acetosa, acetosella, betonicae simplicis &c.* monstrant. Hic autem *plantaginis Sirupus* adstringente virtute pollere debet; qua cum aqua destillata, uti *animadversiones Sirupi myrtini* paulò superiùs contenderunt, destituta sit, frustrà sanè destillationis ope illa servabitur, quò Sirupo huic addi possit.

In **SIRUPO E POMIS SIMPLICI MESUES** pag. 32. nihil notatu dignum occurrit.

SIRUPUS autem DE POMIS AD CONFECTIONEM ALCHERMES EXPETITUS pag. 33. ulteriori disquisitione indiget.

I. Adeo ineptam esse & ridiculam hujus Sirupi preparationem, Zvelferus convitiatur, ut vix ullam invenire queas, quæ illam ineptis superet. Sicuti autem ipse nullam aliam ineptiorem compositionem hac invenire potuit; sic mihi nulla animadversio ineptior hac sese exhibuit.

1. Dementiam vocat, quòd *seta succo granorum chermes* tincta adhibeatur; cum *z.* ipsa *grana* affatim ubique prostant. Non nesciunt Augustani, *grana* illa prostare; ast quòd *setam* etiam adhibeant, Veterum autoritate confisi faciunt; cum nondum, omnes *seta vires* derogari posse, evictum sit.

2. *Seta* vel *sericum* ut plurimum alienis rebus à tinctoribus adulteretur, sicque solà & sincerà tincturà *granorum chermes* non sit imbutum. Si absque delectu *sericum* ejusmodi sumatur, facilè aliquem decipi posse, verum est, ut loco puræ tincturæ *chermes* alterius rei colorem virtutemque naneiscatur. Ast ideo selectione opus est, quæ si non obtineri queat, *folliculi serici* unà cum *granis vel succo chermes*, prout id Augustani facere consueverunt, sumendi erunt.

3. Adjuncta *seta* ingens Sirupo huic precium addat. Veterem repetit cantilenam; cui non inimeritò occini illud poterit:

Dat veniam corvis, vexat censura columbas.

Si illa *seta* quantitas Sirupo præsentì ingens addat precium, intolerabili precio compositiones Zvelferi venire, dicendum erit.

Phreneticis autem similes habendi sunt illi, qui dementiæ contrarium sentientes inculant.

2. *Sacchari uncis octodecim, & drachmis sex* non additas fuisse alias *drachmas duas*, ut sic *uncia novendecim* existissent, miratur; majori ipse admiratione ob mirabilem hanc censuram dignus. Me quidem, quam ob causam

causam illud pondus, non verò *uncias novendecim, octodecim, plus minusve* Beati Antecessores determinaverint, latere, fateor. Tibi, Ipsi hoc ita placuisse, sufficiat. Interea tanto cachinno eos dignos esse, multò minùs erroris insimulari posse, nemo sanus indè concluderit. Cui autem *plus minusve* sumere placuerit, per Augustanos licebit, qui absque vanà superstitione *uncias octodecim & drachmas sex* retineri in posterum posse, existimant.

Sed mitto has nugas, quas subinde ad nauseam usque Zvelferus profert.

3. *Aquam rosarum* in auras abigi, scribit. Fateor maximam ejus partem in violentà coctione avolare; omnem autem abire, odor superstes refutat. Ipse quoque Zvelferus in *Sirupo de pomis*, pro confectiōe suà *alchermes, Pharmac. Reg. pag. 180.* expetito, *succi pomorum redolentium* fragrantiam, nec non oleosam, subtililem, aromaticam *corticum citri & aurantiorum* partem violentà coctione deperdit.

II. Magis concinnam præparationem Sirupi hujus traditurus, *granorum chermes 3j. cum lbj. succi pomorum dulcium & aliquot guttulis olei tartari p. d.* digerit, unà vel alterà ebullitione coquit, è residuis granis tincturam cum *librà dimidià succi pomorum, ac pauculis guttulis olei tartari p. d.* extrahit, tandemque in Sirupum coquit, cui *elaeosaccharum rosarum* admiscet.

In hac, magis concinnà Zvelfero visà, præparatione, nonnulla inconcinna occurrunt, quorum unum & alterum tantum obiter tangam.

1. *Succo pomorum dulcium guttulas aliquot olei tartari p. d.* addit. Scio equidem, *sal tartari* pro vegetabilium, & in specie pro granorum *chermes* extractione à Zvelfero (vid. *Pharmacop. Reg. pag. 179.*) commendari. Ast hîc finem illum vix attinget, cum vis ipsius à *succo pomorum dulcium* obtundatur, sic ut extractioni parum amplius conducat.

2. Laborem duplicat, dum duabus vicibus *succum pomorum* granis superinfundit, quod unicâ vice absolvi potuisset.

3. Nimius partium subtilium astimator, jacturam earum, ratione cocturæ *succi pomorum dulcium*, qui utique odore grato se commendant, metuendam, minimè curat. Sed mitto hæc, & ad reliquos Sirupos me conféro.

SIRUPUM DE PORTULACA MESUES *pag. 33.* præscripro ab Augustanis modo confici posse, concedit; ast si quis *aquam endivie* desideret, destillationem præmitti debere, statuit. Verùm hoc modo (ut obiter id addam) non *aqua endivia*, sed *composita aliqua ex endiviâ, portulacâ, & phlegmate succi granatorum* prodibit.

SIRUPI DE PRASIO MESUES *pag. 34.* examen cum reliquorum è mucilaginosi specibus compositorum præparatione coincidit.

Sequentes

Sequentes SIRUPI, nimirum DE DUABUS & QUINQUE RADICIBUS *pag. 34.* RIBIUM, ROSATUS SIMPLEX, DE ROSIS SICCIS, DE RUBO IDÆO *pag. 35.* & DE SCABIOSA *pag. 36.* nihil notatu dignum continent.

Quæ in SIRUPO SCELOTYRBICO *pag. 36.* de plantis, quas continet, antiscorbuticis, quod nempe sale volatili abundant; profert, verum est; attamen huic soli omnem earum virtutem adscribere nequeo; prout nec omne illud coctione dissipari, fermentatio decocti & subsequens destillatio evincit. Cui verò per destillationem à fugâ hoc retrahere, vel alio quovis modo Sirupo conciliare libet, illi non repugnabo.

Ast neque Zvelferus hujus salis volatilis rationem semper habet, prout *Pharmacop. Reg. pag. 4.* in Sirupo aperitivo splenetico &c. magnam ejus fieri jacturam, cuius compositionem vel obiter inspicienti patet, cum in paucis istis commendatis ebullitionibus aliquot uncia humiditatis, & consequenter spirituosarum partium evaporare debeant. *Pag. 21.* in Sirupo antiscorbutico succorum cochlearia, nasturtij hortensis & aquatici an. ℥j. coquendo, omnem spirituositatem, ex propriâ decisione, perdit. Sic etiam in Sirupo splenetico *pag. 22.* præter plurima alia subtilibus partibus abundantia simplicia, herbam quoque recentem cochlearia atque nasturtij violentæ coctioni subjicit.

SIRUPUS DE SCOLOPENDRIO FERNELII; DE SCORDIO SIMPLEX *pag. 36.* & COMPOSITUS, nec non DE SEMPERVIVO SIMPLEX *pag. 37.* nihil diversum à prioribus continent.

In SIRUPO DE SEMPERVIVO COMPOSITO *pag. 37.* monet, ne vasa metallica, præsertim cuprea, sed testacea aut lapidea in ejus coctione adhibeantur. Ast supersedere huic animadversioni potuisset, cum id Augustani ipsi jam notaverint.

Circa SIRUPUM DE STOECHADE SIMPLICEM & COMPOSITUM MESUES *pag. 38.* item DE STOECHADE FERNELII *pag. 39.* quæ de subtiliorum partium exhalatione iterum profert, in superioribus jam discussa fuerunt.

In SIRUPO DE SYMPHYTO FERNELII *pag. 39.* è præscriptis viginti manipulis florum & herbarum vix illas desideratas tres libras succi impetrari posse, animadvertit. Ast ab aqua particulâ, quam plantæ istæ optimè ferunt, inter tundendum adfusâ, majori etiam in quantitate succus proveniet; vel si è solis illis vegetabilibus succus exprimat, residuumque cum sufficiente quantitate aquæ coctum denuo expressioni adaptetur.

SIRUPI FLORUM TUNICÆ & DE SUCCO VERO-
NICÆ pag. 39. ad reliquos è floribus & succis paratos Sirupos referuntur.

SIRUPUS VIOLATUS SIMPLEX pag. 40. eatenus animad-
versione notatur, quatenus coctione longiori colorem suum *cæruleum* amit-
tit, sed quem à *spiritu salis* (adde & alios spiritus acidos; prout *Poterius oleum*
vitrioli nominat) vel *succo citri, purpureum* iterum recipit. Verùm color
virtutibus ejus nihil derogat. Clarificationem etiam ejus, ope *albuminum*
ovorum, rejicit; quam Augustani non commendant; sed *Mesues* modum
illum esse, saltem innuunt.

SIRUPUM VIOLATUM COMPOSITUM MESUES
pag. ead. spissum vel mucilaginosum embamma vocat. Si coctio ad ni-
miam aquæ evaporationem usque instituat, concedo; ast *secundum artem*
si fiat, nego.

SIRUPUM VIOLATUM E SUCCO VIOLARUM ex-
pressio, perquam rarò confici, pag. 41. scribit; sed ex infusione cum aqua facta,
et quidem satis benè, cum flores contusi ut plurimum mucilaginosum præbeant
succum, eoque magis, si fortiori præli impetu cogantur, relictis floribus, integris ad-
huc virtutibus ac nativis suis coloribus præditis, quos una cum virtute integræ
aquæ superfusæ communicent. Militat contra Augustanorum Sirupum
hunc conficiendi normam; sed rem acu non tangit.

1. Licet flores violarum contusi mucilaginosum quodammodo succum
præbeant, hic tamen non ejus est conditionis, ut Sirupus ingratus indè eva-
dat, aut debitam non nanciscatur consistentiam. Quin eidem etiam peri-
culo primus Zvelseri dexterior (ceu ipsi videtur) preparandi modus subest;
in quo non minùs mucilaginosa florum violarum pars educitur, & Sirupo
unitur. Infusionem enim fortiter exprimit, succum insuper ex aliquot un-
ciis florum contusorum expressum conjungit.

2. Relictos ab expressione flores integras adhuc possidere virtutes, &
nativos suos colores, dictum, sed non probatum est. Remanere enim aliquid
de virtute & colore, haud est negandum; perpaucum tamen illud est, mul-
tò minùs integra virtus coloris in eo remanet. Nam sequeretur, expressum
succum colore violaceo & virtute destitutum esse; quod color, sapor & ef-
fectus ejus refutant.

Diversimodè autem hic Sirupus confici potest, & ipsa praxis Pharma-
copœis novam sapius ἐγχειρῆται subministrat. Sic tres non inelegantes
modos Joseph. Quercetanus Pharmacop. dogmat. restit. lib. 1. cap. 12. describit.
Augustani etiam aliū sibi usitatiorem modum adiungunt.

MELLI

MELLI ANACARDINO AZARAVII pag. 41. inhæ-
rere nolo, quod inter absoleta medicamenta jam dudum locum invenit.

MEL ANTHOSATUM PRIMUM pag. 42. hac animadver-
sione notatur, quòd, si *mel rosatum* antea debitam suam consistentiam na-
ctum fuerit, opus non sit, ut *flores anthos* cum hoc infusi denuo coquantur.
Flores enim illos succulentos non esse, & parùm liquoris *melli* impertiri pos-
se; unde solâ infusione illud confici posse, concludit. Ponamus, sumi *mel*
rosatum perfectè coctum, non video, cur coctionem ab illo planè excludere
debeamus; postquam cum *recentibus floribus roris marini* infusum fuit. Per
illam enim coctionem, dum *mel* justæ consistentiæ expetitur, humiditas ista
florum (quæ sive pauca, sive multa sit, hîc non disquiritur) eo modo aufer-
tur; tum quoque *mellis* per coctionem incalescentiâ, *flores anthos* virtutes
suas eò facilius *melli rosato* communicant; quod per solam infusionem tam
commode vix obtinetur.

Si autem coctio fieri debet, eam in alembico fieri necesse esse, monet,
quò exstillans humiditas fragrans *melli* residuo denuo reddatur. Ast non
opus erit, illam *roris marini* humiditatem tam studiosè excipere, si secundum
Zvelferi mentem, *flores roris marini* succulentos non esse, & parùm humidi-
tatis continere, dicamus.

Notare quoque iterum debuisset Zvelferus illud Augustanorum: *de-*
coquatur, ut artis est. Quo ipso non vehemens aliqua coctio præcipitur, sed
lenis, & qualem ipsa rei conditio efflagitat, quæ nec Pharmaceutices tyronem
modicè versatum latere potest; sive, ut Zvelferianâ phrasi utar, coctio ista
unâ vel alterâ ebullitione absolvitur; in qua an *florum anthos* odor fragran-
tissimus exspiret, ita ut opus sit, alembicum vasi imponere, ipsis Adversariis
determinandum relinquo.

Sit autem, omnem illam fragrantiam in cocturâ exspirare; cum *Mel*
hoc enematum ferè gratiâ tantùm paretur, ea tantopere æstimanda haud
erit; quia Zvelferus ipse odorata à clysteribus excludere videtur; quibus
similia addere, nefas & absolum, in animadvers. *Hierarum* pag. 90. proclamat.

MEL ANTHOSATUM SECUNDUM pag. ead. ex ob-
soletorum medicamentorum classe est; cui tantò minùs operam meam lo-
care, animus est, quia examen ejus è dictis patet.

In *MELLE EMBLICORUM* pag. 43. contradicere sibi Au-
gustanos, evincere conatur; quòd hoc *mel non nisi decoctum ad consistentiam*
missatum esse, dicant, seu *mel in quo myrobalani emblici conditi adservantur.*
Illud autem, quod addit Zvelferus, falsò imputat Augustanis, quasi scilicet
dicerent, esse *decoctum simplex*; cum saltem *decoctum emblicorum* vocent, ita

ut vel *simplex*, vel *compositum* adpellare pro lubitu possis. Utrum verò contradictio illa sit, alij iudicent. Sufficit mihi, ipsam præparationem, quæ in usu ampliùs haud est, modo præscripto fieri posse. Quàm turpiter autem Zvelserus sibi toties totiesque, non verbis tantùm, sed reipsâ contradicat, hætenus abundanter monstratum fuit, ac in sequentibus etiam uberius monstrabitur.

MEL MENTHÆ *pag. 43.* incurrit equidem aliquam partium tenuium jacturam; ast non omnem. Nec quoque illæ tantopere æstimandæ sunt; dum, etiamsi sola remaneret crassior *menthæ* substantia, vires nihilominus adscriptas retineret.

MEL MERCURIALE adprobatur; prout & MEL PASSULARUM *pag. 44.* quod tamen rectius *Rob passularum* dici debere, contendit. Ast vana illa de nomine disceptatio est, ubi de re non controversitur. Certo autem respectu, ratione nimirum *consistentiæ*, *dulcedinis* &c. medicamento huic nomen *mellis* denegari haud potest.

Quæ de MELLIS ROSATI SIMPLICIS ac MESUES *pag. 44.* præparatione statui debeant, è *Melle anthosato* ut petantur, subscribente Zvelsero, moreo; *examen* quoque *Mellis menthæ* repetatur. Sic ut difficultates, quibus & compositio *Augustanorum*, & *Noribergensium* scateret Zvelsero dicitur, exin haud adeo difficulter enodari queant.

In *MELLE ROSATO CITRATO* *pag. 45.* decantatam, ipsi cantilenam repetit; non posse scilicet *Mel rosatum* perfectè coctum, *corticum citri* virtutem extrahere; id quod in *Sirupo de corticibus aurantiorum*, & *citri* satis superque se demonstrasse, sibi non constans, scribit. In hoc quidem, *citri* scilicet *Sirupo*, de eo mentionem factam fuisse, scio; sed in illo, nimirum *de corticibus aurantiorum*, ne verbum reperire licet. Quare Lectorem ad illum solum *corticum citri Sirupum* remitto.

Et benè notetur, quòd Augustani huic *Melli rosato*, dum adhuc fervet, pro meliori scilicet extractione, *cortices citri* injicere præcipiant.

MELLIS VIOLATI *pag. 45.* præparatio, ad modum *Mellis anthosati secundi*, vel *menthæ*, ut fiat, exigat. Licet verò Augustanorum normam quis sequatur, nihilominus, subtilioribus particulis evaporatis, hoc mel, enematis potissimum consecratum, virtute suâ, quæ de ipso prædicatur, pollebit. Et parùm odoris *aquæ violarum* destillatæ inesse, in *Julepo violarum* ipse Zvelserus fatetur.

OXYMELLIS SIMPLICIS GALENI ET MESUES *pag. 46.* animadversionum vanitatem in examine animadvers. *Sirupi acetosi simplicis*

simplicis sat superque ventilatam ac discussam esse, Lector Benevolus recordabitur.

1. Vanus est ille *aceri* penetrantiorum partium perdendarum metus; utpote ne cum aquâ inter coquendum aëra petant. *Acetum* enim non cum ipsâ aquâ melli additur & coquitur; sed, ubi aqua coquendo fuerit absumta, *acetum* addi, & unicâ factâ ebullitione, ab igne removeri, atque usui servari, claris verbis Augustani indicant.

2. *Mel despumatum* si recipiatur, non necessum quidem est, ut aqua ob ulteriorem mellis despumationem & clarificationem addatur. Ast nec magnum erratum dici potest, quod viribus *oxysacchari* quidquam deroget.

Et fortè nova aqua melli superaddita fuit, ut si quid partium heterogenearum mellis adhuc conjunctum esset, ulteriori illâ despumatione separaretur.

Vel aqua libræ quatuor ideo saltem adpositæ fuerunt, ut cum eâ quantitate istas libras duas mellis despumandas esse, indicaretur. Unde & in explicatione formulæ de melle simpliciter, non de clarificato, loquuntur; sic ut fortean verborum hic sit sensus: *Rx. mellis viij. ℥ij.* despumentur cum aquâ ℥iv, ubi aqua coquendo fuerit absumta, addatur ℥ij. *aceri acerrimi* &c. Suo tamen quisque hic abundet iudicio.

OXYMEL COMPOSITUM MESUES pag. 46. quò legitimè (è Zvelferi nimirum sententiâ, quam solam ipse legitimat) parari possit, proprium addit conficiendi modum; qui tamen parùm à *Sirupi acerosi compositi* præparatione supra examinatâ, differt.

Hic notare saltem Lectorem volo, Augustanos, quos hac in materiâ etiam *Hafnienses Medici Clariss.* sequuntur, à Zvelfero irrideri, quòd *cortices radicum*, non ipsas radices *apij, petroselinì, feniculi* sumant; dum ait: *Rx. non corticum mundatorum & incisorum radicum, sed ipsarummet radicum; curiositas enim illa in minutulis hisce plantis & inutilis & supervacanea est.* Hanc cavillationem *Schröderus*, Zvelfero tantopere laudatus, *Pharmac. lib. 1. cap. 29.* retundit; ubi modum radices ad asservationem adaptandi ostendens, alias integras, alias in taleolas sectas servari, nonnullis *lignosam adimi matricem, ut apio, feniculo, petroselino* &c. recenset. Nec multum virtutis lignosum illud & exsuccum propè corpus continebit, coctionique magis oberit, quàm ut præclari quid ex eo sibi polliceri quis possit. Curiosè ergo radicum similium lignosam medullam, per me, qui velit, adservet; dummodo in contrariâ sententiâ refutandâ supervacaneam & inutilem ferè operam non collocet.

Si tamen hæc minutula sunt, atque curiositatis planè & inutilis & super-
vacaneæ nomen merentur, eandem propriam reprehensionem incurrit Zvel-
ferus, dum in *Diacoro stomachico Pharmacop. Reg. pag. 179. à radicibus eryn-*
gij, cichorij & pimpinella partem lignosam, sive, ut ipsi vocatur, callosam se-
parat. Sic etiam pag. 183. in *Confectione hepaticà calidà idem in radicibus*
(NB.) apij &c. observat, & aliis etiam in locis. Porro pag. 35. 35. 52. *corti-*
ces medios sambuci, & pag. 53. cortices radicum esula, expressis verbis, non ipsas
radices, præscribit.

OXYMEL DIURETICUM D. AMBROSII JUNGII
SENIORIS pag. 47. licet & ipsi tenuiores quædam partes per coctionem
demantur, virtutem tamen suam diureticam superstitem servat.

OXYMEL SCILLITICUM MESUES pag. eadem ad præscri-
ptum modum, per simplicem scilicet coctionem, parari posse, scilicet è melle
destumato, & aceto scillitico, scribit; cum de scillâ spirituosius nihil amplius
perire queat, utpote quod jam tum in priori suâ præparatione ferè amisit;
de quo plura in aceti scillitici præparatione se dicturum, promittit. Ast nec
lynceis præditus oculis quidquam ibi reperiet. Traditur enim pag. 314.
Aceti scillitici præparatio, cui tamen nullam aliam animadversionem ibidem
destinavit, nisi quam pag. 325. in genere omnibus Acetis addidit, dum omnia
aceta Augustanorum commendat; efficaciora autem & durabiliora futura
promittit, si acetum destillatum loco aceti simplicis adhibeatur. Vid. tamen,
quæ in examine ibidem à me proferuntur.

In OXYSACCHARO SIMPLICI pag. 47. & COMPOSI-
TO pag. 48. nihil quod traducat, invenit.

In JULEPO ROSATO pag. 48. ne fragrantissimus aquæ rosarum
odor perdatur, dum admonet, culpandus quidem non est, attamen quia ju-
stò acerbior in eo exagitando fuit, reprehensionem haud effugit. Augustani
autem jam dudum, antequam Zvelferus ipsis innotuerit, tantam aquæ rosa-
rum quantitatem ad sacchari libras duas adhibere, destiterunt.

Falsum autem est, aquæ rosarum fragrantissimum odorem in cocturâ
violentâ penitus exhalare; cum tota aqua, quæ huc trahitur, odoratissima
sit, & ejus plus quàm dimidia pars (Julepus enim Sirupo liquidior est) post
coctionem superfit.

JULEPUS SAMBUCINUS pag. ead. sine animadversione di-
mittitur.

JULEPI EX VINO ARNOLDI DE VILLA NOVA
pag. eadem animadversiones inchoat, negando, Villanovanum stupidissima, ceu
vocat,

vocat, hujus præparationis autorem esse. Etenim, inquit, *longè aliter ejusdem scripta restantur, nimirum quod fuerit vir solida doctrina, rerumq; naturalium exquisita cognitione imbutus, ipsa etiam Spagyrica scientiâ arteq; destillatoria instructissimus.* Quam laudem Villanovano dubiam reddere equidem nolo; interea tamen hoc ipso stupidissimo judicio quàm parùm sibi constet, imò hujus Autoris opera sibi nunquam visâ, vel perlustrata esse, indicat; utpote in quibus quoad medicamentorum compositionem ab Augustanis vix dissidet, sed eâdem methodo medicamenta sua præparat. Quare si tanta doctrinâ fuit, ut errare vix potuerit, & consequenter ipsius methodus medicamenta præparandi optima sit, nec animadversione indigeat; frustra Augustanorum Pharmacopœia à Zvelsero oppugnatur.

Villanovanum autem hunc Julepum in suis Operibus descripsisse, è *tractatu Ejusdem de conservandâ juventute* patet; ubi hæc habet: *Sermo super Sirupum de vino: Julep ex vino est, ut tribus libris boni vini addantur duæ librae sacchari & fiat Sirupus; accipiat cum aqua: gerit vicem cibi & potus, quoniam in eo aggregantur, quæ sunt amicabiliora naturæ.* Discrepante paululum modo in *tractatu de Vino*, ex Rabi Moysè, sub nomine *vini pro senibus, debilibus &c.* eundem adducit.

Stupidissimam autem ideo vocat hanc Julepi præparationem, quòd *vini* spirituosâ substantia *tota* in auras abire debeat, remanente phlegmate aquoso & ingrato, etiamsi *satis lentus ignis* adhibeatur. Non negari potest, partem aliquam spirituum *vini* in auras abire; omnes verò deperdi, à veritate alienum est. In violentâ enim coctione non tantùm spirituosâ pars, sed etiam aquosâ sive phlegmatica resolvitur.

Faciliùs autem concedo, partem spirituosiore[m] tantùm, si lentus satis ignis adhibeatur, relicto phlegmate, auras petere; id quod vel in rectificatione *spiritus vini* observare licet; quæ si in cucurbitâ humili, ex arenâ, igne forti peragatur, unâ cum spiritu phlegma etiam *vini* largiter elevatur, sic ut etiam guttæ, quæ circa finem prodibunt, non omni spiritu priventur; e contra si ex altiori cucurbitâ, in M. B. igne lento, rectificatio fiat, spirituosior tantùm partem elevari, quilibet Chimix tyro non ignorat. Unde Zvelserus istam ignis differentiam, quam & alibi sapius, ceu magnum quoddam crepat, pro sui argumenti robore adducens, inverso planè modo inferre debuisset.

Quam verò substituit Julepi hujus præparationem, & ipsa animadversione opus haberet; si triplex *Vini malvatici* destillatio, quæ unâ vice absolvi posset, consideretur; item, quòd *spiritus vini dephlegmatus* pro dissolutione satis magnæ quantitatis *sacchari* adhibeatur; *saccharum* autem per *vini spiritum*,

ritum, à phlegmate suo liberatum, solvi non posse, certum est; cum istatione sui phlegmatis solum *saccharum* attingat. Ut fortè non immeritò ille *Anonymus sacchari* solutionem per *spiritum vini purissimum, rectificatissimum*, seu ab omni aquâ separatum, inter non entia referat. Imò ipse *Zvelferus pag. 132. in animadvers. Extracti catholici, saccharum* inter illa simplicia collocat, *quæ spiritus vini rectificatus non attingit.*

Ad JULEPI VIOLARUM *pag. 49.* compositionem minùs proficuum esse, statuit, *aquæ violarum* additionem; utpote quæ exiguam saltem *violarum* fragrantiam spiret; hujus autem loco sumi posse *secundam infusionem florum violarum*, (primam pro *Sirupo* è *succo violarum* conficiendo adhibet) quæ tamen cum colorata sit, minùs commodè Julepo inservit, qui ut sine colore sit, *Augustani* volunt; & ex infusione illa paratus, *Sirupi* potius, quàm Julepi nomen meretur; aliàs nulla ferè inter *Sirupum* & Julepum distinctio foret.

Si verò *aqua violarum* fumenda sit, ad modum *Julepi rosarum*, à se commendatum, ut hic quoque fiat, *Zvelferus* suadet; *hujus* itaque examen consulatur.

Quamquam jactura partis *aquæ violarum* tanti non videatur esse facienda; videlicet quam in principio *harum animadversionum* minùs proficuum ad Julepum judicat; cum parum odoris spiret, & ita parum etiam odoris, quod perdat, habet.

In MIVA CYDONIORUM SIMPLICI MESUES *pag. 49.* illud de *vini* additione repetit; ut & in MIVA CYDONIORUM AROMATICA NICOLAI *pag. 50.* Sed multò sapidiorem evadere Mivam, quàm cum *vino*, quàm quæ absque illo, coquitur, si gustus consulatur,prehenditur.

Aromata sinistrè ad perfectionem decoctæ *Mivæ* imponi, prout iterum objicit, supra jam refutatum fuit.

Quod de *musti* ac *vini* differentiâ addit, tritum est; nec vulgus ignorat, *mustum* inebriandi vi, quia spirituosum non est, destitui. Licet *mustum vino* magis inebriare, *Albertus Magnus* adserat, debellatus idcirco à *Cal. Rhodigino*. Vid. *Philippi Jacobi Sacksiy ampelograph. lib. 2. sect. 6. membr. 1. cap. 3. pag. 165.*

Quod de remanente à destillatione *vini* phlegmate profert, saginandis scilicet porcis ferculum magis conducibile esse, quàm ut aliis usibus inserviat, an ita se habeat, me latet; ast si tam nobile experimentum *Zvelferus* verumprehendit, hoc suum arcanum, magnam laudem & adplausum meriturum, sibi servet. Mihi, cum isto phlegmate sæpius *oleum vini*, à mul-

à multis expetitur, nec non subtilissimum *tartarum* post destillationem remanere, constat.

Exprobravit autem (licet frigidam ob causam) aliquoties Augustanis nimiam curiositatem Zvelferus, à qua tamen ipse se vindicare nequit; cujus etiam specimen in his *Mixtarum* animadversionibus exhibet, dum *mustum vini recentis*, loco *vini*, sumit. Satius fuisset, *mustum* simpliciter ponere; cum reliqua duo vocabula nihil illustrent. Nunquam enim mihi, nec *mustum vini veteris*, nec *recentis*, sed *vinum recens ex musto fermentato* productum, videre licuit.

Tandem, quæ subsequuntur, medicamentorum, ROB dictorum, pag. 51. & seqq. præparationes omnes præscripto ab Augustanis modo commodè parari posse, concedit; exceptis ROB DE CORNIS, CYNOSBATI & JUNIPERINO, quæ malè è succis eorum ut conficiantur, præcipi, putat; cum nemo ista unquam ex succis paraverit, aut parare potuerit, quia nimirum fructus illi succum non præbent; nisi aqua affusa aliquandiu coquantur &c. Quæ objectio in *Sirupo aperitivo magistrali Mundereri* resoluta jam fuit; & ab ipso Zvelfero vel invito hic solvitur.

Præterea discussum jam sapius fuit dubium, quod in specie contra *Rob juniperinum*, de oleosâ granorum partis per cocturam dissipatione movet; nempe pars aliqua, non omne oleum, deperditur. Et licet nil de eo remaneret, nihilominus haud exiguis adhuc polleret virtutibus; sic ut *extractum baccarum juniperi*, cum *spiritu juniperi* paratum, si hic abstrahatur, non omnibus viribus destitui, *Hafniense Collegium* optimè scribat.

Nec semper oleosam istam partem à Zvelfero conservari, multis in locis *Pharmacopœiæ Regiæ* adparet, e. g. in *Theriaca simplici* pag. 176. uncia quatuor *baccarum juniperi* violentæ coctioni & inspissationi committuntur.



RESTITUTA

CLASSIS SECUNDA,

Sirupos purgantes complectens.

Cum Sirupos hos rarò absque commixtione aliarum rerum liquidarum adhiberi, & cathartica propter diurnam coctionem; in viribus suis haud parùm diminui, statuat Zvelserus, eorum loco *Infusa purgantia Pharmacop. Reg. pag. 31.* commendat, quorum exemplum decantatam illam *Dn. D. Mannagetta Infusionem laxativam* ponit; cujus tamen descriptionem in *secunda Pharmacopœia Regia editione* longè diversam ab illà, quæ in *primâ ejusdem editione* legitur, exhibet; dum & ratione doseos ingredientium, & ratione ipsius præparationis plurimùm discrepant, sic ut Lectorem dubium relinquat, quam illarum pro genuinâ Autoris compositione habere debeat. Ast licet in iis discutiendis multa, quæ censoriam virgulam requirerent, & Zvelsero obijci possent, se offerant; nihilominus, dum meum institutum ad defendendos *hujus secundæ classis* Sirupos me vocat, ea missa facio, & alij occasione reservo.

Ejusdem *Infusi*, sub nomine *aque laxativæ Wolfgangus Höferus lib. 8. Herc. med. cap. 2.* meminit; compositionem tamen, ab utrâque Zvelseri discrepantem, profert.

Eodem sub titulò in *Ampelographiâ Excell. Dn. D. Phil. Jac. Sachsij pag. 607.* eodem ferè modo, cum primâ illâ Zvelseri descriptione, proposita occurrit. Quæ ipsa etiam ab intimo quodam Amico, *dilectissimo meo Genitori, Dn. D. Luca Schröckio, Physico Augustano* benè merito olim communicata, inque Officinas nostras introducta, nunc frequentissimo apud Nos est in usu. Hanc ultimam autem genuinam esse, autor *Nob. Dn. D. Mannagetta, Anno M. DC. LVIII.* cum *AUGUSTISSIMO LEOPOLDO*, tunc in *CÆSAREM* noviter electo, *AUGUSTAM* transiens, præfato meo Patri testatus fuit,

De omnibus verò catharticiis, quòd qualibet diuturnâ coctione eorum virtus diminuat, utrùm dici queat, dubito. Zvelsero quidem faciem inter alios prætulit *Anton. Gunth. Billuchius, lib. 2. cap. 2. paradox. chimic.* purgantia coctione & extractione contabescere, statuens, atque ob id crudis multò majorem efficaciam tribuens.

Aliud *Joh. Hartmannus in praxi chimiæ* velle videtur, dum id, quod ex *helleboro* exhalat, ejus foetorem & venenositatem vocat.

Sit autem, uti existimat Zvelserus, idcirco tamen non debuisset tot Siruporum, Electuariorum, Pilularum, Extractorum purgantium, per coctionem parandorum, descriptionem tradere, & ita sciens volens cathartica in viribus suis hæud parùm diminuerè. Sed mitto hæc, & Sirupos Augustanorum perlustrare, adgredior, quorum primus qui est, nempe

SIRUPUS FLORUM ACACIÆ *pag. 54.* nullam animadversionem, quæ responsum efflagitaret, adnexam habet.

SIRUPI DE CARTHAMO *pag. eadem* animadversiones prolixo admodum præambulo exorditur, antequam ad rem ipsam se conferat; & 1. Aquam ab ingredientium virtute satis superque imbutam aliis speciebus purgantibus, pro vi earum catharticâ extrahendâ, unde postea Sirupus virtutem & efficaciam purgandi fortiat, malè adfundi, putat; cum, secundum ipsius judicium, vel parùm admodum, vel prorsus nihil extrahat. Zvelseri equidem judicio hæc vera sunt; ast non aliorum, quibus moderatum judicium, præ istiusmodi impotenti, natura concessit.

Quomodo Zvelserus, aquam à speciebus illis per decoctionem satis jam imbutam esse, adserere potest, ita ut ea postmodum nihil ampliùs ab aliis extrahere queat, cum Augustani quantitatem aquæ non determinaverint; vix etiam purgandi Sirupum hunc præditum esse, experiantur?

2. Crassum errorem vocat, subtilium aromaticarum partium (quæ hic non desiderantur) jacturam, ita ut de iis nil quidquam Sirupo accedat. Non autem video, cureas hoc in Sirupo tantopere desideret, cum purgandi nulla ipsis insit potentia; imò in sequentibus eadem planè à medicamentis catharticiis exulare velit.

Sed mitto hæc, & ipsius *veram ac genuinam* (ceu quidem putat) *preparationem* evolam, quæ utrùm ab illis duobus erroribus, in Augustanorum preparatione damnatis, immunis sit, hæc ejus resolutio manifestat:

1. Decoctum illud primi ordinis, specierum virtute imprægnatum, nihil ampliùs à secundi ordinis, sive purgantibus speciebus extrahere posse, Zvelserus statuit. Ipse autem primas illas species, adfusus aquæ libris quinque destillationi ad remanentiam trium circiter librarum committit, cum quibus

tribus libris, virtute nominatarum specierum imbutis, purgantium vim per decoctionem extrahere, conatur. Non quidem derogatum velim quidquam, quòd post peractam decoctionem, speciebus purgantibus relictis *libras illas duas aquæ destillatæ* pro meliori extractione superfundat. Hoc tantum dico, Zvelserum cum istâ aquâ, à destillatione relictâ, vires purgantium extrahere, frustrâ, secundum proprium axioma, laborare.

Addit quidem, decoctum hoc per clarificationem tenue, sicque extractioni magis adcommodatum evasisse, quàm si crassum & non clarificatum foret. Verùm etiamsi tenuius sit redditum per clarificationem, nihilominus hoc modo ad ulteriorem extractionem aptum amplius haud est, dum aqua virtute simplicium jam saturata est; unde plus extrahere non poterit, nisi ex parte virtute istâ imbibitâ iterum privetur; quod per clarificationem obtineri, si quis regerat; eo ipso virtutes omnes ingredientium non conservari, sed anxie prius extractas & aquæ communicatas, magnâ ex parte iterum annihilari, sciat. Sequeretur etiam ex hoc adserto, liquorem omnem, dummodo tenuis sit, extrahendi vi pollere; cujus tamen contrarium è multis Zvelseri locis, v. g. *pag. 435. animadversf. Essentie ambra Mindereri*, probari potest.

2. Subtiles aromaticarum specierum partes per destillationem quidem conservat, sed crasse admodum mox denuo deperdit, dum utramque infusionem, scilicet per decoctum clarificatum, & aquam destillatam, cum speciebus cathartidis celebratam, additâ *sacchari librâ unâ*, in Sirupi consistentiam percoquit; in qua coctione, ex propriâ Zvelseri doctrinâ, non potest non omnis aqua illa destillata in auras aufugere.

IN SIRUPO DE CICHORIO CUM RHABBARBARO NICOLAI FLORENTINI *pag. 56.* nihil singulare animadvertendum se offert.

SIRUPUS verò DIASEREOS ANDERNACI *pag. 57.* plures involvere difficultates, Zvelsero dicitur, ob exiguam præcipue aquæ quantitatem, quæ ingens specierum ingredientium copia vix sufficienter humectari, nedum decoqui, multò minus extrahi possit. Cujus objectionis supra in *Sirupo acetoso composito Mesues* jam mentio facta, demonstratumque fuit, Zvelserum multò magis in hoc impegissee, in quo Augustanos errasse, sibi imaginatur; quæ ideo repetere nolo, sed Lectorem illuc remitto.

Cur autem Zvelserus, Augustanos in aquæ quantitate determinandâ errasse, tam audacter scribere præsumserit, causam sufficientem non video; cum eam planè non expresserint, sed obiter saltem, species in aquâ ad tertias decoquendas esse, innuerint,

Si tamen divinare licet, existimarem, Zvelferum hoc modo secum ratiocinatum fuisse : *Omnia in aqua ad tertias ut decoquantur, & in hujus decocti ritè colati librâ & semisse, species purgantes macerentur, volunt Augustani.* Ergo aqua quantitas coctioni destinata librarum quatuor cum dimidiâ erit ; cum hæ libræ quatuor & dimidia ad tertias decocta, libram unam & semissenz relinquant. Ast dubium hoc addita vocula : *seorsim*, solvit ; nimirum *in decocti ritè colati librâ unâ & semisse seorsim maceretur rhabarbarum* ; in aliâ librâ unâ cum dimidiâ ejusdem decocti *agaricus trochiscatus seorsim maceretur* ; &c. & sic demum Infusa ista cum *saccharo* &c. modicè, sive leni igne in Sirupum coquantur.

Ex hisce nunc etiam adparet falsa Zvelferi conclusio ; parùm scilicet, efficacem hunc Sirupum in officinis proflare. Esse eum autem efficacem, & Augustani, & qui eo methodicè usi fuerunt, sciunt. Ipse quoque ejus autor *Andernacus com. 2. dial. 7. de veteri & novâ medicinâ, de eo cochl. j. vel 3ss. pueris bile suffusis, vel obstructionem & duritiem viscerum expertis, aut lumbricis infestatis, salubriter se exhibuisse, testatur.*

Quæ autem subdit de sanioribus Pharmacopœis, qui majorem aquæ quantitatem ad decoctionem illam requirant, & tamen rem ex debito non peragant, interprete opus habent ; cum ipse, *cur ex debito rem non peragant, haud edoceat.*

Alios in Sirupo hoc errores prægrandes brevitatis causâ se omittere, scribit. Mirum, quòd prægrandes errores silentio transeat, minutulos autem prolixis animadversionibus persequatur. Cum verò prægrandes illi errores lateant, de iis judicare nequeo. Sæpe tamen parturire montes, & natum fuisse ridiculum quid, observatur.

In SIRUPO DOMESTICO, SEU DE SPINA INFECTORIA, SIVE CERVINA pag. 59. unicum hoc Zvelfero displicet, quòd species aromaticæ perfectè jam cocto Sirupo addantur, ubi earum virtus ob Sirupi crassitiem extrahi amplius nequeat. Ast nulla hîc difficultas, aromata *in fine coctionis*, ubi Sirupus adhuc calet & extrahendi potentiâ satis pollet, injiciuntur ; quo de in *Sirupo de cortic. citri, & de menthâ maj. Mesf.* actum jam fuit.

Contra SIRUPUM EMETICUM ANGELI SALÆ pag. 60. I. Ratione additorum aromatum cumprimis insurgit, quibus malè & inutiliter vitrum antimonij corrigi, adserit, utpote *quæ nullo modo directè vim ejus emeticam infringere, sed solummodo ventriculum roborare valeant, quò minus ille adeò violenter ab eo afficiatur, ac quasi firmior reddatur, ejus conamini resistendo.* Ast hoc modo naturæ & medicamenti conatum inverti ; cum enim

enim per vomitum evacuare debeat, frustra vim ejus emeticam infringi; naturam autem ab unâ parte pro expulsiōe noxæ stimulari, ab alterâ compedibus quasi stringi. Cur aromata addantur, an pro *vitri antimonij*, & qualinam correptione, prout Augustanis imputat Zvelserus, vel aliâ de causâ, certi quid statuere, non audeo. Verùm nec malè & inutiliter ea addi, facilè defendi potest. Imò optimè & insigni cum commodo hoc fieri, certum est. Ventriculum enim dum roborant, eum tantò aptiorem reddunt, ut validiori conamine *antimonio*, adversâ suâ naturâ in ventriculum agenti, resistere, idque fortiùs à se expellere possit; unde vomitus citiùs, fortiùs & faciliùs absolvitur. Nam debilis ventriculus, qualem ad vomitum Zvelserus meliorem judicare videtur, à copiosâ vitiosorum humorum colluviè obrutus, non tam potens est, ut *antimonio* sufficienter resistere possit, nisi ipsi suppetiæ per roborantia ferantur. Ideo aromata, cum emeticis propinata, nullo modo naturæ, aut medicamenti conatum invertunt, sed potius adjuvant, naturamque non solum non inturbant aut ambiguum reddunt, sed confortant, & ad expulsiōem noxæ eo ipso magis stimulant.

Eleganter hoc expressit *illustra medicina decus*, Guernerus Rolsincius Ord. & meth. medic. special. comment. lib. 5. sect. 8. cap. 6: *Addi possunt vomitivis ambra, moschus, vel oleum cinamomi, ut hac ratione spiritus vitalis roboretur, quò fortiùs in hostem insurgere queat, & sic commodè cum aliis vehiculis exhiberi.*

Condonarem Zvelsero frivolum hanc objectionem & inanem discursum, cum hic ipsius scientiam medicamenta præparandi superet; nisi & ipse vomitoriis aromatica medicamenta in *Pharmacopœiâ Regiâ* conjunxisset; quibus itaque egregia illa commendatio pariter adplicari potest; videlicet, quòd malè & inutiliter addantur, natura & medicamenti conatum invertant, naturam in suis operibus inturbent, ambiguumque faciant &c. Consulantur pag. 32. & 33. *Pharmacop. Reg.* ubi *Sirupo emetico* correcto elæosaccharum cinamomi, & *Sirupo emetico* secundo præter idem elæosaccharum, etiam essentiam citri saccharinam addit. Imò dum Zvelserus sciens naturæ & medicamenti conatum per aromatica invertit, naturamque inturbavit, contra conscientiam & fidem medicam egit. Palato equidem ægroti gratificari, gratiosum decet Medicum; ita tamen, ne indè effectus medicamenti inturbetur, morbusque non ritè propellatur.

In *Append. animadvers. pag. 22.* quidem protestatur, se non correptionis, sed saporis tantum & odoris gratiâ, elæosacchara *Sirupo emetico Augustanorum* correcto addidisse. Quod si ita sit, elæosacchara tamen cum careant auribus, nec an odoris, vel correptionis, alteriusve causâ addantur, intelligant,

gant, multò minùs ad nutum *et* voluntatem cuiusvis cervicofì imperantis, verba cito Zvelferi pag. 32. append. animad. (qui suo imperio naturam audientem cupit, ut eadem res nunc propinata ventriculùm roborent, & ab expulſione antimonij retrahant, nunc ſaporis & odoris cauſà ſaltem exhibitæ, ejusdem conatum in expellendo antimonio non inhiſcant) ſe adcommo-
dare ſciant; virtutes illas, quas poſſident, exſerunt, & ventriculùm roborando, actionem antimonij, ex ſententiâ Zvelferi, impediunt.

Subjungit in animadverſionib. Zvelferus: ſi quis ventriculùm intendere roborare, longè conſultius foret, id facere, poſteaquam ille ſaburrâ humoris excrementij exoneratus eſſet, quam in illo ipſo actu, dum eadẽ ſaburrâ gravatum ipſum alleviare ſtudet. Utrique ſi quis debilitatum ventriculùm roborare intendat, conſultum eſt, poſt vomitum peractum illud exſequi; non tamen, indè ſequitur, ipſis emeticis roborantia malè conjungi. Illud faciendum; hoc non omittendum eſt.

Pergit porrò: Antimonij vim ſi quis verè infringere velit, aromatum adjectione id non tentet, ſed ope ſolius Nitri correctionem ejus inſtituat. Utrùm ſoli niro debeatur vis antimonium infringendi, diſquirere, non eſt hujus loci? Notum verò eſt omnibus, vel levem operationum chemicarum ſcientiam, naſtis, quod antimonij vis emetica per nitrum vel diminuat, vel planè auferatur, prout aut intenſiori, aut remiſſiori ignis gradu, cum multo, vel pauco nitro, commiſſum fuit. Quam emeticæ virtutis per nitrum diminutionem ſi quis cum Zvelfero veram correctionem adpellet, non video, an totaliter differat ab illo Auguſtanorum, (uti Zvelfero quidem audit) per aromata antimonium corrigendi modo; ut non de eadẽ prædicari poſſit, quòd medicamenti antimonialis operantis conatum invertat, efficiatque ut natura ad expulſionem noxæ quidem ſtimuletur, ob debilem tamen vim emeticam, eidem remora fiat.

II. Zvelferus in hoc Sirupo monet, quòd ex anaticâ proportionẽ liquoris *et* ſacchari, ſine coctione (ut illi, ſcilicet Auguſtani, indigitant) Sirupus confici nequeat, niſi aliqua portio liquoris exhalet, & cum eâ multum de eſſentiâ aromatum additorum. In priori objectione Zvelferus à veritate quodammodo deſectit, falſò Auguſtaniſ impu-
tans, quòd Sirupum hunc ex anaticâ liquoris *et* ſacchari proportionẽ ſine coctione conficiant. Aliud enim illud in fine additum: Fiat Sirupus ſecundum artem, demonſtrat. Si neceſſaria conſiſtentia ex illâ permiſſione liquoris & ſacchari non exſurgat, Pharmacopœus, artis peritus, eandẽ impertiet.

Alterum monitum de jaſturâ eſſentiæ aromatum, verum eſt, ſi aliquam eſſentiæ ejusdem particulam, non omnem intelligas; præcipuè cum minime

minimè opus sit, ut hic Sirupus diu multumque coquatur, cum etiam liquidiore in consistentiâ ob aromata & acetum rosatum servari tutò possit; imò longè melius, quàm ille in *Pharmacop. Reg. pag. 32. Sirupus emeticus primus*, è librâ unâ & dimidiâ vini antimoniatî, & librâ unâ sacchari in liquidiozem, consistentiam coctus; ubi insignem vini spirituum jacturam fieri, Lector Benevolus pariter observet; prout quoque *pag. 11. Append. animadvers.* ubi correctâ Sirupi emetici Sala preparatio traditur, rosarum, croci, Zedoaria & seminis angelicæ partes tenuiores per coctionem in aërem abeunt. In quâ correctâ præparatione, ipsum aceto rosato acetum destillatum præferre, video, tum quòd illud virtute rosarum imbutum extrahere amplius, cumprimis mineralia, comodè nequeat, tum crudum sit. Ast dubium adhuc cum sit: (quo de supra) an crudum destillato aceto sit præferendum; acetum etiam rosatum non quidem extrahere, sed dissolvere vitrum antimonij, deprehendatur, cur hoc rejiciendum sit, non video; præcipuè cum ipse Zvelserus acetum destillatum, vitro antimonij saturatè imbutum, aliis speciebus reaffundat, ut ex illis virtutem aliquam eliciat. Alia quæ ibidem notat, partim jam ventilata fuère, partim in sequentibus discutientur.

SIRUPUS DE EPITHYMO MESUES pag. 61. licet obsoletus sit, cum tamen hostiliter admodum reformetur, ventilationem deponcit. 1. Vix inter Sirupos purgantes, ob paucissimas species catharticas, ut ponatur, eum mereri, objicit. Licet paucitas specierum purgantium in hoc Sirupo negari nequeat, lenientium tamen numerus eò copiosior est, quæ majori in dosi exhibita, vicem purgantium subeunt. Unde supra laudatus Guerner. Rolsincius lib. de purgantib. vegetab. sect. 4. art. 1. cap. 3. dosin hujus Sirupi unciarum duarum, vel trium, pro leniente; ad quatuor si intendatur, pro purgante inservire, scribit.

2. à tam inconcinne confarcinato Sirupo virtutes psoram, lepram, cancrum, elephantiasin curandi sperari non posse, cum tales morbi incurabiles à Medicis censeantur. Inconcinnum hoc judicium non levem in arte medicâ ignorantiam sapit; cujus fundamenta ex Angeli Sala libro de variis Chimic. & Galenic. errorib. Zvelserus confarcinasse videtur; ibi enim tract. 2. de Sirupo epithymi Mes. talia profert: quæ de Sirupo hoc prædicantur, mera insania esse, reputo. Quæ si vera sunt, qui sit igitur, quòd tot nosocomia leproforum plena non studeas emundare, cum opus hoc foret misericordie insignis? Verùm, nemo unquam soli huic Sirupo morbos illos debellandi potentiam adscripsit; sed in illis extirpandis strenuam eum conferre operam, v. g. vitiosam materiam, morborum illorum fomitem, educendo, negari nequit; hinc alia idonea medicamenta si in usum simul vocentur, de quibus Practicorum libri

libri agunt, quandoque curari hos morbos, non est dubium. Prout Zvelseri *confectio anisi solutiva emetica*, *Pharmac. Reg. pag. 58.* delineata, morbos chronicos, febres quartanas, melancholiam hypochondriacam, icteritiam &c. raro sola debellabit, nisi & congrua alia remedia conjungantur.

Morbos autem ab Augustanis recensitos incurabiles à Medicis censeri, tam simpliciter cum Zvelsero adfirmare nequeo. De qua materiâ multa in medium adduci possent, nisi uberrimè hoc ab aliis actum jam esset, nec semper desperatæ salutis tales agros à Medicis censeri deprehendiq̃ue, vel modicè in scriptis eorum versato pateret; præterea loci hujus non sit, de similibus agere, utpote ad præparationem medicamentorum cum propriè non spectent.

Parciùs fortè objecisset hæc Zvelserus, si *epitaphij Paracelsi*, quod ex *Jo. Bapt. Helmontij tr. de magnet. vuln. curat. §. 52.* adducit, recordatus fuisset, cui publico monumento, autoritate *Illustrissimi & Reverendissimi Antistitis Salisburgensis* munito, amplam fidem *part. 1. cap. 1. mantiss. pag. yr. tribuit*, ubi contra *Incomparabilem P. Athanasium Kircherum*, Chrysopœiam propugnans, arma induit; in illo verò epitaphio ars etiam *Paracelsi* lepram curandi posteris commendatur.

Pro commento autem habeat laudem Sirupi hujus, qui velit; videat tamen, ne & idem de plurimis Zvelseri compositionibus decernatur.

3. In ipsam ingredientium qualitatem acerbissimè invehitur Zvelserus; & purgantia, corroborantia &c. radices, herbas, flores, fructus, semina &c. sine ordine & ratione mixtim conglomerata, exclamat; causam tamen, & in quo contra rationem quid peccatum fuerit, non subjungit. Eodem modo, multas Zvelseri compositiones ex ingredientibus sine ordine & ratione mixtis, conglomeratas esse in *Pharmacopœiâ Regiâ*, dici potest; v. g. *Sirupus hydragogus pag. 35.* è radicibus, corticibus, medullâ, gummi, salibus, cymis, herbis, seminibus, elæosaccharis; ex præparantibus, purgantibus, cardiacis, hepaticis, splenicis, diureticis; dulcibus, acidis, salis, acris &c. conglomeratus notatur. An ergo summæ inscitæ & ignorantie, ob ejusdem compositionem, Zvelserus argui debet? an *αμετέδωας* efformatum eum esse, dicendum est?

SIRUPI DE FUMARIA COMPOSITI MESUES pag. eadem animadversiones, præter scommata & inanem strepitum nihil, quod non discussum jam fuerit, continent.

SIRUPUS DE FLORIBUS PERSICORUM pag. 62. intactus abire permittitur.

In SIRUPO DE POLYPODIO pag. eàdem, authorem acumen ingenij sui ostentare conari, ratione frequentium & iteratarum infusionum, quas ridiculas potius esse, quàm quòd singularem aliquam sapiant ἀρεῖς βεῖαν, scribit. Cùm ineptum sit, decoctis crassis, recentibus speciebus reaffusis, novam rerum moliri extractionem. Toties repetito suo risu Zvelferus se ipsum aliorum, risui exponit, & ineptâ suâ circa iteratas infusiones animadversione, quæ singularem non sapit ἀρεῖς βεῖαν, nullo modo aliquod ingenij acumen ostentat.

An decoctum crassum dici debent aquæ libra sex, vires libra unius polypodij continentis? an illæ libra sex tam saturæ sunt à polypodio, ut ex uncia unâ calami aromatici & drachmis tribus seminis fœniculi extrahere amplius nil valeant? an hac ratione viribus polypodij, calami aromatici & seminis fœnicule pollens aqua unâ cum infusionis rosarum & succorum libris tribus è myrobalanorum uncis quatuor & dimidiâ, nec non passularum uncis tribus; tandemque ad consumptionem tertiæ partis, sive librarum trium, decocti liquoris, foliorum Senæ uncis sex vim elicere nequeunt? Si quis elici neget, is præter rei evidentiam Zvelferum etiam contradicentem habet, utpote qui in primâ suâ mutatâ præparatione polypodium, myrobalanos & passulas aquæ libris sex & succorum librâ unâ cum dimidiâ extrahit; in secundâ verò decoctum hoc clarificatum foliis Senæ extrahendis adfundit, ubi si quid extrahitur, cur non idem in Augustanorum modo sperare liceat? Interea si non, omnis vis foliorum Senæ extrahatur, parùm tamen intactum relinquetur.

Præposterè quoque & parùm perspectè semen fœniculi & calamum aromaticum in fine primæ decoctionis addi, objicit; quorum nempe vis aromatica in sequentibus coctionibus exhalet. Odorem eorum abire, verum est, sed non omnis vis deperditur. Præposterè autem & parùm perspectè Zvelferus polypodium, myrobalanos & passulas minores destillationi committit, cùm ex illis nil quidquam per destillationem, ceu inferiùs adserit, eleveetur; si vero spirituosius quid fundant, illud ipsum per triplicem coctionem iterum in auras pellatur.

Multa alia in correcto illo Zvelferi Sirupo castiganda forent, quæ tamen hac vice omitto.

SIRUPUS E POMIS REGIS SAPOR pag. 63. nullâ singulari animadversione notatur.

In SIRUPO DE RHABARBARO SOLUTIVO pag. 64. consultum arbitratur, ut i. aquæ infusioni & decoctioni dicatæ quantitas augeatur, quò tota vis purgatrix rhabarbari & foliorum Senæ eliciatur. Ast assignatæ libra tres sufficere videntur hujus Sirupi ingredientibus, quæ librams

bram dimidiam vix excedunt, sic ut uncia uni specierum, libra dimidia aquæ dictata sit, quæ vim earum sufficienter extrahere valet; aliàs aliquot à Zvelsero descriptæ compositiones eandem imperfectæ extractionis censuram incurrerent, v. g. in Infus. laxativ. Mannagetta supra citatâ uncis duabus & drachmis duabus cum semisse specierum, uncia sedecim aquæ destinantur, ubi si ad unciam unam specierum, Augustanorum exemplo, libram dimidiam aquæ recipiamus, illæ Zvelseri uncia duæ & drachmæ duæ cum semisse, aquæ uncias tredecim, ac drachmas septem requirunt, supereruntque hoc modo à dictis aquæ uncis sedecim, tantum uncia duæ & drachma una, quæ tamen quantitas tanti momenti haud est, cum ejus drachma una vix drachmam unam specierum respiciat. Clariùs id in Clareto hydragogo Pharmac. Reg. pag. 41 patet, ubi specierum uncis septem drachmisq. sex, vini destillati & specierum aromaticarum ex uncis quinque desumptis subtilibus particulis imprægnati, libræ tres, & ita uncia uni specierum nec quidem uncia quinque vini destinantur.

2. *Aquas destillatas pro dictarum specierum extractione omittendas esse, putat, cum quidquid in se continent spirituosum & efficax, sub cocturâ & infusione Sirupi, penitus exhalet. Magnam ejus partem evaporare, verum est; attamen non, ut ipse autumat, omne; quia à libris tribus aquarum in valida coctione ad minimum uncia decem liquoris cum sacchari uncis sedecim remanent. Cæterum aquarum destillatarum cocturâ evaporantium exempla Pharmacopœia Regia classis quinta suppeditat.*

3. *Ut aromatizatio per olea cinnamomi & Zingiberis, Sirupo jam perfectè cocto addenda, fiat, exigat; quod cuilibet observare, vel omittere, per me integrum est.*

SIRUPUM ROSATUM SOLUTIVUM SIMPLICEM, SIVE MUCCHARUM pag. eadem etiam si præscriptâ Augustanorum, methodo satis commodè parari posse, Zvelserus concedat; laborum tamen & sumtuum insigne compendium fieri posse, existimat, si octo Infusionum loco, tres saltem quatuorve cum sufficiente quantitate aquæ instituerentur; cum aqua semel rerum aliarum virtute imbuta, ulteriori extractioni amplius inservire nequeat. Verum non solius extractionis gratiâ Infusionem factam esse, propriè dici potest, sed ut rosæ recentes, addito liquore, eò commodiùs quoque per expressionem succum suum fundere queant.

Et quæso, dicat mihi quis, à quamam re illæ libræ ducente aquæ, nec non succus rosarum (quæ nimirum recentes & succo turgidæ sumuntur) per trinam vel quadrinam infusionem atque expressionem prolectus, imbutus sit, ut ulteriori extractioni amplius inservire nequeat? Si dicas, rosarum virtute illum liquorem esse imbutum, tali modo nullus succus, ex quacunque herbâ,

flore, aut radice expressus sit, aliquam extractionem perficiet, cum virtutem vegetabilis sui, è quo prolectus fuit, in se contineat, non aliter atque *hic succus rosarum*, cui tamen tanta insuper aqua quantitas accessit. Concedit autem Zvelferus succis extrahendi potentiam; aliàs eos in *Pharmacopœia Regiâ* toties hunc in finem non adduceret. Malè ergo & inconsideratè soli *rosarum succo* vis illa derogabitur.

Mox autem effati prioris oblitus, ex octies repetitis istis infusionibus aliquid aquæ accedere, tacitè ipse concedit; dum, quò frequentius *rosa* infunduntur, eò majori amaritudine infusionem inquinari, tradit. Si itaque illa amaritudo à reiteratis infusionibus semper accrescit, an aliunde liquor superinfusus amaritudinem istam, quàm à *rosis* recenter infusus, accipit?

Præterea *Sirupus rosarum solutivus Pharmacopœiæ Regiæ* pag. 39. contra autorem suum pariter militat; in quo nimirum cum *libris quindecim aqua, libras septendecim rosarum rubrarum recentium* extrahere, conatur. Si enim in Augustanorum quatuor primis infusionibus determinatæ *libræ ducentæ aqua* sufficienter jam à *libris centum & nonaginta rosarum* (tot scilicet in dictis quatuor infusionibus adhibentur; videlicet in primâ *lib. lvi.*; in secundâ *lib. l.*; in tertiâ *lib. xlv.*; in quartâ *lib. xl.*) imbutæ sunt, ita ut aqua hæc *ulteriori extractioni amplius inservire nequeat*, frustra in citato tuo Sirupo Zvelferi *libras septendecim rosarum cum libris quindecim aqua* extrahere laborat; cum ultra *libras quatuordecim, & uncias tres*, juxta proprium Zvelferi fundamentum, extrahere haud possint. Sin sufficiens in Zvelferi Sirupo extractio fit, Augustanorum quoque quinta, & ex parte sexta etiam infusio necessariò admitti debet, & ita aqua post quatuor infusiones *ulteriori extractioni amplius inservire potest*.

Addit quidem *l. c. Pharmac. Reg. librâ unâ aqua libram integram rosarum* sufficienter extrahi non posse; illum tamen defectum nonnihil supplere fortem illam expressionem, qua etiam succus rosarum proprius unâ eliciatur. Quo ipso sanè magnum Augustanis robur subministrat, qui singulis infusionibus expressionem, preli ope absolvendam, adjungunt.

Pergit dein Zvelferus: *neque efficacior evaderet Sirupus, si ad normam & methodum sciolorum quorundam, in Animadversionibus ipsorum locatam, conficeretur, qui nimirum centum & viginti libras rosarum vigesies, cum aqua libris triginta duabus infundere, & demum additis sacchari libris duodecim in Sirupum percoquere jubent, cum ingenti sanè rosarum profusione &c.* Odiosum illud sciolorum nomen rectius omittere potuisset, qui fortè convenientius eo epitheto mactari posset. Iste autem modus non est Augustanorum, & nec probatur, nec improbatur, (imò improbari, ob supra adductam rationem

nem, nequit) sed nudè tantùm recensetur, multò minùs ab Augustanis eodem, quo à Zvelsero, proponitur modo; Augustani enim scribunt: *quidam aqua libris triginta duabus vigesies infundunt sex rosarum libras*: Zvelserus autem, *centum & viginti libras rosarum vigesies cum aqua libris triginta duabus infundi*, adserit; Ex quo potius sequeretur, non *centum & viginti*, sed *duo milia & quadringentas rosarum libras* infusioni destinari.

Ipse autem è longè minori quantitate *rosarum* vim cathartica[m] elici posse, contendit. Id quod non negatur; ast illa vis cathartica non parem efficaciam cum illà, quæ è majori *rosarum* quantitate elicitur, possidet.

Uterius objicit Zvelserus, si non adeo *rosarum* vim purgantem, sed refrigerantem intensiorem reiteratis tot infusionibus extorquere quis nitatur, eum longè errare; cùm, quò frequentius *rose* infunduntur, eò magis amarescat infusio, amaritudo autem non frigoris, sed caloris sit soboles; insuper à Sirupo hoc, per toties reiteratas infusiones parato, calores febriles intensiores redditos &c. observatum fuisse. Utrùm crebris istis infusionibus vis cathartica vel refrigerans potius intensior quæratur, alij judicent; Vim tamen cathartica[m] præcipuè & primò expeti, (idem *Joh. Frentagius* innuere vult, *lib. 3. auro. medicor. cap. 8.*) existimo; unde etiam locum inter alvum solventes Sirupos obtinet, & à nostris quoque Medicis eum in finem præscribi solet. Vis autem refrigerandi per accidens ferè tantùm ipsi competit; quatenus scilicet vi suà solvente, & amaritudine aperit, abstergit, biliososque humores educit, & sic calidorum morborum causam tollit, atque consequenter corpus calore exagitatum refrigerat.

Sic & *cichorum*, quod calidum esse, ex omnium ferè Medicorum, ac ipsiusmet Zvelseri fundamento patet, refrigerare tamen, communiter perhibetur, de quo consul. *Sennerti paralip. 14. ad Institut. lib. 5.* Ex hoc capite Lector Candidus iterum Zvelseri ἀνταλογία deprehendit, dum in præsentì *Sirupo rosato* facultatem refrigerandi medicamenti amaris adimit; e contra de suo *Sirupo cichorij simplicis Pharmacop. Reg. pag. 11.* eum hepatis & ventriculi calidam intemperiem contemperare, febricitantibusque auxiliari, adfirmat.

Calores autem febriles an ab hujusmodi *Sirupo rosato* intensiores redditi, ac ex simplici tertianâ intermittente duplex facta fuerit, equidem nescio. Ut jam non inquiram, cui egregiæ illæ observationes obtigerint, dubium mihi maximè videtur; an, ubi in febricitante, qui Sirupo hoc usus fuerat, calor magis magisque invaluit &c. hoc Sirupo debite, i. e. in dosi, tempore &c. conveniente, propinato, & non potius ab audaci & empiricâ manu

manu exhibitō, adscribi debeat? atque annon aliis ἀμερόδωτος adhibitis medicamentis, ægroto immorigero, adstantibus officium non facientibus, (confer. Hippocr. 1. aph. 1.) aliis supervenientibus symptomatibus &c. adscribi debeat? Sæpe sapius enim contrarius in medicamento adprobatissimo effectus deprehenditur; si quid à Medico, ægroto, adstantibus &c. sinistri commissum, vel recti omissum fuerit; namque in curatione morborum omnia hæc nunquam temerè separari debent.

Occurrit mihi hic illa inter *Amatum Lusitanum*, & *Petrum Andreæ Matthiolum* de *rosis moschatis*, sive *Damascenis* agitata controversia; quorum ille lib. 1. in *Dioscor.* *rosas* prædictas non minori dejectoriâ vi pollere, quàm *scammonium*; imò exitiosissimum medicamentum esse, tradidit; idque exemplo cujusdam mulieris, quæ ex *saccharo* cum *rosis* illis parato, faucium & linguæ desquamationem, & ventriculi erosionem incurrerit. *Matthiolus* verò in apologiâ adversus *Amatum*, cum sine incommodo *rosas* has sumi, expertum haberet, instanti suo judicio delusum esse *Lusitanum*, regessit; utpote qui hujusce medicamenti facultatis penitus ignarus, symptomatus illius causam in illud perperam rejecerit. Cum potius credendum sit, id ab acrimonia *salforumq; succorum* defluxu provenisse, qui fortè fortuna eo tempore, quo *rosâ* eum illud *saccharum* mulier illa sumpsit, a capite in eas partes labi cepit.

Ludovicus Septalius animadvers. libr. 3. §. 49. *Sirupum nostrum rosatum* non inter lenientia, sed fortiora cathartica referri debere, censet; cum sæpe numero maximam humorum copiam ab eo sumto evacuata viderit. Quod *Rosincius* eatenus concedit, quatenus v. g. *scammonium* ipsi additum fuerit, quod nonnunquam pro laboris & infusionum compendio, à pharmacopœis fieri, scribit. Vid. ejus ordo & method. medic. special. comment. nec non tract. de purgantib. vegetabilib.

Ex quibus patet, *Sirupum* hunc, quem sine incommodo, etiam in febribus, sapius propinatum fuisse, constat, minùs salutaris medicamenti notam incurere posse; si fortè fortuna in ejus exhibitione aliquod symptoma superveniat, aut ingravescat; si eidem alia minùs commoda addantur medicamenta, &c. quibus tunc potius istud symptoma, quàm *Sirupo rosato*, adscribi debeat.

Si verò *Zvelseri* valet conclusio: *Amara* calorem febrilem intendunt potius, quàm imminuunt. *Sirupus rosarum solutivus simplex est amarus*. Ergo calorem febrilem intendit potius, quàm imminuit; Proh! quanta strages magnæ febrifugorum medicamentorum parti imminet? Nec video, qua ratione *Sirupus de centauro minori antifebrilis Zvelseri* Pharmacop. Reg. pag. 11. (ut de

(ut de *Sirupo cichorij* nil dicam) se vindicare possit, quò minùs ab ejusdem usu calores febriles non tantùm non diminuantur & infringantur, sed etiam intensiores reddantur, qui tamen ad *febres tertianas & quartanas abigendas præstans* esse, deprædicatur.

SIRUPUS ROSATUS SOLUTIVUS COMPOSITUS
HELLEBORATUS MONTANI pag. 66. triplici animadversione, notatur.

1. Ratione *myrobalanorum*, quos malè oleo *amygdal. dulcium* fricari adferit; cùm illud impediatur, quò minùs aqua adfusa se *myrobalanis* insinuare, eorundemque substantiam penitus permeare queat; causam verò additi olei existimat, ne pulvis subtilior inter tritandum avolet. Quidquid causæ frictionis subit; inanis tamen metus est, ne aqua in *myrobalanos* ingressus per eandem prohibeatur. Simplici quidem infusioni eo modo præparati *myrobalani* si submittantur, difficulter extrahi, sive ab aqua attingi, possunt, si oleum undique omnes eorum particulas investiat; sed in decoctione olei quædam separatio fit, & ita liber ingressus aquæ permittitur.

2. Infusionem *rosarum* ad extrahendum inefficacem proclamat. Hæc autem cùm nihil aliud sit, quàm *succus rosarum dilutus*, non video, quomodo virtute extrahendi destitutus dici queat, præcipuè quia & Zvelserus vegetabilium succos, ad extractiones sæpius adhibet, de quo in præced. abundè actum jam fuit.

Intueatur quis saltem *Sirupi hujus rosati*, ceu ille vocat, dextram præparationem; in qua si perfectam aut ullam extractionem fieri, Zvelseriani solidis fundamentis innixi negabunt, tunc demum Augustanorum Sirupum præsentem corrigat; interea nemo illorum eos, qui Augustanorum modum amplectuntur, si mente constet, judicet, aut condemnet.

3. *Radicum hellebori nigri* excorticationem risu excipit; de qua ut quilibet sibi persuasum habeat, exigit, quòd autor, si unquam eam tentasset, adeo inutilem & indignum laborem Pharmacopœis non imposuisset. Hoc in loco inutilem vocat laborem, inferiùs autem planè impossibilem; de qua tamen materià *Classis XX. cap. de hellebori præparatione*, occasionem locumq; tractandi subministrabit; ubi hæc indigna tanto Pharmacopœo animadversio examini subjicietur, omnibusque patefiet, quòd Zvelserus, si unquam *hellebori* decorticationem ritè tentasset, eam inutilem & impossibilem haud proclamasset.

Quod mutatam ipsius præparationem attinet, multa in eà prolixis animadversionibus digna adduci possent; v. g. quòd specierum extractionem cum *mucharo rosarum*, ceu jam monui, instituat, quod tamen inefficax ad hunc

hunc usum vocat; & quidem cum dicti *muchari* libris duodecim, *specierum* libras tres, *uncias* quatuor, & *drachmas* duas vel quatuor extrahere conetur; sic ut *muchari* *uncias* tribus cum dimidiâ parum ultra *unciam* unam *specierum* adsignetur, quam tamen, imò majorem liquoris quantitatem tali *specierum* ponderi extrahendo non sufficere, contra Augustanos propugnat.

Animadverti quoque posset in destillationem *muchari* *rosarum*, quæ inutilis censi debet tum ratione ipsius *muchari*, tum *specierum*, à quibus abstrahitur; odor enim qui ab illo elevatur, laxandi virtute hîc expetitâ caret; ab his verò parum penetrantis virtutis elicitur; quod autem per destillationem spirituosus prodiit, per subsequenter ectionem totum, si aliis in locis Zvelfero fides habenda est, iterum in auras mittitur.

Curiositas insuper nimia dici posset, quod à primâ infusione *caryophyllorum* *uncie* uni *drachmas* sex vel *unciam* dimidiam detrahat, & non, integrâ illâ *uncia* omisâ, *elaeosacchari* *caryophyllorum* quantitatem augeat, vel *elaeosaccharo* omisso, *unciam* integram infundat, & cum reliquis destillatam, vel cum *sacchari* destinato pondere coquat, vel spirituosiores ejus partem leni igne separando, confecto jam Sirupo, quod aliàs observat, adjungat. Sed indicâsse hæc tantum, sufficit.

SIRUPUS ROSATUS COMPOSITUS SINE HELLEBORO, & SIRUPUS ROSATUS LAXATIVUS CUM AMBUBEA DICTUS pag. 67. nec non SIRUPUS ROSATUS SOLUTIVUS QUERCETANI pag. 68. cum præcedenti, quoad animadversiones & mutatam præparationem coincidunt.

In SIRUPO SPLENETICO D. D. VERBEZII pag. eâdem animadvertit: 1. Præscriptas *uncias* novendecim *succorum* non sufficere denominatarum *specierum* infusioni & extractioni, sed necesse esse, ut peractâ illâ cum succis extractione, per aquam etiam reliqua virtus eliciatur. Quamquam succi majorem & meliorem *specierum* partem extrahant, superstitem tamen paucam, additâ aquâ vel alio liquore, elicere, Augustani non prohibent.

2. *Saccharum canthum violatum* Sirupi præcium augendi causâ addi, auguratur. Hanc mentem *Verbezij* fuisse, Zvelferi insolens, non veritatis amans calamus, adserit. Neque Sirupi præcium in tantum adaugere valet, cum idem ferè incommodum à substituto in ejus locum *Sirupo violato*, Zvelfero impendat. Si enim *saccharum canthum violaceum* nihil aliud est, quàm pars *Sirupi violati* (uti Zvelferus innuit) progressu temporis in crystallos concrefcens, & à *saccharo* in majori, quàm opus erat, quantitate addito provenit; sumtus nec ratione partium, è quibus constituitur, nec præparationis tantopere augentur.

Hoc verò *saccharum* an ubivis obvium non sit, nec in omnibus pharmacopoliis proftet, equidem nescio. In quibusdam fortè fortuna saltem reperiri, non negabo.

Cæterum nostra non tantum Pharmacopolia Augustana, sed & Aromaticiorum, aliorumque tabernæ magnâ in copiâ *saccharum canthum*, violaceo colore splendens possident, nec adeo sumtuoso precio ibidem divenditur; ita ut ob ejusdem penuriam nullum impedimentum adsit, quò minus in officinis Sirupus hic parari possit; prout nostris in officinis semper paratus prostat.

Sacchari canthi violati è *succo violarum* parandi modum *Casp. Bauhinus lib. 1. de remed. formulis cap. 19.* describit.

3. *Cremorem tartari* rectius ipsi infusioni & decoctioni, non perfectè demum elaborato Sirupo, addi, e contra *spiritum vitrioli* planè omitti, & ejus guttulas aliquot, ubi Sirupus à Medico præscribitur, instillari debere, contendit. Quam utramque animadversionem adprobare nequeo. *Cremorem* enim *tartari* quod concernit, eum infusioni & decoctioni addi quidem posse, concedo; ast cur minùs rectè Sirupo perfectè elaborato immittatur, nullam causam video.

Sic verò animadvertere oportuit *Zvelserum*, cui nihil rectum, nisi quod ipse scribit, videtur; hinc *Pharmacop. Reg. pag. 31. in Infusione laxativa Managetta*, post absolutam infusionem, *cremoris tartari drachmas tres* addit, & *pag. 55. Electuario communi*, post duplicem coctionem, *ejusdem unciam unam* demum admiscet.

Quamvis Augustani non perfectè elaborato Sirupo, uti falsò tradit, *Zvelserus*, sed circa finem coctionis *cremorem tartari* inspergant.

Spiritus autem *vitrioli* cur infusioni & decoctioni subtrahi debeat, ignoro; cum ad meliorem ingredientium extractionem symbolum suum conferat. Et licet aliquot ejus guttulæ Sirupo, dum à Medico præscribitur, pro variâ intentione, superaddi possint; propterea tamen ab ipsâ præparatione planè excludi non debet. Pari aliàs jure à *Zvelseri Sirupo rosato simplici Pharmacop. Reg. pag. 20.* exulare deberet; cum & ibidem, dum à Medico ordinatur, aliquot ejus guttulæ semper addi possint, prout plures vel pauciores necessariae esse videbuntur. Sic & in *Sirupo spleneticò Pharmacop. Reg. pag. 21. Spiritus salis* malè ipsam compositionem ingrederetur; quia ejus guttula aliquot extra Sirupi confectionem, quoties ille à Medico præscriberetur, ad lubitum addi possent, prout nimirum magis vel minùs, sive intensius aut remissius, obstructiones viscerum referare, est animus. De aromatizatione per elosacchara idem effari liceret, nimirum quòd tum demum addi deberent, ubi

ubi medicamenta talia aromatizanda adhibentur, prout nempe magis vel minus odorata & sapida ea reddere, animus foret.

In SIRUPO LENITIVO DE TRIBUS pag. 69. tot absurdos iterum committi errores, scribit, ut vix sciat, cui primum occurrendum sit; imprimis sese offerre eundem jam toties refutatam errorem de *mucharo rosarum*, quod abundè *rosarum* virtutibus imbutum, ulteriori infusioni & extractioni inservire prorsus non posse. Cui absurdo Zvelferi errori supra jam occurrì, & *infusioni rosarum* vim extrahendi denegari haud posse, comprobavi. In specie autem *mucharì* adsignatam quantitatem pro tot in Sirupo hoc enumeratarum specierum humectatione, nedum perfectâ extractione & trinâ coctione haud sufficere, objicit, cum omnes illæ species siccæ sint, quæ vel *ambas facillè muchari libras*, utut fortiter ope torcularis, post singulas infusiones & ebullitiones exprimantur, absorbent. Quod Zvelferi effatum quàm absurdum iterum sit, indè patet, quòd non omnes species simul, sed separatim, tribus scilicet vicibus, infundantur; & prima quidem infusio cum *libris duabus muchari* & *librà dimidiâ foliorum senæ* fiat; quam *libram dimidiam foliorum*, integras *duas muchari libras* absorbere, ita ut fortissimâ etiam expressione vix quidquam de iis iterum eliciatur, nemo sani iudicii adfirmabit. Ponamus autem, in primâ hac infusione, cum *foliis senæ dimidiâ foliorum senæ* factâ; nec non *libram dimidiam* in tertiâ infusione, cum *undecim uncis specierum* institutâ; nihilominus integram *libram muchari* post exantlatam triplicem infusionem & expressionem prodibit. Quod verò cum speciebus superioris infusionis remanet, in subsequente novâ, cum aquâ aliisque speciebus, cocturâ elicitur. Interea multum virtutis in speciebus prædictis remanere, quod largiore aquæ infusionem deposceret, non nego; cui defectui solertia periti Pharmacopœi facillè succurrere, novit; ubi perfecta extractio strictè requiritur.

Præterea infusio & levis ebullitio in rorido Balnei calore, inque cucurbitâ alembico cæco munitâ, & circumlinitis ritè fugis, quàm absurda sit, quemvis facillè cernere, Zvelferus judicat. Sed in quonam absurditas illa consistat, dum non docet, de eâ quoque certi quid discernere, nequeo.

Pergit dein in absurda pronus Zvelferus, & aromatizationem, maximè secundæ infusionis absurdam vocat, cum si fortè aliquid ab aromatatum viribus primæ decoctioni communicaretur, illud in secundâ vel tertiâ evanescat. Utique conceditur, partem majorem subtilium particularum ex aromatibus illis evanescere; ast omnes eorum vires hoc modo deperdi, falsum est; quam

quam & ipse Zvelserus monitum hoc suum parum observet in correctâ, quam dat, Sirupi præsentis præparatione, de qua mox dicitur.

Tandem quærit, cur sola remanentia *foliorum senæ à superiore infusione*, cum nonnullis aliis speciebus, *novâ affusâ aquâ* coqui debeat, & non etiam simul remanentia secundæ & tertiæ infusionis? Scire hic debuisset Zvelserus, per remanentiam *foliorum senæ infusionis superioris*, non illas primæ infusionis, sed tertiæ proximè antecedentis intelligi; in qua nimirum cum, præ reliquis duabus prioribus, minùs perfecta extractio facta fuerit, & *rhabarbarum* quoque atque *agaricus* ponantur, eam *aquâ fontanâ* additâ exactiùs absolvere, scopus fuit. Sola autem *folia senæ*, quia major eorum, respectu adjunctorum simplicium, est quantitas, denominantur.

Falsum verò est, quòd, *novâ affusâ aquâ*, remanentiam illam &c. coqui debere, Augustani præcipiant, cum antea non *aquam*, sed *succum rosarum* adhibuerint; ac ita vocula illa: *novâ*, rectiùs omitti potuisset.

Nunc quid genuini Sirupi hujus præparatio genuina, à Zvelsero sic dicta & edocta, contineat, leviter attingam.

1. *Specierum siccarum libras duas, unciam unam, drachmas sex* & dimidiam cum *liquoris libris quinque* infundit, quæ tamen liquoris quantitas, juxta Zvelseri monitum, vix humectandis, non dicam infundendis, coquendis, & colandis illis speciebus sufficit.

2. Dictarum specierum extractionem etiam cum *mucharo rosarum* molitur; quod tamen, secundum Zvelseri doctrinam, ad extractionem inefficacem ferri debet.

3. *Zingiberis, caryophyllorum* & *spicæ indicæ* subtiles partes per infusionem extractas, iterum, ob coctiones subsequentes, in auras mittit, sicquæ omnes eorum vires, ex proprio quidem fundamento, deperdit.

4. Illis *drachmis duabus caryophyllorum*, ab Augustanis positis, *drachmam dimidiam* detrahit; cujus parsimoniam causam, exemplum Zvelseri, in *animadversionib.* Sirupi de pomis ad consuet. alchermes, sequendo, non immerito quis ex ipso quæreret.

5. *Cinnamomum* & *citri cortices* infusioni atque decoctioni subtrahit, nullâ fortè aliâ de causâ, quàm ut eorum spirituosam partem servet; quod tamen pariter in *Zingiberis unciis duabus*, & *caryophyllorum drachmâ unâ cum dimidiâ* observare debuisset.

6. *Spiritus vitrioli drachmam unam* perfectè jam parato Sirupo addit, ne Sirupus æruginoso sapore à torculari inter exprimendum, & à vase æneo inter coquendum imbuatur. Ast inanis Zvelserum metus torquet. Exigua

anim illa *spiritus vitrioli* dosis, in tantâ liquoris quantitate diffusa, tam potens amplius haud est, ut notabilem aliquam æruginis extractionem institueret; expressio insuper specierum non necessariò in torculari æneo fieri debet; quod si æneum sit, stanno tamen obductum esse solet.

Costio, si quis ab æruginis metus subsit, in vase terreo fieri potest. Nam commodè satis huc refertur, quod Augustani *cap. 4. prolegom.* de Sirupis acidis scribunt, eosdem in vasis figulinis vitreatis aut lapideis coqui, despumari, ac reponi debere, præcipientes.

7. *Spiritum vitrioli* ab hac compositione planè excludere debuisset; cum, uti ipse in *præced. Sirupo* animadvertit, ejus guttulæ aliquot, quoties à Medico Sirupus hic præscribitur, ad libitum addi possint; prout nimirum magis vel minùs obstructions referare &c. animus est.

SIRUPO VIOLATO SOLUTIVO, MELLI ROSATO LAXATIVO, & MELLI VIOLATO SOLUTIVO pag. 72. animadversiones *Sirupi rosati solutivi* destinantur, ad quas Lectorem, manu-ducente Zvelfero, remitto.

OXYMEL HELLEBORATUM MAIUS JULIANI pag. ead. se offert, quod panaceam ipsamq. Divum adjutricem manuum (sic Zvelferus cavillatur) diceret, si vera essent, quæ de immensis ejus virtutibus, in tot tantisq. profligandis morborum monstris, plenis buccis prædicat Gesnerus. Et proh! quam beati essent Medici, si talis medicina illis suppeteret, quâ solâ & unicâ tot conjuratos nostræ naturæ hostes (quos morbos nuncupamus) promiscuè prostertere & debellare possent; nimirum *Dij* essent & Numine pleni. Ast corruiere tantam ejus dignitatem, subjungit, si inconcinna ipsius præparatio & compositio consideretur, quam frequenter sine ullo juvamine, nonnunquam etiam cum detrimento adhibitam fuisse, experientia testetur. Hæreo, quid de perverso hoc judicio statuere debeam. Magni momenti sunt, quibus Gesnerum, & consequenter Augustanos, hocce Gesneri oxymel adprobantes, onerat. Sed parùm æstimandum est is, qui eos invadit. De fide autem Gesneri nemo dubitabit, nisi qui ipse fide dignus haberi nunquam velit.

Ast vera esse, quæ de viribus medicamenti hujus prædicat, experientiâ edoctus, Gesnerus adserit, dum in fine sequentia addit: hac omnia nos experiundo observavimus; plura autem Medici industrii ipso usu. Utor & frequentissimè, & magno cum successu, possemq. historias multas recitare. Idem in *epist. ad Joh. Bauhinum* pag. 206. scribit: pergo eo felicissimè uti; & pag. 235. aliquot exemplis illud ipsum confirmat.

Fuisse

Fuisse tamen sæpius absque juvamine, imò cum detrimento propinatum *Oxymel* hoc, facile inducor, ut credam; si ab imperitâ Medicastroorum manu exhibitum fuerit; quo modo saluberrima quavis medicamenta multoties prostituuntur; dum sese instar gladij in manu furiosi habent. Cui verò illa, quam deprædicat, experientia debeat, meritiò indicare debuisset; ast vereor, ne illa in cerebro *Zvelseri* enata fuerit.


Cæterum non solâ & unicâ illâ medicinâ promiscuè morbos à *Gesnero* indicatos prosterni ac debellari, unquam *Gesneri*, vel Augustanorum mens fuit. Sed cum judicio medico exhibita, adjunctis simul aliis convenientibus remediis, quorum efficacia amicabili fœdere conspiret, non tantum recensitos, sed alios quoque morbos prosternere, & debellare valebit. Ut ita *Oxymel* hoc *panacea* specioso titulo in tali sensu meritiò exornare liceret; quo tamen nomine, aliquibus thraſonico nimis viſo, abstinere *Gesnerus* maluit. *Panacea* autem titulum una & altera *Mantisse ſpagyrica* *Zvelseri* compositio in fronte gerit; cùm tamen universalia omnium morborum, remedia pariter haudquaquam existant.

Porro *Oxymel* præſens *Divum* adjutricem manum adpellare, quis prohibebit? Sive enim dixeris, pharmaca nihil esse sola per se ipsa, rectè dices; nihil enim sunt, nisi utentem eis rectè fuerint adepta. Sive rursus pharmaca, veluti *Deorum* manus esse, dixeris, etiam hoc rectè dices; juvant enim maximè, si is, qui eis utitur, in rationali methodo fuerit exercitatus, & cum hoc naturâ prudens. *Galenus* 6. de compos. medic. sec. loc. cap. 3.

Qua verò de causâ inconcinna compositio & preparatio dicatur, cùm non exprimat *Zvelserus*, de eâ quidquam proferre, supervacaneum esset; quare etiam concinniori ejus & efficaciori, ceu sibi quidem pollicetur, præparationi discutiendæ (licet maximè possem) hac vice supersedeo, atque huic classi finem impono,



RESTI-



RESTITUTA

CLASSIS TERTIA,

Pharmaca & Electuaria lenientia

exponens.

CIRCA FLOREM SEU PULPAM CASSIÆ pag. 74. CASSIAM EXTRACTAM, PULPAM PRUNORUM, & PULPAM TAMARINDORUM pag. 75. vix quidquam correctione dignum occurrere, in sacchari tamen admisione faciliè erorem committi posse, existimat, si vel major, vel minor ejus quantitas adatur. Illo modo *pulpas* vires suas nativas non nisi in duplâ vel triplâ dosi exercere valere; hoc verò facillimè corrumpi; prout in *Pulpâ prunorum* ab Augustanis *libris decem pulpe, tres libras sacchari* destinari, statuit. Ast non video, quid hic ab Augustanis commissum fuerit. In *Cassia* enim *pulpâ*, quam sine *saccharo* conficiunt, recentem semper eam educere, ubi necessitas postulat, præcipiunt.

In *Cassia extractâ sacchari* quidem pondus majus est pondere *pulpæ cassiæ*; sed cum potissimum in enematibus adhibeatur, ejus dosis aucta non admodum ingrata esse potest. Cum *saccharo Thomæo* hanc parare etiam licet, uti ad exemplum aliorum monet Zvelserus. Augustani in genere tantum *saccharum* nominant. Magna tamen vis laxandi medicamento huic exin, præ *vulgari albo*, accedere haud potest. Quia tamen ventrem magis laxat, merito in *Pharmacopœiâ Regiâ* omnibus Electuariis solventibus, pro majori eorum vi laxativâ impetrandâ, Zvelserus in usum trahere debuisset.

Pulpâ prunorum licet cum minori *sacchari* quantitate conficiatur, atatem tamen satis diu ferre, experientia comprobatur; & providus Pharmacopœus, tantam ejus quantitatem breviori tempore non dispensari in usum publicum posse, statuens, minori eam quantitate præparare, ipse non intermitteret.

Pulpâ tamarindorum ut eodem cum *Cassia pulpâ* modo extrahatur, Augustani volunt, sicque etiam, quoties usus ejus exigitur, recentem extrahi debere, dubio procul innuunt; quanquam *pulpâ hæc* per se acida tam promptè haud corrumpi queat.

In *DIACASSIAM CUM MANNA INCERTI AUTORIS*

pag. 76. nec non alia Electuaria minùs commodè Conservas recipi, objicit Zvelferus; cùm in propriâ suâ consistentiâ rarò admodum, in Germaniâ imprimis, ob magnam & nauseosam dosin, exhibeantur; unde potius in liquoribus, pro portione conficiendâ, aut pro enematribus, dissolvantur; verùm nec potionibus, nec clysteribus Conservas commodè inservire, putat; quia flores adeo subtiliter contundi haud possint, ut potiunculis misti, flocculos non præbeant, aut in clysteribus cannulæ orificium non obstruant. Paucis circa hæc me expediam. Nonnulli periti Pharmacopœi Conservas Electuariis addendas, prius per setaceum transmittere solent, & ita flocculos florum separant. Alij Electuaria talia potionibus destinata, post eorum cum liquore, commissionem pariter per setaceum trajiciunt; id quod etiam in enemati-bus debite observant.

De *saccharo penidio*, quod juxta cum *cantho* huic compositioni adhibetur, in *Sirupo capillorum Veneris* actum fuit.

Cur *Sirupus* & *Conserva florum violarum*, quibus nulla purgandi vis insit, etiam addantur, Zvelferus capere non potest; quorum in locum *Sirupum violarum solutivum* rectius substitui, putat. Conceditur Zvelfero, nec *conserva*, nec *Sirupo violarum* vim purgandi propriè dictam inesse; ast leniendi virtus denegari ipsis nequit; hic vero non vis κατάρκεια, sed ἐκκαταρκτική desideratur. Præterea non omnia, quæ medicamentum aliquod lenitivum ingrediuntur, solvendi facultate pollere debent, cùm & dirigentia, adjuvantia &c. locum inveniant; & si illa, quæ purgandi virtute destituuntur, ex compositionibus *Pharmacopœiæ Regiæ classis tertiæ* excludere vellem, prout in Augustanorum compositionibus hic tentat Zvelferus, prolixâ reformatione opus foret.

Mannam ad consistentiam *costo Electuario* addere, præcipit. Non quidem repugno, ut *manna* ultimò addatur, ubi præsens confectio consistentiam suam ferè obtinuit; ast eam ad consistentiam *costo Electuario* demum adjungere, non licet, quia sic debita Electuarij consistentia non impetratur, nec *manna* tam facile solvitur, & reliquis intimè admiscetur.

ELECTUARIUM CATHOLICUM NICOLAI PRÆPOSITI pag. 77. illam parvi momenti de *sacchari diversis generibus*, huic compositioni additis, animadversionem repetitam saltem continet.

In ELECTUARIO LENITIVO FLORENZOLÆ pag. eadem duriores species non simul cum reliquis speciebus & fructibus coquendas esse, monet; cùm fructus hi visci di sint, & illâ suâ viscositate aquam adtusam illi-cò inquinant, sicque ad extractionem reliquarum specierum duriorum, uti

foliorum

foliorum Senæ, prorsus ineptam reddant. Concedo equidem, fructus illos pulposos esse, (an viscosi sint, hic non disquiram) ast aquam adfusam illico ab iis inquinari, ita ut ad duriorum specierum extractionem inepta reddatur, pernego. Quæ res nec coquis & viliori plebi ignota est; dum fructibus ejusmodi, v. g. *passulis atque prunis* aquam adfusam non solum non illico, sed nec per aliquot horas ab iis plenè imbui, sciunt; nisi continuata simul coctio accedat, quæ tandem pulpas eorum aquæ imprimere valet. Neque fructus ejusmodi prorsus ineptam aquam reddere ad extrahendas aliarum specierum virtutes, multiplex usus monstrat, dum *folia senæ cum prunis damascenis* decocta, alvum blandè solvere, vel mulierculæ testantur. Præterea fructus isti pulpofi conjunctim unâ cum speciebus durioribus coctioni committuntur, sic ut aqua eas omnes quoq; conjunctim adgrediatur, nec prius fructibus extrahendis incumbat, antequam reliquas species pariter adgredi nitatur. Accedit quòd in aquæ sufficiente quantitate species omnes coqui debere, Augustani præcipiunt, scilicet quæ & fructibus, & cæteris speciebus extrahendis sufficiat.

Per me tamen quilibet, cui laborem multiplicare volupe est, separatim fructus, & itidem separatim reliqua ingredientia decoquat.

Quod de *Conservâ violarum* profert, cui nimirum *Sirupum florum violarum solutivum* substituendum esse, tum in hoc, tum sequenti ELECTUARIO LENITIVO DE MANNA NICOLAI ALEXANDRINI pag. 78. didicit, in præcedente *Diacassidâ cum mannâ incerti Autoris*, examini subiectum fuit.

In ELECTUARIO DIAPRUNIS SIMPLICI pag. ead. nihil notatu dignum occurrit.

DIAPRUNIS LENITIVUM, SEU DIADAMASCENUM NICOLAI pag. 79. nullam aliam animadversionem experitur, quàm quòd Zvelserus pulverum addendorum diminutionem seriò exoptet, dum illos efficere putat, ut Electuarium hoc ventri potius replendo & gravando inserviat, quàm ut illum à vitiosâ humorum saburrâ sublevare possit. Sed nugas iterum profert; cum nec *drachma una* pulverum *unciam unam* Electuarij ingrediatur; quæ *drachma* quòd ventrem replere valeat, quis sanæ mentis humores peccantes possent, addidisse, quisquam, qui methodum componendi medicamenta intelligit, propugnabit.

HIERAM PICRAM SIMPLICEM GALENI pag. 80. ob admisionem *aloes*, (nec enim generalem illam de omnibus Augustanorum compositionibus cavillationem & falsissimum adsertum attingere, placet) amarum obtinere saporem, & quid præstare debeat, in satis magnâ dosi exhibendam.

hibendam esse, scribit. *Hieram hancce amaro sapore pollere, Augustani, & omnis Antiquitas probè novit; unde etiam ἱερὴ πικρὴ sacra amara medicina appellatur, de quo videatur Rolsincius de purgantib. vegetab. sect. 1. art. 2. cap. 37.*

Amaritudo tamen illa tanti momenti non esse videtur, ut Electuarium hoc in eâ formâ exhiberi nequeat.

Dulcia non meruit, qui non gustavit amara.

Non est dignus aloë, scribit Mindererus aloëdarij cap. 10. qui aloën non novit, vel qui ob amarorem ejus citiorem mortis amaritudinem experiri cogitat; securior namque est aloës amaritudo in ore, quàm necis præcipitium non minus acerbum in ventre. Nec studet sanitati, qui amat dulcia; videturq; natura sub amaritudine multa proroganda valetudinis remedia abscondisse ac collocasse, ne quilibet ad stultam longævitatē adspirans ea lamberet.

Nesciunt, scribit Helmontius, quòd multis gustus aloës gratior sit, potu melius. Vid. Pharmacopol. ac dispensat. modern. §. 30.

Qui autem tantâ amaritudinis nausêa tenentur, illis prudens Medicus alia, ejus loco, medicamenta propinare sciet. Nec enim horum causâ planè ex officinis exulare debet. Ut taceam, quòd ægri in enematibus, quibus nostro tempore maximâ ex parte dicatur, ipsius saporem amarum haud percipiant.

Elux proprietatis Paracelsi insigni amaro præditum, nihilominus frequentissimè exhibetur; quòd tamen ob illum saporem, unâ cum plurimis aliis medicamentis saluberrimis, pariter è foro medico exulare deberet.

Nec tam magnâ dosi, qualem sibi Zvelferus imaginatur, in Electuarij hujus exhibitione opus est, quippe neque ad integras *drachmas duas* una dosi adscendit; si aloës, quæ medicamenti hujus lenitivi (sic etiam à Galeno 7. meth. med. cap. 11. inter illa, quæ ultra primam regionem non adscendunt, numeratur) basis est, *scrupulum unum* pro unâ illâ dosi constituamus. Et Zvelferus Electuaria lenientia *Pharmacop. Reg. cl. 3.* non usque adeo grata, ad unciam dimidiam, imò integram usque propinat.

Quæ circa *ELECTUARIUM HIERÆ CUM AGARICO* pag. eadē profert, præterquam quòd ad Augustanos directè non pertineant, & in præced. *Hieræ* præparatione ab ipsis ex parte tradita fuerint, partim minutula & nimis curiosè proposita, partim cuilibet Pharmacopœo notissima sunt.

ELECTUARIUM LENITIVUM EX TAMARINDIS pag. 81. mirabilem componendi modum vel indignanti risum extorquere, ridiculè ludit Zvelferus; cum I. eo strictè observato, nec Electuarium, nec Sirupus, sed crassa quadam potio efficiatur; quia à mensurâ illâ sive librâ quatuor vix uncia aliquot exhalent. Verùm illud: *Misce, & F. Electuarium*, includit ac mon-

strat ulteriorem coctionem, quam pro justâ Electuarij consistentiâ adquirendâ peritus Pharmacopœus *s. a. & q. s.* absolvit.

In *Appendice animadversionum pag. 12.* Zvelferus errorem suum, circa hoc Electuarium commissum, excusare nititur; cum *mensuram Augustanam libras quatuor ponderis medicinalis, deceptus mensurâ Viennensem, continere existimaverit.* Satis crassus hic fuit error, in quem, si humanè & absque continuo illo protervè insultandi stimulo, Augustanorum compositiones pensitare voluisset, minimè incidisset; cum nec lixas, & obvium quemque è vulgo viatorem lateat, mensuras, ratione locorum, ut plurimum inter se differre. Prius itaque inquirere in quantitatem *Mensura Augustana*, debuisset Zvelferus, antequam eam *librarum quatuor* audacter pronuntiasset; præcipuè cum Augustani claris verbis illam indicent. Sic enim *Prolegom. cap. 9.* (quod *Caput* etiam à Zvelfero adprobatum fuit) scribunt: *libra civilis, seu publica tantundem pendit, quantum dimidia vini mensura Augustana, quæ capit uncias sedecim, nam integra mensura nostra bilibralis est, & pendit uncias triginta duas.* In *Sirupo de menthâ maj. Mes. class. 1.* *Vini antiqui mensuras duas nostrates seu libras quatuor civiles, ponunt. Cl. 8. in Hydromelle purgante hæc habent: R.* *hydromellis mensuram unam seu uncias triginta duas;* nec non *Cl. 15. in Aquâ hirundinum usitatâ: R. aq. lil. corvall. fl. sambuc. pæon. iiliæ an. uncias triginta duas, seu mensuram civilem nostratem.*

Ast huic errori suo patrociniū parat his verbis: aliàs quod ad rem attinet ipsam, uti nonnulli sibi imaginantur, erratum non est tantoperè, quin potius sic errando majores virtutes Electuario conciliatæ sunt. Nam duæ libræ cum uncis septem vini vix ac ne vix quidem sufficient pro extract. one virum trium unciarum foliorum senæ. Quò magis ab errore se vindicare tentat, eò in plures se præcipitat; quorum in adductis verbis duo cumprimis se offerunt. Unus, dum *Augustanorum mensuram unam, librarum duarum cum uncis septem* constituit; cum libras duas *P. M. & uncias octo* eam continere, è præcitatæ locis pateat. Alter verò error est; ubi *uncias tres foliorum senæ à vini mensurâ unâ Augustanâ, & consequenter unciam unam foliorum senæ ab uncis decem, drachmis quinque, scrupulo uno vini* sufficienter extrahi, negat; & tamen in *Sirupi de polypodio animadvers. foliorum senæ uncias sex à libris quinque ac dimidiâ aquæ destillatæ, & consequenter unciam unam ab uncis undecim, viribus omnibus penitus exauriri, docuit. Consul. Examen Sirupi de rhabarbaro solutivi.*

II. Tantum etiam risum Zvelfero extorserunt hæc Augustanorum verba: *R. pulpa tamarindorum exossatorum, passularum enucleatarum &c.* Pulpas enim illas necessariò exossatas & enucleatas esse debere, contendit; cum aliàs non pulpa essent dictorum fructuum, sed fructus ipsi, tamarindi scilicet & passule.

passula. Verùm Augustanos *pulpam tamarindorum exossatam*, & *pulpam passularum enucleatam* recipere, falsò arguit Zvelferus, dum *pulpam tamarindorum exossatorum*, ac *passularum enucleatarum* præscribunt.

Cæterùm *pulpam* è *tamarindis exossatis passulisq; enucleatis*, vel è *tamarindis non exossatis atque passulis non enucleatis* confici posse, nemo dubitabit.

Quamvis & *pulpam tamarindorum non exossatam*, & *passularum non enucleatam* dari possët, si nimirum fructus illi fortè cum ossibus & nucleis contunderentur, antequam *pulpam* exin educeretur, quo ipso virtus aliqua & substantia ossium & nucleorum *pulpæ* communicaretur; & tamen medicamentum ita paratum *pulpam*, non ipsi fructus, *tamarindi* aut *passulae*, adpellandum esset.

Sic tandem suavis Zvelferi risus in nannias desinit.

TRYPHERA PERSICA MESUES, AUT JOHANNIS DAMASCENI pag. eàdem plurimos crassos & absurdos errores continere Zvelfero dicitur, quibus tamen, cùm eos non patefaciat, emendandis aut defendendis operam meam locare haud possum. Quantùm tamen ex mutata ab ipso præparatione venari licet, *folliculis senæ* cumprimis & *myrobalanis* crassas suas animadversiones adglutinat; hos ineptè oleo *amygdalarum dulcium* fricari, illos omittendos & *folia senæ* substituenda esse, ceniet; quo ipso *folliculis senæ* vim laxativam dubiam reddere velle videtur.

Nec me latet, haud convenire inter se autores, utrùm *folliculi*, an *folia senæ* in purgando efficaciora sint; aliis pro his, aliis pro illis decertantibus; quorum arbitrum *Petr. Andr. Matthiolus lib. 3. in Diosc. cap. 70.* ægit, *folliculos* duorum generum esse, statuens, unum in ipsâ plantâ arefactum, nigrum & evanidum semen continens, nullam ferè purgandi vim habens; alterùm ante maturitatem collectum; cui sanè, ceu inquit, *ut jam millies periculum fecimus, non minor dejeçtoria vis inest, quàm foliis*. Statuat in hoc negotio, quod quisque voluerit; sufficit, *folliculos senæ*, semine ponderoso & vegeto præditos, purgandi vi pollere, ut ita superstitiosè illi ex omnibus compositionibus indiscriminatum planè excludendi haud sint.

Utrisque, *folliculis* nempe & *foliis*, si requisitæ bonitatis notas præ se ferant, sua laus & locus in officinis debetur; sin exoleta illa simplicia fuerint, non tantùm *folliculos*, sed & *folia* eliminare, convenit.

De *myrobalanis*, oleo *amygdalarum dulcium* fricandis, in *Sirupi ros. solut. comp. helleb. Mont. examine* actum fuit.

PASSULAS LAXATIVAS pag. 83. quas *Baldass. Timæus à Guldenslee lib. 3. epistol. medicar. 18.* comendat, comode ad modum præscriptum parari posse, concedit; meliorem tamen præparationem substituere laborat; quam, cùm illa Augustanorum suo in valore relinquatur, pariter intactam transeo.

RESTI-



RESTITUTA

CLASSIS QUARTA,

De Electuariis solutivis mollibus agens.

OMISSA BENEDICTÆ SOLUTIVÆ NICOLAI pag. 84. animadversione, quæ nil singulare continet, ad
DIABALZEMER, SEU ELECTUARIUM SENATUM RENODÆI pag. eadem accedo; in quo duorum errorum *Renodæum* accusat: 1. Quòd decoctum plurium specierum, virtutibus jam satis superque imprægnatum, ac iisdem ferè incrassatum, adeoque ulteriori extractioni ineptum, speciebus purgantibus readfundere, easque hoc ipso extrahere, male suadus præcipiat. Verum quidem est, decoctum plurium specierum virtutibus esse imbutum; ast satis superque imprægnatum, imò ferè incrassatum esse, ut extractioni ulteriori ineptum sit, probatione indiget.

Si quis verò tam notabile rerum catharticarum dispendium ex infusione illà vereatur, is auctà in primà decoctione aquæ quantitate, vel institutà harum specierum cum novâ aquâ decoctione, faciliè huic malo occurrere potest; quod artis suæ peritus Pharmacopœus ipse ad unguem tenet.

2. Errorem locat in additâ *expressione uncie dimidiæ rhabbari, in aquâ chalybeatâ infusi*; cum potius *rhabbarum* ipsum pulverisatum, vel *Extractum* ejus, cum aquâ *chalybeatâ* factum, addi debere, statuât. Si enim infusio illa *uncie dimidiæ rhabbari, in aquâ chalybeatâ uncis aliquot facta*, Sirupo admisceatur, liquidum nimis evadere Sirupum, putat, ulteriori coctione pro debitâ consistentiâ Electuarij, additis unâ reliquis speciebus siccis, impetrandâ, summopere indigentem; si verò infusio in paucâ aquâ *chalybeatâ* quantitate facta fuerit, *rhabbari* vires integrè extractas haud esse, existimat. Ponamus autem, *libram dimidiam aquæ chalybeatæ* pro infusione dictæ *dimidiæ uncie rhabbari* destinari; illa utique pro debitâ extractione absolvendâ suffi-

sufficiet, si ipsum Zvelserum sequamur; cujus aliquot exempla superius jam producta fuerunt; v. g. in *Sirupo de polypodio, foliorum senæ uncis sex, liquoris libras quinque & dimidiam*, ac ita *uncia dimidiæ foliorum senæ, uncias quinque & dimidiam liquoris* tantum destinavit, à quibus *folia senæ* viribus omnibus exhauriri, adserit; sic in *Sirupo de rhabarbaro solutivo*, pro extrahendâ totâ vi specierum, quæ *libram dimidiam* circiter constituunt, *liquoris* (qui est *librarum trium*) quantitatem paulum augendam esse, monet; quam itaque si non paulum augeamus, sed duplicemus, sic ut sint *liquoris libra sex; specierum uncia dimidia, liquoris libram dimidiam*, veluti in præsentî hac *rhabarbari* extractione, recipiet, & sic totaliter extrahetur.

Ponamus etiam, nihil ab hac *dimidiâ aqua librâ cum rhabarbaro* remanere, sed eam totam exprimi; illa tamen non solum Electuarij debitam formam in nimis liquidam haud mutabit, sed eandem ipsi potius conciliabit; cum *saccharo supra consistentiam Sirupi*, sive in formam Electuarij molli cocto, sicque ulteriori specierum siccarum additione vix indigo, *uncia sex specierum siccarum* addantur, quæ ideo liquorem utique requirunt, à quo humectentur; quam intentionem prædicta *rhabarbari* infusio explet; utpote quæ nimis liquidam non impertietur ipsis consistentiam; præcipue si cum Zvelsero *unciam unam specierum* ab *uncis tribus ac dimidiâ liquoris* vix humectari, dicere velimus, quo de vid. *Animadvers. Sir. diascereos Andernaci*.

Solent etiam talia medicamenta tractu temporis spissiora evadere, unde liquidiori in formâ eadem parare, nil prohibet.

Quod si ab illâ *rhabarbari* infusione nimis liquidum redderetur Electuarium, aliqualem coctionem instituere, minimè prohibent Augustani; quin potius illo: *Fiat Electuarium*, præcipiunt.

Quare si quis *rhabarbarum* pulverisatum, vel in spissam formam extractione redactum, *saccharo* supra Sirupi consistentiam cocto, additis unâ reliquis speciebus siccis, juxta Zvelseri monitum immiscere velit, ille nunquam Electuarij mollis consistentiam acquireret.

Atque ex his liquet Augustanorum genuina hujus Electuarij preparatio, cujus tamen usus jam evilit.

In *DIACARTHAMO ARNOLDI DE VILLA NOVA* pag. 85. nihil desiderat, præter unicam Pharmacopœi diligentiam, ut *cydoniorum pulpan* &c. ritè dissolvat. Quod sedulus Pharmacopœus ipse, unâ cum aliis pro debitâ formâ necessariis, observat.

Ex ELECTUARIO CARYOCOSTINO pag. 86. vinum rejicit, cum illud in coctione iterum exhalare debeat. Verum quidem est, exhalare debere ejus partem aliquam, sed non omnem; major enim ejus pars remanet.

ELECTUARIUM DE CITRO SOLUTIVUM, & ELECTUARIUM EPISCOPI, SEU ELESOPH MESUES, pag. eàdem, tradito ab Augustanis modo confici posse, concedit.

CONFECTIONI HAMECH MAIORI MESUES pag. 87. nulla animadversio directè opponitur, sed ejus præparationem ad modum *Tryphera Persica* à se edoctum, vel alterum, quem subjungit, fieri posse, Zvelserus innuit. Simili ratione varij excogitari possent parandi modi, qui tamen eodem recidant; prout crebra ejus præparatio Pharmacopœo ingenioso novam subinde *ἐνχέριον* subministrat.

De notâ, quam in fine addit; dum decoctorum, antequam saccharo permisceantur, cum albumine ovorum clarificationem commendat, quò minus hac confectio adeò violenter agat, nec alvi tormina excitet, quod alioquin colocynthidi, seu violentissimo cathartico, peculiare est, quilibet quod velit, sentiat; dummodo Augustanos in *Hierâ Logadij*, & *Pilulis diacolocynthidos* Pharmacopœos admonere, recordetur; ut, quotiescunque vocabulum *colocynthidis* in compositionibus occurrit, *trochiscos althandal* semper fument.

Sæpe etiam medicamenta cathartica violenter agentia & alvi tormina excitantia, si in minori dosi, & omnibus circumstantiis ritè perpenfis, exhibeantur, ab illo incommodo immunia sunt.

Cæterùm decoctionis tertiæ, quæ cum aliis speciebus, absque *colocynthide* fit, clarificatio, ob metum, ne alvi tormina ob *colocynthidem* excitet, frustrâ præcipitur.

Si autem usus *colocynthidis* infusa atque decocta, absque subsequente clarificatione, tam periculosus est, mirum videri nemini non potest; quòd ipse Zvelserus *Pharmacop. Reg. pag. 75.* in *Extracti colocynthidis* præparatione, *pulpam ejus* in aquâ simplici coquat, & decoctum solâ colaturâ, nullâ de clarificatione cum albumine ovi mentione factâ, purificet.

INFUSUM HELLEBORI pag. 88. duas patitur animadversiones; ob *radicum hellebori nigri* decorticationem, de qua in *cl. 20.* me dicturum, supra innui; alteram ratione doseos ipsius Infusi, quam Augustani *unicuius tres* esse, determinant; Zvelserus autem eam assignari non posse putat, nisi simul liquoris, cum quo infusio fit, quantitas declaretur. Verùm si quis æquâ rationis lance Infusum hoc perpendat, eum dosis liquoris latere nequit. *Radicum enim hellebori* dosis in Infuso (prout *Schröderus* à Zvelsero commendatus, unâ cum aliis Autoribus statuit) à ʒj. ad ʒʒ. usque esse solet; hîc autem ab Augustanis media quasi dosis, nimirum ʒij. *hellebori nigri præparati*, præscribuntur. Ergo Infusum hoc non plures, quam unicam dosin conti-

constituere poterit, quam dum *uncias tres* continere, innuunt, eo ipso liquorem *uncias tres* & paulò plus, quantum scilicet post separatum iterum liquorem remanet, recipiendas esse, determinant.

DECOCTI HELLEBORI *pag. ead. loco*, præcedens Infusum in usum trahere, vel species cum determinato quodam liquore solum infundere, & absque coctione (ne aromatum fragrantia & subtiliores partes in coctione exhalant) digerere &c. præstare putat Zvelferus. Non solum hoc, sed etiam diversis aliis modis decocti hujus species tractari possunt, ut in liquorem virtutem suam deponant. Ast neque assignatus Augustanorum, modus propterea repudiandus est. Licet in eo aromatum fragrantiam deperdi, sibi imaginetur Zvelferus, virtuti tamen ejus cathartica exin nihil de- cedit.

Nec etiam tanta in decoctione illà subtilium partium jactura timeri debet, cum unà vel alterà ebullitione tota ista decoctio absolvatur; & si longior coctio institueretur, aromata circa finem demum ejus injiciantur. Quæ tamen contra hoc adsertum, ratione aromatum, iterum objici possent, *Vinum Hippocraticum laxativum, & Aqua laxativa Pharmacop. Reg. pag. 41.* diluent.

Potest quoque ad evitandam subtiliorum partium exhalationem, in hoc nonnullisque aliis medicamentis coctio in vase cum alembico institui, ut id, quod prodit, decocto parato denuo jungatur; prout talis modus, eundem in finem institutus, *Angelo Sala lib. 2. de errorib. Chim. & Galen.* aliisque notus jam fuit.

Sequentes **HIERÆ**, scilicet **COMPOSITA NICOLAI, LOGADII NICOLAI MYREPSI** *pag. 89. & PACHII pag. 90.* conjunctim censuræ à Zvelfero subjiciuntur.

1. Plures hisce Hieris inesse *species egregias*, quas gutturi inferiori, (f. h.) cui ignobiliori usui *prima & secunda* potissimum à plurimis desinentur, injicere, *nefas & absolum* putat. Ast absurda hæc sententia multis scatet difficultatibus.

Nam 1. non enema tantum gratiæ dictæ Hieræ parantur, sed etiam ut per os assumantur; & licet plurimi illum priorem modum in usu solum habeant, eorum tamen in gratiam, totam compositionem mutare, nulla cogit necessitas.

2. Quanam sint illæ *species egregiæ*, licet non exprimat, aromatas tamen subintelligi, existimo; quæ cur in clysterum compositionem recipi nequeant, causam nullam video.

3. Si

3. Si nefas est *et* absonum, egregias tales species gutturi inferiori injicere; nescio, qua ratione Zvelferus exculari possit, dum *Sirupum mercurialem secundum Pharmacop. Reg. pag. 38.* precioso *caryophyllorum elaeosaccharo, odoris et* saporis gratia, nobilitatum, clysteribus haud ineptè admisceri, tradit; quasi verò pars illa corporis, clysteribus excipiendis dicata, odoris *et* saporis gratiam dijudicare valeret. Sic quoque Lector Benevolus Zvelferi *Cassiam extractam pro clysteribus Pharmacop. Reg. pag. 45. Electuarium lenitivum pro idem pag. 46. Species decocti carminativi pag. 86. &c.* consideret; quæ omnia egregius speciebus aromaticis nobilitari, observabit.

4. Non adco ignobilis est enematum usus, quorum utpote virtus, in multis morbis maximum levamen promittens, usum eorum magnopere commendat & nobilitat. Sed dubio procul ideo usum eorum ignobilem vocat, quoniam tali parti adplicantur, cujus nomen exprimere, quod honestas vetet, homines opinantur; quanquam illa pars officij dignitate, quam in corpore humano à necessitate optimè venamur, plurimis aliis minimè cedat.

II. Plures species additas fuisse, quæ longè melius omitterentur, in *Hiera* cumprimis *Logadij*, quam etiam ob violentam, mordacem & exurentem qualitatem, ad interiores usus ferè ineptam ac inhabilem reddant. Quænam sint illæ species, cum non exprimat Zvelferus, de iis etiam quid proferre, nec volo, nec possum; præcipuè quia illa *Logadij hiera* insuper in usu esse, jam desit.

III. *Primæ Hiera*, videlicet *Nicolai*, species, demto *melle*, commodiùs pilulis ex iis conficiendis, quàm Electuario inservire. Possè ex iis pilulas confici, equidem res est notissima, prout earum descriptionem Augustani in *Classe de pilulis* exhibent. Attamen propterea nil obstat, quò minùs etiam Electuarium indè commodè conficiatur.

Quem autem in finem pilulas exin parare opus est, si *Hiera* hæc, uti supra monuit Zvelferus, enematibus potissimum destinatur? Nunquam enim pilularum formam pro clysteribus expetitam fuisse, memini; nisi fortè ejusmodi parvarum pilarum explosione, inimicos corpori humores fugari possè, persuasum sibi quis habeat.

Nec ex speciebus illis, demto *melle*, quisquam pilularem formam efformabit, nisi vel *mellis* ipsius partem, vel alium convenientem liquorem in auxilium vocaverit.

IV. Gummata aliasque res solubiles in hujusmodi Electuariis prius dissolvenda, sicque soluta reliquis speciebus miscenda esse, præcipit. Quod equi-

equidem, cui volupe id est, imitetur; nihil tamen medicamento decedit; si etiam non soluta, sed pulverisata reliquis ingredientibus exacte, & s. a. permisceantur.

In *ELECTUARIO INDO MAIORI MESUES* pag. 92. in specierum cum oleo amygdalarum dulcium frictionem præcipue invehitur; de qua tamen supra jam mentio facta, & insuper Electuarium hoc medicamentorum inustatorum numero ab Augustanis insertum fuit.

Præ *DIAPHOENICO MESUES* pag. 91. *DIAPHOENICUM FERNELII* pag. 92. magis aridet Zvelfero, eò quòd in hoc *daetyli* absque aceto in pulpam redigantur; ipse autem, cur *Mesue* id fecerit, causam nullam singularem videat. Sed mihi non displicet *Mesues daetylorum* cum aceto maceratio, eò quòd non videam, ob quam singularem causam cum aceto macerari haud debeant.

Nisi fortè dubium hoc è *Gul. Rondeletij pharmacopol. officinà* hauserit. Zvelferus, ubi nimirum *Rondeletius acetum à daetylorum* maceratione, ob morbum colicum; cui etiam hoc Electuarium dicatur, excludit; *acetum* enim constringere, & morsu suo intestina dolentia lædere, existimat. Ast cum colica non ab unâ causâ semper oriatur, sed præcipue humori crasso & viscido, qualis pituita vitrea Galenicorum est, ortum debeat, idcirco eò majori virtute *Diaphænicon* hocce ab aceto imbuetur, cum facultate incidente, in tali colicæ specie maximè proficuâ, *acetum* gaudeat, imò nonnunquam, plus præstet, quàm alia medicamenta, carminantia & purgantia, quibus sæpe sapius ejusmodi dolor, ob lentorem & visciditatem plicis intestini coli validdè impactorum humorum, cedere detrectat.

Sic quoque *Victor Trincavellius lib. 1. de compos. medic. cap. 26. palmulis* cum aceto in hoc medicamento maceratis, vim crassiores humores attenuandi adscribit. Sed quilibet hic suo abundet sensu.

Deinde etiam Zvelfero displicet; quòd *fructus*, nempe *daetyli* & *amygdala*, nec non cætera preciosa ingredientia his Electuariis intermisceantur; cum vim purgantem directè non infringere, vel corrigere possint; sed dosim saltem & precium augeant; ingrati etiam saporis, & odoris medicamentum efficiant. Quod *fructus* attinet, quem in finem addantur, equidem certi quid dicere nequeo; interea non absque singulari intentione factum hoc fuisse, credibile est.

Quòd verò medicamentum indè ingratum saporem odoremque contrahat, nemo, qui *daetylos* & *amygdalas dulces* unquam gustavit aut odoratus fuit, dixerit.

Nec sequitur: *fructus* hi vim purgantem directè non infringunt vel corrigunt. Ergo medicamento solventi malè intermiscuntur. Alias multa Zvelseri medicamentorum talium ingredientia omittenda forent; uti *pruna Hungarica*, quæ in purgando corpore valdè inefficacia esse, & in largâ quantitate sumpta vix semel alvum movere, pag. 46. *Pharmac. Reg.* scribit; pag. 57. *Electuario magistrali purganti* frustrâ *succus rubi idæi* adderetur; pag. 54. malè *Rob ribium* & *cerasorum* cum purgantibus miscerentur; imò nulli purganti *saccharum*, & quidquid est specierum alterantium, dejectoriâ facultate destitutarum, addere liceret; quia nullum eorum vim purgantem directè infringit vel corrigit.

Nec admodum dissimile iudicium esto de *preciosis ingredientibus*, sub quorum nomine aromata iterum indicari, existimo; quæ sive directè, sive indirectè vim purgantium corrigere (ut *infringant* eam, nemo Augustanorum desiderat) dicantur, à compositione catharticoꝝ medicamentorum excludi non merentur.

Licet quoque dosin aliquo modo, preciumque augeant, tanti tamen, momenti objectio hæc minimè est; ut idco salutaris eorum usus exesse debeat.

An verò & hæc ingrati saporis odorisque medicamentum efficiant, re ipsa cuilibet patet. Certè aromaticum & fragrantem talium odorem, ingratum nemo emunctæ naris indiscriminatim vocabit; sapor autem ingratulus vix alius, nisi moderatè acris & vellicans ex aromatibus sperari debet; quem tamen addita sufficiens *mellis* quantitas demulcet.

Sit autem, quòd *preciosa* ingredientia catharticoꝝ vim directè non infringant, vel corrigant; sed dosin potius eorum preciumque augeant, saporem insuper & odorem ingratum ipsis concilient; tali modo nec maxima *Pharmacopœia Regiæ* medicamentorum purgantium pars ab eodem incommodo libera erit.

De *Saccharo penidio examen animadversionum Sirupi de capillis Veneris* repetatur.

DIAPRUNIS SOLUTIVUM NICOLAI pag. 92. intantum relinquitur.

ELECTUARIUM DE PSYLLIO MONTAGNANÆ pag. ead. ob conglomeratam & malè consarcinatam ingredientium sarraginem *delicatum Electuarium* ironice vocat. Sed nec ingratum esse *ferculum*, quisquam, qui diligenter illud præparaverit gustaveritque, dicet. Et libenter scirem, quam ob causam adeo ingratum evadat, ut tam inhumanâ animadversione dignum iudicari posset.

Ob mucilaginem quidem *psyllij* vituperium illud apud *Zvelserum* præcipuè incurere videtur; & quia *embamma viscidum* & *mucilaginosum* esse, sibi imaginatur. Verùm mucilago ista ex *uncius tribus seminum psyllij* extracta non unita manet, sed cum *sacchari libris quatuor, pulparum librâ unâ, specierum librâ unâ, drachmis septem, & decocti* non parvâ quantitate disgregatur, atque per minima miscetur; sic ut parva ipsius quantitas, respectu reliquarum *librarum septem* &c. vix percipiatur; ut taceam, quòd ingratum, viscidum, & mucilaginosum medicamentum non efficiant, præcipuè si debita liquoris proportio relinquatur, nec plus justò ille decoquatur.

Omnes autem Medici sciunt, dari nonnunquam ægrotos, qui à medicamentis (non tantùm à similibus *Electuariis*) omnibus tantopere abhorreant, ut emori malint, quàm ullâ medicinâ, sive insulsâ, sive falsâ, odorâ, vel inodorâ, liquidâ, siccâ, crassâ &c. uti; quæ tamen culpa non Medico, sed ægroto imputanda erit.

Ut jam non dicam, quòd nec centesimum medicamentum illud *Asclepiadis* (non *Hippocratis*) de curatione citò, tutò & jucundè insituiendâ adsequatur, absonumque planè foret, illud encomion medicamentis *Zvelseri* tribuere, utpote quod plurimis eorum minimè competit. Nec enim omne, quod dulce & suaveolens est, jucundum simpliciter dici debet.

Notatu autem digna est de his curationis conditionibus *Celsi* sententia, quam *lib. 3. cap. 4.* habet: *Asclepiades officium Medici esse dicit, ut tutò, ut celeriter, ut jucundè curet. Id notum est. Sed ferè periculosa esse nimium & festinatio & voluptas solet.*

Quam verò meliorem *Electuarij* hujus præparationem *Zvelserus* meditatur, parùm vel nihil ab *Augustanorum* modo eam discrepare, quilibet facile observabit.

Cætèrùm si *Electuarium* hoc ob ingratam aliquam qualitatem tam rigidam censuram meretur; quid cum *Regiis* illis medicamentis, odore abominabili præditis, aquâ *nephriticâ Pharmac. Reg. pag. 204. & Elixir alliatæ antipestilentiali pag. 208.* fiet? *Allium* enim propter fœtorem ad has & *Ju-daos* ablegandum remedium aliquibus censetur. Et quamvis in peste singulari virtute excellere, nonnullis dicatur, insuetis tamen nocere, *Cl. Deodatus panth. hygiast. lib. 1. cap. 26.* tradit; imò ejus usum in peste fugiendum, *Hieronym. Mercurialis cap. 22. de pestilentia,* monet. Si quid verò præstat, rusticis potius & infimâ plebe, non *Regibus & Magnatibus* (quibus *pag. 210. Apolog. Tacken. Zvelserus, & pag. 19. Apolog. Schmuëzian. Müllerus Pharmacopœiam Regiam* dicatam esse, innuunt; quanquam vicissim alibi contradictiones non leves observentur, de quibus tamen hîc agere, supersedeo) dignum

dignum medicamentum dici debet; ut adeo *Galenus* 12. *meth. med. cap. ult.* illud *theriacæ rusticorum* nomine benè exornaverit. *Virgilio rusticorum*,
cibus est, dum 2. *eclogâ* canit:

*rapido fessis messoribus æstu
allia, serpillumq; herbas contundit olentes.*

Horatium lib. epodon 3. allium nimio opere detestatur, & *Galenus lib. 6. Hippoc. de morb. vulg. com. 4. text. 9.* in Medicos allium redolentes invehitur, unde ægrotis tædiosi fiant. Non minùs ergo *allij* foetor in ipsis medicamentis fugiendus erit.

ELECTUARIUM ROSATI MESUES pag. 94. præparationem vituperium non mereri, fatetur; animadversionem quoque Augustanorum ratione *Galiæ moschatae* prolatam, non improbat. Neque enim, inquit, *stercora moscho, ambrâ & ligno aloës* (utpote ex quibus *Gallia moschata constat*) condienda sunt. Ast minùs fideliter animadversioni Augustanorum, *Galia moschata* causâ factæ, subscribit. Ipsi etenim non planè à medicamento hoc *Galam* abesse volunt; sed etiam sine eâ parari, tantùm innuunt, partim pro pauperibus, partim pro iis, qui *Galia* odorem non ferunt. Ex quibus, *Galam* non ob frivolum aliquam rationem, scilicet, ne *stercora* (sit venia verbo) odore grato condiantur, omitti, patet.

Si autem odorata illa à medicamentis ideo abesse debent, ne *stercora* odore eorum imbuantur, omnis ipsorum usus internus valeat; omnia *Pharmacopœia Regia* medicamenta interna, quæ *moschum, ambram & lignum aloës* recipiunt, refoventur; cùm si per os exhibeantur, impossibile sit, cavere, ne aliqua odororum illorum pars excrementis communicetur.

Cæterùm *Trochiscos de spodio, & de berberibus*, cùm valde imprudenter composita compositis cumulari, ipsi videatur, malè addi existimat, subjungens: quasi verò species illæ, quæ prædictos *Trochiscos* ingrediuntur, æquè commodè huic confectiioni in debitâ quantitate addi non potuissent, sed necessario *Trochisci* addendi fuerint, qui aliquando rarò vel nunquam à Medicis præscribuntur, deberent ideo proflare ratione solius hujus *Electuarij*; Proh! quàm stupidum hoc est! Proh! quàm stupidum hoc imprudenter valde cumulantur, imprudentissimè nomen non effugiet *Zvelferus*, qui composita compositis in *Pharmacop. Reg.* aliquoties adauxit, dum *conservas, eleosacchara, essentias citri & rosar. saccharinas &c.* compositis addit; in *Emplastrum de fuligine* pag. 294. aliquot composita, saponem *Venetum*, antidotum & sal *theriacale*, recipit.

Quis verò unquam ex Augustanis, necessario (uti quidem ipsis impudenter *Zvelferus* imputat) species has in trochiscorum formam prius redactas

has sumendas esse, præcipit; e contra species ipsas in debitâ quantitate ad-
dere, prohibet?

Sine ullo erroris metu addi tamen possunt trochisci; cùm ij in officii-
nis non solius hujus Electuarij gratiâ, sed alios etiam in usus prostant, ceu,
adnexa dictorum Trochiscorum præparationi, virtutum enarratio sufficien-
ter exprimit.

Posito autem, trochiscos hos rarò, vel nunquam à Medicis præscribi;
non tamen idcirco eorum corruptio, & subsequens Pharmacopœi atque æ-
gri, ob frustrâ factas impensas, damnum pertimescendum est. Siquidem 1.
in exiguâ quantitate parantur; *Trochiscorum* quidem de *berberibus* pondus
est *unciarum duarum*; *Trochisci de spodio unciæ quinque & dimidiam* vix
transcendunt. 2. Si & hæc quantitas nimis magna sit, ita ut trochisci cor-
ruptionem incurrant, antequam omnes in usum venerint; eò minori in-
quantitate, videlicet, dimidia, tertia, vel quarta &c. pars eorum tantum præ-
paretur. Pharmacopœus enim officinæ suæ curam sedulam gerens, ipse,
facile divinare potest, qua quantitate eorum, pro necessariâ dispensatione,
per unum & alterum annum indigeat. 3. Trochisci diu satis incorrupti
permanent, nec tam citò, uti liquidiora quædam medicamenta, vires suas
amittunt. Imò trochisci præsentés inter illos, qui ad 6. annos persistere à
Schrödero traduntur, commodè referri possunt.

Huic *incommodo* (rectiùs *non incommodo*) jam ut obviam eat, illarum
compositionum, quas composita ingrediuntur, *resolutionem, exactissimâ &*
diligentissimâ computatione, promittit, singularum specierum tale composi-
tum, quod alteri compositioni superadditur, constituentium debitam & re-
quisitam in hac compositione dosin exprimendo, initio factò ab Electuario
præsentî; cui *species Trochiscorum berberum & spodij debito & accuratissimè*
computato pondere se addere, gloriatur. Verùm ô miserum Arithmeticum,
qui in computatione suâ ingredientium pondus ritè eruere non potuit, ex-
ceptis fortè *gummi arabico, seminibus portulacæ, coriandri & sumach*; quo-
rum tamen non simpliciter 3j gr. ij. & 3j. gr. vij. sed 3j. gr. ij. circiter, &
3j. gr. vij. circiter sunt, si *accuratissima computatio* instituat! Nec tantum
in hoc, sed sequentibus pluribus aliis medicamentis *exactam* suam in calcu-
lando scientiam, & maximam diligentiam (scilicet) prodit, seque vel Arith-
metices tyronibus deridendum exponit.

ELECTUARIUM E SUCCO ROSARUM NICOLAI
pag. 95. nullum alium errorem præ se ferre, concedit, quàm quòd *campho-*
ram per se pulverisare, Augustani jubeant, quam tamen *per se & sine ullâ*
addi-

additione in pulverem redigere impossibile sit; nisi cum pauculis guttulis olei rosati vel ligni rhodij teratur, & *spodium* quoque addatur, quo modo in subtilem pulverem redigi possit. Verum minimè in hoc hallucinati fuerunt Augustani, dum per se ac seorsim *camphoram* pulverisare præceperunt; *camphoram* enim, non addito *dacrydio*, terendam esse innuitur; & ita olei aliqujus, *seminis oleosi*, vel cujusdam liquoris convenientis additione artifice non interdicitur; quales diversos *camphoram* pulverisandi modos *Philibertus Guibertus* in *pharmacopol. familiar. & domest. tract. i. cap. 29.* tradit; de qua materia etiam *Gothofred. Mæbius cap. xi. anatom. camph. agit.*

ELECTUARIUM DIASEBESTEN BARTOLOMÆI MONTAGNANÆ pag. ead. ex inconcinna ingredientium congerie emergentem insulsam confectionem, nec non pulmentum vocat; insipidas etiam auctarij loco adjectas animadversiones omni ratione & judicio destitu, atque vel primo saltem intuitu illis, qui artem pharmaceuticam vix à limine salutarunt, ne dum in eadem aliquantum exercitatus, risum movere, cavillatur. Sed in quam præparationis parte peccatum fuerit, cum non edoceat, iniquam illam Zvelferi animadversionem examinare non licet; qui enim ab ipso subiungitur præparationis modus, illum Augustanorum non tollit; quia unum & idem medicamentum diversimode parari potest. Sed dum in usu esse hoc Electuarium desit, ad ultimum potius accedo, nempe

DIASENAM NICOLAI pag. 96. in qua unicum hoc notat, quòd si *mel* quodammodo crassum sit, *saccharum* prius dissolvi; sin *mel* liquidius fuerit; *saccharum* vel pulverisatum, vel contusum admisceri debeat. Talia tamen monita, tanquam superflua, Pharmacopœi non immeritò ridet, cum ipsos debita Electuarij consistentia haud lateat, nec, qua ratione ea impe-tranda sit, nesciant.

Quæ in genere de *serico tosto* monet, cum Zvelfero in aliam occasionem reservo.



RESTITUTA

CLASSIS QUINTA,

Confectiones solutivas in formâ solidâ proponens.

ANISUM SOLUTIVUM pag. 97. unâ cum *DIACARTHAMO SOLIDO*, & *CONFECTIONE ADVERSUS LUMBRICOS* pag. 98. posse quidem juxta modum ab Augustanis præscriptum parari; ast rationi non consonum esse, judicat. Zvelserus, *species cordiales* purgantibus immiscere, cum aliud quid non præstent, nisi quod præcium augeant; & quandoque saporis gratiam immutent & diminuunt. Quæstio hæc, videlicet: utrum cordialia purgantibus permiscenda sint, ad præparationem medicamentorum equidem non spectat; attamen ne tot errorum Augustani, & tota veneranda Antiquitas, major, etiam recentiorum Medicorum pars rea fiat, breviter excuti meretur. Non autem video, cur illa cordialium cum purgantibus mistura rationi haud consona sit? Quod enim de precio inde aucto, nec non saporis grati immutatione profertur, tanti momenti haud est, ut salutarem illam conjunctionem evertere queat.

Nec Zvelseri medicamenta cathartica, cum cordialibus nobilitata, unquam hoc modo excusari poterunt, quibus utpote insigne præcium, & nonnunquam saporis gratia immutatur; sic in *Rob de spinâ cervinâ* pag. 29. *Pharmacop. Reg.* cinnamomum, caryophyllos, Zingiber; in *Sirupum de eadem*, pag. 32. præter elæosaccharum cinnamomi vel caryophyllorum, Zingiber & massichen recipit; *Clareta sua laxativa* pag. 40. 41. cordialibus onerat; & ad ipsum *Anisum solutivum* pag. 57. *Pharmacop. Reg.* huic Augustanorum *Anisum solutivo* substitutum, cinnamomum & nuces moschatæ adhibet.

Non unam autem ob causam cordialia ejusmodi, quæ alias simul partes quoque confortant, adduntur; sed partim ad robur parti conciliandum, partim saporis & odoris gratiam impetrandam &c. Sic *Hippocrates* odorata

rata purgantibus nonnunquam immiscuit, v. g. de rat. viſt. in morb. acut. Si sub transverso septo, inquit, dolor ſit, ad claviculam verò ſignum non fuerit, emolliendus eſt venter, vel nigro veratro, vel peplio: veratro quidem vel dau-cum, vel ſeſeli, vel cuminum, vel anuſum, vel aliud quid odoriferum miſcendo. Quem locum Galenus lib. 2. de compoſ. medic. per gen. cap. 3. ſic explicat: hac diſtione manifeſtè Hippocrates uſum quidem pharmaci purgantis eſſe oſten-dit, ſed iſuavitatem ejus in potu, moramq; in ventriculo condimentum requi-rere; multa ſiquidem quæ bibuntur pharmaca, tam ſunt aſſumentibus inſuavia, ut ſtomachum ſubvertant vomitumq; protinus cieant; quædam licet paululum in ventriculo manere poſſint, poſtea tamen evomantur, cum pravas eructationes moverint.

Videatur quoque ejus com. 2. de rat. viſt. acut. expoſ. 11.

Eundem locum lib. 8. de compoſ. medic. ſec. loc. cap. 3. explicat, ſimul-que ex Aſclepiade, interdum odoratas qualitates purgantibus eſſe conjun-gendas, demonſtrat; ſi pars aliqua corporis non ſolum ab humoribus pec-cantibus adſigatur, ſed etiam imbecillior reddita fuerit. Cui itaque du-plicato malo, duplicatum quoque remedium opponendum; quod nempe, vitioſos humores educat & partis imbecillitati ſimul proſpiciat; ne illa pars, dum medicamentum purgans in materiam peccantem agit, ex eo ipſo ma-gis ſimul debilitetur; cujus robur tantopere exolutum difficiliùs deinceps corroborantia reſtituitur.

Galenus purgantia inter malefica medicamenta numerat, dum 2. com. de rat. viſt. acut. expoſ. 12. ſcribit: Purgantium omnium medicamentorum na-tura, corporum quæ purgantur naturis contraria eſt, atque, ut quiſpiam dixerit, lethalis & deleteria. Cui ſententiæ non Græci tantum & Arabes, ſed & Paraceliſtæ multi ſubſcribunt. Quod ſi ita eſt, cordialia certè optimo jure adduntur.

Et licet malignam talem qualitatem in nullis purgantibus reperiri, ſta-tueretur; propterea tamen cordialia non planè fruſtra iſtis conjungeren-tur. Nam dum ſpiritus vitales corroborant, ut eò validiores in hoſtem, ſive medicinam catharticam inſurgere poſſint, efficiunt, ſicque ex fortiori tali pugnâ purgatio meliùs ſuccedit. Alios quos præſtant uſus, ut taceam.

Deinde in tribus hiſ medicamentis ſpecies ſaccharo nonnihil refrigerato immiſcendas eſſe, ne dacrydium conglobetur, notat. Nec id ipſum Augu-ſtini ignorarunt. Unde in Hierà picrà Galeni ſpecies mellis non prius inji-ciendas eſſe, monent, antequam ab igne fuerit remotum ac ſerè refrigeratum; cum alioquin aloë rurfus conglobetur & picis inſtar indurata coëat. Sic in-
Paſſulis

Passulis solutivis siccis, paulò post sequentibus, *dacrydium* reliquis additur, cum paulisper refrixerint. Id quod prudens ac peritus Pharmacopœus aliis quoque similibus compositionibus faciliè adplicare novit. De hac *dacrydij* conglolatione quoque *Lud. Septalius* l. c. §. 99. agit.

DIACARTHAMUM SOLIDUM ob specierum quantitatem, *sacchari* pondus excedentem, difficile paratu esse, ori etiam & oculis ingratum eo modo evadere, pag. 98. objicit; & quidem ex hoc fundamento, dum Augustani ad normam *Elescoph* parare hoc præcipiunt; in quo *uncias sex specierum libra uni sacchari* destinant. Augustanorum autem verba ita se habent: *Eleetnarium Episcopi seu Elescoph solidum fit juxta descriptionem Mesue, speciebus addendo pro uncis sex sacchari libram unam.* Ubi lo: pro *uncis sex*, Zvelserus malè ad *species* refert; cum potius ad *saccharum* pertineat; ut ita sensus verborum sit: *speciebus addendo pro uncis sex sacchari, libram unam sacchari*; scilicet illæ *uncia sex sacchari*, à *Mesue* in *Elescoph moliori* (cujus etiam species pro *solido* interserviunt) expressæ fuerunt.

Nec aliam ob causam, pondus *sacchari* duplicatur, quàm ut confectio-nibus solidis parandis debita consistentia hoc modo faciliùs concilietur. Unde præfens *Diacarthamum solidum*, si in illo præscripta *sacchari* quantitas duplicetur, non tantùm paratu facile, sed & ori gratum evadit.

Mel rosatum, saccharum canthum & pulpa sive gelatina cydoniorum, pro variâ cujuslibet medici voluntate, addi vel omitti possunt. Augustanis tamen olim, dum adhuc medicamento hoc utebantur, eadem addere, placuit, cum hujus compositionis præparationi, si ex arte fiat, nil quidquam dero-gent.

Cæterùm quòd ad *uncias tres vel quatuor specierum libra una sacchari* sumi debeat, licet eo modo labor confectioes tales solidas parandi facili-tetur, usque adeo necessarium tamen haud est; aliàs in *Morsellis Pharmacop. Reg.* turpiter Zvelserus impigisset; nam pag. 123. in *Morsellis confortantibus virilibus* pro *specierum uncis quatuor, sacchari vix uncias sex ac dimidiam*; pag. 125. in *Morsellis stomachicis specierum uncis quatuor, sacchari solum libram di-midiam circiter adhibet.*

Porrò species adhuc intensè calenti *saccharo* immisceri jubere Augustanos, tradit; unde facillimè contingat, ut *Confectio* ob *dacrydij* congloba-tionem destruat. Sed iterum à vero, contradicendi libidine incitatus aberrat. Ne *yeu* enim in illà Augustanorum præparatione de speciebus *sac-charo* intensè calenti immiscendis quisquam reperiet, quin potius contrarium, uti ex præcedentis compositionis examine patet, deprehendat.

In fine harum animadversionum secundum specimen exactissimæ computationis, ratione *uncia dimidia specierum diatragacanthi frigidi*, edit, dum, pro qualibet *uncia una* ingredientium, *drachmam dimidiam* sumendam esse, adserit. Verum non *drachma semis*, sed *grana viginti octo cum dimidio circiter*, sumi debet. Id quod notatum tantum volui, ut *exactissimum* Zvelferi calculum Lectori commendarem.

DIACYDONIUM SOLUTIVUM pag. 99. quod Augustanorum in officinis amplius necessario prostare non debet, præscripto modo paratum lucidum ac transparens minimè fieri, objicit. Quod etiamsi ita se habeat, nihil tamen præsentì præparationi derogat, cum pelluciditas hinc non expetatur, quia hæc sequenti demum adjudicatur, nimirum

DIACYDONIO SOLUTIVO PELLUCIDO pag. 100. in cuius præparatione nil quidquam reformatione indiget.

In *ELECTUARIO EPISCOPI SEU ELESOPH SOLIDO* pag. eadem improporcionatam specierum quantitatem, respectu *sacchari* iterum accusat; cum non opus sit enumeratis speciebus præter deputatas *sex uncias sacchari*, loco *mellis* triplam *sacchari* quantitatem addere, quia *specierum tres circiter uncia* pro *libra una sacchari* sufficiant. Ast Augustani *speciebus* neque *uncias sex sacchari*, neque triplam ejusdem, loco *mellis* quantitatem adsignant; sed uti in *Confectione Diacarthami solidi* mentionem feci, loco illarum *unciarum sex sacchari*, *libram unam* sumere præcipiunt, ut cum hac, in liquore aliquo scilicet, & specierum deputatarum *uncis tribus eorundem drachmis*, medicamentum hoc conficiatur.

HOLIPPÆ PURGANTES pag. ead. & *PASSULÆ SOLUTIVÆ SICCÆ* D. D. EMANUELIS DIDYMI pag. 101. ab animadversione immunes dimittuntur.

DIAPHOENICI SOLIDI pag. eadem præparationem, pro more suo, acerbè adgreditur, qua tamen animadversione suâ bonis meritò detestandum se præbet, ac quàm perversè non intellectas à se præparationes traducat, offendit. Certè si tyro medicina, aut alius aliquis, qui praxin medicam hodiernâ die primitus inchoavit, compositionis hujus præparationem impossibilem judicaret, veniam vix mereretur. Sed quòd roties hæc compositio adprobata, & à multis Pharmacopœis præparata, nunc à Zvelfero, sedecim annos pharmaceuticis laboribus unicè dedito, nihilominus paratu impossibilis proclamata sit, id demum *Ipsi ingenti dedecori est*. Etenim eam paratu prorsus possibilem esse, quis artificum non videt? Nemo certè id negat, nisi aut stupidum in præparandis medicamentis ingenium nactus fuerit, aut præparanti alteri nunquam adstiterit.

Falsissi.


Falsissimum autem est, *uncias undecim specierum ad libram unam sacchari* hic destinari; præcipuè si illas *uncias duas sacchari cantbi*, prout peritiores, pharmacopœi id observant, reliquis *unciis duodecim* quis adjungat.

Concedo equidem difficiliorem præparationem esse, quàm si cum majori *sacchari* pondere fieret; propterea tamen impossibilis non mox dicenda est. Ignavi laboris difficultate à præparatione abstrahuntur; ignari eam impossibilem proclamant.

Sed ubi rerum testimonia adsunt, non opus est tot verbis. Prostat, Augustæ hoc *Diaphanicum solidum*, juxta Augustanorum normam paratum; si diligentiam in conficiendo adhibeas, Augustanos ab errore immunes esse, comperies.

In reliquis tribus compositionibus, nimirum ELECTUARIO E SUCCO ROSARUM SOLIDO pag. ead. DIATURBITH CUM RHABBARO BARTHOL. MONTAGNANÆ, & ZINGIBERE SOLUTIVO pag. 102. nihil correctione dignum invenit.





RESTITUTA

CLASSIS SEXTA,

Pilulas exhibens.

PILulas generali animadversione deformaturus, insignem earum luxuriam & inutilem abundantiam in hac Classe adesse, scribit; quarum itaque numerum diminuendum esse contendit; ne, cum vel rarissime, vel nunquam à Medicis præscribantur, frustra in officinis prostarent, præcipuè si in virtutibus maximâ ex parte conveniant; earum autem loco sex vel septem formulæ sufficiant.

Si Pilularum quantitatem, formulas *sex septemve* superantem insigniter luxuriosam, inutiliterque abundantem vocare licet, nescio quo jure rigorosus Augustanorum Animadversor suam *Pharmacopœiæ Regiæ Classẽ sextam* à simili animadversione vindicare possit; cum Pilularum ibidem descriptarum formulæ *numerum vigesimum* attingant. Augustanorum quidem, descriptiones, quarum tamen nulla est, quæ non à Medicis nostris præscribatur, hunc numerum superant, *trigesimum* tamen haud complent. Illarum enim descriptiones, quæ minoribus literis expressæ conspiciuntur, iis nullo modo adnumerari debent; cum ob temporis ita ferentis conditionem obsoletæ jam sint, nec ut parentur, Pharmacopœum obligant; de quo in *Sirupo acetoso compos. Mes.* uberius actum fuit.

Ut ita unicuique facile pateat, Zvelserum nihil novi protulisse, sed Augustanos ipsos concedere, magnam Pilularum à se descriptarum partem vel rarissime, vel nunquam à Medicis nostris præscribi; sicque frustra eas in officinis prostare, non immeritò quis adserere queat.

Ponamus etiam, Augustanorum Pilulas maximâ ex parte in virtutibus convenire, non tamen video, cur in publicâ aliquâ officinâ pharmaceuticâ, quæ pluribus Medicis medicamenta suppeditat, prostare non debeant. Huic quippe Medico hæc; illi alia compositio magis aridet atque in usu est. Nam *quot capita, tot sensus.*

Nec eâdem semper chordâ oberrare, conducit, ne vulgo medicam artem prostituamus; hicque etiam illud: *varietas deletat*, verum redditur.

Præterea sæpe adparenter tantum quid cum altero convenit; cum, si æquâ rationis lance expendantur, multum differant.

Sed & hanc abundantiam inutilem esse, ponamus, Zvelferi certè Pilulæ excusari hoc modo minimè poterunt; cum (si animadversionibus ejus in illas factis habenda fides) magnâ ex parte in virtutibus conveniant. Sic multæ earum capiti, plures aliæ iidem stomacho, hypochondriacis &c. destinantur.

In PILULARUM DE AGARICO MESUES pag. 103. AGGREGATIVARUM MAIORUM & MINORUM EIUSDEM pag. 104. animadversionibus in genere monet,

1. Ut *gummata*, quæ plerasque Pilularum compositiones ingrediuntur, vino vel alio conveniente liquore prius dissolvantur, ita tamen ne subtilior eorum substantia in auras avolet. Qui modus & ante Zvelferum à quibusdam traditus jam fuit; sic *Jos. Quercetanus pharmacop. dogmat. restit. lib. 2. cap. 14. gummata*, antequam in usum Pilularum veniant, in *aceto rosato* vel *vino albo* prius dissolvenda, & per setaceum trajienda esse, docuit. Nec idem observare, Augustani prohibent. Ast tam necessarium esse, ut modus hic observetur, ita ut, contrarium si fiat, error aliquis committatur, mihi quidem verisimile haud videtur. Si enim *gummata* illa in pulverem subtilem redacta, & cum reliquis pulverisatis speciebus diligentissimè mista, liquore conveniente irrorentur, atque in mortario optimè cum pistillo subigantur, optima certè massa impetrabitur; in qua particulæ gummatum cum reliquarum specierum particulis per minima mistæ & unitæ erunt.

Sic ipse Zvelferus traditam à se regulam in *Pharmacopœiâ Regiâ* haudquaquam semper observans, *gummata* & *resinas*, v. g. *myrrham*, *olibanum*, *masticen*, *gummi animæ*, *resinam styracis calamitæ*, *abietis*, *ligni aloës* &c. non prius in liquore aliquo soluta, reliquis speciebus pro Pilularum confectiōe requisitis, adjungit.

2. Liqueoris, cum quo massa Pilularum efformanda venit, certam quantitatem exactè determinari haud posse, scilicet prout succi plus, minusve inspissati sunt, ita etiam eorum pondus variare, judicat. Verum equidem est, quòd liquoris quantitas exactè determinari nequeat; ast causa, quam dat Zvelferus, ut id evincere queat, non sufficit. In genere enim de liquore, i. e. de omni liquidâ materiâ, pro massæ efformatione requisitâ loquitur; causam autem additurus, de solis succis agit, quorum pondus, quatenus plus minusve inspissati sunt, variare statuit. Namque non solum succi ratione,

confi-

consistentiæ differunt, sed etiam mel, Sirupi &c. pariter pro Pilularum excipiente, uti succi, requisiti.

Licet etiam succorum quantitas in istiusmodi Pilularum officinalium, descriptionibus aliquando determinetur, (quod tamen ab Augustanis in hac Classe factum nullibi reperio, atque ita Zvelseri animadversio inutilis hic sit) & eadem vel pro effingendis in pilulas speciebus haud sufficiat, vel excedat, miser sanè esset artifex, qui defectui tali occurrere non ipse nosset, adde-
dendo nempe majorem succi, si deficiat, partem; vel si excedat, eundem calore leni evaporando. Sic multæ Zvelseri Pilularum descriptiones magnam succorum quantitatem recipiunt, qui tamen mediante evaporatione ad debitam consistentiam perducuntur.

Si verò liquoris, excipientis vice fungentis, certa quantitas exactè determinari nequit, cur pag. 67. *Pharmac. Reg. Spiritum Veneris*, loco excipientis ibi positi, quantitatem in *Pilulis odontalgicis* determinavit?

3. *Melichium* pro Pilulis efformandis aquas & succos indiscriminatim excludere, scribit; *Sirupos* autem, quos eorum loco unà cum *melle* substituit, nihil aliud efficere, quàm quòd species, quibus vel parùm, vel nihil aloës aut succorum inspissatorum, extractorumvè additum est, faciliùs in massam pilularum redigant. Ast leve hoc emolumentum vix resarcire posse damnum indè exsurgens; cum *Sirupis* neque *aloë*, neque *gummata* exactè dissolvi queant, massa etiam Pilularum, & per consequens earum doses, in quantitate & pondere augeantur. Augustanos *Melichij* sententiam de excludendis aquis & succis à pilulis non adprobare, exinde patet, cum Ipsi utrosque liquores, aquas nimirum & succos, aliquot Pilularum compositionibus adhibeant; uti *Pilula aggregativa min. Mes.* &c. testantur. Sirupos autem non nisi magno cum damno & incommodo pro massâ pilulari effingendâ adhiberi, maximè adhuc in dubium vocari posse, videtur. Nam 1. utrùm *aloë* & *gummata* per eos solvantur, & num illà solutione tantopere opus sit, dici quiri posset. Primum quod concernit, quia duplex quasi Zvelsero est illa solutio: una in formam liquidam, qualis v. g. in *Pharmacop. Reg. pag. 64. Pilulis aloëphanginis* deprehenditur: altera in pultis formam, quæ pag. 69. *Pharmac. Reg. in Pilulis stomachicis* observatur; illa per Sirupos non intenditur, sed hæc; unde *aloën* & *gummata* pulverisata cum Sirupi alicujus s. q. in mortario mista & subacta pultis formam acquirere, notum est. Deinde in massâ pilularum tam strictè non requiritur, ut *gummata* verè dissolvantur, sed ut massa compacta evadat; id quod per Sirupos faciliè obtinetur. Etiam si enim non solvantur, nihilominus operationes suas perficiunt; neque
aliàs

aliàs tales pulveres quidquam præstarent; quod nemo sanè iudicij adferere potest.

2. Massæ Pilularum à *Sirupis* incrementum accedere, & per consequens doses etiam indè confectarum Pilularum excrefcere, concedo. Ast hoc commune ipsi est cum aliis nonnullis, uti *mellibus*, cum quibus tamen aliquoties Zvelserus massas pilulares efformat, uti *Pharmacop. Reg. pag. 64. 70.* comprobatur.

Quamquam illud augmentum tam magnum haud sit, ut vix granum unum vel alterum dosi uni hinc accedat, imprimis si *Sirupus aliquis liquidior*, qualem *Melichius* requirit, non *crassâ consistentiâ* præditus, qualem Zvelserus in *App. animadvers.* sibi fingit, adhibeatur.

Et licet, velut in eadem *Appendice* monet, tales Pilularum massæ, scilicet cum *Sirupis* paratæ, facile exsiccentur; opus tamen minimè est, easdem semper novâ *Sirupi* additione humectare, sicque eorum pondus subinde adaugere; sed sufficit, particulam solùm earum à Medico præscriptam, addito conveniente liquore, subigere, inque globulos redigere. Facilius verò massam exsiccatam, quàm *Sirupo* aliquo humectatam, corrumpi, sine ratione, adserit Zvelserus; prout nec strictè requiritur, ut massæ semper in molliori consistentiâ proflent.

4. In resolutione *specierum Hiera picra Galeni* pro *Pilulis aggregativis minor.* artificium suum arithmeticum iterum prodit, dum *uncia unus* & *dimidie* loco, *unciam unam* & *drachmas quinque* ponit.

In PILULARUM ALOEPHANGINARUM SEU AROMATICARUM MESUES *pag. 105.* animadversionibus prolixus satis est Zvelserus, & quidem I. aromatum nimiam copiam inibi contineri, objicit, quæ impedimento sit, quò minùs aloë vim suam laxativam exerere possit, nisi fortè in satis magnâ quantitate hæ Pilulæ adsumerentur; hanc tamen aromatum copiam non adeo vehementer improbare se, subjungit, si corroborando ventriculo solùm, non verò alvo simul nonnihil subducendæ, hæ pilulæ Aloëphangina destinatae sint. Prolixa hæ animadversio nullius planè est momenti. Quis Augustanorum Pilulas has ad alvum subducendam ordinatas esse, dixit? cùm potius ad confortandum stomachum compositæ fuerint. Annon in animadversione suâ, medicamentum hoc ab Autore potius ad corroborandum ventriculum & cerebrum, quàm alvum ducendam esse institutum, monent? Ad quid ergo illa in aromata inductio, & de vi lenitivâ supervacanea admonitio? Annon Augustani aromatum satis magnam quantitatem cognoverunt? unde Pilulas has *Aromaticarum* nomen obtinuisse, scribunt, eò quòd multum consent aromatis.

II. Perquam sinistrè has Pilulas mense Majo, Junio aut Julio, per insolationem, & in sole exsiccationem confici objicit, eo quod sol necquicquam incommunicare, quin potius easdem subtilioribus suis virtutibus aromaticis omnimodè spoliare possit. Solem etiam si nihil Pilulis præsentibus communicare, dicamus; quòd tamen propterea in sole non digerere liceat, minimè sequitur. Aliàs non tantùm insolatio, sed quælibet coctio, digestio &c. medicante carbonum calore facta, exulare deberet; cum & per illum nil quidquam compositionibus communicetur. Videlicet non desideratur, ut sol, vel quilibet alius ignis, de substantiâ suâ compositis ejusmodi quid conferant, sed ut calore suo, sive excitativo, sive inchoativo, pro variâ artificis intentione, διακρίσιν & σύγκρισιν, summa operationum pharmaceuticarum capita, promoveant.

Posito etiam, solem aromatibus suam illam spirituosam partem adimere; non tamen video, cur idcirco hoc in medicamento insolatio rejicienda veniat? Quomodo enim sol compositionem hanc subtilioribus virtutibus aromaticis spoliare poterit; si, ut paulò post Zvelserus ipse innuit, in cocturâ, insolationem istam præcedente, aromatum vis evanescat? Repugnat enim, aromatum vim spirituosam coquendo evanuisse; &, aromata sic cocta insolando eandem perdere.

Si verò insolatio *sinistrè præcipitur*, dum medicamenti nil communicat, sed meliorem partem detrahit, Zvelserus infra pag. 330. animadvertit. ut præparatio *Oleorum ex balsamicis herbis, floribus & aromatibus, per quamlibet insolationem &c. fiat, sinistrè concedit.* Id quod pariter in *Pharmacop. Reg. pag. 260. sinistrè* observavit.

Augustani tamen hæc in Pilulis non simpliciter insolationem nominarunt, sed alium etiam calidum locum, dum scribunt: *agitentur continuè in sole, vel loco calido; & iterum: exsiccentur ad solem, seu in loco calido.*

Imò Augustani hunc ipsum modum minimè sequuntur, multò minùs ceu falsò Zvelserus arguit, præcipiunt. Unde in animadversione additâ, *Pharmacopæos Augustanos aliam compositionis formulam, cuius quoque descriptio subjicitur, sibi hæcenus usitatam, suo hortatu sequi, monent.*

III. Aloës Socotrina lotionem vituperat; quia 1. illa per se satis pura est & pellucida. 2. nil virium ab aquâ simplici, quâ toties dissolvi debet, accedere ipsi potest. 3. aloë potius hoc modo destruitur, non melioratur, more catharticatorum vegetabilium omnium. Resp. 1. Etiam si aloë socotrina per se satis pura ac pellucida semper esset, non tamen idcirco, ejusmodi lotioni eam subjici haud debere, sequitur; cum non sordium unicarum causâ, sed alium etiam in finem lavetur, de quo mox dicetur.

Negatur •

Negatur autem, *aloën* istam per se satis puram semper esse, & multò minus pellucidam, cum illorum qui eam ad nos mittunt, improbitate, ponderis, & consequenter lucri augendi gratiâ, rarò pura venundetur; hinc lapillis, arenulis &c. refertam toties Pharmacopœi experiuntur; imò *libras quinde- cum aloës focotrina, libras tres lapillorum & arenularum* continuïsse, mihi constat.

Sed & mox alibi que palinodiam canit Zvelferus; dum si impura sit, *aloë*, & variis sordibus inquinata, eam dissolvi, colari & inspissari posse, concedit. Sufficere tamen, unicâ si hoc vice fiat, non more Augustanorum toties repetatur. Sed sufficit, Adversarij testimonio comprobasse, quòd *Aloë focotrina* per se satis pura & pellucida semper minimè existat.

Conceditur etiam, quòd *aloës* solutio, purificationis solius causâ instituta, unicâ vice absolvi possit; sic ut eandem, si illa prima debite peracta, fuerit, repetere, minimè opus sit.

2. Licet ab aquâ simplici pluviali nil virium *aloë* accedat; lotio tamen ejus eapropter non mox vituperium meretur. Idem enim est, ac si *Crocum solis & Aurum fulminans* in *Mantifs. spagyr. Zvelf. pag. 320.* vituperare vellem, dum illis *crocis* aqua simplex sæpius adfunditur, à qua tamen nil virium ipsis accedere potest. Quid autem aqua, cum qua toties *aloë* solvitur, præstet, nunc edocebo.

3. *Aloën* repetitâ istâ dissolutione destrui, dum Zvelferus statuit, de virtute catharticâ id dubio procul intellectum vult. Quod facilè Zvelfero conceditur, si totalem facultatis solutivæ destructionem non intelligat. Si namque duplicem in *aloë* vim cum totâ Medicorum Scholâ agnoscamus, solutivam nempe & roborantem; illa ex Veterum, & qui eos adhuc sequuntur, mente, per repetitam cum aquâ lotionem infringitur, sic ut superstes virtus roborans emineat.

Unde quoque in hac Pilularum compositione, quæ roborationi præcipuè inservire debet, *aloë* non illota, sed lota, sive cujus vis cathartica ex parte destructa est, adhiberi præcipitur. Dico: ex parte, cum non planè omnis tollatur. Hinc miror, Zvelferum totalem quasi virtutis illius destructionem venditare. Quid enim est, quod cum aquâ ex *aloë* solvitur? certè non pars resinosa, uti Zvelferus ipse prodidit. Ergo etiam post reiteratam aquæ adfusionem *resina aloës* supererit; quam purgationi non inutilem esse, contra *Schröderum seq. class. animadvers. in Extractum aloës*, adstruit. Si igitur, *resina aloës*, aliquot passâ ablutiones, ad purgandum non inutilis est, quomodo, ejus vim catharticam destructam esse, dici potest?

IV. In aromatum decoctionem involat. Verum equidem est, in primo

præparandi modo majorem rerum balsamicarum volatilium jacturam fieri; ast in *secundo*, qui Augustanis usitatus est, minimè; cum medietas saltem coquatur; reliqua verò aromatum pars pulverisata virtutibusque suis integra addatur. Quanquam, etiam si tota aromatum quantitas coqueretur, virtus tamen omnis Pilulis propterea denegari haud possit. Duplicem enim in aromatibus his facultatem optimè agnoscit *Ludov. Septalus*, unam igneam in superficie positam faciliè exhalabilem; alteram terrestrem, subadstringentem & corroborantem in centro constitutam. Prioris non multum habitâ ratione, *Mesuen* longâ ebullitione alteram extrahere & aquæ communicare conatum fuisse, benè determinat.

Lectori autem Benevolo harum Pilularum loco, illas *Zvelseri antipestilentiales Pharmacop. Reg. pag. 68.* traditas, ruminandas sisto, ubi egregiam spirituosarum partium evaporationem deprehendet.

Nunc Ipsius *primum* præparandi modum pariter evolvere, inque erroribus ibi commissos animadvertere, libet.

1. Specierum aromaticarum loco, olea destillata, quæ ex illis in officinis haberi possunt, massæ ad *justam consistentiam* redactæ immisceri jubet. Sed massæ, justam habenti consistentiam, liquorem novum superaddere, minus decet. Quia hoc pacto massa liquidior, quàm conveniebat, redditur. Verum mitto hoc; cum propter illud: *justam consistentiam*, id tantum adducere voluerim.

2. Aromatum, quorum olea in officinis haberi possunt, catalogo eximit *calamum aromaticum, absinthium, rosæ &c.* En! quàm parum sibi constat *Zvelserus*! Si enim *calami aromatici, absinthij, rosarum olea* in officinis non haberi possunt; cur eadem hinc inde in *Animadversionib.* nec non *Pharmacop. Reg. præscribit*? Si e. g. *oleum calami aromatici pag. 63. pro Sirupo de populodio &c. & oleum rosarum pag. 33. pro Sirupo de pomis &c.* in officinis haberi possunt; cur non & pro his Pilulis?

Oleum tamen absinthij, priorum oblitus, mox iterum illorum numero adscribit, quæ in officinis haberi possunt.

3. *Aloës aliarumq. specierum libram unam, unciam unam & drachmas quinque, cum liquoris destillati uncias quinq. circiter, & oleorum drachmis tribus ac scrupulo uno, sine ulteriori exsiccatione, ad debitam massæ consistentiam redigere*, frustra laborat; dum tanta liquoris quantitas cum illâ prænominatâ specierum dosi, sine institutâ notabili liquoris sive diminutione, sive exhalatione, formam talem minimè largitur, sed liquidiorum potius puliculam efficit.

4. Illo à se proposito modo necquicquam ingredientibus detrahi, nec tantâ aromatum quantitate, quæ impedimento esse posset, quò minis alvum laxare

laxare queat, aloën gravari, concludit. Verùm quod prius attinet, illud certè dubio non caret, videlicet an omnes aromaticæ subtiles partes in destillatione, cum *unciis quinq; vel sex vini generosi*, atque *specierum uncis octo, drachmis duabus* institutâ, eleventur, ita ut nihil amplius in his remaneat, quod per subsequentem cum aquâ decoctionem & omnimodam exhalationem amitti queat? *resina ligni aloës*, cui vim confortantem *Pharmacop. Reg. pag. 224.* tribuit, per destillationem non elevatur, neque ab aquâ in coctione solvitur, & ita Pilulas has Zvelferi non ingreditur. Aromatum partes subtiliores aqueis permixtæ, nec non partes crassiores, quorum scilicet *olea* expetuntur, pariter absunt, atque ita nequicquam ingredientibus detrahi, verum esse haud videtur. Ut de liquoris nimîâ quantitate in *priori §.* indicatâ nihil dicam.

Alterum autem adsertum magnam difficultatem Zvelfero parit. Sic enim infero: Si Augustanorum *Pilulæ aloëphangina* ob nimiam aromatum quantitatem alvum laxare nequeunt; multo minùs illæ Zvelferi mutatæ eam movere valcbunt. Illud, quòd nimirum istæ Pilulæ Augustanorum modo paratæ, in alvo laxandâ segnes ob aromatum copiam sint, unicuique Zvelferi animadversionem intuenti, patet. Hoc pariter ex eadem clarum evadit. Augustanos enim magnam aromaticarum partium dispendium incurrere, supra jam à Zvelfero ipsis objectum notavi. Has autem omnes servare, suisque Pilulis procurare, Zvelferus laborat. Ergo.

Sed & hanc frivolam Zvelferi sententiam, cum vis purgandi propriè hic non expetatur, missam facio.

In PILULIS SINE CURA DICTIS *pag. 106.* nil memoratu singulare carpitur.

PILULÆ DE ALOE LOTA INCERTI AUTORIS pag. 108. eatenus iniquam Zvelferi spongiam sentiunt, quatenus *Aloën succo rosarum lotam* recipiunt, *quæ nil aliud est, quàm aloë succo rosarum dissoluta* & iterum exsiccata. Unde ejus loco aloën rosatam, sive quæ sapius succo vel infusione rosarum humectata vel diluta, iterumq; exsiccata fuerit, substituendam judicat. Egregia animadversio! Nempe: *Recipe aloën ter cum succo rosarum solutam iterumq; exsiccata*; (liquidem aloën cum succo rosarum lotam esse aloën cum succo rosarum solutam & exsiccata, ipse Zvelferus modò concessit; nec diversum Augustani volunt, est aloë ter cum succo rosarum humectata iterumq; exsiccata) sive aloën sapius succo rosarum humectatam & siccata. Annon hoc est unam eandemque rem diversis nominibus insignire? Idem enim est, ac si diceret: *Recipe aloën rosatam; vel ei substitue aloën rosatam; sive aloën rosatam.*

Deinde *improprium illud nomen*: *aloën lavare*, meritò abrogari posse, censet; cùm *aloë* propriè loquendo lavari nequeat; nisi succum subtiliorem ablueret, & crassiores ejusdem partes retinere quis velit. En! & Criticum, Zvelserus agit! Mirum! Hominem, modicè literis imbutum latinis, talia præsumere!

Höferi quippe judicium publicè prostat, Zvelserum mutuatà ab alio latinitate, à se autem conceptà reformandi inurbanitate, Dispensatorij Augustani examen edidisse. Vid. *Hercules Medicus Ejusdem* (lib. 2. cap. 3.) in *Diplomate Casareo*, operi præfixo; nec non *Jo. Guil. Mannagetta*, *Joh. Conrad. Wechleri*, & *Jo. Gregor. Glantz*, censurà, insigniter commendatus.

Quid de latinitate Zvelseri *D. D. Geygerus* *sel. mem.* communicaverit, superiùs *Proæmium* edocuit.

Sed ut ad illud: *lavare* redeam, nemo Medicorum, etiam maximè Criticorum, quòd sciam, terminum hunc artis abrogare, hactenus præsumsit. Solus in hoc studiorum genere inexercitatus Zvelserus talia audet.

Si verò termini isti minùs propriè eliminari debent, proh! quantam reformationem Medicina subiret!

Nec certè ipsà Zvelseri opera immunia abirent. Si v. g. obscurissimam ipsius *Menstrui secreti* descriptionem, pag. 449. animadvert. unà cum clarà ejusdem delineatione, pag. 52. Append. animadvert. contentà, disquisitioni submitterem, & illam à Zvelsero tantopere laudatà & adamatà *Veneris ablutio* cum hac *Aloës* ablutio conferrem; si illam Zvelseri *resinarum ablutio* juxta traditam hinc normam examinarem; si de regio Zvelseri *Pharmacopæia nova* nomine agerem. Sed mitto talia, cùm non de nominibus, sed præparationibus medicamentorum hic sermo sit; & potius ad *Aloën lotam* revertor.

Ubi probè notare convenit; quòd *Aloë* non uno modo, nec unum in finem lavetur.

Ablutio illa considerari debet; quatenus vel *pura*, vel *impura* est *Aloës* substantia.

Aloës impura ablutio est vel *superficiaria*; si v. g. frustra *aloës Socotrina*, aliàs purissima, in superficie tamen luto aliisvè sordibus inquinata fuerint, & ab illis per simplicem cum aquà loturam liberentur. Quæ utique nullam culpam meretur; & propriè *aloës* ablutio dici potest. Vel est *intimior*; ubi non solum res heterogeneæ in superficie hærentes tolluntur, sed & reliquæ per totam *aloës* substantiam sparsæ, quales sunt: arenulæ, lapilli, festucæ &c, per incuriam, vel fraudem institorum additæ, separantur; si *Aloë* cum aquà simplici pluviali &c. super ignem solvatur vel diluatur, & postmodum à se-

cibus

cibus in colatorio remanentibus, pura aloës substantia per colaturam separatur. De hac *Dioscorides lib. 3. cap. 22.* agit, dum, *lavatur*, inquit, *ut quod est arenosissimum, tanquam inutile subsidat, & leve ac pinguisimum adsumatur.*

Aloë pura, sive quæ nullas talismodi impuritates continet, lavatur: ut
1. infringatur vis ipsius solutiva, dum unâ cum aquâ acriores igneaq; prout eas vocant, partes eluuntur, remanentibus partibus ejusdem roborantibus. Et hæc frequentissima fuit apud Veteres aloës præparatio; de qua plurimis in locis egit *Galenus*, veluti *lib. 7. meth. med. cap. 11.* aloë non elota valentius evacuat, elota purgat quidem minus, sed roborat ventriculum magis.

Lib. 8. de compos. med. sec. loc. cap. 2. nosse opera precium est, ad ventris subductionem illotam aloën aptiorem esse; multum verò de medicamentoria vi deponere lotam.

Et *lib. 3. de simpl. med. facult. cap. 15.* Si aloë adcuratè lavetur, aut debiliter, aut planè nihil ventrem subducit. Tali modo elotam aloën compositionibus, roborationi potius, quàm purgationi interservientibus, immiscuerunt; cujus exemplum *Pilula Aloëphangina Mesues* suppeditarunt.

Et illud, quod post ejusmodi ablutionem remanet, est resinosa, sive uti *Zvelfero* hic dicitur, crassior pars aloës. Etenim aqua sive simplex, fontana, sive destillata, pluvialis, endrvia, cichorij, acetosa, rosarum &c. adhibeatur, partem aloës resinosam haud dissolvit; sed tantum, uti nonnullis audit, aqueam, in qua potior vis solvens consistit, adgreditur; quæ sic soluta decantatur, atque novâ adfusâ aquâ labor eò usque continuatur, donec nihil amplius dissolvi queat.

Unde non adeo inconcinne *Schröderus*, ceu quidem putat *Zvelferus*, Aloës partem resinosam purgationi inutilem; aqueam autem idoneam esse, *Pharmac. med. chim. lib. 4. cl. 4. cap. 442.* existimat, & capropter, si virtus aloës purgans expetatur, neglectâ resinosa, aqueam, sive in aquâ solubilem, à fecibus sequestratam colligere, præcipit. Licet enim de virtute illâ laxativâ in resinâ aliquid supersit, vis tamen corroborans prævalet.

2. Ut magis intendatur vis ejus solutiva, de quo genere hic sermo est; dum aloë, v. g. cum succo rosarum aliquoties, uti rer, unde *Pilula de aloë rosarâ Augustanorum*; vel novies, unde *Patavinorum Pilula Aquapendentis* exsurgunt, infunditur, iterumque exsiccat. Vel si cum succo violarum imprægnatur, sicque decantatissimis *Pilulis angelicis* sive *Francofurtensibus* ortum dat; quas ideo *Joh. Schröderus*, *Medicus olim Francofurtensium clarissimus*, *lib. 2. cap. 73. Pharmacop.* duobus tantum ingredientibus, scilicet extracto propriè & improprie dicto, niti, scribit; e contra multorum ingredientium descriptiones genuinas esse, negans. Prout & *Dan. Sennertus paralipom. ad Institut.*

Institut. medic. lib. 5. part. 1. sect. 1. cap. 11. paralip. 17. experientissimos Medicos pro *Pilulis Angelicis* usurpare solere *Aloën violatam*, seu *Aloën purissimam succo violarum martialium* sapius imbutam & iterum exsiccatam, testatur. Id quod ex aliis etiam Autoribus, & fide dignorum hominum relatione, clarum evadit.

Verum equidem est, improprie nomen *Aloës lotæ* hoc modo paratæ *Aloë* imponi. Ast propterea ut mox abrogetur, necesse esse, inde non evincitur. Qui tamen à nomine *Aloës* cum *succo rosarum* lotæ tantopere abhorret; ille *Aloën rosatam*, cum *succo rosarum insuccatam, impregnatam, imbutam*, aut quocunque velit nomine, adpellet; dummodo in re ipsâ consentiat. Ista enim in medicinâ de nominibus curiosa & acerbior controversia, tanquam inepta, rectius omittitur.

Relictis PILULIS sequentibus DE ALOE ROSATA, atque DE ALOE ET MASTICHE NICOLAI MTREPSI, pag. 108. ad PILULAS DE AMMONIACO QUERCETANI pag. 109. accedit; in quibus, si *gummi ammoniacum* in *aceto*, & *myrrha* in *vino* dissolvatur, Sirupo pro *masâ* efformandâ, ulterius opus non esse, notat. Quod licet ita se habeat, si scilicet *aceti* & *vini* debita sumatur quantitas; cum tamen Augustani *myrrham* in *vino* solvere, haud præcipiant, utique *Sirupum de stœchade*, vel *succo rosarum* pro effingendâ *masâ* adhibere, necesse erit, si *ammoniaco* nimium *aceti* non additum fuerit.

Notare etiam juvat, quod supra è Zvelfero adductum fuit, liquoris scilicet pro Pilulis effingendis quantitatem exactè haud determinari posse; unde si *aceti* & *vini* quantitas minor fuerit adhibita, reliquum *Sirupus de stœchade*, vel *succo rosarum* complere valet.

Licet autem *Myrrham* in *vino* dissolvere, non præcipiatur, nihil tamen exin his Pilulis quoad virtutes, & ipsam consistentiam decedit, si pulverisatâ tantum reliquis permisceatur, ac probè cum iisdem subigatur; idque ipsius Zvelferi exemplo patet, qui in *Pharmacop. Reg.* Pilulis toties *myrrham pulverisatam*, non *vino* dilutam, adjungit.

In *Append. animadvers.* *Salia* quædam admisceri, notat, quæ si legitime sine *sulphure*; aut *spiritu acido* parata sint, massam Pilularum semper humidas reddant; quod tamen incommodum pulvere aliquo, Pilulas exin formatas conspergendo, (ipsi enim massæ Pilularum nihil derogatur) ubi in usum trahuntur, præcaveri posse, faciliè largior, qui etiam Pilulas has, aliasq; à Medicis præscriptas, *pulvere liquiritiæ, caryophyllorum, cinnamomi* &c. conspergendas esse, ut plurimum præcipi, observo.

Foliis auri easdem obducere, stricte non esse necesse, concedo ; planè inconsultum verò dici debere, nego.

Admodum pauca tamen salium est quantitas, *scrupuli* nimirum *quatuor*, qui reliquorum ingredientium respectu *trigesima quinta circiter* totius compositi *pars* existunt. Unde in tanta quantitate dilatata particula salina, liquefactioni tam obnoxia amplius haud sunt, præcipuè cum ab addito *Aceto scillitico*, ad *gummi ammoniaci* dissolutionem adhibito, quodammodo saturantur ; atque insuper *sal absinthij*, cujus *scrupuli duo* huc accedunt, si benè paratum fuerit, non tam faciliè liquefcere, è *Zvelferi animadversionib. in salia vegetabilium* pateat.

In PILULIS ANGELICIS, SEU DE ALOE ET RHABBARBARO pag. eadè malè *libras tres succorum cum aloës librà unà* inspissari, & ad siccitatem abstrahi, animadvertit ; cum in iis succis *rhabarbarum* & *agaricus* rectius extrahi potuissent, sicque *vino* opus non fuisset ; præcipuè quia illæ *quatuor uncia vini, rhabarbari unciam unam, agaricig, unciam dimidiam* sufficienter extrahere nequeant. Non possum sinistro huic iudicio subscribere, si ipsius *Zvelferi* sententiam, quæ in *sequenti Classe de Extractis* prostat, sequi animus est ; cum *agaricus* & *rhabarbarum* simplicia sint nonnihil resinosa & sulphurea, quibus extrahendis menstruum analogum, sive sulphureum adhiberi debeat. In succis autem istis aqueis qualitas illa sulphurea non eminet, sed potius in *vino* ; unde huic, non illis extrahendi potior pars, si iterum *Zvelferum* consulamus, debetur.

Demus autem, *vini* adsignatam quantitatem pro omni virium *rhabarbari* & *agarici* extractione insufficientem esse ; parum tamen est, quod remanet ; præcipuè cum fortissima expressio, harum specierum infusionem subsequatur.

Contra hanc *vini* proscriptionem *Zvelferus* sibi objectum iri, veretur, *vinum* non solius extractionis gratia, sed ut *Pilulæ* maioribus nobilioribusq; virtutibus imbuerentur, additum fuisse. Verùm neque hanc objectionem salva ratione admitti posse, mox regerit ; quia illud *vinum* per evaporationem vel decoctionem abstrahi, sicque ejus spirituositas, in qua potissimæ *vini* virtutes resident, exhalare debeat. Sed hujusmodi objectiones plurimas quilibet sibi fingere, iisque chartam oblinire potest. Et cum *Augustani* non explicent, utrùm solius extractionis gratiâ, vel aliam etiam ob causam *vinum* additum velint, nihil certi determino.

Quilibet tamen sibi persuadeat, tantillum esse, quod ab istis *unciis quatuor vini* perditur, si *aloës libra una cum succorum libris tribus* ad siccitatem abstracta (ceu hîc *Zvelferus* loquitur) sumatur ; quin nihil planè deperdi, dici

dici posset, si illa correctâ præparatio *Pilularum aloëphanginarum*, à Zvelfero tradita, & paulò superius examinata, genuina foret.

Ququam *vinum* majoribus virtutibus *Pilulas* præsentēs imbuiere, dici queat, quatenus resinosam, uti modò innui, *rhabbarbari* & *agarici* substantiam extrahendo, eandem *Pilulis* communicat.

In *PILULARUM ARABICARUM NICOLAI, ARTHRITICARUM NICOLAI* pag. 110. *ASSAIERET AVICENNÆ, AUREARUM NICOLAI & DE BDELLIO MAIORUM MESUES* pag. 111. animadversionibus Lectorem ad *Pilulas* prægressas de *agarico* & *aggregativis* remittit.

In *Aureis* tamen *Nicolai, tragacanthi mucilaginem* pro his aliisque *Pilularum* massis efformandis adcommodatam haud esse, notat; cum promptè citoque nimis tales massæ indurescant; quare ejus loco *mel*, vel *infusionem rosarum* accipiendam esse, suadet. Conceditur, massam *Pilularum* cum *mucilagine tragacanthi* efformatam citius indurescere, quàm si cum *melle* vel *infusione rosarum* illa fiat; idcirco tamen *mucilaginem* hanc planè non adcommodatam esse, ideoque à *Pilulis* exulare debere, minimè sequitur.

Nec inferre licet: *mel rosarum* magis adcommodatum est pro massis *Pilularum*, quàm *mucilago tragacanthi*. Ergo hæc omnino non adcommodata est.

Sanius est *Poterij* de his *Pilulis aureis*, in *Pharmac. pag. yr. lib. 3. sect. 3. judicium*, sic scribentis: *in officinis cum melle rosato compingitur massa, & melius, quam cum tragacanthâ in aquâ fœniculi maceratâ.*

Idem periculum omnes *Pilularum* massas, cum *succis* paratas, tandem manet, ut scilicet, aqueâ parte exhalante, indurescant; idcirco tamen *succos* nec ad *aurearum*, nec aliarum *Pilularum* efformationem adcommodatos esse, nemo sanæ mentis adfirmabit. Etenim licet massæ indurescant, facili tamen labore iterum emolliri possunt, præcipuè dum ea ejusmodi officinalium *Pilularum* massæ, ubi in usum traditur, & à Medico præscribitur, quantitas cum liquore adpropriato ut iterum diluatur, inque globosam formam effingatur, ferè semper in formulis præcipitur, vel ab ipso Pharmacopœo observatur.

PILULAS DE BENEDICTA pag. 112. & consimiles sine corpore, id est, *aloë*, aliisve *succis inspissatis* aut *extractis*, solo *melle* efformari non posse, vel saltem difficillimè, putat; cumque species earum amarorem nullum habeant, haud difficulter in aliâ formâ propinari posse, monet. Minor, hominem tot annos in officinis pharmaceuticis versatum, talia proferre; cujus sanè frivolam objectionem ipsa *aviso-sia* retundit, qua *Pilulas* hæc cum solo *melle* & speciebus non adeo difficulter parari posse, observatur.

Cæterum

Caterum species *Benedictæ hujus* amarore singulari haud pollere, equidem non negabo; propterea tamen ex iis Pilulas fieri non debere, nulla est consequentia. Alias species *Pilularum cordialium & cephalicarum, balsamicarum ac stomachicarum*, nec non *stomachicarum regiarum*, in *Pharmacopœiâ Regiâ* descriptarum, eodem jure in pilularem formam redigi non deberent; cum amarorem singularem non obtineant, sed aromaticum potius, non ingratum saporem possideant, sicque haud difficulter in aliâ aliquâ formâ propinari possint, si necessitas earundem usum efflagitet.

Majorem difficultatem involvunt *PILULÆ DE CASTORIO AVICENNÆ* pag. ead. quia cum solâ *aquâ artemisæ*, non additâ *aloe &c.* efformantur. Unde massam neutiquam tenacem, sed friabilem, vel pulvisculam fieri, objicit. Verum est, non eandem tenacem cum reliquis Pilulis consistentiam obtinere; sed neque adeo impossibiles paratu sunt; præcipuè si diligenti manu probè in mortario pistentur.

Ut autem compactior massa fiat, *Hafnienfes* *trazacanthi mucilaginem* adhibent; cujus tantillum pro meliori massæ tenacitate adhibere nō prohibeo.

In *PILULIS COCHIIS*, & *HIERA PICRA RHASIS* pag. cit. nec non *PILULIS DE COLOCYNTHIDE MESUES SËU JOAN. DAMASCENI* pag. 113. nihil notatu dignum invenio, nisi quòd *Zvelferus* *specierum Hiera picra Rhasis, Pilulas cochias ejusdem* ingredientium, determinatum pondus, quantitatem ipsarummet specierum exactè exæquare, scribat. Sed in præfatis Pilulis *specierum drachmæ decem*; in ipsâ autem Specierum descriptione *drachmæ decem & grana octo* præscribuntur. Quod licet parvi momenti sit, monere tamen volui, ut *Leclor* illud exactè exæquat, minùs exactè à *Zvelfero* additum intelligat.

PILULAS DE CYNOGLOSSO NICOLAI PRÆPOSITI, & *CUM CASTORIO* pag. 113. absque singulari animadversione dimittit. Quam de gummatum dissolutione profert, superiùs jam enodavi.

De *opio* notat, illud, ne intensâ suâ vi narcoticâ noxam inferat, corrigi posse; si nempe in frustula conscissum super laminam ferream torreatur; quò *opij* sulphur narcoticum sensim exhalet, usque dum fumum emittere cesset. Hancque facilem & compendiosam, sed genuinam *opij* præparationem vocat. Hæc correctio jam dudum Medicis innotuit, & ita nihil novi hic edocet, sed alienis plumis superbit *Zvelferus*.

Nam præter Chemicorum plurimos, *Quercetanus, Billichium, Hartmannum* &c. ipsis etiam Veteribus hæc *opij* *testio* haud ignota fuit; prout ex *Dioscoridis lib. 4. cap. 60. Galeni 3. de comp. med. sec. loc. cap. 1. & 4. de comp. med. s. l. cap. 7.* patet; ubi *opij* in vase fictili seu testaceo *testi* mentionem faciunt.

Nec enim necesse est, ut præcisè *lamina ferrea*, à Zvelfero minoribus literis notata, adhibeatur, cum & terrea huic operationi commodè interserviat. Sive enim in ferreo, sive terreo vase fiat, dummodo idem sequatur effectus, parùm referre, optimè monet *Billichius observat. ac paradox. chymiatr. lib. 2. cap. 2.*

Imò & in vitreo vase torrerì opium potest, si magis artificiosè talis opij præparatio in M. B. instituat.ur.

Quid autem de tali opij præparatione statuam, in *sequenti Extractorum classe*, *Laudanum opiatum* de hac materiâ agendi ansam subministrabit.

Sequentes PILULÆ, nimirum *DE EUPATORIO MAIORES MESUES, DE EUPHORBIO MESUES pag. 114. FOETIDÆ MAIORES EIUDEM, DE FUMARIA AVICENNÆ, & DE HERMODACTYLIS MAIORES MESUES pag. 115.* ab animadversione liberâ dimittuntur.

PILULARUM DE HIERA PICRA GALENI pag. 116. diversam quidem dat præparationem; quam, vel consimilem aliam, cui libet, sequi unicuique licitum est. Neque tamen illa ab Augustanis tradita, ullo modo reprobari idcirco potest.

Idem quoque de PILULIS DE HIERA CUM AGARICO *pag. eadem* valet.

In reliquis PILULIS omnibus, usque ad illas DE SUCCINO CRATONIS, singulari notâ & correctione nil indigum notatur.

Sed PILULARUM DE TARTARO QUERCETANI, A D. D. DANIELE SENNERTO CORRECTARUM *pag. 122.* præparationem summopere efflagitare emendationem, Zvelferus sibi imaginatur; quam sequenti modo adgreditur, ita tamen, ut ratione ingredientium eam ad *Sennerti* mentem instituere se velle, polliceatur, re ipsâ verò non præstet. Quàm fideliter enim promissum hoc exsequatur, vel solus *pomorum succus & folliculi sene* testantur.

1. Species prioris decocti cum sufficienti quantitate *aquæ simplicis* ad remanentiam *librarum duarum* Zvelferus coquit, & clarificat. In quo cum Augustanis exactè convenit.

2. Postquam in his decocti *libris duabus* species purgantes, nempe *folia sene, turbethum, radices hellebori nigri & epithymum* digessit, decoxit & expressit, earum autem virtutem nondum penitus extractam esse, iudicavit, cum aliâ aquâ simplici ulteriorem extractionem molitur. Augustani verò dictis *libris duabus decocti libram unam succi pomorum* adjungunt, & ita extractionem perfectiorem, quàm si solas illas *libras duas decocti* sumerent, absolvunt,

solvunt, parùm vel nihil virtutis in speciebus remanente. (*Hafnienſes Medici*, ſi quid ſuperſit, perexiguum fore, cenſent.) Unde nec in hoc correptione indigent.

3. *Styracis unciam unam & dimidiam, macis, caryophyllorum, cinnamomi an. unciam dimidiam cum vini albi generoſi uncis quatuor deſtillat.* Non equidem nego, aliquam nominatarum ſpecierum ſpirituofam partem hoc modo ſervari; verùm illæ *uncie quatuor vini* an omnes iſtas ſubtiles particulas in ſe recipiant, non immerito dubitari poſſet; ut ita ſuperſtites illæ in ſubſequenti coctione peſſum ire cogantur. Neque Auguſtani in ſua aromaticum maceratione, & quatríduanâ in M. B. digeſtione; ſed in ſequenti demum cum *aloë* inſpiſſatione fragrantium partium jaçturam faciunt. Prout idem quoque Zvelſero accidit. Nam licet in hac deſtillatione meliorem ſpirituum aromaticorum partem à fugâ retrahat, eos tamen maximâ ex parte in auras abigere, in fine præparationis cogitur; ſi juſtam maſſâ conſiſtentiam obtinere deſideret. Sicque res eodem ferè recidit.

4. Remanentiam à deſtillatione, adfuſâ aquâ ſimplicis ſufficiente quantitate, adhuc parumper coquit, atque priori decocto adjungit. Mirari quis poſſet, quòd Zvelſerus ſecundam hanc decoctionem ſine præviâ colaturâ, ſive ſeparatione *crassiunculæ contuſorum aromaticum*, ſuperiori decocto addere, præcipiat, quia talia *crassiunculæ contuſa aromata* Pilularum efformationi haud parùm obſeſſe poſſunt.

5. Loco aquæ, vinum album in hac decoctione rectiùs ſumi, exiſtimat; cum *ſtyrax* vino meliùs, quam aquâ ſolvatur. Negari equidem nequit, reſinoſam *ſtyracis* partem à vino meliùs, quàm aquâ diſſolvi; aſt cum major vini ſpirituofa ſubſtantia in decoctione avolet, minùs commodè vinum ſubſtituitur; & ideo *ſtyrax*, evaporato *vini ſpiritu*, vel à relicto phlegmate, quod inſtar aquæ ſe habet, iterum ſeparabitur; vel non: ſi ſeparatur, malè vinum illud additum fuit; ſin remaneat, idem cum aquâ, ſine vini deperditione, obtinere licet.

6. Præſtare putat, ſi illi *uncia uni & dimidiæ ſtyracis, uncia una* detrahetur, & hujus loco *uncia dimidia*, vel *drachmæ ſex reſinæ ejusdem*, ſcilicet per expreſſionem, aut extractionem cum ſpiritu vini paratæ, de qua inferiùs in confectione *Theriaca* agit, ad *aloën* adderentur. Aſt nec hoc ſingularem *ἀρετὴν* ſapit. Si enim tali modo parata *reſina ſtyracis* præſtantiorem reddit compositionem, malè ab *uncia una & dimidiâ ſtyracis, uncia una* tantùm detrahitur; cum potius omnem *ſtyracem* omittere, & ejus loco *reſinæ* pondus augere, præſtaſſet.

Quoniam nec *resina* illa tantas mereatur laudes, five per expressi-
onem, five extractionem cum *spiritu vini* paretur, dum fragrantia *styracis* no-
tabile damnum, ibi per institutam ebullitionem, hinc per destillationem, pa-
tetur.

7. *Myrrha unciam unam* cum dictis unciis quatuor *vini*, ab aromati-
bus abstracti, dissolvit, nec non in iisdem *aloen* & *cremorem tartari* diluit, ad-
ditisque, Augustanorum ad exemplum, reliquis ingredientibus, massam Pi-
lularum *jussu consistentie* efformat; quam dum per simplicem misionem,
se obtinere, credit, nimium fallitur, quia potius extracti alicujus liquidioris,
five puliculæ mollioris consistentiam eo modo acquirit, quæ in pilularem
formam redigi minimè potest, nisi magna liquoris pars evaporet; ubi ta-
men non elementaris humiditas, sed aromaticarum specierum fragrantia,
magno labore prius conservata, simul in auras pellitur.

8. Species, quæ has *Pilulas tartareas* ingrediuntur, nimirum *Diarrhodon*
Abbatis, *Latifcantis Rhafis*, & *Trochiscorum de laccà*, adcuratissimo, scilicet
suo, calculo resolvit, & totius compositionis Specierum *diarrhodon* (prout in
Augustanorum Dispensatorio describuntur) *trigesimam secundam partem* in-
gredientium circiter, nempe pro qualibet 3j. grana xv. & pro qualibet 3j.
 grana ij. addenda esse, monet. Verum quia tota compositio *Specierum diar-*
rhodon, prout ab Augustanis traduntur, 3xxxvij. gr. xj. continet; in his au-
tem *Pilulis Quercetani* 3j. earum præscribitur, non *trigesima secunda*, sed *tri-*
gesima septima pars circiter sumenda erit; nec pro 3j. gr. xv. aut pro 3j. gr.
 ij. sed pro 3j. gr. xij. , pro 3j. gr. jss. circiter.

Sic & de *Speciebus Latifcantis Rhafis* non *sexagesima quarta*, sed *sexage-*
sima prima pars incirca, & pro 3j. gr. viij. pro 3j. gr. j. præter propter, non
 gr. vij. pro 3j. addi debent.

Non minùs in *Trochiscis de laccà* non pars *duodecima*, sed *decima quarta*,
nec pro 3j. gr. iv. sed gr. iv. & pars *tertia* circiter *grani unius* addenda sunt.

9. *Folliculis Senæ* non sine prægnante causâ *folia ipsa* se substituisse,
scribit; cum *folliculis* parùm admodum, vel nihil virtutis catharticæ insit.
De quo dubio in *Tryphera Persicà* superius *pag. 79.* actum jam fuit, ut illud
repetere opus non sit.

Ultimæ in ordine sunt *PILULÆ TURBITH AURÆÆ ME-*
SUE *pag. 124.* quas juxta modum præscriptum parari posse, concedit.

Cæterum quæ in genere de reliquis Pilularum in hac Classe contenta-
rum vitiis profert, sicco pede transeo, & usque dum illi errores harum, vel
illarum Pilularum clariùs monstrantur, respondere differo.

RESTI-

RESTITUTA

CLASSIS SEPTIMA,

Extracta tradens.

EXTRACTUM AGARICI pag. 125. eo nomine animadversio-
nes Zvelferi incurrit, dum **x.** unicâ tantum vice *spiritum vini* ad *emi-*
nentiam duorum vel trium digitorum adfundi, qua ratione *agaricum* to-
tâ suâ efficacîâ & resinôsâ substantiâ neutiquam exui posse; quare bis,
tervè illam *spiritus vini* adfusionem ad minimum repetendam esse, adserit.
Verùm non videtur tantopere necessaria repetita ista super *agaricum spiritus*
vini infusio, cùm *agaricum* non admodum, vel uti Zvelferus loquitur, *nonni-*
hil resinôsissim solummodo sit. Unde illa *spiritus vini* quantitas pro tam paucâ
resinâ extrahendâ utique sufficiet, præcipuè cùm satis magnam resinâ alicu-
jus, v. g. *gialappe*, quantitatem à modico *spiritu vini* dissolvi, videamus.

Accedit etiam longior illa, per triduum nimirum, digestio, & expres-
sio, quæ pro meliori solutarum particularum à terrestriori agarici corpore
separatione facit.

Cui tamen exiguum illud, quod fortè cum fecibus remanet, pariter
extrahere libet, etiamsi ter vel sexies *spiritum vini* adfundat, Augustanorum
severiorem censuram non incurret.

2. Extractioni, colaturæ, & expressioni filtrationem liquoris frigefacti,
vel tepidiusculi superaddere, necessum ducit, quò plurimæ partes terrestres
& crassiores separantur. Si enim talis extractio *agarici* paulò calidior cole-
tur, vel exprimatur, non adeo defecata transluit; unde etiam in frigore de-
nuo veluti concrefcit. Verum equidem est, claram non impetrari solutio-
nem, nisi ejus filtratio, postquam nonnihil frigefacta fuit, accedat. Ast hoc
modo magnam resinâ partem in filtro remanere, deprehenditur; quam ita-
que minùs providè Zvelferus abjicit.

Præterea partes illas crassiores per expressionem ab *agarico* separatas,
inutiles esse, probandum est.

In EXTRACTO SEU BALSAMO ALOES pag. 126. suc-
cum

cum resinofum esse *aloën*, qui solâ aquâ vix totaliter & verè dissolvi possit, scribit; quare *spiritum vini* ad ejusdem extractionem adhibendum suadet. Sed ipsi Augustani *spiritum vini rectificatum* adhibent.

Et quamvis *aquam endiviæ* vel *acetosæ* pariter hic in usum venire posse, concedant, reprehensionem tamen haud merentur. Nam præterquam quòd Ipsis in usu haud sit, aquas illas pro præsentī medicamento usurpare; unde minori literaturâ ista de aquis verba imprimi curarunt, Extractum etiam hoc non tam corroborationi dicatur, quàm potius ut *alvum* lubricam reddat; quæ vis movendi ventrem majori ex parte illis *aloës* partibus inhæret, quæ ab aquâ promptè solvi possunt. Quamquam, uti supra quoque innui, hoc ipso omnem laxandi facultatem *aloës resinosæ* parti dubiam reddere nolim.

Quin ipse Zvelferus aquea menstrua, uti succos, decocta, pro dissolutione *aloës* in *Pharmacop. Reg.* usurpat; uti pag. 64. 65. 66. 67. 68. luculenter id demonstrant.

In EXTRACTORUM SIMPLICIUM pag. 127. animadversionum frontispicio, *Paucos hodiè sedulos & peritos Pharmacopœos reperiri, exclamat, & numero vix totidem,*

quot Thebarum portæ, aut divitis ostia Nili.

Haud equidem instituti mei est, Pharmacopœos ab insigni hoc crimine vindicare; hocce tamen insigne facundiæ Zvelferianæ specimen esse, adfirmare aulam.

Si vos, ingenui Pharmacopœi, omnes adulari Zvelfero scivissetis, vix est dubium, quin omnes seduli & periti Pharmacopœi audivissetis, atque negligentium ac imperitorum pauci inventi fuissent, & vix totidem,

quot Thebarum portæ, aut divitis ostia Nili.

Pharmacopœis elogio isto mactatis, ad Augustanos Medicos revertitur, & Ipsorum compositiones vix nuce cassâ dignas, preparationesq; nugacissimas esse, maximè nugatur. Circa Extracta autem præstitisse putat, ut, cum in aliis preparationibus plus nimio multoties se torserint Augustani, etiam in his, quæ sanè expertum & industrium Philosophum naturalem, qui quid & quantum in re quaque sit contentum vel reconditum, quidq; unumquodq; pati, & quid ferre recuset, optimè sciat, requirunt, paulò magis solertes se dedissent, nec ita negligenter cuncta Pharmacopœorum, aut eorundem ministrorum (qui frequentissimè nihil minus sciunt, quàm quid unicuique rei affine sit & applicabile) discretioni reliquissent; memores, quòd medicamenta convenienti modo preparata Deorum manus sint, sinistrè verò elaborata sapenumè evadant toxica lethiferaq; venena. Multa hic censura indigerent, sed cum generalia sint, nec ipsam parti-

particularem medicamentorum præparationem, quæ de sermone esse debet, propriè concernant, obiter quædam attigisse, sufficiat.

Existimo autem, sedulum & peritum Pharmacopœum, quales Augustani in suis officinis habere laborant, omnium optimè *experti & industrij Philosophi naturalis*, qualem quidem hic describit Zvelserus, munus subire; utpote qui *quid* in hoc, vel illo vegetabili extrahendo, an nimirum resina &c. sit; & *quantum*, an magna vel pauca ejus quantitas contenta, vel recondita sit; & consequenter, an *spiritum vini, aquam &c.* ferat, optimè scit.

Ubi meritò locum invenit illud, quod Zvelserus in *sine Classis præced.* monuit, dum *aliud esse, medicamentum construere: aliud, præparare*; illud Medicorum doctorum & expertorum esse: hoc verò Pharmacopœos in arte versatos didicisse & exactè satis callere, convenire, docuit.

2. Injurius est in Augustanos Zvelserus, dum eos negligenter cuncta Pharmacopœorum, aut eorum ministrorum discretionì relinquere, nugatur. Quàm verum enim id sit, ipsa Eorum *animadversio in Extracta* (de quibus nunc agitur) demonstrat, dum *aquas non ex omnibus medicamentis simplicibus vires elicere posse, sed potissimum ex herbis & radicibus non gummosis aut resinosis, vel insignem duritiem non habentibus*, notant; & ibi, veluti in *turbetho & mechoacannâ, spiritu vini* opus esse, clarè enunciant.

Nec indiscriminatim ministris præparationes tales officinales committunt; cum potius, ut ipse Pharmacopœus præparationibus manum admoveat, vel dum fiunt, saltem præsens sit, aut modum procedendi edoceat, velint.

Quanquam & ipse Zvelserus multa Pharmacopœi judicio & solertiæ circa medicamentorum præparationem relinquit; ceu *pag. 164. 173. 194. 225. 243. animadvers.*, & *Pharmacop. Reg.* multis in locis, cum primis *pag. 26.* id testantur.

Pag. 185. apolog. contra Tackenum: Tam temerarius, inquit, ego non sum, ut doctissimos quosque Viros inscitia arguam, qui cum exercitati Pharmacopœi suas præscriptiones consignant; illud vulgatum addendo: *Fiat lege artis.* Sed hæc Zvelseri verba factis non respondent.

3. Medicamenta ritè præparata DEORUM manus esse; sinistrè verò facta letifera sapius evadere, tam notum est, quàm quod notissimum.

Ast non tantum ritè præparata, sed etiam debitè exhibita DEORUM manus sunt; ac sæpenumero medicamentum omnibus numeris perfectissimè paratum, si ab empiricâ, indoctâ, imprudentiq; manu (quæ rectæ rationi fortunam præponit) adhibeatur, letiferum evadit.

Quod

Quod in specie de *Extracto rhabarbari & foliorum Senæ* cum *spiritu vini* conficiendo profert, equidem tantopere non impugno; ea tamen etiam, cum *aquis destillatis*, ad normam Augustanorum commodè parari, defendere sustineo; cum & effectus eorum hoc modo paratorum satis unicuique pateat; ipse etiam Zvelferus eorundem simplicium virtutem multoties in *Pharmacopœiâ Regiâ* aquâ tantum simplici elicere conetur. Vid. pag. *Pharmac. Reg. 31. 36. 37. 38. &c.* imò *eiusd. Pharm. Reg. pag. 79. Extractum rhabarbari* cum *aquâ cichorij*, vel *endiviæ* parari; sive *ejus essentiam cum aquâ aliquâ simpliciter destillatâ elici posse*, fateri cogitur.

Si quid verò resinosi habeant, quod aquæ extrahenti resistat; vel paucum & vix memoratu dignum esse illud, dicendum est, vel Zvelferum toties imperfectè simplicia ista duo extraxisse, concludetur.

Quod dein addit, omnia nempe purgantia à *spiritu vini* in sua virtute exaltari, maxime quæ resinosa sunt, non capio. Quippe *spiritus vini* iterum, dum extractum ad debitam consistentiam redigitur, abstrahitur, nil nisi paucum phlegmate remanente.

Ultimò frivole menstruis aromata addi, objicit, quia partes eorum, spirituosæ in decoctionibus & evaporationibus penitus avolent, nec quidquam virtuosum de illis remaneat. Sit ita, omnes spirituosas eorum partes avolare, nil quidquam tamen virtutis remanere, indè minimè sequitur; nisi quis rerum aromaticarum partes terrestriores inutilem & emortuam terram dicere amet; quod tamen falsum esse, ex hæcenus dictis patet.

Nec sibi in hoc ullo modo contradicunt Augustani, (quod à Zvelfero fieri, tot exemplis jam evici) aut sui moniti, in *Extracto agarici* positi, immemores sunt. Etenim mala est consequentia Zvelferi, quam infert: Augustani unà cum purgantibus aromatica quædam simul extrahunt. Ergo *olea destillata* Extractis his jam paratis non addunt. Illud faciunt; hoc verò, ubi opus est, non omittunt, sicque & aromatum partibus spirituosiss, sive volatilibus, & fixioribus Extracta illa sua nobilitant.

Quam subjungit gummatum divisionem, intactam relinquo, quæ provariâ cujusque intentione varia fieri potest.

Quod attinet modum extrahendi simplicium resinas, à Zvelfero traditum, uti vulgaris is est, ita nil singulare in eodem quoque deprehenditur. Hoc tantum est, quod moneam, posse quidem eâ ratione, quam proposuit, resinam à reliquo extracto separari, & vel cum *spiritu vini* solutam, vel *amygdalis* subactam iterum addi; necessarium tamen id esse, haud existimo. Quare, si cui libet, is omnia ad debitam extracti consistentiam simul evaporare permittat, postea, ut resina cum extracto non resinoso intimiùs cohaereat,

reat,

reat, in mortario sedulò aliquandiu cum pistillo subigat, sicque particular^r resinofas cum reliquis non resinofis optimè permisceat.

Nec duo illi à Zvelfero assignati modi difficultate carent. Si enim, cum *amygdalis* resina est subigenda, non unum incommodum suboritur, laborum nimirum multiplicatio, medicamenti totius, & consequenter cujuslibet doseos notabile augmentum, extracti faciliior corruptio, &c. Namque resina 1. à reliquo extracto separari, 2. cum aquà aliquoties elui, 3. in leni calore exsiccare, 4. pulverisari, 5. cum *amygdalis* contundi, 6. cum extracto non resinoso permisceri debet. Sicque dum resina cum *amygdalis* miscetur, in pondere notabiliter augetur; unde quoque doseos & molis medicamenti incrementum necessariò timendum est, quo ipso facilè agrotò nausea excitatur. *Amygdala* etiam addita cum facilè, pulverisata imprimis, rancida evadant, extractum ut longiori tempore durare nequeat, efficiunt.

Notetur hic resinæ cum aquà frigidà aliquoties lavandæ inutile & supervacaneum præceptum. Nam quod in loturà illà aufertur, non aliud quid est, quàm extracti non resinofis portio, quæ cum similis sit reliquo extracto non resinoso, prius à resinà separato, & consequenter utilitate non careat, frustra cum aquà eluitur; cumprimis quia post loturas cum dicto superstitè extracto non resinoso resina elota iterum compingitur, atque ita denuo ab eo inquinatur.

Si verò resina cum *spiritu vini* solvatur (ut de laborum augmento nil dicam) atque extracto jam crasso & confecto addatur, si hoc frigidatum, jam fuerit, liquidiorè, quàm extracto convenit, consistentiam largietur; sin calidum adhuc existat, *rectificatissimus spiritus vini* in auras pellitur.

Maximè etiam necessariam *εὐχρηστον* hic omissem esse, observetur; dum resinam *spiritu vini* solutam extracto crasso addere, in minutiis perfectendis aliàs prolixus, obiter præcipit; nisi enim diligens accedat agitatio, nulla perfecta resinæ cum cætero extracto permissio fiet, sed utrumque potiori ex parte disgregatum manebit.

Nec dubitandi de hoc ansam relinquit Zvelferus, quì ipse in *Pharmacopœiâ Regiâ*, illam resinarum cum extractis non resinofis simplicem permissionem, sufficientem esse, tacitè concedit; dum aliquoties *resinas styracis, abietis, lioni aloës & gummata resinosa*, nec *spiritu vini* soluta, nec *amygdalis* subacta, sed in suâ substantiâ aliis immiscet; prout illud *Classis Sextæ Pulvarum Pharmacop. Reg.* abundè evincit.

Reliqua, quæ longo ordine de *salium* per *spiritum vini* solutione enarrat, cum Augustianos non tangant, illis, quibus ibi dica scribitur, examinanda

nanda relinquo ; mihi ad reliquorum Extractorum examen Zvelferum sequi, animus est.

In EXTRACTO AGARICI COMPOSITO pag. 130. notat :
 1. infusionem bis tervé cum *spiritu vini* repetendam esse ; 2. resinofum cum *spiritu vini* solvi & extracto inspissato adjungi debere ; 3. aromata frustra extractioni addi, eorum verò loco olea ipsorum destillata in fine rectius permisceri. Verùm quod attinet 1. triplicem infusionem, eam, qui volet, observet. Auguftanos tamen omnem specierum virtutem cum istis *mensuris* duabus *spiritus vini* extrahere, negare nemo potest ; quas vel unâ, vel separatim duabus, tribusvè vicibus adfundere, perinde est.

2. Utrum resina necessariò cum *spiritu vini* solvi &c. debeat, ex antecedentibus patet.

3. Pariter in *Balsami aloëtici* examine discussum fuit.

In EXTRACTO CATHOLICO pag. eâdem, *Species diarrhodon* malè correctionis loco addi, dum eas similesque vix quidquam corrigere possè, superius abundè se demonstrâsse, putat. Verùm nec malè adduntur, nec eas quidquam corrigere possè, adhuc probandum est. Objectiones enim illatas esse frivolas, superius abundè à me demonstratum fuit.

Si tamen Medicus aliquis strictè illas addi desideret, Zvelferus suadet, ut dictarum *specierum diarrhodon* ingredientia recentia, nec in pulverem reducta, sed saltem crassiusculè contusa vel conquassata huic extractioni addantur, omissis tamen, quæ vel à *spiritu vini* non dissolvi, vel extrahi possunt, vel quorum essentia licet extrahatur, nihilominus in abstractione extracti avolat. Inter illa, quæ omitti debent, quia cum *spiritu vini* extrahi nequeant, *margaritas*, *saccharum canthum*, *tragacanthum*, & *gummi arabicum* numerat. Sed nimium se ipsum decipit.

Concedo equidem *spiritu vini rectificato* difficiliùs ista dissolvi ; ast in illo, qui à phlegmate suo superfluo nondum liberatus est (qualis hic indigatur) planè nihil solvi, falsum est, id quod *sacchari*, cujus *drachma una* & *grana undecim* ferè huc accedunt, in tali spiritu solutio comprobatur.

Tragacanthum autem, *gummi arabicum* & *margaritæ* tanti non sunt æstimanda, ut loco *specierum diarrhodon*, in officinis nostris *usatarum*, ingredientia earum substituuntur ; cum *tragacanthi* & *gummi arabici grana* quatuor tantum circiter, & *margaritarum* parum ultra *granum unum*, hanc *unciam dimidiam specierum diarrhodon*, ad præsens Extractum requisitam, ingrediantur ; quorum in gratiam, totam compositionem, aliàs in officinis prostantera, recenter dispensare velle, ridiculum foret.

Altera

Altera classis, illorum simplicium, quorum essentia avolat, uti *cinnamomi, caryophyllorum, moschi, galie moschatae, seminis anisi, fœniculi, camphoræ*, (hæc enim à Zvelfero adducuntur) si quis obiter eam intueatur, magni quid præ se fert; ast intimius perlustrata, nihil singulare continere, observatur. Nam *cinnamomi, caryophyllorum, galie moschatae, seminis anisi* & *fœniculi* parum ultra grana duo, *camphoræ* ferè granum dimidium & quarta pars *granum annuus, moschi* nequidem granum dimidium huc accedunt. Quod uti perexiguum est; sic in hac compositione, tam pomposa correctione vix indiget.

Licet autem illa minutula vis fragrans in auras abeat, tota tamen eorum essentia propterea non amittitur, parte utpote crassiore, suis quoque viribus præditâ, remanente.

2. Aloën per se sigillatim extrahendam esse, præcipit, ne virtutis cathartice è reliquis speciebus extractionem impediat, quia *succum aloëticum*, qui in *spiritu vini* citò resolubilis est, ita statim eum impragnare arbitratur, ut ad ulteriorem extractionem minùs habilis evadat. Sed dum *sufficientem quantitatem spiritus vini* sumere, Augustani præcipiunt, eo ipso hanc inutilem Zvelferi objectionem diluunt.

3. *Dacrydium* seorsim extrahere, consultum ducit, quia totum resinosum est, cujus extracta resina, extracto jam perfecto, pulverisata, aut *spiritu vini rectificatissimo* dissoluta addatur. De hoc in *anteced.* actum jam fuit; quare id repetere nolo; unicum hocce notans, *dacrydij*, quod totum resinosum esse, pronunciat, resinam pulverisatam extracto addere dum permittit, eo ipso solutione istâ cum *spiritu vini*, aut cum *amygdalis* contusione, tan-
topere opus non esse, Zvelferum confirmare.

4. Quod de *agarici* resinâ iterum monet, quid valeat, hæcenus dicta ostendunt.

5. Concedit, omnia simul extrahi posse, sed majori tunc *spiritus vini* quantitate opus esse, & extractum minoris efficaciæ fieri, præsertim si *Imperitus Pharmacopœus* (quia non omnes, quod cuique affine & ex artis uso applicabile est, cuivis adhibere norunt) præparationem tentet, nec resinam debite separat, iterumq; vel cum *spiritu vini* solutam, vel pulverisatam extracto commisceat. Sit ita, majori quantitate *spiritus vini* opus esse ad specierum conjunctarum extractionem, quàm si separatim extraherentur; utrùm verò tali modo minoris efficaciæ evadat Extractum, dubito; nec, cur hoc ita fieri debeat, ullam causam video.

Imperitus autem Pharmacopœus, sive modum Augustanorum, sive Zvelferi, in hujus Extracti præparatione sequatur, minoris efficaciæ medicamentum efficiet.

Majores difficultates in **EXTRACTO DIACARTHAMI, SEU CNICOPHARMACO ANDERNACI** pag. 131. obtrudere nobis conatur Zvelserus, & quidem: 1. *specierum diambra unciam* unam additam improbat. Nam præterquam quod ingens precium compositioni addant; 2. earum fragrantiam & essentiam aromaticam, dum abstractio ad justam, consistentiam extracti fit, omnino exhalare debere, contendit. 3. Impedire eas, quò minus *spiritus vini* ab ipsis jam saturatè imbutus, à reliquis cathartici essentiam sufficienter extrahere queat; nisi quis ulteriorem extractionem, reiteratà recentis *spiritus vini* affusione, tentet. Sed faciliè difficultates hæ, Zvelsero magnæ viæ, enodari possunt.

Quod ingens precium spectat, nunquam satis mirari possum inconsideratam hanc toties repetitam objectionem; cum Zvelserus in *Pharmacopœiâ suâ novâ* medicamenta tam ingenti precio, propter carissima ingredientia, multoties oneret; ut ideo huic Dispensatorio *Regij* titulum meritò præfigi curaverit, dum fortunæ tenuioris homines iisdem gaudere vix habeant facultatem.

Nec uncia illa tantum precium extracto addit; cum *uncia una specierum diambra incompletarum* octuaginta cruciferorum monetæ Augustanæ, sive parte $\frac{8}{9}$. imperialis, in *Pharmacopœiâ Augustanâ* æstimetur; nunc si unciam hanc in tot iterum portiones dividas, quot doses *Extractum cnicopharmacum* continet, proh! quàm ingens precium exsurget!

Negari autem nequit, in *spiritus vini* abstractione, magnam fragrantia & essentia aromaticæ partem simul abstrahi; omnem verò virtutem simul separari à speciebus prædictis, falsum est.

Tandem *spiritum vini* à *speciebus diambra* tam saturatè imbutum esse, ut ad ulteriorem extractionem ineptus evaserit, pariter negatur.

Et qua fronte Zvelserus hoc, tanquam indubitatum, adserere audet; cum tamen Augustani *spiritus vini* quantitatem non determinaverint, sed hanc non denotando, tantum sumendum esse, innuere voluerint, quantum pro extractione specierum catharticarum sufficit. Quare, si v. g. *Mensuræ duæ* sumantur, quis eas ab *unicâ specierum diambra uncia* tam saturatè imbuti, defendere sustineat, ut ad ulteriorem extractionem ineptæ reddita fuerint?

2. *Turberthum, Dacrydium, & Agaricum* præbere resinam, objicit; quæ nisi exactè à reliquo extracto prius separetur, & vel pulvisata, vel recenti *spiritu vini* soluta, perfectè inspissato extracto addatur, minus efficax præbeat Extractum, duplex incommedum involvens; nimirum quòd in *liquoribus* totaliter solvi non possit, & nil ferè operetur. Quare resinas tales in mixturis

turis purgantibus, siccis, & liquidis, prius *amygdalis dulcibus*, vel *semine melonum* subigere suadet, cum secus parum vel nihil operentur. Denominatae quidem species resinam praebent; ast ideo vel pulverisatam hanc, vel *spiritu vini* solutam extracto addi debere, non sequitur.

Si enim, uti supra jam monui, resina ista una cum extracto ad spissitudinem evaporato, absque praecedente illius separatione &c. cum pistillo probe contundatur & subigatur, optimè miscetur, & tale Extractum eundem effectum dat, quem, si resina pulverisata, vel *spiritu vini* soluta, addita fuisset, praestaret.

Quare si hoc ab Augustanis tradito modo paratum Extractum duplici incommodo laborat, ab utroque certè Zvelferianà methodo elaboratum, immune quoque haud erit, id est, nec in liquoribus totaliter solvetur, nec quidquam ferè operabitur.

Minus autem circumspicere de *liquoribus* in genere loquitur. De aqueis res quidem clara est; in quibus utique & Augustanorum, & Zvelferi Extractum perfectè haud solvitur; ast de spirituosis ardentibus idem adfirmare non licet.

Unde illae *Essentiae*, sive *Spiritus vini purgantes* plus quàm noti habentur; & ipse Zvelferus resinas istas in *spiritu vini* solvere, paulò ante docuit.

Porro si universaliter verum est, quòd *scammonij* & *gialappae* resinae, nisi cum *amygdalis dulcibus*, vel *semine melonum* contundantur, parum aut nihil operentur, falsum esse debet, quod in *Pharmacop. Reg. pag. 54.* de ipsis traditur, dum eas nonnunquam nimium operari, adseritur.

Similes tamen resinas cum *amygdalis dulcibus*, *semine melonum*, vel alio aliquo corpore oleoso, ut *nucleis pincis* &c. pro disgregatione particularum resinosarum, subigere, non prohibeo.

Coronidis loco *Pilulas mastichinas Pharmacop. Reg. pag. 67.* Lectori perpendendas sisto; in quibus nec *agarici resina* à reliquo extracto separatur, nec ideo pulverisata, vel *spiritu vini* soluta, *amygdalis*, *seminibusve melonum* subacta, reliquo, pro Pilulis nominatis elaborata extracto, adjungitur; sicq; harum Pilularum praeparatio cum modo, ab Augustanis observato, coincidit; & nihilominus *Pilula utilisima* audiunt.

3. *Mannam granatam* non ipsi extractioni committendam, sed confecto jam extracto demum addendam esse, statuit; quia est *materia, quae tota resolutibilis est.* Hac ratione *dacrydium* quoque, quod totum resinofum in *preced. Extractis animadversionib.* vocavit, & per consequens totum resolutibile est, ab extractione excludere debuisset.

Eandem etiam ob causam *pag. 66. Pharmacop. Reg. in Pilulis antihypochondria-*

chondriacis secundis, & pag. 68. in Pilulis de rhabbaro, cremorem tartari extrahioni committere non decuit, sed confecto jam extracto, sive massa, demum addere illum, æquum fuisset; namque est materia, quæ tota resolvable est.

Manna verò granata non semper tam pura est, ut nullas heterogeneas partes in se contineat; quam itaque extrahere, non simpliciter inconveniens erit.

In EXTRACTO CHOLAGOGO QUERCETANI pag. 132. nimio opere labi *Quercetanus*, animadvertit, dum *succum rosarum* extrahendis enumeratis speciebus singulis, absque discrimine destinat, cum succi profusus inhabiles sint ad extractionem rerum, quæ in se resinam continent, quale imprimis *dacrydium*, quod totum ferè nil nisi resinam, nec ullum, vel exiguum ab impuritatibus admixtis extractum præbere, scribit *Zvelferus*. Sed hanc ipsam quoque censuram ipse incurrit, dum multoties in *Pharmacopœia Regiâ, classe 2. 3. 4. 5. &c.* purgantia, uti *mechoacannam albam, turbethum, agaricum & gualappam*, cum aquâ simplici extrahit; quæ tamen eodem jure ad extractionem rerum, quæ resinam in se continent, inhabilis est.

Sic etiam *mechoacanna alba & nigra* extractionem pag. 61. *Pharmacop. Reg.* in descriptione *Passularum major.* purgant. cum succo pomorum molitur.

Cæterum resinosa illæ particula licet totaliter à succo rosarum non dissolvantur, accedente tamen iustâ digestionem, ab eo diluuntur, & à corpore terrestriori liberantur; ita ut post absolutam digestionem, dum omnia calida exprimuntur, ipsæ quoque resinæ simul cum reliquo extracto, in succo hærente, separentur.

Quæ de odoriferis, scilicet *cinnamomo*, illisque, quæ *Trochiscos de berbæ* ingrediuntur, frustra & præposterè additis, garrit, jam discussa sunt.

Gummi quoque *arabicum & spodium* (quæ nimirum pariter in dictis *Trochiscis* continentur) minùs commodè huc venire, putat; cum *gummi arabicum* nil nisi meram mucilaginem Extracto huic communicet, & nequicquam corrigat, sed potius vires & efficaciam ejusdem infringat atque obtundat. Communicat quidem *gummi arabicum* Extracto huic mucilaginem suam; sed illa tanta non est, ut inde quidquam Extracto in debitâ consistentiâ decedat; quia si computatio fiat, ejus grana viginti duo cum dimidio tantum huc accedere, elucescit; quæ sanè quantitas, si cum reliquâ Extracti mole conferatur, perexigua est.

Utique autem aliquid in hoc medicamento corrigere potest. Nam si in resinis aliqua residet acrimonia, quæ temperari debet; cur non idem in resinâ *scammonij*, quæ non postrema Extracti præsentis cholagogi pars est, attendere liceat?

Illud è *Pharmacop. Reg. pag. 54.* elucescit ; ubi *amygdalas, omnes resinas* quasi dissolvere, earundemque *acrimoniam contemperare*, perhibetur. Pariter itaque *gummi arabicum mucilagineâ sua substantiâ acres scammonij partes* obtundere, & ad temperatiorem statum perducere valet.

Præterea quia *humoribus serosis, calidis & biliosis*, hoc medicamentum destinatur, *gummi arabicum* eâ ipsâ vi suâ eosdem contemperat.

Unde vires & efficaciam Extracti hujus non infringit, sed exaltat.

Spodium verò ideo perperam hic adhiberi, putat, cum omni suâ virtute per calcinationem spoliatum sit. De hoc infra in *Eboris præparatione* dicendi occasio dabitur. Quare monitum saltem hic volo ; etiamsi *spodium* nihil virtutis in se contineret, ob hoc solum tamen totam Trochiscorum compositionem reformare velle, minùs prudentis hominis fore, cum ejus tantùm *grana septem & dimidium, Quercetani Extractum chologogum* ingredientur.

In EXTRACTO DIACITRI D. D. HIERONYMI REUSNERI *pag. 133.* Oedipum sibi exoptat Zvelferus, qui explicet : 1. qua ratione *pulpa pomorum citri expressi* cum *sacchari aequali quantitate* coqui possit, & debeat ; & ad qualem consistentiam vel spissitudinem ? *Pulpam enim citri* non amplius succulentam, sed parumper tantùm humidam, ideoque dissolutioni *sacchari*, & coctioni prorsus ineptam esse &c. existimat. Davum licet potius, non Oedipum me venditem, inextricabile tamen ænigma hocce, ceu quidem Zvelfero videtur, haud difficulter solvi & explicari posse, statuo.

Si igitur per illud : *Rec. Pulpa pomorum citri expressi*, intelligatur : *Rec. succi pomorum citri expressi*, ænigmatis solutio patescit.

Pulpa enim vocabulum non tantùm pro parte fructus fibrosâ, post expressionem residuâ ; sed & carnosâ ac succulentâ, in expressione prodeunte, sumi debet.

2. Scire desiderat, qualem spiritum addere conveniat ? Utrùm ex sequentibus, uti *scammonio* &c. extractum prius parare, & ab extracto spiritum destillare cum liquore, eundemque superiori extracto addere, præcipiatur ? Fateor, obscuriora quodammodo esse Augustanorum verba circa hanc materiam, non tamen tantâ idcirco agitatione digna ; cum ipsa ratio & reliquorum Extractorum præparatio, essentiam specierum denominatarum, cum *spiritu vini* paratam, addendam esse, Pharmacopœo monstret.

Subesse autem vel scribæ, vel typographi erratum, credibile est. Quare in posterum legendum esse existimo : *adde liquorem ex sequentibus cum spiritu vini extractum*. Et ita obscura illa satis explicata esse, arbitror.

EXTRACTI GUMMI GAMANDRÆ D. D. HADRIANI A MYNSICHT *pag. 134.* animadversiones prolixo discursu adgreditur, & utrùm

& utrū liquorēs acidī vera & legitima rerū catharticarū corrigentia, esse possint, disquirīt; tandemq̃ue cathartica in viribus suis ab acidis impediiri vel destrui, concludit; e contra veram correctionem, si purum ab impuro separatur, vocat. Quare etiam hoc Extractum, utpote cui *spiritus vitrioli* accedit, explodit. Negari quidem nequit, si nimia in copia, & indiscriminatim cuilibet cathartico acidā addantur, saepe sapius vires ejus diminui. Propterea tamen de quovis acido atque purgante medicamento idem adferre, non licet.

De solo *gummi gamandra*, videlicet de quo propriè hoc in loco agitur, ut dicam, eidem haud inconvēnienter illa per acidum correctio adhiberi potest.

Etiamsi crudum quidem, scribit Schröderus, non citra commodum adhiberi queat, attamen cum nauseabundam possideat qualitatem, opera precium duxerunt, hanc obtundere. Cujus modum dein per *spiritum vitrioli* subjungit.

Nota quippe est *gummi* hujus ventriculum subvertendi & vomitum, ciendi potentia; qua repudiata, si unica per alvum dejectoria expectatur; an illam facultatem emeticam adimere, & cum in finem acidā, v. g. *spiritum vitrioli*, in usum trahere, piaculum censi debet?

Sic nonnulli *antimonium*, cujus vis emetica neminem latet, cum acidis, e. g. *succo berberum*, vel *spiritibus salis, vitrioli* &c. preparant, ut ita non amplius vomitum cieat, sed per inferiora potius expellat.

Ut nil dicam de acidorum vi, segnem medicamentorum purgantium, virtutem nonnunquam excitante, ac diversimodè adjuvante; id quod in *cremore tartari* sufficienter patet.

Dantur ex medicamentis simplicibus aliqua, quae in substantia, licet majori dosi propinata, etsi segnius operantur, si resolvantur, cumq̃ aliis permisceantur, in minori postea multo efficacius vires suas exsequuntur &c. Idem expectare poteris à solius *sena* infuso, dummodo liquori guttas aliquot *spiritus vitrioli* prius adfuderis. Etenim hic *§iiss.* id idem prestare observabis, quod absque eà preparatione *§iij.* segniter satis expedient. Verba sunt *Joh. Theod. Schenkij* *Antagm. compon. & prescrib. medicam. part. 1. sect. 3. cap. 1.*

Si verò omnis catharticoꝝ per acidā correctio, potius eorum destructio dicenda est, nullā ratione *Zvelferus* ab eodem crimine absolvi poterit, dum multoties catharticis suis acidā admiscet.

Sic *cremorem tartari*, quī meritò inter acidā refertur, in quamplurimis medicamentis suis admittit. Consulantur *Pharmacopœia Regia Classis 2. §.* & seqq.

Florum antimonij uncias duas cum cremoris tartari integrâ librâ, pag. 412.
 in *Mantifs. spagy.* pro medicamento purgante præparat.

Spiritu vitrioli antimonij purgantem in ead. Mantifs. pag. 380. adducit.
Ad utramq. Sirupum emeticum vegetabilem, acetum destillatum rosatum
adhibet pag. 33. Pharmacop. Reg.

Pag. 38. in Sirupo mercuriali secundo, radices bellebori nigri, aceto rosaceo
præparatas, ponit.

Pag. 96. Pulverem catharticum antimoniale primum ex scammonio, cum
spiritu sulphuris imprægnato, antimonio per nitrum præparato, & cremore tar-
tari componit.

Animadvers. pag. 409. colocynthidis correctionem per succos acidos
commendat. Et quæ hujusmodi plura alia adduci possent.

De puri ab impuro separatione, quam legitimam correctionem vocat,
 plurima dici possent: sed hac vice unicum hoc quæro: qua ratione *vitri*
antimonij cum nitro calcinatio *pag. 76. append. animad.* legitima correctio di-
 catur, dum nulla ibi puri ab impuro fit separatio?

Quam subjungit *duplicem Extracti gummi gutta præparationem*, singulare
 quid continere eas, haud deprehendo.

Et quidem *priore* quod attinet; illam per succi hujus cum *spiritu ju-*
niperi vel *granorum sambuci* solutionem instituere, præcipit. Quasi verò
 gummi hoc à tali spiritu singularem aliquam virtutem mutaretur, cum to-
 tus iterum ab eo abstrahatur, separeturque; & si fortè quidquam de eo super-
 esset, quò & illud eluatur, resinæ abluitionem superaddit.

Ubi notetur, *Zvelserum* hic etiam voce: *lavare*, iterum uti, quam ta-
 men ab Augustanis, & reliquis, tum Antiquioribus, tum Recentioribus Me-
 dicis usurpatam, eliminare studuit; quid enim per illam abluitionem tolli-
 tur? certè, ut ipsius *Zvelseri* testimonio de *aloë lorâ* utar, non aliud, nisi *suc-*
cus subtilior abluatur, & *crassiores partes* retinentur; sive separatur & aufertur
 aquea *gutta gamandra* pars, retineturque tantum resinosa. Prout autem il-
 lam aqueam partem in *aloë* non inutilem judicat; sic quoque in *gummi*
gamandrae eandem repudiare haud decet. Neque secum nomine venire po-
 test, quod per illam loturam separatur; *feces* enim jam segregatas esse, præ-
 cedens gummi soluti filtratio indicat.

Porro *simplicem hanc præparationem*, qua nihil aliud, nisi sola *gummi gut-*
tæ resina obtinetur, sine ulteriori alterius rei admistione ad usum medicum suf-
 ficere, statuit. Ast si resinæ aliis oleosis rebus haud permixta, sed per se exhi-
 bita, nihil vel parum operantur, vel letalia inducunt symptomata, uti *Phar-*
macop.

macop. Reg. pag. 54. habetur, hæc etiam resina eidem periculo obnoxia erit, si sine ulteriori alterius rei admisione in usum veniat.

Posterior præparatio, quam ad mentem *Mynsichti*, sed concinnio- rem, suo quidem iudicio, instituit, quid magis concinnum contineat, vix adparet; nisi quod ordo præparationis aliter tradatur, & *gummi gamandra* partibus subtilioribus, sive aqueis, aut non resinosis, Extractum hocce exuatur.

In EXTRACTO HOLAGOGO ANDERNACI pag. 135. I. illam de speciebus *Diambra* objectionem repetit, nec quicquam in cathartici- fortioribus corrigere eas posse, ait, nisi forte indirectè, prohibendo nimirum, ne spiritus vini à dictis speciebus sufficienter imbutus, ad ulteriorem specierum catharticarum extractionem quodammodo debilis vel inhabilis reddatur &c. Non immeritò quis, Zvelferi animadversiones in Extractum diacitri imitatus, sibi Oedipum expeteret, qui interpretetur acutoque ingenio dissolvat, & explicet mentem Zvelferi, ænigmaticè hic expositam. Videlicet præsupponit Zvelferus, spiritus vini libras duas & dimidiam ab uncia una cum semisse specierum *diambra* sufficienter imbutas esse; & hanc vim nominatarum specierum, spiritui vini impressam, prohibere credit, ne hic ad ulteriorem extractionem inhabilis reddatur. Ex sententiâ autem Zvelferi, quam ubique aliàs satis generaliter jactitat, spiritus vini sufficienter semel imprægnatus nil quidquam ampliùs extrahere valet; si illud toties ipsi decantatum axioma: nihil recipit ultra modum receptivitatìs suæ, intueamur. Nunc quæro: à quam re spiritus vini sufficienter imbutus est? Respondet Zvelferus: à speciebus *diambra*. Ergo species hæ, quæ omnia spiritus vini spatiola (sufficienter) impleverunt, ut nullus aliis recipiendis supersit locus, in causâ sunt, quò minùs spiritus de aliarum rerum essentiâ extrahere quid, & in se recipere possit. Hoc dum ita se habet; quomodo igitur hæ ipsæ species prohibent, ne spiritus vini ad ulteriorem extractionem debilis vel inhabilis reddatur? Quare si Zvelferus fundamento, quod pro multis Augustanorum medicamentis cavillandis posuit, hic voluisset insistere, longè aliter, nempe species *diambra* prohibere, ne spiritus vini ab iis sufficienter imbutus ad ulteriorem specierum catharticarum extractionem sufficiens vel habilis sit, inferre debuisset.

Sed hanc ipsam Zvelferi mentem fuisse, ponamus, nihil tamen solidi contra præsens *Andernaci Extractum* eo modo evincitur. Et quidem: 1. Spiritus vini libras duas & dimidiam, ut de aquâ cinnamomi nil dicam, à specierum *diambra* uncia una & dimidiâ sufficienter imbutas esse, pernegatur. Quæ enim quæso inter unciam unam cum dimidiâ specierum siccarum, & uncias triginta liquoris est proportio? an tam magnam liquoris quantitatem à tam parvâ specierum dosi sufficienter imprægnari posse, ut ulteriori extra-

ctioni

ctioni minùs habilis reddatur, quisquam sanæ mentis adfirmabit? Si tam parvum pondus tantam liquoris copiam pro sufficiente extractione desiderat; quantus adparatus ad *Extracta Pharmacopœia Regia*, cum sufficiente quantitate *spiritus vini* paranda, requiritur? Unicum *Extractum hydragogum* pag. 77. ibidem, *spiritus vini* libras sexaginta effligeret.

2. An species aromaticæ eum in finem purgantibus tantum adduntur, ut horum violentiam infringant, & non alia etiam de causâ? At diverſum edocent *Pharmacopœia Regia* cathartica, quæ odoris & saporis gratiâ aromatica recipiunt. De aliis quoque usibus pleni sunt Medicorum libri, quos hic adducere, non est necesse.

II. In materiâ de dictis *speciebus diambra* Augustanos cavillari pergit, & *Extractum* hoc catharticum, ratione partium crassiorum ac terrestrium, specierum aromaticarum (cùm subtiliores unâ cum *spiritu vini* iterum avolent) in quantitate suâ manifestè augeri, atque ob id ejus dosin quoque majorem reddi, objicit. Quare ut Augustani *animadversiones suas super Extractum agarici*, & *hellebori nigri* in mentem sibi revocent, exigit. In hisce itaque species prædictas elidere studet; quia: 1. ab earum partibus crassioribus quantitas *Extracti*, & consequenter dosis manifestè augeatur. Utrumque verum esse, si ponamus, propterea tamen species has omittendas esse, non sequitur.

Aliàs eodem, ac majori quidem jure, sic licebit argumentari: *Zvelferus Pharmacop. Reg. pag. 74.* dum *Extracto asari*, *sacchari* unciam unam; & pag. 78. *Extracto mechoacanna nigra* atque *alba*, *Essentiam aurantium saccharinam*, pondere *uncie unius* addit, molem horum *Extractorum* auget; unde, etiam postmodum dosis eorum augenda est. Ergo *saccharum* & *Essentia aurant. sacchar.* ab iisdem rejiciantur.

Zvelferus Extracti hydragogi Pharmacop. Reg. pag. 77. aliorumque quantitatem cum *amygdalis dulcibus* manifestè adauget; quare doses quoque eorum augentur. Ergo *amygdala* indè ejiciantur.

Zvelferus Pharmac. Reg. pag. 80. *Extractum magistrale lenitivum* ob additos *flores rosarum rubrarum*, *santalum rubrum*, *radices acetosa* & *cichorii sylvestris*, ut & *cortices aurantium*, quæ simul ℥iijss. constituunt, in quantitate & dosi manifestè auget. Ergo species enumeratæ omitti debent.

Licet verò *specierum diambra* uncia una & dimidia sumantur; cùm tamen in substantiâ non adhibeantur, sed quod *spiritus vini*, & *aqua cinnamomi* ab iisdem extraxerunt, non adeo multum id esse potest; præcipuè cùm insuper *Extracti* hujus inter valida cathartica locum tenentis, exigua dosis, & consequenter, pro singulâ tali dosi, perexigua specierum *extractarum*

quantitas existat; secus ac in citatis medicamentis Zvelferi, ubi partim multo major specierum quantitas extrahitur, partim non aliqua ex *amygdalis*; vel *saccharo* extracta pars, sed ipsa *amygdalorum sacchari* substantia sumitur; imò in præcitato *mechoacanna nigra* extracto ad *gialappæ extracti spissioris* ℥iv. & *resinæ ejusdem* ℥ij. non sufficit ℥j. vel ℥iss. *amygdal. dulc.* adhibuisse, sed insuper *Essentiæ aurant. saccharin.* ℥j. addita fuit, ut ita tota hæc compositio, ℥viii. vel ℥viii℥ss. continens, nimium ab *amygdalis* & *saccharo* aucta conspiciatur.

2. Quia ab Ipsis Augustanis contrarium, in *animadversionibus suis Extracti agarici*, & *hellebori nigri*, innuatur, quas ut revolvant, exigit. Haud gravatim sequar Zvelferum, & quid ibidem notatum sit, in mentem revocabo. Nihil autem, quod pro Zvelfero militare posset, reperio.

In *Extracto agarici* hoc Augustani notant: *Alij loco spiritus vini aquam anisi, cui oleum ademptum sit, usurpant; correctivi loco id forsitan adhibentes. Verum corrigitur ejus extractio pro re & conditione ægri, aut morbi, addendo in singulas doses guttulam unam olei macis, nucis moschate, fæniculi, caryophyllorum, aut alterius similis.* Quo ipso obviam objectioni ire volunt, quæ Ipsis scribi posset; quod scilicet in suo *Extracto*, cum *spiritu vini* facto, nullum corrigens adhibeant, secus ac illi, qui *agaricum* cum *aquâ anisi* extrahunt, & correctionis loco *oleum anisi* adjungunt. Possè enim pro re natâ *oleum*, aliquod singulis dosibus addi, sicque *Extractum* corrigi, respondent.

Hoc ipso tamen, ad totam *Extracti* quantitatem corrigentia haud addi posse, minimè volunt; sed ea necessario semper conjungenda haud esse, saltem innuunt.

Sed posito, hanc, quam Zvelferus sibi fingit & adprobat, Augustanorum mentem esse, scilicet quod corrigentia non ipsi *Extracto*, sed singulis ejus dosibus addi debeant, eo ipso sese Augustanorum censuræ subijcit, dignumque reformatione agnoscit; dum purgantibus suis toties corrigentia (quæ an saporem, odorem, vel aliud quid corrigere debeant, hic non disquiritur) *Elæosacchara*, *Essentias oleosâs saccharinas* &c. admiscet, non verò singulis demum eorum dosibus ea adjungit.

In *Extracto* autem *hellebori nigri* sequentia verba Augustani ponunt: *Nonnulli ad extractum hoc parandum aquam anisi recipiunt, alij alia addunt corrigentia. Nos simplicissimo hoc persapè contenti fuimus, quando Ellebori malitiam, aromatum pro ejus correctione sibi juncti solitorum admixtione augeri ac fortificari, purgantemq; ejus exorbitantem vim ab ipsis intendi notavimus. Quibus verbis non simpliciter se opponunt illis, qui correctionis gratiâ huic helleborato*

leborato medicamento aromata addunt ; sed se, qui dosi hæctenus ipsis usitatâ ulterius uti, certis de causis, volunt, *persæpe* simplici illo Extracto contentos fuisse, solum indicant, cum vehementem illam *hellebori* vim catharticam, ab aromatibus intensiorem redditam observaverint

Sive itaque *hellebori extractum* cum, vel sine aromatibus quis exhibeat, nullibi errat ; si enim sine illis, tunc dosi ordinariâ contentus sit ; sin cum, aromatibus, eò minori dosi utatur.

Si tamen hoc Augustanorum monitum tam generale esse, existimat, illudque adprobat ; eò majori virtute illa cathartica, quæ aromata recipiunt, pollere, ideoque in minori dosi, quam præ majori magis gratam esse, judicat, exhiberi posse, recordari, nec *species diambæ* rejicere debuisset.

Quamquam illa Augustanorum animadversio non ad quodvis aliud medicamentum purgans extendi debeat.

III. *Aqua cinnamomi* additionem reformat, dum scribit : *queso dicat mihi quis, in quem usum aqua cinnamomi addita sit ? debet enim ad extremam guttulam usque in abstractione extracti ad debitam suam consistentiam exhalaré, ut adeò nil quicquam de virtute vel essentia Cinamomi aut aque ejusdem spirituosæ & aromatica, cum extracto remaneat. Et quis tam stupida mentis est, qui asserere auserit, quòd aqua Cinamomi semel destillata spirituosæ & aromatica essentia, reiteratâ destillatione, cum aliis speciebus factâ, denuò non elevetur, sed iidem quasi compacta remaneat ? Idem est, ac si quis è Zvelsero quæreretur : quem in usum ipse pro suis Extractis parandis spiritum vini, & in specie Pharmacop. Reg. pag. 79. pro Extracto rhabarbari, aquam cichorij, vel endivie adhibeat ? Videlicet, extractionis gratiâ tales liquores in usum veniunt.*

Quamvis autem iterum exhalaré, vel potius, uti Augustanorum verba volunt, abstrahi (quòd ita plures in usus superesse queat) *aqua cinnamomi* debeat ; sufficit, si scopum, cui destinata fuit, obtinuerit, si nempe specierum virtutem elicerit ; prout etiam *aqua endivie* &c. postquam sufficienter extraxit, in *Pharmacopœia Regia* Extracto rhabarbari separari iterum debet.

Unde nemo nisi stupidæ mentis statuere audebit, quòd Augustani considerent, vel adserant, aromaticam *aqua cinnamomi* essentiam in abstractione cum residuo extracto compactam sive fixam remanere.

Prout pariter nemo Augustanorum, vel quispiam alius sanæ mentis affirmabit, Zvelserum velle, ut *aqua cichorij, endivie* vel *spiritus vini* reiteratâ destillatione non elevetur, sed extractis, ad quæ adhibitus fuit, quasi compactus remaneat.

Sic Zvelseri mentem fuisse, neutiquam dixerim, quòd *aqua cinnamomi* semel destillata spirituosæ & aromatica essentia, dum iterum igni cum saccharo in

Phar-

Pharmacopœia Regia Classe undecimâ aliquoties illam committit decoquendam, denuo non elevetur, vel in auras non dissipetur, sed inde quasi compacta remaneat.

Negatur autem, quòd aqua cinnamomi ad extremam guttulam usque in abstractione Extracti ad debitam suam consistentiam exhalare debeat. Extractum enim pro illâ suâ debitâ consistentiâ obtinendâ omnis liquidis abstractionem haud permittit, sed ejus partem necessariò sibi vindicat.

Nisi fortè Zvelferus aquam cinnamomi spiritui vini spirituosiores judicet; sic ut aqua illa, spiritu vini interea cum substantiâ extractâ, tanquam, compedibus ligato, primum exstillet, quâ per alembicum egressâ, tunc demum spiritu vini potestas abundi quoque concedatur. Hoc tamen falsum esse, nemo non novit.

Imò aquam cinnamomi difficiliùs, quam spiritum vini, in destillatione ascendere, extra controversiam est.

Alia, quæ Animadversiones Zvelferianæ suggerunt, ex jam dictis, quid ferre valeant, patet.

Mutata, quam Zvelferus dat, Extracti hujus præparationis examen cum antecedd. coincidit.

Speciose in EXTRACTUM, quod jam pag. 136. sequitur, MARO-COSTINUM MINDERERI, cujus laudes celebrant Guil. Fabric. Hildanus centur. 6. observat. 29. & Gregor. Horstius lib. 3. consult. & epist. sect. 3. animadversiones magnifici aliquid, verba à Zvelfero mutuor, primâ fronte polliceri videntur, quas tamen si quis intimius perspexerit, & persculetate ruminaverit, apertè deprehendet, ipsas parum salis vel acuminis in se reconditas habere, tantoq; viro, qualem se ipsum æstimat, ex cujus cerebello profecta sunt, prorsus indignas esse.

Et sanè, si Zvelferus Beati Mindereri tractatum, sub titulo : *Alœdarium marocostinum*, de hoc Extracto editum, sine præconceptâ inhumanâ reformandi libidine evolisset, mitiùs fortè cum Minderero, quem singulari odio, ab Ipso tamen nunquam læsus, persequutus fuit, egisset.

Is autem in fine dicti alœdarii hoc suum scriptum facie magis tersâ purioreque in publicum prodire potuisset, vel debuisset, fatetur; cum ipsi non licuerit, vel in maximâ occupationum farragine tantum otij non fuerit, ut majus ipsi tempus impertiri potuisset.

Unde laborum suorum non laudem, sed veniam petiit; quibus si acer Momi morsus aculeos suos subfixerit, qui jam aliquin aliorum labores & rodere & radere paratus semper existit, tale responsum Momo dat :
Mome favere decet prodesse volentibus.

Sed potius, quid culpam in Extracto hoc mereatur, inquiram.

1. In *aquas* tot diversas *destillatas* involat, quas, compositioni huic adsignatas, necquicquam, qua corrigendo, qua extrahendo, præstare posse amplius, quam aquam aliquam simplicem, aut pluvialem destillatam, objicit; & hoc probat: 1. quia si spirituosi quid habent, illud in extracti ad debitam consistentiam inspissatione, penitus evaporare necesse est; 2. aquæ destillatæ simplices ad rerum resinosarum extractiones inhabiles sunt. Sed 1. iterum negatur, quòd omne spirituosum in illis contentum, evaporet; cum pars aliqua extracto conjuncta remaneat; quæ licet magni momenti haud esse videatur, præstare tamen aliquid valet.

Illud autem, quod separatur, non simpliciter evaporare dici potest, sed in *Balneo* abstrahitur, sicque ad ultteriores usus conservatur.

Nec opus est, ut aquæ illæ destillatæ corrigentis vice fungantur; cum & alia, uti excipientia, adjuvantia &c. in compositis medicamentis locum invenient.

Sic ipse Zvelserus aquas destillatas aliquoties in compositiones suas recipit, quæ tamen vel majori ex parte, vel totæ evaporare tenentur, atque ita nil corrigendo præstare possunt.

Exemplum suggerit *Pharmac. Reg. pag. 129.* ubi *sacchari libra una* cum aquâ *rosarum* soluta, ad tabulati consistentiam coquitur, & postea, additis aliis speciebus, trochisci inde efformantur, qui cum solidam habeant consistentiam, & inter medicamenta sicca numerentur, vix quidquam amplius de aquâ *rosarum* in ipsis superesse potest.

De aquâ *cichorij* & *endivie* in *sine examinis* *preced.* Extracti sermo fuit. Etiam si verò tota ista aquarum substantia evaporaret, nihil tamen refferet, dummodo scopum primarium, extractionem scilicet, obtinuerint; quo de pariter in *anteced.* Extracto jam actum fuit.

Negatur autem 2. *aquas destillatas* in hoc Extracto recensitas ad rerum resinosarum extractiones simpliciter inhabiles esse; videlicet si res illæ resinosæ, præter resinam, alias etiam aqueas partes contineant; ubi has tantum ab *aquis destillatis* extrahi, non verò illas, facilius concederem. Ast enumeratæ in Extracto *Marocofino* species resinosæ alias etiam virtute insigni præditas partes habent, quas aqua destillata promptè resolvunt, atque in se recipiunt.

Quamvis neque Zvelserus in hoc negotio ubique circumspèctum se gesserit. Unde resinosarum rerum extractionem cum aquâ aliquoties molitur, ceu *agaricum*, *mechoacanna alba*, *turbethum* abundè testantur.

Agarici

Agarici exemplum Pharmac. Reg. pag. 36. 40. 42. 45. 51. 53. 68, Mechoacanna pag. 36. 44. 45. 46. 48. 51. 60. 67, Turbethi pag. 48. 51. 53. suppeditant.

Imò pag. 44. 45. 51. 60. 67. horum catharticatorum decoctionem repetitâ aquæ adfusione continuandam esse, scribere audent, quoad omnis virtus cathartica extracta sit.

Nunc, si vis cathartica, v. g. *turbethi*, uti *Animadvers. pag. 127.* adfuit, in resinâ quoque consistit, & hanc extrahendi aqua simplici nulla, uti multoties Augustanis objicit, inest potentia; qua fronte in citatis aliisque locis omnem virtutem catharticam, mediante aquâ simplici, extrahere pollicetur? Si hæc vis aquæ simplici inest, cur non etiam destillare?

Hinc si error ratione extractionis in hoc *Extracto Mindereri* commissus fuit, Augustani sanè facilius excusari merentur; quia Ipsi haudquaquam scribunt, res illas resinosas cum enumeratis aquis eò usque extrahendas esse, quoad omnis virtus cathartica &c. prolecta fuerit.

Nec certè *Mindereri* totalem virtutum extractionem factam esse, prout paulò postea dicitur, venditat.

2. *Gummi ammoniacum & myrrham*, licet aceto nonnihil diluantur, ab adfusus tamen aquis iterum præcipitari, & vix quidquam ab illis dissolvi, quod verè dissolutum dici mereatur, atque per chartam emporeticam transeat, regerit. Sit ita, quòd *myrrha & ammoniacum aceto* diluta, per aquas destillatas iterum præcipitentur; ast propterea non destruantur; illudque quod præcipitatur, pars resinosa saltem erit; aquea autem, quæ certè non omnis expers est virtutis, ab aquis destillatis verè solvetur, per chartam emporeticam transibit, sicque *Extracto Marocchino* symbolum suum addet.

3. Pariter aloën *Socorinam* in *Mucharo rosarum* solutam à limonum succo plurimum præcipitari, objicit; sed absque fundamento; succus enim rosarum & limonum sibi invicem permisti aloë adfunduntur. Deberet igitur succus rosarum aloën adgredi, & interea succus limonum ab opere extractionis feriari, qui tunc demum, ubi succus rosarum extractionis munere jam defunctus fuit, vires illas præcipitandi exfereret; quod nemo fortè dixerit.

Ast si rem ita se habere ponamus, nihilominus pars aloës aquea ab aquis destillatis eodem modo, quo *ammoniacum & myrrha*, solvetur.

4. *Agaricum trochiscatum*, utpote resinosum, succis herbarum, & lignum aloës, costum² verum aquis destillatis perfectè extrahi non posse, scribit. Sit ita; sufficit, aliquam simplicium istorum partem extractam fuisse.

Aliàs, si tam insigne erratum est, in idem impegisse Zvelserum, ideoque ipsum prius reformandum esse, dicitur; prout paulò superius idem monstratum fuit.

Tenendum verò est, *Mindererum* probè scivissè, in illà primà extractiōne non omnes ingredientium partes dissolvi. Hinc aquam à primo extractiō abstractam relictis speciebus adfundere, & id, quod in ipsis superest, levitiam per linteum expressiōne institutà, per quam major resinofarum particularum pars simul exprimitur, separare jubet. Quod, ne ipsius jactura fiat, vel cum priori extractiō conjungi, vel *Mindereri* exemplo, separatim adservari, inque majori dosi, quàm primum extractum, quod potentius agit, pauperioribus distribui poterit.

5. Quid ex ligni aloës gummosi drachmis duabus, aquæ destillatæ extrahere possint, querit? Ne prolixus sim, respondeo: illud extrahent, quod aqua, ista destillata in *Sirupo cephalico secundo Pharmacop. Reg. pag. 9. ex drachmis duabus ligni aloës ponderosi* extrahere debet.

6. Quid aqua cinnamomi in agarico & rhabarbaro corrigere possit, dum penitus iterum exhalare debet, querit? Ponamus, aquam hanc totam iterum exhalare debere, *Minderero* tamen tantam propterea litem movendam esse, non existimo; cum exigua sit ejus dosi.

Vicissim autem similem instituo quæstionem: quid aqua cinnamomi v. g. pag. 122. *Pharmacop. Reg. in Morfellorum cephalicorum*, & pag. 123. *confortantium virilium* descriptione, corrigere potest, dum ferè tota iterum exhalare debet?

7. Quomodo *marum* (debuisset etiam *crocum*, *costum* & *lignum aloës*, cum eodem sub titulò ponantur, adungere) *succo citri* & *aquà rosarum* dissolvi possit, interrogat? herbam enim extractiōni, non dissolutioni aptam, esse, statuit. Criticum denuo agit Zvelferus, sed eo ipso parùm cautè, pro more suo, procedit. Si enim herba extractiōni apta est, etiam dissolutioni aptam esse dici potest.

Quia duo chemicarum operationum capita vulgò recensentur, *διακρισις* & *συνκρισις*, solutio & coagulatio, atque sub illà, nimirum solutione, tantquam sub genere, extractiō etiam continetur.

Hinc si *marum*, cum Zvelfero, extractiōni aptum esse dicam, necessario solutioni quoque illud aptum pronunciare teneor.

Et quæso, quid est extractiō aliud, nisi partis resinosa, alteriusve naturæ, à reliquis terrestrioribus, à quibus quasi vincula tenebatur, solutio?

Si autem Zvelferum vocem solutionis in specialiori sensu accipere, quis regerat; scilicet ubi particulæ rei alicujus totaliter in liquore aliquo absorbentur & solvuntur, prout exemplum illius *resina gialappæ* in *spiritu vini*, *tragacanthum* in *aqua* solutum exhibet; e contra extractiō dici debeat, quando partes

partes aliquæ heterogeneæ solutionem subterfugiunt, nec unà cum reliquis dissolvuntur; Zvelsero facile adfentior, herbas cum *succo citri & aquâ rosarum* vulgari illo modo extrahi, non verò dissolvi posse.

Alias *dacrydium*, quod *totum resinofum* vocat, in *animadvers. Extr. catholici pag. 137.* Zvelserus extractioni commitit; quod tamen, quia *totum resinofum*, rectius solutioni, si præsentem ejus animadversionem consulamus, non extractioni aptum esse, dicitur.

Sed quid hîc per vocem: *dissolvantur*, Augustani velint, omnium optimè ipse *Mindererus* explicat; qui *cap. 1. sui aloedarij, marum &c. in aquâ rosarum & succo citri diluere*, item cum iis *madefacere*, præcipit; dum autem diluitur & madefit, certo respectu, quod dissolvatur, dici quoque potest.

Simile in *classe Pilularum* innuit Zvelserus, *v. g. pag. 108. aloën cum succo rosarum lotam* nil aliud esse, statuit, *quàm aloën succo rosarum dissolutam, sive humectatam, vel dilutam.*

Et sic nondum video, quòd hæc compositio *quot ingredientia, tot crassos & absurdos errores comprehendat*, quin potius *animadversiones* ei dicatas crassas & absurdas vocare, cogor.

Cui tamen alius *Extractam hoc Marocostinum* conficiendi modus aridet, eum per me observare potest. Mei enim instituti tantum est, traditis Augustanorum compositionibus Zvelseri animadversiones opponere, & quid in utrisque admitti possit, inquirere; nec dubito, quin hujusaliarumque compositionum meliores præparandi modi dari queant; quorum tamen perfectio, in summâ mundanarum rerum imperfectione, sperare nunquam liceat.

Sed misso *Mindereri Aloëdario*, ad **EXTRACTUM MELAMPODII, SEU ELLEBORI NIGRI EIUSDEM AUTORIS** *pag. 138.* me confero, in quo nil correctione dignum Zvelserus invenit, nisi quòd subtilius & efficacius ut fiat, illud per præscriptam cum *aquâ simplici* extractionem paratum, adhuc semel *si spiritu vini rectificato* extrahere, præcipit. De hoc tamen meritò dubitatur.

Illud, quod ab istâ cum *spiritu vini* solutione indissolutum relinquitur, feculentarum partium nomine minùs commodè venire, statuo, cum & ipsi virtutem catharticam inesse, credibile sit. Licet autem cum *spiritu vini* dissolvi nequeat; idem propterea in corpore humano ipsi evenire, dicendum haud est; ventriculus enim hominis non *spiritus vini* æmulum menstruum, sed aqueum potius &c. possidet.

Esto, per *spiritum vini* subtilius Extractum fieri, non tamen idcirco simul efficacius redditur; cum magna particularum purgantium pars auferatur.

Hinc

Hinc probè notandum est, quod ipse Zvelserus *Pharmacop. Reg. pag. 76.* de hoc *hellebore Extracto* profert, dum scribit : *nec tamen negandum, trinus cum aquà simplici cocturà paratum extractum multò potentius & violentius operari.* Ergo nova illa cum *spiritu vini* facta extractio labores sumtusque Pharmacopœorum auget, simulque inefficacius medicamentum efficit.

Quod de proluxa & intricata *Quercetani* præparatione &c. addit, cum Augustanos non tangat, sicco pede transeo.

Tandem *radices hellebore* decoctas vel extractas virtutibus suis privari potius, quàm exaltari, existimat. Unde iisdem contusis, pulverisatis, vel infusis plus præstari posse, concludit. *Radices hellebore* per decoctionem, vel extractionem virtutibus suis privari, quidem concedo ; sed illud, quod ita ex ipsis elicitor, vel extrahitur, viribus privatum esse, falsum est.

Vires *hellebore* in hoc Extracto exaltare, Augustanis animus non fuit, sed tantum easdem in corpore crasso ipsarum radicum dispersas, in minorem molem contrahere, & ita magis acceptas adsummentibus reddere.

Perire autem aliquam virtutis particulam in cocturà & extractione, ut Zvelsero largiar ; satis tamen efficax remanere Extractum, experientià docemur.

Ista verò particula si tanti momenti est, eamque conservare, si necessarium ; Zvelserus duplici nomine reprehendi meretur, videlicet dum *radices hellebore* aliquoties coquit & extrahit, (v. g. *Pharmacop. Reg. pag. 33. in Sirupis emericis vegetabilibus ; pag. 55. in Electuario communi ; pag. 67. in Pilulis panchymagogis ; pag. 79. in Extractis panchymagogis &c.*) tum quoque sciens volensque hoc peragit.

In EXTRACTO DIAPOEONIAS D. D. MINDERERI *pag. 139. aromaticum odorem & saporem ferè totaliter adimi*, atque unà cum *spiritu vini* in auras evanescere, statuit Zvelserus, relicto extracto spirituosa & balsamica essentia penitus orbatò. Tam paucis interjectis lineis sibi contradicit Zvelserus ! Namque balsamicam & aromaticam ingredientium essentiam ferè totaliter adimi tradit, sicque voculà illà : *ferè, aliquid, paucum licet, de eà superesse, concedit ; & nihilominus mox id, quod remanet, essentia illà penitus orbatum esse, objicit.*

Licet itaque maximà ex parte essentia spirituosa cum *spiritu vini* abstrahatur, eapropter tamen Extractum hoc virtutibus, quæ ei adscribuntur, non destituitur ; cum non omnis vis parti spirituosæ adscribi possit.

Quamvis libenter concedam, efficacius medicamentum fore, si unà cum Extracto spirituosa quoque illæ partes conjungantur ; quod pro Medici arbitrio, morbi necessitate, & ægri constitutione, facile, ubi in usum trahitur, obtinere

obtinere licet; præcipue quia spiritus ille dum ab Extracto abstrahitur, non in auras pellicur, sed destillatione revocatur; sic ut, necessitate exigente, illum etiam, Extractum in eo solvendo, vel alio modo propinando, adhibere liceat.

Verum & ipse Zvelserus *Extracto suo antepileptico Pharmacop. Reg. pag. 80.* magnam balsamicæ essentia partem subtrahit. *Specierum enim uncia septendecim cum dimidiâ* in eo ponuntur, quarum essentiam balsamicam (nam pariter singulæ propemodum aromaticum saporem & odorem possident) cum *uncis tribus circiter spiritus vini rectificati*, destillatione unâ tantummodo factâ, separare laborat; quam exiguam *spiritus vini* quantitatem tantæ specierum farragini minimè sufficere, nemo dubitabit; imprimis si hujus Augustanorum Extracti reformatam à Zvelsero præparationem conferat, ubi *specierum unciâ quatuor & dimidiâ circiter, spiritus vini rectificati libram unam* adhibet, atque cum unicâ destillatione omnem vim aromaticam haud separari, arbitretur, *spiritum vini* semel abstractum, secundâ etiam vice ab iisdem speciebus abstrahere, docet. Quare si omnem vim aromaticam in proprio suo Extracto obtinere velit, necessum erit, ut *spiritus vini* quantitate *ultra tres libras* auctâ, ac destillatione repetitâ, essentia indè conficiatur.

Cæterum Extractorum artificiosam elaborationem traditurus *Philippus Millerus lib. 4. miracul. chim. cap. 1.* species cum menstruo extrahit, spiritum, ab hac extrahitione primò prodeuntem fragrantissimum, separatim excipit, & reliquo ad spissitudinem mellis redacto conjungit, inque M. B. digerit.

EXTRACTUM PILULARUM ARTHRITICARUM, AUREARUM, COCHIARUM, FOETIDARUM, FUMARIÆ, & SINE QUIBUS *pag. 140.* explodit, & ut quilibet ipsarum Pilularum massis contentus sit, suadet; quatuor priorum præsertim, quarum compositiones multa ingrediuntur, quorum virtutes in abstractione Extractorum, penitus exhalent. Verum quod à virtutibus ingredientium exhalat, partim perpauca est, & nihil, juxta ipsius Zvelseri sententiam, in catharticis corrigit, partim vi purgante, qua enumeratæ Pilulæ gaudent, destituitur. Unde illarum minùs necessariarum partium jacturam non tanti aestimare debuisset.

Accedit, Pilulas istas in Extracti formam redactas, minori dosi, (cujus aliàs studiosum se esse, Zvelserus videri vult) & sic majori cum jucunditate usurpari posse, quàm si in pilulari formâ exhiberentur.

Qui tamen ipsis Pilularum massis contentus esse vult, me non obstante, illud faciat; dummodo ridiculâ superstitione Extracta non rejiciat.

Addat etiam Extractis *olea destillata*, si è re fuerit.

Augustani & olea addere norunt, & vel Extracta, vel Pilulas præscribere; prout scilicet è re ægri esse, observant.

Nunc

Nunc LAUDANUM OPIATUM pag. ead. se offert. In quo I. stupidissimum vocat, *Opium* in *Aceto rosaceo* macerare, rursusque exsiccare; dein cum *spiritu vini rectificato* extrahere, & postquam per *oclidium* (Augustanos enim *quindecim dies* ponere, falsò statuit Zvelferus) infusum steterit, lento igne hunc iterum abstrahere, tandemque cum *spiritu vini, Speciebus diambrae essentificato*, denuo solvere & exsiccare. Nam *opium* cum *Aceto rosaceo* verè & genuinè haud corrigi, *spiritum vini diambratum* autem nil *opio* communicare, aut corrigere, infert; quia totus iterum exhalare debet, relicta saltem particulâ extracti inutili, dosin Laudani augente. Stupidissimum hoc iudicium paulò adcuratiùs excutere, decet.

1. *Acetum* quod spectat, illud verè & genuinè *Opium* corrigere, negat. Dicat autem mihi quispiam, probetque, in quonam genuina illa correctio itaque consistat? Zvelferus hic, & præcipuè in *Pilularum de cynoglossò animadvers.* sulphuris narcotici, sive immoderatæ & nocivæ vis narcoticæ exhalationem, cum alijs nonnullis venditat. Quod an vera & genuina correctio dici queat, non sine causâ dubitari potest.

Ast si talis sit, illa, quæ per *acetum*, sive alios liquores acidos, uti *spiritum vitrioli, salis, succos acidos* &c. correctio instituitur, quò minùs, vera & genuina audiat, nihil obstat.

Nam 1. liquores isti acidi vim narcoticam *opij* quodammodo infringunt, ipso testante hoc Zvelfero in *animadvers. Laudani præsentu.* Unde majori quoque in dosi tale *opium* exhiberi posse, nonnulli observant.

2. Dum *opium* in *aceto* solutum iterum inspissatur; cum his *aceti* partibus avolantibus aliqua etiam foetidi sulphuris pars abripitur.

2. *Spiritus vini diambtatus* dum totus exhalare debet, eo ipso *opium* verè corrigi, si fundamento Zvelferi inniti libet, dicendum erit. Quia enim sulphuris narcotici foetidi exhalatione *opium* genuinè corrigitur; quis in hoc Augustanorum præparationis modo illud ipsum fieri, negare audeat? *Opium* etenim cum dicto *spiritu vini diambtrato*, ut graveolentia *opij* expiret, per mensem digestionis submittitur, sæpius agitur, sensimque inspissatur.

Ac multò benignior securiorque est, blanda hæc sulphuris foetidi, quàm violenta illa per tostonem quæsitâ, evaporatio.

Sed hac ratione partem saltem specierum crassiozem, atque inutilem & *Laudani* dosin augentem cum *opio* relinqui, Zvelferus objicit. Utique pars crassior remanet, quæ tamen neque inutilis planè est, neque *Laudani* dosin tantopere adauget.

Licet pars subtilior majori penetrandi vi polleat, crassiozem tamen, non omni utilitate carere, aliquoties ostendi,

Quid?

Quid? quòd ipse Zvelserus in *correcto*, uti putat, *Laudano* magnam specierum aromaticarum partem balsamicam pariter exhalare permittit, nec aliud, nisi crassio rem earum partem, *Laudani* dosin augentem, relinquit.

In Augustanorum *Laudano*, quod *quadringentis* & *sexaginta* doses circiter habere, ponamus, singulam earum, *dimidium granum* & *quadragesima sexta* pars grani unius ingreditur; si dosis sit *quatuor granorum*, & ab *unciis duabus* Specierum *diambra* quartam partem, sive *unciam dimidiam* *Laudano* in formam extracti accessisse, statuamus. Quod incrementum tanti momenti esse, nemo prudens adfirmabit.

Zvelserus e contra veram & genuinam *opij* correctionem vocat, quam in *animadvers. Pilul. de cynoglossò* edocuit. Eam autem non Zvelseri inventum, & vix cuiquam Chemicorum hujus seculi incognitam esse, quis nescit?

Imò antiquis illis Medicis, *Galeno* &c. notam fuisse, dictarum *animadversionum* in *Pilulas prænominatas* examen ostendit.

Per hanc verò decantatam *opij* tollionem uti sulphuris narcotici, immodici, nocivi, foetidi, & venenati exhalationem quatit Zvelserus; ita non immeritò adhuc disquiri potest: An sulphur illud tam nocivum, imò venenatum dici mereatur? An illud, quod tollione exhalat, sulphur solummodo nocivum sit; & non etiam salutare illud anodynum simul expellatur? An post tollionem de sulphure hoc maligno nihil amplius supersit?

Unde enim *opium* venenum hausit, cum ex *papavere*, cujus succus est, illud haud acceperit; aliàs & *capita*, & *semina papaveris* eodem jure venenata dici, ac tollione corrigi deberent? Cujus tamen sententiæ Zvelserum non fuisse, indè colligo, quia *capita* & *semina papaveris* saltem cum aquâ decocta, vel in emulsionem redacta, uti *pag. 14. 18. 108. 109. &c. Pharmac. Reg.* videre est, sine ullâ aliâ correctione in medicamenta sua recipere, non dubitavit.

Omne igitur illud, quod crepat, venenum in *opij* imoderato & temerario usu consistere, suspicari quis posset; quo in sensu nec *vinum*, nec quodvis medicamentum cordiale & alexipharmacum, venenorum numero eximi debent.

Galenus 2. de vict. rat. in acur. com. 12. succum papaveris licet nobis adversum pronuntiet, & qui corpus perimere possit, ejus tamen portionem exiguum adsumentes, magnum percipere commodum, refert.

Idcirco *12. meth. med. cap. 1. in Medicos*, circa *papaveris sacci* usum temerè vel timidè nimium agentes invehitur; dum ij ægrotis suis cum ejusmodi medicamentis nimium gratificantur, ac intempestivè imodiceque animosi sunt; vel eorum usum prorsus fugiendo, ægros doloribus jugulant.

Non sequitur: vis *opij* narcotica, est vehemens, Ergo venenata, Illa recto usu temperanda admittitur; hæc negatur.

Non

Non prosequar jam, quòd *opium* non tostum, sed Augustanorum modo præparatum, sine noxâ, & maximo cum fructu, à peritis Medicis exhiberi, observetur.

Imò crudi usum planè rejiciendum haud esse, constat; prout tali *crudo opio*, in exiguâ quantitate tutò nos uti posse, *Zacutus Lusitanus lib. 1. hist. Medic. princip. dub. 35.* scribit; eventusque felicissimo in pluribus se expertum fuisse, testatur, quòd vigiliis ac doloribus cum intensâ febri oppressi, solius incorrecti *opij* usu immunes evaserint.

Imo *Zvelferus Pharmacop. Reg. pag. 230.* sulphur *opij* narcoticum non semper veterum inducere, observatâ competenti dosi, statuit.

Et *pag. 266.* Oleum suum hypnoticum magnopere comendat, cujus tamen compositionem *opium thebaicum* crudum ingreditur; ac licet in usum saltem externum hîc veniat, nihilominus, si venenatum foret, eo quoque modo noceret; quia venenum illud in parte volatiliori consistere, quæ itaque resoluta per poros corpus ingredi potest, *opij*, pro veneni istius exhalatione, testis comprobatur.

Quis autem prohibebit, ne in commendatâ tostione cum sulphure, si quod inest, venenoso exhalante, particulæ simul salubres in auras abeant, sicque virtus *opij* salutaris infringatur?

Idcirco si diutius torreatur, vel ad nimiam siccitatem reducatur, vim ejus hypnoticam omnino expirare, *Joh. Freitagius cap. 5. de opio*, contendit.

Petrus Poterius Pharmacop. spagy. lib. 3. sect. 3. se, dum experiri voluit, an *Querzetani* de *opij* sulphuris narcotici & foetidi blando calore exhalatione, sententia vera sit, comperisse fatetur, medicamentum ex eo confectum minoris esse virtutis, & in sedandis doloribus eo, quod non est ustulatum, longè inferius. Quare *opium spiritui vini* solutum & depuratum solùm usurpandum esse, suadet.

Dan. Sennertus lib. 1. med. pract. part. 2. cap. 1. quest. 2. *opij* siccationem, vel levem tostionem, si, de quo tamen certò constare prius debet, quædam heterogeneæ partes ei insint, quarum aliæ aliis magis sint noxiæ, inslituere, per se licere, ait; sed ita, ne illud sulphur narcoticum, cujus vis expetitur, dissipetur, & corpus inefficax relinquatur. Et mox, *Petraum Nosolog. harmon. tom. 1. diss. 5. quest. 9.* post ignis etiam examen sulphur illud foetidum & malignum quòd supersit, adserere, subjungit.

Sed non opus est, hæc & similia argumenta ulterius producere; cum ex ipso *Zvelfero* facilè probari possit, illam tostionem *opium* verè & genuinè haud corrigere. In his enim *Laudani animadversionibus*, in impuratum *opij*, mediante *spiritu vini* soluti, per filtrationem, vel colaturam separatione, maxi-

maximam & potissimam positam esse correctionem & præparationem, notat. Quod si ita est, Augustani hanc impuritatem sequestrationem observantes, opium optimè correctum describunt.

Sic & *Pharmacop. Reg. pag. 83. Essentiam opij liquidam* tradens, simplex illud per tollionem non corrigit, sed aquâ cinnamomi solutum, cum sale tartari præcipitat; & tamen exactiorem, aut correctiorem præparationem opij lucusque repertam esse, negat; quæ tamen plura correctione digna continet.

Alia multò adcurator opij correctio, ope fermentationis facta, in *Thom. Bartholini centur. 3. epist. medic. 45.* habetur ex communicatione *Excell. D. Joëlis Langelotti*; qui pariter ejusdem mentionem in *Epistola ad Præcellentissimos Natura Curiosos, de quibusdam in Chymia prætermisissis*, anno elapso editâ, facit.

Adduci quoque meretur, quod de vi narcoticâ & veneno opij *Zvelferus pag. 153. Pharmacop. Reg.* profert, *Opium*, inquit, si penitus contempleris narcosis ejus, & virus, quo animali facultati insidiatur; non à qualitatibus primis, quæ calore aut frigore aspectabiles, & notæ sunt, non ab amaro etiam sulphureoq; miasmate, quod exhalat, illud sortiri deprehendes; sed à seminali virtute, à formâ substantiam induta, ejusq; influxu, ad quem à Patre luminum jussa fuit, ut sic ageret, ut sic noceret volentibus.

II. Stupiditatem Laudani opiatum Augustanorum augere, cavillatur; quod crassamenta & impuritates, quibus opium quàm maximè scatet, neque in prima maceratione cum aceto, neque in secunda infusione cum spiritu vini rectificato, neque denique in tertia digestionem cum spiritu vini diambtrato, per colaturam vel filtrationem separare ullo modo jusserint &c. Stupida sanè hæc est animadversio. In primâ quidem maceratione, quæ cum aceto peragitur, feculentarum opij partium separationem non præcipi, verum est; attamen non necessariam eam esse, simul notetur; cum sufficiat, eandem post secundam infusionem instituisse.

Id quod Augustanos observasse, ipsa eorum verba, à Zvelfero etiam adducta, clarè satis comprobant. Postquam enim opium cum succo hyoscyami in aceto rosaceo macerare iterumque exsiccare præceperunt, sic pergunt: *His affunde spiritus vini eam quantitatem, ut digitis tribus aut quatuor supereminet, sapius in die agitando; ubi sic per octiduum loco calente infusa steterint, per chartam diligenter transcolentur, & evocetur spiritus vini lege artis lento igne, ut in fundo vasis crassamentum (Extractum) remaneat. Quid hoc: per chartam diligenter transcolentur, aliud est, quàm impuratum per filtrationem separationem tradere? Crassamentum verò separare, quod vult Zvelferus, esset totum Extractum annihilare.*

III. *Succum hyoscyami inspissatum*, longè consultiùs omitti, censet; cum experientia toties comprobaverit, illum non adeo prudenter *Laudanis* fuisse permixtum, & infelici successu, plurimumque agrotantium damno, in multorum celebrium Medicorum infamiam cecidisse. Quare ejus loco ut *opium benè correctum* augeatur, suadet. *Hyoscyamum* inter venena referenda esse, magna Medicorum pars statuit, cum præcipuè ex usu ejus homines demerari observent.

Id quod nec Zythopceos nonnullos latet, quorum flagitiosa temeritas, uti *Celeberr. Jo. Henr. Meibomius cap. 26. §. 24. tr. de Cervisus*, ex *Anton. Sneebergero* refert, *hyoscyamum etiam in usum trahit*: dubio procul quò cervisia majorem caput perturbandi ebrietatemque inducendi vim adquirit, & sic à plebeculâ, cervisiarum bonitatem sæpius ex hoc meriente, avidiùs ingurgitetur.

Matthiolum à semine *hyoscyami* comesto pueros in *Ananiæ Vallis* montibus dementes factos, memorat, ut parentes & vicini eorum, à *Cacodæmonibus* ipsos vexari, crederent; unde & ejus regionis incolis *hyoscyamus* disturbio, quia mentem disturbat, vocetur. Vid. *lib. 4. in Dioscor. cap. 64. & lib. 6. cap. 25*

Dementiam miram & ludicram ab esu incauto *radic. hyoscyami* narrat *Petr. Borellus cent. 4. observat. 45.*

Quare, ut ab incommodo hoc se expediant, distinguere aliqui solent inter *hyoscyamum nigro, luteo, & albo semine* præditum, ultimumque præ cæteris magis tutum, adaptari ad usum medicum posse, statuunt. Prout illud ex *Dioscoridis lib. 4. cap. 64, Galeni 8. simplic. cap. de hyoscyamo, Ebn Sina lib. 2. tr. 2. cap. 357.* aliisque colligere licet.

Fernelius lib. 5. meth. med. cap. 17. albi quidem electionem pariter commendat, sed neque hunc tutum pronunciat, quòd immodico usu dementer. Ideo si hic in modicâ dosi, & indicationibus ritè observatis, exhibeatur, periculo vacabit.

Unde *Galenus 2. acut. com. 22. succum hyoscyami* unà cum *papaveris succo* inter illa collocat, quorum natura licet corpus perimere queat, exigua tamen adsumta dosi magnam utilitatem adfert.

Et videtur in hac dementiam inducendi potentiâ aliquid cum *opia* convenire, quod, teste *Bellonio*, in quotidiano usu est Turcis, quibus tamen exin cerebrum nonnihil perturbatur, ut temulenti adpareant.

Hinc vulgare apud eos esse, testatur, ut sibi mutuò objiciant: *tu edisti opium*; quemadmodum si quis apud alias nationes alteri temulentiam sive ebrietatem objiciat; vinum autem cerebrum turbare & dementare, nemo ignorat.

Hoc debitè observato, non video, cur non etiam in laudatum Augustanorum *Laudanum hyoscyamus* recipi possit; cujus agendi ἐνέργειαν adjuvat, nec prudentem Medicum spe sua frustratur.

Contrarium statuere, est luce meridianà cæcutire. Nam, ut alias Illustrium Medicorum de *hyoscyamo* fructuosè exhibito, observationes taceam, *Laudanum* hocce suum feliciter propinari, Augustani sapius experti fuerunt, indicesque quasi experiuntur; & idcirco, adeo prudenter succum *hyoscyami* fuisse permixtum, observant, ut cum felici successu, plurimumq; ægrotantium salute, in Medici famam cesserit.

Cùm verò procul dubio venenata illa *hyoscyami* qualitas in volatili parte, prout in *opio*, consistere dicatur, ad externa medicamenta quoque adhibere illum haud licebit; ut ita semen *hyoscyami* pag. 67. *Pharmacop. Reg. Pilulis odontalgicis*; & pag. 186. *Sotirella*, morbidis dentium cavernis imponendus male addatur; oleum seminis *hyoscyami* expressum pro Olei hypnotici confedione pag. 266. sinistrè adhibeatur; imò aquam & semen *hyoscyami* pag. 206. *Aqua hypnotica interna* imprudenter recipiat.

Sit autem, quòd *Laudana hyoscyamo* dotata, sinistram quandoque eventum sortita fuerint; cùm econtra tutum eorum usum alij plurimi experti fuerint, non possum non infelicem istum effectum, qui etiam à *Laudanis* absque *hyoscyamo* paratis producit, in usum temerarium & imprudentem, rejicere; ubi, prout omnia alia generosa ac salutaria remedia, benedictum & nunquam satis laudandum *Laudanum* instar gladii in manu furientis se habet.

Et veluti sutor unum calopodium frustra omnium pedibus adcommodare laboraret: sic *opium* Panacæa dici haud potest.

Quare immodicum & incautum usum, vel potius abusum, legitimum usum tollere, nemo sani judicii adfirmabit.

Ne autem ullus credat, Zvelserum primum esse, qui *hyoscyamum*, tanquam illaudatum remedium, à *Laudanis* excludit. Haussit hoc ex alijs.

Sic *Billichius*, *Hartmannus*, *Salmuth* &c. cum damnant. Econtra usum ejus salutarem *Andr. Tentzelus* exeges. *chimiatri. part. 2. sect. 3.* diffusè propugnat.

IV. In suo *Laudano* mutato nec latum unguem ab ingredientium *Laudani Augustani* serie se recedere, scribit; nisi quòd *mumiam*, tanquam rem inutilem & nocivam, & succum *hyoscyami* omittat, ac *Specierum diambræ* loco ipsa earum ingredientia vel in substantiâ, vel eorum olea destillata in quantitate proportionatâ substituât. Quod *mumiam* concernit, an inutilis & nociva sit? disquirere, supervacuum esset; cùm ab Augustanis hic non adhibeatur. Monstretur enim, vel in ipsâ *Laudani Augustanorum* descriptio-

ſcriptione, quam Operi ſuo inferuit Zvelſerus, quòd *munia* vel unico verbulo mentio fiat. In aliis quidem prioribus editionibus eam etiam recenſeri, ſcio; aſt non in hac ultimâ correctiori editione, quam Zvelſerus præ manibus habuit, quam reformavit, quam Auguſtani ſequuntur.

Catèrum licet ingredientia, excepto *kyofeyami ſucco*, retinuerit, ab eorum tamen adſignatâ doſi aliquoties reſeſſit, ſimulque exactiſſimi ſui calculi novum ſpecimen in *Specierum diambrae* reſolutione exhibuit, dum ligni aloës 3j, doronici, caſſia lignea, & galangæ an. ʒiſſ, ſpica indica, cardamomi majoris & minoris an. ʒſſ, ſantali citrini, piperis longi an. ʒj, Zingiberis ʒij. gr. v. ambra ʒſſ. gr. iijſſ. ſumit; cùm, ſi exactè ſpecies hæ reſolvantur, ligni aloës ʒiv. gr. viij. circiter, doronici, caſſia lignea, galangæ an. ʒiv. gr. vij. incirca, ſpica indica, cardamomi majoris & minoris an. ʒj. gr. ix. & pars undecima unius grani, ſantali citrini & piperis longi an. ʒij. gr. xvij. circiter, Zingiberis ʒij. gr. iij. cum dimidio ferè, ambra ʒſſ. gr. vj. & pars undecima grani unius recipi debeant.

Utrùm, quod promittit, olea aromatica deſtillata in proportionatâ quantitate ad ipſa eorum aromata, adhibeat, aliis, qui oleis ex arte deſtillandis incumbunt, diſpiciendum relinquo; qui num ex librâ unâ cinnamomi, olei ejusdem unciam unam, drachmas tres & grana duo incirca educere valeant &c. judicent; Zvelſerus enim illud promittere videtur, dum pro cinnamomi ſcrupulis quatuor, graniſq; circiter ſeptem, olei ſcrupulum dimidium Laudano huiſ admilcet.

Quam ob cauſam cardamomum minus extractioni cum ſpiritu vini ſubtrahat, cùm tamen majus eidem ſubmittat, non video; niſi hoc curioſitati ſuæ perfluat, aliàs in Auguſtaniſ ab ipſo exagitatæ, adſcribere quis velit.

De ſpiritu vini à quibuſdam Speciebus aromaticis, uti galangâ, ſpicâ indicâ, cardamomo majore, Zingibere &c. abſtractione, & partium baſſamica-rum unâ deperditione ſuperiùs jam mentionem feci.

Ultima Zvelſeri animadverſio, quòd nimirum Laudani hujus portio aliqua abſque moſcho & ambra præparari, ac pro iis adſervari queat, qui ipſa ferre nequeunt, ſuperflua eſt; cùm idem paulò ante ipſi Auguſtani jam monuerint, dum Laudani opati mediam partem cum, alteram ſine moſcho & ambra præparare, inque uſum reſervare præceperunt.

Sed Laudanum, cujus unusquiſque ferè ſingularem & ſecretam ſibi ſignit deſcriptionem, mitto, atque ad reliqua tria Extracta me confero, quorum primum

EXTRACTUM MELANAGOGUM QUERCETANI
pag. 142. ſi quis refinam turbethi non deſideret, præſcripto ab Auguſtaniſ modo

modo parari posse, Zvelferus concedit. Sed cum *uncia una cum semisse turbethi* solum sumatur, tantum resinæ non erit; nec illud tantillum magnas obtinebit virtutes; alias *turbethi* pariter *unciam unam cum semisse pag. 33. Pharmacop. Reg. in Extracto panchymagogo*; cui potius *Electuarij* nomen debetur, cum aquâ simplici extrahere non tentasset.

In EXTRACTO PANCHYMAGOGO pag. 143. nonnulla aliquoties jam ab ipso prolata repetit; videlicet de *Speciebus diambrae*; sed cum de iis actum jam sit, Lectorem ad *Extractum diacarthami*; prout quæ de resinâ *scammonij &c.* repetit, ad idem *Extractum*, manucente Zvelfero, remitto.

De reiteratâ quoque *spiritus vini* adfusione quæ monet, pariter ex antecedentibus patent.

Et Lector Benevolus si species *Extractum* hoc constituentes intueatur, *uncia uni specierum* ferè *libram integram spiritus* destinari, observabit. Unde nova *spiritus* adfusione hîc opus esse, vix statuere poterit.

In EXTRACTO PHLEGMAGOGO QUERCETANI pag. eadem in *aquam cinnamomi* invehitur, à qua *resinas agarici & turbethi* extrahi haud posse, innuit. Quod & Zvelfero accidere, antecedentia loca à me citata sufficienter comprobant.

Quare aut parvi ibi *resinas* istas æstimat, & ideo in hoc quoque *Quercetani Extracto* magni momenti non erunt; aut magnarum virtutum eas esse, judicat; quo tamen in casu dum medicamenti suis illas non adjungit, minùs efficacia ea reddit, sicque duplici animadversione dignum se præbet, tum minùs debite præparati medicamenti, tum quòd errorem, Augustanis vehementer ab eo exprobratum, ipse fovcat. Hunc prius reformare, quàm alienum exagitare, Adversarij discant.

Licet verò ab *Extracto* hoc omnis *aqua cinnamomi* abstraheretur, sicque nihil de ipsius balsamicâ virtute remaneret, illa tamen *aqua* aliis postmodum usibus inservire posset.

Aliàs omnia *Extracta* cum *spiritu vini* parata animadversione quoque digna forent; cum & ibi *spiritus vini* iterum separatur, qui tamen pro novâ extractione in aliud tempus reservari potest.

De aquis *cichorii & endivie*, pro *Rhabarb.ri extracto* commendatis, in examine *Extracti holagogi Andernaci* egi.

Circa *Specierum aromatici rosati* additionem ut illa, quæ de *speciebus diambrae* dicta fuerunt, observentur, Zvelfero faciliè largior.

RESTITUTA

CLASSIS OCTAVA,

Decocta explicans.

IN primo DECOCTO APERITIVO MAIORI *pag. 145. præ-*
parando se diu morari nolle, scribit; cum vel unusquisque, qui vel ho-
die artem pharmaceuticam auspicatus est, has & similes species præpa-
rare, incidere, & contundere queat. Benè! nec mihi in hac animad-
versione diu morari lubet; cum unusquisque superfluitatem ejus facile co-
gnoscere queat.

Non tradunt hoc in loco *Decoctum aperitivum* Augustani, ut Pharma-
copœi species incidere vel contundere discant; sed ut ingredientium seriem
cognoscant.

De inconcinne, uti quidem ipsi videtur, & ridiculè confarinato *DE-*
COCTO APERITIVO MAIORI CUM RHABARBA-
RO pag. 146. judicium se suspendere, Zveiferus scribit, quia usus ejus, ex
Augustanorum confessione, jam evluit. Si hoc in aliis etiam obsoletis Au-
gustanorum compositionibus observare, animadvertendi & cavillandi pru-
ritus permisisset, mitiorem censuram Augustani experti fuissent; nec Zvei-
ferus tot contradictionum, falsarumque animadversionum reus perageretur.

Cum autem inconcinnum illud & ridiculum, inconcinnum, & quando-
que ridiculus Reformatoris calamus non exprimat, in eo anxie inquirendo
tempus & operam perdere nolo.

In DECOCTO APERITIVO LENITIVO MINORI
pag. ead. prunorum & foliorum Senæ quantitatem augere, minùs conveniens
esse, judicat; quia *pruna* saltem decoctum, per se jam crassum viscidumque,
crassius efficiunt ac ineptum, quò minùs vis cathartica *foliorum Senæ* tum
primo decocto additorum, tum quæ singulis dosibus postmodum adjungi
debent, extrahi possit. Hinc sæpe nullam aliam ob causam, quàm ob spe-
cierum decoquendarum nimiam quantitatem, ea purgantium moles, quæ
quatuor vel pluribus dosibus sufficeret, vix illud præstet, quod exigua eo-
rum

rum quantitas legitimè infusa præstaret. Decoctum etiam hoc humores saltem incidere, concoquere, & ad expulsionem præparare debere &c. Verum etiam si *prunorum* quantitas augeatur, nihil tamen incommodi Decocto huic exin accidit; cum & tunc aquæ quantitatem augendam esse, ipsa ratio dicat.

Nec contrarium Augustanos velle, aut ullo modo aquæ insufficientem quantitatem (utpote quam non exprimunt) adhibere, ullus unquam probabit.

Vana itaque de decocto crasso & viscido sunt somnia, vanusque est de insufficienti *foliorum senæ* extractione metus.

Quamvis verò Decocto huic in attributis ipsi virtutibus, ab Augustanis vis lenitiva vel purgans expressè non adscribatur; propterea tamen virtutum facta assignatio illam non planè excludit.

Nec etiam tanta medicamentorum solventium quantitas ipsi inest, ita ut dosi uni nec quidem *grana octo foliorum senæ* infint.

Vim lenitivam ipsi Augustanos tribuere, ipsa inscriptio, qua *decoctum aperitivum lenitivum* adpellatur, monstrat.

Porro in dispositis corporibus aliquid educere, Augustani inuunt; dum in *sua animadversione, foliorum senæ drachmas duas vel tres, pro majore laxandi facultate*, singulis dosibus posse addi, scribunt. Si itaque ab illâ *foliorum senæ* quantitate decoctum *maiore laxandi facultate* insignitur, aliquam in ipso præexistisse, per *℞*: majore indigitatur.

DECOCTUM CAPILLORUM VENERIS MÆSUES pag. 147. vehementer perstringit, quod tamen, *Decocti aperitivi majoris cum rhabarbaro* memor, sicco potius pede transire debuisset.

Verum quidem est, crassius quodammodo decoctum fieri, si præscripto ab Augustanis modo paretur; ast huic defectui Pharmacopœus prudens, quem similia attendere decet, facilè absque eo, ut Zvelferi oraculum consultat, auctâ aquæ quantitate, remedium adaptat.

Tam ingratum tamen, uti iniqua animadversio objicit, illo modo haud redditur.

Utinam autem virtutes præsentis Decocti considerans, eodem frequenter usus fuisset Zvelferus, ad bilis fervorem, qua toties in Augustanos exardescit, compescendum, sanguinem à virulentis animadversionibus purificandum, & in reformando fervidum attemperandum, quibusvis sanè opparitis dapibus excellentius ferculum pro invidiæ marcore vexato animo expertus in eo fuisset!

Subsequentes NOVEN COMPOSITIONES simul adgreditur, & cum pauca, quoad præparandi modum, ventilatione digna circa illas inveniat, unicum

unicum ad disquisitionem vocat, an nimirum, ubi decoctio ex diversis ac pluribus speciebus fieri debet, species ingredientibus omnes & singula unà & simul coquenda sint, & quid prius, quidve posterius, item quanam facilioris difficiliorisq; cocturae sint? Itaque ipse illud primò coquendum esse, existimat, quod veluti basis & fundamentum est totius compositi. Nam cum tot tamq; diversa species decoquenda, ut plurimum paucò liquori ab Augustanis destinentur; liquor autem ultra suum posse extrahere nequeat, species potioribus suis virtutibus adhuc turgidas parumq; exinanitas remanere, statuit. Verum non usque adeo de nihilo est, si Pharmacopœi 1. radices, 2. stipites, 3. folia, 4. fructus, 5. semina, 6. flores coctioni committunt, imprimis ubi ad decocta purgantia, cum Zvelfero, ordinem hunc adplicare animus est. Radices enim, uti durioris ut plurimum compagis sunt: ita primò quoque coctioni subjiciendæ erunt; faciliùs econtra folia resolvuntur; quorum virtute extractâ, fructus, ne viscositate suâ, juxta Zvelferi censuram, decoctum ad extractionem minùs efficax reddant (quod fieret, si in principio injicerentur) sequuntur; ultimò semina & flores, quæ uti in purgantibus ferè semper aromaticæ sunt naturæ: sic in fine coctionis addita, eò magis integram virtutem suam conservant.

Negatur autem, in his Augustanorum decoctis specierum molem, liquoris quantitatem superare. Partim enim in iis nec liquoris quantitas, nec qualitas exprimitur; dum species saltem incisæ pro usu servari præcipiuntur: partim verò sufficiens liquoris quantitas, qui potiore virtutem extrahere queat, determinatur. Nam pro *uncia una specierum, liquoris uncias quatuor & drachmas aliquot* sufficere, *Pharmacopœia Regia* in *Clareto hydragogo* pag. 41. ubi *specierum uncia septem, & drachma sex*, cum vini destillati specierumque aromaticarum virtute imbuti *libris tribus*, extrahi jubentur, exemplum subministrat.

Sit autem, quòd tota virtus non extrahatur; tantum verò de eâ remanere, ut *species relictæ potioribus suis virtutibus adhuc turgida, parumq; exinanita* dici queant, facundiæ Zvelferianæ specimen est.

Zvelferus autem primò species, quæ basin constituunt, præsertim catharticas inodoras, dein reliquas crassiores, postremò sub finem coctionis, odoríferas immittendas esse, exigit, immemor illorum, quæ in *primis harum animadversionum Classibus* aliquoties monuit; odorata nimirum sub finem addita partim de vi suâ aromaticâ eidem impertiri; item odorata levi ignis calore stimolata avolare. Unde si quid in hisce Decoctis ab odoriferis, sub finem coctionis injectis, in liquorem transfunditur, parum illud esse, & hoc ipsum, ob vehementiorem ignis calorem in auras mox iterum abire, ex sententiâ ipsius Zvelferi, dici deberet.

Postremò

Postremò species decoctionibus ineptas, mucilaginosas, & inter se repugnantes non conglomerare, sed semper unitati, quantum possibile est, studere, hortatur. Et ejusmodi è speciebus non mucilaginosis, si Diis placet, compositum decoctum, illud *florum & fructuum pectorale Pharmacop. Reg. pag. 89.* exhibet.

Quàm egregiè etiam unitati in medicamentis suis studeat, illa ipsa *Classis octava Pharmacop. Reg.* demonstrat.

HYDROMEL COMPOSITUM pag. 150. è solis aromaticis & odoriferis speciebus constare, adserit, quarum fragrantia in illà ad quartæ partis consumptionem cocturà totaliter exspiret. Præterquam quòd in usu amplius haud sit, hoc *Hydromel* è solis aromaticis & odoriferis speciebus non constat. *Glycyrrhizam* enim odoriferorum ordini, sive quorum fragrantia coctione perit, malè inseri, *Classis XV. animadvers.* docet, dum *pag. 284. 297. 370.* eam ipsam destillationi penitus ineptam, & quæ satis violentam sine virium deperditione coctionem pati possit, proclamat.

Et licet omnis fragrantia specierum odoriferarum evaporaret, (ut de partibus crassioribus remanentibus nihil dicam) non video tamen, quòd tanti momenti statui illa queat; admodum exiguum enim fragrantia erit, quod à *salvia & origani an. Pss. coriandri, anisi an. 3j. cinnamomi 3iss.* tantæ medicamenti quantitati, ad *libras aliquot* se extendenti, accedet.

Quinimo ille, qui medicamenti hujus præparationem adgreditur, probe scit, species istas odoratas in fine coctionis, non in principio, injiciendas esse, prout hoc ipsum à *Zvelfero* quoque observari, *præcedd. animadversiones* edocent.

HYDROMELLIS PURGANTIS pag. 151. animadversiones repetitionem de ordine specierum injiciendarum, & aromatum coctione continent; quorum igitur examen proximè præcedentia subministrant.

Cum hoc etiam *HYDROMEL LAXATIVUM TARTARISATUM ANTIMELANCHOLICUM pag. ead.* coincidit; cujus præparatio, si *melissa, semen anisi & fæniculi*, in fine coctionis l. a. addantur, nil animadversione dignum continet.

Possè autem hoc *Hydromel* aliis diversis modis, & sic quoque illo à *Zvelfero* supposito, confici, nemo fortè negabit.

Caterùm loco *libræ unius tartari unciam unam vel alteram* sufficere existimat; quia tantam *tartari* quantitatem in *libris decem aquæ* dissolvi posse, impossibile judicat. Sit ita, quòd totus dissolvi nequeat; parùm tamen indissoluti remanet; præcipuè cum *tartarus optimè contritus* sumatur, quo ipso facilius ejus solutio procuratur.

Quam

Quam autem quantitatem per *unciam unam vel alteram* Zvelferus intelligit? Si *unciam unam, vel duas*, utique illas duas *uncias* in aqua libris decem dissolvi posse, verum est; ast tunc ejus quantitas omnino augeri debet, cum illa aquæ mensura pluribus, quam *duabus* duntaxat *tartari uncias* dissolvendis apta sit; & ne medicamenti efficacia diminuatur.

Sin plures intelligat, cum quantitatem illam exprimere, maximè necessarium sit, si adcurati Animadversoris, & Pharmacopœorum Informatoris nomen ipsi debeatur, oscitanter eam omissam esse, creditur.

POTUS HIPPOCRATICOS, quorum tres ab Augustanis pag. 152. recensentur, eo elogio maclat, ut *ad delectum potius & gustum muliercularum* adinventos esse eos, proclamet. Non me hic diffundam in explicandis Veterum *Vinis aromaticis*, eorumque usu, ac inventionis ratione; sed illa tantum Augustanorum *Vina Hippocratica* contra Zvelferi cavillationem, defendam. In quibus cum nihil, quod circa præparationem carpere posset, deprehendat, insulam illam animadversionem comminiscitur.

Augustani *Vina* ista ad cerebrum & ventriculum roborandum, spirituum, in frigidis præsertim morbis, instaurationem, & infirmæ coctionis reparationem, commendant. Zvelferus econtra ad gulæ delectamentum, (sic enim vocem: *delectum*, interpretor) & muliercularum gustum adinventum esse, nugatur.

Non quidem negabo, hujusmodi *Vina*, ut palato blandiantur, faciliusque ab ægris nonnullis hauriantur, excogitata fuisse; ast scopus hic secundarius potius dicendus est; cum ille, cerebrum nimirum, ventriculum, viresque roborandi, primus ac præcipuus existat.

Quo ipso Asclepiadeum illud de curatione *jucundè* instituendâ Augustani observant.

Unde Zvelferus hoc frivolo suo judicio, ex illorum se numero esse, quod nihil rectum, nisi quod ipsi faciunt, putant, manifestum indicium præbet. Alibi enim Augustanos, dum jucundum illud, gustum virorum, muliercularumque ægrotantium delectans, in medicamentis non ritè ab iis observari putat, acerbissimè sæpius perstringit. Nunc dum observant, pariter eosdem reprehendit. Quis igitur Momis unquam satisfaciat?

Eodem jure, *Vina Hippocratica Pharmacop. Reg. pag. 92. 93.* ad delectamentum & gustum muliercularum inventa à Zvelfero fuisse, dici poterit.

Licet enim ventriculum & cerebrum confortare, facultates vitales fulcire, & debili coctioni opem ea ferre, ibidem scribat, sicque primarium eorum finem in recensitis hisce virtutibus consistere, innuere videatur; cum tamen similia ab Augustanis producta rejiciat, & deliciarum causâ hujusmodi

Vina excogitata fuisse, judicet; nemo mihi vitio vertere debet, si idem de *Vinis Hippocraticis Zvelseri* judicium profero.

In quibus insuper non levis difficultas enodanda sistitur, quam partium aliquarum odoriferarum jactura monstrat; quia *vino* fervefacto aromata injicit Zvelserus, ac unâ vel alterâ ebullitione factâ coquit. Aromatum enim vis levi etiam ignis calore stimolata, teste ipso Zvelsero, citò resolvitur, inque auras abigitur; cum econtra Augustani suos *Potus Hippocraticos* solâ maceratione, sine violentâ coctione, parare edoccant.

CREMOREM PTISANÆ, inquit Zvelserus pag. 153. mulierculus *coquis* commendamus, quem, ut *sale* condiant, non obliviscantur. ô præclarâ animadversionem, vix typis dignam! Norunt & multæ muliercularum *Sirupos*, aliaque ejusmodi medicamenta parare, Ergo eos mulierculis pariter commendabimus?

Beneficium hoc in labore diminuendo à Zvelsero Pharmacopœis concessum, beneficio rependere, æquum est. Ipse autem pag. 215. animadversus gallos, gallinas, pullosque gallinacos *viperinâ carne saginare*, prolixè & accuratè edocet; quem labore mulieribus & coquis, utpote officio eorum dignum, commendo; & ne *sale* carnem dictam condire, obliviscantur, moneo; quia illud ipsum magna Zvelseri solertia atque prudentia exigit.

Et cum *Pharmacop. Reg. pag. 86.* in *Gelatina caponis* confectioe, quam spartam itidem mulierculis & coquis obeundam commendo, *sale* eam condire, oblitus fuerit; universus mulierum & coquorum grex, qui gelatinam illam paraturus est, admonendus erit, ne *salis* additionem negligat.

Magnopere verò miror, Zvelserum, postquam *pulveres, trochiscos, essentiasque viperinas*, nec non recensitam modò *gallarum viperinâ carne saginationem* tradidit, mox subungere: *Habes hic Lector Benevole, singularia ex viperis medicamenta, hisce meis manibus summâ diligentia elaborata etc.* Quo ipso suis manibus summâ diligentia se perfecisse, laborem tam vilem, tanto Philosopho & Medico indignum, mulieribusque & coquis commendandum, fatetur.

In *Cremoris autem hordei & Prisanæ* præparationes se diffundere, Antiquorum Medici celebratissimi, & qui vestigia eorum legunt, sibi turpe minime duxerunt. Quare nec Augustani, dum quid *Cremor hordei* sit, Pharmacopœis indicant, & propterea falsè traducuntur, ullo modo contristantur.



RESTITUTA

CLASSIS, NONA,

Pulveres Medicatos explicans.

Magnam hac classis, sic animadversiones in eam exorditur Zvelserus, complectitur seriem pulverum medicatorum cum simplicium tum compositorum, in quorum preparatione vix quicquam occurrit, quod singulari correctione aut peculiari animadversione indigeret. Periti enim Pharmacopœi antea norunt, quid prius aut posterius, quæ per se quæq; mixta contundi aut pulverisari possint & debeant, quorum solertia totum hoc negotium relinquo. Magnam seriem Pulverum hic esse, Zvelserus objicit; quorum numerum ad quadraginta octo se extendere, quatuordecim autem eorum, seriem inusitatorum ingredi, certum est. Sed quid multitudinem Pulverum in *Augustano Dispensatorio* capit, qui ipse *Pharmacopœiam Regiam* plus quam quinquaginta onerat?

Cæterum quæ ratione pulverisationis profert, utique adprobo, hanc & confirmiles præparationes Pharmacopœos non latere, haud ignorans; unde *Petr. Poterius Pharmacop. spagy. lib. 3. sect. 3. pulveres omni ferè carere artificio*, benè existimat.

In specie autem C. C, *spodij, gossypij* & similium præparationes alio loco se examinare velle, promittit. Quare eò Lectorem remitto.

Quamquam in hac Classe Augustani non ipsum *gossypium*, sed *semen gossypij* vel *bombacis* vulgariter sic dicti intelligant; ejusdem autem præparatio ubi examini subjiciatur, invenire, per totum Dispensatorium, nequeo.

Folia auri utiliter pulveribus, aliisque compositionibus addi, negat, idque Augustanorum testimonio, ex *Aurèa Alexandrinà Nicolai* desumpto, probat; ubi *aurum* & *argentum* in medicinas additum, opinioni magis, quam intentioni satisfacere, & ad pascendos oculos, ex Arabum luxu, ad conciliandam pharmaco auctoritatem, introductum esse, statuunt; cum calor noster natus nihil virtutis ex ipsis elicere queat. Licet nihil virium medicamentis ab *auro* accedere, *cir. lac.* Augustani innuant; propterea tamen ejus usum non planè à medicamentis eliminant.

Sic *folia auri* si nullam aliam ob causam, elegantiae tamen conciliandae gratia, nonnunquam adhibentur; & ita dum nonnullis *auri* amicis oblectamentum paratur, medicamento quoque jucunditas aliqua conciliatur.

Sic Electuariis confortantibus *folia auri* immiscere, vel eadem uno duplicive foliolo obducere, quidam consuevere.

Pulveres pariter, cordiales imprimis, eadem tolerant, ut *auri* scintillis radiantes aegroto magis arrideant, & dum conceptae vulgi fiducia in aurum hoc modo satisfit, ipsius medicamenti efficacia quodammodo intenditur. Confidentia enim aegri in Medicum & medicamenta quam magnum ad sanandos morbos momentum adferat, nemo nescire potest. Sic foliola illa si v. g. in Pulvere Pannonico rubeo non effulgeant, medicamentum plane inefficax plebs ignara aestimat, & Medicum, Pharmacopœumve inficitiae, negligentiae fraudisve insinuat.

Imò ipse Zvelserus *Pharmacop. Reg. pag. 180. sua Confessione alchermes, ad saturandos vulgi oculos, centum, vel plura auri folia* adjungit.

Pilulae etiam non incommodè deaurantur, tum ut oculis blandiantur, tum amaritiei suam occultent, & ne iterum in unam massam confluant.

Auri foliati usum ad *Mercurium* è corpore educendum proponunt. *Höferus Herculi. med. lib. 8. cap. 2. & Zacutus lib. 2. de prax. med. admir. observ. 127. &c.*

Quin ipsum *aurum foliatum* quòd sine fructu internè exhibeatur, etiamnum hodie non infimi aliqui Medicorum dubitant, dum vel cum calore ventriculi, ipsum quoque ejus fermentum, quod aliquà corrodingi facultate pollet, considerant; vel per irradiationem & singularem cum corde sympathiam agere, existimant. Quam de materiam tractare, hujus instituti ratio non permittit; quin potius Zvelseri sententiam de eà paucis investigare liceat.

Is itaque præter animadversiones, in hac Classe ipsi scriptas, *Pharmacop. Reg. quoque pag. 257. aurum* à debili nostro calore & fermento ventriculi infito actuari non posse, defendit; & nihilominus Pulverem Excellentissimi *Archiatři Antonij de Pořus pag. 377. magno extollit præconio, cui non tantum scobs auri, sed & foliola auri, ob Pulverem Marchionis, admiscetur.*

In hoc si *aurum* spiritus irridiare &c. valet; cur illud in Augustanorum compositionibus fieri nequit? Scilicet, quia sunt Augustanorum; quibus omnibus modis reformandi erant.

Sed egregius ille discursus *Mantiss. spagyr. part. 1. cap. 1. pag. 316. paulò penitus excuti meretur; ibi namque aurum foliatum multo solidioris & compatiioris substantiae esse, scribit, quam ut à calido nostro resolvi, & in actum deduci queat. Aliud tamen de auri scobe intelligendum esse, mox subjungit;*
folia

folia enim auri ad nihil apta esse, nisi ut se tunicis ventriculi insinuent, eundem ad nauseam ἡ ἀπτεῖλαι *concentent, ac cruda tandem segregentur*; præterea parvam eorum molem, dum vix foliolum dimidium unam pulveris medicati dosin ingreditur, *ducenta verò* ἢ *trecenta folia vix scrupulum dimidium constituent*, parum præstare posse, existimat; cum contra *scobis auri scrupulus dimidius, vel integer, pro dosi unâ* propinetur, ejusdemque substantia à stomachi fermento acido subigatur & actuetur, sicque vires præstantissimas exserat. Verùm si *scobis auri* pulverisata, à ventriculi fermento subigi & actuari potest; cur non etiam *folia auri*, quæ multò subtilioris substantiæ, & ita facilioris quoque solutionis existunt?

Accedit parva *foliorum* quantitas, quæ à paucis, nec adeo forti, in morbis cumprimis languido, fermento multò promptius dissolvi potest, quàm magna *scobis auri* moles. Rationi enim quàm maximè consonum est, *dimidium auri foliolum*, quod juxta Zvelferi calculum ferè millesima, *ducentesima pars scrupuli unius*, à Zvelfero pro dosi unâ admissi, est, facilius, quàm tantam quantitatem, solutum iri.

Cæterùm si *auri* solutio in corpore, pro virtute ejus in actum deducendâ, necessaria est, utique illud à *calido nostro* resolvi non posse, Zvelfero largior.

Sed quæso, cur, ubi de *auri foliis* agit, hujus, scilicet caloris, tantum mentionem facit; e contra *scobis* patrocinium suscipiens, omisso calore, de fermento dissolvente (quod calorem non excludit) agit? An saltem in *scobis* exhibitione illud in ventriculo reperitur; in *auri foliati* autem usu planè deest, vel ne agere possit, vinctum detinetur?

De *foliorum* in plicas ventriculi insinuatione, & subsequenter incommo-
dis, è Paracelsi desumptam sententiam, ipsorum à stomachi fermento solutio, nec non experientia refutat; ut ita Sennertus cap. 19. de cons. ἢ diss. Chim. cum Galen. benè scribat: *quæ de incrustatione ἢ inauratione ventriculi ἢ intestinorum, ἢ ita coctionis impedimento obicit Paracelsus, nullius momenti sunt.*

Quòd si magnetismo quodam & irradiatione, uti vult Zvelferus, aurum vires suas in corpore humano exserit, etiam si *folia cruda* iterum segregentur, ni hil tamen contra eorum utilitatem inde concludi posse videtur.

Ducenta vel trecenta foliola vix scrupulum dimidium constitutur, falsum esse, judico; cum potius *trecenta vel quadringenta*, plura vel pauciora, ex uno ducto, sive aureo Hungarico, drachmam unam ferè pendente, educi, artifices aurum in *folia AUGUSTÆ* dilatantes, deprehendant.

Aurum in superficies ita tenues tunditur, ut 1600. folia ex una uncia auri prodire asserant. Verba sunt P. Athanas. Kircheri tom. 2. Mundi subterranei, lib. 12. sect. 5. part. 5. cap. 2.

In adducto autem Pulvere D. de Porz nec scrupulus dimidius, multò minùs

nus integer scobis auri, sed tantum, si dicti pulveris summam etiam dosin, sive drachmam dimidiam ponamus, grana sex dosin unam intrant.

Ambra si pulveri alicui commiscenda, non spiritibus vel aquis destillatis, neque vino, sed guttulis aliquot olei adpropriati, ejus solutionem perficiendam esse, monet. Quanquam Augustani neque aquis destillatis, neque vino *ambra* dissolvere, in hac Classe precipiant; non tamen video, cur hoc fieri nequeat; cum ad normam dissolutionis *moschi*, cum spiritu *rosarum*, aqua aliqua destillata odorifera, vel vino etiam nonnihil dissolvi, in formam particulæ dilui, atque ita reliquo pulveri uniri queat.

Sic *moschi* in pulvis formam cum spiritu *rosarum* reductionem Pharmacop. Reg. pag. 100. vel cum aqua aurantiorum aliqualem solutionem pag. 101. commendatam fuisse, reperio.

Non minus autem commodè *ambra* oleo aliquo destillato, si quod pulveris alicujus compositionem (quamvis in nullo hujus Classis Pulvere, *ambra* cum oleis destillatis præscribatur,) ingreditur, vel alio corpore oleoso subigi & conteri posse, ipse Pharmacopæus peritus haud ignorat; is enim, quæ per se, quæq; mixta contundi debeant, antea novis, cujus solertia totum hoc negotium, consentiente Zvelfero, relinquitur.

Prout ipse pag. 105. Pharmacop. Reg. in Pulvere sternutatorio, enumerationis ingredientibus, interque ea *ambra*, *moscho* & oleo ligni rhodij, præparationem ipsam simpliciter his verbis describit: Fiat ex omnibus Pulvis subtilis; nec *ambra* in oleo ligni rhodij solvendam esse, præcipit.

Quæ contra radicum cum aceto præparationem, præsertim in PULVERE SAXONICO pag. 163. nempe satis sinistrè eas, exceptis *Lanceolæ radicum corticibus*, cum aceto præparari; si verò præparentur, acetum non effundendum esse, profert, non simpliciter adprobare possum.

Aceti enim vires alexipharmacæ in confesso sunt; unde vel hac ratione radices alexipharmacas eodem imbuere licebit.

Per me autem radices aceto maceratas leniter exsiccat, & nil quidquam de aceto, qui volet, effundat; licet ab aceti adfusi parvâ quantitate parum, etiam ex radicibus illis extrahi, & sic parum quoque cum aceto effundi possit; in exsiccatione autem diuturnâ, sive aceti lentâ evaporatione omnem ferè spirituosam radicum substantiam deperdi, fundamenta Zvelferiana evincant.

Augustanis uti Pulvis hic pro obsoleto habetur: ita quoque de præparatione ejus sollicitos se haud præbent.

Quod Scammonij præparationem concernit, illam, sub titulo PULVERIS CHOLAGOGI SIMPLICIS, vel DACRYDII SULPHURATI, ab Augustanis pag. 155. traditam, genuinam nullâ ratione dici posse, statuit, si scammonium supra fumum sulphuris liquefiat; sed potius opus esse, ut absque lique-

liquefactione, lentissimo igne, cum illo suffumigetur; quò diutius enim, addit, *Scammonium fumo sulphuris imbuere*, eò melius istud preparabis & vulgariter quidem corriges, Id saltem unice cavendo, ne liquefcat; alias enim fumus sulphuris ipsum penetrare nequit. Verùm neque hæc censura firmo stat talo.

Quod illa *scammonij* per fumum sulphuris quæ fit, correctio genuina sit, nunc equidem haud propugnabo; mitescere tamen exin fortem illam & acrem operandi vim, certum est.

Augustanorum verò, & eorum, qui ὁμόληποι ipsis sunt, modus multis parasangis illum, à Zvelfero traditum, superat; quem potius destructio- nem *scammonio* minitari, quàm magis genuinam correctionem promittere, mihi persuadeo; ubi illud, quod in *Extracto gummi gamandra* protulit, considero; nimirum spiritus acidus cathartico- rum vim purgantem infringere, figere, & ligare. Cui adserto si hæc *scammonium* præparandi ratio Zvelferi conferatur; ejus vim infringi, figi & ligari, patescit.

Nec enim fumus ille sulphuris aliud quid est, quàm acidum sulphuris sal, quod, humido aliquo interveniente, in spiritum resolvitur; prout hoc spiritus sulphuris campanati præparatio clarissimè edocet.

Hoc itaque sulphuris acido dum *scammonium*, in minutum pulverem re- ductum, longiori tempore suffumigatur, ejusque acidis atomis imprægnatur, non potest non magnam virtutis catharticæ enervationem incurrere.

Idcirco si justò diutius sulphuris fumo calcinetur (sic satis comòdè enim calcinationis vocabulum præparationi huic applicatur) in operatione ignavum redditur; ut perpari in evacuando ampliùs præstare, a Medicis deprehendatur.

Econtra Augustani dum semel liquefactum *scammonium* calcinationi, & spirituum acidorum exhalationi subtrahunt, eò efficacius, & non nisi paucis sulphuris acidis particulis imbutum, usui reservant. Et hæc *scammonij* præparatio coincidit cum illà, quam nonnulli per alia acida moderatè adhibita diversimodè instituerunt, sicque laudabilia medicamenta sibi compararunt.

Sic *scammonij* cum pauxillo spiritus sulphuris vel vitrioli irrotationem, Hartmannus not. in Croll. & Mynsichtus Armamentar. med. chim. sect. 1. per spiritum vini, modico vitrioli spiritu, & tincturà rosarum imprægnatum, solutionem; Quercetanus Pharmac. dogmat. rest. cap. 24. in succo limonum dissolutionem, tradunt.

Adduci hic meretur sententia Helmontij, qui §. 48. Pharmacop. ac Dispensat. modern. talia proferit: *Scammonieam rebus acidis incoquunt, ut mitigent: sed novit jam medentium vulgus sic scammonieam castrari, adeo ut si acido sulphuris vapori exponatur, planè orbatur suà virtute, tantumq; scammonieæ decedere, quantum aciditatis hauserit.* Quod uti de nimio acidis accessu præcipuè dicitur: ita contra Zvelferi sententiam notari potest.

Quanam

Quanam autem *scammonij* præparatio veræ & genuinæ nomine digna sit, dubium quàm maximè relinquitur?

Zvelferus quidem *Animadvers. class. ult. pag. 419.* separationem puri ab impuro, cum multis inutilibus scateat *scammonium* recrementis, venditat; de qua plura in *Mantissâ hermetica* se dicturum pollicetur. Ast nihil ibidem reperio; nisi *resinam scammonij*, pag. 450. obiter traditam, pro *scammonio* verè & genuinè correcto haberi velit.

Ergo vera correctio in partium inutilium, lignosarum, arenosarum &c. nec non extracti non resinosi separationem consistet. Sed prout extractum hoc non resinosum virtute cathartica minimè caret: sic impura *scammonij* pars, & quæ pro correctione impetrandâ separari debeat, dici nequit.

Scammonium quoque non semper partibus ejusmodi impuris scatet, sed nitidum, splendidum, ac clarum se exhibet; quale ad hunc *Pulverem chologogum* recipiendum esse, Augustani per vocem: *electissimi*, indicant.

Tandem in *PULVERE GRYSEO* pag. 160. & *RUBEO CÆSARIS CONTRA PESTEM* pag. 101. quorum uterque in usu non est, *Theriacam*, & *Mithridatium*, ipsumque *acerum* poni, dum observat, impetuosè in Augustanos involat; cum 1. composita compositis hoc modo cumulentur; 2. non quodlibet ex quolibet fiat; & *mel*, ex quo *Mithridatij* ac *Theriacæ* potior pars consistit, *succus sit tenax, qui neque per se neque cum aliis speciebus mixtus, verè in pulverem redigi queat, nisi totaliter comburatur.* Verùm ludicra hæc est, & vix nuce cassâ digna animadversio.

Illud quidem, de compositorum in compositis cumulatione, inferius occasio pertractandi dabitur; hoc verò frivolum admodum est.

Licet enim *mel* per se pulverisari nequeat, aliis tamen rebus siccioribus in debitâ quantitate permixtum, in tenuissimas atomos divelli, non recusat; quod eò facilius accidit, si talis Pulvis leni calore exsicceatur. Quin ipsam *Theriacam* temporis tractu sicciorē quodammodo naturam induere, observatur.

Simile autem ego judicium de nonnullis Zvelferi Pulveribus, in *Pharmacopœiâ Regiâ* descriptis, fero; quorum compositionem, ut alios liquores taceam, olea destillata in largâ satis quantitate ingrediuntur.

Olea verò ista nullo modo in pulverem redigi possunt; nisi liquida eorum substantia cum aliis siccioribus speciebus in competenti quantitate miscetur. Etiam si enim per violentam exsiccationem, vel etiam combustionem, oleorum destillatorum in pulverem reductionem tentare velles, nihil planè impetrares; cum potius in auras evanescant, quàm liquidâ depositâ, in siccam formam se transmutari permittant.

RESTITUTA

CLASSIS DECIMA,

Eclegmata, Sapas, Linctus & Lo-
hoch comprehendens.

DIACODION JOAN. BAPT. MONTANI, ALIÀS
SIRUPUM DE SILIQUIS pag. 166. posse quidem juxta-
modum, ab Augustanis præscriptum, parari, concedit; melius ta-
men fore judicat, si decoctum è solis capitibus *papaveris, siliquis* &
glycyrrhizæ paratum, & ad uncias decem evaporatum, pro *seminibus* prædi-
ctorum *capitum papaveris*, ad pultis formam contundendis, adhiberetur; cui
pulti demum *sacchari libra una cum dimidiâ* adderetur, & solâ dissolutione
Diacodion conficeretur. Utique hoc modo etiam parari potest; sed an hic
modus illo Augustanorum præstet, dubito.

Nec video, quamobrem *semina papaveris* contusa addi debeant; cum
adsignata *aquæ* quantitas, nimirum *libre duodecim*, iisdem etiam extrahendis
sufficiat.

Imò in *Pharmacop. Reg. pag. 109. Diacodio, seu Eclegmate pectorali papa-*
verino, capita papaveris, unâ cum seminibus, coctioni quoque submituntur.

Cum priori hoc, sequens etiam *DIACODIUM SIMPLEX*
GALENI pag. eadem, nec non *ACTUarii* pag. 167. coincidit.

In *DIACODIO SOLIDO PRIMO & SECUNDO* pag.
168. hoc tantum monet, *ne Emulsionem ex seminibus papaveris paratam, cum*
saccharo coquas, sed solummodo eam supra ignem dissolvas, prout in confectioe
Morsulorum ex succo Citri vel Berberum fieri assolet. Licet Emulsio cum
saccharo coquatur, non tamen video, quale inde incommodum immineat,
præcipuè si, prout ars requirit, lenis coctio fiat. Nec enim tanta liquoris
quantitas est, quæ evaporare debet.

Cæterum *Emulsionem supra ignem cum saccharo dissolvere, præposterè ad-*
modum

modum præcipit. Nam emulsio liquidum, *saccharum* autem solidum & siccum corpus est. Hinc *saccharum supra ignem cum emulsione solvere*, necesse est.

LOHOCH DE CAULIBUS GORDONII pag. eadem præparandi rationem saltem addit, nihil in Augustanorum compositione animadvertens.

Nec in *LOHOCH DE FARFARA* pag. 169. quidquam singulare notat.

Ex *LOHOCH DE PAPAVERE MESUES* pag. eadem ingredientibus egregium gluten, & viscum confici posse, cavillatur; præsertim si *Gummi Arabicum* debite prius (uti quidem fas esset,) dissolveretur, & semen *Cydoniorum* etiam extraheretur. Ast cum Augustani nec *gummi arabicum* dissolvant, nec semen *cydoniorum* extrahant, vana est Zvelferi ineditatio, cujus maxima vis in illâ voculâ conditionali: si consistit.

Qua methodo Zvelferi medicamenta resoluta, amplam sanè ridendi materiam suggererent.

Cur *gummi arabicum* necessario dissolvi, & semen *cydoniorum* extrahi debeat, ignorare me, fateor, dum hoc in ventriculo fieri absque difficultate, posse, considero.

Sed opera precium non est, ut in hac, & consimilibus nugacissimis, & rudi Minervâ conscriptis Animadversionibus examinandis calamum conteram.

Nihilominus si *gummi arabicum* solutum atque semen *cydoniorum* extractum fumeretur, glutinosius quidem, non adeo tamen inconcinnum medicamentum obtineretur.

Quis enim nonnullis Practicis usitatissimum esse, ignoret, quòd *Mucilagines* quasdam (ad imitationem priscorum Medicorum) simplices, vel compositas, è seminibus cumprimis, radicibus &c. uti *semin. cydoniorum, psyllij, radic. althææ*, ad acres humores temperandos, tenues incrassandos &c. salutari in agris subsequente effectu, præscribant?

Quæ etiam *Mucilagines* inter medicamenta Eclegmatica communiter referuntur.

Ut ita glutinosa illa medicamenta lambitiva, edulsi adpetitum sedantibus sinistrè comparata, in foro medico benè tolerari queant; nec eorum descriptiones Dispensatoria descedent aut conspurcent; quin potius ritè præparata, & à Medico prudenti exhibita, in honorem Medicinæ, Medici & Dispensatoriorum cedant.

Unde nemo, qui micam eruditionis & prudentiæ medicæ habet, ea ex *Dispensatoris radicibus extirpatas* desiderabit.

Zvelferi

Zvelseri enim, præcipiti atque malevolo animo rapti, solitarium sensum nihil æstimo; cum & ipse *Class. X. Pharmacop. Reg. Diacodia, & Lohoch* è capitibus papaveris, siliquis, passulis, dactylis, jujubis, &c. quæ omnia crassum & viscosum, præsertim si diutius paulò, prout fructus desiderant, coquantur, efficere decoctum, in hætenus examinatis animadversionibus hinc indè edocuit, parare præcipiat.

In LOHOCH PASSULARUM pag. 170. nihil notat
LOHOCH E PINO MESUES pag. cit. præparationem omnino propterea judicio & ratione carere, cavillatur, & 1. quia Gummi Arabicum & Tragacanthum in tribus libris aquæ Capillorum Veneris macerari & dissoluta per cribrum setaceum transmitti, (quod nil nisi crassa & viscida mucilago erit) nec non libris duabus mellis immisceri debeant; qualis indè exsurgat hujus Lohoch durabilis consistentia, querit? Verùm cum gummi arabicum & tragacanthum in aquâ capillorum Veneris soluta, supra lentum ignem, diu rudicula lignea moveri, præcipiantur, eo ipso partem aliquam capillorum Veneris aquæ iterum evaporare, discitur; cujus scilicet major, quàm par est, quantitas, minus durabilem consistentiam Lohoch largiretur.

Præterea non solæ illæ mucilagines, sed unâ cum librâ unâ aliarum specierum, saccharo insuper & melle permixtæ, adservantur; quæ omnia durabiliorem consistentiam huic Lohoch imprimunt.

2. Si utrumq; pergit Zvelserus, Gummi duabus libris mellis commistum sit, & pulveres tenuissimi radicum Iridis, Capillorum Veneris, Glycyrrhizæ, Sacchari & Amyli pariter etiam illis additi & misersi sint, quomodo melli Passularum, in quo succus Liquiritiæ dissolutus sit, ea denuo separatim commiscere debeos? Exigua hîc difficultas. Utrumq; gummi mistum, Mellis Passularum additur. Ubi per *lò mistum* intelligitur, gummi cum melle aliisque pulveribus mistum, quam misturam cum Melle Passularum conjungi posse, reapse patet.

3. Quid cum reliquis ingredientibus, pineis, amygdalis &c. faciendum sit; an ea omnia omittenda, vel in qua formâ addenda sint, querit? Quamquam tam clarè ab Augustanis hoc non determinetur; unumquemque tamen Pharmacopœum, ea non omittenda esse, & qua in formâ addi debeant, minimè latere potest.

Prout si *meisa* & *confusa*, juxta normam *Lohoch de papavere Mesues*, in fine cum reliquo melle addantur, res satis benè peragitur.

Verùm diutius in his, à Zvelsero contra obsoletum hoc medicamentum eructatis, objectionibus tempus terere nolo; sed nugas istas dimitto.

In LOHOCH E PORTULACA, & E PULMONE VUL-

PIS MESUES *pag. 171.* quod singulariter moneat, non invenit. Quâlis liquor, & quantum de ipso pro dissolutione *sacchari* in *Lohoch* è *Pulmone vulpis* præparatione sumi debeat, Zvelseri decisione acquiesco, & quemlibet peritum Pharmacopœum id faciliè nosse, respondeo.

LOHOCH SANUM ET EXPERTUM *pag. 172.* ut ad mentem Augustanorum ori & oculis gratum efficiant, multum se Pharmacopœos torquere, scribit. Licet Augustani ut oculis & ori gratum medicamentum hoc fiat, non repugnent; expressè tamen mentem suam haud explicant; nec ex ipsis Eorum verbis ullo modo demonstrabitur, quòd propriè velint, ut ori simulque oculis gratum evadat.

An verò has dotes habeat, non determino, cum in quonam illa gratia consistere debeat, ignorem.

Impossibile autem esse, ut medicamenta ori oculisque semper arrideant, nemo non scire potest.

Quod nonnullorum præparandi modum, videlicet per destillationem, spectat, missum facio, cum de eo Augustani nihil prodant.

In coctione autem *cinnamomi*, *hyssopi* &c. partes subtiliores licet amittantur; tanti tamen exiguæ illius portionis spirituosæ, in hoc cumprimis medicamento, jactura facienda non est.

In LOHOCH & SUCCO SCILLÆ GALENI, & E SCILLA COMPOSITO MESUES, SIVE LOHOCH AD ASTHMA *pag. ead.* nihil aliud notat, quàm quòd *secundum artem* & *Pharmacopœorum* *judicium* præparari possint. Quo ipso Augustanis consentit, ac illud: *Fiat secundum artem*, (quod si alibi quoque observasset, multarum animadversionum labori supersedere potuisset) Pharmacopœorum esse, indicat.





RESTITUTA

CLASSIS UNDECIMA,

Confectiones seu Species aromaticas edocens.

IN hujus *Classis* Animadversionum frontispicio, vix quidquam quoad præparandi normam corrigendum esse, fatetur. Attamen ne hæc sola virulentam effugiat censuram, unum & alterum, ratione compositionis, exagitandum eligit.

I. Valdopere ipsi displicet prodigiosa ubertas tot tantarumque compositionum, quarum vel paucas, ut publicis Dispensatoriis inserantur, dignas censet. Quod de magno hujus *Classis* compositionum numero iterum hic deblaterat Zvelserus, anili potius contentioni, quam Philosopho, qualis Zvelserus videri vult, dignæ animadversioni simile est.

Cur autem ubertas illa displiceat, nullam aliam causam video, quàm quia ab Augustanis in medium adducta fuit, quos omnibus modis acerbissimè perstringendos sibi proposuit.

Lectori autem Benevolo prodigiosam *Pulverum* ubertatem, in *Pharmacopœia Regia Classe* non à positam, denuo perpendendam sisto.

Quin similem quoque Medicamentorum copiam in *Classe undecimâ Pharmacop. Reg.*, quæ præsentì *Augustanorum Classi undecima* respondet, reperio. Sepositis enim Augustanorum compositionibus non ampliùs usitatis (quæ, respectu omnium compositionum dictæ *Classis*, plus quàm tertiam earum partem constituunt) ideoque typo minori expressis, idem fere numerus usualium supererit, quem in citatâ *Classe undecimâ Pharmacop. Reg.* deprehendere, datur.

Cur verò illæ Augustanorum compositiones publicis Dispensatoriis ut inferantur, indignæ sunt? *Quia ex tantâ*, respondet Zvelserus, *ingredientium inter se repugnantium farragine, sine omni ratione & judicio conglomerata sunt, ut vel uenti nauseam moveant, vel penitiùs perlustranti, risum extorqueant.*

Ego

Ego verò commiseratione ducor, dum in tam perversam, omni ratione & iudicio destitutam, sententiam, Zvelferum seductum conspicio.

Video quidem ingredientium repugnantiam, & sine ratione conglomerationem obijci; ast non probari.

Namque illa, quæ mox subiungit, nil quidquam horum probant; dum scribit: 1. *quippe integræ & proluxæ satis compositioni aliquando ingredientis cujusdam drachmam unam vel alteram adjiciunt, à qua totum compositum vel refrigerandi, calefaciendi, siccandi vel humectandi virtutes mutuari debet; cujus tamen vel libra à quovis homine comesta, vix ullam in dictis qualitatibus causabit alterationem.* Hoc iterum facile quidem dictum est; probatione tamen adhuc indiget; qua datâ, quid subsit, demum videndum erit.

2. *Si exacta computatio institueretur, quantum de uno vel altero ingrediente, in quod illi ingentem spem vel refrigerandi, vel calefaciendi, aut roborandi collocant, in quamvis dosin redundaret; certo inveniremus, quòd aliquando vix granum, ne dicam quarta vel decima pars unius grani dosin ingrederetur; cujus tamen vel uncia integra, vel drachma de aliquibus plus minusve, cum emolumento agri, propinari posset.* Sed neque hæc obiectio alicujus momenti est. Augustani enim in his medicamentis plura eundem in finem conspirantia, ingredientia ponunt; quorum efficacia, sive vis refrigerandi, calefaciendi, vel roborandi, ex unitis istis resultat; quæ superstitiosè ab invicem separari non debent.

Econtra si singula seorsim in eâ dosi, qua quamlibet totius compositi dosin ingrediuntur, sumerentur, & Augustani ingentem spem in tam parvam simplicis alicujus dosin collocarent, tunc majori jure eos petere posset Zvelferus. Ast cum id non fiat, futile Zvelferi argumentum sponte concidit.

Idcirco etiam, quod adducit lapidis badzhardici, sive uti vulgò dicitur bezoardici, nec non margaritarum orientalium exemplum, nihil evincit; quorum simplicium non semel integras drachmas pro dosi à Mercatoribus insigni cum emolumento ægotantibus porrectas fuisse, testatur, subjungens: *Ecquis autem Medicorum ausit scrupulum dimidium dictorum medicamentorum transgredere?*

Lapidem badzhardicum hîc in medium adduci, miror; cum is per universam hanc Classem ne quidem nominetur, taceam, quòd præscribatur.

Non quidem impugnabo, talia medicamenta in majori dosi, & ad integras drachmas exhiberi nonnunquam posse. Indè tamen, Augustanos in Speciebus suis aromaticis granum unum &c. perlarum pro dosi unâ adientes errasse; & perlarum &c. dosin drachmis circumscribendam esse, mi nimè sequitur.

Neque

Neque enim, uti jam dixi, *perla* solæ &c. in istis Speciebus præscribuntur; sed cunctæ cum aliis ingredientibus, eundem ad scopum directis; id quod eò frequentius à Medicis observatur, quò majori precio istiusmodi simplicitia præciosa veniunt.

Nec valet consequentia: hic, aut ille *margaritarum drachmam unam* cum fructu absorpsit. Ergo tam magna dosis earum ubique esse debet.

Zvelfero autem quarenti: *Ecquis Medicorum auste scrupulum dimidium dictorum medicamentorum transcendere?* facile aliquot excellentium Medicorum sistere licet, qui *lapidis badzhahardci* dosin ultra *scrupulum dimidium* extendere ausi fuerunt.

Hieronym. Mercurialis cap. 23. de pestilent. summam hujus dosin *drachmam unam* constituit.

Jacobus Primerosius, imò, inquit, firmiter credo, posse ad *drachmam unam* innoxie assumi, tam benignum atque innocens est remedium, *lib. 4. de vulgi in medicinâ errorib. cap. 37.* ubi etiam eundem à *Fumanello* ad *drachmam unam* commendari, prodit.

Zacutus Lusitanus lib. 7. de Medic. princ. hist. observ. 34. hæc habet: *in diuturnis & aliis non ita acutis & periculosis morbis, septem aut octo grana exhibere salubrius est. Si verò suâ acutie malitiâq. urgeat affectus, multo majorem quantitatem porrigere non dubitamus.*

Et observat. *seq. 35.* nec non *lib. 3. de prax. medic. admir.* unam alteramque ad *drachmam integram* feliciter exhibiti lapidis hujus observationem adducit.

Nonnullos ad grana triginta propinare, ex *Casalpino Bauhinus de lap. bezoar cap. 34.* refert.

Diomedem Amicum lib. de peste cap. 46. sapius ad grana viginti quatuor in peste dedisse; *Richardum, scrupulum unum* atque alterum in sanis absque periculo aut noeuimento adsumi, statuere; multos ad grana duodecim adscendere, ex *Bauhino l. c.* patet.

Indiscriminatim tamen dosis adaugeri non debet, sed morbi, ægri &c. diligens habeatur ratio.

Hinc nullo modo argumentari licet: *lapidem badzhahardicum* cum emolumento fuisse aliquando ad *drachmam unam* exhibitum, observatum, fuit. Ergo risit excipiendi sunt illi, qui parvâ ejus dosi paucisque granis nonnunquam contenti sunt.

Aliàs regerere liceret: Parvam illam dosin profuisse, plurimæ observationes à Præcicis consignatæ testantur. Ergo exhibilandi sunt illi, qui magnam ejus dosin, *drachmamque integram* aliquando propinant.

Non

Non adeo dissimile exemplum opium sistit, cujus granum unum, duo, tria &c. cum emolumento ægri multoties præscribuntur; sed cum non semel, ultra scrupulum unum absque nocumento adsumtum fuisse, observetur; isti, qui parvam illam, uti par est, dosin sectantur, risu pariter excipiendi forent; in quem tamen nemo prudens solvetur.

Itaque dosis illius alexipharmaci diligentiori perpendatur examine. Multos namque, ut verbis Petri à Castro de febre maligna punctulari sect. 8. S. 13. pag. 185. utar, vidimus, qui hujus sine ullo delectu ingentem granorum copiam exhibentes, tantum abest, ut quicquam profuerint, quin potius in ruinam inemendabilem egerint miseros languentes, auxilium insamantes, quod aliis fuisset saluti.

Sic quoque scrupulum dimidium perlarum pro dosi audere Medicos transcendere, nemo nisi in eorum libris planè hospes negat.

Jul. Cas. Claudinus de ingr. ad infirm. lib. 2. sect. 2. cap. 22. ad scrupulum unum usque dari posse margaritas, adserit.

Crato in consil. de peste, ad scrupulum unum, scrupulum unum & dimidium, imò scrupulos duos easdem præscribit.

Plures alios, brevitatis causâ, omitto.

En itaque Medicos, qui scrupulum dimidium dictorum medicamento- rum transcendere audent!

Verùm nec ipsè Zvelserus designatam modò nominatorum simplicium quantitatem transcendere, quandoque ausus fuit; v. g. Pharmac. Reg. pag. 97. in Pulvere contra abortum; cujus dosin, sive drachmam unam, margaritarum saltem grana duo cum dimidio circiter ingrediuntur; pag. 98. Pulveris bezoardici primi dosis, vel drachma una, ferè tantum grana sex lapidis badzahardici occidentalis recipit; pag. 115. Specierum cordialium solarium & alexipharmacarum dosin summam, parum ultra grana duo lapidis badzahar. orientalis & occidentalis, ac margaritarum granum unum cum dimidio circiter solum ingrediuntur.

Quid de Pulvere Excell. DN. Antonij de Poëis supra jam citato, dicam? Cui laudes suas in dubium vocare equidem nolo; hoc tamen tantum notans; quòd ejus dosis una, sive drachma dimidia, nec integra grana quinque dicti lapidis, nec margaritarum granum unum contineat; & tamen multa præclara specimina, ægros juvando, cum eo edita fuisse, ac magno successu deploratis eum succurrere, dicitur.

De Theriacâ, quam pariter exempli loco adducit, hic quidem disserendi non est locus; cujus nimirum in totâ hac Classe nullibi mentio facta fuit; sed unciam dimidiam de eâ, observatâ ægri naturâ, aliisque necessariis circumstantiis, quandoque exhiberi posse, non negabo.

Quamvis

Quamvis propterea illi, qui *drachmam unam* pro dosi statuunt, nullo modo culpari possint.

Scilicet ubique prudentia medica accedat, necesse est; cum vel in parvâ quantitate nonnunquam haud profit, vel in largâ obsit; qualem de *Theriaca*, in nimia quantitate sumtâ, observationem *Philippus Salmuth observat. medic. 51. centur. 1.* suggerit.

Interea licet *Zyelferus nunquam viderit Medicos ultra drachmam unam Theriaca adscendisse*, in eorum tamen scriptis legi potest, quod Medici quandoque ultra *drachmam unam* adscenderint.

Eôn Sina lib. 1. fen. 1. tract. 1. Theriacam aurei pondere, quod drachmam unam excedit, propinatam commendat.

Theriaca aut Mithridatij, scribit *Rodericus à Fonseca cap. 17. de sanitate tuendâ, drachmas duas cum vino generoso adsumere à veneni potu decet, & post duas horas repetere, quò veneni vis frangatur.*

Alios, qui *drachmam unam* præscripsisse conspiciuntur, dosin hanc certis in casibus aliquoties repetendam esse, innuisse, constat. Conferantur *Damoderatus de dosi Theriaca verba*, à *Galeno lib. 1. de antidotis cap. 16.* notata.

II. Inconcinnum & absonum vocat, composita compositis cumulare; quod tamen ab Augustanis in hujus *Classis* compositionibus factum agnoscit; & exempli loco tum *TRAGÆAM GROSSAM CUM TABULATIS pag. 193,* tum *CONFECTIONEM PECTORALEM pag. 192.* adducit.

In hac notat: 1. ultra species simplices ipsi destinatas, *Species diatragacanthi frigidi & Species diaireos*, hasque iterum dictas *diatragacanthi Species* ingredi, ut ita *radices liquiritia, saccharum, tragacanthum & gummi arabicum* ter, *radices iridis florentina* bis confectiioni huic distinctim addi debeant. Ast non video, quid absurdi hoc involvat; quin potius absurdi sunt, qui hoc in genere absurdum vocant, nec unum ingrediens ab altero, ratione alterius compo siti, ingrediente, in virtute augeri considerant.

Istæ etiam *Species diaireos* non propter hanc *Confectionem pectoralem*, nec *Species diatragacanthi frigidi* propter utrumque illud compositum saltem in officinis parantur; sed jam antea alios in usus quoque prostant.

Si autem inconcinnum est & absonum, composita compositis cumulare, quilibet, qui ingredientia compositionum nonnullarum *Pharmacopœie Regie Zvelferi ad computationem reducere non gravabitur*, haud difficulter ibidem quoque absonum illud agnoscer.

Exemplo in præsens esto unum alterumque illorum medicamentorum; nempe *pag. 125. Confectio pectoralis*, quam ultra species simplices ipsi destina-

tas, *Species diaireos, Essentia rosata saccharina, & Elaeosaccharum anisi ingrediuntur*, ita ut *saccharum quater, radices iridis florentinae ter, radices enulae & liquiritiae bis* huic confectioni distinctim addi debeant. Sic quoque pag. 130. in *Trochiscis cephalicis, saccharum sexies, aqua rosarum ter* ponitur; pag. 132. in *Pastillis pectoralibus secundus, saccharum canarium, radices iridis & liquiritiae ter, aqua rosarum bis* separatim additur.

2. In resolutione *Confectionis hujus pectoralis* ad calculum revocatâ, turpiter iterum impingit, atque ut irritus ipsius magnus in calculando labor, de quo conqueritur, fiat, efficit.

Et quidem *Liquiritiae* 3j. gr. ivss. circiter, non 3j. gr. v. hanc compositionem ingrediuntur; *tragacanthi* 5j. gr. xvss. præter propter, non 5ij. gr. xijj; *gummi arabici* 5j. & gr. iijss. incirca, non 5j. gr. xvij; *sacchari penidij* 5ij. gr. xijj. circiter, non 3ss. gr. xvj; *seminum quatuor frigidorum majorum an.* gr. ivss. non an. gr. iijss.

Ubi Lector Amicus simul notet, in *Speciebus diatrageanthi frigidi, radicem liquiritiae, & seminum quatuor frigidorum majorum pondus anaticum*, præscribi; dentâ ergo illâ radicis liquiritiae drachmâ unâ, quæ per se *Confectionem pectoralem nostram* intrat, reliquum pondus necessariò cum pondere cujuslibet seminis frigidi majoris convenire debere; Zvelserus autem *radic. liquirit.* gr. v. & cujuslibet seminis gr. iijss. ponit.

Et hæc est illa exactissima & diligentissima resolutio, quam in compositionibus, quas composita ingrediuntur, in *Electuarij rosati Mesues animadversionibus* pollicitus fuit.

Sed neque hic finis errorum; ulterius in *Arithmetica leges* peccat; postquam enim singulorum ingredientium *Confectionis pectoralis Augustanorum* (omissio tamen, nescio qua de causâ, nisi fortè ex negligentia, *semine papaveris albi*) rudem dedit resolutionem, sic pergit: *Hujus compositionis nunc summentis dosium computatio instituat*, non 3xxij, sed 3xxj. 3vij. 5j. gr. iv; & siquæ insuper illa omissa *grana sex, & quod excedit, seminis papaveris albi* accedant, 3xxj. 3vij. 5j. gr. iij. fere calculus exhibet. *Augustanorum autem* compositio 3xxj. 3vij. 5ss. continet.

3. Positâ nunc medicamenti præsentis dosi uncia dimidiâ, totius autem 3xxij, sive dosibus quadraginta quatuor; quantum de *camphorâ, saccharo penidio, seminibus quatuor frigidis majoribus, & amylo dosin unam* ingrediatur, nimis curiosè enumerat.

At si præterquam quòd ratione *sacchari penidij* iterum cæcutiat, dum ex proprio suo, modò producto fundamento, *sacchari hujus granum unum* quam-

quamlibet dosin intrare perhibet; cùm potius granum unum *est* vigesima secunda pars grani unius intret, nihil singulare hîc deprehendo; cùm v. g. non saccharum penidum, vel semina sola, sed aliis ad unum scopum collimaribus simplicibus juncta hîc præscribantur.

Verùm sic Augustani, cùm aliud non suppeteret, oppugnandi erant; qui tamen eundem in scopulum impegisse Zvelferum, mirantur, & quin toto pectore rideant, vix se continere valent.

Exempli loco sint *Morselli vel Rotula pectorales Pharmacop. Reg. pag. 125.* descripti, quæ tota compositio si $\frac{3}{4}$ xvss. contineat, & dosis una, uncia dimidia existat; camphoræ (utpote quæ *Species diaireos*, ad hos Morsellos expectitas, ingreditur; species autem istas pondus unciarum decem, *est* drachmarum duarum habere, suppono) grani unius decima circiter pars, olei fœniculi grani unius septima circiter pars, amyli grana tria cum dimidio ferè, resinæ styracis grana quatuor incirca, & croci grana duo præter propter unicam dosin ingrediuntur.

4. Elibratâ sic parvâ admodum camphoræ, sacchari penidij, amyli &c. pro singulâ dosi quantitate; de saccharo penidio, cujus granum unum dosin unam Confectionis pectoralis Augustanæ continere, scribit, ita quarit: Sed quæso, nonne infantes, Sacchari Penidij unciam dimidiam sapissimè, *est* unicâ vice sine nocumento lambunt, nihil enim aliud ipsum est, quàm Saccharum purissimum, nullâ re permistum, sed saltem manualibus operationibus friabile redditum, quæ $\frac{3}{8}$ ss. continet 240 gran-: Illud infantes interdum in tantâ quantitate, licet non semper absque nocumento, lambere, quis dubitat?

Ast non nisi ratione manualis operationis à saccharo purissimo differre, adhuc probari debet; de quo in *Sirupo capillorum Veneris composito pag. 28.* actum fuit.

Tam frigida autem hæc est Zvelferi objectio, ut vel indoctus eam solvere possit. Sic v. g. vinum nonnunquam in medicamentum ad $\frac{3}{4}$ j. $\frac{3}{4}$ ij. $\frac{3}{4}$ ijj. recipitur; quale exemplum *Pharmacop. Reg. pag. 47.* porrigit; sed quæso, nonne frequenter aliquot ejus uncia sine noxâ hauriuntur? nonne Baccho dicata gula sapissime uno die multas vini libras sine nocumento ingurgitat? Et tamen parvula ejus quantitas languentem sape in vitam revocat.

Sed saccharum repeto, cujus nec quidem grana duodecim pro unâ dosi five drachmâ in Pulvere contra vermes primo *Pharmacop. Reg. pag. 97.* præscribit; & pag. 125. *Specierum cephalicarum* similiter dosi uni non grana sedecim destinat; Et tamen pueros, atque adultos sapissime integras uncias sine nocumento deglutire, videmus.

Eodem robore pollet, quod de amylo adfert, cujus dosin parvam in Con-

seccione pectorali August. cārpit; quia illud (cū sit farina tritici purissima) infantes quotidie sat largiter, cum lacte in pultriculam redactum, adsumere monet. Ast amyllum à farina tritici, molendinæ ope paratâ, distare, ejus præparatio, quæ ad modum confectionis *Fecularum* instituitur, Zvelserum docere debuisset.

Sed his non consideratis, in parvâ tamen quantitate medicamentis, (cū medicamentariam vim quoq; possideat) admisceri non debere, haud sequitur.

Quia tamen in Augustanos animadvertendum fuit, siculneum hoc argumentum pariter adduci debuit.

Ast miserum Zvelserum, qui suis paulò antea productis *Morsellis* pectoralibus *Pharmac. Reg. pag. 125.* amyllum in parvâ mole ipse addidit; sic ut nec integra grana quatuor amyli unam morsellorum dosin ingredientur!

Parvum quoque amyli pondus pro singulâ dosi in *Diadocio* pectorali *solido Pharmacop. Reg. pag. 109*; in *Lohoch* pectorali *pag. 110*; atque *Lohoch sano* & *experto pag. 111.* occurrit.

Nunc quoque, sed breviter, *Tragea grossa cum tabulatis* perlustranda est, in quam dum inter cætera ingredientia, *drachmæ sex Tabularum aromatici rosati* recipiuntur; has viginti quinque circiter grana *Specierum aromatici rosati* continere, statuit, quæ sint scilicet centesima pars totius compositi, scilicet *Aromatici rosati*. Verùm malum *Arithmeticum* hic etiam agit. Istæ enim *drachmæ sex Tabularum* non grana viginti quinque circiter, sed scrupulos duos, sive grana quadraginta *Specierum aromatici rosati* complectuntur; si juxta Augustanorum monitum, quod in hujus *Classis* principio habetur, pro *drachmâ unâ specierum, uncia una sacchari*, ad formam solidam, qualem *Tabulæ* præ se ferunt, parandam accipiat.

Hoc igitur Zvelseri suppositum quia claudicat; alterum quoque, quod huic superstruit, adsertum falsum est; videlicet quòd illa *Specierum* quantitas ad *drachmas sex Tabularum* expetita, centesima circiter totius compositi, scilicet *Specierum aromatici rosati* pars sit; cū potius septuagesimam secundam earum partem esse, calculo facile explorari queat.

Falsum etiam est, *drachmam unam* hujus *Trageæ grossæ*, quæ è *drachmis octuaginta duabus* constat, dimidium granum cum dimidio quadrante unius grani *specierum dictarum* continere, quia paulò minùs, quàm dimidium granum earum in se recipit.

Non minùs in computatione iterum aberrat Zvelserus, dum *Trageam* hanc uncias octo *drachmasque* quinque habere, scribit; cū uncias decem & *drachmas duas*, vel is, qui prima *Arithmetica* fundamenta addiscit, computando eruere sine labore valeat.

Sed hunc maxumè admirandum Zvelferi calculum remitto, indignum sanè, ut prolixius de eo differatur.

III. Fructus, uti passulus majores, dactylos, caricas pulveribus, videlicet obsoletis illis *SPECIEBUS DIAHYSSOPU NICOLAI* pag. 181, *DIAREOS SALOMONIS* pag. 182, & *DIAPRASIU NICOLAI* pag. 188. immiscere Augustanos, objicit, quorum, scribit, si pariter exacta (scilicet uti præcedens) computatio fieri deberet, quot granis putas enumerati fructus, quamlibet dosin ditarent? Hinc melius fore judicat, fructus illos recentes per se ægroto offerre, non exsiccatos, inque pulverem contusos. Si fructus tales per se solos paucis istis granis demensos agris commendarent Augustani, aliquid memoratu dignum objiceret Zvelferus; sed quia mistos cum aliis ingredientibus, eorum virtutem adjuvantibus, proponunt, iniquum nimis se præbet, & animadversione se ipsum dignum æstimat.

Quoties namque fructus, utpote amygdalas, pineas, pistacia in Pharmacopœia Regiæ Confectionibus suis immiscet, videlicet Speciebus diaireos, Morfellis cephalicis secundis, confortantibus virilibus, confortantibus primis & secundis, stomachicis & pectoralibus? quorum si pariter exacta computatio fieri deberet, quot granis putas enumerati fructus quamlibet dosin ditarent? Anne melius foret, fructus illos cœu palato satis gratos, ita per se recentes esse, quam vel pulverisatos, vel alio modo rebus aliis commixtos ægotantibus propinasse? Si enim singulorum modò enumeratorum Zvelferi medicamentorum dosis uncia dimidia statuatur, una dosis, v. g. Specierum diaireos nec integrum scrupulum pinearum; Morfellorum confortantium virilium non scrupulum dimidium pistaciorum & pinearum; Morfellorum stomachicorum paulò ultra scrupuli semissem amygdalorum dulcium; Morfellorum pectoralium non grana duo pinearum capiet.

IV. Miratur Zvelferus, quòd tantas tamq̃ eximias virtutes rebus tam levissimis attribuerint Augustani, quæ loco alimenti vel cibi passim assumuntur, & in centupla majori quantitate, quam communiter his speciebus permixta, pro dosi propinentur. Miror Zvelferum, quòd tam levia in medium adducat. Prout enim de fructibus illis in paulò præcedente discursu reformatis, videlicet passulis majoribus, dactylis & caricis cum loqui existimo: ita si Augustani de iis dicant, quòd pectori conducant & tussientes sublevent; non video, quid tantà admiratione dignum proferant; nisi propter hoc ipsum. Creatoris, in rebus etiam istiusmodi, quas levissimas ille vocat, erga homines benignitatem, fructus istos non tantum alimentariâ, sed & medicamentoriâ virtute exornantem, mirari quis velit.

Pollere autem dictos fructus facultate istâ, effectus ipse, præter innumera Medicorum suffragia, comprobat.

Licet etiam alimenti vel cibi loco in largâ quantitate adsumantur; propterea tamen virtutes medicamentosas ipsis inesse, nemo prudens negabit.

Alimenta enim considerantur, vel ut simpliciter alimentosa, vel ut medicamentosa simul; sicque *Passula* majores &c. etiam si nutriendi vi pollere dicantur, vim tamen alterativam quoque obtinent.

Sed quia mirandi ansam subministrat Zvelserus, mirabor & ego, quod Zvelserus *tantas tamq[ue] eximias virtutes passulis majoribus, dactylis & caricis attribuerit, qui tamen fructus, loco alimenti vel cibi, passim adsumuntur, & in centuplâ majori quantitate, quam Zvelserus eos in medicamento pro dosi propinat.* Si vel unicum *Loboch sanum & expertum Pharmac. Reg. pag. 111.* quis intueatur, *passulas majores, dactylos & ficus* in eo positos observabit; quibus *pinex atque amygdala*, quæ pariter alimenti loco passim adsumuntur, juncta majorem mirandi occasionem præbent.

V. *Seminis cymini cum aceto*, pro *DIACTYMINO NICOLAI* pag. 178. & *DIASPOLITICO GALENI* (non *Nicolai*) pag. 179. præparationem planè destructoriâ adpellat, & illegitimam, cum nullus veneni aut alterius qualitatîs nocivæ, correctione indigentis, particeps sit; ejus autem non præparati frequens usus in cibis condiendis existat. Unde nihil præstare putat, quia virtute carminativâ destituitur, præsertim in exigua dosi, qua in medicamento illis propinatur. Quæ consequentia? *Cuminum* nullius venenatæ vel nocivæ qualitatîs particeps est; Ergo cum *aceto* malè præparatur.

Non solum res illæ præparationi destinantur, quæ venenum vel aliud quid noxium in se continent; sed & multa aliæ.

Sic *Dan. Sennertus Institut. medic. lib. 5. part. 3. sect. 2. cap. 9.* macerationem fieri statuit; ut 1. vis medicamento extrahatur; 2. ut nonnullorum malignitas corrigatur; 3. ut vis medicamento intendatur; prout radices aperientes *aceto* macerantur, ut vis incidendi augeatur; 4. ut dura emolliantur, atque ad coctionem præparentur.

Sic *Bolos vel terras medicinales* cum *rore majali*, decoctis nonnullis &c. imbuiere & exsiccare, ipse Zvelserus præcipit, non pro nocivâ aliquâ qualitate ipsis adimenda, sed ut *majoribus virtutibus impregnet.*

Augustani autem causam illius cum *aceto* macerationis cum non adsignent; illam nocivæ alicujus qualitatîs correctionem tam audacter pro
verâ

verà venditare, haud decuit; quanquam ob tertium à *Sennerto* positum scopum eam fieri, credibile sit.

Istà verò cum *aceto* maceratione vim *cymini* carminativam destrui, Zvelferus minimè probat.

Si ab *aceti* substantià hoc deduxit; libenter modum, quo *acetum* hoc præstare queat, scirem.

Si ob insequentem macerati *cymini* exsiccationem; aliquam virtutis carminativæ partem in aërem abire, equidem concedo; ast omnem *planè destrui*, pernego.

Sin *acetum*, quo *cyminum* maceratur, effundi & separari, ac cum eo vim quoque carminativam abjici, existimat, fallitur; dum *cyminum* unà cum *aceto* exsiccatur.

Neque etiam tanta *aceti* quantitas sumitur; modicum enim ejus sufficit.

Ubi *Sennerti d. l.* de liquoris ad macerationem adhibendi mensurà sententiam notare decet, dum magnam rerum infundendarum diversitatem, nec scopum semper eundem esse, pronunciat.

Licet in condiendis cibis *cymini* non præparati usus sit; propter tamen pro ejus usu medico præparari non posse, nemo concludat.

Qui tamen *cyminum* non præparatum dictis quoque speciebus, loco præparati, addi posse, existimant, illis litem non movebo.

V.I. In *gemmarum & lapidum preciosorum*, pluribus *Classis hujus* compositionibus additorum, usum communem invehitur; quia *Adamantem*, subtilissimè etiam tritum ac levigatum, prout & *vitrum*, nihilominus ventriculum atque intestina successu temporis terebrare, aut ad minimum exulcerare, connatumque eorum mucorem abradere, & consequenter vel mortem ipsam, vel saltem malum corporis habitum, ob viciatam exinde ventriculi coctionem, inducere posse, arbitratur. Hinc simile quid ab aliis gemmis & lapidibus durioribus, *crystallo*, *smaragdo*, *saphyro*, *rubino* &c. metuentum esse, putar; utpote quæ digestionis penitus subjecta non sint, & caloris nostri nativi imperium penitus respuant. Eos tamen in medicinâ prorsus inutiles esse, nec ex amicis suis virtutibus pollere, haud existimat; si ritè & debito suo menstruo in liquorem resoluti agris propinentur, aut externè periaptorum adinstar, adhibeantur. Sed prout illud, quod de *Adamante*, cujus usum medicum Augustani nullibi tradunt, eidemque ad ornatum & pompam potius locum relinquunt, aliorum vestigiis insistens, profert, maxime dubium adhuc est: ita & quod huic fundamento innititur, adsertum vacillat.

Historia à Garcia ab Orta lib. 1. aromat. & simplic. medicam. histor. cap. 47. producta, & integri, & in scobem comminuti adamantis innocuum usum propugnare videntur.

Nullus, modò citatus Garcias scribit, est in medicinà usus; tametsi invenerim medicos indigenas, qui eum per siringam in vesicam inficiebant ad confringendum calculum. Per os verò amplius non exhibent, quoniam erronea quædam persuasio in vulgus pervasit, deleteria facultatis esse, si intro sumatur Adamas, ob suam tenuitatem & penetrandi vim, qua intestina perforaret scilicet: cujus opinionis etiam video esse aliquot è recentioribus medicis.

Sed vanam esse persuasionem hanc, repetit, & Ethiopes Gemmariorum servos se novisse, refert, qui Adamantes deglutierint, atque deinde sine aliquo nocumento cum excrementis ejecerint.

Mulierem etiam quandam marito antiquà dysenteria laboranti gemmarum illius scobem per multos dies sine ullâ noxâ propinasse, memorat.

Anselmus Boëtius de Boode lib. 2. de gemmis & lapidibus cap. 4, quem etiam Zvelserus hic citat, adamantis scobe Paracelsum sublatum, discipulos ejus venditare, scribit, fortassis ut ipsius imposturam tegant. Nam cum ille vitam perennem vel longævam medicamenti suis promississet, in flore tamen virili extinctus est. Commodior sæpe fingi non potuit ratio eà, quæ ab Adamantis pulvere sumitur, quem ajunt, non quia venenum est, sed quia duritie intestina corrodit, interficere. Contrarium tamen Boëtius defendit, & nec qualitate manifestâ primâ, vel secundâ, nec occultâ interficere, concludit.

Sed litem hanc meam non facio, nec materiam illam tractandi locus hic suppetit.

Posito itaque, omne id, quod de Adamante recenset Zvelserus, ita se habere, non tamen illud ipsum de reliquis gemmis adfirmare, pariter licet; quæ nullo modo tantâ, quantâ Adamas, præditæ sunt duritie, neque tam asperis angulis, ob quorum vim terebrantem & exulcerantem mors, vel malus corporis habitus induceretur, horret.

Crede mihi, vanos res habet ista metus.

Terror in his ipso major solet esse periculo.

Testes advoco tot hominum myriades, qui similibus gemmis lapidibusque durioribus, eo, quem Augustani describunt, modo præparatis, sine ullo damno, sed potius cum emolumento, aliis rebus, prout in hac Augustanorum Classe videri potest, permistis usi fuerunt, & adhuc indices utuntur; qui exemplo suo frivolas istas objectiones, labili fundamento innixas, funditus evertunt.

De reliquis durioribus corporibus, Augustæ inusitatis, vel medicamen-
ta *Classis præsentis* usualia non ingredientibus, agere, supervacaneum esset.

Si verò quis, cum Zvelsero, illorum lapidum usum damnet, quia di-
gestionem penitus subiecti non sunt, & calor noster nativum imperium omnimodè
respuunt, longè is aberrare videtur. In tenuissimum namque & impalpa-
bilem pulverem per præcedentem præparationem redacti si exhibeantur, à
potenti fermento ventriculi (quod aurum solvere posse, Zvelserus in *princi-
pio Mantiss. spagy.* credit) quodammodo eos dissolvi, propugnari fortè
posset; cui fermento calor natus auxiliatrices largitur manus; solus enim
nullum utique in eos, quò substantiam ipsorum solvat, imperium obtinet;
propterea tamen, fermento ventriculi unitus, potentiâ in dura ista corpora
aliquid moliendi haud destituitur.

Sed omnium optimè ipse Zvelserus gemmarum per os exhibitarum,
efficaciam probandi medium suggerit; dum gemmis externè periaptorum
instar adhibitis virtutes eximias adtribuit. Ubi si quid operando valent,
necessè est, ut aliquæ subtilissimarum atomorum ex dictis gemmis separen-
tur, perque cutis poros in corpus intromissæ virtutem suam exferant; vel ut
ab illis, quod pravam vitiosumque in corpore est, attrahatur, sicque è cor-
pore educatur. Quodcunque horum sit, gemmæ propinatæ eodem agen-
di jure gaudere debent; si enim per emissionem salutarium atomorum a-
gant, in ventriculo cur eadem emissio fieri nequeat, nihil obstat. Sin per
receptionem vitiosarum atomorum efficaces fiant; neque in ventriculo illa
deerit, ubi dein unâ cum substantiâ gemmarum per alvum iterum excer-
nuntur.

Quilibet tamen de lapidum horum virtute medicâ, quod velit, per me
sentiat. Mihi Zvelseri objectiones refutasse, sufficit.





RESTITUTA

CLASSIS DUODECIMA,

Trochiscos enodans.

Magnas denuo hac in *Classe*, magno conatu nugas agit, atque tot ac tantas huic *Classi* inconcinnas esse insertas compositiones, quæ non minùs ac illæ *prioris Classis* explosionem mereantur, garrit, paucis saltem exceptis, *Trochiscis* nimirum *sublingualibus*, *Bechicis albis*, *rubris*, & *nigris*, *usui* medico interno destinatis, & quæ *suffimigiis* inferire possunt, de *Benzoë*, & *Alipta moschata Nicolai*. *Reliquas* autem *compositiones omnes* ob quam singularem rationem in hanc formam redactæ sint, se non videre, fatetur; cum I. si in usum trahi debeant, sub hac formâ exhiberi nequeant; quia I. *tragacanthum* eos durissimos, adeo compactos & induratos efficiat, ut postmodum difficillimæ triturationis sint, pistillo etiam & mortario ob diversas inter se repugnantes species tenacissimè adhæreant. 2. ab humiditate oris vel salivâ tam promptè dissolvi nequeant, nec etiam, deglutiri uti *Pilulæ*.

I I. Cùm *mucilago tragacanthi plurium*, cumprimis *adstringentium*, virtutem obtundat.

Quare in formâ *Pulveris*, vel aliâ *usui* non repugnante, eosdem *adseruari* debere, concludit.

Verùm hæc animadversio, non minùs atque illæ *Superioris Classis*, explosionem meretur: 1. dum solos *Trochiscos sublinguales*, *Bechicos albos*, *rubros*, & *nigros*, nec non de *Benzoë*, & *Alipta moschata* admittit; qui tamen *Trochiscos* de *agarico*, sive *Agaricum trochiscatum*, nec non *Trochiscos albandal*, in *hujus Classis* principio ab *Augustanis* positos, ipse *Pharmacop. Reg. pag. 128.* inseruit; & *pag. 137. duplices Trochiscos pectorales* adduxit, eoquæ illos *Augustanorum pag. 204. & 205. descriptos* pariter admisit.

Unde præter recensitos *sublinguales &c. reliquis omnibus* forma *Trochiscorum* malè derogatur.

2. Quia,

2. Quia, cur hanc in formam reliqui *Trochisci* omnes redacti sint, se ne scire, profitetur; & tamen de *agarici* ac *colocynthis* *Trochiscis*, qui, uti dixi, sub voculâ illa universali: *omnium*, continentur, ipse *Pharmacop. Reg. pag. cit.* causam reddit, quia nimirum *Agaricus* fungus sit *levissimus*, & ideo volatilis, ac tritura ineptus, qui in floccos facile abeat, ac operantem *Pharmacopæum* remoretur; *Colocynthis* ob summam levitatem difficillimè trituraretur. Unde ut novam induant formam, sive in *Trochiscos* cogantur, necesse esse, arbitratur.

Sed aliorum quoque *Trochiscorum* formæ rationem scire potuisset, cum eadem à multis Autoribus tradatur.

Sic *Dan. Sennertus Instit. med. lib. 5. part. 3. sect. 3. cap. 21.* *Trochiscos*, sive *Pastillos*, aut *Orbiculos* medicamenta esse, scribit, eo sine præcipue inventa, ut medicamenta in pulverem redacta, sub hac solidâ figurâ adversus aëris injurias tutius conservari possint.

Sic quoque *Trochiscorum* formam ad medicamenti conservationem fieri, *Guil. Rondeletius lib. 2. de comp. med.* statuit. Nam *trochiscis* integris nos non semper uti, ante *Zvelserum* observavit; unde *Trochiscos* de *scillâ*, in *Theriaca* positos, item *Trochiscos* de *viperâ*, *diarrhodon*, de *rhabarbaro* &c. formam perdere, dum in pulverem reducuntur, subjunxit.

Usum autem hunc ex *Dioscoridis lib. 2. cap. 7. & 13.* colligit; ubi *nardum Celticam* & *cinnamomum*, vino excipere, in pastillos efformare, sicque, conservationis diuturnioris causâ, adservare præcipit.

Imò optat *Rondeletius*, ut idem cum aliis *Pulveribus* cordialibus odoratis, quia diutius facultas eorum sic conservaretur, fieret.

Eundem conservationis finem in *Pharmacopol. officinâ* etiam producit. 3. Quia hac in formâ eos exhiberi non posse, affirmat. Cum 1. à *tragacantho* durissimi, & adeo compacti ac indurati sint, ut postmodum difficillimam triturationem efficiant. Quæ quæso, hæc est consequentia? Invertere potius hoc argumentum & dicere liceret: *Trochisci* in formâ suâ solidâ exhiberi possunt ac debent, non in pulverem redacti, quia sunt difficillimæ triturationis.

Propter illam tamen difficultatem forma talis non mox est expendenda.

Multa difficilia ars pharmaceutica habet, multa etiam *Pharmacopæia Regia*, quæ tamen propterea rejicienda esse, nemo nisi ignaviæ reus dixerit.

Neque etiam illa triturationis difficultas in omnibus reliquis *Trochiscis* observatur; uti *Trochiscis* de *scillâ* &c.

Præterea non simpliciter *tragacantho*, cujus beneficio ut plurimum *Trochiscorum* formam coagmentari, *Zvelserus* scribit, illa difficultas adjudicari debet.

debet. Tantillum enim sapius est, quod de eo accedit, nec triturationem impedit, aut difficillimam reddit; quin potius eandem nonnunquam promovet; quod in *Trochiscorum alhandal* præparatione *Pharmacop. Reg. pag. 128.* ipse Zvelserus concedere cogitur.

Resinosa quidem in largâ quantitate si ingredientur, triturationem morari posse, non nego; sed nec in *omnibus* Augustanorum Trochiscis illa permixtio fit; & ita ob hanc objectam difficultatem forma Trochiscorum non planè rejicienda erit.

2. Trochiscos in suâ formâ exhiberi non posse, statuere pergit; cum ab humiditate oris, vel salivâ tam promptè dissolvi nequeant, neque etiam deglutiri, uti Pilulæ. Si hoc valet, omnes planè Trochisci exulare debent; cum omnium in hoc passu eadem ferè sit ratio.

Delenda erit tota *Pharmacop. Reg. Classis duodecima*, quia omnes in eâ contenti Trochisci, neque ab humiditate oris, vel salivâ tam promptè dissolvî, neque etiam deglutiri, uti Pilulæ, possunt.

Non locum invenient Augustanorum *Trochisci sublinguales*, & *bechici*; quia & iidem neque in ore promptè solvuntur, neque uti Pilulæ deglutiri possunt; quos tamen à Zvelsero admitti, paulò supra ostendi.

Hinc tandem species, pro ejusmodi Trochiscis expetitas, vel mox in principio in pulveris formâ relinquendas; vel in aliam aliquam, usui non repugnantem, formam redigendas esse, concludit. Cujus opinionis valorem, quæ circa hanc materiam prolata hæctenus fuerunt, sufficienter ostendunt.

Unicum superaddo: quòd hoc modo etiam e.g. *Massa Pilularum ex Officinis*, è *Pharmacopœiâ Regiâ*, removeri, atque species earum in formam Pilularum efformatæ prostare deberent; cum ipsæ earum conglobata massa formam usui repugnantem præ se ferat.

4. Plures Trochiscos, maximè qui adstrictoriâ vi pollent, licet pulverisati propinentur, vires suas propter *mucilaginem tragacanthi*, tenaciter illis impactam, commodè non exferere posse, falsò existimat. Dum enim propinantur, illa *mucilago tragacanthi*, vel in liquore, si liquidum propinetur, medicamentum; vel in ventriculo solvitur, sicque vires suas exferere, Trochiscis permittit.

Notum est, *tragacanthum* solvi à ventriculo, sensim licet & tardè. Deinde nullam vim ingredientibus inferre simplex hoc. Sic illi Zvelseri objectioni satisfacit *Jo. Theodor. Schenckius Syntagm. comp. & præscrib. medicamenta part. 2. class. 3. sect. 5. cap. 3.*

Aliàs si tam tenaciter *mucilago* ista adhæret; certè nec Trochisci *Pharmacopœiæ*

macopæia Regia, cum *mucilagine tragacanthi* efformati, eodem elogio defraudari debent.

Quod in specie Trochiscos vi adstringente præditos spectat; videlicet de quibus maximè hic loquitur; cum & *tragacanthum* non quidem adstringendi, sed glutinandi vi polleat, externis istiusmodi medicamentis nonnullis utique addi poterit; internè autem dum resolvitur, reliquis ingredientibus liberam adstringendi facultatem concedit.

Nunc ulterius Trochiscos nonnullos carpere pergit, & quidem *I. TROCHISCI DE ANISO MESUES* pag. 200. in qua formâ, & quomodo ægris exhibendi sint, libenter sciret. Quanquam *AUGUSTÆ* in usu esse, jam dudum hi desierint; *Mesue* tamen, eorum autor, cum *Sirupo acetoso*, & *succo herbarum* dari, Zvelserum informat.

II. TROCHISCI CYPHEOS pag. 202. & *HEDYCHROI* pag. 203. sigillatim pro *Theriacæ* & *Mithridatij* confectione proflare, animadvertit; cum tamen ferè omnia horum Trochiscorum ingredientia ipsas illas compositiones ingrediantur; de quo plura in dictis Confectionibus se disserturum, promittit. Verùm non pro unicis illis Antidotis nominati Trochisci in Officinis prostant, sed alios etiam in usus. Prout de *Trochiscis Cypheos* monent Augustani, quòd *per se quoque commode iis dentur, qui jecur, aut pulmones, vel renes, aut aliud aliquod viscus exulceratum habent.*

Sic quoque *Galenus lib. 8. de compos. medic. sec. loc. cap. 7.* de hepaticis confectionibus agens, hoc *Cyphoidis medicamentum*, paulò ab illâ descriptione, quam Augustani ex *2. de antidot.* adducunt, mutatum, ad hepaticos & omnia thoracis vitia commendat; atque *Ægyptios*, qui primi hoc pharmacum composuerunt, quotidie in honorem Deorum illud accendere, perhibet.

Non minùs *2. de compos. medic. sec. loc. cap. 1.* cum eo frontem in dolore capitis ex febre, in constitutionibus frigidis, illiniendam esse, suadet.

Hedychroum verò medicamentum præterquam quòd ad odoratas compositiones reddendas utile proclametur à *Galeno lib. 2. de compos. medic. sec. loc. cap. 5.*; & ad colorem decoremque formæ conciliandum olim adhibitum fuerit, ceu patet ex *Galen. cap. 14. de medico*, aliis quoque usibus inseruit; veluti pro exsiccando pulmone *3. de loc. affect. cap. 5.*; pro ozoenâ curandâ *lib. 3. de compos. med. sec. loc. cap. 3.* ab eodem *Galeno*, aliisque laudatur.

Præterea ad hos Trochiscos applicari potest illud, quod de *Trochiscis viperinis Pharmac. Reg. pag. 133.* proditur; usum scilicet *Trochiscorum de viperis* ad parandam *Theriacam* in tantum prævaluisse, ut potius clavam Herculi manu extorqueas, quàm animo nonnullorum semel conceptum de iis iudicium. Unde ut vulgo placeamus, & ne ob unicam hanc causam medicamenta

camenta ejusmodi præstantia diffamentur; quid prohibet, semel radicatum opinionem sequi, cum ingredientibus per illam in Trochiscos efformationem vix quidquam derogetur?

Ubi tamen ipsas species non prius in Trochiscos redactas, sine ullius præjudicii metu, addere licet, imprimis ubi pro aliis usibus Trochisci isti in Officinis non adservantur, tunc pariter ab Augustanis id non prohibetur.

Quare & Ipsi *Theriacam* dum præparant, species Trochiscorum dictorum, absque eo ut prius in talem orbicularem formam ipsas effingant, adhibere consueverunt.

Nihilominus tamen descriptio eorum in Dispensatoriis poni potest, ut ingredientium series & quantitas inde peti queat.

III. TROCHISCOS PECTORALES pag. 204. ex multis compositis constare, & si cujuslibet ingredientis pro dosi unâ institueretur computatio, impossibili granorum divisione opus fore, nugatur; simili nimirum illi, quam in præcedentis Classis animadvers. super Confectionem pectoralem & *Trageam grossam cum tabulatis*, non sine magno labore & accuratâ diligentia, à se factam esse, gloriatur. Sicuti verò simili objectioni in *Examine præced. Classis* obviam itum fuit: ita quoque magni illius laboris vanitatem, & minus adcuratam diligentiam Zvelseri, si velit, Lector Benevolus inde repetat.

IV. Quomodo TROCHISCI DE VIOLIS SOLUTIVI pag. 208. adhibendi, & ægris propinandi sint, vel quomodo denuo in pulverem redigi debeant; quasi verò sub nullâ aliâ formâ commodiori cathartica prostant, ægris exhibenda, quærit? Pulverisatos, in liquore aliquo solutos, per se, aut aliis catharticis additos, ægris propinari eos posse, nemo negabit.

Sic *Mesue* cum saccharo, vel pulpâ *cassia* exhibere eos docet.

Qua ratione autem in pulverem redigi debeant, Pharmacopœum latere nequit.

Utrùm sub nullâ aliâ commodiori formâ cathartica prostare queant? extravagans est meditatio; qualem de Sirupis, Electuariis purgantibus &c. *Pharmacopœia Regia* faciliè eodem jure quis fingere sibi possit.

V. Cur TROCHISCIS DE XYLOALOE MESUES pag. 208. *Galia moschata*, ex ligno aloës, moscho, & ambrâ conflata, sigillatim addi debeat, interrogat; cum tamen dicta simplicia ipsos etiam Trochiscos de *Xyloaloe* ingredientur? Quare omisâ *Galiâ moschatâ*, trium illorum simplicium quantitatem augere, satius esse, putat. Cur hoc *Mesue* ita placuerit, nescio. Ast certè piaculum haud est; præsertim quia *Galia* illa jam in Officinis

cinis alios in usus parata habetur, nec demum horum Trochiscorum causâ conficitur.

Sed eidem quoque errori, si error dici potest, Zvelferus obnoxius est; dum e. g. pag. 124. *Pharmacop. Reg. in Morfellis hepaticis, saccharum, & cortices citri* extimos oleosos ponit; in fine autem *Essentiam citri* pariter adjungit; quæ cum nihil aliud sit, nisi *saccharum, oleoso illo corticum citri liquore* imbutum; satius etiam fuisset, *sacchari, & corticum citri* extimorum quantitatem augere, quàm *Essentiam citri*, cum labore prius paratam, demum addere.

VI. TROCHISCOS DE VIPERIS pag. 208. adgreditur; quorum plurimas proflare compositiones, monet, solâ quantitate panis addendâ discrepantes. Hoc cum ad Augustanos non spectet, & parvi momenti sit, transilio.

Dum verò illam ab Augustanis præscriptam formulam omni experientiâ & ratione destitui, convitiatur, disquisitionem requirit.

Namque impossibile statuit, ut *uncia octo, carnis viperinæ cocta* & *humida* cum duabus uncis panis in massam cogantur, unde postea Trochisci efformandi sint, multò minus de jure ejusdem carnis viperinæ (cui potissimas vires, *Quercetorum* &c. imitatus, adscribit) quidquam addi posse, arbitratur, quia eo admixto, liquidissimam quandam pulverem, non verò massam ullam unquam efficeret. Quis hanc Zvelferi animadversionem ratione destitutam esse, & experientiæ contrariari, dubitet; cum præparatio illa, adcuratâ mente subducta, artificiosamque manum experta, impossibilis haud sit, atque ipsam eo modo institutam fuisse, experientia testetur?

Non enim tam temerè fidem Galeno derogari posse, existimo, qui nimirum, se quandoque quartam, quandoque etiam quintam partem panis, respectu carnis viperinæ, adhibuisse, lib. 1. antidot. cap. 8. memorat.

Verum equidem est, si caro viperina, copiosâ aquâ cocta, mox postquam jure exempta est, cum pane contundatur, insuperque jus ipsum copiâ præpollens adjungatur, non massam Trochiscis efformandis adcommodatam, sed pulverem liquidam exsurgere. Ubinam autem carnem viperinam coctam & humidam sumi debere, Augustani statuunt? Vocula enim illa: *humida* iniquè à Zvelfero adjicitur; cum potius caro cocta, & à superflua humiditate iterum liberata sumi debeat.

Idem procedendi modus ex *Andromachi* versibus, quibus *Pastillorum viperinorum* præparationem edocet, comprobari fortè posset; dum de *carnibus viperarum* post coctionem è jure exemptis agens, canit:

ἐκλὸς ἔλοι, λείοντα καὶ αὐτῶν κυκλῶνα.
exemtus longā ventilet aura morā.

Illud καὶ αὐτῶν *carnis viperinæ & refrigerationem, & exsiccationem;* quidem denotat; unde etiam *Elias Bonvinus* in tr. de *theriacâ sect. 3. part. 2. cap. 7.* illa verba sic vertit:

exime fervidum refrigerans decoctum.

Quamvis mox iterum *cap. 3.* in explicatione sic scribat: *carnem sufficiens* coctam, ac ex olla *exemtam* aliquandiu. aëre ventilari *fnit Andromachus:* ita enim *carnum excrementitiæ fuligines* facilius evanescunt.

Accedit, quòd *carnem* hanc citò exsiccari, *Bonvinus l. c.* testetur.

Nec *jus* istud, in quo *viperæ* coquantur, nimia copiâ abundare debet; scilicet ut aliquot digitos *carnes* superemineat; cum pauca ejus quantitas sufficiat. Unde si non totum, maximâ tamen ex parte, pro *pane* sicciſſimo, atque *carne viperinâ* ab humiditate, per institutam in aëre ventilationem, liberatâ, in Trochiscos redigendis, absumi poterit.

Quòd si determinata illa *unciarum duarum panis* quantitas, ad *uncias octo* *carnis viperinæ*, ob insufficientem hujus factam exsiccationem, vel *juris* majorem copiam, aliquo modo justò parior esset; cum vix possibile sit, utramque tam exactè semper. obtinere, tunc *Andromachi.* monitum sequi conducit:

Addè laboratum panem, ne viperæ formam:
tusâ neget rotulis,

& veluti *Autor libri de theriacâ ad Pisonem cap. 13.* (qui nonnullis *Galenus* esse dicitur) habet, *tantum panis, quantum ad compingendam. carnem sufficit,* addi debet.

Huic etiam incommodo succurri potest; si illa *juris* abundantia, per cocturam, ad minorem molem reducatur, cujus nuperè in *Antidotario Mediolanensi cap. 23. Jobi. Honoratus Castellionens à Monerutio* mentionem fecit; ubi experimento edoctus talia profert: *si conobbe di certo, che ne la carne sudetta della vipere (di ſci oncie,) ne il pane (di due oncie) erano bastanti per assorbire il residuo del decocto &c.* Ondè fu di mestieri rimettere sopra le generi calde quella poca decoctione, o sia brodo per qualche spatio di tempo, nel quale si consumarono trè parti delle quattro, reſtando il liquore. ad oncie trè, nella quali si posero la carne, e il pane sudetto, che l'assorbirono tutto, e ridotto questa massa alla solita consistenza se ne formarono trochisci rotondi &c.

Qualès autem ex *Italia* ad nos Trochisci deportentur, inquirere, propriè huc non spectat.

Existimo

Existimo tamen, de fide tantorum Virorum, qui v. g. *Patavij* confessionibus illis interesse solent, sanius iudicium ferendum esse.

Eligi enim quotannis pro hoc negotio expediendo Primarios aliquos *Universitatis Antenoreæ Professores*, plus quàm notum est; quorum testimonia tam vilipendere Zvelserus non debuisset, à quibus nimirum honoribus Doctoralibus, horumque testimonio, liberaliter dotatus fuit.

Si istis testimoniis planè non est fidendum, atque diplomatibus illis fraudes oblarvantur; nec illi, Zvelsero concessio, fides faciliè haberi potest.

Interea Patavinos ut plurimum *panis biscotti* subtilissimè pulverisati tertiam partem, v. g. *uncias quatuor*, ad *libram unam carnis viperarum* sumere, scio.

Sæpe verò multivarias in vendendis *Trochiscis viperinis* fraudes committi, nemo, qui omnia medicamenta ab auri avidorum manibus corrumpi, considerat, negabit.

Sufficienter hoc *Excell. Thom. Bartholinus* dissertat. 1. de *Theriaca*, *Hafnia Anno M. DC. LXXI. dispensata*, adtestatur, & hanc suam fraudem ut impostores tegant, *Patavinorum Medicorum* testimonia, vel mutato anno, eos adulterare, vel prorsus falsa supponere, comprobat.

Ast talismodi fraus non Medicis testimoniorum distributioni præfictis, non ingenuo Pharmacopœo, sed impostoribus imputari debet; à quibus ideo *Trochiscos* emere, quilibet prudens sibi cavet.

Idem Vir Celeberrimus, licet, ne decipiamur, patrio in solo captas vipers, suffragantibus aliis claris Medicis, huic negotio destinari posse, statuat; eas tamen, inquit, pro *theriaca commendare hactenus ausus non sum, ne apud vulgus vilesceret antidoti auctoritas. Licet superstitione istà neglectà, Germani, teste Libavio, anques quoscunque oblatos substituant.*

Guil. Rondeletius tr. de *theriaca*, virtutem quidem *viperarum*, præ *serpentibus vulgaribus*, efficaciorē esse, concedit; hos tamen, quibus nullum, periculum à *viperis* imminet, convenientiores iudicat.

Gregor. Horstius lib. 2. *epistol. sect. 1.* licet nostris *serpentibus* vim bezoardicam in dubium haud vocet, nihilominus à *viperinà carne* non faciliè discedendum esse, putat; tam quòd *Antidotus theriacalis* in *Germanià* confecta postea mox alia diceretur ab illà, quæ *Venetis & Patavij* conficitur; quàm etiam quòd *Andromachus*, & post ipsum alij, certas ob causas *viperam* præ reliquis speciebus elegerint.

Sed hæc cum propriè huc non spectent, mitto; cum tamen Zvelserus in *Pharmacop. Reg. serpentes alios viperis* quoque substitui posse, iudicet, ne primus hanc sententiam promulgasse videretur, adduci debuerunt.

Nunc quæ de differentiâ *viperarum*, ratione sexus, profert, perlustrandæ sunt.

Utrûm foemellas tantûm adhibere conveniat, meritò dubitatur; nulla singulari causâ, ob quam mares excludi debeant, adparente.

Andromachus voce: $\epsilon\chi\iota\varsigma$, quæ *mas* denotatur, utitur.

Licet autem à *Galeno* foemellæ solûm commendentur; quid hoc ad Augustanos, qui in suorum *Trochiscorum viperinorum* præparatione in genere carnis *viperina*, nullâ sexus observatâ differentiâ, meminere?

Caterûm digna esse, existimo, ut adducantur, quæ de electione *viperarum*, ratione sexus, *Marcus Aurelius Severinus* part. 3. de *viperâ Pythiâ*, cap. 2. habet, scribens: Verum enim vero, quod longus seculorum decursibus apud quasque gentes consueverint deligi femina præ maribus, ne quid dissimulem, dicam. Illa scilicet est causa quædam accidentis, vel accedentis commodi maxima: nimirum quod femina pulposior & carnosior est omnibus modis. Talis enim perpetuo visitur femina, nedum quidem in viperino genere, sed & unoquoque alio &c. Sed & altera causa est, quæpropter femina deliguntur, nimirum, quod quo tempore ad Theriaces usus capi *viperæ* consueverunt, illud est verum, quando cœuntibus viperis necessum est plus effluxus utilis substantiæ fieri per mares, quam per foemellas. Sic enim strigosiores & exsucciores his esse mares. Quare & feminas capi, & mares demitti consilium est. Hæc utique ratio valentior est, cui det quicquam facile manus &c. Quod si per maris terrarumq; incommoda quæpiam aut impedimenta fas non sit *viperas* obtinere suo tempore, verum cogamur his uti concessis utcunque; tum adagio Terentiano audientes, necessitatique acquiescentes, ut possimus quando ut volumus non licet; id est, siquidem *viperas* administrare feminas omnes ineunte vel medio vere non datur, tum maribus erimus belle contenti. Fuerint hi quippe non minus in rem accommodati, quam femellæ. Eadem quoque necessitatis ratio est, si major marium, quam seminarum sit occasio. Nimirum hi multitudine suppleverint carnis defectum. Omnibus autem modis minimum abjecta marium conditio debet videri.

Quod è montanis locis, non paludosis petendas esse *viperas*, monet, è *Galeno* depromissæ videtur, qui *viperas*, quæ maritima loca, aut in aliquâ falsâ aquarum lacunâ degunt, omittendas esse, iudicat.

Quamquam difficile admodum sit, regulam hanc semper observare; nisi quis fidelissimis hominibus capturam commendet, vel eidem ipse intersit.

Vulgares etenim isti *viperarum* venatores lucro allekti, facile tales è paludosis locis desumtas, præcipuè cum iis in locis copiosiores earum proventum esse, *Zvelserus* innuat, montanis substituere, aut permiscere possunt, quarum

quarum tantam cum montanis convenientiam esse, observavi, ut ne oculatissimus quidem differentiam inter eas cognoscere possit.

Ulterius progreditur Zvelserus, & r. disquirat: cur *Galenus* & moderni Medici ex solâ *viperarum carne*, non simul etiam *ossibus vel spinis, ac cordibus* & *jecinoribus*, Trochiscos parare præcipiant, sed ea unâ cum interaneis abjiciant; cum tamen ex ipsis egregia conficiantur bezoardica; quia cor & hepar, principaliora utpote viscera, quæ vitam *viperis* largiuntur, iisdem, vel majoribus, cum carne polleant virtutibus, spinis autem vel ossibus *radicalis substantia maxime impacta sit*? Cur corda, & hepata *viperarum Galenus* abjecerit, ignorare me profiteor; nisi fortè ob exiguam earum molem has partes parvi eum fecisse, suspicari liceat.

Tanquam *inutilia viscera* à *Galeno* abjecta fuisse, probandum est.

Quòd verò ex iis tam egregia alexiteria parentur, equidem in dubium non vocabo; sed an eadem viscera *carni* præpollent, aliis inquirendum relinquo.

Licet *viperas* per illa vivere & in vitâ conservari, ponatur; proinde, tamen majoribus virtutibus pollere, non evincitur. Non viva & vitali spiritu perfusa in usum veniunt, sed postquam cadavera, post animæ discessum, evaserunt.

Quin pauculum illud *sanguinis*, quod in excoriatione communiter exuviis adhærere solet, atque reliquis quoque visceribus, quæ pariter abjicit Zvelserus, conjunctum manet, pari studio colligendum addendumque foret; cum ille sit, quo vivunt, & in vitâ conservantur.

Nec solum *cor* & *hepar*, sed & *caput, pulmones* &c. à Zvelsero parvi hîc æstimata, ad vitam *viperis* conservandam, cum reliquis aliis partibus concurrunt; sicque & illas partes à Trochiscis excludere, rationi refragatur.

Quid *radicalis illa substantia, ossibus vel spinis impacta* denotet, pag. 148. *Pharmacop. Reg.* illustrat, dum ossa ex *seminali crassamento* produci adserit; in quod curiosius inquirere, instituti ratio haud permittit.

Quamvis nec *caput* carnosum, aut membranosum totum esse, sed magnâ ex parte osseam obtinere substantiam; prout & *cauda* majorem partem osseam existere, meminisse juvet. Unde utrumque malè à Zvelsero abjicitur; quia & ipsis *radicalis illa substantia impacta sit*, necesse est.

Uti de aliis partibus *viperarum*, ex *seminali crassamento* productis, & tamen à Zvelsero abjectis, nihil dicam.

2. Quid sibi *panis, salis* & *anethi additio velis*, quærit? *Panem* quidem *virtutes singulares alexipharmacas, vel correctivas* Trochiscis impertiri haud posse, statuit. Si verò *conservationis* gratiâ addatur, *viperas* per se exsiccatas,

& *sale* nonnihil conſperſas, aut Pulverem earum diutius, quàm ipſos Trochifcos, adſervari; imò à *pane* virtutem *viperarum* multum diminui, regerit. Sin *forma* gratià adjungatur, nec *opera* *precium*, nec *reſta* rationi *conſonum* eſſe, judicat, ut ob *ram levidenſem cauſam* *medicamenta* nobiliora in ſuis virtutibus diminuantur; quod eò magis *abſurdum* ſit, cum ſi in uſum trahi debeant, iterum pulveriſare eos oporteat. Verùm *panem*, tanquam alexipharmacum aliquod, vel veneni correctivum, addi, haud defendo. Aſt conſervationis & præcipuè formæ cauſa illum adjungi, re ipſa patet.

Utrùm *Pulvis viperarum* diutius, quàm Trochiſci legitime præparati, adſervari queant, multum dubito.

Panem virtutem *carnis viperinæ* diminuerè, ſtatuit quidem, ſed non probat Zvelſerus.

Nec video, qua ratione *panis* poſſit criminis hujus argui. Si fortè quatenus medicamenti quantitatè auget, id præſtare exiſtimaverit, longè nimis aberrat, cum hoc non ſit, medicamenti virtutem diminuerè. Diverſiſſima enim ſunt: medicamenti quantitatè augere, & medicamenti virtutes diminuerè.

Ad *formam* autem medicamenti alicujus obtinendam, aliud quid, quod vel ſimiles medicamento vires non habet, vel nihil corrigit, admiſcere, nec *opera* *precium*, nec *reſta* rationi *conſonum* eſſe, rationi contrariatur. Sufficit ſi contrariam medicamento facultatè non habeat.

Aliàs & *ſaccharum* à potiori Siruporum, Eleſtuariorum, Conſervarum &c. parte ſimiliter rejiciendum foret; quia v.g. *Sirupo ſcordij composito Pharmacop. Reg. pag. 21.* nec vim alexipharmacam addit, nec quod in *ſcordio, ruta, corticibus aurantiorum, citriorum* &c. corrigit, nocivum aliquid invenit.

Sic *aqua ſimplex* ab Infuſis & Decoctis purgantibus excludi deberet, quæ nec vim purgantem ipſis communicare valet, nec correctivum purgantium dici meretur.

Et nihilominus utrumque, *ſaccharum* & *aqua*, illud, ut ſpiſſiorem formam pro Sirupis; hæc, ut liquidam pro Decoctis & Infuſis, producat, à Zvelſero uſurpatur.

Pariter idcirco *opera* *precium* & *reſta* rationi *conſonum* non foret, ut ob *ram levidenſem cauſam*, nempe ſpiſſam liquidamque formam, *medicamenta* nobiliora in ſuis virtutibus à *ſaccharo* & *aqua* diminuantur.

Quid de ipſo *pane* dicam, quem Zvelſerus *Pharmacop. Reg. pag. 311.* in *Cataplaſmatis cordialis* compositionem recipit, non ut cordi robur addat, cum, ſi Zvelſero auſcultemus, non poſſit; non ut quid corrigit, dum reliqua ingredientia omni veneni ſuſpicionè carent; non conſervationis gratià, quia,

uti

utī ipfemet fatetur, hoc cataplasma ad longum tempus fervari nequit. Ergo propter confistentiam, vel formam cataplasmatīs obtinendam adjungatur, necesse est. Aſt cūm panis, ex præſenti Zvelſeri hypothefi, medicamento vires diminuat; nec operæ precium, nec recte rationi conſonum erit, ut ob tam levidenſem cauſam, ſive formam cataplasmatīs, pharmacum nobile in ſuis virtutibus diminuat.

Et eo magis abſurdum hoc eſt, cūm hanc in formam abſque panis acceſſione effingi queat; cujus evidens teſtimonium perhibet *Appendix Pharmacop. Reg. Anno M. DC. LVII.* à Zvelſero edita, ubi pag. 50. ejusdem Cataplasmatīs cordialis paululū tamen mutatam præparationem, ſine panis ope peragenda, edocet.

Sal quod attinet & anethum; utrū correctio viperarum per horum ſimplicium additionem genuina ſit? quas, ſic loquitur Zvelſerus, illi ſummè venenatas proclamant (cujus contrarium tamen ipſa experientia nos edocuit) nullo modo rationabiliter admitti, neque experientiā confirmari poſſe; Sal quidem putredini, ſed non occultæ qualitati, naturæ noſtræ adverſa venenorum reſiſtere; anethum autem inter alexipharmaca minimè numerari, & idcirco neutiquam virulentiam viperarum, ſi qua ſcaterent, corrigere poſſe, Zvelſerus infer. Sed hīc quoque nugæ deprehendo:

1. Ridicula eſt Zvelſeri propoſitio: rationabiliter admitti & experientiā confirmari nequit; utrū correctio virulentia viperarum per ſal & anethum ſit genuina? Cūm hoc potius de ipſā quæſtione, nimirum: utrū correctio virulentia &c. intelligi queat; eam ſcilicet quæſtionem neque rationabiliter admitti, neque experientiā confirmari poſſe.

Si tamen voculæ: utrū, altera illa: quòd, ſubſtituatur, propoſitionem Zvelſeri clariorem fore, arbitror; quam etiam mentem ejus fuiſſe, nunc ponamus.

2. Auguſtanos ſal, & anethum, virulentiam viperarum corrigendi cauſa, adjicere, ex Ipſorum verbis, in Trochiſcorum præſentium deſcriptione prolatis, nunquam demonſtrabitur.

3. Auguſtani viperas ſummè venenatas non ſimpliciter, ſed tantū earum morſus inſigniter venenatos proclamant, experientiā illud ipſum abundè confirmante.

4. Sal, & anethum, præter conſervationis melioris gratiam, condimenti loco addi, ſtatueret quis poſſet.

Licet enim Galenus cap. 10. de ther. ad Piſ. illa duo ſimplicia ad veneni, ſi quod in trunco viperarum ſuper'eſſet, correctionem comiſceat; utrūque tamen,

tamen, ut caro illa suavior reddatur, quoque adhiberi, prodit; quod aliis ferinum viperarum odorem saporemve emendare dicitur.

Anethi frequentem pro condimento usum *Galenus* 2. de aliment. facult. cap. 57. etiam innuit; & 11. de simplic. medic. facult. viperarum carnes oleo, sale & anetho, porro & aqua, anguillarum more, conditas, excalescentem, exsiccantemque vim adipisci, scribit.

Utrum verò *anethum* omnibus viribus resistendi qualitibus occultis, naturæ nostræ adversis, destituatur, in dubium vocari posset; si illud contra morsum canis rabidi, fascinum & veneficium à nonnullis commendari, obseruetur.

3. Coctionem in tantâ aqua copiâ, qua mediante forsitan venenatas viperarum partes expelli existimant, planè ineptam proclamat; quia veneni nil spirant, dum exsiccantur; nec aqua in exsiccatione ex ipsis per destillationem collecta aliquâ qualitate noxiâ infecta, sed potius salutifera est, præsertim si è vivis viperis prolecta fuerit. Planè inepta hæc est animadversio. Coctio enim viperarum in magnâ aquæ copiâ, in verbis Augustanorum nullibi adparet; in cerebro Zvelseri saltem enata.

Nec, mediante hac coctione, venenatarum partium è viperis expulsiōnem Augustanos moliri, unquam demonstrabitur; cum potius pro carnis viperina à spinis facilitandâ separatione instituitur.

Unde, quæ de aquâ viperarum, quod scilicet non venenata sit, sed salutifera, (de quo dubitari adhuc potest, cum vix ab alio elementari phlegmate differat) adducit, huc ea non spectare, sponte elucescit.

4. *Fusculum*, in quo vipera coctæ fuerunt, vel abjici, vel magnâ panis quantitate opus habere, repetit; cui tamen objectioni supra jam satisfactum fuit.

5. Contradictionem involvere autumat, quod vipera tantopere venenata; earum tamen usus summè salutaris in morbis etiam aliis incurabilibus, ut leprâ &c. proclametur. En! Zvelserus, qui tot ἀνυλογίας committit, aliis idem erratum imputare conatur. Sed longissimè fallitur.

Etenim quamvis Augustani viperarum morsum summè letiferum esse, statuunt; quod idem tamen periculum ab adsumtis earum carnibus imminet, eosdem credere, ad Calendas Græcas probabitur; cum potius istum usum summè salutarem proclamant.

Verum majori certitudine hoc de Zvelsero dicere licet; dum nonnullis viperarum partibus, cum primis etiam cauda; quæ tamen ex spinis, & carne, aliis pro alexipharmacis ab ipso habitis, constata, pag. 88. & 92. Apolog. contra Tacken. venenum adjudicat.

6. Plurimos inter modernos Medicos, partes alias *viperarum* veneratas, alias salutiferas esse, firmiter adserere, Zvelserus scribit. *Serpentes* in vino extinctæ absque damno, & cum emolumento si utantur, neque fel, neque caput, & caudam pro venenatis haberi posse, concludit; suumque experimentum adducit, quo feles, & canes partes istas absque vitæ discrimine, vel aliâ noxâ devorasse, observavit. Sit ita! Quid hoc ad Augustanos? an Ipsi contrarium perhibent?

Zvelserus autem *carnem, cor, hepâr, & spinas viperarum* à veneno liberas esse, in his animadversionibus pronunciat; in capitibus tamen, *caudis, spoliis, interaneis, selle & vesiculis sub dentibus falcatis, sive*, veneni particulam latere, in cit. *Apolog.* defendit. Unde liceat illa verba huc adscribere:

Pag. 88. sic loquitur: Neque rationi consonum, imò absolum, mihi videtur, quod integras *Viperas, &* uti ex contextu liquet, *vivas, tantâ copîâ salis & vegetabilium* obruerunt, adunitis capitibus, *caudis, spoliis, & spurcis, rurgentibus interaneis, selle insuper, & vesiculis sub dentibus falcatis, flavo liquore oppletis; in quibus jam recensitis partibus quin particula veneni lateat, nemo est, qui ambigat.* (Plura id edocuisse tragica spectacula, etiam me nonnunquam arbitro, & periculo defuncto, dum capita, quondam, & caudas *Viperarum*, in vase clauso siccare, curiositas compulerat, & proximius accedendo, pœnas luere coëgit; non obstante, quod, cum Helmontio, asseram; potiores *Viperarum*, aut aliorum venenatorum animalium, deleterias vires in imagine iræ delitescere.) Quod si hoc verum, uti indubitatum est, quis nunc ambigat, venenatam illam qualitatem, quæ in interaneis etiam hospitatur, &c.

Et pag. 92. hæc habet: Quatuor tantum *Viperis* integris, cum capitibus, *caudis, spoliis, & interaneis omnibus spurcissimis venenatis* adjectis.

Hæc si jam cum animadversione, plurimis modernis Medicis scriptâ, conferantur; quàm conformis sibi Zvelserus existat, & quod se ipsum egregiè reformet, elucescet.

Cæterum Veteribus non ignotum fuit, *viperarum* usum internum longè diversum esse ab externo illo incauto abusu.

Imò *carnem viperinam* pro cibo jam olim inservivisse, constat.

Sic Galenus lib. 3. de aliment. facult. cap. 3. *Ægyptios carne viperarum serpentumq; aliorum pro cibo usos fuisse; & Plinius, Ethiopes Macrobios, & qui Athon montem incolunt, quia viperinis carnibus alantur, longævos esse, lib. 7. histor. natur. cap. 2. testatur; ac lib. 29. cap. 6. hæc habet: Quidam & viperis utuntur in cibis; Primum omnium occise statim salem in os addi jubent, donec liquescat humor, quatuor digitorum mensura utrinque præcisa, exemptisq;*

intera-

interaneis discoquunt in aquâ, aut oleo, sale, anetho; & omnibus aut statim vescuntur, aut pane colligunt, ut sapius utantur.

Memoratu digna est Galeni sententia 3. de temperam. cap. 3: nihil foris intusq; parem agendi facultatem habet; neque enim aut viperæ venenum, aut rabidi canis spuma, aut aspidis virus parum vim habent, vel soli cuti applicata, vel intro adsumta.

Hinc minimè sequitur: Vinum viperinum bibitum non nocet; fel, capita & cauda viperarum à felibus, canibusve, imò hominibus comesta, in nullum vitæ discrimen ipsos conjiciunt. Ergo nulla earum partium venenum continere dici potest.

Sed omnes has partes sigillatim perlustrare, libet.

Fel quod concernit; illud equidem à nonnullis (etiam à Zvesfero cir. pag. 88. Apolog.) venenatum dici, certum est; ast innoxium planè, & à veneni suspitione liberum esse, Franciscus Redus, Medicus Florentinus, quo nemo hæcenus de Viperâ meliùs scripsit, in lib. experiment. de viperis, clarissimè demonstrat.

Verùm si istum etiam liquorem nomine fellis dignari quis velit, ceu aliqui faciunt, qui sub dentibus falcatis in vesiculis quibusdam latitat, & dum viperâ mordet, exstillat; tunc liquorem hunc veneni notam effugere haud posse, experientia monstrat.

Ore quidem adsumtus sine noxâ ebibitur; (quod an ob acidum ventriculi, venenum obtundens & ligans; digestionem, quas antequam sanguini permisceatur, subit; vel aliam propter causam accadat, hujus loci non est inquirere) sed vulneri immixtus, ita ut sanguini communicetur, vim suam letiferam promptè exserit.

Ex hoc quoque, de capite viperarum quid sentiendum sit, patet; quod emortuum licet devoretur, nocere non potest. Ast vivum adhuc, & venenoso liquore in vesiculis instructum, quamvis per unum alterumve diem à corpore jam abscessum fuerit, si digitum vel aliam corporis partem comprehendat & mordeat, vel si liquor ille exemptus & vulneri, per instrumentum aliquod prius inflicto, indatur, quàm pessimum post se relinquat effectum, tot experimenta testantur.

Veteres autem capita è Trochiscis viperinis exesse voluerunt, tum quia venenum continent, tum parum carnosa existunt.

Sic enim Dioscorides lib. 2. de mat. med. cap. 16: detractâ cute, caput caudâq; quoniam carne vacans, amputari debent.

Galenus verò cap. 9. de ther. ad Pis. ideo capita rescindenda esse, putat, quia pessimum humorem, i. e. ipsum venenum, continent. In quo Galenus acerbè

acerbè reprehendi non meretur, qui cautus admodum, etiamsi venenum illud *viperæ* ore adsumtum haud nocere, probè sciverit; tutius tamen fore, iudicavit, si illud præscinderetur; præcipuè cum *carne*, ad Pastillos efformandos requisitâ, ferè destituatur.

Caudam equidem unâ cum *capite*, *Andromachus* aliique venenatam proclamant; & *Galenus l. c.* ideo præscindi refert, quia magis sordidum humorem ad se trahit; ac *1. de antidot. cap. 8. caput, caudamq.* abjicere suadet; cùm hæ partes magis venenatæ esse videantur, & duras paucasque carnes contineant. Veritati tamen propius accedit illud iudicium, quod *caudam*, eò quòd parum carnis habeat, à *Trochiscorum viperinorum* confectione excludit.

Cùm itaque partes hæ, teste in *his animadversionib.* ipso Zvelfero, sine alicujus veneni letiferi metu, in corpus adsumi possint; quis non miretur, Zvelferum, qui, ut de exuviis nil dicam, *caput, caudam, fel, & omnia viperæ viscera, corde, & hepate* excepto, à medicamentis suis, quæ *hac in Classe* è *viperis* parare docet, excludit.

Sed quia neque *fel*, neque *caput*, neque *cauda* à Zvelfero venenata statuitur; in quonam igitur venenum *viperarum* consistere, ipse velit, circumspiciendum erit?

Quare, explosâ Veterum sententiâ, in *solum viperarum morsum*, *imaginem iræ, veneno mortifero imbutum, viperarum & serpentum venenum*, cum *Helmontio*, transfert.

Huic quoque sententiæ nuper Gallorum quidam favere, & contra *observationes Francisci Redi de viperis*, contendere voluerunt, adferentes, *viperam* nullam partem, aut humorem in corpore suo venenatum possidere, illudque venenum in solâ imaginatione *viperæ* irritatæ, & iratæ, vindictæque cupidæ consistere; quam ideam postquam sibi in capite figuravit, ab eâ Ipiritus motu violento per nervos ad cavitatem dentium moveri, à qua postea in vulnus inflictum penetrantes sanguinem inficiant. Sed prout hîc *idem Vir Clarissimus in epistolâ, Anno M. DC. LXX. hisce objectionibus oppositâ*, satisfecit: ita quoque Zvelferi sententia faciliè indè enervari potest.

Plurima enim experimenta demonstrârunt, non solum liquorem vulneri, à dente *viperæ* mordentis immissum, sed etiam eundem è vesiculis eductum, liquidum, vel temporis successu totaliter exsiccatum pulverisatumque, vulneri, phlebotomo aliòve instrumento, inflicto, inditum diversa animalia enecasse. Econtra si *viperæ*, postquam bis, ter &c. momordit, sicque vesicularum virus evacuavit, etiamsi ad iram maximè irritetur, plura

animalia mordeat; nullum tamen mortis discrimen insequitur; ast post paucos dies, vesiculis à noviter collecto humore venenoso iterum turgidis, morfu suo letalis denuo evadit.

Ira itaque catenus præcipuè hîc operabitur; quatenus *viperam* irritatam, defensionisque, aut vindictæ cupidam, ut mordeat, ac illo morfu veneno viam sternat, incitat; imprimis quia liquor jam dudum è vesiculis exentus exsiccatusque, si vulneri immittatur, nihilominus mortem inferre valet; ubi credibile non est, imaginem iræ in emortuo illo corpore adhuc resistare.

Quod illa *Ægypti Regina, Cleopatra*, historia, à *Galeno* quoque memorata, probat, dum non morfu aspidis, sed veneno, quod ab aspide desumptum semper secum servabat, vulneri brachij instillato; vel, ut *Dio* refert, vulnere, quod acu, veneno imbuto, inflixerat, ne ab *Augusto* in triumphum duceretur, mortem sibi conscivit; de quo plura vid. in cit. *Reda discursu de viperis*.

Palinodiam tamen, uti supra jam monstravi, in refutatione *Tackenianâ* canit *Zvelferus*, atque multis partibus, cumprimis etiam vesiculis sub dentibus falcatis conspiciendis, venenum inesse statuit; quamvis nihil contrasententiam suam hoc concludere, dum *potiores viperarum deleterias vires in imagine ira delitescere* velit, mox subjungat.

Attamen hac excusatione ab errore se non vendicat. Aliud enim est: *soli imagini ira*, prout in præsentibus animadversionibus habet, venenum, adscribere; aliud: *potiores* veneni partes, ceu in *Apolog. cit.* loquitur, imagini iræ tribuere.

Quod viperæ, dentibus illis falcatis, quos caninos nonnulli vocant, evulsis, non æquè letiferum morsum inferant, *Zvelferus* longè errat, dum reliquos obtusiores dentes tam altè vulnus non infligere, nervosque majusculos sauciare haud posse, tradit. Si enim, dum majores isti dentes eruuntur, vesiculæ sub iis contentæ simul dilacerentur, vel veneni saltem evacuatio fiat; non mirum est, quod ob hujus absentiam nulla, etiamsi vulnus aliùs penetraret, noxa inferatur. Vel si vesiculæ integræ mancant, & venenum, dum vipera obtusis dentibus mordet, emittatur; quia tamen, notante *Zvelfero*, epidermidem solummodo, aut maximâ ex parte saltem lædit, pariter non æquè exitialis morsus existere potest.

Nervos majusculos à dente viperino necessariò sauciari debere, si venenum letale evadat necesse est, ceu quidem hîc *Zvelferus* statuere videtur, multis argumentis, brevitatis causâ omittendis, negare liceret.

Nec diffitebor, Circumforaneos quosdam (quorum fraudes, ad quas nati quasi sunt, multivarîæ existunt) artificio hoc uti, quò spectatori-
bus suis im-
po-

imponant; dum se à talismodi *viperis*, quæ dentibus illis orbatæ sunt; mor-
su peti patiuntur.

Sed ut isti quoque dentes adsint, nec tamen *viperæ*, ad iram provocatæ,
nocere queat, sicque plebecula cò faciliùs decipiatur, Agyrtarum aliqui *vi-
peras*, per præcedentes in aliis animalibus &c. morsus, venenato liquore exu-
tas, in publicum producant; ab iisque irritatis, sine periculi mortiferi metu,
se morderi permittunt.

Quod nec Galeno ignotum fuit; dum *cap. 12. de ther. ad Pis.* quosdam
viperas captas non usitatis alimentis pascere, scribit, sed *carnibus*; quas cum
assiduè morderè cogantur, *venenum*, quod ore continent, ejiciant necesse est.

Nonnullos offus quidam illis exhibere, ibidem testatur, quibus dentium
foramina obstruant, ut etiam hoc pacto morsus imbecilles evadant. Id quod spe-
ctatores in admirationem magnam adducit, ignaros artium, quibus ad fraudem
ornandam utuntur.

Aliud, ne *viperæ* mordeat, artificium, de quo tamen dubitari potest, in
libro, quò ab aliquibus Galeno adscribitur, de medic. faciliè parabil. ad Solon. cap.
59. sic delineatur: *Dracunculum tere & obline manum, & non mordeberis.*

Viperarum virulentiam in Arabiâ, ob plantæ balsami præsertiam, mi-
tescere, ex diversis Autoribus *Marc. Aurel. Severinus in Viperâ Pythiâ part.*
z. cap. 9. tradit.

Franciscus Redus, Aldrovandum scribere, memorat, quòd Circumfora-
nei serpentes salivâ adspargant, cujus virtute mansuescant, atque veneni ma-
lignitatem perdant; quamvis omnia animalia à *viperis*, simili modo à se-
tractatis, demorsa, mortua fuisse, subjungat.

Jacobus Primerossius lib. 1. de vulgi in medicinâ errorib. cap. 7. aliquot
fraudum mentionem facit, quibus Agyrtæ, *viperas* pectori audaciter admo-
ventes, ut circumstantes fallant, utantur.

Cur autem una *viperæ* præ aliâ, hunc vel illum citius interimat, multi-
variae causæ adduci possent; quas tamen, cum hujus loci non sint, transiljo,
simulque discursum hunc theoricum de *viperis* finio; qui licet ad præpara-
tionem medicamentorum, de qua agere ratio instituti requireret, haud spe-
ctet; cum tamen eundem Zvelferus immiscuerit, ac contra Augustanos ma-
gnum inde trophæum sibi erigere tentaverit; non potui non eidem me-
thodo insistere, & fabularum adductarum seriem detegere.

Nunc quas varias *Pulverum, Trochiscorum & Essentiarum* præparatio-
nes, è *viperis*, à Zvelfero institutas, concernit, eas singulas intimius perlu-
strare nolo.

Sicuti autem talia medicamenta inefficacia esse, minimè adsero; ita an

aliquod artificium in ipsis conspici queat, alij hoc in genere exercitiores determinent; mihi obiter ea percurrere, sufficiet.

Multa verò alia ex *viperis* parare remedia, nemini, nisi in componendis pharmacis minimè exercitato, difficilè erit.

In specie *Pulverem viperarum*, vel *serpentum*, quem aliàs *Bezoardicum animale* vocant, multi ante *Zvelserum* conficere jam sciverunt. Imò tot eorum circumferuntur descriptiones, ut, teste *Schrödero*, *agryta* ferè quisque *peculiare sibi quidpiam imaginetur*.

Nisi fortè *Zvelserus* magni quid se tradere, putet; dum aquam, quæ in exsiccatione *viperarum* elicitur, studiosè adservare, præcipit; quæ tamen parvi momenti est, & vix aliâ elementari nobilior.

Catèrum *viperas* in clibano exsiccare, alios *Authores* præcipere, scribit. Sed nec primus quoque est *Zvelserus*, qui in cucurbitâ vitreâ, in M. B. talem exsiccationem absolvere tentat.

Oswaldus Crollius *Basil. chim.*, *Joh. Hartmannus* *Prax. chimiatri. & Joh. Schröderus* *pharmacop. med. chim. lib. 5. class. 1. cap. 33.* carnum unâ cum corde & hepate *serpentum*, tum quæ in aëre, tum quæ in M. B. fit, exsiccationis meminere.

Quod compositos *Pulveres viperinos* spectat, illos diversimodè, variis rebus additis, fieri posse, vel *Agyrtarum* turba, *Pulveres* hos crepans, novit.

Pro conficiendis *Trochiscis viperinis*, quorum duas ponit descriptiones, satis magnam *sacchari* quantitatem, videlicet in priori *uncias novem* pro tribus *Pulveris viperini uncias*; in posteriori pro eâdem *Pulveris* quantitate *uncias decem sacchari* adsciscit. Sed *saccharum* nec tanquam alexipharmacum, aut correctivum *viperarum*, nec conservationis, aut formæ *Trochiscorum* causâ immisceri debere, cum potius medicamento virtutem diminuat, è *Zvelseri* fundamento, quod circa panis additionem jecit, probari posset.

Nec ulla *sacchari* cum *carnis viperarum* quantitate est proportio; cum, uti modo dictum, *hujus unciis tribus, sacchari uncia novem, vel decem* destillantur. Augustani verò dum magnam *carnis viperarum*, tanquam baseos, dosin, scilicet *uncias octo, unciis* saltem *duabus panis* adjiciunt, nihilominus à *Zvelsero* reformantur.

Essentiarum viperinarum prima si cum vino paretur, utrùm in tantâ quantitate, dum ad *viperas*, v. g. *triginta, vini libras sex, octo vel duodecim* sumit, ætatem ferre queat? dubito. Siquidem parte *viperarum* glutinosâ imbuta non poterit non corruptionem facilè incurrere.

Quæ de *vini* ad dimidias destillatione, & de destillato remanentiæ reddendo habet, paulò post tangere, occasio dabitur.

Essentiam viperinam Schröderi, quam *ultimis editionibus Pharmacop. med. chim. lib. 5. cl. 1. cap. 37.* inferuit, pro suo foetu agnoscit; quam gloriolam, equidem dubiam ipsi reddere, nolo. An tamen illa *Essentia prima*, quam modò obiter tetigi, *longè efficacior* & *preferenda* sit, utiquidem Zvelferus arbitratur, dubito; quin potius hæc altera, à Schrödero exhibita, melior esse videtur; quia 1. è solis *hepatibus*, & *cordibus viperarum* conficitur, quæ viscera largiri vitam *viperis*, atque majoribus, quàm *carnem*, virtutibus polle-
re, Zvelferus defendere, supra produxi. Econtra Zvelferus in suâ hac substitutâ *primâ Essentiâ* non solâ corda & hepata, sed *carnem* quoque adhibet.

2. *Schröderi Essentia* simpliciter cum *spiritu vini* paratur. Ad Zvelferi *Essentiam vinum* quoque admittitur; quod tamen minùs durabile medicamentum efficit; præcipuè quia *caro viperarum* recens, sive elementalî suâ humiditate adhuc turgida, sumitur.

3. *Schröderus* in *Essentiâ suâ librâ unâ, salis volatilis* (cujus vim potentem alexipharmacam *vipera* cruda, exsiccata, pulverisata, extracta &c. ne-
tiquam adsequitur) *unciam integram* recipit. Zvelferus *essentiâ suâ* itidem *librâ uni, sal volatile ex viperis duabus cum dimidiâ*, vel ad summum è *quing.*, & quidem talibus, quarum major vis à *vino*, vel *ejus spiritu* extracta jam & expressa fuit, collectum, quod nullo modo pondus *uncie unius* adæquat, immiscet.

Sed neque hæc Zvelferi, à Schrödero producta, *Essentia* difficultatibus caret.

Nam postquam corda & jecinora cum *spiritu vini* extracta fuerunt: 1. aliquot destillationes instituendas esse, innuit.

Sic enim integer processus l. c. pag. mibi 311. se habet: *Essentia viperarum. R. jecinora & corda viperarum N. 100. exiccata & contusa cum spir. vini rectif. 6. p. (3. vel 4.) digere, extrahe f. a. Junctis destillationibus adde (ad lib. j. essentia) salis volat. 3j. fixi 3ss. Digere ut optimè uniantur, adhuc mense uno atque altero, & habebis summum quod à viperis separari possit medicamentum.* His itaque verbis: *junctis destillationibus*, singulas extractions, cum *spiritu vini* factas, separatim destillandas, & destillatas demum conjungendas esse, innui videtur. Verùm minùs providè; dum labor sumtusque (quorum aliàs, ubi Augustani liberaliores, quàm necesse est, se gerunt, contractionem urget) *Pharmacopœo* sine necessitate adaugentur; cum omnes extractions, minori labore & sumtu, conjunctim destillationi committi queant.

2. Ista: *junctis destillationibus adde* &c. Zvelferi doctrinæ è diametro contrariantur. Toties namque animalia, licet ad totalem siccitatem destillata (nisi viva fumantur) simplici tali destillatione, nihil de virtutibus suis destillato

destillato communicare; clamat. In hoc verò processu, id, quod tali modo destillatum fuit, remanentiâ neglectâ, recipit.

Quid ergo ex *cordibus* & *hepatibus viperarum exsiccatû spiritus vini* secum per alembicum rapuit, quia simplex talis destillatio nihil ab iis elevare potest; spiritus etiam vivificus, quem statuit, jam dudum in exsiccatione prægressâ, in auras avolavit? Certè Zvelseri sententiæ qui subscribit, non nisi *spiritum vini*, nullâ virtute viperinâ imbutum, recipi, dicere cogitur.

3. *Libræ uni* talis destillati *vini spiritus*, *unciam unam salis viperarum volatilis*, & *unciam dimidiam fixi* addere, jubet. Quid per *sal fixum* intelligat, certò adfirmare nequeo. Sed quidquid sit, minùs prudenter additur.

Si suum *sal volatile*, per *spiritum salis fixatum*, denotet; dum unum ingrediens, nimirum *sal volatile*, bis in hoc medicamento ponit, animadvertione dignus est, cum idem Augustanis, ac si erratum aliquod foret, exprobrat.

Præterea ridiculum est, *sal volatile non fixatum*, & *fixatum* recipere.

Cur enim *fixatum* addit? Fortè, ne in aërem tam citò evanescat; in hunc enim finem *salia volatilia* præcipuè figuntur. At sic altera etiam *uncia salis volatilis* figi prius debuisset.

Sin *sal fixum*, ex incineratis *viperis* elixiviatum, intelligat, iterum impingit Zvelserus; prout enim *rota animalium virtus*, ipso testante, in meris *volatilibus* consistit, quæ cum per incinerationem in auras pellantur; ita ferè nil præter solam terram mortuam; omni virtute medicâ exutam in violentâ calcinatione relinquitur, ex qua terrâ mortuâ licet exilis portio *salis fixi* (forsitan ex mille *Viperis* vix uncia una) elici posset, id tamen tanti precij non est, quin potius vires alterius cujusdam *salis fixi* æmuletur; ceu hæc Zvelseri verba pag. 274. in Appendice Class. 14. Animadvert. legi possunt.

Cur igitur huic Essentiæ *sal fixum* in tantâ quantitate conjungitur, si à quovis alio sale fixo viribus non differt?

Inutilis est labor ille in extrahendo hoc è cineribus sale; cui non immerito, faciliori negotio, *sal tartari*, vel aliud ex lignis, carbonibusve combustis subrogari posset.

Et cum hæc Essentia vires alexipharmacas possidere debeat, quid alexiterij portio illa salis adferre queat, non video; cum illa alcalizata diuissimè promovendo agant; alexipharmaca autem per sudorem potius, insensibilemque transpirationem expellant.

In *Vino viperino* duo cumprimis correctionem postulant:

1. Præcipit, ut *vipera* mactatæ atque in essentiam redactæ sumantur. Rediguntur autem in essentiam, si à *viperis*, in *vino malvatico*, vel *spiritu vini* emortuis, bis liquor abstrahatur, qui residuo redditus exprimi, & cum sale volatili,

volatili, è remanentiâ destillato, congiungi debet. Sic enim pag. *anted. 214.* hanc Essentiam describit. Has nunc *viperas* in essentiam redactas cucurbitæ vitreæ, alembico instructæ, immittas, ibidem emori permittit.

Talis quippe est textus Zvelseri: *Vipera XL. vel L. statim atque maturata sunt, modoq; supradicto in essentiam preparata unâ cum cordibus & jecino-ribus, tribus vel quatuor mensuris vini optimi cucurbita vitrea oblonga capitulo munienda insusis, immergantur, in eoq; emori permittantur &c.*

Qua ratione autem *viperæ* jam dudum in vino malvatico, vel spiritum vini emortuæ, bis destillationem passæ, expressæ, & in *sal. volatile*, violento igne resolutæ, hic iterum vino immergi, inque eo emori possunt?

2. Cur vinum hoc *viperinum* non mediante solâ infusione, & digestioneparatur, sed insuper destillatio quoque fieri, præcipitur?

Per illam destillationem, licet spiritus destillatus residuæ vappæ reddatur, vinum *viperinum* non amplius vinum dici potest; quia & odore, & sapore, coloreque ab illo, quale ante destillationem fuit, totaliter differt; nauseamque potius concitat; quod ex Zvelseri *Pharmacop. Reg. pag. 2.* patet; ubi *vini* pars spirituosâ, à speciebus, *absinthio, calamo aromatico* &c. abstracta, pro Siruporum confectiione admittitur; remanentiâ verò propter vappam vini illi adhaerentem, & ab eâdem minimè separabilem, rejicitur; quam ex *xi*genciâ, vappam nauseosam Sirupo adimere, mox adpellat.

Tandem strenui gallinarij vices obit, & qua ratione non solum galli, gallinæq; sed & tota pullities, *viperinâ* carne saginanda, inque naturam *viperinam* mutanda sit, edocet. Qua de materiâ ut aliquid monerem, supra in fine *Classis VIII.* Zvelserus ansam subministravit.

Et hæc sunt, quæ theoricè & practicè de *viperis* publico donavit Zvelserus, quæ neminem ante se pervestigasse, in *Append. pag. 23.* gloriatur; quod an verum sit, vel unicus *Helmontius* judicet, cujus sententiam de *viperarum veneno* adduxit, & adprobavit.

Missis nunc *viperis*, Trochiscorum formulas in specie perlustrare pergit, & primò in AGARICO TROCHISCATO pag. 107. subsistit. Quam tamen ipsi adglutinat animadversionem, ea Augustanos non tangit; cum, *agaricum* contundendum esse, non præcipiant.

Intensissimo etiam frigore, pro exsiccatione, opus haud est; quia, si *agaricum* cum debitâ, non excessivâ, vini quantitate validè contusum & compactum, in umbrâ, juxta normam ab Augustanis traditam, lentè exsiccetur, sat candidum evadit.

Sed prout *Pharmacopæus*, veluti Zvelserus consentit, non ignorat, qualiter parandi sint hi Trochisci.

TRO-

TROCHISCOS ALHANDAL pag. 198. parum quoque artificij pro suâ præparatione requirere, notat. *Colocynthidem* tamen à feminibus repurgatam, aquâ rosarum, in qua gummi arabici portiuncula soluta, humectandam, atque in vitreâ cucurbitâ destillando exsiccandam esse, monet; quò sic in pulverem facillè redigi queat, nec triduanâ fricatione opus habeat. *Pulpa colocynthis*, à feminibus purgatam, sumi debere, ipsi Augustani observant.

Fricatio autem cum oleo amygdalarum dulcium, ab Augustanis commendata, non planè est de nihilo; nam corrigit *colocynthidis* caliditatem & siccitatem, uti *Rolsincius* tr. de purgant. vegetab. loquitur; præterea acrem illam, qua prædita est, qualitatem quodammodo temperat.

Posse autem Trochiscos hos ex *colocynthide* non fricatâ, sed tantùm minutim confectâ, & gummatibus, aquâ rosarum solutis, irrigatâ &c. parari, ante Zvelserum notum jam fuit; prout è *Valerij Cordi Dispensatorio, Viç. Trincavellij lib. 1. de compos. medicament. cap. 18.* abundè hoc elucescit.

TROCHISCOS ALIPTÆ MOSCHATÆ pag. 199. ad preciosos suffitus potius adcommodatos esse, quàm infantibus, ac puerulis asthmaticis conferre, existimat; cum nec adultis, nec infantibus præberi queant, quin dentibus, & ori, instar resinæ, adhæreant, nauseabundi. Verùm Trochisci hi in formâ hac exhiberi internè minimè solent; unde timor ille, ne dentibus & ori adhæreant, inanis est.

Pulverisati autem, cum saccharo, aliisve medicamentis, aut alio aliquo modo propinantur.

Quas ipse addit mutatas Trochiscorum horum descriptiones; facile rem unam aliquoties, demto cumprimis, vel addito uno, alteròve ingrediente, mutari posse, replico. Sed absque errore ullo ut hoc fiat, difficilius esse videtur, inque Zvelsero satis adparet.

Nam in primis Trochiscis, quos profert, supervacaneum est, scribere: *fiantq; (si non suffecerint resinæ) cum mucilagine tragacanthi pastilli &c.* Quia utique non sufficere resinas, primo intuitu adparet. Quomodo enim resinarum uncia una cum dimidiâ, & pauculæ olei nucis moschatæ destillati, nec non spiritus rosarum guttula, pro sacchari librâ unâ, pulverum drachmis quinq; & scrupulo dimidio, in Trochiscos redigendis, sufficere possunt?

In secundis, libra una sacchari in aquâ rosarum, vel simplici ad consistentiam tabulati coquitur. Si simplex sufficiat aqua, malè aqua rosarum simul admittitur; quæ si non tota, maximâ tamen ex parte, iterum exhalare debet, sicque inutiliter deperditur.

Porro si *saccharum* ita coctum, parum saltem refrigeratum, ad dissolutionem *resinarum styracis*, & *ladani*, nec non *ambra* adhibetur, eo ipso notabilis fragrantia pars resolvitur.

In *tertiis* non adeo conducit, *pulverem carbonum* addere; qui aliàs ad *candelas* pro fumo excitando adhibetur, ut reliqua materia semel in summitate accensa tantò facilius ad imum usque sensim sensimque accendatur, & suavi resolutò odore, comburatur. Hi verò *Trochisci* non immediatè igni committuntur.

In *TROCHISCIS DE BENZOE*, pag. 200. si ij ad suffitus expetantur, *lignum aloës*, *radices iridis*, & *saccharum* omitti debere, monet; quia *lignum aloës*, præsertim non summè resinofum, adeo suavem & fragrantem odorem non spiret; *saccharum* autem, & *radices iridis*, ustulata, ingratum fœtorem exhalent, qui reliquorum preciosorum odoramentorum fragrantiam omnino obtundit. *Lignum aloës optimum*, id est, resinofum, fumi debere, Augustani scribunt. *Radices iridis* verò & *saccharum* licet non usque, adeo gratum odorem spargant, si accendantur; nihilominus nec tantus eorum fœtor est, qui reliquorum odoramentorum fragrantiam omninò obtundit; nec suis caret virtutibus; necesse enim haud est, ut omnis suffitus è solis suavem odorem spirantibus simplicibus componatur; præcipuè cùm hoc *Dispensatorium* non voluptati, sed sanitati destinetur, quæ præter odorem gratum exhalantia, minùs benè olentia quandoque etiam admittit.

Suffitus, ait *Rondeletius lib. 2. de compos. medicam. sunt vel ad voluptatem, vel ad sanitatem. Ad voluptatem, ex benè odoratis, ut benovino, styrace, ladano, ambrà, mosco. Ad sanitatem quedam ex odoratis, quedam ex fœtidis, alia ex odoratis & fœtidis simul permixtis.*

Quin etiam si super laminam ferream &c. tales *Trochisci* in fumum lentè resolvantur, quod nonnullis in usu est, & à Zvelfero quoque observatur, cùm ibi combustio rerum ejusmodi minùs odoratarum haud fiat, nullus quoque ingratu odor idcirco ab illis metui debet.

Præposterè igitur, & sine omni ratione, tale quid de omnibus suffimigiis prædicatur.

In *BECHICIS ALBIS, NIGRIS, & RUBRIS* pag. ead. nihil aliud notat, quàm quòd plures species pectorales pro assignatà *sacchari* quantitate addi possint. Verum equidem hoc est; attamen commodè quoque præscripto modo parari ab Augustanis possunt; cùm *sacchari* illa quantitas non solum ut excipiens, sive formam *Trochiscis* largiens, consideretur, sed etiam, quatenus simul faucium asperitati, tussientibus &c. quibus *Trochisci* illi destinantur, prospicit.

TROCHISCOS PECTORALES pag. 204. dictis modò *Be-*
chicis non abfimiles eſſe, judicat; qui & ipſi juxta modum ab Auguſtanis
 traditum parari poſſint, modò ex tam diverſis ſpeciebus compoſitis non eſ-
 ſent conglomerati. De cantilenâ hæc inani ſupra jam actum fuit.

Species diambra ingratum potius totum medicamentum, quàm gratum
 reddere, objicit. Proinde his ſpeciebus omiſſis, utpote pectoris adfectibus
 ſingulariter non adpropriatis, *guttulas aliquot oleorum ex ſpeciebus ingredien-*
tibus deſtillatorum, earum loco addi poſſe, exiſtimat. Aſt non vidèò, quid
 ex *ſpeciebus diambra* ingratos hos Trochiſcos reddere queat, quia ferè aro-
 maticæ tantùm ſunt, & parva earum quantitas, atque vix *grana tria* unam
 doſin, ſi illa *uncia dimidia* conſtituatur, ingrediuntur; quid autem *grana tria*
 inter *grana ducenta* & *quadraginta*? an hæc quantitas magna ab iſtâ minimâ
 ingrata reddi poterit?

Sed quid opus eſt verbis, cum Trochiſcorum horum gratia neminem,
 niſi qui eos nunquam guſtaverit, vel guſtu depravato laboret, latere queat?

Utrùm ab aliquot guttulis oleorum, ex ingredientibus deſtillatorum,
 gratiores evaſuri ſint Trochiſci? non diſquiram.

Aſt dubito, an *doronicæ, ſpica Indica, ligni aloës, ſantali citrini, moſchi, &*
ambra olea deſtillata in officinis reperiantur; quæ tamen, uti inter *Specierum*
diambra ingredientia enumerantur: ita hoc monitum Zvelſeri obſervaturus,
 olea eorum addere, pariter tenebitur.

Sed an *ſpecies diambra* ſingulariter pectoris adfectibus adpropriatæ ſint,
 nec ne? hujus loci non eſt inquirere.

Attamen minùs commodè in hos Trochiſcos eas recipi, nullo modo
 conceditur.

Nam & aliquot ipſis inſunt ſimplicia, quæ à nonnullis autoribus inter
 medicamenta pectoralia enumerantur; & ipſæ quoque Species catarrho re-
 ſiſtere poſſunt, tum quatenus incidunt, expectorationemquæ hoc modo
 promoveant, tum cerebri frigidam humidamquæ intemperiem corrigunt, il-
 lud roborant, ſicquæ materiæ catarrhalis generationem, & ad ſubjectas par-
 tes transmissionem inhihent. Trochiſci enim præſentes in catarrho & de-
 fluxionibus à capite, ab Auguſtanis commendantur.

Quamvis, ſi Species non ſingulariter pectoris adfectibus adpropriatæ
 ſint, ideoquæ omitti debeant, eodem jure olea quoque deſtillata, à Zvel-
 ſero admiſſa, omittere oporteat; dum illam vim pectoralem, ſi ab ipſis
 ſuis Speciebus eam prius non habuerint, certè ab igne, dum deſtillantur,
 nunquam obtinebunt.

His præmissis, *exactè computatam Trochiscorum horum resolutionem* promittit. Verùm, ceu hætenus in calculo errores insignes commisit, ita nunc quoque *minus exactè computat, atque resolvit; & vel in excessu, vel defectu hallucinatur.*

In excessu, ratione *tragacanthi, gummi arabici &c.* quibus tamen si illam particulam: *circiter*, qua alias nonnunquam haud incommodè utitur, aliamve consimilem addidisset, tolerari posset computatio. Ast simpliciter *tragacanthi* ℥ss, *gummi arabici* ℥j. gr. vjss. &c. ponere, *minus exactè resolutioni competit.*

In defectu errat, dum v. g. *ambra gryf.* ℥ijss. gr. vij, *moschi* gr. ix. ponit; cùm tamen *ambra* pondus 3j. ferè attingat, *moschi* ℥ss. notabiliter excedat.

Unde verò *sacchari canthi uncis tribus*, ab Augustanis ad hos Trochiscos per se requisitis, reliqua *grana quindecim* accedant, non video; cùm neque pro *Speciebus diambra, Diaireos usitata, Diatragacanthi frigidi*, neque pro *Galiâ moschatâ, saccharum canthum* expetatur.

Cinnamomi, doronici, caryophyllorum, macis, nucis moschatae, cassia lignea & galanga (quæ simplicia ratione *Specierum diambra* in Trochiscos *pectora-les Augustanorum* veniunt) an. gr. vijss. recipit; (quanquam non exactè gr. vijss, sed paulò minùs sumi debere, calculus ostendat) *spica Indica* verò, *candamomi majoris & minoris* an. gr. ij $\frac{1}{2}$. ponit; cùm tamen (quia & hæc ingredientia à *Speciebus diambra* huc accedunt) potius gr. ijss. requirantur. Nam dum *spica Indica &c.* an. 3j. *cinnamomi &c.* an. 3ij. recipiuntur; quarum trium *drachmarum* tertia pars est *drachma una*; consequenter etiam *spica Indica &c.* tertia pars, sive gr. ijss, respectu gr. vijss. *cinnamomi &c.* sumenda erit.

Pariter *Zingiberis* non gr. iij, sed gr. iij $\frac{1}{2}$. accipienda esse, ex hoc evincitur; quia in *Speciebus diambra Zingiberis* 3jss. sive dimidia pars 3ij. prout in *cinnamomo &c.* observantur, ponitur.

Sic quoque *santalû citrini & piperis longi* non gr. ivss. sed gr. v. requiruntur.

Sed faciliori negotio, quòd Zvelserus erraverit, Lector ex computatione ingredientium Trochiscorum, prout ab Augustanis enumerantur, ac prout dein à Zvelsero traduntur, percipere potest.

Augustanorum namque compositio ℥bj. 3j. 3ij. gr. xvj. continet.

Ast Zvelseri ℥bj. 3j. 3ij. ℥j. & gr. vij. ferè complectitur.

Sic ut hæc ultra *scrupulû dimidij* pondus justò major evadat.

Ex hoc ipso etiam erronea omnium ingredientium pro his Trochiscis, à Zvelfero instituta, computatio innotescit; dum enumerato singulorum ingredientium pondere, compositionem integram continere Ꝛxiijs, concludit.

Verùm mitto hos inconcinne à Zvelfero resolutos Trochiscos; quam materiam nullà alià de causà latiùs diducere volui, quàm ut *minimè exactè*, quod tamen promissum fuit, species eorum resolutas & computatas fuisse, patefieret.

In TROCHISCIS DE SCILLA pag. 206. I. in præparationem *scillæ* impetum facit, eamque non necessariam putat; quia 1. *Galenus succum scillæ diebus canicularibus exceptum in Lohoch de succo scillæ* recipit, non verò *succum scillæ assatæ*. Verùm 2. non dicunt Augustani, quòd tantopere necessaria sit *scillæ* præparatio; sed tantum tot sæculis usitatum modum describunt; quem salutarem esse, cum usus monstret, rejicere noluerunt.

2. Quamvis *succus scillæ crudæ* quandoque adhiberetur; propterea tamen *scillam præparatam* planè rejicere, minimè convenit.

Aliàs pari jure in Zvelferum quoque animadvertendum erit, qui e. g. *bolum armeniam præparatam*, & non *præparatam* usurpat, hanc in Pulvere contra hæmorrhagiam, & sputum cruentum *Pharmacop. Reg. pag. 103.*; illam, in Trochiscis bechicis *diuturnam pag. 129. Pharmacop. Reg. præscribens*.

Idem de *scillâ* dicere licet, quam hîc crudam, alibi verò, ceu mox dicetur, præparatam commendat.

3. Etiam si *Galenus scillæ crudæ succum* in *Lohoch de scillâ* intelligeret, excusationem tamen faciliùs mereretur; dum *scillâ assatâ* quoque, nunquam à se improbatâ, utitur.

Ast Zvelferus, qui hîc, & alibi, usum *assatæ*, sive *præparatæ scillæ* damnat, & nihilominus in *Pharmacop. Reg. pag. 4. pro Sirupo aperitivo splenetico* & hepatico; pag. 7. pro *Sirupo asthmatico*; pag. 108. pro *Diacodio asthmatico* contra *tussim diuturnam*; & pag. 122. pro *Lohoch de scillâ* eidem favet, veniâ vix dignus erit.

4. *Galenum* in *Lohoch de scillâ succum scillæ crudæ* recipere, non sine causâ dubitatur.

Nam in documento de puero epilept. *succum scillæ* rectè conficiendi modum daturus, bulbum illum, in particulas minores discerptum, in vase aliquo, eâ anni parte, qua canicula exoritur, insolationi committit, sicque *scillæ* partes elixis similes evadere, monet, & *succum* inde collectum (atque hoc est: *succum scillæ diebus canicularibus excipere*) cum melle commiscet, & ita *Lohoch* conficit.

2. *Scilla* præparationem non necessariam putat; quia pasta, in qua *scilla* fuit assata, venenata haud existit: Quoniam pasta illa non venenata esse, dicatur; quòd ideo præparatio ista planè non sit necessaria, hinc non evincitur.

Zvelferi sententia infirmo nititur fundamento. Præparatio enim non venenata tantum medicamenti alicujus simplicis qualitati debetur; sed alium quoque in finem instituitur.

Sic *scilla* non quòd venenata sit, pasta obvoluta præparatur; sed, uti *Galenus cap. 13. de ther. ad Pis.* arbitrat, ideo pulve obducitur, ut faciliè assetur, & à pulve ipsà aliquid inter assandum accipiat.

Nonnulli, quos inter etiam *Cl. Joh. Rhodius*, quem *Virum ævi nostri rari talenti* ipse Zvelferus *Pharmacop. Reg. pag. 133.* vocat, *pag. 139. in Scribon. Larg.* ut vim acrem, quæ tamen non mox venenata dici debet, deponat, in furno coqui, existimant.

II. Minus prudenter *Trochiscos* è *scillâ*, *Theriaca* in largâ satis quantitate addi, cavillatur; quia parum de *scillis* continent. Quod ut probet, è *librà unâ scilla assata, & farinæ ervi*, vel *pulveris dictamni albi unciis octo*, post exsiccationem *Trochiscorum*, *vix uncias novem* remanere, expertum se fuisse, testatur.

Hanc Zvelferi sententiam excutiendi commodam præbuit elapso anno occasionem *Theriaca* è selectissimis simplicibus hac in Urbe instituta dispensatio.

Nam cum *Trochisci* è *scillâ* pararentur; à *libris decem scilla*, post exsiccationem, cum debitâ *dictamni albi* quantitate factam, *uncias sedecim* remansisse, diligenti observatione mihi, aliisque innotuit.

Et ita *libra una scilla*, non *vix unciam unam*, sed *ultra unciam unam & dimidiam* exhibuit.

Fateri quidem necesse est, parvâ *scilla* quantitatem superesse, si cum *dictamni albi* mole conferatur. Ast propterea imprudentes dici non debent, qui *Trochiscos* hos *Theriaca* adjungunt. Licet enim parva quantitas *scilla* post exsiccationem remaneat; in eâdem tamen magna virtus continetur; prout simile quid in *succo cydoniorum* observatur, cujus *libra una*, mediante humiditatis abundantis exhalatione, in crassam consistentiam, *uncias duas* circiter æquantem, redacta, succi tamen virtutem concentratam in parvâ istâ quantitate, si hæc cum succo, humiditate suâ ubertim adhuc gaudente, conferatur, adesse, neque Zvelferus negare posset.

Piaculum verò non est, ut id, quod excipientis munere fungitur, bascos pondus exsuperet, præcipuè si unâ basin adjuvandi virtute polleat.

Aliàs

Aliàs nec aqua simplex, cui tamen nulla purgandi vis inest, pro Infusis purgantibus; nec saccharum pro Rotularum, Trochiscorum, Morfellorumque excipiente (quod tamen Zvelferus facit) admitti posset; quia quantitas aqua, specierum infundendarum; & sacchari, specierum pro Rotulis &c. conficiendis requisitarum, pondus notabiliter excedit.

Quòd autem libra una scilla preparata, & uncia octo dictamni albi invicem commista, pulmentum potius liquidum, quàm massam, pro Trochiscis efformandis comodam, nisi diu & validè coquatur, suppedient, haud posse Zvelfero simpliciter concedi, tunc quoque deprehendi.

In assignatâ quidem proportionem dictamnum & scillam commista, massam præbere molliorem, verum est; quæ tamen nec diuturnâ, nec validâ coctione indiget; cum per unum duosve dies si adservetur, sponte suâ, tum evaporantibus aqueis, quæ superfluæ sunt, particulis, tum intimiùs substantiam pulvisculorum dictamni subeuntibus, talem acquirat consistentiam, quæ non indiga cocturâ, facilè postmodum in Trochiscos, debitè exsicccandos, redigitur.

Pergit jam Zvelferus: ex quo liquidò patet, quòd si Scilla nativâ suâ humiditate spoliatur, (solidi enim parùm instar reliquarum ceparum continent,) etiam suâ totali priventur essentiâ & substantiâ, ut nil nisi viribus exhaustæ membranula remaneant. Quæ consequentia? Scilla in præparatione Trochiscorum nativâ suâ humiditate spoliatur. Ergo suâ totali essentiâ, & substantiâ, nil nisi viribus exhaustis membranulis remanentibus, privantur.

Aliud est: nativâ humiditate spoliari; aliud: totali essentiâ, substantiâ, viribusque privari.

Tali modo, cuncta vegetabilia, fructus, radices, folia, flores, quæ per exsiccationem nativâ suâ humiditate spoliata, in officinis pro usu quotidiano reponuntur, & à Zvelfero quoque in usum trahuntur, suâ totali essentiâ ac substantiâ privari, & nil nisi viribus suis exhaustas membranulas, carnes, fibras &c. remanere, defendere sustinerem.

Sed cum scilla substantia ex membranulis, & humiditate, per illas dispersâ, constet; hæc autem in exsiccatione tollatur, remanentibus tamen membranulis; quo fundamento, scillam totali suâ substantiâ per exsiccationem privari, statuitur?

Nec omnes scilla vires exsicccando exhauriri, sapor, qui superstes est, acris nonnihil, & amarus comprobatur.

Illud verò, quod exhalat, odore suo nares admodum ferire, deprehendere haud potui; quin potius ad aquæ elementaris naturam proximè accedit.

Ex his liquidò patet, imprudenter admodum Trochiscos hos à *Theriacae* confectioe rejici. Cui, Trochiscorum loco, *succum vel pulpam scilla* commiscere, an consultius foret, alij prudentiores, re benè pensitatà, judicent.

Primam TROCHISCORUM SUBLINGUALIUM formulam pag. 207. ridiculam, uti *Trochiscorum pectoralium compositionem*, adparere, si exacta ingredientium computatio atque resolutio institueretur, scribit. Sed hoc non est in præparationem animadvertere.

Verùm nugis qui impensè delectatur, aliorumque scripta virulento calamo petere laborat, alia si non suppetant, illi talismodi *παρεργα* adducere, convenit.

Quanquam ridiculum illud nondum probatum sit; nec unquam probari poterit; nisi & Antesignanum suum, quem sapius tali methodo medicamenta componere, negari nequit, cujus etiam exemplum in *Confectionis pectoralis examine* supra exhibui, ridiculum esse, Adversarij concedere velint.

Interea Zvelseri sagacitatem commendo, quòd ingredientium Trochiscorum horum computationem & resolutionem nominatenus saltem indicarit; cùm aliàs facilè erroris in calculo minimè exacto, ceu hactenus consuevit, reus fieri potuisset.

Quamvis si promissi sui, *pag. 94. Animadvers. in Electuarium rosatum Mesf.* consignati, fidem liberare voluisset, & hos Trochiscos resolvere, æquum fuisset.

Aliorum *Trochiscorum sublingualium* ingens è scriptis medicis farrago, si cui placeret, colligi posset, ut ita illos à Zvelsero substitutos anxie desiderare, nulla necessitas cogat.





RESTITUTA

CLASSIS DECIMA TERTIA,

Collyria sicca, Arabibus Sief dicta, Pastas odoratas, aliaque Suffituum genera complectens.

DE COLLYRIIS SICCIS multa differere, operæ precium non esse, judicat; cum sint medicamenta in suâ formâ planè inutilia, nec ulli usui inservire possint, nisi denuò in pulverem redigantur; quod tamen in facili non esse, objicit, prout fusiùs in præcedentis classis animadversionibus hac de re differuisse se, testatur. Multa hîc sine ratione objici, ut demonstraretur, operæ precium est.

1. Sief in suâ formâ esse medicamenta planè inutilia, cum Sennerto nego, qui *Institut. medic. lib. 5. part. 3. sect. 3. cap. 33.* ex Oribasio refert, Veteribus collyria fuisse medicamenta figuræ caudæ muris similia, quæ non saltem oculis adhibebantur; sed *et* fistulis, *et* sinibus, *et* utero immittebantur, atque ad omnis generis usus parata, atque in talem, ut dictum, figuram conformata asservabantur, quibus postea vel integris, vel contritis, vel dissolutis utebantur.

2. Licet nulli usui, nisi pulverisata inservire possent, nihil tamen inde pro eorum abrogatione evincitur. Hac enim in formâ commodiùs adservari, Sennertus auctor est. Plura de hac materiâ in principio Classis præcedentis videantur.

3. In facili non esse, Collyria illa solida in pulverem redigere; ne jurato quidem Zelfero crederem; cum aliud ipsa *analogia* ostendat.

Et quamvis summo cum labore pulverisatio eorum succederet, impossibilis tamen haud esset, neque contra hoc genus medicamenti quidquam evinceret; multa enim difficilia, ast idcirco non repudianda, Pharmacia continet,

Neque

Neque tam exactâ pulverificatione semper opus est, si nimirum eorum, usus cum liquore aliquo, in quo obiter saltem contusa dilui sicque dissolvi possunt, existat.

POMA AMBRÆ licet odoris fragrantia se commendent; hujus solius tamen gratia à Medico haud præscribuntur, sed potius ut suavi suâ exhalatione corporis humani sanitatem promoveant. Veluti illa ab Augustanis descripta, ad cerebri cordisque, ac inde profurgentium spirituum conformationem commendari, ipse textus indicat.

Melius autem esse, species odoriferas pro iis expetitas, cum *resinâ aliquâ, styracis vel ladani*, in massam redigere, quàm cum *mucilagine tragacanthi*; quia causam hujus suæ adserti non addit, hac vice non impugno.

Angelus Sala tr. de peste, Poma ambra cum *tragacantho* compacta, ita sæpius indurari, scribit, ut rerum odorabilium qualitas suffocetur, & exhalare nequeat, atque idcirco *tragacanthi* loco *balsamum Peruvianum* eligit.

Sed neque *tragacanthi* nimia copia sumi debet; neque hæc odorabilium rerum qualitatem suffocare potest; sed potius ut diutius in massâ odor subsistat, nec tam citò exhalare queat, efficit.

Si nimis indurentur Poma hæc, facili negotio emolliiri iterum possunt.

Quòd cò graviora evadant, quò è paucioribus rebus fragrantibus parata fuerint, universaliter verum haud est. Si enim grata suavium multorum odorum harmonia, ut nullus præpolleat, impetretur, Pomum tale, longè gratiorem fundet odorem, quàm si e.g. è solâ *ladani resinâ*, atque oleo quodam destillato paratum foret.

Sic etiam ipsa Zvelseri Poma, sive *Pasta odorata Pharmacop. Regiæ* à simplicitate ingredientium longè recedunt, atque ex undecim pluribusque ingredientibus compinguntur.

In SUFFITUS quandoque nonnulla addi, objicit, quæ quamvis per se odorata, prunis tamen inpersa, insignem foetorem spirant, ut *cinnamomum*, *carzophyllos*, *semen coriandri*, *semen nigellæ*, *rosas*; *moschum* ipsum, vivis carbonibus immissum, si citò comburatur, malè olere. Proinde nisi Medicus aliud quid intendat cum similibus adjunctis, ut ea omittantur, ne reliquorum odoriferorum fragrantia unâ destruat, suadet. De hac objectione superiùs actum jam fuit. Quare in præsentiarum solùm regeo, ab Augustanis nec *cinnamomum*, *semen coriandri* & *nigellæ*, nec *moschum* formulis suffituum, vivis carbonibus immittendorum, admisceri, & ita inconvenienter exempli loco, contra Augustanos à Zvelsero adduci.

Licet autem ejusmodi simplicia prunis inspersa, illo odore grato, quem per se emittunt, haud polleant; insignem tamen foetorem non spirant; multò minùs tantus is est, ut reliquorum odoriferorum fragrantiam destrueret valeat.

Testes produco Augustanorum in hac *Classe* præscriptos suffitus, quos prunis injectos, neque ingratum foetorem spirare, neque reliquorum odoratorum fragrantiam à reliquis, odorem gratum in combustione non exhalantibus, destrui, emunctæ nares judicabunt.

CANDELIS PRO SUFFITU, TÆDIS AROMATICIS, & PASTILLIS PRO FUMO præcedentes animadversiones destinant; sed præcipuè à *Pastillis pro fumo saccharum* excludit, ejusque loco *pulverem carbonum*, nec non pro *styrace calamitâ* ejus *resinam* admittit; insuper si *ligna aloës & cupressi, cinnamomum ac caryophylli* omitterentur, fragrantiores fore Pastillos, autumat. Verùm etiamsi cum *saccharo* Pastilli prædicti fiant, suavissimo tamen odore gaudent.

Carbonum pulvis nigros, & ingrati coloris Pastillos reddit, qui potius à modico candore commendantur.

Pro *styrace calamitâ*, ejus *resina* sine causâ obtruditur. Externum enim cum sit medicamentum, in quo, ubi præparatum jam est, an *resina*, vel ipsa *styrax calamita* insit, dignosci haud licet; *styrax* etiam odoris præstantiâ vix, aut parùm à *resinâ* differat, sumtuosiores saltem, non verò adeo præstantiores Pastillos hæc producit.

SAPONUM MOSCHATORUM plurimæ, simpliciores, & magis compositæ, prostant descriptiones, odoris fragrantia inter se differentes; quarum plures *Alexius Pedemontanus suis secretis* inseruit.

Hafnienſe Collegium Medicum Dispensatorio suo formulam *Augustanorum* destinavit; in cujus præparatione nihil animadversione dignum à Zvelfero producitur.





RESTITUTA

CLASSIS DECIMA QUARTA,

Confectiones antidotales, narcoticas seu opiatas, aliasque confimiles, Condita & Conservas continens.

Primò omnium hac in *Classe* se offert tot seculis decantata, & nostro etiam tempore à Viris, qui famam aternitati consecrarunt, adprobata THERIACA, pag. 227. Quam paulò diffusius pervestigare, Zvelfero ducente, fiat sententia; ita tamen, ut illa, quæ fastuosò calamo præmittit, tanquam nihil ad rem conferentia, sicco pede transeam, unicè illa, quæ in specie à Zvelfero oppugnantur, perlustraturus.

I. Rationi minùs conforme videri, dicit, quòd ex indistinctâ, vel potius infrunita tantaque tot diversarum rerum, nonnunquam apertè sibi repugnantium conglomeratione, tam nobile ac præcellens alexipharmacum, emergere queat. Sed indistincta illa infrunitaque rerum sibi repugnantium conglomeratione nondum probata fuit. Quam itaque objectionem, solâ negatione, hac vice, remittere, æquum est.

II. Minimum prolixæ huic compositioni alexipharmacorum numerum inesse, quorum insuper vis ab aliis incongruis ingredientibus, tum ob eorum qualitatem, tum copiam, obrui & obtundi sæpeque annihilari, statuit. Sed hoc omne Adversæ parti probandum, iterum incumbit.

Interea non inèritò disquiritur: an *Theriaca* nulla alia nisi alexipharmacum ingredientia recipere debeat?

Ipse *Quercetanus*, parùm alioquin *Theriaca Andromachi* favens, ideoq; à Zvelfero præclarissimi viri encomio honoratus, *Pharmacop. dogmat. restit. cap. 23.* ultimam ingredientium classẽ *opoponaci, sagapeno, galbano, castorio, bitumini judaico*, occupandam reservat, ne quid in suâ *Theriaca* desideretur, quod ad ejus perfectionem pertinere videatur, ita ut non tantum fiat alexipharmacum,

macum, sed universale quoddam medicamentum, contra gravissimos totius corporis affectus & symptomata.

Eruditè dubium hoc resolvit Celeberr. Joh. Henric. Meibomius in discursu de Mithridat. & Theriac. Quia nondum, inquit, satisfacit Medicus officio suo, si morbum oppugnet, atque omnis generis remediis, maxime generosis, id, quod vim natura infert, conetur propulsare, & humores turgent, quantum licet, refranare, & ex corpore proturbare satagat; nisi simul partibus principalibus prospiciat, atque id caveat unice, ne illarum aliqua, aut viscus aliquod nobile, venenâ promptè recipiendo, ab illis ladatur. Necessum igitur habet, ut, dum alibi prodest, viscera interim principalia corroboret simul & muniat, atque à perniciè tutetur & defendat. Sic cor ab alexipharmacis; cerebrum à stæchade arabicâ roborari; pulmonibus crocum, marrubium, radices iridis & liquiritiam prodesse, hepar & lienem centauryum minus, pentaphyllum, chamadryn, chamapithyn &c. juvare, adserit.

Magnificus Guernerus Rolsincius ord. & meth. medic. special. comment. lib. 8. sect. 2. cap. 31. tribus dotibus antidotum præditum esse debere, propugnat; ut 1. veneno resistat, 2. cor roboret, 3. expultricem cordis & aliarum partium stimulet.

Nimirum non sufficit, in medicamento aliquo composito basin tantum semper posuisse, sed quandoque adjuvantia, corrigentia, dirigentia, & excipientia simul advocanda esse, ratio suadet. Quæ si ritè attendantur in Theriacæ compositione, sola alexipharmaca, quæ baseos vicem subeunt, recipi non debere, cuius facile patebit.

Si verò hæc attendi nunquam deberent, sine ullo labore, omnes prope modum Zvelseri antidotales compositiones evertere me posse, considerem.

Sæpe etiam quod rationi, præsertim sinistro iudicio præoccupatæ, incongruum videtur medicamentum, si nempe ejus inventoris intentionem, sive componendi causas ignoremus, nec experientiæ, ob levem aliquam ratiunculam, fidem habere velimus, virtutibus tamen suis salutulorum sufficientem sufficerent diluit.

Sic Galenus cap. 4. de theriac. ad Pison. res quasdam diversas planè partes habere, demonstrans, quasdam ex commissis virtutibus, quas in se continent, admirabiles adeo producere effectus, monet; ut ne fieri quidem posse, audientibus videatur, nisi ex eventu fidem ipsi experiantur.

Experientia scilicet, tanquam evidens aliquod, primariò spectanda, & rationi præferenda est.

Nunc, quamam alexipharmacorum numero excludi, atque à Theriacæ compositione eliminari debeant, investigare decet. In animadversionibus quidem,

quidem, præter *agaricum*, *rhabarbarum* & *chalcitidem* nullum determinat. In *Pharmacopœiâ Regiâ* autem iis enarrandis operose insudat; ad quam itaque divertere cogor.

1. *Scillam Pharmacop. Reg. pag. 146.* adducit; quia nemo Botanicorum classicorum (illi enim, qui contrariam, & Zvelfero minùs commodam sententiam amplectuntur, sine ratione, ab eo Apocryphi habentur) virtutes cardiacas & alexipharmacas, sed potius usui interno minùs proficuas, ideoque pro acrimoniâ tollendâ, in clibano sicurandas &c. ipsi tribuerit. Posito, omnia ita sese habere; propterea tamen à *Theriaca scillam* arcere, non convenit; cum eandem aliis suis virtutibus, à naturâ concessis, exaltare valeat.

Quòd autem *scillam*, si foris buboni pestifero adplicetur, venenum à centro ad corporis ambitum attracturam; & sic intra corpus adsumtam, illud pariter à circumferentiâ ad centrum validissimè revocaturam esse, Zvelfero evidens ac certum videtur, dubij plena res est.

Nam si hoc de *scilla*, quatenus in *Theriacam* recipitur, intelligat, difficilis admodum erit probatio; præcipuè cum illius suppositi, de veneni per *scillam crudam*, externè cum pane adplicatam, attractione, veritas adhuc dum à *Præficcante*, quod Zvelferus velle videtur, investiganda sit.

Dato tamen, *scillam* cum pane mistam, virtute venenum attrahendi pollere, nihil indè contra *scillam*, quatenus *Theriacam Veterum* ingreditur, demonstratur. Quippe longè alia est actio medicamentorum nonnullorum, si internè adsumantur, quàm si externè adplicentur.

Et qua ratione *scilla* (cujus etiam minima in dosin unam ingreditur, quantitas, quæ insuper, secundum Zvelferi doctrinam, ab additis aliis obruitur & annihilatur) tale quid præstare poterit, si in *Trochiscis scilliticis* nil nisi *effata, enervata, castrata*, atque *exsucca membranula*, à virtute *scille* degeneres, ceu quidem arbitratur Zvelferus, supersunt? Istam enim venenum attrahendi potentiam *scilla cruda, non preparata*, sive, ut ad mentem Zvelferi loquar, non emortuo *scille* corpusculo, adscribit.

Quin hæc ratione omne *ceparum* genus pro usu interno alexipharmacum inidoneum videri posset.

Ipsam Zvelferi *Elixir alliatum antipestilentielle Pharmacop. Reg. pag. 208.* plebem à contagio pestilenti non præservaret; sed eam ad venenum istud recipiendum obnoxiam redderet.

Idem ab aliis Zvelferi medicamentis antiloimicis metuendum foret.

Ita in *Amuletum contra pestem*, quod *pag. 140. Pharmacop. Reg.* describit, *pudris serpentum, succinum, moschus* recipiuntur; quæ omnia venenum pestife-

pestiferum attrahendi vi prædita esse debent; cùm hoc amuletum tali modo à peste præservare, Zvelfero dicatur.

Id quod equidem impugnare, uti animus mihi non est: ita fundamento Zvelferi, contra *scilla* usum posito, innixus, *pulverem serpentum, succinum, moschum* &c. internè si adhibeantur, venenum in peste validissimè in corpus attrahere, & consequenter imprudentissimè in medicamenta alexiteria interna recipi, existimo.

Quod tamen minimè observans Zvelferus, *pulverem serpentum, viperarum* substitutum, pro summo alexipharmaco, intra corpus adsumtum, & qui ipsam *Theriacam* ingredi mereatur, venditat. *Succinum pag. 98. Pharmacop. Reg., Pulveri alexipharmaco secundo, cujus usum in peste validum pronunciat, admiscet. Moschum in Trochiscos antipestilentialia sublinguales priores pag. 132. recipit.*

2. *Piper longum Pharm. Reg. pag. 150.* adgreditur, quod cardiacâ & alexiteriâ virtute reliquis eminere qui dixerit, neminem autorum se offèdere, scribit, atque Lectorem Benevolum Scriptores multùm de re herbariâ conspicuos & meritos, *Dioscoridem, Matthiolum* &c. consulere, jubet, quorum nullus *piper* alexipharmacâ facultate dotatum adserere ausit; sed quòd saltem pro *Theriacâ* ab aliis illud suaderi, memorent, nihil interim decidentes, quonam id modo ac ordine accidat, præposterè, an verò rationi consentaneo? piaculum aut grande nefas sibi ducentes, pro veritate litare, mundoque Veterum errores revelare. Sed responsionem ex supra jam citato fundamento facile petere licet. Non enim sola alexipharmaca *Theriaca* adjungere, necesse est; sed alia quoque aliarum partium confortantia, corrigentia &c. addere, licet. Sic v. g. *piper* stomachicum medicamentum esse, nemo negat.

Zvelferi autem contra *piperis* vim alexiteriam adducta ratio nil quidquam concludit. Licet enim ipse è nullo autorum, quos evolvere datum, ei fuit, virtutem *piperis longi* cardiacam & alexiteriam cognovisset; an ea propter eadem carere, tam auctacter adfirmari debet? An illi soli scriptores, quos ipse evoluit, classici sunt?

Sed quem elegit judicem, *Dioscoridem* audiamus, qui *lib. 2. cap. 153.* de *pipere* in genere, atque ita etiam de *longo*, agens, serpentum moribus illud auxiliari, tradit; in specie autem *longum piper* pro antidotis & theriacis medicaminibus (ubi non solius *Theriaca*, qua de hîc sermo est, mentionem facit) expeti, adserit.

Piperis candidi planta, scribit *Garcias* ab *Orta aromat. & simplic. medic. histor. lib. 1. cap. 22.* rariores sunt, nec nisi certis *Malavar* & *Malaca* locis rare nascuntur. Solet *Magnatum mensis* inferri: eo enim utuntur quemadmodum

nos sale. Venenis resistere & ocularibus medicamentis utile esse, asserunt: quod & Dioscorides lib. 2. cap. 153. annotavit; atque utinam totam hujus plantæ historiam tam verè descripsisset.

Utrum verò necessarium sit, rationes semper addere, cur hoc, vel illud ingrediens alicui compositioni addatur, ipsum Zvelferus judicem constituo, qui in *Pharmacopœiæ Regiæ* tot compositiones alexipharmacas recenset, quarum tamen ingredientia, quæ ab aliis Scriptoribus in tali casu commendata novit, *quo modo ac ordine accedant*, haud declarat.

Fides Antiquitati, per experientiam dubio procul *piperis* vim antidotalem adstruenti, rectius, quàm pennæ, reformandi aliorum scripta avidæ, hanc neganti, habetur.

Sit ergo *piper* alexipharmaci nomine dignum, quousque contrarium probetur.

Objeçtio, quam sibi met format Zvelferus, ejusdemque resolutio, labili non minùs pedè subsistunt.

Objici enim posse, scribit; quòd non sola alexipharmaca, sed & cor reliquasque partes principes confortantia, in *Theriaca* requirantur. Verùm, roborantia talia esse debere, regerit, quæ spiritus non accendant, humoresve exagitent, ne pestilentis contagij semina commota citato gradu in penitiores aditus raptantur. Egregiè sanè! Valeant igitur & eliminantur à medicamentorum alexipharmacorum ordine omnia aromata, *oleum cinnamomi*, aliaque destillata olea; quia, si non benè temperata cum aliis, & in dosi immoderatà propinantur, spiritus accendere, humoresque exagitare valent. Omnia medicamenta, subtili, penetrante, fragranteque odore prædita, non amplius confortantium nomine, tali modo circumferri debent. Hæc autem omnia à Zvelfero commendantur, & pro confortantibus præcipuis, alexipharmacisque, nec imèritò, proclamantur. Unde hoc Zvelferi exemplo commotus, *piperi* vim alexiteriam, ob caliditatem suam, negare nequeo.

Illa ipsa quoque caliditas & acrimonia ab additis aliis, v. g. *melle*, in *Theriaca* temperatur, ejusque dosi mediocris adsumitur. Si enim *Theriaca drachma una* pro dosi statuatur, eam nec quidem *piperis longi integrum granum unum* ingredi, observatur.

Neque *Theriaca* gustata, ullam *piperis* præpollentis caliditatem aut acrimoniam, quæ *linguam & palatum feriat*, multò minùs *inflammet*, exhibet.

Accedit, quòd *Theriaca* illis, qui temperamenti calidioris sunt, observatis simul reliquis caloris, v. g. ætatis, regionis &c. circumstantiis, tum à *Gaeno*, tum aliis interdicitur.

Plura

Plura quæ contra hanc objectionem dici possent, mitto, unicum hoc superaddens, Zvelferum *Pilulis* suis *confortantibus*, pag. 10. *Append. in Pharmacop. Reg.* descriptis, *piperis longi drachmas tres* immiscere, sicque pro dosi unâ, si ea *scrupulus unus* ponatur, ultra *grana quatuor piperis* destinare; cum tamen hæ *Pilulæ*, aliis insuper calidis acribusque ingredientibus turgidæ, caput, cerebrum, spiritusque vitales & animales confortare debeant.

3. *Opium* pag. 151. sub examen revocat, atque adductis multorum, Scriptorum testimoniis, (quod aliàs auctoritatem aliorum emendicare, vocat) vim alexipharmacam eidem adimere, & pestilentem invisamque ægris, tribuere, totis viribus laborat.

Et sanè vix ullus, tantorum Virorum unanimem de *opij* periculoso usu sententiam, crebrâ experienciâ confirmatam, repudiare potest. Cum, tamen illa de immoderato intempestivoque & incorrecti *opij* usu tantum agat; nemo ex hoc fundamento pestilentem invisamque ægris vim, tam simpliciter *opio* adjudicare debet; cum potius summè salutare, ac ægro amicum, si debite exhibeatur, eveniat.

Dioscorides enim *ervi* magnitudine sumtum commendat.

Ruellius, *Schröderus*, à nimia quantitate incommoda metuenda esse, volunt.

Fernelius lib. 6. meth. med. cap. 1. (qui locus à Zvelfero citatur) usum *opij* externum commendat, interni nullâ factâ mentione; quem tamen, levioribus aliis auxiliis desperatis, *cap. 5.* certis in casibus admittit; & ita non, si quoquo modo, ceu vult Zvelferus, in usum trahatur, tam periculosum medicamentum vocat.

Tabernæmontanus, & *Matthiolus* in summâ necessitate, circumspectè tamen, ac in minimâ dosi, adhiberi posse, concedunt.

Rhodius, si vires consent, admittit.

Renodæus indiscriminatim exhibitum, periculosum vocat.

Cæterum ad *Dioscoridis* auctoritatem ut revertar, eam planè præpostere à Zvelfero huc trahi, comperio; cui fortè nunquam videre *Dioscoridis* libros, obtigit. Nam scribit: *Reperio ex Dioscoride, nullam ei virtutem alexipharmacam inesse, qui pro se Diagoram, Erasistratum, Andreæ Mnesidemum allegat, qui & ipsi pariter suffragantur: imò opij usum in genere vetat, & exiosum esse, deciderit.*

Verùm *Dioscoridem* ipsum audire, præstat, qui *lib. 4. de mat. med. cap. 60.* de *opio* sermonem instituens, sequentia habet: *Sumtum ervi magnitudine, do- lorem finit, concoquit, & somnum allicit: tussis atq. celiacorum valetudini auxilia- tur. Verum si copiosius hauriatur, nocet, cum lethargicos efficiens interimat.*

Et

Et paulò post : *Diagoras, ut Erasistratus autor est, usum ejus damnavit, oculorum lippitudinibus, & aurium vitus infundi verans, quoniam visus aciem hebetaret, & soporem gigneret. Addidit Andreas, illitos eo protinus excacari, non adulteraretur. Mnesidemus usum duntaxat olfactandi probavit, quoniam si ad conciliandum somnum conveniret: alioqui nobis ut noxio interdicat. Quæ commentitia esse, experimento deprehenduntur: siquidem effectus, virium hujus medicamenti fidem faciunt.*

Quæ jam adducta verba si cum Zvelseri textu conferantur, hic multarum absurditatum reus convinci posset.

Mihi verò saltem querere libet: An *Dioscorides* in his verbis virtutem *opij* alexipharmacam rejiciat? An usum *opij* in genere vetet, atque exitiosum esse, decidat? An *Diagora, Andrea*, (qui pariter vim contra venena nec probant, nec improbant) *Mnesidemi* suffragia, pro sententiâ suâ stabiliendâ, producat?

Nunc, an *opium*, tanquam alexipharmacum, in *Theriaca* compositionem adfiscatur, vel alium propter finem addatur, planè eliminari debeat? inquirendum erit.

Prout autem non semel jam monui, *Theriacam* pro sui constitutione non alexipharmaca solum requirere, sed alia quoque alterius naturæ ingredientia commodè recipere: ita de *opio*, quod alexipharmacorum propriè dictorum numero inserere nolo, prædicari idem potest; præcipuè cum non solius pestis, atque venenorum reliquorum malignitati *Theriaca* opponatur, sed aliis quoque corpus humanum invadentibus malis resistere debeat.

In ipsò verò pestilenti contagio qua ratione *opium* profit, illum, qui ejus vim confortantem, quatenus spirituum dissolutioni resistit, & consequenter virium lapsum, in peste quammaximè timendum, præcavet, nec non facultatem sudorem movendi, ab additis alexipharmacis adjutam, considerat, minimè latere potest. Sic enim corpus, spiritibus confirmatis, & vitiosis humoribus è corpore sensim sublatis, ne virus pestilens promptè recipiat, disponit.

Unde *Joann. Walæus* sudorem ciendi vim in *Theriaca* soli *opio* adjudicare, audent; dum in suâ methodo medendi cap. de sudorifero, pag. m. 65. sic scribit: *Medicamenta sudorifera pauca vera sunt, & inter hæc excellit Opium; Quod enim Theriaca, quod Mithridatium sudorem moveant, hoc omne ab admixto faciunt Opio; Expertus ego sum, hæc duo Electuaria, absque Opio præparata, sudorem prorsus non movisse.*

Neque in peste, quæ corpus jam invasit, profligandâ auxiliares præbere

manus, renuit. Nam præterquam quòd multorum ingredientium alexiteriâ virtute præditorum agmine concomitetur, tot insuper singularum corporis partium confortantibus gaudeat, spirituum quoque dissipationem inhibet, eosdem exæstuantes demulcet, irruentium humorum pravorum impetum refranat, de pestifero miasmate, sudorem pellendo, multum detrahit, dolorem capitis, vigilias immodicas, vomitus, diarrhœas, quæ symptomata frequenter in peste infectis deprehenduntur, & ægri mortem accelerare valent, compefcit.

4. *Agarici* in *Theriacam* additionem pag. 158. reformat; ejus vim alexiteriam dum è nonnullorum Classicorum Autorum testimoniis agnoscit, ne tamen admittere eam teneatur, sed potius, tanquam Veterum quoddam adsertum suggillare queat, hos regulam, & canonem nobis esse non posse, scribillat; cum ratio illos convincat & dissuadeat, & ipsa tutior *Magistra Experientia* in contrarium hortetur; ut proinde præter inania verba & *Sonos*, aliquid solidi non reperias. Illi verò, qui *agarici* virtutes enumerantes, alexipharmacæ vel planè non meminère, vel negant, *clarissimi, doctissimi*, & *magna nota Viri* ipsi dicuntur. Sed quanam est ratio, quam venditat? cui nam debetur contraria ista experientia? De hac altum est silentium; illa, autem nihil convincit. Probatione enim adhuc dum indiget, quòd *agaricum* caterorum alexipharmacorum in *Theriaca* vim sistat, retardet, infringat, naturæ, & vel maximè ventriculo, inimicâ qualitate hostile sit, præpositosque effectus procuret. Nihil horum in *Theriaca* usu conspicitur. Agunt alexipharmacæ ejus non fracta, vel impedita. Natura amicam eam experitur. Ventriculus summum solatium ex eâ percipit.

Licet, quod *Zvelserus* pro sententiæ suæ robore producit, *agaricum* per inspirationem ad nares allectum, pectusque occupans, sternutationem moveat, respirationem impediat, molestamque; ophthalmiam exerceat; (id quod in nonnullis observari, haud nego) nihil tamen horum alexiteriam *agarici* vim impugnât; cum hoc non à qualitate aliquâ malignâ proficiscatur; sed ab ipsâ *agarici*, in minutum pulvereim per trituram redacti, substantiâ acri ac resinosa, nares vellicante, sternutationemque provocante, laryngem constringente, & ob vehementem motum acrimoniamque oculos lædente proveniat.

Aliàs magna alexipharmacorum, à *Zvelsero* etiam adprobatorum, pars eodem elogio mactari deberet, quorum subtilissimus pulvis, inter tritrandum ore naribusque exceptus, eundem effectum producit.

Nec etiamsi larga *agarici* quantitas, pro purgando corpore, adsumatur, unquam tales effectus observantur; qui tamen necessario subsequi deberent, si ab altiori causâ, scilicet venenatâ, proficiscerentur.

Et sanè, sic pergit Zvelferus, palam profiteor, quòd nunquam à tot elapsis annis, quibus Medicæ professioni præsum, ullum viderim aut legerim, qui in morbo contagioso & maligno, ad expugnandam deleteriam qualitatem, Agaricum in subsidium vocarit, nisi Agyras quosdam & pseudo-præcticos &c. Sed neque hoc argumentum quidquam contra agaricum probat.

Nam licet Zvelferus per tot annos, quibus Medicum se professus fuit, (an Medicæ professioni præfuisse dici queat? nescio) nullum viderit aut legerit, qui agaricum in morbo contagioso & maligno adhibuisset, dubium tamen relinquitur, annon in tali morbo prosit?

Multi autem virtutem illam antidotalem agnoverunt.

E Veteribus Dioscorides lib. 3. cap. 1. (quem etiam paulò ante Zvelferus allegavit) agaricum venenorum antidotum vocat, contra serpentum quoque ictum morsumq; tribus obolis è vino potum, mirè auxiliari, perhibet.

Sed cum hujus, nec non Manardi, testimonium, quasi stylo ac verbis frivolis inniteretur, stylo licet verbisque frivolis, rejiciat Zvelferus; aliorum, ne hos duos solos sententiæ huic favere credas, judicia adnectam.

Galenus lib. 6. de simplic. medicament. facultat. cap. de agarico, illud à bestiis frigore lædentibus, demorsis & punctis, intus extusque adhibitum, commendat.

Idem in libro de simplic. ad Paternianum, reperitur.

Ubi Lector Benevolus obiter notet, Zvelferum statuere, quòd Dioscorides & Manardus hoc de vi agarici alexipharmacà è Galeno mutuati fuerint; cum tamen Dioscorides diu ante Galenum vixerit; ut ita Galenus potius è Dioscoride, non vice versà, mutuatum hoc fuisse, dici posset.

Plinius lib. 16. cap. 8. agaricum antidotis efficacem nominat.

E Recentioribus Rolsincium oppono, qui sect. 1. art. 1. cap. 25. de purgantib. vegetab., agaricum accensum in peste purificare aërem, & cum aliis suffimigijs perniciosæ infectioni contrariis medelis, misceri posse, tradit.

Unde Minderero nostro cap. 5. Aloëdar. marocost. venenorum reluctatoris nomine insignitur; & ab Honorio Heringio, tract. de pestilentia, unà cum rhubarbaro illis medicamentis inseritur, quæ præter purgandi vim, veneno resistere possunt.

Quin plures ejusdem sententiæ esse, ex ipsis Zvelferi verbis concludi posset, dum Dioscoridem & Manardum solos (qui & ipsi, verba sunt Zvelferi, è Galeno mutuati sunt, uti & reliqui omnes) agarico vim alexiteriam adscripsisse, refert. Nam illa verba: reliqui omnes, præter Dioscoridem, Galenum, & Manardum, plures alios autores includunt.

Quo ipso tamen Agyrtis, *agaricum* imprudenter in febribus malignis propinantibus, non adfentior; quin potius ex inconsiderato tali usu, magnum in periculum, ipsamque mortem præcipitari agros, concedo.

Abusum enim hoc redolet.

Adfirmo pariter cum Zvelsero, *Agaricum*, in magnâ illâ ingredientium copiâ & pondere, alvum solvendi vi hæud pollere; neque enim id expetitur; dummodo vis alexipharmaca salva sit.

Et quis non miretur Zvelserum, qui ipse Antidotis nonnullis purgantia immiscere, non fuit veritus.

Exemplum hujus præbent *Pilule antipestilenciales Pharmacop. Reg. pag. 68*, quæ multis alexipharmacis ingredientibus refertæ, aloës socotrinae unciam unam recipiunt, à qua parum ultra grana tria dosin unam intrare potest.

5. *Rhabbarbarum* similiter alvum movere, humores agitare, & alexiteriâ virtute destitui, *pag. 159*. garrit Zvelserus, ideoque citra rationem *Theriaca* superingestum esse, scribit; cujus nempe activitas & operatio non sit à centro ad peripheriam, à corde ad cutem & poros, sed contrario operari modo. Atque hoc autoritate *Mesues, Matthioli, Tabernamontani* &c. fulcire, conatur; qui cum nullam de virtute alexipharmacæ *rhabbarbari* mentionem faciant, eandem etiam *rhabbarbaro* non inesse, concludit. Quæ egregia consequentia si valet, multis nobilissimis alexipharmacis, pari facilitate, illam suam à naturâ impertitam efficaciam, dubiam reddere licet.

Quasi verò Botanici, aliique Scriptores Medici, cujusdam simplicis virtutes enarrantes, & hanc illamve expressè non consignantes, propterea, eandem abesse, statuere dicendi essent? Unus hanc vel illam; alius alias virtutes enumerat.

Unicum eximit *Dioscoridem*, qui *rhabbarbaro* virtutem illam venenis contrariam attribuerit, præter quem *neminem Scriptorum* virtutem alexipharmacam, cardiacam, & roborantem adjudicasse, scribit. Ubi labilem Zvelseri memoriam iterum observo, dum paulò ante, præter *Dioscoridem, Ruellium* quoque exceperit, qui contra serpentum venenata jacula valere *rhabbarbarum*, *lib. 3. cap. 2. de naturâ stirpium* meminit.

Verùm neque hi soli sententiam istam foveant, plures alij ipsi adstipulantur.

Ebn Sina lib. 2. canon. tract. 2. cap. 585. morsui vermium venenosorum & serpentum conferre, docet.

Ab *Alexandro Massariâ lib. 2. de peste, & lib. 7. Pract. medic. cap. 24.* multas inter nobiles dotes, venenis quoque resistens, & cor roborans eidem tribuitur.

Zacharias à Puteo in clav. medic. ration. se ex frequenti *rhabarbari* matificatione, absque aliâ antidoto, favâ in pestilentiâ, liberatum fuisse, memorat; quamvis multos peste infectos tangere, & cum iis conversari, coactus fuerit.

Jo. Hartmannus in Prax. chimiâtr. usum *rhabarbari* continuum, quemadmodum *Zedoaria*, multos ab infectione pestilenti tutatum esse, testatur.

Quare multi quoque Medici clarissimi antidotis suis radicem hanc immiscuerunt, quorum aliquot exempla *Dan. Sennertus in Fasciculo medicamentorum, pestilentia grassante, à diversis Medicis præscriptorum*, exhibet.

Prout e. g. *Pulvis D. Joan. Castneri præstantissimus* & à multis approbatur, *rhabarbari* drachmam dimidiam; *Pulvis præservativus* & curativus à Doct. *Vienensis ordinatus*, unciam dimidiam; *Pulvis grossus secundus D. Jacob. Theodori Tabernamontani*, drachmas duas recipit.

Eadem hæc medicamenta, unâ cum aliis, in *Fasciculo medicamentorum antipestilentialium Heringij*, inveniuntur.

Quæ de contrario alexipharmacis motu *rhabarbari* scribit, ita se habere, ponamus, tantam tamen in *Theriaca* vim ejus esse, quæ talem contrarium motum inducere queat, non admittitur; cum nec quinta pars grani unius, *rhabarbari*, drachmam unam *Theriaca* ingrediatur.

Idem verò de contrariâ operatione in *Pilulis antipestilentialibus Zvelferi*, superius citatis, statui debet; quas omnium primò defendere, Antagonistis incumbit.

6. *Chalcitis* pag. 160. à *Zvelfero* è *Theriaca* rejicitur, ob vim, quam continet, corrosivam.

Minérale hoc *Vitrioli nativi* speciem esse, & viribus cum *Vitriolo* coincidere, apud *Zvelferum* quoque in confesso est.

Galenus chalcitidem nihil aliud, quàm *chalcanthum* fuisse, ex lib. 9. de *simplic. medicament. facultat.* colligitur; ubi *chalcitidis* sponte, post annos aliquot, è *chalcantho* natæ mentio fit; cui similia *Paulus Aegineta lib. 7. cap. 3.* præfert.

Prout autem *vitriolum* non unius generis est: ita *chalcitidis* quoque, diversas species dari, veneream, martialem, sapore modò acriori, modò temperatiori, magis minusve adstringentem, puriorem & impuriorem &c. verisimile videtur.

Ut idcirco *Zvelfero* aliquando, talem, quæ gustui nausæ plenissima, cu-
perosa, odoratui tetrum quid spirans adparebat, obtigisse, facile credi possit.

Id tamen de omni *chalcitide* affirmari nequit. Sæpius enim hîc AUGUSTÆ *chalcitidem* rubri coloris, dulci, adstringente, & martialem potius,

tius, quàm veneream profapiam prodente sapore præditam, nihil tetri spirantem, *Theriaca* elaborationi adhibitam fuisse, scio.

Caterùm vim propter corrosivam à *Theriaca*, quod Zvelserus, aliorum vestigia premens, facit, rejici haud debet.

Nulla enim à *Theriaca* exhibitione, ventriculi, intestinorum, reliquarumve partium corrosio unquam observata fuit.

Angelus Sala cap. 4. hemetolog. illos, qui *vitrioli* vim corrosivam nimiam accusant, ideoque ab usu interno istud arcent, ne unicam historiolum, ad sententiam suam probandam, adducere posse, intrepidus exclamat.

Præterea tam parva *chalcitidis* dosi unam *Theriaca* dosin ingreditur, quæ vix quidquam corrodingo præstare valeat; *drachma* nimirum *due Theriaca*, *tertiam* partem, juxta Zvelseri; vel, secundum exactum magis calculum, *quartam* partem *grani unius chalcitidis* recipiunt.

Imò hæc ipsa parva quantitas ab additis aliis temperatur.

Ut ideo *Sylvaticus, chalcitidem*, ob vim causticam, in *Theriaca* non metuendam esse, benè hortetur; quia in eâ quantitate urentes suas vires exferre non posse, experientia manifestum faciat.

Pari modo *vitriolum* quoque, quod in *chalcitidis* defectu eidem substituitur, corrosioni crimine absolvitur; cujus patrociniū *Angelus Sala d. l.* imprimis suscipit, illudque intra corpus, absque acrimoniæ & corrosioni metu, præscribi tutò posse, diffusè propugnat.

Et certè pauca, inter simplicia, ad usum medicum adaptari solita, reperire licet, quæ de particulis acris non participant.

Eminent hæc in *sale communi*, cujus tamen quotidianus in cibis usus summè salutaris, nullo modo corrosivus noxiusque observatur.

Saccharum, mel, sub summâ dulcedine, acerrimos corrosivos occultant spiritus; Et nihilominus utrumque sine corrosioni metu à Zvelsero in usum trahitur.

Quin ipse Zvelserus pag. 171. *Pharmacop. Reg.* pro *Theriaca Andromachi* correctâ, *drachmam unam spiritus vitrioli* admittit; cui tamen, præcipuè si probè rectificatus fuerit, multò intensior corrodingi facultas debetur, quàm *uncia dimidia vitrioli* vel *chalcitidis* calcinatæ.

Nimiùm autem à vero desleat Zvelserus, dum *Pharmacop. Reg. pag. 161.* nonnullos, ad mentem *Augustanorum, vitriolum Romanum, veneris ceruleum, seu cuperosum*, quod infame & detestandum vocat, substituere, scribit. Monstretur pagina, signetur locus, in quo Augustani hoc præcipiunt! Nihil, totum Dispensatorium perfrustranti, deprehendere mihi licuit.

In defectu verò *chalcitidis*, *vitriolum viride martiale* pro succedaneo Augustanos eligere, certius scio.

Romanum, sive *Italicum*, Marti potius, quàm Veneri ortum suum debens, infamiam non meretur.

Hinc Tackenius cap. 17. *Hipp. chim. Vitriolum Romanum ferro ditissimum*, vocat.

Valerius Cordus in *Dispensator*. non necessariò addi *chalcitidem*, vel *vitriolum*, statuit, quia horribili & æruginoso sapore totam compositionem, inficiat. Quod tamen Petr. Coudenbergius in *schol.* somnium vocat, nec æruginosum horridumque saporem in *Theriaca* præ cæteris sentiri, uti nonnulli sibi imaginantur, iudicat.

A. G. Billichius de *fermentat. Platon.* oppositionem Cordi his verbis enervat: Verum enim verò quid in tantâ compositione possit tantillum *chalcitidis*? quid in magno obsonio parum condimenti? & in viginti circiter libris uncia dimidia *chalcitidis*, & in drachmâ unâ *Theriaca*, *chalcitidis* non granulum, sed octava duntaxat granuli particula?

Propter solius saporis gratiam non debere omitti, Jo. Bapt. Sylvaticus lib. 1. cap. 9. de *theriac.* arbitratur; quia aliàs plura ingredientia alia, ingrato sapore prædita, omittere, necessum foret.

Addo: *vitriolum martis*, & *chalcitidem*, ejusdem naturæ quæ est, metum illum sufficienter tollere.

Demonstrato itaque innoxio *chalcitidis* pro *Theriaca* usu; an omitti queat, vel necessariò, & quem in finem addi debeat? nunc disquirendum, restat.

Ut alexipharmacum considerari haud posse, Zvelserus arbitratur. Verùm hanc ob causam nec antiquitus additam *Theriaca* fuisse, ex Galeno patet, qui, colorem nigrum *Theriaca* inducendi gratiâ, eam commendat.

Quamquam non omni contra venena virtute destituatur.

Dioscorides lib. 5. cap. 74. *vitriolum* ad lumbricos necandos, pondere drachmæ unius; nec non contra fungorum venenum commendat.

Ebn Sina lib. 2. tract. 2. cap. 169. eandem contra fungos efficaciam *chalcantho* tribuit.

Paræus lib. de peste, cap. 25. *vitriolum* eum aquâ rosarum in peste laudat.

Thomas Borius, Veronensis, in flagello, tam ad præservationem, quàm curationem pestis, *vitrioli crudi* drachmam unam in mellis & aquæ partibus æqualibus soluti, commendat, & se in peste atroci Veronensi plus quàm decem *vitrioli libras* consumsisse, atque è mille, undecim tantum homines periisse, restatur.

Porro cùm obstructions aperiat, putredinem arceat, humorumque pravorum secretionem promoveat, tali quoque modo symbolum suum in peste profligandâ conferre, dici posset.

Sed hæc ut urgeam, nulla cogit necessitas; quia longè alium in finem *chalcitidem Theriacam* additam olim fuisse, è *supra citato Galeno* constat.

Is enim de usu *theriaca ad Pamphilianum, chalcitidem usam* nigro colore *Theriacam* commendare, memorat.

Eundem usum plures alij, *Galenum* secuti, producunt.

Et quanquam contra rationem agere videantur illi, qui hujusmodi ingrediens solius coloris causâ immisceant medicamento; ob consuetudinem tamen inveteratam, præcipuè cùm nocere nequeat, omitti vix potest.

Optimè id expressit *Galenus* 1. de antidot. cap. 15: Danda est opera, ut nigram *Theriacam* efficiamus; nam hoc etsi quo pacto in consuetudinem venerit, nesciam, quisquis tamen hunc colorem non consequitur, irridetur; quanquam nullâ coloris qualitate medicamento vis immutetur.

Vulgus nimirum, cui rerum essentiam intimiùs perscrutari, datum non fuit, earum bonitatem vel perfectionem sæpe ab externo tali accidente venatur, quo non adparente, medicamentum, licet optimè elaboratum, nullius valoris & virtutis sæpius proclamat.

Balsamis apoplecticis officinalibus, pluribus in locis colore nigro imbuî solitis, si *Pharmacopœus* tincturam illam non conciliaret, sinistram admodum judicium certò certius conciliaret, cùm tamen color saltē sit, prætereaque nihil virtutis balsamo largiatur.

Ne itaque similia medicamenta nobilia diffamentur, cur inveteratæ consuetudini satisfacere non liceat; quia Medicus, & qui ea præparat, colorem hunc observando, non propriis suis obstinatis desideriis, sed vulgi, cui aliquid dandum est, indulget?

Hanc tamen *Theriacam* nigredinem non uni *chalcitidi*, sed quantitati *opij*, aliorumque succorum nigrorum, in majori pondere *Theriacam* ingredientium, *Billichius* adscribit.

Negari equidem nequit, tales succos aliquam nigredinem conferre; sed non omne momentum absolvunt.

Hinc in *Theriacæ* præparatione, colorem primò hepatico similem, & tandem, *chalcitide* additâ, magis nigricantem induci, deprehendi.

Zvelserus crocum & rosas solum in causâ esse, ut ultimatim infusâ *chalcitide*, atro pulloque colore *Theriacam* squalcat; pag. 162. *Pharmacop. Reg.* adstruit, cò quòd omne vitriolum roseo & aureo *croci* colori junctum, naturali quodam arcano, in dissymbolo & antipathiâ quadam radicato, nigerimum colorem

colorem efficiat, instar sepiae. Verùm *rosas* quod spectat, uti illæ absque *chalcitide*, vel *vitriolo martiali*, colore nigro non imbuuntur: ita iis solis causam nigredinis adscribere nequeo.

Aliàs etiam à *vitriolo venereo* idem color emergere debet, quod tamen non fieri, & colorem viridem, videlicet ratione *cupri*, oriri, ocularis inspectio demonstrat; ut ita licet *rosæ* aliquid simul conferre queant, *chalcitidis* tamen, & *vitriolum*, ratione *ferri*, ex quo in acido soluto constant, colorem illum nigrum simul, vel majori ex parte, producant.

Hinc quoque falsum est, quod scribit Zvelserus, omne *vitriolum nigrum* cum *rosis* colorem efficere.

Falsum etiam esse, quòd *crocus* cum *vitriolo* mistus, atrum colorem producat, experimento instituto, facilè deprehenditur.

De illà autem coloris nigri, ex *vitrioli Martis*, & vegetabilis alicujus conjunctione, Otto Tackenius cap. 17. Hippocr. chim. scitè agit.

Ast quamvis *chalcitidem* solius nigri coloris causà *Theriaca* immiscere, Veterum mens fuerit, præter hunc tamen usum, alias quoque edere operationes, negari nequit.

Unde constringendo, ventriculum roborare valet; præterea exsiccandi vi insigni prodest, fermentationem promovet, putrediniquè resistit, quod nonnulli vi exsiccandi adscribunt, aliter autem à *Christiano Langio miscellan. curios. medic. 33.* explicatur. Quibus de usibus prolixiùs alij agunt. Mihi, eos obiter indicasse, sufficit.

7. Denique longum catalogum pertexit illorum simplicium, quæ alexipharmacorum nomine indigna, ideoque inter *Theriaca* ingredientia malè relata esse, judicat, dum pag. 266. Pharmacop. Reg. comas *hyperici*, gummi *arabicum*, *galbanum*, succum *liquiritiæ*, radicem *iridis*, *marrubium*, *stachadem arabicam*, semen *petroselinii*, *calamintham montanam*, *terebinthinam*, *pentaphyllum*, *chamapithyn*, *nardum Indicum*, *schœnanthum*, *nardum Celticum*, *chamadryn*, *seseleos semen*, succum *acaciæ*, *hypocistidis*, semen *thlaspiis*, *ammios*, *dauci*, *opopanaxem*, *sagapenum*, *polium Creticum* enumerat.

Quàm inconstans est Zvelserus, qui in aliquâ antidoto nil nisi alexipharmaca rigidè deposcit; & tamen ipse antidotis suis alia nonnunquam, tali virtute destituta admiscet!

Exemplum hujus præbent flores *hyperici*, radices *iridis*, semen *thlaspiis* & *ammios*, nec non *sagapenum*; quibus utpote in recensito modò simplicium non alexipharmacorum ordine locum pariter assignat. Et tamen flores *hyperici* Oleo *scorpionum alexipharmaco*, Pharmacop. Reg. pag. 269; radices *iridis* Liquori *cordiali temperato*, ad præservationem pestis commendato, pag. 209.

Pharmac. Reg. ; *semen thlaspios, ammios, atque sagapenum Theriaca Andromachi correctæ & restricta Pharmacop. Reg. pag. 173.* addere, non dubitat.

Quare si enumerata simplicia non sunt alexipharmaca, à Zvelfero malè pro dictis compositionibus adhibentur ; cùm, ex propriâ ejus regulâ, antidotus mera deponat alexipharmaca. Sin dicta simplicia vi alexiteriâ poliere, dicendum esse, velit, malè ea ipsa à Veterum *Theriaca*, tanquam inutilia rejicit.

Reliqua ibidem enarrata ingredientia licet talem vim resistendi venenis haud obtinerent, *Theriaca* tamen immisceri posse, ex antedictis demonstrari posset.

Quaquam nec ipsis omnibus virtus illa simpliciter denegari queat ; si Medicorum scriptis, imprimis *Dioscoridi, Botanico classico*, fides aliqua haberi possit.

Sic *Galbanum*, juxta hujus *Autoris* mentem, *lib. 3. cap. 81.* toxicis adversatur.

Ebn Sina lib. 2. tract. 2. cap. 319. omni veneno resistere dicitur.

Marrubium his, qui venena hausserunt, aut à serpentibus demorsi sunt, dari, *Dioscorides lib. 3. cap. 102.* autor est.

Strabus Gallus hortuli cap. 9. sic canit :

*Si quando insense quæsit venena novercæ
potibus immiscent, dapibusq; aconita dolosis
tristia confundunt, extemplo sumta salubris
potio marrubij suspecta pericula pressat.*

Stæchas arabica, secundum *Dioscoridem lib. 3. cap. 27.* antidotis utiliter miscetur.

Venenis eam resistere, *Joh. Schröderus Pharmacop. medico-chimic. lib. 4. class. 1. cap. 334.* memorat, qui etiam *Seseleos semen* specificum *cicuta* antidotum *cap. 322.* nominat.

Semen petroselinii Dioscorides lib. 3. cap. 64. contra serpentum venena commendat.

Alexipharmacum à *Schrödero* vocatur.

Calamintham, si bibatur aut illiniatur, à serpente demorsis opitulari, & præsumtam venenis resistere, *Dioscorides lib. 3. cap. 36.* tradit.

Galenus 7. de simplic. medicament. facultatib. ad venenatarum bestiarum morsus adsumi, testatur.

Bibitam cum vino, venena mortifera expellere, *Ebn Sina cit. loc. cap. 37.* edocet.

Venenis

Venenis obluſtat., ſudores movere (quod etiam *Egineta lib. 7. cap. 3.* habet) & peſtem propellere, *Julius Palmarinus lib. 7. de morb. contagioſ. memin.*

Terebinthinam cum vino ad morſum rutelæ bibi, *Eben Sina d. l. cap. 310.* recenſet.

Pentaphylli teneræ radicis ſuccum adverſus venena laudat *Dioſcorides lib. 4. cap. 38.*

Eundem uſum, contra *Ebn Sinam* *Leonhardus Fuchſius paradox. medic. lib. 1. cap. 15.* propugnat.

Chamæpithyn apud *Heracleam Ponticam* perinde atque antidotum contra *aconitum* in uſu fuiſſe, ex *Dioſcoridis lib. 3. cap. 157.* colligitur.

Contra *aconitum* valere eam, *Ebn Sina c. l. cap. 134.* ſimiliter indicat.

Chamædryn adverſus ſerpentum venena ex vino potam vel illitam, efficaciffimam *Dioſcorides lib. 3. cap. 96.* pronunciat.

Ex eâ Emplaſtrum contra morſus vermium venenatorum fieri, *Ebn Sina cap. 135.* narrat.

Hetrufcos magni eam facere, acetarij modo à jejunis ſumtam, quia peſtilentiam non minùs, quàm ſcordum, arceat, *Matthiolus in Dioſcor. ſcribit.*

Nardos & *ſchænanthi* flores antidotis miſceri, *Dioſcorides lib. 1. cap. 6.* & 16. habet.

E *Panacis Heraclei ſucco*, qui officinis *opopanax* dicitur, Emplaſtrum contra morſum animalium rabidorum fieri; & ſemen plantæ cum *ariſtologiâ* ſumtum, adverſus animalia, quæ venenum ejaculantur, prodeſſe, *Idem lib. 3. cap. 49.* teſtatur.

Polium contra iſtus ſerpentum *Dioſcorides lib. 3. cap. 107.*; adverſus ſcorpionis puncturam & vermium venenatorum omnium morſum *Ebn Sina cap. 544.* commendant.

Sed longiùs, materiâ ſic ferente, progreſſus, ad animadverſiones, in *Theriacam Andromachi* ſcriptas, revertor; ubi

III. Zvelſerum virtutem ejus, ſi quam in peſte exſerat, opio adſcribere, obſervo; dum ponit: Et ſanè, ſi quid ſingulariter in peſte valeat, id ipſum non tam ratione inſignis virtutis alexipharmacæ, quàm ratione opij fieri, exiſtimo; hoc enim præter vim narcoticam, etiam peculiari vi quaſi dementatrice pollet, quâ ipſâ impregnata *THERIACA*, ſalubriter adhuc degentibus, qui ratione præſervationis illâ utuntur, ac firmam fiduciam in illam collocant, veluti animoſitatem quandam, cœu tempore infectionis ſummè neceſſariam, addit, ſicque nonnullos quandoq; immunes conſervat. Verùm equidem eſt, timorem in peſte,

magni momenti ad contagium recipiendum esse; attamen nec animositas illi opposita omnem pro evitanda infectione paginam absolvit.

Aliàs Mahumetani tuti à peste forent; quorum tamen tot millia quòd sapius ab eà trucidentur, historia loquuntur.

Illi enim fatali quadam necessitate pestem hominibus immitti putant, verba sunt Incomparabilis Athanasij Kircheri scrutin. pestis sect. 3. cap. 1, ac proinde neque fugiunt eam, neque correpti medicinam adhibent, sed temerè sese contrahenda contagionis periculo exponunt, ea opinione freti, ut si fatale tempus urgeat, moriantur; sin minus, evadant: nullum siquidem naturæ antidotum fato prævalere posse putant, sed omnibus & singulis mortis terminum constitutum, qui nulla medicamentorum efficacia præteriri possit.

Vina dementatrice vi pollent, animosque parant, ut vel timidus quisque cornua sumat. Unde Baccho strenuè litantes, à lue dirà immunes præservari deberent. Contrarium tamen ipse eventus multoties testatus fuit.

Longè falluntur, ait Hieronymus Mercurialis cap. 22. tr. de pestilent. qui arbitrantur, edendum & bibendum esse largiter. Scio ego plurimos suo periculo hoc esse expertos: & Patavij & Veneris vidimus bibaces plures exinctos esse, qui existimabant, vinis generosis sese propulsaturos esse pestem.

Et qua ratione opium tam efficacem vim narcoticam & dementatricem in Theriacà exserere potest, cujus, ad præservationem, ultra drachmam unam raro exhiberi solet? Hanc autem drachmam, granum dimidium saltem opij, & tertia circiter grani unius pars ingreditur.

Quæ ipsa minima quantitas (loquor ex hypothesi Zvelferi) à reliquâ ingredientium, & quantitate, & qualitate discrepantium, insigni mole non leviter inhibetur, infringitur, debilitatur.

Sed etiamsi opium in Theriacà, vi suâ dementatrice homines à contagio, animositate inducâ, præservare dicatur; huic soli tamen omnis hæc efficacia haud adscribi debet; neque enim reliquæ opij facultates (quas ad præservationem à peste ipsum conferre posse, supra innui) sopitæ erunt; neque additorum alexipharmacorum virtus feriabitur.

Sed quid opus est verbis, ubi tot annorum fida magistra Experientia, Theriaca laudem antiloimicam stabilivit, & à circumspècto Medico ipsam exhibitam, non tantùm præservando, sed & curando (ubi hoste valido jam recepto, sola in debili corpore animositas, à dementatrice opij vi inducâ, parum efficere valet) multum præstare, invidis frementibus, evicit?

Si Zvelfero, celebre elogium titulumque alicui suorum antidotorum tribuenti, credendum est; ubi ejusdem efficacia ab unico aliquo Medico commendatur; quis nobis vitio vertat, si non unius, sed plurimorum Medicorum

vicorum fidem secuti, antidoti elogium *Theriaca* sartam tectamque servare velimus?

I V. *Trochiscos Hedychroi*, supra jam sine ratione exagitatos, iterum, hic cavillatur; cum eorum *singula propemodum* ingredientia ipsi *Theriaca* inserta sint, quæ denuo separatim adjicere, planè inconcinnum & absurdum. Zveltero videtur. De hoc quid statuendum sit, *Examen Confectionis Pectoralis* edocet.

Hic saltem notet Lector Amicus, ingredientium *Trochiscorum hedychroi* tertiam quasi partem inter reliqua *Theriaca* ingredientia non deprehendi, sicque illud: *propemodum*, arctè satis constringendum esse.

Istud verò inconcinnum & absurdum ut demonstraretur, adhuc requiritur; quòd scilicet compositum aliquod, in officinà pro aliis usibus locatum, malè in aliam compositionem recipiatur; si hæc unum alterumque simplex recipiat, quod ipsum quoque speciatim in illo composito ponitur. Sed de hac materia in *Classe undecimà* actum pluribus fuit.

Nunc inconcinnitati huic ut sese subtrahat, species omnes *Trochiscos* prædictos ingredientes, ipsi Compositioni, *Theriaca*, in debito & exacto pondere se adjecturum esse, promittit. Quod in primà ingredientium enumeratione quidem præstat; (*folij tantum, sive ejus succedaneorum, drachmas quinque* sumendo, debitum & exactum pondus non adjicit, cum *drachmæ sex* requirantur) ast in secundà, dum ea in classes distribuit, ab exacto & debito pondere nimium declinat.

Schænanthi namque, *calami aromatici, phu pontici, cinnamomi an. drachmam unam, folij, nardi indicæ, croci, cassiæ lignæ an. drachmas duas, amomi unciam dimidiam* omittit; & ita mellis quoque definitam quantitatem, quam, cum Veteribus, *tripлам* respectu specierum, assignat, minùs ritè determinat; dum ob illam *drachmam unam folij* omissam, non *libræ quatuordecim, uncie quinque* & *drachmæ duæ*; sed *libræ quatuordecim, uncie quatuor, & drachmæ septem* mellis solum requiruntur, sin dosin ingredientium, quatenus ea in distributione horum per classes ponitur, quis observet, multò minor mellis quantitas requiritur.

In *Appendice ad animadversiones, pag. 25.* hoc incommodi quoque ex *Trochiscis hedychroi* accedere, objicit; quòd specierum virtutes in exsiccatione *Trochiscorum* multum exhalent, & consequenter effectæ reddantur; quia earum efficacia ut plurimum in subtili partium tenuitate consistat, promptè exhalabilis; quam *vinum Falernum*, quod totum exhalare debere, contendit, maximè promoveat. Verùm perpaucum est, quod de *vino Falerno*, pro speciebus

speciebus in massam, Trochiscis effingendis commodam, redigendis additur; neque enim plus, quàm *quantum sufficit*, sumere convenit.

Et hoc ipsum perpaucum totum ut iterum exhalet in exsiccatione, nulla est necessitas; cum utique de liquore aliquid cum Trochiscis remanere queat.

Consideret quis saltem Trochiscos Zvelseri, in *Pharmacopœiâ Regiâ* delineatos; in quibus si omnem humiditatem exhalare debere, quis concedat; eo ipso *aque rosarum, florum aurantiorum, olei benzœs, caryophyllorum, cinnamomi, moschi, ambre* aliorumque ingredientium, subtilibus & promptè exhalabilibus preciosis atomis refertorum, efficaciam simul amitti, & effectos remanere Trochiscos, concedere cogitur.

Parùm autem tenuium partium in exsiccatione *Trochiscorum bedychroi* exhalare, maximamque odoratarum atomorum partem superesse, quibus præsentibus, Zvelserus hos Trochiscos effectos dicere minimè sustinet, qui non credit, eos ritè præparando experiatur.

Interea parum illud, quod exhalat, tanti non est faciendum.

Hoc ipsum tamen, ne ullam odoratarum particularum jacturam Pharmacopœi incurrant, conservari fortè possit; si, normâ Zvelseri observatâ, Trochiscorum chartâ inclusorum exsiccatio tentaretur; quo singulari artificio liquores odorati forsitan figuntur (scilicet) atque condensantur.

Hanc enim ἐνχρῆσιν Zvelserus pag. 229. 220. *Pharmacop. Reg.* observat; ubi *saccharum*, cum *succo è corticibus citri*, nec non *aurantiorum expresso*, aquâ etiam *rosarum* aliquoties irroratum, atque postea chartâ inclusum, studiosè exsiccatur.

V. De *Trochiscis viperinâ* quæ deblaterat, jam supra disquisitioni submissa fuerunt.

Dum verò pag. 25. *Append. ad animadvers.* eisdem, licet ad mentem *Galenî* cum quartâ parte panis biscocti paratos, ob panem adjunctum rejicit, frivolâ certè innuitur ratione. Nam neque panis virtutes eximias, & alexipharmacas, neque veneni carnis viperarum, si quod haberet, correctorias inesse, objicit; cum potius panis, tanquam verum venenorum attractivum, illud venenum attraheret & retineret. Sed sterile hoc argumentum antea jam sufficienter excussit, ubi panem non ob virtutem alexiteriam, vel veneni correctivam, sed formæ Trochiscorum causâ addi, edocui.

Quamvis panem ad corporis nostri sustentationem & confortationem, magnarum esse virium, satis notum sit. Et huc facit, quod eleganter in suâ *Chrysogoniâ animali & minerali Excellent.* Johan. Tackum, pag. m. 45. & seqq. dissicit,

Si tamen panis verum venenorum, pestilentis etiam, attractivum est, quo cibo, sciviente contagio, tu tuos rescies? Debetne publicè proscribi panis?

Quin ipsæ carnes, & multa alia usitatissima alimenta, de medicamentis, vestibus, plumis &c. ut nihil dicam, se ab infectione tuta semper præstare nequeunt.

Præterea tam exigua est panis, à *Trochiscis viperarum*, ad mentem Galeni paratis, dosi uni *Theriaca* accedentis quantitas, ut ne sextam quidem partem grani unius in hac dosi sive drachmâ reperire liceat; cujus quoque debilis virtus à potenti reliquorum virtute, secundum Zvelseri fundamentum, infringitur; ut ita venenum attrahere amplius haud possit.

Trochiscos viperinos cum panē debite confectos, brevi tempore situm, & corruptionem experiri, inque vermium escam cedere, si negligentem possessorē nanciscantur, concedo; debite autem tractatos, tres quatuorve annos à corruptione persistere, simul tenendum est.

Cæterum cui, panis loco, gummi aliquod adhibere, placet; illi vel gummi, vel aliam aliquam *Theriaca* specierum sumere, per me licet. Augustanis panem, antiquam juxta methodum, sine virtutum carnis viperinæ dispendio, aut Trochiscorum corruptionis metu, adhiberi posse, sufficit.

Trochiscos è scilla, quos ordine nunc adgreditur Zvelserus, ventilatos jam exhibui.

V I. Modum *Theriacam* componendi primum, ab Augustanis adnexum, maximè obscurum, imò inconditum & stolidum proclamat. Sed ad quid hæc injuriosa verba? Præstasset, errores in eo contentos placidè examinasse, non ita meris calumniis exagitasse.

Ast missum hunc facio; quia Augustani huic, à Galeno descripto, alium conficiendi modum demum subjungunt, adprobantque.

V I I. Ingredientibus in suas classes, ordine parum ab Augustanorum differente, distributis, *Schananthum* & *Nardum Indicam* difficillimè in pulverem redigi posse, objicit; cum semper, diu etiam multumque trita, pilosa quasi vel villosa remaneant. Quamvis hoc ita foret, nihil tamen inde *Theriaca* præparationi adimeretur. Sufficeret nimirum, *Schananthum* & *Nardum Indicam* in minutas fibrillas discriptum & contusum *Theriaca* admiscere, quæ per totam compositi molem diffusæ, suas ipsi vires, accedente, cum primis fermentatione, impertirentur, nihil de formâ medicamenti immutantes, incommodumve aliud parientes.

Servari autem nostrâ in Urbe vidi *Nardum Indicam*, pro usu quotidiano in tenuissimum pulverem per se tritum, in quo pauca fibrillarum vestigia, nullas mortarij squamulas, deprehendere potui.

Interea

Interea multis aliis modis dictorum simplicium substantiam & virtutem *Theriaca* communicari posse, haud nego; quorum quicumque arridebit, Pharmacopœo sagaci eligere, per me licet, dummodo virtus eorum nullam vim inimicam experiatur.

VIII. *Resinam styracis, granis ejus* longè præfert; cum hæc, quàm puræ etiam sint, *resinæ* puritatem non adæquent, & ut plurimum aliorum gummatum granis adulterata prostant. Duplici cum primis ratione, *resina* puritatem *granorum* superare potest; vel intuitu partium lignosarum: vel adulterationis cum aliis gummatibus perpetrata.

Si illud *Zvelferus* pertimescat; cum *styracis grana* ab omni immunditie selecta & pura ad consumiles usus sumi debeant, frustrà *resinam* obtrudit.

Sin hoc, libenter scirem: an *Styrax calamita* sic adulterari possit, (frequenter enim eam adulterari, extra dubium positum esse, mihi videtur) ut simplicium diligentem & peritum Judicem fraus ista latere queat, nec ne? Si dicatur, non posse tam artificiosè (dummodo artificium dicendum sit) adulterari, ut fraus non cognoscatur; quo jure contrarium de *granis* dici queat, haud video. Sin adfirmetur; nullâ prærogativâ *resina styracis, è styrace calamitâ* producta, præ *granis* fruetur; etiamsi enim vel centies *resina* dissolvatur, reliquæ fraudulenter admixtæ *resinæ* simul solventur, sicque à *resinâ styracis* inseparabiles erunt.

Duplici autem modo *resinam styracis* præparari posse, pag. 236. animadvert. docet; per expressionem scilicet, & extractionem.

Per expressionem, dum *styracem calamitam optimam* in patellâ, adfusò *vino* vel *aquâ rosarum*, supra ignem, unicâ ebullitione dissolvit, exprimit, & *resinam* ab aquositate separat.

Per extractionem, *styracem* cum *spiritu vini rectificato*, extrahendo, extractiones in M. B. ad remanentiam quartæ, vel sextæ partis leniter abstrahendo, atque innatantem *resinam*, postea cum *aquâ rosarum* aliquoties lavandam, separando.

Quis traditas has *resinæ* præparationes methodo *Zvelferianæ* directè contrariari, dubitet, in quibus nimirum per coctionem cum *vino*, destillationem cum *spiritu vini rectificato*, liquoris reliqui separationem, quin denique *resinæ* ablutionem, non levis partium subtilium, penetrantium & odoriferarum *styracis* jactura procuratur? Ast his aliàs, contra *Augustanorum*, compositiones decertans, majores, imò interdum omnes simplicium vires describit.

Quæro insuper: utrùm in his præparationibus, post dissolutionem, humorisque segregationem nihil aliud à *styrace*, quàm segmenta lignosa, à *Zvelfero*

Zvelsero indicata, remaneat; an verò alia etiam substantiâ non resinosa segregetur? Si saltem segmenta fuerint, præparationes tales non extractionis, sed potius purificationis à sordibus lignosis factæ nomen merentur; sin ali- quid de *styracis* substantiâ tollatur, an talis præparatio conducatur, dubito; quia hoc non esset *styracem* meliorare, sed pejorare, & ex parte virtutibus castrare.

His ritè perpensis, Lectoris Benevoli æquo judicio decidendum relinquo: an *resina styracis*, Zvelserianâ normâ parata, *styracis gravis electis* æquiparari, non dicam, longè præferri, jure queat?

Quamquam hic de *gravis styracis* discursus propriè huc non spectet; cum ab Augustanis non *grana*, sed ipsa *styrax calamita*, quæ, uti reliqua ingredientia cuncta, selecta & optima sumi debet, præscribatur.

IX. Modum Zvelseri, *Theriacam* miscendi, quod concernit, eum impugnare, animus non est.

Augustanorum tamen adscripta methodus pariter improbari haud debet; cum vix quidquam in eâ cõsideretur, quod justam Opiatæ formam, dummodo peritus Pharmacopœus præparationem absolvat, eidem denegat.

Magis tamen vel minùs commodè, pro vario mixtionis ordine, illam formam impetrari, haud difficeor.

Facile est, inventis quid addere, mutatisque aliquibus, novitatis larvam alicui rei inducere.

Hæc ad *ἐν χειρὸς φαρμακευτικᾶς* pertinent, quarum Pharmacopœum divitem esse oportet.

Paucula tamen in mutatâ hac à Zvelsero *Theriaca* mixtione notare libet.

Et quidem *Pulverem* vel *Trochiscos viperarum*, nec non *piper album & nigrum* quam ob causam omittat, nescio. Si tamen quid dicendum est, negligentia potius, quàm singulari alicui rationi hoc adscriberem; cum eadem ingredientia in priori specierum enumeratione posita deprehendantur.

Gummi arabicum in *Essentiâ viperinâ*, cum *spiritu vini* factâ, juxta propriam animadversionem, Zvelserus frustraolvere tentat.

Mel quàm optime clarificatum, & ad *crassam consistentiam inspissatum* sumere jubet; contra quam tamen mellis præparationem in *Pharmacopœia Regia classe primâ* acriter decernat.

X. Quæ de *terebinthinâ*, Venetiis ad nos delatâ, monet, superflua esse, existimo. Ut enim omnia *Theriaca* ingredientia selecta, pura & optima esse debent: ita quoque *terebinthina* ut talis sit, requiritur; quam puram & limpida ad nos sæpius deferri, res ipsa loquitur.

XI. *Chalcitidis* præparationem perluſtrat; in cujus calcinatione ſpūmam ſupernatantem duntaxat accipere, opus eſſe, negat; & loco ejus *vitriolum* ad flavedinem, ſive rubedinem calcinatum tantum addere, præcipit; parum enim in colore *vitrioli* ſitum eſſe, judicat; quod, quomodocunque leniter calcinatum fuerit, non colore flavo, vel rubro, ſed nigro *Theriacam* imbuat. Nolo his multum inſistere. Si nimium curioſum in hoc *Galenus* ſe præbuit, condonandum id ipſi erit; præcipue cum nullum ex iſta curioſitate damnum ipſa compoſitio perpetiatur.

Quisque ſuos patitur manes.

XII. *Vitriolum viride*, ſive *martiale* tantum poſſe *chalcitidi* ſubſtitui, ſtatuit; *cæruleum* verò *venereum* planè rejicit; quia quoddam venenum huic commixtum eſſe, ſuſpicatur. Verum, quanquam in *Theriaca* *vitriolum Martis* quoque admittam; attamen unde *venereum* quod eſt, recipiat iſtud venenum, ignorare me profiteor.

Ex ſpiritu enim acido & cupro conſtat. *Spiritus* autem acido venenum hoc non ineſſe, quotidianus tutiſſimus ejus uſus evincit; ſin *Veneri* debeatur venenum; quo jure *Pharmacop. Reg. pag. 344. Flores vitrioli Veneris*, qui nihil aliud ſunt, quam *cuprum* in ſpiritu *vitrioli* ſolutum, & poſtea per ſal tartari in ſubtilem pulverem præcipitatum, uſui interno deſtinat?

XIII. Schema *Theriacam* in duplo, quadruplo &c. conſciendi, ab Auguſtanis adjectum, ob operis compendium, & quia quilibet *Pharmacopæus*, vel leviter ſaltem in arithmeticis inſtructus, pondus ingredientium ad libitum multiplicare poteſt, eliminat. Zvelſerus hic nomen inter illos proſicitur,

qui Curios ſimulant, & Bacchanalia vivunt.

Supervacaneum enim laborem vocat, *Theriaca* computationem, ad illam majori in quantitate, quam ab *Andromacho* præſcripta fuit, facile parandam, inſtituere, ne ſcilicet libri moles nimium excrescat.

Si quis jam prolixam *Confectionis pectoralis*, & *Trochiſcorum pectoralis*, aliarumque compoſitionem, ſupra à Zvelſero, licet minus exactè, peractam reſolutionem conſideret, fateri cogetur, illam, dum operis compendium deſideratur, optimo jure, ceu ſupervacaneam, omitti potuiſſe; dum, quilibet vel leviter ſaltem in arithmeticis inſtructus, laborem talem abſolvere queat; imprimis ſi tam concinnè & exactè, (ſcilicet) prout Zvelſerus, calculo uti ſciat.

Quanquam illum Auguſtanorum ſchematiſmum, utilitate non deſtitui, ille, qui *Theriaca* in diverſa quantitate præparationem fieri, conſiderat, fatebitur. Acti enim labores ſunt jucundi; atque minus errorum, oculis tali oppoſita tabellâ, committitur.

XIV. Non adeo stricte opus esse, exoticis ingredientibus se alligare, arbitratur, si consimilium illis in terris, ubi *Theriaca* conficitur, proventus habeatur; idque *scordij* exemplo declarat, quod nostris in oris enatum æqualibus, si non majoribus pollere virtutibus, ab ipso creditur, quàm ex *Cretâ*, aliisque longinquis oris ad nos transportatum. Verùm Augustani ad similia exotica Pharmacopœos suos stricte non alligant; quin potius meliorum habent rationem, & ubi *scordium Creticum* vetustate effectum, aliove modo corruptum est, nostris autem in oris productum suppetat, utique huic etiam præ illo locum in *Theriacâ* concedunt.

Interea tamen tenendum est, quod non omnis ferat omnia tellus, nec *scordium* ubique crescat, vel ubique crescere, nesciatur.

Nec insuper unum simplex diversis in locis enatum, easdem semper, obtinere virtutes, credibile est; præcipue si ab altero in specie differat; prout *scordium Creticum* à nostrate toto cœlo, formam externam si spectemus, discrepare, omnibus, qui utrumque viderunt, notum esse debet.

Galenus etiam suos ad *scordij Cretici* usum stricte admodum haud alligasse, liber 2. de antidotis, cap. 12. comprobat, ubi *scordium* pulcherrimum è *Cretâ* mitti, scribit; quanquam aliis in regionibus minimè contemnendum quoque reperiri, concedat.

Sed satis de *Andromachi Theriacâ*. Nunc ad reliquas Compositiones accedamus.

THERIACAM AUCTAM A MEDICIS ROMANIS ET BONONIENSIBUS pag. 237. quoad præparandi modum cum, præcedente convenire, ac parùm etiam in reliquis ab ipsâ discrepare, cavillatur, nisi quod plures diversæ species superadditæ sint &c. Omnia quæ hic objicit, in antecess. cum sufficienter jam enucleata fuerint, sine morâ ad

THERIACAM DIATESSARON MESUES pag. 239. me confero; cujus præparationem facilem vocat, & compositionem ipsam, *Theriaca Andromachi* præfert, præsertim si loco *aristolochiæ rotundæ, angelicæ* vel *Zedoariæ* substitueretur. Quænam harum melior sit, hujus loci non est inquirere. Pharmacopœi Augustani utrique locum in suis Officinis concedunt, *Andromachi* (quæ præstantior meritò censetur) in hominum usum, *Mesues* verò *Theriacam* pro jumentis ut plurimum præparantes. Sufficit, utramque utiliter exhiberi posse; nec in hujus præparatione quidquam desiderari.

Cur *aristolochiæ rotundæ angelicæ*, vel *Zedoariæ* substitutam velit, singularem causam non habet; cum illam virtute alexipharmacâ excellere, negari nequeat.

In THERIACA COMMUNI, SEU AUGUSTANA pag. ead. minùs utilia quædam coacervari, uti cornu cervi ustum & præparatum, ciperosam, santalum &c. objicit. Quia tamen causam, ob quam inutilia dici merentur, haud addit, responsione indigna hac vice censetur hæc objectio.

Per opij præparationem si tostionem intelligat, ea an necessaria sit, Landeri opisti Examen aperit.

Opium autem solutum admisceri debere, cuivis artifice, Theriaca elaborationem consideranti, notum est.

Oleum juniperi speciebus subtilissimè tritis, ante mellis additionem, instillandum esse, ut aliquid dixisse videatur, monet. Observari hoc posse, non contradico. Commodè tamen in fine, mixtis jam speciebus & melle, instillatur.

Prout idem in Theriaca præparatione cum oleo caryophyllorum fieri consuevit; ipse etiam Zvelferus Pharmacop. Reg. pag. 176. Theriaca simplici, nec non Antidoto theriacali, oleum juniperi, & ruta, ultimo inspergere, præcipit.

Oxymelli scillitico ipsum succum, vel pulpam scilla, aut allium substituere, non consultum fore, & prægnantem deesse causam, existimo.

MITHRIDATIO DAMOCRATIS pag. 240. quoad componendi & præparandi normam eadem adplicari posse, statuit Zvelferus, quæ de Theriaca Andromachi præmissa fuerunt. Cujus igitur Examen pariter, huic quoque compositioni adcommodari debet.

In specie verò multis superfluis, ac multivariè conglomeratis ingredientibus scatere hanc compositionem, nugatur, quorum plurima optimo jure elidere liceret. Quod ut probet, Trochiscos cytheos adducit, quibus inter Mithridatium constituentes species locus destinatur; cujus compositionis tamen ingredientia omnia, præter uvas passas, cyperum, baccas juniperi, & aspalathum, antea huic composito, sive Mithridatio, insunt. Tandem à parvâ illâ horum denominatorum simplicium quantitate Mithridatium singulares alexipharmacas virtutes acquirere, ridere potius, quàm disquirere, opus se habere, concludit. Mera sunt verba & scommata, quæ hic producit Zvelferus, & præterquam quòd inanem edant sibilum, nihil quidquam probant.

An autem bacca juniperi, de reliquis ut nil dicam, superfluum quid & inutile dicendæ sunt, quarum virtus alexipharmaca ubique decantatur?

Annon ipse Zvelferus baccarum juniperi Extractum & Oleum Pilulis antipestentialibus Pharmacop. Reg. pag. 68. ; idem Extractum suis antipestentialibus Extractis pag. 81. ; Extractum, baccas pulverisatas, & Oleum Theriaca simplici, atque Rob unâ cum Oleo Antidoto theriacali pag. 176. admiscet?

Licet

Licet parvas à recensitis ingredientibus *Mithridatium* adquirat vires; an propterea eorum additio risu excipienda est? Nequaquam certè. Omnem quidem paginam ipsa non absolvunt; suum tamen symbolum quoque conferunt; sic ut compositionis ingredientia, ab horum accessione aucta, majori efficaciam operentur.

Quin simili methodo Zvelseri compositiones etiam resolvi possent; si v. g. in *Morsellis vel Rorulis pectoralibus*, *Pharmacop. Reg. pag. 125.* descriptis, (quorum in *Classe undecimâ* mentionem jam feci, quam ideo Lector Benevolus revolvere dignetur) *camphora grana circiter tria*, aliorumque ingredientium parvam dosin quis observet, atque idcirco eadem superflua, inutilia, risuque judicet.

Plura alia *cachinno digna pomposa* huic compositioni inesse, subjungit, quæ tamen pleraque in *Theriaca* præparatione ventilata fuerint. Malum omen Zvelsero, in risum toties resolvi! Utrum *Mithridatium* pomposa compositio dici queat, nolo hic disquirere; pomposum tamen & fastuosum quid, secus ac *Regiarum* nomen superbè nimis sibi tribuentes compositiones Zvelseri, in eo hæud deprehendo.

Nunc Lector Amicus calculum *Trochiscorum cypheos* subducenti Zvelsero iterum auscultet; eorum enim ingredientia in debito & exactè computato pondere se reliquis *Mithridatij* speciebus adjecturum, promittit. Sumit autem *uværum passarum, & terebinthinae an. 3iſs, myrrha, atque schænanthi an. ʒij. gr. v, calami aromatici 3ſs. gr. iv. &c.* Ast si debitè & magis exactè hoc pondus eruatur, *uværum passarum, ac terebinthinae an. 3iſs. gr. vii½. circiter, myrrha, schænanthi an. ʒij. gr. vii½. incirca, calami aromatici 3ſs. gr. viſs. circiter &c.* accedere debere, patescit. Quin & reliquorum ingredientium omnium, *cinnamomi, spicæ indicæ, cassiæ lignæ, cyperi, baccarum juniperi, aspalathi & croci*, debitum exactumque pondus nequaquam addidit, sed in omnibus infra illud substitit; sic ut horum pondus, prout à Zvelsero ponitur, *drachmas sex, cum granis triginta tribus* constituat; cum tamen *Trochiscorum cypheos drachma septem, non drachma sex & grana triginta tria* in *Mithridatij* compositionem à *Damocrate* recipiantur, atque ita *scrupulus unus, & grana septem specierum* à Zvelsero detrahantur.

Præter hoc, aliud insuper erronei sui calculi specimen edit; dum ad *Mithridatij* omnes species, *mellis triplum* sumi debere innuit, quod *triplum* per *libras novem, uncias octo, & drachmas duas cum dimidiâ* explicat. Sed species, prout ab Augustanis recensentur, *libras novem, uncias octo & drachmas duas*, pro triplo agnoscunt; atque, prout à Zvelsero producuntur, *libras novem, uncias octo, drachmam dimidiam & grana novem* requirunt.

Cur

Cur verò *mellis* quantitati, ab Augustanis denominatæ, *drachmam dimidiam* superaddat, certi quid scire nequeo. Si tamen ratione *Trochiscorum cypheos* accessisse eam, quis dicat; quia ij de *melle* aliquid pro suâ efformatione recipiunt, rem totam non exhaurit; de quo tamen, certi cum nihil constet, plura dicere supersedeo.

Species in distinctas classes dividere, non admodum necessarium esse, scribit; cum quilibet prudens Pharmacopœus antea norit, quæ mixta, & quæ per se contundi debeant, nihilominus *majoris facilitatis* & *melioris informationis* ergo, divisionem illam adjicit. Potuisset igitur utique tempori & chartæ parcere; & vel animadversionem, quam ratione schematis, *Theriacam* atque *Mithridatium* in diversâ quantitate parandi normam exhibentis, acriter contra Augustanos urget, omittere, quia & illud ab Augustanis *majori facilitatis* & *melioris informationis* ergo, additum fuit; vel specierum tam *Mithridatij*, quàm *Theriaca*, in diversas classes divisionem, utpote non necessariam, præterire.

Prout autem Zvelserus in *Sirupi de pomis ad Confectionem alchermes ex petiti*, compositione, Augustanorum, ob positas *sacchari drachmas duas*, parsimoniam miratur: sic mihi, insignem liberalitatem Zvelseri mirari, convenit; dum in ingredientium *Mithridatij* enumeratione, *crocii unciam unam, drachmas duas, grana quatuor* ponit; ast in specierum per classes distributione, his *quatuor croci granis unum* adhuc superaddit.

Quam tamen liberalitatem majori parsimoniâ obfuscat; dum *illas seminis anisi drachmas tres*, speciebus in classes distributis subtrahit; neque aut integrum, vel pulverisatum, aut quocunque alio modo præparatum *anisum* compositioni, in principio, medio, vel fine præparationis, inferri debeat, edocet.

ANTIDOTUM MATTHIOLI pag. 244. mirum in modum perstringit; quam æquè fœdis ac stolidis, imò majoribus, quàm *Theriacam* & *Mithridatium*, scâtere erroribus, cavillatur; quos omnes, inquit, *si mihi centum linguæ essent, oraq; centum, enumerare vix possem*. Insignis sanè hyperbole, & frivola insimulatio! Quam in generalibus consistentem, ulterius prosequi, operæ precium non esse, duco; & saltem illos, quos recenset errores, licet Compositio hæc Augustanis in officinis Pharmaceuticis ut parata profert, haud exigatur, advoco.

I. Ex *sedecim diversis compositis* eam constare, objicit; nimirum è *Theriaca quadragesimâ parte, Trochiscis hedychroi* per se, & ratione *Theriaca* huc atque ita bis accedentibus; *Mithridatio*; *Trochiscis cypheos* bis positus; pariter *Trochiscis de viperis*, & de *scillâ* duabus vicibus huc venientibus; *Specie-*

bus diambræ; Speciebus diamargariti frigidi; Speciebus cordialibus; Speciebus diamoschi dulcis; Trochiscis Galie moschata bis positis; Trochiscis de camphorâ, nec non Speciebus de gemmis frigidis. Ubi in arithmeticas regulas denovo impegisse Zvelserum, facile cuius adparet; dum v. g. *Theriaca exacte ad calculum revocata non quadragesima, sed potius trigesima octava ferè pars cum dimidiâ huc accedat.*

Cæterum *tredecim tantum diversa composita*, è quibus *Matthioli Antidotus* constat, videre mihi licet. *Trochisci* enim *de scilla*, nec non *Trochisci viperini*, quatenus & per se, & cum *Theriaca* huc veniant, non diversa composita, sed ejusdem naturæ esse, dici debent. Ita pariter *Trochisci Galie moschata*, si per se, & cum *Speciebus diamoschi dulcis* Antidotum præsentem ingrederentur, non diversa composita vocari possent.

Quamquam ratione dictarum Specierum saltem huc trahatur dicta *Galie moschata*; per se enim minimè neque à *Matthiolo*, neque *Augustanis*, nec ipso Zvelsero eam adjungi, observo. Aliàs *lignum aloës* non *sexies*, ut paulò infra monet, sed *septies*; *moschus* non *quinques*, sed *sexies*, compositionem hanc intrarent.

Similiter *hedychoi* & *cytheos Trochisci* semel tantum recipiuntur. Unde si ordinem, à Zvelsero hic recensitum, sequamur, non *tredecim*, sed *octodecim* Composita; sin prout à *Matthiolo* Antidotus describitur, computatio Compositorum fiat, *quindecim*; vel si diversitas Compositorum unâ spectetur, *tredecim* tantum, uti dixi, Composita adesse, colligitur.

Utrum verò tantam reprehensionem mereantur, qui Composita invicem miscent, in antecedd. jam data disquirendi occasio.

Ast regerit Zvelserus, impossibilem esse singulorum ingredientium, pro qualibet dosi, divisionem; & sic *Matthiolum* nescire potuisse, quantum de uno vel altero ingrediente quamlibet dosin intret; quod tamen scitu necessarium esse, si certi aliquid de remedij effectu habere velit, existimat. Negari quidem nequit, minutâ admodum divisione opus fore; non tamen ita impossibile, ut Medicus, exactâ calculum subducendi arte, non rudi illâ Zvelserianâ, instructus, eam, licet aliquo cum labore, sic satis benè eruere valeat; quantum quidem pro ipsius scopo requiritur.

Centesimam enim, millesimam &c. *grani unius* partem, in medicamentis hisce benignis & naturæ nostræ non adversis, tanti æstimare, haud est necesse.

Attamen non usque adeo scitu necessarium semper esse Medico, arbitrator, quantum de uno vel altero Compositi cujusdam, in aliud Compositum ingredientis, medicamento simplici dosin quamlibet intret. Habitâ enim, ex dili-

ex diligenti simplicium ingredientium computatione, (cui si experientia accedat, quæ dosin confirmet, tantò melius erit) certà unius compositi dosi; non amplius semper opus est, eorundem computationem, ubi tale Compositum alteri compositioni additur, repetere; sed illa prima Compositi dosis confirmata, instar alicujus simplicis medicamenti doseos se habet; v. g. *Theriaca Andromachi* ritè elaboratæ dosis una, ingredientium ejus debitâ factâ computatione, & experientiâ dosis suffragante, *drachma una* constituitur. *Theriaca* autem *uncia sex* in *Antidotum Matthioli* recipiuntur. Quæ utraque si invicem computentur, in quamlibet Antidoti dosin, *Theriaca grana tria* & partem sextam circiter grani unius, sive partem ferè decimam nonam dosis unius *Theriaca* intrare, colligitur.

Idem reliquis Compositis, superiùs enumeratis, adplicari potest.

Ubi tamen Lectorem admonitum volo, *Antidotum Matthioli*, si ejus *drachmæ duæ* pro dosi unâ, juxta Zvelferi opinionem, (*Matthiolus* usque ad *drachmas tres* ascendit) ponantur, non *quadringentas* & *septuaginta cum duobus dosibus*, ceu iterum negligenter computat Zvelferus; sed *nongentas* & *duodecim circiter doses* continere; siquidem tota compositio, non ex *libris novem, unciisq; decem*; sed *libris novendecim cum dimidiâ drachmâ*, constituitur.

II. De multiplicitate simplicium, & eorum nonnullis ter, quater, quinquies, sexies, septies, & octies Antidotum hanc ingredientibus quæ profert, non ad præparationem, sed compositionem potius medicamentorum spectant.

Interea multis ingredientibus referta medicamenta per me, qui velit, parvi æstimet; & cui cum Zvelfero aliisque Medicis, à quibus, *Helmontio* imprimis, (qui *Pharmacopol. ac Dispensator. modern.* §. 5. sic scribit: *Credo simplicia in sui simplicitate, esse sufficientia pro sanatione omnium morborum.* Quamvis & ipse sententiam hanc, ubi ad praxin devenitur, non semper ritè observet) ille mutuatus hoc est, simplicibus tantum, vel saltem ex paucioribus coagmentatis medicamentis, uti placet, illi litem non movebo.

Mihi hac vice sufficit, Antidotum hanc Augustanis Medicis in usu amplius haud esse; nec ista, quæ Zvelferus objicit, contra præparationem ejus quidquam evincere; imò ipsum Animadversorem rigorosum in *Pharmacopœiâ Regiâ* à simplicitate medicamentorum sapientiâ deficere, & ultra viginti, triginta, imò quadraginta ingredientia uni eisdemque composito imiscere.

De unius simplicis trinâ &c. locatione in uno eodemque medicamento, in *Specierum pectoralium Examine* actum fuit.

III. *Ficus*, *nuces juglandes*, & *pistacia* lepidè pro basi & fundamento posita esse, scribillat, quasi ab aliquot eorum granis tam insignes virtutes
alci.

alexipharmacæ dosi uni accederent; quorum vel integræ libræ comestæ, neminem à peste aut alio morbo, in quibus hæc Antidotus celebratur, immunem præservare, aut iisdem infectum liberare possint. Quid basis in medicamento sit, scitè explicat *Sennertus* in suis *Institutionibus Medicis*; nempe illam esse medicamenti partem, quæ indicationi, quam morbus, vel causa, vel symptoma suppediat, opponitur. Hæc autem duplex est: simplex & composita; quorum hæc plures usus præstat; illa uni tantùm indicationi satisfacit, licet non ex uno, sed pluribus interdum medicamentis simplicibus constet.

Zvelserus verò *ficus*, *nucis juglandes* & *pistacia* baseos nomine dignatur, quia reliquorum ingredientium respectu, in octuplo, decuplo, duodecuplo, centuplo &c. adduntur.

Quidquid sit, ubique lepidè agit Zvelserus.

Nam *Sennerti*, aliorumque Autorum classicorum communi sententiæ si subscribitur; quanam præsentis Antidoti basis erit? Certè non aliud, nisi quod venenis opponitur, alexipharmacumque dicitur. Unde etiam compositio hæc Antidoti nomen in fronte gerit; atque contra venena pleraque, pestem, morbosque malignos commendatur. An verò recensiti fructus soli, inter omnia *Antidoti Marthioli* ingredientia, virtute alexipharmacæ præditi sunt? Nequaquam. Censum quidem alexipharmacorum ingrediuntur, sed parva eorum pars existunt. Hinc absurdum admodum est, eos à reliquis separare velle.

Sin basis, secundum novam Zvelseri methodum, illud adpelletur, quod, reliquorum ingredientium intuitu, majori in pondere ponitur; tunc non *caricæ*, *nucibus ac pistaciis*, sed *succis* (de vino & melle ut nil dicam) *oxalidis*, *sonchi*, *scordij*, *echij*, *buglossi*, & *melissophylli*, baseos titulus debebitur, quorum nimirum singulorum *libra dimidia*, & sic multò major, quàm fructuum, videlicet quorum singulorum *dimidia* saltem pars, sive *uncia tres* accipiuntur, quantitas sumitur.

Quòd verò fructus prædicti, nimirum *ficus*, *nucis juglandes* & *pistacia*, neminem à peste præservare, aut liberare queant, Zvelserus equidem dicit, sed non probat. Unde eadem facilitate, qua objectio hæc adfertur, rejicitur.

Contrarium enim à convenienti eorum usu successisse, firmis argumentis, debitisque experimentis adhuc confirmandum adversæ parti restat.

Nec ullo modo valet argumentatio: *caricarum* &c. integræ libræ comestæ, à peste non præservant aut liberant; Ergo parva quoque earum quantitas idem non præstabit.

Tanta enim horum fructuum moles corpori potius obest, quam prodest; & sæviente contagio, illud ad suscipiendum contagium disponere, aut hosti jam recepto auxiliares ad vitæ ægroti destructionem manus præbere potest.

Ubi illud Hippocraticum etiam locum invenit: *πᾶν τὸ πολὺ ἴψ' οὖσαι πολέμιον*. Omne nimium naturæ inimicum, 2. *Aphorism. 51.*

Sic multa præstantissima alexipharmaca, si immoderatiùs sumantur, veneni naturam quodammodo æmulantem vim induere possunt.

Sed dato, vim antiloimicam in fructibus dièis haud inveniri, omnitamen virtute venenis adversâ, non orbatos esse, plurium Scriptorum testimoniis comprobare liceret. Non enim omne, quod huic vel illi veneno adversum est, mox quoque contagio pestifero contrariari, plus quàm notum est.

Unicus mihi sufficeret *Dioscorides*, qui *lib. 1. cap. 140. pistacia* trita cum vino contra serpentum ictus prodesse, & *cap. seq. nuces juglandes* cum rutâ & *caricis* ante alios cibos sumtas, venenis resistere, ut & si à veneni haustu comedantur, testatur; cui non dissimilia habet *Galenus lib. 2. de alimentor. facultat. cap. 28. & de succ. bonit. & vit. cap. 8.*

Quibus aliisque Scriptoribus majorem fidem, quàm, præ unico reformandi pruritu, neganti meritò habeo. Ubi tamen contrarium sufficienter probabitur, in hoc aliisque consimilibus sententiis faciles dare aures, non defuturum me, polliceor.

Nunc sibi metipsi, contra taxatam à se exiguam nimis simplicium quorundam in qualibet dosi quantitatem, objectionem format Zvelferus; dum non considerandam esse molem & efficaciam cujusvis simplicis sigillatim, sed potius qualitatem ex omnibus emanantem, sive manifestam, sive occultam, eamque vel simplicium illorum naturæ pristinæ æmulam, vel novam planè, in nullo simplici antea conspicuam, objicit. Mox tamen prolixam responsionem adnectit, &

1. Singula collecta juvare, concedit, si singula in unum effectum conspirent, & ejusdem virtutis ac efficaciae sint, nec invicem sibi contrariantur. Hæc autem requisita procul à compositionibus modò examinatis exulare, regerit. Verùm quod ipsam objectionem concernit, eam, quatenus præsentem cumprimis Antidotorum petit, perlustrare, utique licebit.

Objicio etiam Zvelfero, in hac Antidoto non considerandam esse molem & efficaciam cujusvis simplicis, v. g. modò enucleatarum *nucum, caricarum & pistaciorum*, sigillatim; sed qualitatem ex omnibus reliquis quoque collectis

collectis emanantem, tam manifestam, quàm occultam; non quidem omnimodè novam, sed simplicium suorum pristinae naturae æmulam.

Cætèrùm minimè opus esse, existimo, ut unius compositi ingredientia singula in unum effectum conspirent, ejusdem virtutis, nec sibi invicem contraria existant.

Hujus enim Antidoti effectus esse debet, ut venenis resistat, quem effectum major ingredientium pars producit; alia autem eorum pars dirigentis, excipientis &c. munere funguntur, nec propriè venenatae qualitatis eradicationem respiciunt.

Solam basin propter curationem, reliqua propter basin in composito medicamento expeti, cōmuniō Medicorum est sententia, hūc quoque optimè locum inveniēti.

Inesse verò quoque, quæ sibi invicem contrariantur, uti frigida, calida, humida, sicca, lubens concedo; quod prout vel ad contemperationem quorundam simplicium, in hac illave qualitate excedentium, fit; vel quia illæ qualitates primæ, cū occultarum tantū habeatur ratio, minoris æstimantur: ita contrarietas ista effectui medicamenti nihil derogat.

Quin ipsum Universi, & ita medicamentorum quoque, Creatorem sapientissimum, diversas & contrariantes tales qualitates simplicibus indidisse, observamus; ut ea non tantū de particulis igneis, sed & aqueis, aëreis, terreisque participant.

At quis & medicamentis Zvelserianis compositis, ejusmodi species manifestè sibi contrariantes inesse, negare auit; sic ut dentur, quorum singula non in unum conspirent effectum, nec ejusdem virtutis ac efficaciae sint, sibi quæ invicem contrariantur?

Clarissimum exemplum suppeditat *Sirupus emeticus*, *Pharmacop. Reg. pag. 32.* delineatus; cujus effectus esse debet, ut per vomitum vitiosos humores evacuet; cui scopo *vitrum antimonij*, in eo positum, inservit. Adiditur præterea *vinum album*, *saccharum* & *oleum cinnamomi*, quorum tamen nullum in eundem cum *vitro antimonij* conspirat effectum, nec ejusdem virtutis emeticæ est; quin potius *antimonij* efficaciae contrariantur; sic (ex ipsius Zvelseri sententiâ loquor) *oleum cinnamomi*, quod aromaticæ est prospiciæ, ad expulsionem materiæ noxiæ stimulatam ab *antimonio* naturam, compedibus quasi restrictam tenere, quò minus id, quod intendit, expellere queat, nemo negabit, nisi qui Zvelseri in *Sirupum Angelæ Sala animadversiones* irritas reddere, & refutare velit.

Ratione autem qualitatum occultarum in *Matthioli Antidoto* contrarietatem, imprimis quæ magni sit momenti, dari, ut scilicet unum ingrediens

pestem vel aliud venenum debellet, alterum eadem iaducat, probandum. Antagonistis incumbit.

Quin potius vim ejus antiloimicam Experientia multoties comprobavit; cujus etiam testimonium *Felix ille Platerus lib. 2. observat.* præbet.

2. Zvelserus objectioni suæ satisfacere conatur, dicendo, in alexipharmacis propriè ad caloris vel frigoris gradus non esse respiciendum; nec in peste alexipharmaca calida, ut calida, adhiberi. Hoc quidem ipsa dicunt ratio. Nullam tamen caloris, vel frigoris habendam esse rationem, non dixim.

Sæpe enim in morbo aliquo qualitaturn occultarum, uti febre pestilente, non tantum ad alexipharmacorum virtutem, quatenus venenata qualitati resistit, sed etiam eorundem caliditatem, vel frigiditatem &c. respiciendum est.

Nam hoc non observato, & aliquo alexipharmaco, quod insigni calefaciendi facultate præditum est, exhibito, non solum morbus difficilius expugnabitur, sed quandoque majus in periculum agrum conjiciet.

Theriacam, ob caloris prædominium, in temperaturis calidis cautè administrari debere, sagacior Prædicorum pars prudenter monet.

Secus qui faciunt, & indiscriminatim eam propinant, non Medici, sed Agyrtæ nomine ut insigniantur, merentur.

Porrò tot tantaque contra unum adfectum pugnantia à Creatore (quod nomen soli DEO competit) creata esse, urget Zvelserus, non ut pro libidine cujusvis cervicosi inceptè confunderentur, sed ut inexhaustam Ejus sapientiam & providentiam admiraremur, quæ divitibus & pauperibus, omnibusque populis sua esse voluit antidota, quorum alia calida, alia frigida, nonnulla capiti, alia cordi, hepatis, utero, magis amica condidit, ut prudens Medicus sine vanâ multorum additione cuilibet ætati, regioni, temperamento apta medicamenta, nullaque correctione indigentia, sibi commissa esse intelligeret; pestem etiam & reliquas intemperies convenientissimè, monitore *Sennerto lib. 5. institut. medic. part. 2. sect. 2. cap. 1.* uno curari simplici &c. Quæ omnia veritatis aliquam speciem habent; simpliciter tamen cuncta admitti vix possunt.

Merito autem homo Creatoris sui, in tantâ innumerabilium penè medicamentorum, pro usu humano creatorum, ubertate, sapientiam & clementiam veneratur; Licet vicissim, in magnâ imbecillis nostræ mentis caligine, nos, quibus viribus huic vel illi morbo resistendi, singula eorum præpolleant, toties ignorare, fateri cogamur.

Quis enim nostrum decantatam illam *Salomonis* in plantis cognoscendis sapientiam in se derivatam, gloriari auit?

Ob id verò solis simplicibus curandum esse, minimè evincitur.

Neque per artificiosam illam præparationem & misionem, ullam naturæ vim infert Medicus, quin potius conatus ejusdem, minister utpote & discipulus naturæ, promovet ac imitatur.

Annon eadem in uno simplici diversas partes ostendit, calidas, frigidas, humidas, siccas, adstringentes, laxantes, capiti & cordi, hepati vel spleni &c. dicatas, id quod in *rosâ, rhubarbaro* &c. manifestè deprehenditur?

Simplicibus quandoque morbos curari posse, neminem fore, puto, qui negabit. His scopo non satisfaciendis, quid vel tunc ad composita transire, prohibet? Quæ tamen si ex ineptè confusis simplicibus consentur, & improvidè propinentur, reprehensionem meritò incurrunt.

Alia plura hinc indè apud Autores, pro compositionis medicamentorum defensione notata, transeo; qui simul, quòd simplicia nullà correctione indigeant, vanam esse opinionem, monstrabunt.

Unicus prodeat ipse, contra quem decerto, *Zvelserus*; qui exemplo suo hanc suam sententiam propriis viribus enervat.

Si enim solis simplicibus, non correctis, morbos curare Medicus valet, & debet; cur tantam medicamentorum compositorum farraginem ipse, *Pharmacopœia* suæ *Regiæ* inseruit? Cur sæpius calida frigidis, humida siccis permiscuit? Cur cordialia cephalicis, hepatica splenicis &c. adjunxit? Cur nonnullorum, *opij* cumprimis, necessariam correctionem inculcavit?

3. In compositis sæpe novam aliquam oriri qualitatem, quæ in nullo simplicium præexistebat, concedit *Zvelserus*; sed qualisnam illa sit, nobis non innotescere, sæpe noxiam esse, quam nos proficuum arbitrabamur. Id quod à contrarietatis rerum oriri, statuit, quæ contrarietas in medicamentis illis, *Theriaca* &c. adparere ipsi dicitur, in fucatâ illâ, & non verâ fermentatione, quam antipathicam ebullitionem vocat. Non mihi animus est, hanc quæstionem: an nova aliqua in *Theriaca*, vel aliâ consimili compositione qualitas, in nullo simplici antea conspicua, oritur? meam facere; cum *Theriaca* &c. integritas simili defensione vix opus habeat.

Attamen negari nequit, *Theriacam* tali, ob diversorum simplicium accessionem, quæ mediante fermentatione magis uniuntur, virtute esse præditam, qualem nullum ex omnibus illis ingredientibus, singulatim consideratis, antea possedit.

In compositis autem, ubi nova oritur qualitas, nobis non innotescere, quænam illa sit, sæpeque noxiam esse, quam nos proficuum arbitrabamur, non

non adeo simpliciter admittere possum; ex. g. è duobus sibi contrariis & diversissimis, nempe *spiritu vitrioli*, acidæ; & *sale tartari*, alcalicæ naturæ, conficitur *Tartarus vitriolatus*, qui novam possidet qualitatem, nec amplius acidus, vel alcalicus dici potest. Si autem propterea hujus nova qualitas nobis non innotuit, atque ideo noxius esse potest, cur Zvelserus eundem medicamentis suis immiscere audeat?

Sufficiat nobis, quòd *Theriaca*, *Antidoti Matthioli* &c. qualitas non noxia, sed summè proficua jam dudum nobis innotuerit.

Utrùm fermentatio *Theriaca* fucata, & non vera sit? alij disquirant, dummodo prius certus quis esset, quam differentiam, veram inter & fucatam fermentationem, fecerit Zvelserus?

An sympathica, vel antipathica ebullitio vocari debeat? huc non spectat, ut discutatur; & lis de lanâ caprinâ esse videtur. Certo tamen respectu antipathica vel sympathica dici potest.

4. Zvelserus pergit, & si ex tantâ farragine medicamentum, unam habens vim calefaciendi, refrigerandi, oriri poneretur, Medicum tamen probè debere callere, reponit, quantum de hoc vel illo quamlibet dosin ingreditur. Posito quòd ita res se habeat; in hujusmodi tamen medicamentis, de quibus hîc agitur, non gradus caloris, vel frigoris, uti paulò ante Zvelserus ipse monuit, sed vis venenis resistendi solummodo spectanda est.

5. Similium medicamentorum non esse veram *mistionem*, objicit, sed tantummodo *congestam appositionem* & *inordinatam confusionem*, adeo ut unumquodque simplex, nisi invicem contraria sint, & se mutuò destruant, suas proprias servet dotes; quod exemplo *opij* demonstrat. Dato, & hoc verum esse. Nullibi tamen Augustanos in *Theriaca*, *Mithridatij*, & *Antidoti Matthioli* confectionibus veram *mistionem* venditare, reperio.

Eadem quoque congesta adpositio & confusio (vocula: *inordinata* superfluè à Zvelsero additur) simplicium, veræ *mistionis* nomine indigna, in Zvelseri Antidotis, hisce Augustanorum substitutis, deprehenditur.

Quid verò *mistio* sit, & an illa *Theriaca* competat? Guerner. *Rolsincium ord. & meth. medic. special. comment. lib. II. sect. 2. cap. 6.* explicantem consule.

Quod ipsam Antidoti præparationem attinet; si ea, juxta *Matthioli* præceptum, eo modo, quo *Theriaca*, aut *Mithridatum* conficiuntur, fiat, nullam reprehensionem meretur.

An verò *succorum expressorum* cum melle inspissatio, si *vinum* simul adhibeatur, necessaria sit, uti quidem velle videtur Zvelserus, illis, qui Antidotum præsentem elaborare consueverunt, judicandum relinquo; hoc interim certum

certum esse adferens; quòd per illam coctionem, spirituosa eorum pars, quibus potior, ex ipsius Zvelferi sententiâ, efficacia inest, in auras abigatur.

DIACORUM MESUES pag. 248. præ aliis commendat; ejus quoque præparationem, juxta præscriptum modum, institui posse, concedit. Melius tamen fore judicat, si *radices secacul*, vel ipsis substitutæ, nec non *acori seu calami aromatici* coctæ, non pistarentur, aut in pulverem tererentur, sed grosso modo, minutimque & quadratè conscinderentur; prout etiam species aromaticas non pulverisatas, sed confissas, & crassiusculè contusas admiscere, præcipit; sicque Electuarium saporis gratiâ, & majori efficaciâ illud vulgare superaturum, pollicetur. Licet mihi non proposuerim, de medicamentis Augustanorum agere, quatenus meliori modo fieri possunt; sed tantum ipsas eorum præparationes, prout in Dispensatorio traduntur, ab erroribus, quorum insimulantur, vindicare; ipse autem Zvelferus *Diacori hujus* præparationem non rejiciat, nihilominus tamen, uter modus, Augustanorum, vel Zvelferi, melior sit? hoc in loco, provocante Zvelfero, disquirere libet.

Existimo autem, illi modo palmam deberi, in quo ingredientium virtutes magis integræ conservantur.

Quo minus enim, verba adduco Zvelferi *Append. ad hujus Electuarij animadversiones* pag. 27, *medicamenta simplicia & composita in virtutibus castrata & mutilata sunt, eò certiores & potentiores effectus ab usu eorum experiemur.* Nunc, Augustani nihil aliud coctioni, præter *radices secacul*, i. e. *Pastinaca Syriaca*, de qua vid. *Leonh. Rauwolfij Itinerar. part. 1. cap. 6. pag. 74. & part. 4.* committunt, quibus tamen parum, vel nihil exin decedit. Contra Zvelferus, præter has, *acorum* quoque, vel *calamum aromaticum* coctioni submittit, post decoctionem exsiccat, decoctum remanens inspissat, radices siccatas iterum cum melle, coquit; in quibus certè laboribus vix quidquam spirituosarum, subtilium, & aromaticarum partium, si ipsum Zvelferum judicem, constituamus, salvabitur, quod non exhalare cogatur. Clarè enim hoc in *animadversionibus Sirupi de polypodio* pag. 63. testatus fuit; ubi *calami aromatici* vim aromaticam coctione deperdi, Augustanis objecit; & hoc ne fieret, *elaeosaccharum ejus* addi, voluit. Jam verò dum Augustani nobilem hanc, & studiosè à Zvelfero aliàs quæsitam partem, conservant; ipse eandem violentis coctionibus, nec non exsiccatione, expellit; atque hanc jacturam, tanquam egregium aliquod artificium, magni facit; sic ut *Diacorum* suum, *calami aromatici* vi aromaticâ castratum; Augustanorum *Diacoro*, eadem nobilitato, longè præferre, non erubescat,

Obviam

Obviam quidem dubio huic in *Append. l. c.* ire, tentat; dum aquam post decoctionem *pastinacæ & acori* se adservare, & cum melle inspissare, scribit, quia majorem hæc addat medicamento efficaciam; namque omnia vegetabilia aqua, in coctione, virtutes suas communicare, statuit, quorum alia terrestriora integras servant vires; alia verò sulphurea & subtilioris naturæ, maximam ejus partem coquendo exhalant, remanente saltem parte crassiore. E numero itaque vegetabilium, quorum virtutes, licet largiter decoctorum, in residuo manent, has quoque *pastinacæ, & acori radices* esse, adserit, proindeque decoctum earum inutiliter effundendum non esse, existimat.

Prout autem Augustani aquam, in qua *radices secacul, vel pastinacæ marinae &c.* coctæ fuerunt, non abjiciunt, sed eandem exhalare permittunt, ut id, quod aqua, inter coquendum, è radicibus extraxit, cum iisdem conjunctum, toti dein composito accedat: ita hæc animadversio de inutili aquæ effusione Augustanos non tangit.

Ast *radicum acori seu calami aromatici* virtutes omnes, licet largiter decoctarum, in residuo manere, & consequenter ipsas radices purè terrestriores esse, nec sulphurea ac subtiliori naturæ gaudere, hoc omni rationi, experientiaque refragatur.

Si verò terrestrioris tantum indolis sunt; cur earundem decoctionem Zvelferus toties in Augustanorum compositionibus carpit, exagitat, exaceratur?

Dicet fortè quispiam, Zvelferum, *acorum vulgarem* illum, alias *pschodoacori, acori falsi, adulterini, lutei, palustris &c.* nomen gerentis, hic intelligere; cui parum de tenuibus partibus, & nihil odoris ferè inesse, nemo ignoret. Verum, non de hoc, sed de *acore vero*, qui officinis *calamus aromaticus*, licet, quod Botanici nos docent, perperam, vocatur, in hoc medicamento, & Augustanis, & Zvelfero, sermo est.

Unde hic duabus vicibus utrumque nomen ponit, scribens: *si radices Secacul vel Pastinacæ aut Eryngij, & Acori seu Calami Aromatici coctæ non pistarentur &c. & Rec. Rad. &c. Acori seu Calami aromatici lbjss.* Quo ipso sanè *acorum, & calamum aromaticum* idem simplex esse, innuere videtur.

Sed posito, Zvelferum per *lō*: *acori, acorum inodorum* illum, *palustrem, spurium*; & per *calamum aromaticum, radicem illam odoratam, aromaticam*, denotare; dum tamen parum interesse, concedit, ut Pharmacopœo tali modo liberam electionem, sive *acori inodori, sive calami aromatici radices* sumat, relinquit; propter *acorum quidem inodorum, non verò calami aromatici* ratione, excusari posset.

Omnia vegetabilia aqua, in coctione, virtutes suas communicare, contra Zvelserum, obiter nego; quia res resinofas, quales *agaricum, gialappa &c.* sunt; quæ utique inter vegetabilia comprehenduntur, alio menstruo, sulphureo nimirum, tanquam homogeneo, si virtutes suas emittere debeant, requirere, idem Zvelserus in *præcedd.* Augustanis objecit.

Utrum radices grosso modo incisæ, aromata etiam crassiusculè confissa & contusa, radicibus conquassatis, atque aromatibus pulverisatis meliora sint? nunc quaeritur.

Radices quidem, à quibus per coctionem magna virtutum pars jam extracta est, quadratè incisæ digestionem magis laborem facessere, quam minutim pistatas, credo, (prout & alimenta non benè masticata si deglutiantur, difficilius in stomacho digeri, communis est sententia) præcipuè ubi medicamentum hoc, pro stomachico aliquo remedio, quis cum Zvelsero habeat. Si enim ventriculum roborare debet, taliter comparatum sit, necesse est, ut, quantum fieri potest, quam minimè difficilis sit digestionis.

Nec certè quidquam, dum radices minutim conteruntur, ipsarum substantiæ decedit, aut in essentialibus virtutibus immutatur.

Aromata quidem crassiusculè confusa, cum, præ pulverisatis, in ventriculo diutius hæere credantur, à multis, pro majori ventriculi corroboracione, hisce præferri, scio; sed hoc, uti unius ventriculi causâ fit: ita in præfenti medicamento tam studiosè observandum haud est; quia non ventriculo, sed aliis partibus roborandis potius, à *Mesue*, & Augustanis, propriè dicatur.

Quod aromata crassiusculè incisa tempore longiori efficiunt, illud aromata pulverisata breviori absolvunt; ut sic virtus ipsa in *Diacoro*, aromata pulverisata recipiente, nequaquam immutetur.

Miror autem, si tam præstans sit aromatum, pro stomacho confortando, in crassiori formâ usus, quòd Zvelserus *Pharmacop. Reg. pag. 106.* aromatum pulverisationem in *Pulvere stomachico*; *pag. 119.* in *Speciebus stomachicis*, & alibi, suadeat, atque sic virtutem eorum temerè infringat. Eadem enim similibus horum est ratio.

Unde *Ludov. Septalius* in *Aromatico rosato*, species non in tenuissimum pulverem, sed crassiusculè tantum contundendas esse, monet.

An denique *Diacorum* hoc ori oculisque gratius, ut vult Zvelserus, evadat, si eo, quem ipse tradit, modo paretur? dubito.

Radicum enim & aromatum partes crassæ, dum per os adsumuntur, inæqualibus suis angulis linguam, & palatum molestè tangere, ac facile ca-

vernīs dentium inhærere possunt; unde sæpe nausea ægro, præcipuè si aliàs fastidiat medicamenta, ventriculumque debilem possideat, concitatur.

Cui tamen dentibus medicamenta contere lubet, illi radices & aromata crasè incisa, vel etiam integra, exhibere, per me nihilominus cuivis integrum esto.

Nam quot capita, tot sensus.

Oculi autem permixta liquidioribus rebus corpora solida observantes, vix gratiam aliquam indè haurire poterunt.

Ratione ingredientium aliquam mutationem quoque instituit Zvelferus, dum ipsis *unciam unam* & *dimidiam* *Conservæ rosarum* admiscet; quænum singularem aliquem usum præstet? hæreo, cum primis ubi parvam ejus pro singulâ dosi quantitatem intueor.

Namque *Diacorum* ad pondus *unciæ unius*, autore *Mesue*, præscribitur; quam ferè *grana quatuor conservæ rosarum* ingrediuntur; hæc autem *grana quatuor*, si *conserva*, juxta Zvelferi regulam, ex *anaticâ sacchari* & *florum rosarum* parte parata sit, *grana duo sacchari*, & *totidem rosarum* continent. Proh! quantæ igitur vires, in tantâ reliquorum ingredientium copiâ, à *duobus sacchari totidemq; rosarum granis*, Electuario huic accedere possunt!

Saccharum quòd *meli* in hoc, aliisque Electuariis similibus substitui possit, res est notissima; sed tunc aqua, in qua radices coctæ fuerunt, non penitus evaporare debet.

Possunt & alia in *Diacoro*, pro cujuscunque prudentis Medici voluntate, immutari, addi, vel adimi.

ACORO CONDITO VULGARI pag. 249. eadem, quæ præcedenti Electuario, animadversiones debentur, monente Zvelfero. Quare earundem Examen ex parte huc trahatur.

Nunc celebratissimum illud *ELECTUARIUM ALCHERMES MESUES* pag. eadem, se offert; de quo, cum primis ratione *setæ*, *succo granorum chermes* tinctæ, quædam in *Sirupo de pomis* dicta fuerunt.

Cæterùm Augustanos, quòd *Monspeliensium*, vel *Lugdunensium confectio*ne utantur, falsè traducit, conaturque ostendere, *Mesues* descriptionem, præ *Monspeliensi*, longè efficaciorẽ fore; cùm in hac *sacchari* pondus reliquas species non parùm excedat, sicque viribus inferiorem compositionem efficiat. Quare an tanta inter has sit differentia, circumspiciendum est.

Tota itaque *Monspeliensium Confectio*, prout à Zvelfero hic è *Catelano* adducitur, continet, ipso dictitante Zvelfero, *libras tres* & *uncias duas cum dimidiâ*; (quas *uncias duas cum dimidiâ*, tanquam pondus *medium* inter *uncias duas* & *uncias tres*, à Zvelfero dubitante assignatas, ponere libet; quanquam vicissim

vicissim parum sibi constans, in *Vindiciis contra Vernium* pag. 242. eam *libras tres & uncias octo* circiter pendere, scribat) *Mesues* verò descriptionem, ab *Augustanis* traditam, ultra *libram unam & uncias duas* non excrefcere, monet. *Confectionis* igitur *Monspeliensis* doses erunt *trecenta & octo*, si *drachma una*, cum *Zvelfero*, dosis constituitur. Econtra *Mesues* compositio doses *centum ac duodecim* habebit; quarum singula continebit:

ambrae,
margaritarum,
lapidis lazuli an. gr. j. & partem decimam quartam grani unius,
moschi undecimam circiter partem grani unius, non quadragesimam, uti malè in *Vindic. contra Vernium* habetur,
ligni aloës,
cinnamomi an. granum unum cum dimidio, & partem circiter nonam grani unius,
auri quartam ferè partem grani unius.

Ast *Monspelienses* in *Confectionis* suæ dosin unam recipiunt:

ambrae,
margaritarum,
lapidis lazuli an. tertiam partem grani, & decimam octavam incirca grani unius,
moschi,
auri an. quintam circiter partem grani unius,
ligni aloës,
cinnamomi an. granum unum, & sextam ferè partem grani unius.

Superat ergo *Mesues* *Confectio* illam *Monspeliensem* ambrae, margaritarum & lapidis lazuli an. grano dimidio, & sextâ circiter parte grani unius; ligni aloës & cinnamomi dimidio ferè grano; ratione auri perparum. *Ratione moschi inferior est.*

Verùm hanc *moschi* eminentiam videns, in *Vindiciis contra Vernium*, odoris saltem gratiâ eum addi, statuit. Quod uti hac vice impugnare nolo: sic robore hujus sententiæ *Zvelferianæ* fretus, eodem jure & facilitate, *ambra*, *lignum aloës*, & *cinnamomum*, quorum pondus in *Mesues* *Confectione* præpollet, odoris saltem gratiâ addi, adlèro; sicque propter hæc nihil *efficaciæ Monspeliensi Electuario* demitur.

Quod autem *margaritarum* etiam dosis in *Mesues* *Confectione* emineat, parum refert. Quid enim illud granum dimidium, & paucum quod excedit,

efficiet; cùm margaritarum integras drachmas potius exhiberi debere, supra in animadversionib. *Classis undecima de Confectionibus aromaticis*, voluerit?

Lapis lazuli dosi aliàs drachma una (si Schröderum aliosque sequi liceat) constituitur. Quid igitur, parva illa, quæ superabundat quantitas, granum unum minimè attingens, singulare præstabit?

Auri foliati quamvis paulò plures atomi à *Mesue* in dosi unam sumantur, nullam tamen prærogativam Electuario huic propterea accedere, dici debet; cùm *auri foliati* usus nec ab ipso Zvelsero magni æstimetur.

His ita positis, an tam parva rerum, magnâ aliàs in dosi exhibendarum, margaritarum &c. in *Monspeliensi Confectione* deficiens quantitas, quæ collecta vix ad granum unum cum dimidio adscendit, tantam exaggerationem meretur?

Ut jam non urgeam, præcipuas Electuarij hujus virtutes in *granis tinctoriis* consistere; uti hoc ex *Caselano Zvelsero* animadvertit.

An verò *sacchari* pondus in *Monspeliensi Confectione* adeo superabundat, ut multum infringere & diminuere virtutes, effectum, & operationes singularum dosium, quoad efficaciam & energiam ingredientium, dici possit; ceu rigorosus Animadversor contra *Vernium pag. 242.* ostendere, conatur?

Quaro itaque: an *Mesues Confectio* similiter à *sacchari* pondere, quoad virtutes, infringatur & diminuatur? Zvelserus l. c. illam majori quidem, proportionem, *sacchari* quantitatem continere; *Monspeliensium* v. r. in quantitate, vel pondere *sacchari* adhuc magis excedere, scribit. Verùm præterquam quòd utramque legitimè, secundùm nominatorum Auctorum mentem præparatam, virtutes suas potenter satis exserere, quotidianâ experientiâ erudiamur, insigniter etiam Zvelserum hallucinari, observo; dum *sacchari* pondus magis in *Monspeliensium Electuario*, quàm in *Mesues*, excedere, nobis persuadere, laborat; cùm potius contrarium, si calculo res committatur, compareat, & *sacchari* pondus in singulâ *Confectionis Mesues* dosi, plus, quàm integro grano, majus, quàm in *Monspeliensium*, esse, deprehendatur. Ibî enim singulam dosim, *sacchari* grana triginta octo cum dimidio, & decimâ quartâ parte grani unius: hîc verò saltem grana triginta septem & dimidium, vel tertia ferè pars grani unius ingrediuntur.

Seductus fortè Zvelserus fuit; dum à *Monspeliensibus sacchari* libras duas, à *Mesue* autem saltem uncias novem, & sic multò minorem quantitatem præscriptam fuisse, animadvertit. Verùm considerare unâ debuisset, *Confectionem*, quatenus in doses divisa est, expendendam esse; atque ita multò

multò plures quoque doses, nimirum *trecentis & octo* in illà; quàm in hac, videlicet quæ *centum* saltem & *duodecim* continet, observasset.

Quòd si nimia hæc est *sacchari* quantitas, miror certè *Zvelferum*; quòd ipse pro singulà *Confectionis sue Alchermes*, quam tantopere deprædicat, dosi, grana ferè *triginta tria sacchari* ponat, sicquæ non adeo longè à *Monspeliensium* & *Mesues* quantitate recedat.

Sed qua ratione *saccharum* virtutes *Electuarij* nostri infringere & diminuerè valeat, nondum video; cùm nullam ingredientibus reliquis adversam qualitatem contineat. Unde hæc, tanquam somnia, missa facio.

Libenter autem scirem, qua de causà, & ex quo fundamento, *Confectioni alchermes Monspeliensium*, non *specierum vel pulverum uncia duæ & dimidia*, sed *uncia undecim circiter*, prout *Vernio* *Zvelferus* objicit, competant, si hæc ad normam & methodum antiquorum competenter pararetur?

Nunquam enim tantam *specierum* molem ei, ad *Veterum* normam, paratæ, competere, quocunque tentetur modo, evincere quis poterit.

Pergit *Zvelferus*, & *sericum* minùs rectè addi, existimat. Si enim quis eximias à *serico* virtutes *Electuario* huic accessuras putet, illum persuasum, sibi habere, vult, *sericum* eas, dum lavando, coquendo & multivariè præparando à *Sericariis* elaboratur, dudum amisisse. *Crudum* verò *sericum* unà cum folliculis, ob vermes vel papiliones in iis putrefactos, magnà infectum, esse malignitate. Sed, utrùm *sericum* à *Mesue*, ob singulares aliquas ejus vires, vel aliam propter causam, huic compositioni destinatum fuerit, melatet. Meras enim circa hoc nonnullorum conjecturas esse, constat; nec quisquam certi aliquid hac in re statuere potest.

Quamquam omnium optimè illi agere videantur, qui ad virtutem cordialem, ab Arabibus *serico* adjudicatam, *Mesuen* respexisse, arbitrantur, præcipuè cùm & aliis suis compositionibus illud, sine *granorum chermes* tincturâ, admiscuerit; cujus exemplum *Confectio diaxyloaëos*, quæ *Confectionis alchermes* descriptionem, tract. de *Electuariis*, proximè subsequitur, exhibet.

Quidquid sit, de *preparato serico* negari nequit, non levem virium ejus partem coctione illà extractam jam fuisse; Ast *crudum* tantà malignitate, quòd præditum sit, dubitari potest. Hoc enim ubi adhibetur, non folliculi cum ipsis inclusis vermibus sumi debent; sed hi prius eximuntur, atque folliculi, si sordidi fuerint, abluuntur; unde postea cocti, odorem illum fortem abominandum, qui in præparatione, à *Sericariis* institutâ, observatur, non ampliùs spirant; & si quid tetri odoris inest, per ipsam coctionem, cum *succo pomorum* & *aquâ rosarum*, aufertur.

Neutiquam tamen, etiamsi odor foetidus exhalet, ille folliculorum malignitatem mox arguit.

Neque illos, qui vel integros dies serici elaborationi insudantes illum, exhalantem foetorem respiratione in corpus attrahunt, de malignitate aliqua conquestos fuisse, observare potui.

Quin sæpe foetida summam in arte medicâ utilitatem præbent. De *urinoso odore*, ad malignam pestis qualitatem expugnandam à Zvelfero commendato, ut nil dicam; *alii* insigni foetore dotati usum alexipharmacum multi, & inter hos quoque Zvelferus, magni æstimant. *Asa foetida, fumus combustarum pennarum, cornuum &c.* rerum foetidarum numero eximi nequeunt; quis verò propterea malignitatem ipsis mox adscribere audeat?

Providè *Laurent. Eichtadius cap. 12. de confect. alchermes*, non serica, sîla, id est, sericum præparatum, sed ipsos purgatos folliculos, exempto quoque vermiculo, ne folliculus indè aliquid putredinis contrahat, usurpandos esse, monet.

Ludov. Septalius animadvers. 55 caution. medic. lib. 9. §. 43. in examine Confectionis alchermes, globulos recenter conglomeratos commendat, quibus apertis, eximendus sit bombyx, & interna levis atque tenuis superficies pelliculâve abstergenda, ac, si forditie aliquâ esset infecta, eximenda.

His præmissis, ad præparationem præsentis medicamenti Zvelferus accedit; quam, omisso serico, cum Sirupo, sive is è succo chermes, sive è granis, ad normam, quam ipse animadversionum paginâ 33. præscripsit, confectus sit, instituere, præcipit; & sic longè efficacius fore Electuarium, scribit, illo, quod multis sigillis munitum, vel ex Gallia vel Belgio adfertur. Sed de serico & Sirupo de pomis ad Confectionem alchermes expetitum, Lector consulat.

Confectio alchermes ad nos non, nisi ex Monte Pessulano, & Lugduno adfertur.

Quòd Zvelferus Belgij quoque mentionem faciat, ob nomen: *Lugdunensis*, ab Augustanis positum, factum esse, suspicor; ac si scilicet ipsi *Lugdunum Batavorum* innuerent; cùm potius *Lugdunum*, celeberrimum illud *Gallia Celtica* emporium, vulgò *Lyon* dictum, intelligant; ubi non exiguâ in quantitate nobile illud Electuarium pariter præparatur.

Ambra in oleo aliquo aromatico solutam addere, præcipit, ut ita exactiùs cum saccharo uniatur. Multipliciter *ambra* additionem fieri posse, omnibus notum est; interea quam *Mesue & Monspelienfes* normam, videlicet per liquefactionem in saccharo ad mellis consistentiam cocto, tradunt, non omnino spernenda est; siquidem *ambra* substantia per totum

Electua-

Electuarium ritè dispergitur, sicque odorem & vires suas per minima distribuit.

Id quod nec Zvelserus negare potuisset; quia ipse pag. 123. *Pharmacop. Reg. in saccharo*, cum aquâ cinnamomi & rosarum in tabulati consistentiam, cocto, ambram, nullâ aliâ re prius solutam, subactam, vel mistam, dissolvere jubet. Et pag. 255. *Vindic. contra Vernium*, Norunt, inquit, etiam apud nos, in Germaniâ, Tirones ambram in saccharo, ad consistentiam syrupi aut tabulati cocto, liquare & solvere; citra odoris aut fragrantiae dispendium.

Majorem verò efficaciam Electuario ab aliquot guttulis (hîc Zvelsero incubuisset, quantitatem istarum guttularum exprimere, nec eam Pharmacopœi arbitrio relinquere, qui, vel in excessu, vel defectu additionis, facile vacillare potest; Medicus autem talem præscripturus Confectionem, ex Zvelseri sententiâ, scire debet, quantum de hoc, vel illo ingrediente dosin unam intret) olei cinnamomi, rosarum &c. accedere, equidem non nego; Zvelseri tamen hypothesis, de moscho, odoris saltem gratiâ addito, contra hanc Zvelseri opinionem decertare valeret.

Si autem alicui Medico, efficacius Electuarium alchermes obtinere, placeat, illi, si vel parùm in re medicâ versatus fuerit, multariè alia addendo, vel priora ingredientia augendo, scopum suum obtinere, difficile hoc esse haud potest.

Ast tanta si vis oleis illis aromaticis inest, Zvelserum demiror; dum, nullum consimilium oleorum, ad ambra dissolutionem, in suâ Confectione alchermes *Pharmacop. Reg.* adhibuit, eamque cum seminum citri uncia dimidiâ subigere, tantùm præcepit.

An Confectio præsens antiqua, stimulo summopere, quod vult Zvelserus, indigeat, si consuetà in dosi, quæ ab autore, *Mesue*, ad aureos duos ac dimidium, id est, drachmas ferè tres, extenditur, exhibeatur; illi, qui ejus usum, longâ experientiâ confirmatum, familiarem sibi reddiderunt, judicent; non tales, qui perverse præconceptâ opinione seducti, usum ejus abhorrent.

Quamquam etiam rariùs per se, sed mixta ut plurimum cum aliis, quæ pro variâ Medici intentione, & agroti necessitate, diversorum stimulorum, loco esse possunt, à Medicis præscribatur.

Senem verò citri, à Zvelsero ad ambram subigendam adhibitum, tantarum virium non est, ut stimulare queat, cujus tantùm tertia pars & centesima ferè granî unius, dosin sive drachmam unam ingreditur; quæ paucissimæ atomi, respectu integræ doseos, magni momenti haud esse, videntur.

Tandem, rejectâ *Monspeliensium* & *Mesues* compositione, suam, in *Pharmacop. Reg.* pag. 179. & 180. delineatam, utrique, tanquam longè efficacior-

margaritarum	- - -	120.	- - -	720.	- - -	120.
lapidis lazuli	- - -	120.	- - -	720.	- - -	120.
sacchari	- - -	4320.	- - -	23040.	- - -	11520.
drachmas, sive doses	-	CXII.	-	DCC.	-	CCC.VIII.

Nunc porro continet (NB. circiter) doses, sive drachma una CONFECTIO-
TIONIS ALCHERMES.

MESUES:

ambrae	- - -	granum unum, & partem decimam quartam grani unius.
moschi	- - -	partem undecimam grani unius.
ligni aloës	- - -	granum unum cum dimidio, & nonam partem grani unius.
cinnamomi	- - -	tantundem.
margaritarum	-	granum unum, & decimam quartam partem grani unius.
lapidis lazuli	-	tantundem.
sacchari	- - -	grana triginta octo cum dimidio, & decimâ quartâ parte unius grani.

ZVELFERI:

ambrae	- - -	partem tertiam, & centesimam quartam grani unius.
moschi	- - -	duodecimam grani unius.
ligni aloës	- - -	granum unum cum dimidio, & quintâ grani unius parte.
cinnamomi	- - -	& partem trigesimam quintam grani unius.
margaritarum	-	tantundem.
lapidis lazuli	-	tantundem.
sacchari	- - -	grana triginta tria.

MONSPELIENSIIUM:

ambrae	- - -	partem tertiam & decimam octavam grani unius.
moschi	- - -	quintam grani unius.
ligni aloës	- - -	granum unum, & grani unius sextam partem.
cinnamomi	- - -	tantundem.
margaritarum	-	partem tertiam, & decimam octavam grani unius.
lapidis lazuli	-	tantundem.
sacchari	- - -	grana triginta septem, & partem tertiam grani unius.

His debite invicem collatis, parvam sanè differentiam inter omnes illas
tres Confectiones dari, quilibet fateri tenetur.

Zvelferus quidem compositionem suam pulvere coralliorum rubrorum
preparatorum, ad unciam unam & dimidiam addito, insuper adauget; unde
quamlibet dosin granum unum & pars trigesima quinta grani unius ingreditur.

Sed quid tam parva coralliorum quantitas (ut iterum cum Zvelfero loquar) præstabit, quæ aliàs ad scrupulum unum, vel drachmam unam usque præscribi solent?

Porro à corticibus citri & aurantiorum, quorum extractionem, cum succo pomorum redolentium factam, coquit, nil nisi amarum extractum in residuo manet, subtili ac fragrantissimâ essentiâ per cocturam pereunte; cui soli tamen omnes vires cordiales &c, superiùs, quò in Augustanos debaccharidi ansam haberet, adscripsit.

Quod *Magisterium granorum chermes* concernit; illud an providè huic Confectioni adjungatur, Zvelferus ipse scrupulum mihi movet. Ob defectum equidem veri, & recentis succi granorum chermes, eo utitur, cum turpis quæstus omnia ferè adulteret, nobisq, qui peregrina adoramus, illudat.

Parcius ista Viris tamen objicienda memento.

Erunr, qui Zvelferum quoque, v. g. aquam elementarem, pro sale tartari volatili, pro famoso liquore alcabest, orbi obrudere velle, animadvertunt.

Si verò tantus omnium ferè peregrinorum, sive exoticorum medicamentorum, ne illa adulterata sint, metus Zvelferum invasit, ut ea è Republ. medicâ ferè proscribere, non vereatur; cur medicamenta sua non è solis domesticis simplicibus conscripsit? cur ipse tot utitur exoticis?

Annon plus, quàm dimidia pars medicamentorum *Pharmacopœia Regia* peregrina & adulterationi obnoxia admittit ingredientia?

Annon *Pharmacop. Reg. pag. 209.* Pharmacopœis consilium suggerit, ut aquas florum citri & aurantiorum, si horum copia ipsis desit, ex Austrinis partibus sibi adduci, procurent?

Annon hæc ipsa ejus Confectio, quæ præ manibus jam habetur, *saccharum Canariense, ambram, moschum, cinnamomum* &c. recipit? An hæc simplicia tellus Viennensis producit?

Certè neque hæc adulterationis, variè à fraudulentis institui solitæ, metu omnino libera existunt; prout varias moschum adulterandi fraudes in *Dissertationis meæ*, sexennio abhinc, *Jenæ*, de moscho habitæ, cap. 25. detexi.

Quin & ipsa grana chermes, è quibus *Magisterium* suum parat, exoticorum catalogum Zvelferi ingrediuntur; quibus, si cui fraudulenter agere, animus est, partem purpuræ extrahere, & ita grana, succo nativo ex parte, orbata, vel alio modo illegitima, nostras in oras, additis de eorum bonitate multis promissis, transmittere, & Te interea, qui mercibus his verbisque fidem habes, ridere, non adeo difficile erit.

Verùm non ita de omnium fide dubitare debet, nisi quis fide indignus ipse haberi velit.

In ipsâ magisterij præparatione observatur, quòd 1. *Uncias duas granorum chermes extractioni committat*, à quibus dein duplo plus, i. e. *uncia quatuor magisterij*, sive *Lacca Florentina*, per præcipationem separatur. Ipse verò *uncias tres* saltem hujus magisterij Confectioni suæ adjungit.

Ad quid ergo reliqua, *quarta* nimirum, *uncia*, vel quod excurrit?

An illa humida (quod fieri tamen ferè nequit) aliud in tempus, pro Confectione hac noviter parandâ, adservari debet?

Annon, si *uncia granorum*, *uncias duas* magisterij largitur, *unciam unam* & *dimidiam granorum* tantum accepisse, quæ nempe quantitas ferè *uncias tres* magisterij suppeditat, præstasset, sicque *granorum chermes*, *aluminis*, *salis tartari*, temporis quoque, & laboris dispendium non fieret?

2. *Grana chermes integra, non contusa*, sumi debere, studiosè à Zvelfero monitum observo. Sed quæso, quem usum curiositas hæc sibi vindicat?

Annon contusa æquè succum suum rubicundum, vel etiam facilius, quàm grana integra, aquæ impertiuntur?

Annon ipse Zvelferus *grana contusa* in priori *Pharmacopœia Regia editione*, pag. 60, adhibenda esse, judicavit?

3. Magisterium, adinstar pulpæ cujusdam, non totaliter exsiccandum esse, vult. Verum superflua hæc est curiositas; neque enim singulares aliquas virtutes paululâ illa aquæ guttulæ, cum magisterio nonnihil humido remanentes, Confectioni impertiri possunt.

Quinetiam totaliter exsiccatum & pulverisatum, pro meliori rosei coloris, per totam Confectionem, distributione commendarem.

Pulposum enim illud & humidum magisterium, dum reliquis Confectionis ingredientibus in fine demum additur, nisi Confectio diu & diligenter agitur, ubi tamen multum fragrantia evaporat, perfectè non miscetur; facilius autem magisterium in pulverem redactum, & cum cæteris pulveribus mistum, per omnes Confectionis partes distribueretur, purpuramque suam ipsi conciliaret.

4. Id, quod præcipitatur, non est pura *granorum chermes* extractorum substantia, sed majori ex parte *aluminis* pars terrestris, quæ sanè singularem in hoc Electuario usum præstare nequit, & potius calx inutilis, secundum Zvelferi fundamenta, dicenda venit.

Ipse etenim pag. 448. *animadvert.* *perlas & coralia*, in acido liquore soluta, & cum contrario præcipitata, inutiles vocat calces, quibus non exigua menstruorum solventium, & liquorum præcipitantium portio, à contrarietate dictorum liquorum exorta, ac difficulter ampliùs per corrosiva solubilia, tenaciter adhæreat; atque hoc *Lacca Florentina*, è *granis chermes* paratæ,

quæ nihil aliud est, quàm *magisterium dictorum granorum*, exemplo comprobatur; ejus ferè duplo plus acquiritur, quàm ante præparationem granorum fuerat.

Negari equidem nequit, calcem illam, quæ in præcipitatione extrahitur, *granorum chermes* cum solutione *aluminis* producitur, ab actione & reactione (quæ num contrarietati, vel amicitia debeat, inutilis videtur esse quaestio) *salis tartari*, & *aluminis* fieri; attamen haud est ipsa substantia acidi *aluminis*, & alcali *salis tartari*, in corpus tale terrestre, & indissolubile mutata, sed tantum ferè, uti dixi, *aluminis* pars terrea, quam, instar *vitrioli*, *ferrum* vel *cuprum* continentis, possidet, & post *aluminis* usionem, qua spiritus acidus in fugam vertitur, superest.

Dum enim *sal tartari aluminis* acidum absorbet, hoc solutam, & in se contentam terram albam in fundum cadere permittit.

Econtra si *aluminis* spiritum, vel alium acidum liquorem, qui tamen, nihil prius corrosèrit, & *sal tartari*, ab heterogeneis aliis partibus probè purificatum, confundas, vix ulla terra indè præcipitabitur.

Parum autem de *granis chermes* calci huic præcipitatae inesse, ipsum granorum pondus comprobatur; ubi ab *unciis duabus granorum*, post extractionem, *unciam unam* circiter superesse, cognoscitur; ipsum autem *magisterium*, Zveltero consentiente, *unciarum quatuor* pondus adæquat. Unde *granorum chermes* una tantum, & terræ *aluminis* tres partes in eo continentur.

Sed satis de hoc Electuario.

Nunc CONFECTIO ANACARDINA MESUES pag. 252. se offert; quam paratu quidem facilem esse, sed cum *butyro* paratam ingratum evadere edulium, præcipuè si diutius adservata rancorem contrahat, objicit. Ast quid hoc ad præparationem? Tale potius, in compositionem animadvertere, dici debet.

Et licet absque *butyro* pararetur præsens Confectio, magnam delicatulo palato gratiam daturam eam esse, vix credo.

Magis tamen ingratam evasuram, cum *butyro* paratam, si diu adservetur, minime nego.

Interea ad incommodum hoc evitandum, minori in copia, quæ nimium pro dispensatione per unum vel alterum mentem sufficere possit, parare eandem, licet.

In CONFECTIOE ARCHIGENIS pag. 253. Augustanos incivili cavillo excipit; dum, ubi animadversione & monitis summo opere opus esset, eos piscibus & Scirphiis ranis magis mutes, in aliis verò rebus nauci & nihili plus satis loquaces, vocat. Tales autem insulsi & iniqui Animadver-

inadverfores meritò in Insulam Seriphum relegandi eſſent; quò nimiam ſuam loquacitatem, & ſine ratione multarum animadverſionum accumu-
lationem, ranarum Seriphiarum exemplo ducti, dedicerent, nec inurbanâ
ſuâ coaxatione, aliorum Bonorum aures moleſtarent.

Sed, quaſo, quamam hic animadverſione, quibusve monitis Auguſta-
norum opus eſt?

Circa præparationem fortè monitum aliquod deſiderat Zvelſerus.
Utique hoc dari potuiſſet; ſummopere tamen neceſſarium haud fuit. Pe-
ricus enim & prudens Pharmacopœus facilè dextram ejus præparationem,
erueri valet, præcipuè ſi methodum componendi *Theriaca* probè, ceu par
eſt, perſpectam habeat.

AUREAM ALEXANDRINAM NICOLAI pag. 254.
penitus improbat, & carbone ex albo pharmaceutico delendam eſſe, exclam-
mat; cujus abſurditates è *Theriaca Andromachi*, *Metridarj*, & *Antidoti*
Marthioli animadverſionibus ſatis evidentè patere, exiſtimat. Verùm uti di-
ctarum compositionum abſurditates non niſi in cerebello Zvelſeri depre-
hendi poſſe, Examen earum oſtendit: ita & hujus *Aureæ Alexandrina* eodem
in loco quaerendæ ſunt.

Aureæ titulum majori jure ſibi vindicat, quàm multa *Pharmacopœia*
Regiæ medicamenta, ſpecioſiſſimum *regium* nomen in fronte gerunt.

Interea cui uſus ejus diſplicet, ille eandem apud Auguſtanos quoque
jam exoleviſſe, recordetur.

In *ATHANASIAE MAGNÆ NICOLAI* pag. 255. præ-
paratione, nihil animadverſione dignum invenit, niſi quòd gummata in
ſuccis adjectis, & *vino*, vel *aceto*, ſi illi non ſuffecerint, ſolvenda eſſe, præci-
pit. Quod ſi neceſſe eſt, peritus Pharmacopœus, quid factu opus ſit, ipſe
ſciat.

Ratione verò computationis Auguſtanos errâſſe, obſervat; dum *mellis*
libram unam, unciam unam, drachmas quinque ſemis, non triplum pondus eſſe,
reſpectu *quatuordecim unciarum & drachmarum quinque ſpecierum*, ſcribit.
Sic eſt, adſignatum mellis pondus minùs rectè ſe habere; cùm mellis *libra una*,
uncie ſeptem, drachma ſex, grana quinquaginta ſeptem triplum pondus ſint, ſi,
quod hic innui ab Auguſtanis exiſtimo, tantùm ad ingredientia ſicca reſpi-
ciatur; vel, cùm *libra tri, uncie decem, drachma ſex, grana quinquaginta*
ſeptem, triplum conſtituant, ſi cum cæteris ingredientibus omnibus, *ſuccis*
etiã, conferantur.

Sed errare, eſt humanum.

Zvelſerus

in veteratum malum istud profligasse; maxime ubi motio seu deambulatio post adsumtum hocce medicamentum una instituatur. Ut taceamus, vires integras in crudo, dummodo à calore ille prius fuerit dissolutus, multò potentius vim suam exercere. Constat enim ab adsumptione ejus iteratàque, materiam viscidam, granularem, albam, multam, per alvum rejectam, agrumq; pristina sanitati postea restitutum fuisse. Econtra non semel observavimus, à medicamentis chalybeatis preparatis, obstructions, siccitates, quin dolores majores abortos fuisse, quin ipsa intestina aliquando erosa, uti Johanni Traviçio, Medico Prætico clarissimo, contigit Lipsia, qui doloribus ventris atrocissimis miserè periit.

Ipse quoque Zvelserus, pag. 294. & seqq. Apolog. contra Tackenum, suo se gladio jugulat, dum pro crudi Martis usu salutari militare cogitur.

Quanquam vicissim Mantiss. Spagyr. class. 1. cap. 3. pag. 335. metalla, & in specie Martem, nisi in principia & elementa chimica redigantur arte & industriâ, Viri boni remedia haud esse, temerè deblateret.

Ubi tamen, Martis in vitriolum redactionem, veram in principia & elementa chimica resolutionem, minimè dici posse, & consequenter vitriolum illud Viri boni remedium non esse, quod tamen in reformato hoc Electuario commendat, contra Zvelserum obiter notare, juvat.

Nec certè quisquam sibi persuadeat, Electuarium præsens, cum ferri vitriolo, ad mentem Zvelseri confectum, salutarem semper producere effectum, cum & ipsum, minus ritè propinatum, ventriculo aliisque visceribus noxam adferre queat.

Utrum autem ab uncii quatuor talis vitrioli Electuarium palato gratius, quàm ab uncii septem chalybis preparati, evadat, dum ille sapore non tam notabili, ac vitriolum, quod non usque adeo grati saporis, præditus est, aliis decidendum relinquo?

Species aromatici rosati haud efficacius, sed nauseosum potius reddere, Electuarium, pernegatur. Si quis enim specierum istarum vires perpendat, eas Electuario huic auxiliares præbere manus, facile intelliget.

Nec video, quid tantopere nauseosi in dictis speciebus contineatur?

Rhabbarbari exiguum quantitatem compositioni huic nil quidquam conferre, & de eo meritò effari posse: quid hoc inter tam multa? mera est inscitia.

Quis unquam rhabbarbaro vires hepaticas dubias reddidit, quæ in hoc medicamento expetuntur?

Rhabbarbarum cum aliis, liceat Magni Rolsincij verbis, sect. 12. artic. 1. cap. 20. tract. de purgantib. vegetabilib. notatis, uti, quæ epar cateraq; viscera deobstruunt & roborant, mistum, aperiendo & roborando mirificè eorum vires adauget. Ubi etiam animam, vitam & Theriacam epatis adpellari, memorat.

Unde

Unde vel ex hoc patet, quòd Zvelseri in medium adducta quæstio nullius sit valoris.

Quid si vicissim ex Zvelsero de olei macis scrupulo uno interrogaretur: quid hoc inter tam multa? Totius enim compositionis tantum *ostingentesima* & *vigesima* pars est.

Quòd CONDITUM PRO FAMILIA ANTIDOTALE STAPEDII pag. 257. legitime paretur, necessum esse, ducit, ut *grana juniperi recentia, nec nimis exsiccata, & carica ac nuclei juglandes diu multumque in mortario lapideo, cum liquore aliquo irrigata, contundantur, & per cribrum setaceum, instar pulpæ, trajiciantur*: Cur *grana juniperi recentia* sumi debeant, nullam singularem causam video; exsiccata enim magnis pollere virtutibus, vel potius, apta esse, ut Electuaria, de quibus hic sermo est, compositionem intrent, nec Zvelserus diffiteri potest; qui ipse *pulverem baccarum juniperi, & consequenter baccas juniperi exsiccatas* adhibet; ejus rei *Theriaca simplici Pharmacop. Reg. pag. 176. exemplum suppeditante*.

Illam tamen grana, quæ, sive nimiam vetustatem, sive violentam exsiccationem experta fuerint, minus idonea esse, non abnego, neque ab Augustanisea commendari, observo.

Caricas, & nucleos juglandes in pulpam non contundendos esse, (quamquam Augustani hoc propriè non præcipiant) animadversiones Zvelseri in *Diacorum Mesum* evincere posse, videntur; in quo dum Augustani *radices, & nucleos pineas in pulpam contritos, non sine causâ, præscribunt, Zvelserus, reformandi æstro incitatus, contrarium suadet*; hic autem, ut aliquid animadvertisse videatur, circa *caricas, & nucleos juglandes diversam* iterationem approbat, Augustanorumque ad partes, antea à se rejectas, sponte accedit.

ELECTUARIUM CONTRA DYSENTERIAM D. D. PHILIPPI HÖCHSTETTERI pag. 258. easdem, quas *Antidotus Matthioli*, mereri laudes, irrationabiliter cavillatur; quia *ex novem diversis compositis & ducentis ingredientibus ejus compositio conglomerata sit, ita ut in infinitum procedente atomorum divisione hic opus foret, si singulorum ingredientium, quantum de unoquoque ad quamlibet dosin accederet, exacta institui deberet computatio*. Quid de hoc dubio decernendum sit, illa, quæ in *Antidoti Matthioli Examine* dicta fuerunt, repetantur.

Interca ex novem diversis compositis constare hoc Electuarium, calculus, vel obiter subductus, non admittit. Nam præter *Theriacam Andromachi, & in eâ contentos Trochiscos scilliticos; viperinos; & bedychroi*; nec non *Trochiscos de spodio; de terrâ sigillatâ; Ramich; Galie moschata; Species diar-*
rhodon.

rhodon Abbatis; insuper *Conserua* etiam *rosarum rubrarum vitriolata*; & *pimpinella sanguisorba*; ut & *Sirupus ex rosis siccis*; atque *myrtillorum*, in eo conspiciuntur; quæ omnia Compositorum nomine utique digna sunt.

ELECTUARIUM DE SCORIA FERRI RHASIS pag. eadem, juxta modum præscriptum parari posse, concedit; usum autem ejus se ignorare, profitetur, atque eos, qui adstrictoriam vim inde sibi pollicentur, decipi, testatur. Cum modus præparandi censuram non incurrat, frustra de usu medicamenti præparati litem movet Zvelferus; dum ipse non in compositionem, usumve medicamentorum, sed unicam præparationem animadvertere, sibi proposuit.

Cui autem fini ab Augustanis olim, cum adhuc in usu esset, destinatum fuerit, scire, parum refert; ejus usu, quod Zvelfero literæ minores indicant, jam obsoleto reddito.

Interea, qui adstrictoriam vim inde frustra expectari, profitetur, is decipit, & decipitur.

ELECTUARIUM DIURETICUM BARTHOLOMÆI MONTAGNANÆ pag. eadem, iniquè rejicit, ejusque eradicationem, exoptat.

Quod licet, ob temporis ita ferentis conditionem, Augustanis in usu esse, desiderit; cur tantâ tamen exagitatione dignum sit, non video; cum in præparatione, de qua controvertitur, nihil acerbâ animadversione, aut correctione indigum reperiatur.

Unde si quis talium animadversionum examen instituere vellet, is vix ab indignatione se temperare possit, quoties vel blandis oculis hanc Zvelferi animadversionem aspiceret.

ELECTUARIUM GUIDONIS CONTRA PESTEM, QUOD ALII ELECTUARIUM PAPÆ VOCANT; nec non *ELECTUARIUM DE OVO MAXIMILIANI I. IMP. P. F. A. UG.* pag. 259. facilis præparationis esse, fatetur; hoc tamen præ illo inconcinnius sibi videri, scribit.

De ovi quidem vitello, in frontispicio *ELECTUARIUM IMPERATORII* posito, multa dicenda esse, monet, an is tam singulare alexipharmacum sit? interim tamen, brevitatis causâ, nihil decipit. Quare & mihi, de eo tacere, libet.

2. Vitellum testâ inclusum impedire, objicit, quò minus sine combustione *Crocus* exsiccare possit. Nam, pergit, ovi testâ, quamdiu integra & incomburnta perstat, vitelli unctuositatem & humiditatem haud facile exhalare sinit, quod provida Natura jam dudum previdit, & nostra irrita conamina ridet, quasi

verò nostris ineptiis auscultare deberet. Si Augustani similia scripssissent, proh ! quantum Zvelferri cachinnum & rigorosam censuram experti fuissent !

Quis Augustanorum hic vitelli, in testâ suâ inclusi, exsiccationem tradidit ?

An ovi testam integram sumi debere, volunt ? Annon albumen per foramen testæ inflictum educitur ?

Annon in calore temperato diuturniori vitellus in integrâ testâ conclusus crassescit, suamque fluiditatem amittit ?

An Augustani, croci in ovi testâ combustio ut fiat, volunt ?

Ubi, & quomodo provida Natura, vitelli unctuositatem & humiditatem per lentam assationem non faciliè exhalare, praevidit ?

Quis providam Naturam ridere conatus nostros, vidit ?

Quis eam ineptiis nostris, quæ nullæ sunt, auscultare cogit ? Num verò ineptiis Zvelferi, quas illo verbo : NOSTRIS, fortè indicat, auscultet ? me non angit.

Ipse econtra monet, sedulò observandum esse, ne crocus cum vitello permixtus, leniterque assatus comburatur ; sed post aliqualem assationem, è testâ exemtus, unâ cum vitello, reliquis speciebus permixtus, totaliter exsicceetur. Verùm nec contrarium Augustani volunt ; dum crocum, vitello ovi in testâ commixtum, assare præcipiunt, diligenter cavendo, ne crocus comburatur.

Deinde assatam hoc modo materiam, crocum nimirum cum ovi vitello, è testâ exemtam demum, non autem testæ adhuc inclusam, exsiccare, jubent.

In ELECTUARIO PAPALI ineptam & incongruam multorum ingredientium farraginem accusat, sed non demonstrat ; sicque eâdem facilitate, ineptè & incongruè illam ingredientium conjunctionem ineptam & incongruam à Zvelfero vocari, repono.

In specie virium esse censet, quòd Conservæ nonnullæ eidem adjungantur, quæ efficiant, quò minus Electuarium hoc in liquoribus dissolvi queat, quin semper flocculi à floribus contusis supernantent. Ast nec Electuarium hoc in liquore aliquo, ubi in usum trahitur, dissolvere, necesse est, nec ab Augustanis præcipitur.

Et licet quandoque, ægroti conditione sic postulante, liquidâ in formâ exhibeatur, prudens Pharmacopœus probè novit, non ita ruditer solum, sed prius colatum, vel per setaceum transmissum, ad ægrotum amandari debere.

Accedit, quòd nonnulli Pharmacopœi Conservas non, nisi prius per setaceum transmissas, in hujusmodi Electuaria recipiant.

Quin ipse Zvelferus, non solum radices & fructus quadratè incisos, & aromata

aromata crassiusculè contusa, sed etiam *Conservas* suis Electuariis aliquando immiscet; cujus exemplum *Electuarium*, sive *Confectio hepatica calida Pharmacop. Reg. pag. 184*, aliæque Classis illius medicamenta ostendunt.

Unde eadem ipsam tangit animadversio, hîc Augustanis scripta. Radices enim quadratè confissæ, aromata grossè contusa, & *Conserva* agrè in liquoribus dissolvi possunt, quin semper radices illæ tesselatim incisæ, & aromata grossè contracta, vel supernatent, vel fundum pêtant, & difficulter cum liquore deglutiri queant; *Conserva* autem flocculos liquori supernatantes exhibeant.

In *MYCLETÀ NICOLAI MYREPSI pag. 260*. imprudenter *semina*, & *myrobalanos* in aceto macerari; hoc autem, cujus non multum requiri statuit, haud effundendum, sed unà cum speciebus dictis leniter exsiccandum esse, observat. Verùm, cur *seminum* & *myrobalanorum* in aceto maceratio imprudenter fieri, ipsi dicatur, ignoro. Interea imprudenter hoc à Zvelfero adstrui, repono.

Nec multum de aceto pro maceratione requiri, ipsi Augustani his verbis: *macerantur in modico aceto vini*, innuunt. Multò minùs acetum effundendum, sed potius speciebus, inter exsiccandum, subinde adspargendum esse, monent.

In *PHILONIIS: MESUES; PERSICO EIUSDEM; MAIORI, SIVE ROMANO NICOLAI MYREPSI, pag. 261; & TARSENSI GALENI pag. 262*. præparandis, nihil notat, sed cavere sibi istos, tantùm vult, quibus illa frequenti in usu sunt, ob *opium* non ritè prius præparatum, ac *semina*, præcipuè *hyoscyami*, in largâ satis quantitate illis addita. Ast innocuum *opij non torrefacti, seminumq; hyoscyami albi* usum, in *Laudani opiatî Examine*, jam ostendi; & absque incommodo *Philonium Persicum*, atque *Romanum* (reliqua duo enim medicamentorum obsoletorum catalogo adnumerantur) à prudenti Medico in usum trahi, crebra experientia ostendit.

Unde, meo quidem iudicio, utrumque, non sola *Confectio Archigenis*, in pharmacopoliis prostare, ac in medicum usum trahi potest.

Si verò periculum ab *opio*, tostione non castrato, *seminibusq; hyoscyami* imminet, non solum illos, quibus hæc *Philonia frequenti in usu sunt*, sed etiam eos, quibus minùs frequens, & rarus satis horum obtingit usus, cavere sibi decet; quia vel semel peccasse, Medico piaculum esto.

Confectio pag. 262. REQUIES NICOLAI dicta, nîl singulare monendum Zvelfero exhibet, nisi quòd *tragacanthum* prius in aquâ rosarum, deinde *saccharum* solvendum sit; quibus tandem pulveres reliqui, & *opium*

præparatum &c. artificiosè jungantur. Ita est; præparatio hujus medicamenti ut ritè succedat, Pharmacopœo, *artificiosè* jungere ingredientia incumbit; qui etiam vel modicè peritus, officio suo hic satisfacere potest, & leves istas animadversiones pro ludibrio nunc *et in posterum habebit.*

Utrum *sacchari canthi drachma una* acutè addatur, nec ne? parùm refert. Sufficit, non inutiliter eam cõmisceri, vel præparationi nihil derogare.

Plurima his similia in *Pharmacopœiâ Regiâ* observantur, quæ tamen adducere nolo; cùm hæc, & illud erroris insinulari nequeant.

Ratione præparatoris **ELECTUARIUM DIASATYRIUM NICOLAI**, pag. 263, cum *Zvelsero*. *Diacorum Mesues* consulendum est, suadeo.

ELECTUARIUM MAGNANIMITATIS pag. eadem, juxta normam, in *Dispensatorio Augustano* præscriptam, conchi posse, equidem non diffitetur; consultius tamen fore, arbitrat, ut *Electuario* præcedenti, quod in hujus fronte, tanquam ingrediens aliquod, ponitur, nonnullæ saltem hujus species addantur, sicque majori cum fructu in usum trahi possit; ne officinæ tot tantisque scaterent vetustate consumtis compositis; & medicamenta quoque tali modo efficaciora nobis fore, autumat. Hac methodo plures *Zvelseri* compositiones exagitare liceret. Siquidem huic vel illi composito, modò aliqua ingredientia detrahi, modò adjungi, à prudenti & perito Medico, possunt; unde vel medicamenti vis quodammodo infringetur, mutabitur, vel augebitur.

Electuario Diasatyrio, cui, pro variâ intentione, Medicus quædam addere potest, sua debetur laus; nec propterea *Electuarium magnanimitatis* exulare tenetur.

Ac licet unum in effectum conspirent, utrumque tamen in *Officinis* publicis admitti potest.

Aliàs nec duos *Sirupos coralinos*, tres *nephriticos*, duos *mercuriales purgantes*, duo *Extracta antipestilentialia*, duas *Confectiones cordiales* &c. in *Pharmacopœiâ suâ Regiâ* commendare *Zvelsero*, licuisset.

Sed mitto hoc, cùm *παρεγγον* sit, & contra præparationem neutiquam militet.

DIASCORDII HIERONYMI FRACASTORII pag. 264. dextram & genuinam præparationem ex *Animadversionibus super Confectionem Archigenis* optimè elucescere, scribit. Quam itaque revolvere, Lectorem moneo.

De *Conserva rosarum* additione, *Electuarij Guidonis* paulò supra traditum examen consulatur.

Inter **TRYPHERAS**, **MAGNAM NICOLAI**, pag. eadem; **MINOREM PHOENONIS MESUES**; & **SARACENICAM EIUSDEM**

DEM pag. 265, prima cumprimis Zvelfero arridet. Cæterum *myrobalanorum* in *secundâ* cum *butyro* affationem, & in *tertiâ* eorundem cum *butyro*, ut & reliquorum ingredientium cum *oleo amygdalorum dulcium* fricationem, haud benè, & ridiculè præcipi, statuit. Sed quæso, cur malè illa præparatio audit? cur tantopere ridicula videtur?

Joh. Jacob. Wckerus Antidotar. general. lib. 3. cap. 29. *myrobalanos butyro vaccino*, & cæteras species cum *oleo amygdalorum dulcium* in *Tryphera Phenonis* &c. involvi, testatur, ne partes nutritorias valenti adstrictione suâ exasperent.

Verùm nihil hæc ad Augustanos, quibus sola *Tryphera magna*, in qua nullum ingredientium cum re pingui fricatur, placet, atque usurpatur.

In *ELECTUARIO VITÆ ARNOLDI DE VILLA NOVA pag. 266*, majorem aquæ quantitatem, pro *passularum majorum* virtute per cocturam perfectè eliciendâ, requiri, i. objicit. Hoc licet adhuc controversi posset, Augustanos tamen non tangit, qui *aqua fontis uncias quindecim, aut quantum satis*, pro coctione illâ, præscribunt.

An ergo major aquæ quantitas, pro perfectâ virtutum è *passulis* extractione, requiritur, quàm *quantum satis* est?

2. *Saccharum* cum decocto ad crassiorem Sirupi consistentiam coqui debere, animadvertit, si Electuarij consistentia expetatur. Verùm Augustani dum simpliciter ad formam Sirupi, dictam coctionem fieri debere, monent, nihilominus debitam Electuarij consistentiam sibi procurant; Alia enim Electuaria crassiora sunt; alia verò molliora, quæ tamen & ipsa tractu temporis magis magisque inspissantur.

Quod si quis *Confectionem anacardinam cephalicam Zvelferi pag. 281. Pharmacop. Reg.*, cum hoc *Arnoldi Electuario* attentè conferat, parvam inter utrumque medicamentum, ratione consistentiæ, differentiam deprehendet; imò si Zvelferi adductum Electuarium debitâ gaudet consistentiâ, eandem multò magis huic, Augustanorum in Dispensatorio memorato, competere, fatebitur.

Ut jam nil dicam de Siruporum consistentiâ, qui crassiores, dilutiores, vel inter utrumque medij, ceu communiter solent, esse possunt; atque ita, Pharmacopœus, artis peritiâ & ratione instructus, ipse, qualisnam hic expetatur, dijudicare valet.

Sed & hæc Confectio Augustanis in usu esse, jam dudum desit.

SOTIRELLÆ PARVÆ pag. eadem si *opium* ritè præparatum & purificatum additum esset, *Laudani opiat* vices eam supplere; sin verò doctoribus

loribus dentium duntaxat dicata sit, ut eorum cavernis indatur, modo ab Autore proposito parari eam posse, animadvertit; *camphoram* autem in oleo *caryophyllorum* solutam admiscendam esse. Supervacanea planè hæc est animadversio.

Dentium enim dolori medicamentum hoc, ipsorum cavernis inditum, commendari, clarè satis ab Augustanis innuitur.

Quaquam purificatum si sumatur, usum internum, *Laudani opii* instar, minimè recuset.

Camphoram in oleo *caryophyllorum* dissolvere, vel alio modo admiscere huic medicamento se posse, Pharmacopœi jam dudum cognovère.

Ipsam autem hanc *Zvelferi* animadversionem *Sotirella ipsius*, sive *Massæ ad dentes Pharmacop. Reg. pag. 186.* adplicare licet; quæ & denti dolenti imponi, & *Laudani opii* vices supplere valet; quia *opium correctum* recipit.

Quod tamen *opium correctum* addere, an necessarium sit? hæreo; siquidem *Sotirella* ista, prout titulus & adsignatus usus comprobatur, solis dentibus dolentibus commendatur; quibus tamen *opium crudum* non incommode destinari, adducta *Zvelferi* animadversio testatur. Si igitur eundem effectum *opium crudum* cum *preparato*, tali in casu, sortitur; cur laboriosâ præparatione & purificatione ejusdem Pharmacopœos onerat?

Camphoram pariter in suâ *Sotirellâ* præscribit, sed ejus dissolutionem, cum oleo aliquo minimè præcipit. Si autem necessariò *camphora* cum oleo aliquo solvi prius debet, antequam reliquis jungatur, cur illud in suo medicamento non præcipit? Sin minùs necessaria est ista solutio; cur eandem, ab Augustanis clarè non expressam, exigit?

CONDITA, pag. eadem, quamvis peritiores Pharmacopœi perpulchrè conficere sciant, unicum tamen admonere, libet *Zvelfero*; ne scilicet aqua, cum qua res condiendæ prius decoquuntur, vel emolliuntur, abjiciatur; sed cum eâ *saccharum*, quod ad condituram adhibetur, dissolvatur & percoquatur, sicque virtus in eâ contenta reliquo corpori reddatur. Illorum autem modum, qui fructus & flores statim cum *saccharo* coquunt, & sic unâ operâ emolliunt & condiunt, præ aliis commendat. Hæc licet Augustanos propriè non tangant, unum tamen & alterum in hac animadversione obiter notare libet.

I. Non simpliciter concedi potest, aquam, in qua res condienda prius decocta & macerata fuit, iterum in conditurâ ipsi reddendam esse, v. g. in *cichorij radicibus*, in quibus amarities illa nimia multis nauseosa existit, quæ per infusionem cum aquâ ex parte prius demitur; præcipuè ubi refrigerationis gratiâ radices illæ conditæ adhiberi debent; si amara, juxta *Zvelferi* quidem

dem regulam, in *Muchari rosarum Animadversionibus* positam, non refrigerare, sed calefacere, dicamus.

2. Licet per aquæ prædictæ additionem, & cum *saccharo* decoctionem, Condito pars crassior, sive terrestrior rei conditæ, ab aquâ extracta, imprimatur; quia tamen pars subtilior, aromatica nonnunquam, & fragrantissima, quam aqua in se recepit, per coctionem exhalare cogitur, minus artificiosum, secundum ejusdem *Zvelseri* hypothesein, dicendum erit artificium; cum in parte illâ subtili, fragrante, & penetrante major, quin, uti ex *Zvelseri* locis, hætenus aliquoties citatis, patet, omnis virtus residet; pars autem remanens terrestris effœtum & inutile crassamentum dicitur; quod ideo, in aquâ contentum, caput mortuum, *saccharo* adjungere, haud proficuum, semper esse potest.

3. Qui fructus & flores statim cum *saccharo* coquunt, an semper bene agent, cum sæpe sæpius pars aromatica & subtilis, si quam habent, tali modo perdat, quivis judicare, citra aliquam difficultatem poterit.

Hi tamen non semper simul emolliunt & condiunt. Flores enim, quales ab *Augustanis* ad condituram trahuntur, emolliitione vix opus habent, *aurantiorum* nimirum, *citriæ* flores, quos recentes huc trahere, necesse est, si ob fragrantia, per exsiccationem, jacturam, *Zvelseri* effugere censuram quis velit. Nec omnes fructus emolliitionem efflagitant, quod *cerasa acida*, *citri caro*, *ribes* &c. testantur.

In CONSERVARUM SIMPLICIUM pag. 267. præparatione nihil contra *Augustanos* adfert. Interea multa adducere se posse, gloriatur, quo modo flores integri pulchrè *saccharo* condiri possint, (sed hac ratione non Conservæ florum, sed Conditi nomen, de quo in præcedd. agitur, reportabunt) & similia; quæ tamen exercitatos Pharmacopœos latere nequeunt.

In CONSERVA HEDERÆ TERRESTRIS COMPOSITA pag. 268. observandum esse, monet, quòd radices prius in tenuissimas taleolas conscindendæ sint; ne Conservam filamentis refertam efficiant. Hoc verò neque periti Pharmacopœi ignorant, neque ab *Augustanis* omissum fuit, id quod ipsorum verba: *ex incisis & contusis fiat Conserva*, clarè satis indicant.

DIACYDONIUM SIMPLEX, & AROMATISATUM pag. cit. juxta modum præscriptum parari posse, admittit,



EXAMEN

APPENDICIS IN CLASSEM DECLAMAM QUARTAM

De Salibus Theriacalibus.

Non diu huic materiæ immorabor; cùm *Salium Theriacalium Antiquorum* usus apud nos jam evluerit, qui potius volatile illud, tanquam, in certis casibus, multò efficaciùs, adhibendum esse, non diffitemur.

Quanquam illa propterea omni virtute destitui, censerì minimè debeat. Sincerum de his prostat *Galenii* iudicium, cap. 18. de *Theriaca* ad *Pisonem* consignatum; ubi, *Facit autem*, inquit, *et hic Sal* ad omnia, quæ ante diximus, sed modicè facit, nec nisi longo post tempore remedium adparet: si quis tamen frequenter eo utatur, sensim auxilium adfert. Unde plerique hoc Sale medicati, cùm inter initia celerem remedij sensum non habuissent, ne prorsus quidem ipsum conferre, arbitrabantur, præsertim cùm redactum in cinerem, vim medicam incendio amisisse, censeant. Equidem ut *Antidoto* parem facultatem non habere *Salem*, asfirmo; sic omnem ipsius vim aboleri, penitus nego.

Dioscorides etiam *Sal* hoc minori efficaciâ, quam carnem *viperarum*, pollere, lib. 2. cap. 16. testatur.

Quod de *Pulveris viperarum* facultate ad morsus harum bestiarum, dubium movet *Zvelserus*, meum non faciam; nec defendendum in me suscipiam, quòd solus *viperarum* aliorumque *Serpentum pulvis*, præsumtus, vel etiam si post venenum, per morsum corpori communicatum, sumatur, tantæ sit energia, ut homo demorsus nihil indè periculi sibi metuendum habeat; cum primis dum probè cognitum mihi sit, de alexipharmacæ, carni *viperine* adscriptæ, virtutis fide, multos præclaros Viros dubitasse.

Sic *Job. Ingolstetterus*, pulverem colubrinum plus prodesse venditoribus & præconibus, quam ulli ægro, fatetur, additque: Non ita temerarius fui, ut

fiderem.

aderem soli in venenatis affectibus. Praconia illa magnifica, mihi semper suspecta fuerunt; eoque, cum ratione uteretur nemo est. Nos relinquamus ista et similia Thrafonibus, qui crepant experientiam, ignorantes, quae, et quot ad eam requirantur. Vid. Joann. Hornungi cista medica, epist. 227.

Eundem impugnat usum Clarissimus Caspar. Bauhinus *Append. tractat. de lap. Bezo.*, cap. de bezoard. animali.

Augustani quoque nullam ejusmodi Pulveris descriptionem Dispensatorio suo inesse voluerunt; cui tamen Zvelferus *pag. 212. et 213.* aliquot, prater rationem, adglutinavit.

De *viperis*, sine periculo à nonnullis pro lubitu tractatis, discursum excutere, instituti ratio non permittit.

Non solum autem, ob duas à Zvelfero adsignatas causas, illud fieri, sed plures insuper dari, si *Trochiscorum viperinorum Examen* conferatur, unicuique patefiet.

Et quis omnes Circumforaneorum fraudes, quibus spectatoriis, auri aucupandi gratià, imponunt, detegere valeat? Ad quid enim non auri sacra fames mortalia pectora cogit?

Ipsam postea *Salis Theriacalis Antiquorum* preparationem adgreditur, quam tam infantilem ac absurdam esse, calumniatur, ut nullibi Veterum, simplicitas dilucidius, atque in illa, adpareat. Cui tamen intempestivae reprehensioni *Tackenius cap. 2. et 11. Hippocrat. Chim.* obviam ire, nititur.

Non diffiteor, multò præstantiora ex *viperis*, quàm talismodi sal est, præparari posse medicamenta; interea tamen cum tanto furore, ac *viperino* morsu, imagine iræ, veneno illaudabili, imbuto, in Veteres, Præceptores nostros, qui fundamenta artis nobis pro viribus tradiderunt, ulteriusque excolenda reliquerunt, debacchari, haud Viri boni, docti, & sapientis, sed impotentis, potius, puerilis, ac imprudentis animi indicium existit. Non omnia simul inveniuntur, excoluntur, & perficiuntur. Nec adhucdum artificiosa, medicamenta parandi ratio finem consecuta fuit. Errare, proprium est humanae naturæ; sicut nunquam labi, divinae competit.

Post multa secula; verbis *Tackenij* utor, fortasse ridebitur et *Reformator*, quod tam absurda, suo tempore scripserit; imò, & hac jam ætate, absurdas *Zvelferi* sententias & ἀνολογίας risui exponere, cogimur.

Ipsi Veteres, velut ex antea citatis *Galenii*, & *Dioscoridis* locis constat, Salium istorum tantam non esse efficaciam, probè sciverunt; unde nec eosdem sesquipedalibus verbis commendarunt, aut specioso, regio &c. nomine exornare voluerunt.

Augustanorum in Officinis Salia hæc non necessariò prostant; nec ut proflare debeant, eorum hîc fit mentio; sed tantum ferè, ne ignorentur.

Præparationem verò antiquam ideo rejicit, quia post violentam calcinationem, sola terra mortua, omni virtute medicâ exuta, salinisque partibus spoliata, relinquatur; cui si parum salis fixi insit, & forsitan ex mille viperis vix uncia una, id tamen tanti precij non esse, quin potius alterius cujusdam salis fixi vires æmuletur, statuit. Posito, sal volatile omne avolare, an id, quod remanet, terra scilicet mortua, uti Zvelfero dicitur, & ossa, salinis partibus spoliata esse, dici poterit? Neutiquam; dum enim, uti non negat Zvelferus, aliquid salis fixi, licet haud in magnâ quantitate, (de qua sermo mihi hîc non est) remanet, terra ista mortua, omni virtute medicâ exuta, salinisque partibus spoliata, non ita generaliter dici potest. Quippe sali fixo salinas partes denegare, esset, sal, non sal vocare.

Sal insuper fixum tanti precij non esse, & vires solum alterius salis fixi æmulari, è Zvelferi fundamento (cui tamen minimè subscribo) negari posset; dum pag. 121. *Apolog. contra Tacken.* scribit: *Scimus, mi Tacken, etiam obmutescere tuâ Suadâ, in cinere salem, in sale, tanquam in gremio cujusvisque entis, aut vegetabilis, semina, quin & plasticam virtutem, latitare.* Si itaque, in sale, è cineribus elixiviato, ipsius vegetabilis, cujus sal est, semen & plastica virtus inest, utique etiam multis passibus salia, è diversis rebus producta, à se invicem distabunt.

Cæterum parvam cinerum viperarum combustarum quantitatem singulis dosibus accedere, Zvelfero negari nequit; quibus tamen solis omnes virtutes Veneranda Antiquitas non adscripsit.

Unde viperis incinerandis alias quoque species incinerandas, nec non post incinerationem nova alia simplicia Ipsam superaddidisse, constat.

Parum etiam refert, si parva cinerum quantitas sit; quia illi, terra mortua & inutilis, juxta Zvelferi decisionem, dici debent.

Ast in *Salibus Theriacalibus* Zvelferi, seq. pag. 278. descriptis, parum de virtute viperinâ, à brodio illo singulis dosibus accedere, cuivis, calculum subducenti, quoque innotescet.

Ulterius instat Zvelferus, & quòd nonnullæ species ante combustionem in trochiscos redactæ fuerint, miratur. Sic placuit Antiquis; nec eo ipso tam magnum errorem perpetrarunt.

Quamvis non sine ratione à Veteribus trochiscos, præ ipsis integris speciebus, expetitos fuisse, suspicari liceat; non tamen, ut ad combustionem eas hoc modo aptas redderent (quod scõmma est Zvelferi) respexisse ipsos, dici debet.

Scillam,

Scillam, quæ pariter additur, non ex solâ aquosâ & volatili substantiâ consistere, in *Examine Trochiscorum scillicorum* animadverti.

Denique non cineres, sed carbones integros, peractâ calcinatione, & ollâ reclusâ inveniri, objicit, subjungens: *Verum, carbones sali permixtos exhibuisse ægri, id equidem insulsum planè est absolum est, quippe illi ipsi ferculum fecere nimis ingratum, quodq; vel solo intuitu stomachum movere potuerit.* Non usque adeo gratum esse posse medicamentum hoc, per se exhibitum, quis neget? Unde etiam *Dioscorides*, plerunque cineri, ut ori gravior evadat, *spicam, folium nardi, aut malabathrum* immisceri, scribit.

In illâ autem *Salis Theriacalis* descriptione, quam Augustani adducunt, alia simul simplicia adduntur, quibuscum ista medicamenti, gustui ingrata, qualitas emendatur.

Accedit, quòd non carbones integros, si tales post combustionem deprehenso fuerint, sed prius subtiliter pulverisatos, exhibere, consuetudo fuerit; uti hoc ex *Dioscoride*, & *Galeno* sufficienter patet.

Quare nullum carbonum frustulum, quod oculis oblatum nauscam, movere potuisset, conspiciere licuit.

Quanquam dubitari adhuc queat: an carbones solùm, & non majori ex parte cineres per celebratam calcinationem adquisiverint? Non enim illa in vase clauso, simpliciter, sed ollâ, operculo, spiraculis seu foraminibus pervio, oclusâ, instituta fuit.

Confeliones viperine Quercetani, non usque adeo, secus ac putat *Zvelferus*, de nihilo sunt.

Nonnullorum Itolorum parandi *Sal viperarum* mos ad Augustanos non spectat; nec multùm à *Zvelferi* præparatione discrepat; si nimirum *viperas* cum aliquot *salis marini* libris in aquâ coquant, & liquorem iterum in sal crystallinum redigant; cùm *Zvelferus Salia alcalia* quorundam vegetabilium cum aliquot *viperis* coquat, iterumque inspissando in crystallos cogat; vel etiam cum *sale gemmeo*, sive *marino* coquat, atque sali crystallizzato odorem *ambrae*, & nonnullorum oleorum conciliet.

His ita discussis, ad genuinas salium, ex *viperis*, aliisque animalibus conficiendorum, præparationem progreditur; & in hoc opere imprimis se cavisse, ac à nullâ re magis abhorruisse, præfatur, quàm scripta scribere, aliena corradere, ac non intellecta mendacia, eaque absurdissima, adsummare.

Quod an ita se habeat, meum non est, operosius inquirere; cuiuslibet tamen ulteriùs de his cogitandi ansam traditum hæcenus ipsius Animadversionum Examen, tum quæ jam subsequenter, suppeditare poterunt.

Quod animalium, *viperarum* imprimis, in sal volatile, destillationis ope, resolutionem attinet, suo illa stat vigore; quam ante Zvelserum, per plurimos annos, cognitam jam fuisse, nemo Chemicorum tam rudis esse potest, qui ignoret; quibus subinde aliæ aliæque, in resolutione istâ utiles, ἐν γυγνήσει observandæ occurrunt.

Cum autem sal hoc summè volatile sit, & difficulter à fugâ coërceri possit, variè à variis tum ejus, tum consimilium fixatio, sive fugæ inhibitiō, instituta fuit; scilicet per salium solutionem in propriis suis spiritibus, in quibus nempe diutius ea conservari, crediderunt; item mediante aëre, ubi pars aliqua eorum auras petit, reliquum verò fixum remanet; cum *sale tartari fixo*, vel alio consimili lixivioso; *arcano tartari*; *calce vivâ*; capite mortuo aliquo, v. g. *cornu cervi ustō* &c.

Zvelserus etiam hîc suum (si ipsius sit) commendat artificium; quo *spiritum salis communis rectificatum* salî volatili, ad hujus saturationem, sive quousque nulla amplius contrarietas, vel strepitus percipitur, infundit; eoque ipso novam aliquam *Salis ammoniaci* speciem producit, similem illi, cujus, sub nomine: *Salis ammoniaci artificialis, ex stillatis sanguinis ac salis liquoribus coaliti, Ant. Gunth. Billichius lib. 1. observat. ac paradox. chimiatri. cap. 8. mentionem facit.*

Sal Armoniacum, verba produco *Angeli Sale sect. 1. aphorism. chimiatri. 38*, duabus partibus est compactum, *sale videlicet volatili, quod in fuligine lignorum, sanguine item, atque urinis animalium reperitur*; *et sale communi.* Id quod evidenter apparebit, si partem salis volatilis cum debita spiritus salis communis quantitate ad artis præscriptum misceas: sal inde *Armoniacum*, ejusdem cum *sale Armoniaco vulgari* qualitatis consiciens.

Sic spiritus salis ammoniaci urinosus oleo vitrioli mistus &c. decantatum illud *Glauberi Sal ammoniacum secretum* constituit.

An ergo tantum arcanum hîc revelaverit Zvelserus, cuilibet, sinistro judicio non præoccupatum animum habenti, judicandum relinquo.

Sed *ammoniacum sal* hoc esse, Adversam partem nolle concedere, scio. Ast certè, si res intimiùs pensitetur, artificiosâ illâ & arcanâ fixatione, vix aliud, quàm *sal ammoniacum*, purius & subtilius quidem illo vulgari, obtinetur.

Constat enim ex acido sale, & urinoso, in quâ iterum utrumque, tam vulgare, quàm artificiale, per ignem solvitur.

Quod si specificas illas *viperarum* virtutes obtinere hoc sal Zvelseri, putes, ne decipiaris, vereor. Per intentam enim Vulcani violentiam, ac *viperarum*

viperarum destructionem productum, virtutibus, quibus *viperæ* ante istam destructionem adhuc gaudebant, plurimum immutatur; nec, alias virtutes sal hoc, è *viperis* productum, urinosum, quàm reliqua salia urinosa, ex animalibus eadem normâ parata obtinere, hæcenus observatum fuit.

Quis *Sali ammoniaco vulgari puro*, easdem virtutes, quas Zvelferus suo *sali viperino fixato* tribuit, neget? Siquidem ad extremas usque corporis partes indeperditis viribus penetrare, sanguinem depurare, excrementa tenaciter infixa & veluti assimilata, podagrica præsertim, egregiè resolvere, urinas & cum iis calculosam materiam pellere, melancholicis affectibus putrediniquè summopere resistere, diuturnas viscerum obstructions insigniter reserare, atque exinde orta ac inveterata varia febrium, aliorumq; morborum genera à Genio domestico sequerare, propellere, eodem modo valet.

Cæterum non opus est, sal volatile magno cum labore prius à liquore sublimare, aut cariorem spiritum salis rectificatum, ad Zvelferi imitationem, pro illius salis fixatione adhibere; cum etiam spiritus salis vulgaris non dephlegmatus liquori viperino urinoso, ab oleo, juxta normam Tackeanianam, separato, infusus, in eum agat; mutuoque facto amplexu, abstracta humiditate, sive phlegmate, tum quod à liquore urinoso, tum falso provenit, in salis fixati formam, quod postea, per solutionem in aquâ &c. purificari potest, uterque liquor transeat.

Si verò omnia acida, uti Zvelferus fatetur, naturam salium volatilium immutant; unde sit, ut eadem postea diversas nonnihil edant operationes? quid cum fixato ejus viperarum sale fiet? Annon per spiritum salis acidissimum, (cui etiam spiritus vitrioli, sulphuris &c. pariter acidi, substitui possunt) natura ejus immutabitur, ut postea diversas nonnihil edat operationes, sicque non amplius summas illas penetrandi vires, putredinem arcendi, obstructions viscerum referandi, febribus, epilepsiæ, apoplexiæ, morbis malignis & contagiosis resistendi, ex hoc quidem fundamento, possideat?

Clarius hoc in *Append. animadvers. pag. 38.* exprimit, scribens: *Acida omnia falsis* (loquitur de volatilibus illis urinosis) *contraria; illa scilicet falsa in aliud ens transmutare solent, acido reciprocè destructo, ut neutrum horum post, nec acidum nec falsum nativas suas vires amplius exferere possit.*

Egregiam itaque contrariorum horum salium commistio meretur commendationem, qua sal viperinum ab acido sale in aliud ens transmutatur, & destruitur, ut postea nativas suas vires, quas post destillationem obtinuit, amplius exferere nequeat!

Quamvis, aliquo modo mutari saltem & ligari salia hæc, sic commixta; non

non verò planè *destrui*, plus quàm notum sit; siquidem facili operâ, addito alcali aliquo fixo, iterum separari ab acido possunt.

Unicum adhuc est, quod ut moneam, Zvelserus ansam exhibet, dum sic de fixato sale suo scribit: *Sal in fundo cucurbitæ relictum boni est odoris, subacidi & salini saporis, ejusdem ponderis, si totaliter exsiccatum est, ac antea erat sal volatile, nec quicquam in pondere ex additione illâ spiritus salis accrevit.* Verùm hac de re cùm animum dubitatio subiisset, ejus experimentum cum sale volatili ammoniaci, cujus hic par ratio, ac salis volatilis viperarum, esse videtur, singulari cum diligentia institui, & præterquam quod sal nullius vel parùm acidiusculi odoris, saporisque salini, i. e. ex acido & alcalico emergentis, post totalem exsiccationem, inveni, parte quoque sui dimidiâ ferè adactum fuisse, deprehendi.

Hunc fixandi modum (prout reliqua omnia, quæ invenisse se, putat, magni aestimat) tanti facit Zvelserus, ut scribere non vereatur: *Nec velim Tibi, quisquis es, persuadeas, salis hujus extrahendi, vel fixandi, aliam esse viam, licet plurimi de secretioribus modis multum glorientur, at fucus & impostura impediunt, quò minus istos ulli ingenuè communicare & publici juris facere audeant, ne fraus & dolus ipsorum manifestetur.*

Mox tamen cautior redditus, cantilenam longè ab hac diversam exorditur, his verbis: *Si tamen quis esset, qui majorem in hisce laboribus haberet experientiam, ipsi ansam præbeo, ut boni publici causâ illa, quæ hac in re expertus est, secum commori non patriatur, quin cum suo proximo faciat dividua.*

Certè non velim, Tibi, quisquis es, persuadeas, salis hujus fixandi nullam aliam dari viam. Et licet plurimi de secretioribus modis multum gloriantur, eos verò, cùm fraus & dolus subsit, apertè communicare nolint; nihil tamen proinde artificiosis nonnullorum, sed hæctenus adhuc occultatis, modis derogatur. Nec quenquam fraudis dolive insimulatio talis, ad illa, quæ multo labore & studio invenit, indiscriminatim propalanda, compellere debet: Vana sunt terculamenta, & bruta fulmina.

Cæterùm communicata salis ammoniaci nova preparatio (cujus tamen fundamenta paulò superius ex *Ang. Salâ*, & *Billichio* ostendi) vix merebitur, ut, redhostimenti loco, alia artificiosior salium volatilium fixatio exhibeatur. Cui tamen, quæ hac in re singularia experimenta possidet, communicare ea lubet, sicquæ famam æternitati consecrare se posse, arbitrat, non repugno; quin potius eidem, cum aliis, adplaudere, nunquam intermittam.

Artificiosorem talem salia volatilia urinosa figendi modum, cujus fundamenta hinc inde in Chemicorum libris leguntur, magni nominis *Chimæster*, cujus intimo consortio in alimâ Antenoræâ frui, datum mihi fuit, invenit;

venit; quem olim publicatum iri, non est dubium. Mihi verò eundem, hac vice silentio transire, aliisque, quin ipsi Autori propalandum relinquare, hoc tempore stat sententia.

De aquâ elementari, aliàs aquâ spirituosâ, & virtutibus nativis simplicis sui præditâ, oppositâ, quæ in *viperarum* exsiccatione abstrahitur, inquirere, supersedeo: an nimirum ullius usus sit?

Si autem salis volatilis quid continet, tam exiguum id erit, ut vix memoratu dignum sit; multò minùs ut aqua illa adeo studiosè separetur, aut loco *vini*, in *Theriaca* præparatione, pro succorum concretorum dissolutione, adhibeatur.


Quam tamen, si usui adaptari debet, ne preciosi salis, cùm subtilissimum esse, tradatur, jactura fiat, additis mox post destillationem, vel vasi recipienti immixtis, aliquot *spiritus salis* guttulis, probè custodire, ejus admiratores non obliviscantur.

De *spiritu viperarum vivifico*, per alembicum à fugâ coercendo, alij sicut solliciti; mihi parùm is æstimandus esse videtur; quin potius non sine metu, si jocari liceat, eundem, ob modò peractam strangulationem, imagine iræ venenoso horrendum, præcipuè si *carni viperina* confundatur, forberi existimo.

Sed de hoc satis; nunc *Classis de Aquis destillatis* &c. se sistit.



RESTI-



RESTITUTA

CLASSIS DECIMA QUINTA,

Aquas Compositas & Simples,

Vina & Aceta medicata tradens.

IN AQUA ACOUSTICA, SIVE AD AUDITUM D.D. *MINDERERI* pag. 279. contra multarum rerum aromaticarum decoctionem imprimis insurgit, in quâ universam eorum substantiam spirituosam & subtilem, quæ maximè ad hos adfectus expetitur, evaporare, putat. Negari equidem nequit, decoctionem illam aliquod spirituosæ substantiæ dispendium procurare; sed hoc tanti momenti non est, cum pauca admodum quantitas sit specierum aromaticarum, quarum iactura tantopere exaggerari haud debet; cum in consimilibus satis prodigus Zvelferus etiam deprehendatur; ceu in ventilatis hætenus animadversionibus multoties ostendi.

Iactura quoque ista à *Minderero*, additione medietatis priorum simplicium pro destillatione, quodammodo compensatur.

Neque universam eorum substantiam spirituosam in præcedente cocturâ exhalare, unquam concesserim.

Nostri autem Pharmacopœi, coctione omisâ, omnibusque ingredientibus conjunctis, destillationem absolvunt, sicque nullum substantiæ subtilis dispendium incurrunt.

Unde quoque modum illum *Mindereri* eò minùs defendere, animus est; qui facile labi, atque humani quid pati potuit; siquidem & quandoque bonus dormitat Homerus. Non tamen idcirco tam acerbè excipiendus fuit.

Quàm crasse in artis pharmaceuticæ præcepta ipse Zvelferus impegit, multivariè hætenus ostendi.

Essentiam, sive liquorem acousticum, *Aqua Mindereri* à Zvelfero substitutum, vix adprobare possum. Ut enim is crassiorum sive terrestrium partium copiâ obruitur, quæ tamen hic parùm conferunt; ita merito aqua, è meris.

è meris subtilibus penetrantibusque ingredientium atomis conflata, ipsi præfertur.

Galbanum quidem in *spiritu juniperi* solvitur; ab additis tamen reliquis liquoribus iterum præcipitatur, in tali mixturâ, nullâ, etiamsi aliquot dierum ea sit, digestionem, amplius solubile.

In *Append. animadvers. pag. 28.* plura contra *Aquam* hanc in medium adducit, de *aceti* potissimum *scillitici* & *rutacei* cum *urina capræ* permixtione, qua fiat, ut nil nisi inutile phlegma prodeat; cum spiritus illi acutorum acidi ab *urina* spiritu figantur & destruantur. Verum non planè in hac *Aquâ* illum *urina capræ* spiritum figi, multò minus destrui, vel solus *Aquæ* destillatæ odor, qui teter satis in eâ se manifestat, testatur.

Sic etiam *spiritus urinae*, vel *salis ammoniaci urinosus*, cum *aceti spiritu* (*Zwelferus* enim hic de *aceti* & *urina* spiritu loquitur) si misceatur, effervescencia quidem suboritur, non autem dicti spiritus figuntur.

Hinc si istiusmodi mixtura destillationi adaptetur, illam totam ferè, per pauculo crassamento amaricante in residuo manente, ascendere, experimento facto, didici.

Ut adeo à *Tackenio cap. 11. Hippocr. chim.* ex commissione *alcali volatilis urinae*, & *aceti destillati*, liquorem destillabilem, eumque penetrantissimum fieri, verissimè dicatur.

Quin ipsum *Zwelferus*, pro me militantem, in scenam produco, qui *pag. 95. Apolog. contra Tackenum*, de hac *aquâ* disputans, sic scribit: *Accipe urina capræ uncias octo, aceti rutacei & scillitici, ana uncias duas; coque illa junctim ad dimidium, & residuum demum destillationi committe: & peracto labore, de labore triumphas. Quid nactus es? An nescis, quòd pars subtilior & exhalabilis urinae, in qua penetrabilitatis ratio & vires consistunt, sive coquatur, sive destilletur, illico exhalet &c?* Si itaque pars subtilior & penetrabilis, id est, spirituosâ, in qua vires consistunt, per destillationem, elevatur, quomodo eadem ab acetis fixata, vel destructa dici potest?

Catèrum *salia-acida*, & *volatilia urinosa* si misceantur, se invicem destruere, non adeo benè dicitur; dum utraque denuo separari posse, vel ipse *Zwelferus* in *Apolog. Tackeni*. fatetur.

De modo adhibendi *Aquam hanc acousticam*, disserere, ad præparationem medicamentorum non spectat; eam verò, cum largâ quantitate *spiritus urinae capræ* foetidissimi paratam, ori, quod vult *Zwelferus*, immittere, atque in eo aliquando detinere, à jucunditate, aliàs ab ipso contra *Augustanos* deprædicatâ, longissimè recedit. Certè ingratam admodum, & vix à

rusticis,

rusticis, ut de palato delicatulorum nihil dicam, subeundam curationem hoc redderet.

AQUAM ANTIDOTALEM ALEXIPHARMACAM
D. D. PETRI ANDREÆ MATTHIOLI pag. 280. non exiguis præditam fore virtutibus, scribit, si ipsa Antidotus, seu ex qua Aqua hæc alexipharmaca paranda est, tantis, quantæ ipsi attribuuntur, polleret virtutibus. Quibus verbis Aquæ huic virtutes alexipharmacas dubias reddere, ipsum conari, animadversiones in dictam Antidotum conscriptæ haud obscurè indicant.

Sed prout sinistrum illud iudicium certis fundamentis nondum stabilitum fuit; contra Antidoti vires alexipharmacas optima medicinæ magistra, experientia, confirmavit: ita *Aquam* quoque hanc *antidotalem* non exiguis præditam esse virtutibus, quilibet veritatis amans fatebitur.

Uteriùs, *Sirupum de corticibus citri*, & *mel* (quod potiorẽ Antidoti partem constituere, scribit) *vini spiritum* statim imprægnare, & inefficacem reddere, objicit, quò minus ex reliquis speciebus, Antidotum constituentibus, virtutem elicere possit. Speciosa hæc sunt, sed fundamento pariter destituntur.

Elici namque vires alexipharmacas, effectus omnium evidentissimè comprobatur. Quod vel millies expertum se fuisse, *Matthiolus* testatur.

Platerus etiam, qui *Sirupum acetositis citri*, loco *Sirupi de corticibus citri*, & in multò majori quantitate recipit, ejus usum in peste valde extollit.

Saccharum equidem, & *mel*, licet mox in *spiritu vini* dissolvantur, cum tamen non ita imprægnant, ut aliis rebus extrahendis idoneus amplius non sit.

Quis enim nescit, *mel*, in suâ formâ crassâ relictum, virtutes simplicium nonnullorum ad se allicere?

Aliàs *Mella* illa medicata, de quibus *Classis prima Dissensatorij Augustani*, nec non *Pharmacopœia Regia* agit, non entia essent, quod tamen neque *Zvelserus* concessit, neque ipsa eorum preparatio admittit.

Si igitur *mel* crassum vires extrahendi possidet, multò magis, cum tantâ spiritus quantitate dilutum, easdem obtinebit.

Præterea extractionem hanc digestio menstrua, & aliquoties repetita, agitatio adjuvat.

Accedit, quòd illæ species siccæ, per aliquod temporis spatium cum melle, & vino &c. in *Antidoto Matthioli*, *Theriaca*, & *Mithridatio* dum permixtæ fuerunt, quodammodo recludantur, atque ad meliorem extractionem ita disponantur.

Mel autem potiore *Antidoti* partem constituere, nulla *Zvelseri* facultas persuadebit; ubi quis, *calculus* edoctus, *mellis* ultra *libram dimidiam* desiderari, observabit, si cum reliquis *Antidotum* constituentibus ingredientibus æquale pondus habere, illud debeat; ne dicam, si potiore *Antidoti* partem constituere, necessum habeat.

Cui tamen, *Hafnensium* methodum sequi, & *Antidoto*, cum *spiritu vini* extracto, *Sirupum corticum citri* demum adjungere, placebit, illi *litem* haud movebo.

Species autem *Antidotorum*, absque *melle*, & *saccharo* licet extrahi pariter possint, opus tamen minimè esse, superiora evincunt.

In *AQUA ANTIMELANCHOLICA* D. D. TOBIÆ FISCHERI pag. 281. potiore ingredientium partem destillationi assignata omnino ineptam esse, animadvertit; dum *radices buglosi*, *carnem cydoniorum*, & *pomorum*, nec non *cytros integros* (exceptis *corticibus*) nil nisi aquam quandam elementarem in destillatione emittere, de substantiâ verò eorum optimâ nil quidquam, quod adservari operæ precium esset, per *alembicum* transire, arbitratur; cum remanentia à destillatione usui medico potius inserviat, non verò *spiritus vini*, exiguo *croci* odore imbutus. Minimè equidem nego, magnam utilitatem partium portionem in residuo manere; interea tamen eas magni faciendas esse, ita ut necessariò in medicamento conservari debeant, è *Zvelsero* probare, res facilis admodum existit.

Destillatum autem non esse purum *spiritum vini*, exiguo *croci* odore imbutum, satis clarum est, nec ab ipso *Zvelsero* negandum.

Si enim destillatum illud est *vini spiritus*, cui exiguum *croci* odorem impertit, ubinam *corticum citri* subtilis & fragrantissima essentia quaerenda est?

Reliqua verò ingredientia non meram aquam elementarem, sed subtilibus, spirituosiss, & penetrantibus particulis imprægnatam fundere, negari nequit.

Enim *buglosi radices* ad destillationem haud esse ineptas, *Zvelseri animadversiones in Sirupum de scolopendrio Fernelij*, easdem radices recipientem, comprobare videntur; ipsum namque juxta modum *animadversionum Sirupi de calaminthâ Mesues*, quem, præmissâ destillatione, conficit, convenientissimè præparari posse, ibidem statuit.

Proximi dictis radicibus sunt *flores borraginis*, & *buglosi*, qui uti cordis spirituumque vitalium corroboracionem respicere, nemine Medicorum dissentiente, dicuntur: ita quoque hujus sententiæ intuitu *Zvelserus* commotus, in *animadversionibus in Sirupos dictorum florum* concludit, eos in se re-

conditum habere spiritum quendam, spiritibus vitalibus, adeoque cordi ipsi, seu eorundem scaturigini, familiarem, quem, ne per coctionem in auras avolet, destillatione à fugâ retrahere, præcipit.

Unde etiam in *Classe decimâ quintâ Pharmacopœia Regiæ, aquas ex floribus borraginis, & buglossi* destillatas, nec non ipsos flores, ad destillationem aliquot aquarum suarum adhibet.

Flores rorismarini destillationem non respuere, odor manifestè indicat, quem fragrantissimum in *animadversionibus Mellis anthosati* primi vocare; & cum ibidem Augustani, parùm æstimâsse eundem, visi fuerint, acerbè in eos, quanquam minùs adcuratè, animadvertere, non fuit veritus.

Hos quoque flores in *Pharmacopœia Regiæ* modò nominatâ *Classe* aliquoties destillationi commisit.

Quamvis mox resipiscens, Aquæ hujus vires à solo vino, *floribus anthos, & corticibus citri* deducat.

Crocum etiam parvi pendere videtur; quem tamen ipse multoties ad destillationem adaptavit.

Carnem cydoniorum, per destillationem, subtilium odoratarum atomorum effluvia unâ cum aquâ elementari emittere, ejus, nec non *succi cydoniorum* è carne expressi, pro *Mivâ* &c. præparandâ, coctio abunde testatur.

Carnem, seu *pulpam pomorum dulcium odoratorum* eodem jure gaudere, existimo.

Idcirco *Sirupum* è *pmis simplicem Mesues*, vel per simplicem coctionem, vel ad modum aliorum Siruporum, è succis paratorum, præmissâ nimirum destillatione, confici posse, in ejus animadversionibus monuit.

Præterea hîc *poma odorata* sumuntur; & quamvis odor ille majori ex parte in cortice consistat, idem tamen in pulpâ quoque reperitur.

Cohobationem insuper, & præcedentem digestionem, qua partes reliquæ crassiores nonnihil recluduntur, Aquæ hujus vires augere posse, quis dubitet?

Nunc, si quis *animadversionibus Zvelseri*, quas in *Sirupum aperitivum magistrale Mindereri* scripsit, fidem habere velit, illud, quod à destillatione residuum est, magnam utilium partium portionem esse, Zvelsero tutè quis negare potest.

Aqua enim hæc *antimelancholica* cujus virtutis sit, nomen indicat; atque imprimis hypochondriacis, qui obstructionibus mesenterij, & vasorum mesaraicorum laborant, destinatur; in his autem crassas & feculentas medicinas nil prodesse, sed morbos istos efflagitare spirituosâ medicamenta, ibidem contra *Mindereri* compositionem decernat.

**AQUÆ ANTISCORBUTICÆ D.D. TOBIÆ DORN-
CREILII** pag. 282. ingredientia aliqua, videlicet *radices polypodij, cortices*
radicum capparum, & crocum, parum per destillationem emittere, objicit;
sed cum antiscorbutica in eâ prædominantur, descripto modo destillari illam
posse, concedit. Etiam si parum sit, quod recensita simplicia istâ destillatio-
ne emittunt, sufficit, quod sit aliquid; paucissima enim esse, quæ per destil-
lationem consimilem integras suas vires emittunt, plus quàm notum est; &
multa à Zvelfero destillationi subjici, quæ parum ibidem emittunt, *Pharma-
copœia Regia* indicat.

De *croco* in præcedente Aquâ mentio facta jam fuit.

Radices polypodij, in mutatâ à se *Sirupi de carthamo, & de polypodio Au-
gustanorum* præparatione, destillationi ipsæ submisit.

Ob exiguam remanentem virtutem antiscorbuticam parare è speciebus
à destillatione residuis extractum, & in aquâ destillatâ illud adservare, neu-
tiquam opus est. Augustani aquam limpidam habere desiderant.

Cæterum si strictè extractum illud crassum quoque simul expetatur,
frustrâ destillationem Zvelferus admittit, cum illâ, utpote sumtuosâ, omif-
sâ, sola tunc infusio, debitè instituenda, sufficiat.

Extractum etiam remanens si addatur, aquam nauseosam indè fieri, ex
Pharmacop. Reg. pag. 231. colligo; ubi illud, quod à *croco*, in destillatione,
residuum manet, cum comòdo aquis restitui non posse, autumat, quò minus
aquæ nauseosæ exinde evadant.

AQUÆ ARTHRITICÆ pag. eàdem, compositio præ reliquis
Zvelfero arridet; non inconsultum tamen fore, judicat, eidem jam prolectæ
radices pœonia, & pyrethri denuo infundere, atque post unius alteriusve diei
digestionem, per filtrationem iterum separare; quia illarum radicum essentia
non adeo facilè in M. B. per alembicum transeat. Sed neque harum radi-
cum, neque reliquorum ingredientium omnis essentia per alembicum tran-
sit; subtilior tamen, unicè hîc expetita, eo modo evocatur.

Ad quid autem ista animadversio, cum Zvelferus *Aquæ suæ arthriticæ*
pag. 294. *Pharmacop. Reg.*, quæ pariter *radices pœonia, & pyrethri* recipit,
post absolutam in B. V. destillationem, has ipsas radices infundere atque ex-
trahere, intermittat?

AQUÆ ASTHMATICÆ pag. 283. compositionem haud adeo
concinnam esse, arbitratur: 1. propter fructuum pectoralium, utpote *cari-
carum, sebesten, jujubarum, dactylorum* &c, ceu destillationibus consimilibus
penitus ineptorum, 2. ob diversorum *Lohoch* compositorum, additionem.

Hoc

Hoc quod concernit; non adeo inconcinnum esse, composita compositis addere, supra jam expositum fuit.

E fructibus autem, aliisque rebus similibus aliquid elici, præcipue cum septem dierum digestio destillationem præcedat, negari nequit; quanquam parum id esse, facile concedam.

Discursus, de vegetabilium diversitate, eorumq; variâ destillatione, quid valeat, paucis attingam.

Dari quædam simplicia in regno vegetabili, quorum tota virtus & efficacia cocturâ leni impulsâ avolet, vel sola *camphora* comprobat. Aliâ medio se habere modo, quorum census maximus est, negari nequit.

Utrum verò alia inveniantur, quæ viribus integris violentam sustineant coctionem? si de recentibus sermo sit, dubitari potest.

Sed dato, & hæc reperiri, utique ab illis nihil virtutis per simplicem In M. B. destillationem elici poterit; nisi alia eorum præparatio præcedat.

Vegetabilium autem summè volatiliū & spirituosorum magis subtiles partes non tantum in M. B. sed etiam B. V. quin ipsâ arenâ, si debitum ignis moderamen accedat, eliciuntur.

Ex vegetabilibus, quæ recenset, *pyra, poma, cydonia, amygdala, radices cichorij, buglosi* &c. sive lento, sive fortiori igne, per Balneum, vel arenam, adfuso insuper liquore, destillentur, nil prorsus genuinæ virtutis, sed humilitatem duntaxat elementarem præbere, negatur.

De *pomis* quidem, (idem judicium est de *pyris* odoratis) *cydoniis*, ac *radicibus buglosi*, in præcedentibus hoc demonstratum jam fuit.

Radices verò *cichorij* iniquè huc à Zvelfero trahuntur; cum eorum, nulla in hac *Aquâ asthmaticâ* mentio fiat.

Amygdala non simpliciter à destillatione illâ rejici debere, *Aqua nephritica* Zvelferi pag. 203. *Pharmacop. Reg.* comprobat; in quâ *amygdalorum amarorum uncia quatuor*, lento igne, unâ cum aliis speciebus destillantur. De *amygdalis dulcibus* in sequenti *Balsamo embryonum* agetur.

Similium autem fixiorum simplicium usus, dum in substantiâ, vario modo præparata, adsumuntur, uti improbari nequit: sic quoque per eum, omnis Aquarum ex ipsis prolectarum usus non tollitur.

Eorum per violentam ignis torturam, & totius destructionem destillatio à Zvelfero tradita institui quidem potest; sed utrum tali modo *virtutes essentielles eorum omnium* eliciantur, uti hoc in loco statuit Zvelferus, quin potius destruantur, dubium relinquitur; imò ipse in *Append. ad hanc aquam* pag. 32, apertè id iterum negat.

In AQUA AUREA D. D. JOHANNIS LANGII pag. 285. præcipuè notat, quòd *radices pæonia*, & *viscus quernus* destillatæ jam aquæ iterum immergi, & cum eo digeri debeant. Sed neque necessarium hoc esse, neque à Zvelfero ipso observari in *Pharmacopœiâ Regiâ*, præcedens *Aqua arthritica*, ubi de *radicibus pæonia* agitur, comprobatur.

BALSAMUM EMBRYONUM pag. eadẽ ab erroribus crassioribus, uti vocat, vindicaturus, multa inepta ipsi addita esse, evincere conatur. Inter quæ primò *medullam panis* enumerat, quam spirituosas & volatiles suas partes, si quas habuerit, per præcedentem in clibano cocturam, jam deposuisse, arbitratur. Ast contrarium ipse odor *panis adhuc à furno calenti*, qualem etiam hîc ab Augustanis requiri, existimo, testatur.

Talem enim adhuc calidum *panem* si confringas, odor gratissimus, refocillans, longè lateque se diffundens, percipitur, qui sanè, per cocturam in clibano, non omnes volatiles partes depositas fuisse, indicat.

Crusta etiam, qua *panis* in clibano investitur, spirituosam illam substantiam quodammodo à fugâ coërcet.

Democritum centum & novem annos natum, jam moriturum, vitam, donec Thesmophoria finirentur, per tres dies, *panis* calidi odore, prorogasse, lib. 9. cap. 7. *Diogenes Laertius* in vitâ ejus testatur, sic de eo eleganter canens:

Ὅς θάνατον παρώντα τρεῖς ἡμέρας δώμασιν ἔχε,
καὶ τρεποῖς ἀγίων ἀσθμασιν ἐξένισσε.

Qui mortem præsentem tres dies domibus habuit,
& calidis panis halitibus hospitio excepit.

Ab amygdalis licet parum spirituosum impetrari queat; aliquid tamen, cumprimis ob præcedentem infusionem, & digestionem, resolvi, negari nequit.

Hoc Excell. D. D. Daniel Ludovici tract. *Pharmacopol. modern.* Emulsionis, è seminibus, fructibusque usitatis paratæ, simplici per alembicum, destillatione comprobatur; quæ aqua non solum odorem atque saporem emulsionis cujusdam haud injucundum præ se fert, verum etiam post menses aliquot manifestum rancorem induit, ut amygdalas, vel semina frigida majora rancida te gustasse, diceret.

De hordeo cremato idem ferè est judicium.

Ex caponis destillato nihil virtuosum pariter promittit; cujus totam virtutem in residuo manere, existimat; nec enim animalium vim restaurativam in volatilibus eorundem partibus consistere, nec hanc ipsam in cocturâ violentâ, usque ad carniem ab ossibus separationem continuandâ, & ineptè cum

cum *vino malvatico*, ac stultè cum tot aromatibus perficiendâ, remanere, & penitus exhalare, contendit. Ollam autem arctissimè claudere, nihil juvare, objicit; quia spirituosâ humiditas, per calorem rarefacta, vias etiam angustissimas quærat, quas si non invenit, vas infallibiliter disrumpat. Verùm ex *capone* vim nutritivam, sive, uti vocant, impinguantem, propriè sic dictam, per hanc destillationem elici, ut hîc defendatur, nulla cogit necessitas.

Illam enim in præsentî *Embryonum balsamo* ab Augustanis propriè non requiri, quod tamen Zvelseri ingenuitas ipsis obtrudere, laborât, virtutes adscriptæ evincunt; quas inter, solidam corporis substantiam nutriendi vis, nulla facta fuit mentio; alterante & confortante ipsius facultate tantummodo deprædicatâ.

Si itaque Zvelserus, restaurationem in alimentosam, & medicamentosam distinguere, didicisset, in *caponis* destillatione reprobandâ cautiorem fortè se præbuisset.

Alimentorum, carniû cumprimis, vim nutritivam, majori ex parte, in fixioribus partibus, gelatinosis, & glutinosis, simplici destillationi in M. B. non adeo commodis, consistere, neque Augustanis, neque aliis, ante Zvelserum, ignotum fuit. Omnem tamen restaurandi virtutem aquis animalium denegare, propterea minimè licet.

Et ut de solâ earum vi medicamentosâ hîc agam, odor & sapor talium aquarum sufficienter indicant, non esse aquam illam purè elementarem, sed particulis nonnullis utilibus, volatilibus, prægnantem.

Obtusarum certè is narium erit, qui odorem carnis, vulgari saltem in culinâ cocturâ elixatæ, vel assatæ, odorem non percipiat.

Unde imprudenter & stultè admodum fieret; si quis, ob consimiles aquas, carnes elixas, vel assatas nullum, vel planè inutile corpori suppeditare alimentum, statueret, ideoque, ne spirituosæ partis in elixatione & assatione abigendæ, jacturam incurrat, crudis vesci carnibus, quàm coctis, satius duceret, aut stomacho robusto, famelico, aquam indè destillatam objiceret. Non minùs tamen ineptè omnem vim restaurativam carnis subtiliori, destillatione evocatæ, parti denegaret.

De aquâ elementari animalium, è recenter mactatis *viperis* &c. in B. exhalante, & nescio quos spiritus ac sal volatile continente, hîc loci disserere, fortè liceret; quod tamen nunc expendendum aliis relinquo.

In cocturâ verò, quæ destillationem præcedit, subtiles has caponis particulas penitus exhalare, ineptè admodum objicitur.

Resolvuntur namque demum per coctionem, seseque manifestant istæ spirituosæ

spirituosa partes, quæ prius in crudâ carne, & circa coctionis principium haud percipiuntur.

Quod si coctio continuetur, negari equidem nequit, partem earum, tunc exhalare; *penitus omnes* tamen evaporare, vel muliercularum atque coquorum cohors negaret, dum odoris exhalantem gratiam in perfectè coctâ carne *satis* manifestè percipit.

Quare licet in ollâ clausâ nihilominus partium istarum subtilium aliquæ aufugerent, omnes tamen minimè abeunt.

Parum autem in ollâ studiosè clausâ exhalabit; nec propterea disruptionis ollæ metus est, si valida illa sumatur; magnæ præterea capacitatis sit, ut pars ejus vacua remaneat; lentè quoque & *sensim*, non violentè coctio peragatur.

Ex quo etiam, *vinum malvaticum*, & aromata, non usque adeo imprudenter cum capone coctioni submitti, elucescit. Quamvis ipsi destillationi aromata reservare qui maluerit, à me reprehensione dignus minimè censetur.

Conservans rosarum nil quidquam de suâ virtute Balsamo huic communicare posse, quia maximâ parte è *saccharo* constat, falsum est.

Non enim soli *saccharo*, sed & *floribus rosarum* originem suam debet; qui flores, cum *saccharo* sic conditi, destillatione essentiam suam largiuntur.

Hoc tamen, in *Append. pag. 33.* palinodiam canens, de solo *saccharo* intellectum vult; de cujus quidem dulcedine nihil adscendere, gustus destillatæ Conservæ probat; ast planè nihil à *saccharo* attolli, si in Conservis supervenientem illis fermentationem consideremus, maximè dubium redditur.

Ast utrùm *saccharum* hoc, si totum in residuo maneat, & in duplâ quantitate, respectu *florum rosarum*, pro Conservâ parandâ, sumatur, tantum huic aquæ præcium imponat? unicuique expendendum relinquo; si *sacchari uncias duas, drachmas quinque, scrupulum unum* toti composito, quod *viginti libras* excedit, inesse, recordetur.

Pastam verò *melleam biscotam*, & super cratem tostam, omnibus suis subtilioribus partibus penitus spoliata esse, pariter veritati contrariatur; cum odor & sapor aromaticus, post dictas præparationes superstes satis validus, Zvelseri sententiam firmiter expugnet.

Aurum in fine additum an aliquid virtutis Balsamo præsentî impertiat? & ipse dubito.

Interea cum exiguum damnum Pharmacopœis illa aquæ ab *auro* abstractio inferat, qui nummos aureos huic negotio adhibere, consueverunt,

quos integros post destillationem recipiunt; nec agro impendendi sumtus, propter aurum, augeantur, nimium exagitanda haud est.

Quæ tamen, si mei arbitrij res foret, omitti jure optimo posset.

Nec refragabor illis, qui gravidis *Gelatinam caponis* variè conditam, quæ tamen ab extractis nauseabunda fortè evadit, melioris nutrimenti causâ offerre, præ hac Aquâ destillatâ, satius ducunt; dummodo omnes vires medicas Aquæ illarum rerum, quæ à nonnullis destillationi superflue adjici dicuntur, denegare, contra rationem haud præsumant.

Variè etiam, mutatis mutandis, Balsami hujus compositionem, præparationemque fieri, & meliorem reddi posse, neminem latet.

Loco AQUÆ BARDANÆ COMPOSITÆ pag. 288. Essentiam, ex speciebus, illi destinatis, sine destillatione rectius confici, objicit; quæ tum pro curatione, tum præsertione pestis, ipsâ Aquâ destillatâ longè efficacior existat. Possè indè Essentiam, vel aliud aliquod medicamentum confici, nemo negat; hoc tamen Aquæ nihil derogat.

Efficaciorem quoque fore Essentiam, quàm Aquam destillatam, concedere possem; qui non de meliorandis, sed ab erroribus, à Zvelfero imputatis, liberandis medicamentis agere, decrevi.

Quod verò melius fieri potest, propterea non mox erroris insimulari debet.

Quidquid tamen objici posset, felix Aquæ hujus in peste usus, crebrò confirmatus, uti fides, & experientia Clarissimorum Medicorum, ab Augustanis hoc in loco denominatorum, testantur, retundit.

In AQUA CAPONIS COMPOSITA pag. 289. decantatam jam in *Balsamo embryonum*, de inutili animalium, nil nisi aquam elementarem emittentium, destillatione, cantilenam repetit; cujus Examen dictum Balsamum subministrat.

Nec inutilem esse ejus, & similium usum, crebra experientia Practicis exercitatis ostendit.

Ubi etiam considerari debet, Aquas hujusmodi, brevi temporis spatio, acescere, ac sedimentum quoddam dimittere; quod in aliis aquis, sine carne destillatis, si ritè adserventur, haud contingit.

In CHYLOSTAGMATE DIAPHORETICO D. D. RAYMUNDI MINDERERI P. M. SEU AQUA EIUSDEM THERIACALI BEZOARDICA pag. eadem. 1. Perperam imprimis vocat *Theriaca*, & *Muthridatij* destillationem; quarum compositionum plurima ingredientia similibus destillationibus penitus inepta sint; multa, verò parum virtutis promere possint; *mel* autem, quod potior earum pars est, in

est, in diris illis adfectibus, quibus debellandis Aqua hæc destinatur, parum juvaminis adferat &c. Verùm pauca admodum utrique Antidoto insunt Ingredientia, quæ per se destillationi penitus inepta dici possent; e contra plurima ibidem reperiuntur, quæ vires alexipharmacas per alembicum emittunt.

Accedit *Theriaca*, & *Mithridatij* fermentatio, qua species aërescere, atque spirituosas fieri, neminem fugit.

Mel autem, si diris illis adfectibus, pesti cumprimis, non adversetur; ineptè tamen, medicamentis alexipharmacis malè hoc propterea adjungi, Zvelserus hoc in loco concludit, inmemor, quòd illud in Antidotorum spissorum compositione admittat.

Neque *Theriaca*, aut *Mithridatium* præsentì *Chylostagmati* adduntur, quia *mel* continent, sed quia plurima salutaria alexipharmaca possident, quæ, mediante melle coacta, alios in usum in Officinà prostant.

2. *Baccarum juniperi*, *corticum sambuci*, & *fraxini Feculam* duntaxat destillationi committi, risum sibi extorquere, fatetur, dignus, qui ipse irrideatur; dum succos expressos Feculæ nomine insignit; quas pulveres potius esse, neminem latere potest.

Unde & ipse inferiùs pag. 446. *Animadvers. pulveres subtiles, farinaceos, succo suo nativo orbatos, omnium virtutis & efficaciæ expertes vocat Feculas.*

Augustani enim è recentibus corticibus sambuci, & fraxini, ac juniperi bacis contulis, cum Aceto de floribus tunica, aquà pimpinella, & rosarum, succum extrahunt, quem expressum succum, non verò pulverem, sive feculam, è succo tractu temporis subsidentem, cum reliquis succis, ac liquoribus permiscunt.

Cur autem *Minderero* tali modo procedere libuerit? me latet; unde nec improbare hoc possum; præcipuè cum virtuti Aquæ destillandæ nihil inde decedat.

Nisi fortè, pro meliori virtutum prolectione, hoc factum fuisse, dicere liceat; veluti ipse Zvelserus in *Append. animadvers. ad Aquam acousticam Mindereri* pag. 29. *nucleos persicos, semina ruta, & raphani*, adinstar puliculæ, cum aliquà aquà contundere, præcipit.

In residuis à destillatione speciebus aliquas adhuc reconditas esse virtutes, minimè nego, quas extrahere, & pariter ad usum reservare, cui volupe erit, per me integrum est.

Interea Zvelserum, si servare crassum illud necesse est, in Aquis suis destillatis *Pharmacopœia Regia* idem observare debuisse, quod tamen in pluribus haud fecit, Lector æquus judicabit.

AQUAM CONFORTATIVAM USITATAM pag. 290.
 magni se facere, scribit, si aquæ destillatæ, ipsi destinatæ, per B., sine additione aquæ simplicis, exceptâ *cinnamomi aquâ*, prolectæ fuerint. Sanè Aquas tales per se, ex recentibus succulentis vegetabilibus destillatas, multò efficaciorese esse illis, quæ, additâ aquâ, conficiuntur, nemo inficias ibit; has tamen propterea omnino rejicere, vel medicamenta indè confecta, uti præsentem *Aquam confortantem*, parvi pendere, haud decet.

Mihi, in decisione Zvelferi pag. 312. *animadvers.* contentâ, adquiescere placet; ubi ob usitatam similitum aquarum destillatarum copiam, vix, sine simplicis aquæ additione, parari eas posse; vile etiam precium, quo prostare in Officinis debent, alium dexteriores conficiendi modum haud admittere, statuitur.

Id quod in subsequentiis *animadversionibus ad Aquam epilepticam puerorum* quoque monet.

Quo ipso tamen Pharmacopœis, qui, si lucro nimium intenti sint, aquæ simplicis copiâ nimium eas obruunt, & sic aquam vulgarem, sine ære aliâ comparandam, paucissimis vegetabilis alicujus viribus imbutam, dividunt, patrocinium minimè præstat.

Cornu cervi ustum præparatum, instar terræ mortuæ, omnibus viribus orbata, frustra addi, negatur; de quo inferius disserendi ansa dabitur.

Utrum *coralia rubra alba* præstent, alij disquirant. Sufficit, his virtutes corroborantes pariter à Medicis assignari.

Augustanos autem pro *coralio albo rubeum* semper subrogare, Eorum, nota, *Speciebus cordialibus temperatis* superaddita, demonstrat.

Margaritis, & *coraliis præparatis* solutionem eorum, cum *aceto destillato* factam, sine causâ præferri, existimo.

Objicit quidem Zvelferus: 1. dictos præparatos pulveres, in delicatissimis etiam vehiculis propinatos, ægotantibus nauscam movere. Ast sine ægotorum nauscâ Aquam hanc præscribi, quotidiana Augustanos experientia docet.

Unde fit, ut magna ejus Aquæ quantitas nostris in Officinis quotannis, cum ægotorum adplausu, dispensetur.

Essè quidem nonnullos, quibus lacteus ille color, à commotis dictis pulveribus, ceu fieri debet, obortus, nec non liquores sedimentum aliquod habentes, maximè displicent; illis tamen Medicus aliâ aliquâ confortante aquâ occurrere potest; aliâ nulla Aqua, vel Essentia colorata, odorata &c. prostare in Officinis deberet; cum nonnunquam ægoti reperiuntur, qui tales

rales omnimodè respuant, atque medicamentis, quæ colore, odore & sapore destituuntur, sanitatem sibi redintegrari, desiderant.

Licet vicissim alij nonnulli dentur, qui albedine illâ in aquâ confor- tante non observatâ, de ejusdem bonitate dubitant.

2. Præstantiorem fore Aquam hanc, cum *solutione perlarum*, & *cora- liorum* paratam, viresque suas longè celerius exferere; multum enim tem- poris, antequam à debilitato ægrotantis ventriculo, & depravato fermento acido simplicia illa dissolvantur, requiri, vel prorsus intacta eadem excerni, objicit. Cui objectioni oppono, quæ Zvelserus in fine *Classis vigesima*, de *coraliis*, *margaritis* &c. *præparatis* habet; dum præparata talia admittens, *facillimæ solutionis ea esse, atque ab Archeo nostro, innatoq; calore utcunque de- vinci & æluari posse*, scribit. Ergo etiam hoc in medicamento *coralia*, & *margarita* facillimæ erunt solutionis, atque in corpore nostro utcunque æluari poterunt.

Nec ægrotantium fermentum acidum in ventriculo naturale in mor- bis semper infringitur, aut depravatur; sed non rarò nimium potius auge- tur; ut ita talium præparatorum solutionem multò promptius absolvere, queat; à solutionibus autem, cum *aceto destillato* factis, magis intendi, sicque majus in periculum decumbentem conjici posse, videatur.

Nec immeritò dubitare adhucdum licet, utrùm non *solutiones coralia- rum*, & *margaritarum*, antequam destinatum ipsis scopum attingant, in cor- pore præcipitentur, dum variorum saporum humores in eo contineri, qui acidum *aceti* absorbere &c. possunt, quis considerat?

Quin ipse Zvelserus in *Pharmacopœiâ Regiâ* talismodi præparatis sim- plicibus sapius utitur; prout e. g. in *Confectione alchermes*, *margaritas ori- entales*, & *coralia rubra præparata* pag. 180. recipit.

In AQUA CORDIALI TEMPERATA pag. 292. I. Destil- lationem *cuspidum succulentorum cornu cervi junioris recentis capri* improbat; quia, Balnei calore, aquam duntaxat, sive humiditatem elementarem, exili virtute præditam, per alembicum illi exsudent; remanentia verò summas ac unice expetendas virtutes contineat. Sive magnarum virtutum sit aqua illa, quæ è *typhis cervinis*, sanguine turgidis, per Balneum elicitur, sive exi- lium, nihil hîc refert; sufficit enim, non omnibus eam destitui, ita ut aqua elementaris dici nequeat.

An remanentia tantas contineat vires? nescio; dum post destillatio- nem peractam, corpus saltem spongiosum, levissimum, ac quod mole & ad- spectu nauseam movere potest, remanet.

Cæterum

Cæterùm cur Zvelserus, circa finem *animadvers. pag. 464.* hanc è tenebris cervorum cuspibus, leni M. B. calore, destillatam aquam, à relicto capite, ut ita dicam, mortuo, bis, ter, quaterve cohobando, abstrahit?

Facit hoc, ut virtutes majores, vel aquæ, vel pulveri remanenti, imprimat.

Aquæ vires eo modo intendere, ipsum voluisse, haud existimo; cum, neque usum ejusdem aquæ, operosius aliàs in medicamentis è cervinis istis typhis parandis, tradat; neque à rebus similibus fixis, unquam simplici illà destillatione, aliquid elici queat, licet quis decies (verba sunt Zvelseri de nonnullis fixis vegetabilibus *Aqua antimelancholica Fischei*, paulò ante examinatæ) in M. B. cohobationem insituerit.

Et si quid virtuosi à remanentiâ aqua sic cohobata raperet, iniquè cum remanentiâ ageretur; quia hæc tali modo in summis ac unicè expetendis virtutibus suis detrimentum subiret.

Neque capiti mortuo relicto, ab aquâ indè destillatâ, licet bis, ter, quaterve cohobetur, quidquam accedere, Zvelseri sententia evincit. Quod enim quis non habet, alteri impertire nequit; sic *Aqua typhorum cervi*, si purè elementaris est, nec ulla virtutes possidet, nullas quoque residuæ materiæ, pro pulvere decantato expetitæ, largiri potest.

Aliquas verò in primâ destillatione si per alembicum secum eduxit, illæ certè in secundâ, tertiâ, & quartâ destillatione, nunquam fixæ remanebunt, sed calorem Balnei persentientes, per alembicum, uti primâ vice, exhibunt.

II. Admixtos succos limonum, granatorum acido-dulcium, pomorum subacidorum, & rubi ideæ, malè admisceri, putat; quia eorum aciditas pariter in residuo maneat, quæ tamen in denominatis adfectibus non parum juvamenti adferre posset. Verùm ut negari nequit, aciditatem succorum horum acidorum, dum destillantur, in residuo manere: ita, nihil virtutum, adscendere, inepta, cumprimis ex Zvelseri fundamento si agatur, statuere, esset animadversio.

Augustani igitur non acidum illum saporem, sed subtilissimas succorum partes *Aqua cordali* imprimere voluerunt.

Inesse autem succis his partes subtiles, non contemnendas, clarè satis animadversiones in *Sirupos de succo acerosæ, & acetosellæ* edocent; ubi *Siruporum* è succis parandorum confectionem, per præcedentem destillationem, fieri debere, statuitur; ne potiorum & nobilissimarum partium jacturam, faciamus; idque exemplo *Sirupi acetosæ & acetosellæ* comprobatur.

Eodem

Eodem igitur jure *succus citri*, vel *limonum* quoque gaudebit, cujus in *M. B. destillationis pag. 2. Append. animadvers.* mentionem facit.

Succum granatorum, in *Siruporum*, de *mentha minori*, & *majori Mesues*, præparatione, destillationi adaptare docet.

Pomorum dulcium & acidorum succum non frustrâ destillari, nisi ipse hoc frustrâ fecerit, *animadversiones Sirupi è pomis simplicis Mesues* evincunt.

De *rubi idai succo* simile est judicium; cujus *fructus aqua pag. 197. Pharmacop. Reg.* bis à *Zvelfero* præscripta invenitur.

Cæterùm aciditas eorum, licet egregiarum sit virtutum, propriè hîc non desideratur.

Acidi enim liquores, uti *animadvers. in Sirupum acetositis citri* habent, quodammodo *fixi sunt*; & consequenter, subitanæam refocillationem haud præstant; *Aqua* verò hæc *cordialis* in subito virium lapsu, ex defectu spirituum animalium, aut vitalium, ubi celerrimâ opus est refectione, apoplexiâ, epilepsiâ &c. præcipuè commendatur.

Quin huc adplicare etiam liceret, quæ *Zvelferus* in *animadversionibus Sirupi de borragine* adduxit; ubi, cùm hi *flores borraginis* instaurationi cordis spirituumque vitalium dicati sint, eos in se reconditum habere spiritum, quendam, spiritibus vitalibus, eorumque scaturigini, cordi, familiarem, qui coctione in auras avolet, ac ideo destillationis ope conservandus sit, concludit. Recensitos autem hac in aquâ succos, cùm pariter cordis atque spirituum ejus robori dicatos ipsos esse, certum sit, similiter spiritum quendam, destillatione impetrandum, continere, haud prorsus diffidendum erit.

Succus rubi idai, è fructu, qui subdulcis est, benè maturo paratus, nisi corruptus verustate acidus fiat, minùs rectè inter acidos collocatur.

Fieri autem hoc à *Zvelfero*, ejus annotatio, quam *Aquæ præsentis animadversionibus* adjungit, testatur; ubi *succorum acidorum*, utpote *citri, granatorum*, & aliorum destillatione rejectâ, loco prædictorum succorum, ipsorummet fructuum spiritus substituisse se, *Zvelferus* scribit, atque in fronte spirituum horum substitutorum, ob quorum largam satis quantitatem *Aqua* hæc *temperata* ampliùs dici vix potest, *Spiritum de rubo idæo* ponit; *spiritu granatorum*, etiam promisso, planè omisso; & *Aquâ corticum citri*, loco *spiritus fructuum citri*, pariter promissi, additâ.

Ubi simul obiter noto, *succos acidos citri, granatorum &c. ad cordis corroborationem*, propter *symbolicam aciditatem liquoris in pericardio existentis*, plurimùm posse, à *Zvelfero* statui; qui tamen rebus fixis, sive terrestrioribus, qualis ipsi est *succus citri &c.* vim penetrandi strenuè contra *Augustanos* aliàs negavit.

Aciditas

Aciditas quoque aquæ in pericardio naturaliter nulla est; quæ alterius tri, sive lymphæ adinstar se habet; atque potius salsa, (voce hac in eo sensu, quo Zvelferus vult, sumtâ) quàm acida, & ita acidis contraria magis, quàm *symbolica* esse, deprehenditur.

III. Compositarum *Specierum*, nimirum *cordialium temperatarum*, de *gemmis frigidis*, *diamargariti frigidi*, & *rosatæ novellæ*, additionem adgreditur; quarum ingredientia pleraque & ferè omnia, exceptis *gemmis*, *auro*, *argento*, *margaritis*, *coralliis*, *spodio sive ebore calcinato*, *serico*, & *saccharo*, jam antea ipsi Aquæ hujus compositioni inserta sint. Verùm, nec errorem dici debere, in compositum aliquod species quasdam, quæ simplicia nonnulla, in composito jam posita, contineant, recipere, sapius jam Zvelfero responsum fuit; nec enumeratarum in hac *Aquâ cordiali* *Specierum* ingredientia pleraque & ferè omnia, exceptis illis à Zvelfero consignatis, ipsi Aquæ præsentis compositioni inserta esse, imò parum ultra dimidiam partem, unicuique, dictarum *Specierum* ingredientia cum *Aquâ cordialis Augustanorum* ingredientibus conferenti, adparebit.

IV. *Gemmas*, *aurum*, *argentum* & *spodium* frustrâ consimili destillationi subjici, cum Zvelfero, & illis, qui ante Zvelferum hoc jam observârunt, fieri, necesse est; ut ita Pharmacopœi *Specierum* prædictarum ingredientia, separatis destillationi inutilibus hisce, optimo jure substituere queant; non minùs enim *Aquam cordialem*, quæ spe de recuperandâ valetudine pristinâ ægrotantem haud frustrabitur, experientiâ adstipulante, obtinebunt.

Quamquam, si species istas unâ cum duris illis corporibus, prout in officinis jam paratæ prostant, ob laboris compendium &c. fumantur, Aquæ præsentis *uncia una* vix centesimâ parte unius Imperialis carior evadat, multò minùs summum detrimentum ægro adferre queat.

Conservam rosarum stupidè huic compositioni adjectam esse, stupidè obijcitur; de qua, sic monente Zvelfero, *Balsami embryonum Examen* consulatur.

Perpende nunc, Lector Benevole, quàm inconsideratè (non dicam, *stultè*) magnificæ tales animadversiones, à Viro, præ aliis eruditum se æstimante, ex parte conscribantur; quas ubi paulò severius examinaveris, nugis referatissimas, ac insuper antilogiis plenas esse, manifestè deprehendes.

ELIXIR VITÆ MATTHIOLI pag. 293. easdem, quas *Aqua* proximè præcedens, redolere ineptias & absurditates, Zvelferus cavillatur. Sed nec *typhos cervinos*, succosve acidos recipit, nec tantis ineptiis, sive erroribus, qui quidem ipsi imputantur, scatet; de quibus *Examen Antidoti Matthioli*, & *Aquæ prægressæ cordialis* consulatur.

Quam

Quam ipse subjungit Elixiris hujus præparationem, non impugno; hoc tantum moneo, ipsum non omnia *Elixiris vite Matthioli* ingredientia, quæ destillationi adsignatæ adcommodata sunt, in suum Elixir recipere, sed tantumquam ad destillationem inepta rejicere; cujus exemplum *santalum album* pari passu ferè cum *citrino* ambulans, *cassia lignea*, *spica indica*, *camphora*, *ma-
stiche* &c. præbent.

Cætera ingredientia, minùs ritè destillationi huic subjecta, quia excluduntur, credita, magni momenti haud sunt, & quæ Elixiris præcium magnopere augere possunt; siquidem ejus *drachmæ duæ* vix millesimâ parte unius Imperialis, qua exiguâ portione nec mendici preces explere solemus, carior ita redditur.

In AQUA EPILEPTICA LANGII pag. 295. 1. vini à floribus *liliorum convallium* abstractionem, ad siccitatem usque florum, fieri debere, admonet; quod Augustani etiam observant.

Cui tamen, spirituosiores saltem partem elicere, & partem aliquam phlegmatis cum residuo relinquere, placet, ille neutriquam errabit.

2. *Flores lavendulæ & rosmarini* recentes accipiendos esse, animadvertit; quod, si fieri possit, ipse prudens Pharmacopœus novit.

Addi autem, vel demi quædam ingredientia posse, nonnulla augeri, vel diminui, neminem latet.

Augustanis illa *florum lavendulæ & rosmarini* quantitas placuit.

3. Utrum *visci querni spiritus radicalis*, violentiori igne prolectus, ipso *visco querno*, cum aliis speciebus destillationi in hac Aquâ commisso, melior sit, non disquiram?

Minùs tamen gratam naribus & ori aquam indè reddi, certum est; cum spiritus ille foetidus sit, atque empyreuma redolet; etiamsi rectificatus is adhibeatur.

4. *Radices pæoniæ* perfectè destillatæ Aquæ denuo immergi &c. quidem possunt; necessarium tamen haud est, id observare.

Aliàs Zvelferi *Aqua antapoplectica prima*, & *secunda Pharmacop. Reg.* pag. 193. & 194. ; nec non *antepileptica* pag. 199. &c. similem animadvertionem subire cogerentur.

Coronidis loco, *Aquam hanc Langij*, ad dissolutionem integræ *libræ sacchari*, à Zvelfero pag. 22. *Append. in Pharmacop. Reg.* adhiberi, & dein ad tabulati consistentiam coqui, sicque meliorum ipsius partium spirituosarum & odoratarum jacturam fieri, noto.

Pro AQUA EPILEPTICA PUERORUM pag. 296. aquas,

sine ullâ aquæ communis additione destillatas, adhibere præcipit; qua de animadversione in *Aquæ confortativæ usitata Examine* actum jam fuit.

Quòd si quis Pharmacopœorum, absque proprio dispendio, aquas istas simplices, sine aquæ communis additione, destillare & divendere possit, ab Augustanis etiam commendabitur.

Si insuper è re suâ fore, Pharmacopœus judicabit, ut aquas è selectioribus vegetabilibus, cum, & sine additione aquæ communis, destillatas; nec non alias aquas compositas, simplices tales, cum, & sine additione paratas, recipientes, semper in promptu habeat, neque in hoc animadversionem incurret; dummodo proprii commodi memor, si Zvelseri sententiam sequi, animus ipsi est, ubi aquæ similes à Medico præscribuntur, vel alioquin ex Officinâ petuntur, prius inquirere: an æger in numero illorum esse velit, qui sanitatem aeri præferunt? non obliviscatur.

AQUAM PRO EPITHEMATE CORDIS NORIBERGENSEM pag. eâdem, non minoribus, quàm superiorem illam *Aquam cordialem temperatam*, refertam esse erroribus, arguit Zvelserus. Sed non modicè Aquæ hæ à se invicem distant.

Lapides preciosos &c. nihil virtutis destillatione illâ per alembicum, emittere, iterum non impugno.

Acetum cum coraliis, & margaritis coagulari, & ita nil nisi inutile phlegma emittere, pernego; si dictum acetum cum magnâ aquâ rosarum & vini malvatici quantitate dilui, & quasi infringi, quò minus commodè, & promptè solutionem absolvere possit; econtra exiguam coraliorum, & margaritarum, respectu aceti, copiam esse, intueor.

Præterea sumitur *Acetum rosatum*, quod, rosarum essentiâ & substantiâ saturatè jam imbutum, ad ulteriorem extractionem (vel solutionem) aliarum rerum non adeo commodum esse, pag. 22. *Append. animadvers.* ipse venditat. Unde quoque in corpora illa margaritarum, & coraliorum, vix imperium, juxta hanc Zvelseri doctrinam, habebit.

AQUAM FUMARIÆ COMPOSITAM pag. 297. indignam judicat; quæ publicis Dispensatoriis inferatur, atque cujus correctioni opera detur; cum ex speciebus ipsi deputatis, utpotè quæ naturâ suâ satis violentam, sine virium deperditione, coctionem pati possunt, & quarum etiam bona pars (nimirum pulpa illæ Cassiæ & Tamarindorum,) jam antea sufficienter cocta est, aquam viribus ullis præditam, leni in B. destillatione, elicere, impossibile sit. Sed nugas venditare Zvelserum, si ingredientia hujus Aquæ penitiùs considerantur, faciliè elucescit.

Radices enim polypodij ab ipso destillationi commissas fuisse, supra jam indicavi; id quod etiam cum radicibus ghyrrhizæ peregit.

Herba absinthij, flores borraginis, buglosi, violarum, rosarum, quod naturâ suâ satis violentam, sine virium deperditione, coctionem pati possint, qua fronte adserere audeat? Annon superius, in Classe primâ, in horum de coctionem, qua spirituosas partes avolare, objecit, debacchatus fuit? Nonne in Classe decimâ quintâ Pharmacop. Reg. eorundem simplicium in aquas destillationem habet?

Epithymum destillatione aliquid virtutis exhalare, negari nequit. An itaque Aquam hanc nullis præditam esse virtutibus, dici potest?

Pulpas cassiæ & tamarindorum sufficienter coctas jam esse, præparatio earum minimè arguit; ceu in principio Classis tertie Dispensatorij hujus clarè satis videre est.

De AQUA HIRUNDINUM USITATA *pag. eadem, si ea dextrè elaboretur, quin in denominatis adfectibus multum præstare possit, nullus dubitat. Negari equidem nequit, hanc, aliasque nonnullas Aquas, si sumtus, & aliæ circumstantiæ permitterent, efficaciores reddi posse; præsentem tamen satis efficacem esse, sufficit; ut ita illam composituri minimè, nucleos abjicere, corticibus servatû, dici queant.*

Libet autem inquirere, in quonam cumprimis Zvelferi ille, efficacior rem reddendi aquam hanc, processus, ab Augustanorum præparandi modo differat?

1. Zvelferus singulis aquis destillatis, videlicet liliorum convallium, florum sambuci, prœonia, & tulæ, uncias duas, nescio quam ob singularem causam, detrahit; dum pro mensurâ unâ Augustanâ, sive uncis triginta duabus, libras duas cum dimidiâ, sive uncias triginta tantum recipit. An hoc efficaciam Aquæ augere, dici queat; alij inquirant? Mihi, contrarium potius esse, videtur.

Aquæ verò prædictæ absque aqua simplicis additione destillatæ ut sint, requirit; in quo tamen ab Augustanis catenus non dissentit, quatenus & Ipsi similes Aquas, si ob sumtus & copiam earum fieri possit, admittunt.

2. Pullos hirundinum vivos Aquis istis immittit, & indè humiditatem totam in M. B. abstrahit. Augustani verò hirundinum pullos vivos descriptos vel dissectos adhibent. Ac ita in utroque modo, si ritè procedatur, spiritus ille vivificus, à Zvelfero decantatus. & studiosè quæsitus, conservatur.

Nam idem esse, hirundines vel integras, & per se destillare: vel illico, postquam vel vivæ, vel lætæ in destinatum liquorem destillandum immisæ fuerint, destillationem inchoare, ex Append. animadvers. pag. 37. colligitur.

Quamvis huic contrariam sententiam pag. præced. 35. fovere eum, haud ignorem; ubi *sola animalia viva* destillare præcipit, nullis aliis rebus heterogeneis admixtis, ne virtutes quasitæ indè amittantur.

Si fortè quis objiciat, Augustanos spiritus illius fugacissimi, ob 24. horarum digestionem, quæ destillationi præmittitur, jacturam facere; illi, cum *aquis destillatis liliorum convallium, florum pæoniæ &c.* eundem utique, conjunctum esse, regerere liceat. Aquas autem destillatas, & spiritum vivificum arctissimâ copulâ uniri; spiritus hujus Patronus, uti mox dicetur, nos edocet.

Namque pag. 30. *Append. animadvers.* in *Essentiâ alexipharmacâ*, quam *Aque antidotali Matthioli* subrogat, *sex viperas* recenter mactatas liquori cuidam destillato immergit, atque in illo emori permittit; taliter namque, scribens, *spiritus viperarum vivificus liquori integrè communicatur.* Antequam autem, infusas hæc *viperas* destillet, sex circiter dierum spatio, digestionem præmittit.

Porro *Pharmacop. Reg. pag. 150, Vini serpentini* præparationem tradens, *serpentes* mactatos, adhuc tamen vivos, *vino* immergere, jubet, cujus postea unam ebullitionem fieri posse, concedit. Ast in hac ebullitione *spiritus serpentum, vini spiritu* ligatus, avolare nequit; quia aliàs Zvelserus, magnus ipsius admirator, ebullitionem istam non commendasset, ac nobile sal volatile, subtilissimum, in auras imprudenter relegare, non docuisset.

Aliud exemplum in altero ab hoc sequenti jam paragrapho è Zvelsero adducetur.

Libet ulterius circa spiritus hujus considerationem deliciarî, & quæ ratione ipsi, tanquam summè volatili, atque ex subtilissimo sale volatili constanti, compedes injiciendi sint, ne aufugiat, cum Zvelsero inquirere; qui duplici modo artificium hoc adgreditur.

1. Mediante unione cum aquâ aliquâ destillatâ.

Sic *Pharmacop. Reg. pag. 199.* spiritum vivificum *hirundinum* cum aquâ earum elementari prolectum, & aquâ, ex diversis vegetabilibus, floribus cum primis atque aromatibus, destillatâ, unitum, *arctissimâ copulâ stabuliri &c. perdurare*, memorat.

Quod ipsum sanè egregius foret modus, salia volatilia animalium, (quale in spiritu isto vivifico stabulari, venditur) figendi, & à fugâ, quam appetunt, coercendi.

Verùm, non refragabor, spiritum illum vivificum (præsuppono enim, esse ipsum salinum volatilem, imò, esse in rerum naturâ) diutius perduraturum, cum aquâ aliquâ destillatâ mistum; quàm si solus adservetur.

Cujus,

Cujus, *salium volatiliū C. C.*, *viperarum &c.* in propriis spiritibus solutum melior adſervatio, exemplum præbet.

Tantam tamen intercedere unionem, ut *artiffimam earum copulam* eſſe, dici queat, dubito.

Imò potius, vel minimâ datâ portulâ, ſpiritus, particulam fortè meliorem aquæ deſtillatæ ſecum abripiens, avolat, ac ruptâ *artiffimâ* iſtâ *copulâ*, aquas fixiori corpore præditas relinquit.

Quin ipſe Zvelſerus ſalis alicujus alcalici, fixi, acceſſum tam neceſſarium eſſe, pag. 200. *Pharmacop. Reg.* putat; ut, *ſecus ſi operatus fueris, nullis limitibus* (Ergo nec aquis deſtillatis, ſale fixo deſtitutis) *hos ſpiritus continere poſſis, ut ut vitrum munias, quin evaneſcant.* Itaque

2. cum ſale aliquo fixo, ſive alcali, tales ſpiritus ſigi poſſe, *cit. pag. 299. 200. &c.* innuit, adeo, ut *hi perpetuo nexu cum alcali ſeſe uniant & conſtantes perſiſtant.* Quod ipſum tamen experimento, circa *ſal viperarum volatile* inſtituto, contrariatur; quod ſcilicet ſal volatile cum proprio ſale fixo, è cineribus *viperarum*, poſt deſtillationem in ſal volatile, calcinatarum, extracto; ſigere, fruſtrâ ſe tentâſſe, pag. 276. *animadverſ. in Sal theriacale Antiquor.* conqueritur.

Nec certè, etiamſi *unciam unam vel alteram* ſalis fixi in liquorem immitas, in quem vel paucum ſal volatile per deſtillationem pellitur, negotium ſuccedit; multò minùs, ſi ſal volatile, quale illud vivificum animalium eſſe, creditur, ſubtiliſſimum exiſtat.

Quia igitur neque deſtillatæ aquæ, neque ſalia fixa, è cineribus extracta, hoc præſtant, quod Zvelſerus ex propriis fundamentis cognoscere debuiſſet; quis non miretur, quòd tam citò artiſciosiſſimi ſui, ſalia volatilila, cum *ſpiritu ſalis* ſigendi, artiſcij, in *precedente Claſſe* modò communicati, oblitus fuerit?

Si enim ſpiritus vivificus pariter ex ſale volatili conſtat, utique & ipſum ingenioſa *ſpiritus ſalis* aduſio à fugâ per longum tempus coërcere debet.

Sed mitto hos ſigendi modos; quia nondum, de exiſtentiâ ſali illius vivifici liquoris, certi quid conſtat, multò minùs, quòd egregias operationes ediderit; quin potius, ſi quis in talem ſpiritum ſpem in morbis periculofiſ collocet, metuere ſe debeat, ne ipſe in ſpiritum abeat.

3. Differentia inter *Aquam præſentem hirundinum* Auguſtanorum, & Zvelſeri eſt; quòd Illi *viſcum quernum, radices, & ſemen pæoniæ*, mox cum *hirundinibus*, & *aquis lihorum convallium* &c. unâ eademque operâ committant deſtillationi; Zvelſerus autem ſolas *hirundines*, & aquas deſtillet, reliqua deſtillationi repetitæ reſervans. Quod nihil aliud eſt, quàm laborem

rem & sumtus augere, quos aliàs in minutissimis quoque rebus, ubi Augustanos paulò excessisse, videt, contrahere, non sine acerbâ nimis animadversione, laborat.

4. *Pullos hirundinum* à destillatione superstites, siccatos, aperto igne, destillat, egressum spiritum cum sale volatili, ab oleo foetido separatam, bis rectificat, ac cum primâ destillatâ aquâ, cui spiritus vivificus *hirundinum* inesse debet, conjungit. Quo equidem modo efficaciorē hanc Aquam fieri, non negaverim; minùs tamen gratum, licet *coriandri*, *macis*, & *cubebarum* odoris tantillum accedat, profurgit medicamentum, quod infantibus cum primis, ad quorum convulsiones etiam commendatur, difficulter exhiberi potest.

Cæterum binâ rectificatione spiritus, & salis volatilis opus haud est, cum unica sufficiat, qua sal albissimum, & acutissimum impetrari, pag. 275. animadvert. scripsit.

De *coriandri*, *macis*, & *cubebarum* additione, ad obtundendum salis volatilis odorem, nil moveo, quem aliàs per *spiritum salis* mitigare, atque eo ipso fugacitatem ejus inhibere, consuevit.

5. Ex residuis à destillatione vegetabilibus extractum cum *spiritu vini* conficere, jubet. Quod equidem fieri posse, si cui arrideat, nemo non concedit.

An verò necessarium sit, dubitari posset, si quis spirituofam & balsamicam essentiam, in qua cephalicorum medicamentorum potissimam virtutem latere, Zvelseri fert opinio, jam separatam esse; terrestre autem illud à destillatione superstes, uti ex eodem Zvelsero colligitur, penetrandi vi destitui; atque insuper in *Aquâ*, v. g. *antepileptica* & *cephalicâ Pharmacop. Reg. pag. 298.* ab ipso parùm æstimari, consideret.

AQUAM HIRUNDINUM COMPOSITAM MINOREM pag. 298. eodem modo, quo priorem, sal scilicet volatile, è *pulis hirundinum*, à quibus, in *vino* suffocatis, *vinum* abstractum fuit, prolectum, huic conjungendo, & dein cum *rutâ*, & *castorio*, nec non quibusdam odoriferis, ad odorem ingratum salis volatilis, & *castorij* infringendum, denuo destillando, parari debere, animadvertit. De hac igitur *precedentis Examini* consulatur.

Additione tamen nonnullorum odoriferorum vel ideo opus haud esse, existimo; quia Aqua hæc in ipso paroxysmo epileptico tantum ab Augustanis commendatur; ut eo percussos exsuscitet; ubi certè odorem illum *castorij*, & salis volatilis infringere, vel obtundere, nulla est necessitas.

Similiter

Similiter cum *AQUA HIRUNDINUM COMPOSITA MAIORI* pag. eadem procedendum esse, monet. Cui igitur pariter *Examen Aquæ hirundinum usitate* adplicari poterit.

In specie *Acetum scilliticum*, & *spiritum vitrioli* rejicit. Illud, quia *sal volatile hirundinum* in aliud ens transmutat. Quod si de sale volatili, igne violento, per destructionem *hirundinum*, prolecto, intellectum velit, Augustanis animadversio hæc non scribitur.

Quamquam aliàs utique omitti, vel, peractâ secundâ distillatione, liquori egresso, tum ut vires suas impertiatur, tum sal volatile à fugâ non-nihil coërceat, addi possit.

Licet enim exin sapor *aceti* acidus, & salis volatilil urinosus, in acido-salsum (uti *Zvelfero* dicitur) sive neutrum, mutetur, vires tamen utriusque salvas adhuc esse, fatere coguntur, qui salium volatilium fixationem, à *Zvelfero* cum *spiritu salis* factam, venerantur; cum aliàs, omnia salia volatilium, *Zvelferi*, simili modo fixata, genuinas suas vires, quas ante fixationem possederunt, amissas esse, dicere teneantur.

Sin de spiritus vivifici sale volatili *Zvelferus* loquatur, veritus, ne illud ab *aceto* fixatum in cucurbitâ detineatur, nec ita in distillatione per alembicum ascendere queat, tunc, & propter incertitudinem illius salis, &, si detur, paucissimam ejusdem quantitatem, utile tale ingrediens rejicere, haud convenit.

Caterùm *Aceti* hujus loco, *succum scillæ*, *aquam*, vel *succum florum tilia*, quod vult *Zvelferus*, quin multa alia substitui posse, nemo Medicorum, si vires *Aquæ* præsentis intueatur, & ritè omnia perpendat, ignorat.

Interea Augustanis *Acetum scilliticum* sumere, placuit.

Spiritum vitrioli quod concernit; illi *phlegma*, vel potius *spiritum vitrioli volatilem sulphureum*, à proprio suo spiritu acido semel atque iterum rectificatum, substituit; cum in adfectibus apoplecticis & epilepticis hunc, præ illo acido, corrosivo, longè efficaciorum, atque magis adpropriatum esse, putet. Hic verò *spiritus vitrioli*, è phlegmate, & spiritus acidi particulâ conflatus, parum volatilium partium in se continet; quarum melior pars in prægressâ calcinatione jam avolvit.

Qui autem *spiritum vitrioli volatilem* obtinere desiderat, nudâ phlegmatis à spiritu acido abstractione, rem non tentet; cum alias nobiliores *evχαισιν* requirat.

Certè, si Augustani phlegma *vitrioli*, à *spiritu vitrioli* acido corrosivo semel atque iterum abstractum, pro *spiritu vitrioli volatili sulphureo*, & multas præro-

prærogativas, præ communi phlegmate *vitrioli*, ad apoplexiam, & epilepsiam, habente, venditassent, Zvelfero egregiè dubio procul vapulassent.

LACTIS VIRGINEI pag. 299. præparationem admittit, & quantumvis *solutiones aluminis*, & *lithargyri* se invicem præcipitent, ut neutrum horum operationes suas proprias ritè exserere possit, nihilominus tamen ita mixta refrigerando, fucatamque cuti albedinem inducendo nonnihil præstare posse, concedit. Benè; Augustani, dictas solutiones commistas albescere, unde *Lactis* nomen mixturæ illi impositum fuit; & hanc albedinem ex præcipitatione fieri, non ignorarunt.

Insuper non alium in finem, quàm cosmeticum ut evadat, hujus præparationem fieri, adnexa virtutum ejus enumeratione ostendit.

AQUAM LITHARGYRI pag. eadè quod spectat, ejus præparationem nec ipse adprobare possum; nec Augustanis in usu esse, literæ minores, quibus descriptio ejus traditur, Zvelfero indicare potuerunt.

Caterùm per institutam destillationem non sola aqua *rosarum*, *thuris*, ac *camphora* odore, quod vult Zvelferus, nonnihil imbuta; sed etiam Aqua, *sale volatili olei tartari p. d.*, sic vulgariter dicti, sive *salis tartari fixi*, humiditate aëris attractâ resoluti, prægnans impetratur.

Si scilicet aquam elementarem, in quam, rarissimè aliquid salini continentem, illud *sal tartari fixum*, methodo Tackenianâ, cap. 10. Hippocratis *Chimici* descriptâ, redigitur, nomine *Salis tartari volatilis Helmontiani*, quam quam *stupidissimè*, vocare liceat.

Quem processum sibi surreptum, & postea, ceu maximum arcanum, Thrafonico elogio à Zvelfero celebratum, obtrusum fuisse, non immeritò Tackenius cap. 4. *Clavis antiquis. Hippocrat. medicina*, conqueritur.

Hac facili viâ aliorum quoque salium volatilificatio facile impetrari posset.

In AQUÆ MASTICHINÆ pag. 300. præparatione, quam iisdem verbis *Medici Hafnienses* proponunt, desiderat Zvelferus; quod de eo, quomodo scilicet hac ipsa aqua dextrè destillanda sit, & an liquores, qui ultimò igne violento & fortissimo prodibunt, empyreuma redolentes, nec non oleum fixitum, à Maci, Mastiche, Caryophyllis & Cinamomo priori grato odorifero & præstantissimo liquori commiscenda sint, ne tantillum quidem meminerint Augustani, abundè se muneri suo satisfacisse putantes, quod quemlibet liquorem à destillatione seorsim asservandum esse innuerint: At mehercè, pergit, hoc ad efficiendam gratam, efficacem & ventriculum insigniter roborantem aquam nullatenus sufficit, quin aliâ viâ & quidem saniori procedendum erit, si voti nostri compotes fieri anhelamus. Nescit certè, quid animadvertat, mordax Zvelferus.

Annon,

Annon, quomodo Aqua hæc dextrè destillanda sit, indicant Augustani, præcipientes, *species pulverisatas & mistas, addito vino malvatico, per triduum infundi, postea destillari debere in arenâ, igne lento, donec aquosus humor exierit, qui est illa Aqua mastichina*; deinde fortiori, quo oleum non adeo ingratum elicitur; ultimo verò fortissimo, unde liquor empyreumaticus producitur? Quid quæso clariùs dici potest? Et nihilominus Zvelserus impudenter obicere audet, quòd Augustani, quomodo hæc Aqua dextrè destillanda sit, *ne tantillum meminerint.*

Annon etiam Augustani indicant, quòd tres isti diversi liquores non commiscendi sint, sed *quilibet seorsim servari* debeat? An hoc non clarè satis propositum fuit? Et tamen Zvelserus imprudenter opponere non veretur, quòd Augustani, an ultimus liquor cum priori commiscendus sit, *ne tantillum quidem meminerint.*

Sed ipse suo se testimonio falsitatis arguit, dum scribit: *Abundè se muneri suo satisfecisse putantes, quod quemlibet liquorem à destillatione seorsim asseruandum esse innuerint.*

Usum verò singulorum tradere, ad præparationem medicamentorum non spectat.

Sufficiat, quòd primus, qui egreditur, liquor *Aquæ mastichinæ* vices expleat.

Si tamen reliquos duos externo usui, & quidem vario modo, quis destinare velit, is minimè errabit; etiamsi purum quoque *Oleum mastichinum*, vel aliud aliquod, similem effectum producat.

An autem, Aquam hanc gratam, efficacem, & stomachicam esse, negari potest? Neutiquam, nisi & rationi, & experientiæ contradictio fiat; & nisi *Aqua mastichina* Zvelseri *Pharmacop. Reg. pag. 202.* pariter elogio suo defraudetur; nimirum quæ ab Augustanorum compositione parum differt, nisi quòd, imminutâ *macis* quantitate, & aucto *cinnamomi* pondere, aliquam insuper virtutem à *nucis moschata* superadditâ *unciâ unâ cum dimidiâ*, & paululum odoris à *styracis calamitæ unciis duabus & dimidiâ* accipiat; in hoc tamen deterior, dum à nimia *vini malvatici* quantitate, videlicet *libris quatuor*, oleosæ & utiles ingredientium partes disgregantur, sicque in operando segniores evadunt; insuper in *Balneo vaporoso* difficilior earundem, adscensus metuitur. Cùm econtra Augustani *libris duabus vini malvatici* contenti sint; & destillationem *per retortam, in arenâ*, instituant.

Si igitur summo emolumento cedit in adfectibus ventriculi & cerebri frigidis Aqua ista Zvelseri, uti ipse deprædicat; quo jure eadem efficacia Augustanorum Aqua derogatur? Cur hæc sola nos voti nostri compos haud reddet?

Sanior, quem jactitat, Zvelseri processus, non aquam limpidam, quam Augustani desiderant, sed coloratam, sive Essentiam aliquam suppeditat.

Quin tali ratione, saniori etiam viâ, cum *Aquæ mastichina*, è *Pharmacopœiâ Regiâ* modò adductæ, præparatione procedendum, atque eidem destillatæ, essentia, cum *spiritu vini* ex remanentiâ extracta, addenda erit.

Verbo, quidquid hîc animadversione suâ iniquâ carpit Zvelserus, illud omne in *Pharmacop. Reg. loc. cit.*, ratione præparationis, ad amissim ipse amplectitur. Cui itaque emendandæ prius opera ab adverso calamo locanda erit, antequam Augustanorum *Aquæ mastichina* præparationem petere, & reformare, ipsi licentia dabitur.

In *AQUA MERCURIATA pag. 302.* ingentem rerum apertè inter se pugnantium commixtionem improbat, qua unum ab altero præcipitari, & ita vires eorum reciproce infringi, vel etiam penitus annihilari, objicit. Fieri in hujus Aquæ præparatione, *cerussa*, *lihgargyri*, ut & *Mercurij* præcipitationem, negare quidem nolo; vires tamen Aquæ hujus exin annihilari, nemo sanus dixerit, quia dicta simplicia in *acero* soluta, hac ratione tantum in pulverem impalpabilem, adscriptis virtutibus nullatenus destitutum, testante hoc experientiâ, rediguntur.

Servatur autem hæc Aqua *sine colaturâ*, vel filtratione; atque adhibetur non sola, sed unâ cum pulvere in ipsâ subsidente, qui *cerussam*, & *Mercurium* non penitus annihilatum complectitur, sed qui in *plumbum*, & *mercurium vivum* reduci potest.

Plures verò Aquas, & Mixturas, eundem effectum producentes, conscribi posse, nemo ambigit.

AQUAM MIRABILEM LANGII pag. eâdem, cum *Aquâ cordiali temperatâ*, ratione ingredientium, comparat, tum quoad inutilem plurimarum rerum additionem, scilicet *Margaritarum*, *Coralliorum*, *Spodij* & *Serici tostî* (quæ species *Diamoschi* & *Pleres Archont.* ingrediuntur) nec non *Myrobolanorum*, *Anacardiorum*, mellis & *butyri*, (quæ sunt ex numero eorum, ex quibus confectio *Anacardina* composita est:) tum etiam ratione farraginis ingredientium, quorum pleraque bis, ter quaterve, unò quinquies huic compositioni inseruntur, & quidem in tam exigua quantitate, ut, si exacta computatio institueretur, inveniremus unamquamque dosin vix tantillum de hoc vel illo capere posse. Verum quidquid hîc objicitur, in antecedd. jam discussum fuit; quare ut illa Lector Benevolus, cum primis quæ in *Examine animadversionum Aquæ cordialis temperatæ*, ad quam Zvelserus Lectorem pariter amandat, habentur, in memoriam sibi revocet, moneo.

Interca

Interea notare decet, ex ingredientium locatione, prout in hac *secunda Pharmacopœia Augustana reformatæ* editione adducitur, facile quempiam arbitrari posse, ac si *semen aqua paralyseos, semen salvia, betonica & florum tilia*, atque in satis magnâ quantitate, in præsentem compositionem recipi deberent, dum Zvelferus scribit :

Rec. Sem. Sileris montani,

Pœonia,

Fœniculi ana drachmam unam.

Aqua Herb. Paralyseos,

Salvia,

Betonica ana libram unam,

Florum Tilia libram unam sem. &c.

In Augustanorum autem Dispensatorio genuino, hæc ita exprimantur :

Rec. Sem. Sileris montani,

Pœonia,

Fœniculi ana drachmam unam,

Aqua Herb. Paralyseos,

Salvia,

Betonica ana libram unam,

Florum Tilia libram unam semis. &c.

Mel, & butyrum quòd in hanc *Langij Aquam* recipiantur, dum putat, Zvelferus, se ipsum decipit.

Augustani enim non *Confectionem Anacardinam* ipsam, sed tantum, *Species Confectionis Anacardina*, recipiendas esse, innuunt; nimirum *myrobalanos chebulos, emblicos, belliricos, & indos, piper nigrum, longum, castorium, costum, anacardia præparata, cyperum &c.* quibus si *butyrum*, atque *mel* commisceatur, non amplius *Specierum*, sed ipsius *Confectionis* nomine insigniuntur.

Et licet unaquæque dosis pauxillum de uno vel altero ingrediente recipiat, illud tamen pauxillum, cum reliquorum ingredientium pauxillo conjunctum, quamlibet dosin satis efficacem reddit, ut mirabiles edere effectus valeat.

AQUÆ NEPHRITICÆ D. D. JOHANNIS GEORGII
BRENGGERI pag. 302. animadversiones non immeritò eruditis nau-
seam movent, qui mirantur, virtutem nephriticam Aquæ hujus tam impru-
denter impugnari.

Non equidem diffiteor, multa huic compositioni inesse, quorum vir-
tus magnâ ex parte, destillatione illâ, in residuo maneat; interea tamen nihil
planè ex illis ascendere, uti supra, iterum nego.

E residuo extractum parare, unicuique per Augustanos licet; qui tamen hoc in loco tantummodo Aquam, cui dein à Medico, ubi præscribitur, extractum proprium, (secundum Zvelseri consilium, unde tamen nauseosum satis evadit remedium) vel aliud aliquod conveniens medicamentum commisceri posse, neminem fugit, describere voluerunt.

In *Append. animadvers. pag. 42.* I. Speciebus, destillationem commendatam respondentibus, etiam radices petroselini, semen milij solis, & urtica, baccas alkekengi, succos fragorum, veronica, radicem pimpinella, adnumerat; & ipse tamen *Pharmacop. Reg. pag. 195.* ad destillationem *Aquæ asthmaticæ, radicem pimpinellæ; pag. 196. Aquæ antiscorbuticæ, semen urticæ; & pag. 197. Aquæ cordiali temperatæ calidæ, aquam fragorum,* quæ pars est succi fragorum, infert. Pro *Aquâ nephriticâ pag. 204. aqua petroselini ex toto,* & consequenter etiam è radice, destillata, semen milij solis, & baccæ alkekengi (halicacabi nomine donatæ) adducuntur. *Sirupum Augustanorum è succo veronica & saccharo compositum, per destillationem conficere, in Classe primâ animadversionum præcepit.*

An ergo & has Zvelseri compositiones Virorum eruditorum oculis indignas, nec aliâ, quàm Vulcani luce dignissimas, dicamus?

II. Augustanos tales species in Siruporum, Decoctorum, & Electuarius præparatione coctioni submisisse, objicit. Verùm non existimarunt Augustani, quòdaliquæ subtiliores partes ibidem non avolent; sed eas tantopere non curarunt, residuis, & fixioribus contenti.

Aliud enim est, aquam desiderare; aliud Sirupum, Decoctum, vel Electuarium.

Quin eundem nodum in *Pharmacopœiâ Regiâ* deprehendo. Plurimæ enim species, quas in Siruporum, Electuarius & Decoctorum nonnullorum præparationibus, violentâ coctione exercuit, in *Classè decimâ quintâ de aquis &c.* etiam destillationi adaptavit.

Exemplum suggerunt: radices apij, enule, petroselini, pimpinellæ, herba hyssopi, ruta muraria, semen apij, thlaspius, baccæ halicacabi, lauri &c. Ut de herba rosmarini, melisse, baccis juniperi, corticibus aurantium, limonum, camlano aromatico &c. nihil dicam.

An horum quoque vires in decoctione non exhalare putavit; easdem autem in destillatione illâ, quæ multò minori ignis acrimoniâ peragitur, excipi à suis concretis, & destillationis beneficio exaltari posse, credidit Zvelserus? Certè, hæc & similia, Lector Benevole, considerans, Zvelserum, Augustanorum Dispensatorio animadversiones destinantem, in suam propriam *Pharmacopœiam* animadvertisse, fateberis, mecumq; totus miraberis.

In

In *AQUA USITATA AD OCULOS* pag. 303. non opus esse, arbitrat, ut ebullitio fiat in duplici vase, cum infusio & digestio in vase, vel phiolâ clausâ sufficiat, ne spirituosiores vini, & aqua rosarum partes coquendo exhalent. Verum ebullitio in duplici vase si ritè instituitur, vini, & aqua rosarum exhalationem fieri, non adeo facilè permittit.

Neque etiam si vase aperto fieret, unicâ tantum, vel alterâ ebullitione, quantum nimirum sufficit, magna & notabilis spirituosorum partium jactura timenda esset; nisi regula Zvelseri, aliquoties in Siruporum præparatione tradita, pariter in dispendium notabile partium spirituosorum, præparantem injiciat.

Cæterum solâ etiam digestionem Aquam hanc fieri posse, minimè nego. Ast hic præparandi modus alterum illum non tollit.

AQUAM ODORIFERAM pag. eadem adhuc præstantiorem, fieri posse, solum animadvertit, si herbæ, & flores recentes, atque loco aqua rosarum, spiritus earundem accipiatur; styrax autem, & ladanum, lignumq; aloës nodulo inclusa capitello vel ejus rostro, unâ cum moscho, & ambra, (si expetantur) imponantur. A floribus, & herbis recentibus odoratiorem, fieri aquam, quàm si exsiccata illa simplicia sumantur, negari nequit.

Quod tamen ut observetur, neque Augustani interdicit, vel contrarium præcipiunt; neque à Pharmacopœis, si fieri possit, intermittitur.

Unde hac animadversione præstantiorem conficere Aquam, Zvelserus minimè edocet.

Aqua rosarum quidem preciosus, & longè carior spiritus earum substitui potest, necessarium tamen haud est; præcipuè quia tali modo odor rosarum, qui in dimidiâ librâ spiritus est intensissimus, præ reliquorum ingredientium fragrantia, nimium persentitur, eamque obrundit; cum potius æquale quasi temperamentum inter illos odores esse, & ne unius odor, præ altero, notabiliter emineat, major gratia requiratur.

Si cui verò odor rosarum magnopere arrideat, illi Medicus spiritus, vel aqua rosarum additione, gratificari facilè potest.

Quin ipse Zvelserus suis *Aquis odoriferis* pag. 204. 205. Pharmacop. Reg. non spiritum, sed aquam rosarum destinavit.

Styrax, ladanum, & lignum aloës, sive alembico ejusve rostro, sive cucurbitæ immittantur, odorem suum emittunt.

Moschus verò, & ambra, in nodulo inclusa, & aquæ immissa, odorem suum eidem impertiuntur.

Nec stricte opus esse, illum cum styrace, ladano, & ligno aloës modum, præ hoc, eligere, vel ipse Zvelserus mihi testis est; dum enarrata simplicia,
non

non alembico imposita, sed unà cum aliis ingredientibus cucurbitæ injecta, in *Pharmacopœia Regia* diversis Aquis, destillationi subjecit.

Ligni aloës exemplum pag. 193. in *Aquâ antapoplecticâ*, atque pag. 207. in *Elixir vitæ cephalico* & *stomachico* ostenditur.

Styrax autem *calamita*, & *ladanum* pag. 205. in *Aquâ odoriferâ pro epithematibus cordis* & *pulsuum*, ope Balnei vaporosi, eodem modo destillantur.

Styracem quoque *calamitam*, in reformatâ præparatione *Aquæ cordialis temperatæ Augustanorum*, unà cum aliis speciebus in fundum vasis injectam, non verò, *ligno aloës* &c. junctam, alembico impositam à Zvelfero fuisse, deprehendo.

Ex AQUÆ PANACIS HERACLEI COMPOSITÆ pag. 304. ingredientibus, præstantissimam & efficacissimam Essentiam, è residuis scilicet à destillatione speciebus, cum spiritu vini extractum spissum conficiendo, illudque Aquæ destillatæ additum digerendo, & filtrando, parari posse, animadvertit. Utique hoc, ceu in præcedentibus quoque observavi, conceditur; nihil tamen virtuti Aquæ hujus, quæ hîc, non verò Essentia expetitur, inde derogatur.

AQUAM PHYSGONAM pag. eadem adprobat; scrupulum, tamen circa *seminis anisi* magnum satis pondus, videlicet *libras duas*, movet, quod, factâ comparatione ad reliquas species, & *vinum malvaticum*, proportionem excedere, putat; atque typographicum $\sigma\phi\acute{\alpha}\lambda\mu\alpha$ esse, & *uncias quatuor*, vel *quinque* ad summum sufficere, existimat. Vitium typographicum an dicere, debeam, nec ne? hæreo.

Interea Pharmacopœi nostri illud *librarum duarum* pondus *anisi* recipiunt; nec aqua ita destillata deterioribus inde pollet virtutibus; quin, fortior porro & efficacior, ad flatum, ventriculorum & intestina distendentes, discutiendos, redditur.

Nec tantopere *seminis anisi* quantitatem, reliquarum specierum, & *vinis malvatici* proportionem excedere, dici potest. *Vini* enim *malvatici* integræ *libra quatuor* sumuntur. *Semen* autem *anisi* baceos instar se habet, quam reliqua adjuncta simplicia adjuvant, odoreque suo, *anisi* odorem quodammodo infringunt.

In AQUAS STAPEDIANAS pag. 304. 305. animadversurus, Lectorem ad *Chylostagma Mindereri*, *Aquam cordialem temperatam*, & *Balsamum embryonum* &c. ablegat; ad quorum medicamentorum Examen oculis dirigere, Lectorem Benignum pariter rogatum volo.

Si infusa ex ingredientibus harum aquarum fiant, utilia inde alexiphar-

maca impetrari, haud ibo inficias; sed nec istæ Augustanorum duæ compositiones egregiis contra venenum pestiferum virtutibus destituuntur.

Circa AQUAM STOMACHICAM pag. 305. notat, efficacior em reddi, si cum extracto è residuis à destillatione speciebus nonnihil acueretur, vel *masliche*, *olibanum*, *myrrha*, & *lignum aloës* in petiâ ligata, alembici rostro in destillatione immitterentur. Sed necessarium haud est, hoc observare, quia spirituosior enumeratorum simplicium pars, etiamsi ipsi cucurbitæ, non verò alembici rostro immittantur, ascendit, atque virtute suâ Aquam nobilitat; crassior autem aliâs, ubi ab Augustanis, certo respectu, magni fit, parvi à Zvelfero penditur, & rejicitur.

Extractum è remanentiâ parare, cui animus est, haud culpari quidem debet; sed idem Aquæ destillatæ conjungere, nec necesse, nec semper consultum esse, judico.

Cum *Sirupo de cinnamomo*, & *de corticibus citri*, vel alio aliquo, ad saporem gratum conciliandum, edulcorationem Aquæ hujus instituere, tunc, ubi à Medico pro usu interno præscribitur, habito respectu ad ægri statum, commodius licet.

Sed miror, quòd Zvelferus hæc ab Augustanis exigat, quæ tamen ipse in *Pharmacopœiâ Regiâ*, sibi non constans, minimè observat.

Nam 1. species illas resinosas sæpius, non alembici rostro imponit, sed in ipsam cucurbitam immergit, & ita partem solum spirituosiorem, destillando, Aquis conciliat.

Sic in *Elixir vitæ cephalico* & *stomachico* pag. 207. *lignum aloës* reliquis speciebus permistum, non alembico impositum, destillat.

Idem cum *myrrhâ* pag. 208, in *Elixir antipestilentiali primo*, & *Essentiâ alexipharmacâ* observat.

2. Partium terrestriorum curam non semper agit. Prout in *modò citato Elixir cephalico* & *stomachico* nullam, ex remanentiâ parandi extracti, illudque Aquæ destillatæ conjungendi, mentionem facit.

3. Idem *Elixir* non edulcoratum usui reservat; dum internè cum *Sirupo*, vel *Julapiis*; *de foris autem sine his* in usum trahere illud, docet. Pariter *Aquam mastichinam stomachicam* pag. 202. *per se* exhibitam, vel *saccharo*, vel *Sirupo* aliquo conveniente edulcoratam, commendat.

AQUÆ THERIACALIS BEZOARDICÆ pag. 306. integritatem, *Examen Chyloflagmatis diaphoretici Mindereri* ob oculos ponit.

TINCTURÆ ROSARUM SICCARUM pag. eadem descriptionem satis claram exhibent Augustani; quam tamen Zvelferus in animadversionibus potius obscurat, quàm illustrat.

IN AQUA VITÆ COMPOSITA pag. cit. 1. *Lignum aloës gummosum & odoratum*, nec non *massichen*, cum *moscho*, & *ambra*, alembici rostro imponenda, aquam verò destillatam ultimò Sirupo aliquo, vel *Julepo rosarum* edulcorandam esse, repetit. Sed *lignum aloës gummosum & odoratum*, nec ineptè ipsis speciebus destillandis commisceri, præcipuè quia *spiritus vini*, qui iis superinfunditur, odorem eorum optimè secum in alembicum evehit; nec à Zvelfero semper ita tractari, ex antecedentibus patet.

Ambra verò, & *moschus* sive inter destillandum alembico imponantur; sive destillatæ jam *Aquæ vitæ* immergantur, parùm refert; dum utroque modo odorem, & virtutem suam in Aquam emittunt.

Aquæ vitæ quovis tempore, quando in usum trahitur, cum conveniente Sirupo, vel Julapio &c. si ita opus sit, edulcorari potest.

2. In assignato *florum salvia* pondere, nimirum *librà unâ*, vitium typographicum commissum esse, suspicatur. Quod si fuerit, (certi enim nihil constat) ista tamen *florum* quantitas, nec præparationem sive destillationem *Aquæ* hujus impedit, nec virtutes ejus infringit, sed potius exaltat.

AQUARUM DESTILLATARUM CUM, & SINE VINO pag. 307. animadversiones exorsus, eas non duntaxat recensere, sed accuratius de illis & distinctius agendum esse, arbitrat. Verùm prout *Aquas* has simpliciter, ex recentibus nimirum vegetabilibus in M. B. vel per vesicam &c. additæ etiam, si opus, aquâ communî, destillare, vel mulierculæ, ne dicam, exercitati Pharmacopœi, norunt: ita in specie easdem tractare, opus minimè fuit.

Paucos autem, vel nullos adhuc fuisse viſos, Zvelferus, quosvis præ altâ suâ sapientiâ carpens, deblaterat, qui de his quidquam dilucidè, quod animum veritatis & discendi avidum satiare posset, scriptis commendârint. Ast contrarium vel modicè in scriptis medicis versato patet; ut ita non. solus ille Zvelferus, materiam hanc tractâsse, dici possit; quin multa ex aliis Autoribus desumta, suis hisce animadversionibus eum inseruisse, certum sit.

Interea, plurima non rejicienda præsentî suo discursui ipsum immiscuisse, quilibet mecum fatebitur; quem breviter nunc percurrere, placet.

Regnum minerale, cujus perluſtrationem primò adgreditur, quod concernit; metalla, lapides, gemmas, & similia perperam destillationibus incucurbitâ, adfuso insuper liquore, committi, ipsum etiam *Danielem Sennerium* jam docuisse, reperio; dum *lib. 5. Institut. medic. part. 3. sect. 3. cap. 5.* scribit: Circa hujus aqua (*Carbunculi* scilicet) & *similium* compositionem notandum, majores nostros *Chymia* nondum satis peritos frustra pretium salium aquarum additione auri, perlarum, coralliorum, gemmarum & *similium* auxisse,

non verò ipsas aquas meliores fecisse, sed quod pretiosissimum est, cum fecibus abieciſſe. Neque enim quicquam de auro, de margaritis, coralliis, C. C. & ſimilibus, quod alicujus momenti ſit, in alembicum aſcendit, ſed in cucurbita talia omnia integra remanent, & cum fecibus abiciuntur. Itaq; quæ ſine his parantur aqua, ejusdem ſunt efficacia.

Pariter ibidem, paulò inferiùs, coralia, margaritas, aurum, & ſimilia, ita fixa, & compacta eſſe, monet, ut eorum vis Balnei calore extrahi, in altum elevari, & in aquam deſtillatam transfundi nequeat.

Nec diſſimilia in *Paralipomen.* ad hoc caput profert.

Cæterùm è mineralibus ſimplici deſtillatione nihil quidquam elici, tam ſimpliciter non conceditur.

Obſtat enim *vitrioli* phlegma, quod purè aqua elementaris dici nequit.

Quin aliqua, nec prius digeſta, cohobata, vel menſtruo debito adſociata, in alembicum aſcendere, paulò fortiori igni concredita, *Mercurius*, *ſal ammoniacum* &c. commonſtrant.

De animali regno diſſerendi anſam ſuppeditavit *Balsamus embryonum*, & *Aqua caponis*; ubi Aquas è carne animalium deſtillatas, non omni carere virtute confortante, oſtendi.

Vim autem excellentem nutritivam, propriè dictam, ipsis propterea non adjudico.

Imò hanc virtutem nutrientem plurimè Medicorum jam olim in dubium vocarunt; quod clarè ſatis *Sennertus Inſtitut. l. c.* exemplo ſuo, teſtatur.

Cui *Guilielmus Fabricius Hildanus* adſtipulatur, atque conſimiles Aquas deſtillatas revera parùm nutrire, expertum ſe eſſe, *cap. 24. de ichore* & *meli-ceriâ acri Celſi*, fatetur.

In regno vegetabili triplicem ordinem ponit vegetabilium: 1. illorum, quæ, aduſo liquore, potiorem ſuam eſſentiam & virtutes unà cum ſapore & odore per Alembicum tranſmittunt, ac inſipida in reſiduo remanent, ſolo ſale fixo (quod opera præcium eſt aſſervare) prægnantia, uti cinnamomum, caryophylli, aniſum, carvum, fœniculum. Utique ab omnibus hæcenus conſeſſum hoc fuit; quatenus potiores, non omnes, vires iſtis Aquis deſtillatis ineſſe, ſtatuitur.

2. Ordo ſe offert illorum, quæ odorem duntaxat aquæ deſtillatæ imprimunt, non verò ſaporem, in quorum ſerie amara & dulcia deprehenduntur; exempli loco *abſinthium*, *opium*, *tanacetum*, & *roſas* adducit; dulcium autem nullum proponit,

Olea quidem enumeratorum destillata aliquali ipsorum sapore imprægnata esse, concedit, non tamen æquè manifesto, ac superiorum Aquas. Unde similes Aquas, utcunque odoríferas, integris dictarum plantarum viribus ditatas esse, dubitat. Verùm uti primi ordinis Aquæ potiorum tantum rerum, è quibus destillatæ fuerunt, virtutes continent : ita pariter hisce omnes vires suorum simplicium inesse, dici nequit.

Impressum verò esse his omnibus odorem duntaxat, non saporem, *Aqua absinthij* non admittit ; cuius insuper vegetabilis oleum non aliquali, sed manifesto sapore amaro absinthiaco præditumprehenditur.

3. Ultimum ordinem complent vegetabilia, quæ neque odorem, neque saporem suum, sed aquam duntaxat inspidam, communi similem, destillatione per alembicum fundunt. Quare ea ad similes destillationes planè inhabilia, & inepta pronuntiat. Ast Aquam odore, & sapore destitutam, communi aquæ mox comparare non debuit Zvesferus, qui Aquam animalium vivificam, inspidam, ac inodoram, & tamen efficacissimam esse, docuit.

Multa dari, quæ simplici tali destillationi ut adcommoventur, inepta sunt, *Sennertus* quoque l. c. monuit.

Quamvis si cum debito aliquo menstruo specierum digestio, fermentatio, vel alia conveniens præparatio accedat, tam fixa dici nequeant, ut aliquid virium Aquæ destillatæ non communicent.

Quin etiam simplicia aliqua, huic Classi inserta, odorem, licet exiguum, & vix perceptibilem Aquæ, si destillantur, impertiri fatetur, & ita non simpliciter omnium illorum Aquæ, similes communi iudicandæ erunt.

Majores tamen vires in residuo manere, nemo est, qui ambigat.

Cæterum Examen præcedentium Aquarum consulatur.

Myrobalanorum, polypodij, & passularum minorum, quæ pariter in fixorum serie aliàs à Zvesfero ponuntur, destillationem in *Sirupi de polypodio* animadversionibus habet.

Salis tartari, quod est fixissimum, simplicem cum vino destillationem in *Decocto aperitivo primo Pharmacop. Reg. pag. 85, & Decocto hydragogo pag. 89. &c.* tradit ; quamvis *pag. 246.* tali *salis tartari* destillatione, ridicula magis somnia neminem sibi facile obtrusurum, & universam *salis tartari substantiam* in fundo alembici defossam reperiri, post multas etiam & operosas destillationes, scribat.

Purgantia, sive cathartica virtutes proprias aquæ destillatæ non impertiri, manifestissimum esse, iudicat ; & tamen *Pharmacop. Reg. pag. 206.* Aquam purgantem in B. V. destillare, docet ; ubi quidem, ope cohobationis, & fermentationis, si non omnes, majori ex parte tamen illorum vires subtiliores impe-

impetrari, statuit. Verùm digestionis, non autem fermentationis, in descriptione præparationis dictæ *Aquæ purgantis*, mentionem facit.

Si tamen conveniunt, Augustanorum quoque *Aquæ*, per digestionem aliquot dierum paratæ, similiter fermentationem subiisse, atque ita per insequentem destillationem aliquid virtutis è fixis speciebus elicuisse, dici debent.

Cohobationem autem nihil huc conferre, *animadversiones in Aquam antimelancholicam Dn. D. Tob. Fischeri* evincunt; ubi vel decies repetitam in M. B. cohobationem nullius valoris esse, proclamat.

Quare vel in *Aquâ illâ purgante* cohobatio, à Zvelfero instituta, est inutilis; vel in modò adductâ *Aquâ antimelancholicâ* cohobatio, à Zvelfero reprobata, utilis existit.

Si Augustani tali methodo paratam *Aquam purgantem* Dispensatorio suo inseruissent, malè dubio procul à Zvelfero mulctati fuissent.

Virosi aliquid ex vehementioribus catharticiis elici, quod nauseam, & in magnâ quantitate sumtum, aliquam ventris perturbationem excitare, possit, aliqui Recentiorum Medicorum concedunt; qui tamen, fallacibus istis Aquis rejectis, tutiora rectius eligunt.

Aquas stypticas dari, pariter negat. Et utique illas tam insigni adstringendi vi pollere, qualem, si in substantiâ vel decoctione adhibeantur, possident, dici minimè potest; nihil tamen, quod adservare operæ precium foret, per alembicum ex ipsis elevari, negatur.

Et quæso, cur Zvelferus in *Secreta sua Mixtura*, in *animadversionibus Aqua mercuriata Augustan.* communicatæ, præparatione, *Aquam plantaginis*, vel *millesfolij*, vegetabilium utpote adstringendi virtute præditorum, usum admittit?

Discurfus, de quorundam Chemicorum, Aquas simplices ex succis, proprio suo sale acuendas, destillandi modo &c. cum Augustanos propriè non petant, transilio, & me confero ad

VINA MEDICATA pag. 308, quæ sive analogicè, sive propriè hoc nomine veniant, parùm refert.

Ea autem destillationibus planè non adcommodata esse, perperam adferitur; de quo in *Aquâ cordiali temperatâ* actum jam fuit; & hinc sine ratione repeteretur.

ACETUM DE LITHARGYRO pag. 314. extractionem salis Saturni, vel plumbi nominat; cum tamen Saccharum Saturni, quod ejusdem cum Aceto hoc est prosapiæ, non sal, sed solutionem Saturni esse, ipse pag. 70. Append. ad animadvers. ostendere conetur.

Reliqua ACETA COMPOSITA & SIMPLICIA efficaciora atque durabiliora evadere, putat, si *aceti simplicis* loco, *destillatum* substituat; quia majori vi penetrandi, & extrahendi pollet, nec tam citò, uti reliqua, corrumpitur; ut ita labor destillationi ejus impensus, ratione diuturnioris integritatis, insigni lucro compensetur. Ast uti *acetum destillatum* rejicere, non decet: ita nec *acetum simplex* parvi pendii debet.

Ab illo efficaciora *Aceta medicata* evadere, maximè dubium adhuc relinquitur; de quo *Examen Sirupi acetosi simplicis* consuli potest.

Non tantùm ratione volatiliùm acidorum spirituum, sed etiam ob suum innatum tartarum, *acetum vulgare* penetrat, quod etiam, quia *acetum destillatum*, extrahendi vi pollet.

Licet durabiliora à destillato fiant *Aceta medicata*, propterea tamen, hanc adhibere, nulla cogit necessitas. Illa namque *Aceta*, quæ cum *vulgari aceto*, optimo, acerrimo, prout par est, conficiuntur, & ab aëris injuriis probè muniuntur, satis diu incorrupta persistere possunt; præcipuè cum Pharmacopœi rarò majori in quantitate *Aceta* talia parare soleant, quàm quantum dispensationi necessaria per aliquod tempus sufficiat; quò ita recentia semper in Officinis illa prostant.

Hac ratione etiam Zvelserus compositionibus suis ferè nunquam vinum purum, sed *spiritum ejus* admiscere, debuisset; cum ab hoc efficaciores & durabiliores redderentur.

Utrùm labor, nec non sumtus, destillationi *aceti* impensi, dum diuturniorem integritatem *Acetis* conciliant, insigni lucro compenentur? Pharmacopœis decidendum sisto, qui *acetum destillatum* multò majori precio, quàm vulgare illud, licet optimum, venire sciunt; *Aceta* autem *medicata*, in debitâ quantitate cum hoc vulgari parata, satis diu incorrupta persistere, eorumque præparationem, quæ mediante infusione tantùm peragitur, absque singularibus sumtibus fieri, norunt.

Tandem Lectorem Amicum monitum volo, in priori Pharmacopœia Augustana reformatæ, sic à Zvelsero dictæ, editione, Animadversiones in *Aceta* tribus paragraphis fuisse traditas, quorum tamen secundus in alterâ ejusdem Pharmacopœia editione (nescio, an Typographi culpa?) omissus fuit; quem igitur huc inserere, necesse duxi. Sic autem se habet: *Acetum Scilliticum* ego maximi facerem, si secundum mentem & auctoritatem Galeni paratum esset, nimirum sine precedenti assatione vel coctione Scilla, utpotè quæ non tam præparatio, quàm destructio ejusdem est, quàm etiam in Loboch de Scilla Galeni aliquot rationibus improbari; nunc vero cum expressa Galeni auctoritas sese offerat, quod cruda Scilla cum aceto extracta tanto cum emolumento fuerit usurpata,

usurpata, illam ceu planè inutilem totaliter rejicio, & quidem meritò. Etenim assatione vel coctione hâc inutili nihil aliud efficitur, quàm quod subtiliores & penetrantiores Scilla partes prorsus annihilentur. Verùm Zvelferus, qui Veterum Medicorum auctoritatem aliàs omniâ contemnit, Galeni patrocinio frustrâ se concredit; præcipuè quia non tantùm crudâ, sed etiam præparatâ Scillâ Galenum fuisse usum, eximiasque vires utrique adscripsisse, constat.

Nulla autem est consequentia: Scilla cruda magno cum emolumento fuit usurpata; Ergo scilla præparata planè inutilis est.

Hac ratione & ego argumentari possem: Scilla præparata magno cum emolumento fuit usurpata; Ergo scilla cruda planè inutilis est.

Zvelferum bolum armeniam præparatam, & non præparatam in Pharmacopœiâ Regiâ commendâsse, in Trochiscorum de scillâ examine monui.


Ubi etiam scillam præparatam Zvelferum adhibere, ostendi.

Assatione, scille partes subtiles ac penetrantes prorsus annihilari, negatur; has enim aut nullas, aut exiguas admodum ipsi inesse, odoris absentia, ex Zvelferi fundamento, evincit.

Animadversiones in Lohoch de scillâ Galeni volvi ac revolvi; ne unicam tamen, ut non dicam, aliquot, rationem, qua scilla assatio improbatur, invenire potui; sed tantùm sequentia ibidem scripta deprehendi: Lohoch è succo Scillæ, & de Scilla compositum possunt secundum artem & Pharmacopœorum judicium præparari. Et hoc est: scille præparationem aliquot rationibus improbare,



RESTI-



RESTITUTA

CLASSIS DECIMA SEXTA,

Olea cocta & expressa exponens.

DE *Oleis coctis* in genere notat Zvelferus, se illam vulgarem coctionem indiscriminatim admittere haud posse; cum in ea herbarum, balsamicarum, aut florum, nec non aromatum vis, in subtilioribus eorundem partibus consistens, ceu summè volatilis, quàm citissimè expiret. Cui itaque simplicem digestionem, aut quamlibet insolationem præfert. Et licet olea omnia rancorem faciliè contrahant, si humiditate, aliquà heterogeneâ (quæ nimirum per coctionem tollitur) permixta sint, aut fecibus aquosis scateant, eis tamen, mediante digestionem, subsidentem, aquositatem demere laborat; vel coctionem quasi destillando instituere, præcipit, ut prodiens fragrans humiditas oleo residuo reddatur, cum eo digeratur, iterumque per inclinationem separetur. Hæc quatenus Olea, quæ spirituosâ virtute pollere debent, respiciunt, non planè rejici possunt; quid tamen circa hanc materiam monendum sit, speciales in Olea animadversiones ansam adducendi subministrabunt.

Hic tantum ad Olea, balsamico odore herbarum, florum, & aromatum prædita, per insolationem paranda, Lectori illa adplicare placeat, quæ idem Zvelferus *pag. 107. animadversionum* contra *Pilulas aloëphanginas*, insolatione conficiendas, protulit; ubi solem aromata, ad ejus radios in vitreo vase digesta, subtilioribus aromaticis virtutibus *omnimodè spoliare*, adseruit. Idem ergo hic quoque, in Oleorum aromaticorum, vel fragrantium insolatione, timere debuisset.

In specie, plurimorum ingredientium **OLEI DE CASTORIO** JACOBI DE MANLIIS *pag. 318.* virtutes potiores & subtiliores coquendo exhalare, animadvertit. Utique verum hoc est; nec diffiteor, partes illas, quæ coquendo, imprimis cum largâ satis *vini* quantitate, exhalant, utiles admodum esse, & dignas, quæ in Oleo hoc conserventur.

Quaquam per cocturam istam paratum non omnibus virtutibus illud destitui, observari simul debeat.

Vinum, quod 1. objicit Zvelferus, *nunquam oleo verè commisceri posse*, nemo est qui ambigat; verum neque *hoc vino semper supernatat*, ceu idem vult Zvelferus; sed in coctione cum oleo confunditur.

2. Si *oleum* supernatet, ipsi tamen quid de eo, quod *vinum* extraxit, communicari, etiamsi hoc totaliter per evaporationem non abstrahatur, fundamentum, superius à Zvelfero jactum, confirmat; ubi liquorem, spirituosâ ingredientium parte insignitum, *oleo*, si cum ipso jungatur, & digeratur, vires suas impertire, innuit.

3. *Vini unciam unam* & alteram ad hujus, aliorumque *Pharmacopœie Regiæ* Oleorum, præparationem à Zvelfero admitti, miror; dum *vinum* nunquam *oleo* verè commisceri, aut ipsi virtutem extractam communicare, docuit.

Huc etiam OLEUM ARANEARUM MINDERERI pag. 317. nec non OLEUM COSTINUM MESUES pag. 318. trahit.

OLEI JASMINI pag. 319. aliorumque similium odoratorum, florum, præparationem, secretiori modo instituendam, promittit, videlicet *flores jasmini* &c. cum *amygdalis dulcibus* excorticatis, ac nonnihil siccatis, vel, quæ ad rancorem olei inhibendum præstat, *balano myrepsicâ*, sive *grano ben officinarum*, aut *oleo ejusdem*, gossypio excepto, stratificando, flores altero die segregando, & cum novis recentibus floribus stratificationem cum iisdem *amygdalis* &c. aliquoties repetendo, tandemque fructus dictos, vel gossypium exprimendo. Quem modum ab Italis in secretis haberi, scribit. Utique si quis odoris solius, & voluptatis causâ, Olea ista parare præsumat, modum hunc, præ illo Augustanorum, amplecti is debet.

Sed nos medica tractamus, uti Petr. Poterius, de consimilibus Oleis agens, loquitur.

Dispensatorium nostrum non voluptati, & delitiis, sed sanitati potius dicatum fuit; quæ, ubi frigida intemperie premitur, (hoc enim in casu ab Augustanis *Oleum jasmini* commendatur) non propriè odorata *florum jasmini* effluvia, sed terrestriores ejusdem, magis excalescentes, partes desiderat; atque hæc cum in illo Italorum odorato Oleo non deprehendantur, haud immeritò *infusio nobis magis*, cum Poterio, arridet.

Quod verò ipsum modum attinet, eum frustra pro secreto aliquo nobis obtrudere, Zvelferus tentat, qui, eundem, ab Italis etiam, aliisque satis clarè jam dudum descriptum fuisse, nec inter arcana ideo haberi debere, scimus.

Sic

Sic *Alexius Pedemontanus* part. 1. lib. 2. de secretis, & part. 2. Olea fragrantia, per stratificationem florum odoratorum, & amygdalorum dulcium, vel seminum melonum, parare, edocuit.

Hunc *Conradus Gesnerus* part. 1. *Theauri remedior. secretor.* imitatus fuit; ubi triplicem Olea conficiendi rationem tradidit: 1. vulgarem illam, atque antiquiorem *Dioscoridis*, per florum in oleo insolationem; 2. per expressionem, tum absque artis auxilio, uti in *balano myrsicâ*; tum levi præcedente in vino maceratione &c. uti in siccioribus, in *nuce moschatâ*, aliisque aromatibus; quod etiam flores odoratos, qui olei carent substantiâ, retulit, quos proposito jam modo, scilicet per repetitam eorum stratificationem cum amygdalis decorticatis, & paululum tostis &c. in oleum redegit; atque hoc ipsum aliquot exemplis, nempe in floribus aurantium, rosarum damascenarum, jasmini, parte 2. illustravit.

Similiter *Petr. Andr. Matthioli* com. in lib. 1. *Dioscor. cap. 66, Oleum jasmini* simili ratione elaborandi artificium descripsit.

Petrus Poterius quoque *Pharmacop. spagyr. lib. 3. sect. 4.* flores citri, aurantium, violarum, liliorum convallium &c. cum seminibus ben, vel amygdalis, aut etiam gossypio, quod dictorum seminum oleum aliquod prius imbibit, stratificando, atque ultimò semina, vel gossypium exprimendo, eorum Olea conficere, docuit.

Pariter *Oleorum odoratorum, jasmini* &c. eadem methodo, cum gossypio, vel lanâ, tenuissimè carptis, vel chartâ bibulâ, oleo de ben irrigatis, accuratissima præparatio traditur à *Tobiâ Aldino* cap. 6. *Descriptionis rariorum plantarum Horti Farnesiani.*

His itaque potius, aliisque secreti illius artificij Myropolarum Italorum communicationem, quàm Zvelfero, debemus.

Ubi tamen duplex incommodum Oleis similibus, cum ipsis amygdalis, vel fructibus ben paratis, imminere, ex citato *Aldino* patet; dum 1. nucleos ben superfluum quandam humiditatem à floribus imbibere tradit; unde mucorem & fœtorem acquirunt.

2. Nucleos ben, licet in quatuor vel quinque partes divisos, odore florum in superficie tantùm imbui, notat; unde Oleum hinc expressum, non ita odoratum, nec quod diu odorem servat, profurgit. Multò minùs ergo odoratum satis oleum amygdala integra, qualia à Zvelfero sumuntur, suppeditabunt.

In OLEO LILIORUM ALBORUM COMPOSITO MESUES pag. 320. maximos, & absurdos, ob aromatum, cum oleo, & antequam huic adduntur, coctionem, committi errores, nihilque præter crassiores aroma-

aromatum partes in residuo manere, expulsi subtilioribus, & fragrantioribus, seu efficacioribus, objicit. Verum aliquas subtiles partes expelli, minimè nego; omnes evaporare, ita ut crassiores saltem aromatum partes remaneant, maximè dubito; præcipuè cum non magna aquæ copia, in qua macerantur & coquuntur aromata, requiratur, nec instituta coctio admodum violenta sit; quia nempe species cum aquâ paululum saltem coqui, & cum oleo aliquantulum bullire debent.

Præterea illæ ipsæ terrestriores aromatum partes virtutibus non contemnendis pollent.

Si quis verò omnes subtiles partes, majori labore & diligentia conservatas, Oleo huic conciliat, reprehensionem non meretur.

Aromatum loco, solis eorum destillatis oleis acquiescere, an è re sit, hæreo; cum & cariori ea veniant precio, & terrestrioribus utilibus partibus, quibus oleum pariter imbui potest, destituantur.

In OLEO LUMBRICORUM COMPOSITO pag. 327. coctis jam, & paratis Oleum, lumbricorum simplici, atque florum hyperici, ineptè vini uncias quatuor addi, animadvertit; quia vinum in coctione penitus iterum exhalare debeat, nec oleum jam perfecte coctum aliquid efficaciam aut virtutis communicare possit, sed multò magis ea virtutibus suis hoc modo diminuat. Ast ineptè utrumque oleum, hyperici, & lumbricorum, jam perfecte coctum hinc sumi, Zvelserus statuit.

De hoc enim verba Augustanorum ita se habent: *Rec. Ol. Lumbricorum* (ex lumbricis modò in oleo suffocatis, qui in cæmeteriis collecti fuere) recentioris uncias tres &c. Quo ipso non oleum lumbricorum jam perfecte coctum, sed quod adhuc coqui debet, sumendum esse, volunt; scilicet Oleum rosatum omphacinum, in quod modò lumbrici immissi fuerunt; quorum itaque virtus ut oleo communicetur, coctio instituitur, in cuius gratiam Augustani vinum adjungunt. Hoc igitur qua ratione aliquid virtutis Oleo huic communicet, elucescit; virtutes autem Olei magis ab eo diminui, probatione adhuc indiget.

Referri huc debet, quod Zvelserus de Oleis, ex animalibus vivis, v. g. lumbricis, conficiendis, in *Append. ad animadvers. pag. 43.* adducit; dum talia Olea violentioribus coctionibus non committenda, sed tantum in vitro bene clauso insolanda, vel alio modo digerenda esse, monet, ne spiritus eorum vivifici exhalent, & in auras pellantur. Verum tanti hæc animadversio non est; cum spiritus hujus existentia, & utilitas adhucdum lateat, atque in præscriptis à Zvelsero præparationibus, nimirum insolatione, vel digestionem, à fugâ coerceri, uti in coctione, nequeat.

Quia enim is debet esse penetrantissimus, fugacissimus, salinus subtilissimus, insolatione, vel digestionem faciliè vesicam, vel aliam materiam, cum qua vitrum clauditur, penetrat; præcipuè cum nullum, quo figatur, habeat retinaculum.

Et licet digestionem superaret, quia tamen ad diuturnum tempus integer adservari nequit, sensim exhalaret, suâque egregiâ (an fictitiâ?) virtute Oleum destitueret.

Conferatur Zvelseri *Oleum nervinum*, quod *Append. in Pharmacop. Reg. pag. 42.* & *Unguentum nervinum*, quod *Pharmacopœia Reg. ultimâ editione, pag. 282.* descripsit; ubi *lumbricorum terrestrium nobilissimum spiritum vivificum*, ebullitione institutâ, Oleum, & Unguentum nobile deferere, observatur; ibi namque simpliciter ebullitio præcipitur; hic verò, superimposito alembico, eadem celebratur; ubi tamen spiritum vivificum, & si quis alius spirituosus liquor elevatus fuit, residuo Unguento reddendum esse, haud exprimitur.

In OLEO MASTICHINO MESUES *pag. eadem, vinum omit-*ti posse, benè statuitur, cum *masliche* in oleo promptè dissolvatur.

Quamvis verò aliqua subtiliorum *massiches* partium cum *vino* exhalatio fiat, Oleum nihilominus virtute, & odore *massiches* sic satis efficax remanet, nec utentem spe suâ frustratur; multò minùs delirare dicendi sunt illi, qui hæcenus coctionem hujus Olei cum *vino*, ad imitationem Priscorum, instituerunt.

Ast circa simplicis hujus, *massiches* nempe, inutilem coctionem delirare (si hæc voce uti, liceat) quoque, dulce fuit *Pharmacopœia Regia Autori*, dum aliquoties *massichen* violentæ coctioni concedidit; cujus exemplum *Sirupus domesticus pag. 32, magistralis secundus pag. 36.* exhibent, ubi liquoris magna quantitas, in illo quidem ultra *quatuor libras*, exhalare debet.

OLEUM MOSCHELINUM NICOLAI ALEXANDRINI *pag. cit.* juxta modum *Olei liliorum alborum compositi*, additis scilicet oleis destillatis ex deputatis aromatibus, quorum vis & efficacia aliâ in cocturâ exhalat, confici posse, arbitratur. Verùm non adeo incommode secundum Augustanorum normam etiam paratur; ubi scilicet tanta fragrantium partium jactura non fit; id quod ejus præparatio comprobatur.

In primâ quidem coctione, quæ fit usque ad *vini* consumptionem cum *folio, myrrhâ, cassiâ, carpobalsamo, & bdellio*, major fragrantie jactura observatur; ast in secundâ, quæ instituitur, additis reliquis speciebus aromaticis, tantum non perditur, quia *parumper* solum coctionem fieri debere, innuitur. Prout ipse Zvelserus in *Unguento carminativo pag. 276. Pharmacop. Reg. nucem moschatam, styracem*, aliasque species balsamicas uni vel alteri ebullitioni submittit, sive *parumper coquit*.

Myrrha satis validam coctionem in Oleo purgante *Pharmacop. Reg. pag. 288.* subire, à Zvelfero cogitur.

OLEUM NARDINUM *pag. 322,* diminutà *vini & aqua* quantitate, secundùm modum *Olei de castorio, & liliorum alborum compositi,* parari debere, monet. Quod observare, per me cuilibet licet.

OLEO PAPAVERINO *pag. 323,* è capitibus, foliis, & floribus *papaveris* concinnato, oleum ex seminibus ejusdem vegetabilis expressum præfert. Cur autem hoc præferendum esse, arbitretur, causam non adsignat; licet, fortè majores virtutes huic, præ illo, adscribat.

Utrumque, tum præfens, per insolationem factum; tum è seminibus expressum, cujus quoque Augustani in Oleorum expressorum enumeratione mentionem faciunt, in Officinis locum habere potest; quamvis eundem in effectum conspirent.

Sic ipse Zvelferus Olea, *Hypnoticum, Carminativum, Purgans, & Stomachale,* per infusionem concinnata, in *Pharmacopœià Regià* proponit; & nihilominus Olea, *Hypnoticum,* nimirum *seminis papaveris, Carminativum, Purgans, & Stomachicum,* per expressionem facta, pariter adponit; quæ tamen etiam majoris, minorisve efficaciæ ratione differunt.

Circa OLEUM DE PIPERIBUS MESUES *pag. eadem ad Oleum de Castorio* Lectorem remittit.

In OLEO POPULEO NICOLAI ALEXANDRINI *pag. cit. vini* additionem iterum involat, & oculos *populi* resinosos atque oleaginosos esse, scribit, qui faciliùs oleo soli vim suam communicare possint, quàm si vinum adjiciatur; quod non solum unionem oculorum *populi* cum vino prohibeat, vel remoretur, sed etiam in coctione subtiliores eorum partes secum in auras rapiat. Verùm additio *vini* necessaria est, tum pro meliori gemmarum *populi* extractione, tum ne eadem, cum solo oleo coctæ, tam facile, quod *Pharmacopœi* verentur, comburantur.

Neque omnem illum oculorum *populi* odorem evanuisse, Oleum post coctionem exantlatam testatur.

Quamvis adsignatam *vini* quantitatem diminui posse, haud inficiari ire velim.

Interea nec Zvelferum dictarum gemmarum fragrantia curam ritè semper egisse, *Unguentum populeum Pharmacop. Reg. pag. 285.* edocet, in quo nimirum earum libra duæ coctioni submituntur.

In OLEIS ROSATIS aliud nil animadvertit, quàm quòd VULGARE, & OMPHACINUM, COMPOSITO MESUES, minùs

artificiose composito, præferat. Sed in quonam hujus compositio censuram mereatur, haud video.

OLEUM SCORPIONUM MAGNUM MATTHIOLI *pag. 325.* pomposè descriptum longè compendiosiori viâ, paucioribus infusionibus, nec non breviori tempore, parari posse, opinatur; cùm nihil obstat, cur sex, vel novem, aut plures herbarum, vel florum manipuli simul & semel *oleo* immergi nequeant, ita ut tantùm quatuor, vel quinque infusiones in universum fiant. Plures, quàm novem, herbarum, vel florum manipulos *libris tribus olei* destinare, nimium esse videtur.

Si tamen hac ratione sufficientem extractionem fieri, quis putet, compendium monstratum per me arripiat, cùm sic eodem res recidat, nec medicamenti virtus immutetur.

Quamquam medicamenti alicujus preparatio, modo prolixiori instituenda, mox ironicè pomposa descriptio si dici debet; eandem commendationem Zvelferi nonnullis medicamentis competere, quis dubitet?

Testimonij loco saltem adduco, quæ superiùs *pag. 30. & 31. de aqua cinnamomi, aqua rosarum*, nec non *vinii* repetitâ destillatione, quæ unicâ vice absolvi poterat, monui; ubi sanè longè compendiosiori viâ, paucioribus destillationibus, atque breviori tempore labor tractandus fuisset.

Pariter si quis methodum, in *Unguento nervino, pag. 353. animadvers.* à Zvelfero monstratam, sequatur, adhuc longè compendiosiori viâ, paucioribus infusionibus, nec non breviori tempore, Oleum hoc parare possit; ita ut, neglectis illis quatuor, vel quinque infusionibus, pomposis ideo dicendis, totum negotium unâ, vel duabus infusionibus in universum absolveret.

Illud, quod in digestionibus, aut ebullitionibus, si in cucurbitâ cum alembico fiant, transit, residuo *semper* readfundendum esse, quod vult Zvelferus, quia nec multum, nec magnarum *semper* est virtutum, admodum necessarium esse, haud existimo.

In OLEO SCORPIONUM SIMPLICI MESUES *pag. 326.* parcam nimis *scorpionum* quantitatem *pag. 43. Append. animadvers.* carpit, atque illorum *triginta* loco, *ducentos olei amygdali libris duabus* immergi posse, arbitratur. Possè quidem hoc fieri, non impugno; imò plures successivè immergi possunt; sed adeo necessarium hoc non est; quia illud, *Mesues* modo paratum, efficax sic satis esse, constat.

OLEUM STOMACHICUM CRATONIS *pag. 326.* Augustanorum modo paratum, exiguas minusque valentes in roborando stomacho virtutes obtinere, contra experientiam statuit, duplici ratione, innixus:

1. Quia cum *vino* præstantiores aromatum, & reliquorum ingredientium partes exhalent. Ubi quidem negari nequit, non levem partium spirituosiorum jacturam fieri, quæ tamen tanta non est, ut eximiis virtutibus Oleum privare queat.

Qui verò, præter terrestriores ejus partes summè utiles, eidem plures subtiliores adjungere voluerit, ille vel qualibet vice, pro variâ conditione ægroti, oleorum destillatorum additione, commodè hoc obtinere poterit. Quod uti Medicos prudentes non latet, atque ab iisdem nonnunquam observari, formulæ Eorum in Officinis prostantes comprobant: ita plura verba de hac materiâ facere, supervacaneum esset.

2. Quia *oleum olivarum*, propter suum lentorem, & unctuositatem, pro extractione vegetabilium satis aptum menstruum non sit. Quod iterum contra ocularem fidem adserit; ac mox, sententiæ suæ oblitus, *Oleum absinthij*, trinâ infusione, & maceratione paratum, præscribit.

Imprudenter itaque etiam *oleum olivarum* in *Pharmacopœiâ Regiâ* pro majori Oleorum suorum, è vegetabilibus conficiendorum, parte destinasset. Ut alia, quæ hîc adduci possent, fileam.

OLEUM EX STYRACE pag. eâdem, diminutâ vini quantitate, etiamqi parari posset, adeo tamen necessarium haud est; cum fragrans illud, quod cum *vino* exhalat, tantarum virium haud esse queat.

Ubi Lector Benevolus *resina styracis* in *Theriaca animadversionibus* traditam à Zvelsero præparationem sibi in memoriam revocet; in qua *styrax* cum largâ satis *vini*, vel *aqua rosarum*, ut & *spiritus vini rectificati* quantitate solvitur, ac *resina*, separatis modò dictis liquoribus, fragrantibus *styracis* atomis refertis, indè producta, ipsis *styracis gravis* electis, fragrantibus, præfertur.

CIRCA OLEA EXPRESSA, ut *Pharmacopœi* sibi caveant, tantum monet, nè *olea expressa*, preciosiora, uti *nucis moschata*, à Mercatoribus coëmant, sed propriâ industriâ ipsi conficiant; quia ista ut plurimum adulterata divenduntur. Sed animadversionem hanc periti & celebriores *Pharmacopœi*, tanquam intempestivam nimis, rident potius, quàm admittunt.

Namque *oleum nucis moschata expressum* variis impostorum fraudibus expositum esse, ipsi non ignorant, atque jam dudum observârunt. Quas tamen fraudes non difficulter, tum diligenti inspectione imposturam declinando; tum, magnâ hujus olei quantitate dum indigent, proprio Marte illud exprimendo, effugiunt.

RESTI-

RESTITUTA

CLASSIS DECIMA SEPTIMA,

Unguenta proponens.

UNGUENTA perlustraturus, quæ de ipsis in genere, pag. 44. *Append. ad animadvers.* producit Zvelferus, paucis prius excutere, decrevi.

Ibi enim, succorum vegetabilium coctione, sive exhalatione, ab Oleis reprobata, ipsas herbas, vel flores competente pondere substituentos esse, censet.

Quia I. succi, ex odoriferis præsertim expressi, eandem cum ipsis suis vegetabilibus non redolent fragrantiam, neque virtutes integras continent, præsertim si externè admovendi sunt. Sed Respond. 1. quòd equidem negari nequeat, in expressis vegetabilibus aliquam virtutis eorum partem remanere; sed neque omnem hanc semper expeti, neque ut strictè expectatur, necesse esse, è pluribus locis *Pharmacopœia Regia*, quam in ejus præfatione normam & ideam esse, scribit, ad quam alia Dispensatoria conformari possint, demonstrare, facile esset.

2. Si illa ab expressione remanentia, *sicca, terrestrior, adstringens &c.* pars; succus verò expressus, *pars liquida, subtilior*, uti quidem Zvelferus l. c. habet, dicenda est; illa tantum momentum ad Unguentorum, quatenus externorum medicamentorum, quorum tamen virtus in corpus penetrare debet, censum ingrediuntur, juxta Zvelferi hypothesin, haud conferet; dum pars terrestrior penetrandi vi carere, ipsi dicitur. Et in *Unguento mercuriali* multa ingredientia recenset, quæ poros obstruendo, reliquorum virtutis in corpus receptionem impediunt. Id quod hic quoque à partibus illis crassis, terrestrioribus, pertimescendum est, maxime si unà adstringendi vi pollcant.

3. Si tanta succorum non est habenda ratio, nunquam succi, sed potius decocta illorum vegetabilium &c. in usum vocari deberent; cum tamen Zvelferus in *Classè primâ Pharmacopœia Regia*, *succum absinthij, betonicae, cardui benedicti,*

benedicti, cochlearia, nasturtij hortenſis, & aquatici, ſcordij, alioſque adhibeat; id quod pluribus aliis in *Clafſibus* quoque obſervat.

4. Externè cumprimis, ipſa vegetabilia, præ ſuccis eorum, uſurpanda eſſe, equidem monet, eoque ipſo, ſuccos in internum uſum commodiùs vocari poſſe, innuit; cui tamen fundamento innitatur, haud video; cum, potius contrarium ex his *Zvelſeri* verbis: *ſicca pars terreſtrior ſua aquè ac liquida ſubtilior virtute gaudet*, erui queat; quia externus uſus magis, præ interno, ſubtiliores medicamento partes requirere videtur.

Verùm ut hoc non urgeam, 5. Succos tamen externis etiam medicamentis *Zvelſerus* deſtinat. Ita ſuccum millefolij in *Baſamum vulnerarium Pharmac. Reg. pag. 264.*; ſuccum plantaginis in *Emplaſtrum deſenſivum Pharmacop. Reg. pag. 293.*; utrumque in *Unguentum Egyptianum Pharmac. Reg. pag. 272.*; ſuccum abſinthij & chamaedrys in *Emplaſtrum hepaticum primum Pharmac. Reg. pag. 295.* recipit.

6. Quodnam competens illud pondus herbarum & florum, qui ſuccis ſubſtituendi ſunt, exiſtat, videamus?

In *Unguento* itaque de alabaſtro *Auguſtanorum*, à ſe mutato, cujus cenſuram hîc potiſſimùm abſolvit, cum olei olivarum, additis cera unciis octo craſſioris redditâ, librâ unâ & dimidiâ, florum & herbarum uncias viginti unam *Zvelſerus* infundit.

Similiter *Pharmacop. Reg. pag. 268.* in Oleo purgante, ſpecierum librâ duâ, drachmâ duâ, & olei lini librâ una cum dimidiâ, ponuntur.

Pag. 276. Pharmac. cit. pro *Unguento cephalico*, ſpecierum uncia viginti octo cum dimidiâ, axungie porcine librâ duâ; & ejusdem axungie librâ una ac dimidiâ, ſpecierum uncia viginti una ac dimidiâ *pag. 278.* in *Unguento cordiali*, occurrunt. Quæ fanè oleoſorum menſtruorum quantitas exigua nimis, & nullo modo competens eſt, ſi cum ſpeciebus infundendis conſeratur.

Enim ſi ſpecierum uncia una ab unciis tribus aqua, prout in *Sirupi diſaſereos Andernaci animadverſionibus* defendere voluit *Zvelſerus*, vix humectari, necum ſufficienter extrahi poteſt; quid hîc ſperandum ſit, ubi nec integra uncia olei & axungie, uncia uni ſpecierum reſpondet, quilibet faciliè videbit.

Accedit olei & axungie lentor atque unctuoſitas, ob quam, ad extractionem vegetabilium, non ſatis commodum menſtrum eſſe oleum, in prioris *Clafſis* animadverſionibus voluit.

Ex his itaque fundamentis eluceſcit, quòd imperfecta admodum vegetabilium extractio hac ratione fiat; ita ut dubium ſit, an major eorum virtus ab iſtâ extractione, & non potius ſuccis ipſorum, Oleis & Unguentis communicetur?

II. Zvelserus succos vegetabilium ab Unguentorum compositione rejicit ; quia illi, tanquam aquosi, nullo unquam cum oleis consortio connectantur, nec ita virtutes suas in ea transfundant, sed semper iterum segregentur ; & licet ad totalem humiditatis exhalationem coquantur, evidens tamen fiat separatio olei à succo inspissato, picis nigræ instar fundo vasis adhærente, nullâque arte oleis permiscibili. Verùm prout succorum cum oleis consortium esse, ita ut per intima commisceri queant, adfirmare nolo : sic idem cum aquis, à Zvelsero per destillationem abstractis, ac oleis redditis, prædicare, necessum est.

Quod si tamen conjungantur, nullas autem virtutes succi Oleis imprimant, (de quo maximè dubitatur) certè nec aliud de Zvelseri dicto artificio decernendum erit ; dum humiditatem ab Oleis destillando abstrahit, eamque, ut Oleis fragrantiam suam, virtutesque imprimat, iisdem readfundit.

Pariter in *Unguento ad hernias Pharmac. Reg. pag. 281.* radices &c. cum butyro majali, & axungis taxi, atque humanâ, nec non vini boni rubri uncias sex macerantur ; cujus tamen, vini scilicet, nulla quoque cum oleosis istis vera est communio.

Fieri autem aliquam succi, per coctionem inspissati ab oleo separationem, haud diffiteor ; non omnis tamen succus ille est, qui in fundum vasis secedit.

Cæterùm licet succus iste separatus cum oleis conjungi nequeat, de Unguentis tamen, quorum animadversiones hîc traduntur, idem dicere, minimè licet.

Quo verò pacto in hisce se gerat Zvelserus, *Pharmacopæiam* quoque *Regiam* perfrustrare placet ; ubi *pag. 264.* in *Oleo sive Balsamo vulnerario* decoctum inspissatum *hyperici* (quod certo respectu instar succi *hyperici* inspissati se habet) & *succum millefolij inspissatum* admittit ; qui tamen duo succi, si modò latæ Zvelseri sententiæ fides habenda, ab oleo iterum separantur.

Insuper dum *v. g. pag. 265.* in *Oleo carminativo anticolico*, & *pag. 268.* in *Oleo nervino* herbas & flores recentes cum oleo macerat, colat, & fortiter exprimit, annon eâdem operâ succus etiam illorum vegetabilium simul exprimitur, qui tamen postea, relicto oleo, in fundum vasis secedere cogitur ?

Pag. 72. Pharmacop. Reg. prima editionis, *Oleo de capparibus*, succi *verbenæ* uncias tres incoquit.

Idem in Unguentis Zvelseri, si periculo isti Unguenta Augustanorum subiecta sunt, accidit,

Exempli

Exempli loco inferviat *Unguentum Comitissæ adstringens Pharmacop. Reg. pag. 277*, in quo decoctum multarum radicum, herbarum &c. cum *axungia porci, oleo myrtillorum, & cerâ*, ad totalem propemodum humiditatis consumptionem coquitur, eoquæ ipso succi inspissati instar evadit.

Quæ de vegetabilium recentium cum oleo maceratione, & forti expressione modò dixi, eadem etiam ad Unguenta nonnulla, uti *Unguentum de arthanitâ purgans Pharmacop. Reg. pag. 275. & pag. 277. Unguentum clysmaticum* &c. adplicari possunt.

III. Succî ab Unguentis à Zvelsero eliminantur, quia ab ipsis, loco herbarum, Oleorum & Unguentorum compositioni adaptatis, color plantarum sperari nequeat; qui, licet pro accidente habeatur, in quibusdam tamen, uti *Oleo hyperici, & Unguento de populo*, summopere expetatur. Posito, quòd summopere plantarum color in nonnullis, veluti in adductis Oleo, & Unguento, expetatur, frustrâ tamen Augustanos hic reformat; quia nimirum Ipsi, non cum succo, sed *floribus hyperici Oleum, & Unguentum* cum ipsis *populi oculis* conficere, edocent.

Reliqua, brevitatis causâ, hac vice dimitto, & ad speciales Unguentorum animadversiones me confero.

UNGUENTUM ÆGYPTIACUM COMPOSITUM
MAGISTRALE *pag. 334.* satis potens & causticum esse, notat, quodque vix sine additione alterius rei mitigantis, adfectibus denominatis, nisi *ingens demortua & corrupta carnis copia* adsit, adplicare liceat, ne dolores acerbissimos, & varia eos consequentia crudelia symptomata excitet. Hæc animadversio, præterquam quòd extra oleam vegetetur, dum non medicamenti præparationem, sed compositionem impetit, Augustanos etiam nullatenus tangit, qui hujus Unguenti usum non nisi Peritis commendatum esse volunt, eumque in gangrânâ & sphacelo, omnibusque aliis ulceribus valde putridis & sinuosis, ubi *ingens carnis mortificatio & corruptio* adest, cum *Hildano cap. 13. de gangrânâ & sphacelo*, debitis extollunt laudibus.

Siquidem, si in manus, ritè eodem uti edoctas, devenerit, putredini efficaciter illud resistere, carnem mortuam à sanâ potenter separare, exsiccare, ac detergere &c. alma nostræ Medicinæ mater, Experientia, confirmat.

Ut ideo neque de novâ ejus præparatione, usitatâ illâ repudiâtâ, cogitare, necessitas cogat; cum antiqua ista intentioni Chirurghi utique satisfaciât.

Cæterum ubi adfectus mitiora remedia postulat, vel tolerat, Medicus prudens ipse, quid factu opus sit, non ignorat; unde vel alio remedio utitur, vel præscripti Unguenti vehementiam, melle &c. addito, infringit.

UNGUENTUM ÆGYPTIACUM SIMPLEX MESUES

pag. 335. nullam animadversionem patitur.

Sed in **UNGUENTO AGRIPPÆ EX NICOLAO** pag. eadem observat, radices in ejus compositione positas, *tribulosq; aquaticos*, cum oleo ad humiditatis omnimodam exhalationem coquendas haud esse, sed ut nonnihil humiditatis remaneat, sicque Unguentum in operando efficacius fiat. Quod monitum licet Augustanos propriè non concernat, utpote qui radices istas recentes, in oleo maceratas, coquendas esse, simpliciter saltem, monent; dubitare tamen quàm maximè licet: num particulam aquositate conservare, tam necessarium sit?

Radices verò ipsas, vel succum earum, Unguento hoc, valentiores fore, hic equalem contra Zvelferum negare, animus haud est; cum sufficiat, satis validas Unguento in denominatis adfectibus vires inesse; ad quos debellandos valentioribus quandoque remediis, in formâ cataplasmatidis &c. adhibitis, accedi posse, Medicus prudens ipse non ignorat. Interea hîc non de Succis, vel alio medicamenti genere, sed de Unguentis, agitur.

Cæterùm *ceram*, & *oleum*, quæ huc trahuntur, lentore suo prohibere, quò minùs reliqua ingredientia poros permeare aut penetrare queant, negatur, dum ipse effectus contrarium testatur.

Eodem ariete plures Unguentorum descriptiones, à Zvelfero in *Pharmacopœiâ Regiâ* adductæ, impugnari, & expugnari possent.

UNGUENTUM DE ALABASTRO pag. 336. per simplicem infusionem parare, impossibile esse, judicat; quia succi & olea, licet diu multumque invicem confusa & digesta, nunquam tamen perfectè commisceri possunt, nec olea ex succis, fundum semper petentibus, virtutes perfectè elicere queunt. Per simplicem infusionem debere parari hoc Unguentum, Augustani nunquam tradiderunt; unde etiam quidquid de impossibilitate præparationis istius deblaterat Zvelferus, nullius sunt momenti.

Licet succos cum oleo, & alabastro per noctem infundere, doceant; addita tamen verba: *Et cum Cera alba fiat Unguentum*, non simplicem esse hanc infusionem, sed aliam insuper præparationem, pro debitâ *cera* liquefactione, & justâ Unguenti consistentiâ inducendâ, accedere, evincunt.

Quare licet 1. olea cum succis per digestionem perfectè non commisceantur, accedens tamen in fine, cum *cera*, artificiosa commistio omnem difficultatem tollit. Sic ipse Zvelferus, in *Pharmacopœiâ Regiâ*, aliquibus Unguentis, præter olea, succos quoque & decocta immiscere, præcipit.

2. Quamvis olea ex succis æquè, ut ex herbis, virtutes perfectè elicere nequeant, hoc tamen ut fiat, in præsentî Unguento opus haud esse, modò dicta

dicta demonstrant. Interea Zvelserum virtutes herbarum cum oleis elicere, tentasse, *Clusii decima sexta, & decima septima Pharmacopœia Regia* clarissime loquuntur.

Tandem, si Unguentum præsens secundum præscriptum modum parari deberet, necessum fore, arbitratur, ut succi per coctionem totaliter exhalarent, & ne sic quidem oleum suis virtutibus multum imbuerent. Utique si succi per coctionem totaliter exhalarent, oleum non solum multis suis virtutibus non imbuerent, sed planè nullas eidem imprimerent; si enim totaliter exhalarent, nihil ab iis cum oleo superesse potest.

Quanquam, validà etiam coctione factà, succi totaliter exhalare nequeant, in quibus nimirum magna terrestriorum partium copia hæret, quæ validum ignem in cocturâ sustinere valent.

Imò neque totali humiditatis succorum exhalatione opus esse, prægressi Unguenti animadversiones evincere possent, ubi particulam humiditatis elementaris relictam, Unguentum efficacius reddere, statutum à Zvelsero fuit.

In suppositâ Unguenti præsentis præparatione, i. pro florum, herbarum &c. extractione, loco Olei rosati omphacini, Oleum simplex, quia illud jam rum alienis virtutibus satis imbutum sit, substituit; qui tamen censuræ hujus immemor, in *Pharmacopœia Regia Classe decimâ septimâ*, non tantum cum Oleo rosato, sed pluribus aliis, uti sambuci, nymphae, chamamelis &c. similes extractiones sapius commendat; imò & oleum olivarum simplex pro extractione vegetabilium satis aptum menstruum esse, in discursu de Oleo stomachico Cratonis negavit.

2. Cum oleo; virtute vegetabilium imbuto, alabastrum aliquandiu digerere, præcipit, cum tamen, memor illius, quod paulò antea de impossibili succorum & olei per digestionem unione Augustanis objecit, olei pariter & alabastrum veram commissionem haud dari, scire debuisset; licet diu multumque invicem confusa digerantur, alabastrum, cœu ipse fatetur, fundum petente.

Quam in *Append. animadvers. pag. 45. & 46.* Unguenti hujus præparationem tradit, hac vice examinare nolo; quam tamen multis difficultatibus scatere, cuilibet facile patebit.

UNGUENTUM ALBUM, SIVE DE CERUSSA DICTUM AVICENNÆ, nec non ALBUM CAMPHORATUM *pag. 336.* nimis effœta esse, objicit, quia lithargyrum, & cerussa parum refrigerando præstare possint, tum per se inspersa, tum rebus unctuosius permixta; cum exigua illa vis refrigerans cerussa, in saccharinâ dulcedine Saturni consistens.

sistens, & fermentum falsum, à bilè falsâ & adustâ enatum, alias mortificare potens, mediante lotionè, penitus eluatur. Quidquid hic in contrarium adducitur, experientia frequens penitus rejicit, quæ, refrigerando in recensitis ab Augustanis adfectibus Unguenta illa non effœta, sed satis potentia, atque efficacia esse, confirmat; cui obluctari, est, meridiano sole caligare.

Ut ita neque *cerussa* vis refrigerans in unicâ *Saturni* dulcedine, quæ in eo ab acidis *aceti* particulis corroso deprehenditur, consistat; neque ab illâ solâ acres humores temperentur; sed omne id à *cerussa* quoque, & *lithargyro*, elotis inque *oleo* dissolutis, fieri, dici queat; sicque *Saturni* cum *aceto destillato* imprægnatio tam stricte necessaria haud existat.

De *fermento falso ulcerum* quæ profert, hic examinare, materiæ ratio non permittit. Sufficiat saltem, vocem *falsi*, si in eo sensu sumatur, quò aliàs à *Zveltero* accipitur, quatenus nimirum acido opponitur, & non adeo inconvenienter à *Tackenio* nomine *alcali* insignitur, huc non quadrare; cum non omnia ulcera ab humore tali falso, sed aliis quoque, acidis puta, & mistis, enascantur.

Quo ipso sanè, humorem (sive fermentum *Zvelteri*) acidum, si ab eo producta fuerint, simplici istâ *Saturni* calce elotâ, & cum *oleo* in Unguentum redactâ, satis validè mortificari, dum acidus humor calcem plumbeam rodit, & ita non simpliciter calcem hanc lotam rejiciendam esse, elucescit.

Præterea, ut hoc obiter addam, Augustani non de *ulceribus à bile falsâ, & adustâ enatis*, sed de scabie, aliisque cutis vitiis à *pituitâ falsâ, & bile adustâ enatis*, agunt.

Quod *Zvelteri* modum spectat, in illo, *lithargyrum*, & *cerussam* cum *aceto destillato* prius coquendam, & ita demum cum *albumine ovorum, cerâ, & oleo rosato* miscendam esse, putat; ac quamvis dictæ *Saturni* calces cum *oleo rosato*, atque *aceto destillato* simul coqui possint, ne tamen *rosarum* odor in *oleo* contentus coctione penitus exhalet, modum priorem commendat. Qui equidem planè rejiciendus haud est; sed admodum necessarium eum, esse, supra jam negavi.

Quin etiam soli illi *Saturni* dulcedini, è *Saturno* cum *aceto destillato* cocto & corroso emergenti, vis refrigerans & ulcerum fermentum mordificans si competit, Unguenta hæc à *Zveltero* correctæ, nec non quæ pag. 273. in *Pharmacopœiâ Regiâ* proponit, virtute illâ vix ampliùs gaudebunt, quia, dum *oleo* calx illa *aceto* imbuta miscetur, omnis ferè dulcedo disparet; tum quia à pinguibus particulis qualitas illa obtunditur: tum non exigua soluti *plumbi* in effœtam calcem præcipitatio, quam inferiùs, ubi *Unguenti de lithargyro animadversiones* tradit, ipse aliquantulum confiteri cogitur, accidit.

Quòd

Quòd si calces illæ plumbeæ effectum reddant medicamentum, nisi prius mediante aceto saccharinam in dulcedinem fuerint conversæ, Zvelserus ipse magnam cerussæ &c. quantitatem inutiliter profundit, imò ejus insigni copiâ reliquarum in aceto solutarum particularum vim hebetat & infringit.

Quam enim aceti quantitatem in duobus illis Augustanorum Unguentis, pro lithargyri & cerussæ solutione exigit? Sufficientem quantitatem aceti destillari adfundi iis, atque ita simul coqui debere, in *Animadversionibus* respondet.

Quenam autem illa sufficiens quantitas sit, non exprimit.

Unde, hanc ut eruam, ad *Pharmacopœiam Regiam*, quam pro normâ & ideâ, juxta quam reliqua Dispensatoria conformari debeant, eum obtrudere conari, supra monui, recurrere, opus est; ubi, dum *Unguentum album* pag. 273. cum, & sine camphorâ paratum, quæ nimirum his duobus Augustanorum Unguentis substituit, perlustro, cerussæ libras duas atque aceti sambuci libram unam & dimidiam positas esse, deprehendo. Quare cuilibet cerussæ uncia, aceti drachmas sex, pro saccharinâ illius dulcedine educendâ, destinari, sequitur.

Quis verò unquam, cum tam exiguâ aceti quantitate, tantam plumbi copiam dissolvere potuit?

Imò exigua ejus pars hoc modo solvitur; reliquum autem indissolutum remanet, & consequenter, dum in Unguenta illa nihilominus hoc recipitur, ast inutile existit, medicamenta adducta satis effecta, & inutilibus calicibus obruta reddit.

Ubi insuper notare obiter libet, Zvelserum in dictis *Pharmacopœie sue Regiæ* Unguentis, acetum sambuci, pro cerussæ dissolutione adhibere; cum tamen pag. II. *Append. animadvers.* dum contra Augustanos decertat, acetum rosatum, (par ratio est cum aceto sambuci) utpote virtute rosarum imbutum, ad ulteriorem extractionem, cumprimis mineralium, commodum esse, negat.

De odore olei rosarum, quem coquendo penitus exhalare, superius adseruit, idem Zvelsero objici posset, quod in *Oleo de capparibus*, in quod rosas rubras recentes recepit, ipse *Pharmacop. Reg.* pag. 265. monuit. In eo enim odor rosarum per coctionem cum exhalet, ibidem non odorem, sed virtutem saltem roborativam rosarum desiderari, scripsit. Sic in his Unguentis Augustanorum pariter non odorem rosarum, sed virtutem earum refrigerantem &c. desiderari, regeri posset.

Præterea in suis Unguentis albis, jam notatis, *Oleum sambuci*, & *Acetum sambuci*, suo modo paratum, adhibet Zvelserus, eâque, igne lenissimo, spatulâ
continuè

continuè agitando, cum *cerussa* ad consistentiam Unguenti coquit. Ubi *ceræ* subtilem florum *sambuci* odorem in auras migrare, cogit, quem prius in Oleo, ceu ex *animadvers.* pag. 330. ubi flores *sambuci* inter sulphureas, tenuiumque partium plantas enumerantur, patet, & *Aceti*, prout pag. 213: *Pharmacop. Reg.* testatur, curiosè nimis conservare, laboravit.

Tandem, *camphoram* in aquà *rosarum* commodè dissolvi non posse, sed necessum esse, ut vel in *spiritu rosarum* &c. vel ipso Oleo *rosato* dissolvatur, animadvertit. Verùm ut *camphora* totaliter in aquà *rosarum* dissolvatur, Augustani minimè volunt, sed potius, ut cum paucà *rosarum* aquà in pultis liquidioris formam redigatur, atque ita commodè Unguento permisceri queat.

UNGUENTUM DE ALTHÆA COMPOSITUM NICOLAI pag. 337. miram congeriem, & inconcinnam compositionem vocat, atque ob *libras duas crassæ mucilaginis*, ex *libris quatuor radicum althææ*, nec non *seminum lini* & *fœnugraci* extractæ, ac cum *scillâ* reliquis ingredientibus, sine ulteriori coctione, permistæ, Unguenti consistentiam inde profurgentem exagitat. Posito, Unguentum hoc in consistentiâ suâ nimis liquidum evadere; hoc tamen in casu *Pharmacopœus* peritus ipse, novâ institutâ coctione, debitam consistentiam introducere posset; præcipuè cum Augustani illis in fine additis verbis: *Fac secundum artem Unguentum*, ulteriorem coctionem non prohibeant, sed potius, si opus fuerit, præcipiant.

Hinc quoque notari meretur, quòd in sequenti Unguento de *althæa simplici*, crassam illam mucilaginem cum oleo, ad aquositatis consumptionem, coquendam esse, Augustani innuant.

Quoniam non omnia Unguenta eandem habere debeant consistentiam, cum alia spissiora, molliora alia existant; quæ differentia etiam in *Pharmacopœiâ Regiâ* elucescit; ubi imprimis Unguenta ad ambusta pag. 274. mollia satis existunt, ita ut primum illorum *Linimenti* quoque nomine non immeritò Zvelserus insigniat.

In UNGUENTO DE ALTHÆA SIMPLICI EIUSDEM. pag. 338. nihil singulare animadvertit.

In UNGUENTO ANODYNO pag. eadem, *cera* quantitatem, ab Augustanis non expressam, sed *Pharmacopœorum* peritorum iudicio relictam, determinat; ceterum cum Augustanis consentit.

Discursum deinde instituit, & quamobrem *cera alba citrina* semper præferatur, nullam rationem se videre, fatetur, atque, si *cera alba* non tantum ob albedinem, vel pulchritudinem, sed etiam ob alias singulares virtutes expectatur, *alba flavam* longè præferendam esse, opinatur; quia *alba* per diuturnam infusio-

solationem, non solum flavedine, sed etiam subtilissimis, fragrantioribus, & virtuosioribus suis partibus privata sit; cum Sol *vegetabilibus omnibus*, à suâ radice evulsis, ipsiusque radiis diu expositis, multum detrahat, eademque viribus effocta reddat. Verum Augustanos *ceram albam citrinâ* semper præferre, *Unguentum aureum Mesues*, aliaque, *ceram simpliciter*, vel additâ vocalâ: *recentis*, positam, recipientia refutant.

Licet autem *cera alba* per solis radios flavedinem suam nativam, *fragrantiamque* perdiderit; propterea tamen inutilis planè dici haud debet. Præter albedinem namque & pulchritudinem, quam Unguentis nonnullis conciliat, vi etiam refrigerandi, repellendi &c. pollet, quæ in *cera citrinâ* emînere non ita deprehenditur.

Hinc *ceram albam* non ineptè compositioni *Unguenti albi Pharmacopœiæ Regiæ* pag. 273. ; & *infrigidantis* pag. 280. ab ipso Zveltero destinatam fuisse, colligo.

Quæro hic: num Zvelterus, solius albedinis & pulchritudinis causâ, prædictis Unguentis *ceram albam* destinaverit; num verò, quòd alias simul virtutes ipsis conferat?

Si ob solam albedinem & pulchritudinem, imprudenter certè egit, quòd effectum illud corpus in usum vocaverit, & non potius *ceram citrinâ*, subtilissimis, fragrantioribus & virtuosioribus partibus præditam.

Neque enim propter pulchritudinem, medicamentorum efficaciam, diminuendam esse, ab ipso Zveltero scriptum invenio.

Sic namque pag. 463. *animadvers.* loquitur: *Non semper ad medicamenti pulchritudinem, sed potius ad ejusdem efficaciam respiciendum est: Multoties enim nimium curiosi & artificiosis nostris laboribus rem destruimus potius, quàm quod boni aliquid exinde efficiamus.*

Sin *cera alba* in præfatis Unguentis Zveltero probatur, quòd præter pulchritudinem, alias quoque singulares virtutes ipsis largiatur; nec in Augustanos, eandem juxta cum *citrinâ* usurpantes, animadvertere potest.

Præterea *cera* Unguentis propriè non, ut singulares aliquas virtutes illis imprimat, sed ut consistentiam debitam largiatur, additur.

Unde parùm referret, si & aliis Unguentis omnibus alba adjungeretur; quia, dum effocta esse judicatur, nullam contrariam Unguentis qualitatem inducere, optimè verò formam eorum procurare posset.

Cæterùm Zvelteri argumentum pro Augustanis militat; dum *ceram flavam* longè præfert, si *cera alba* non tantum ob albedinem & pulchritudinem, sed etiam alias singulares virtutes expectatur.

Nam inverte hoc, & dico: Si *cera alba* albedine, pulchritudine, aliisque virtutibus

virtutibus singularibus, præ *citrina*, pollet; *alba citrina*, quæ albedine caret, nec istâ pulchritudine se commendat, nec virtutes illas singulares possidet, quandoque meritò longè præferri debet.

At solis radij licet *omnibus vegetabilibus*, à suâ radice evulsis, virtutes, ita ut efforta dici possent, extraherent, hoc tamen nihil ad *ceram* faceret; quæ etiamsi à calore solis dealbetur, atque in viribus immutetur, vegetabilium, tamen ordinem haud commodè ingreditur; cùm potius animalium, classi, tanquam aliquod ab apibus productum, inferri desideret.

UNGUENTI APOSTOLORUM AVICENNÆ *pag. 339.* præscriptum conficiendi modum intricatissimum, nec à quoquam Pharmacopœo instituendum, nominat. Sed intricatus licet sit & obscurior quodammodo modus iste, ab exercitato tamen Pharmacopœo facilè intelligi, quin observari potest. Cui verò dexteritatem diversis aliis modis idem Unguentum conficiendi, hoc ipso derogatam minimè volo. Sufficit mihi, quòd tradito ab Augustanis modo parari queat.

UNGUENTUM AREGON NICOLAI *pag. eadem* alio modo præparare, docet; cùm ille ab Augustanis traditus, insufficiens ipsi videatur. Quia tamen, in quonam illa insufficiencia lateat, haud exprimit, de eâ sollicitum admodum me præbere, nolo.

Quòd si fortè jacturam partium aliquarum fragrantium, ab additis herbis, illo innuat; quia illarum digestionem & ebullitionem in vase cum alembico celebrat; istæ quidem hoc modo, conservantur; ab Augustanis tamen neque omnes amittuntur; neque tanti momenti sunt, ut propterea tota præparatio laboriosè reformari debeat.

Neque UNGUENTI DE ARTHANITA MAIORIS MESUES *pag. 340.* præparationem sufficienter traditam esse, objicit; cujus igitur, non indicando, in quo erratum fuerit, aliam mox subjungit conficiendi methodum. Interea tam diu salvus erit traditus Augustanorum modus, quàm diu commissi in illo errores non demonstrantur.

In UNGUENTO AUREO MESUES *pag. 341.* nihil singulare animadvertit.

UNGUENTO DE BDELLIO MESUES *pag. eadem* nimis exiguum quantitatem olei adsignatam esse, existimat, ita ut Emplastrum citius, quàm Unguentum exinde confici possit. Hanc ipsam olei quantitatem Unguenti hujus autor, *Mesue*, quoque posuit; quam tamen Pharmacopœus exercitatus, si præparatio tali modo fieri non posset, facilè augere, vel alio modo, ut justa consistentia profurgeret, mutare nosset. Quamvis hæc Augustanis in usu esse, jam dudum desierit.

UN-

UNGUENTA E CALCE pag. 342. juxta modos præscriptos parari quidem posse, concedit; sed propter reiteratas lotiones *calcis viva* minùs efficacia proclamat; quia tali modo instar terræ mortuæ calx se habeat, acrimoniâ ejus exsiccante ablatâ. Verùm neque propriè exsiccantes, multò minùs acres *calcis viva* partes hîc expetuntur, sed terrestriores illæ, refrigerandi vi præditæ; cùm Unguenta præsentia ad ambusta curanda, in quibus felicissimè usurpantur, commendentur.

Sed hæc mitto, quia præparationem propriè non concernunt.

UNGUENTUM CITRINUM SEU BASILICUM NICOLAI pag. eadem speciosam satisque argutè conscriptam compositionem adpellat, quæ tamen reverà plurima inutilia contineat; ejus, cùm inter ingredientia nullam symbolizationem esse, pateat, aliqualem saltem præparandi modum adjungit. Sed neque hîc modus ab Augustanorum traditâ normâ multùm differt; neque in quo ab Augustanis erratum fuerit, video; cùm nullum ingredientium sit, quod ad hujus Unguenti præparationem inutile esse dici queat.

An verò aliqua insint inutilia ratione compositionis, neque hujus loci est inquirere, neque à Zvelfero id innui, arbitror.

In UNGUENTIS CLYSMATICIS pag. 343. nihil reformat. Sed

UNGUENTUM COMITISSÆ GUILIELMI DE VARRIGNANA pag. 344. correctione, quam tamen clarè non exprimit, maxime opus habere, opinatur. Interea non repugno, ut *aqua plantaginis* saltem *aqua vulgaris* substituatur, & decoctum cum hac factum, non *cera* & *oleo* lavando destinetur, sed potius cum ipsis coquendo, ad humiditatis consumptionem evaporet.

Quamvis illa *cera* & *olei* cum decocto lotura non planè rejicienda sit; in qua nimirum vires aliquas (num multæ sint? hîc non disquiritur) decocti ipsis accedere, haud negari potest; quem in finem etiam insituta fuisse videtur.

Cæterùm *ceram* cùm decocto unâ vel alterâ ebullitione; juxta consignatum à Zvelfero modum, coquere, & dein, separatâ *cera*, cum eodem decocto olea ad humiditatis exhalationem usque decoquere, minimè necessarium existit; quia illa prior decocti cum *cera* coctio superflua planè est, dum potius mox cum oleis eadem fieri potest; qua absolutâ, *cera*, quæ in oleis tunc liquatur, viribus decocti sufficienter imprægnabitur.

Olei *masticini* loco, cujus *libra una cum dimidiâ* præscribitur, *olei comitis* *libram unam & uncias duas*, *mastiche* verò *uncias quatuor ac dimidiâ* præscri-

præscribit; sed minùs adcuratè. Nam *Oleum mastichinum* ex unà *mastiches*, & *quatuor olei partibus* conficitur. Hinc *Zvelferus mastiches* quantitatem iustò auctiorem, & ferè *uncià unà* maiorem posuit.

Trochiscus de charabe ut species eorum substituantur, melius fore, quò credam, haud faciliè adducor; si scilicet illi in officinà parati prostant; indifferens tamen aliàs esse, faciliùs mihi persuadeo.

Pro duabus illis ad hoc Unguentum requisitis dictorum *Trochiscorum unciis*, medietatem ipsorum ingredientium, prout compositio huic Dispensatorio inserta est, accipere, æquum esse, quis credere posset *Zvelfero*; si istorum ingredientium debita & æqua computatio instituitur?

Circa UNGUENTUM DE CYNOGLOSSO pag. 345. nihil, nisi quòd paratu facile illud sit, adfert.

UNGUENTUM FUSCUM NICOLAI pag. eàdem pariter, intactum relinquit, ejusdem saltem præparationem addens, in qua tamen nihil contra *Augustanos* animadvertitur.

UNGUENTI AD HÆMORRHOIDES pag. eàdem aliam adducit præparationem, quæ tamen *Augustanorum* modum non evertit.

In simplicissimà UNGUENTI INFRIGIDANTIS GALENI pag. 346. præparatione has se animadvertere ineptias, cavillatur, quòd *cera alba* toties adhuc aquà frigidà lavanda sit, donec albescat, quæ tamen per insolationem candida & nitida jam sit reddita, ut ulteriori lotionis opus non habeat. Verùm est, quòd *cera*, si satis alba sit, frustrà lavetur, ut candida evadat. Ast hoc in Unguento *cera* non sola, sed in *Oleo rosato omphacino* liquata, lavatur, quòd *oleum*, ex *rosis rubris* paratum, *cera* candorem inficit; unde postea, quòd pristina albedo ipsi reddatur, frustrà eam lavari, ineptè adstruitur.

2. Per frequentem loturam *Olei rosarum* fragrantiam & vires simul auferri, objicit. Sed idem, quòd è *Zvelfero* in *Unguenti albi* examine adduxi, videlicet, odorem *rosarum* hìc non desiderari, repono.

3. In hac loturà *ceram*, & *oleum* tantum de aquà simplici in se recipere, putat, quantum capere possunt; ut ita de *aceto rosaceo*, quòd ultimò additur, nil quidquàm ampliùs recipiant. Contrarium tamen ipsa *aviso* confirmat. *Aqua* enim frigida, cum qua *cera*, & *oleum* lavatur, iterum separatur & exprimitur; ut ita, loco ejus, sub diligenti agitatione, *aquam rosarum*, atque *acetum rosatum* postea ingredi possit.

UNGUENTUM JOVIS pag. eàdem efficacius fore, pronunciat, si de ingredientium humiditate nonnihil cum *butyro* remaneret, sive coctio
ad

ad illius totatē consumtionem non institueretur. An aqua elementaris exigua particula tantam huic Unguento efficaciam imprimere possit, in *Unguento Aerippæ* etiam jam dubitavi.

Insuper si *Unguentum Jovis refrigerans Pharmacop. Reg. pag. 281.* intueamur, quod ex iisdem ferè ingredientibus, & aliis, iisque recentibus, compingitur, ad humiditatis exhalationem unà cum *butyro* species ut coquantur, præcipi, deprehendimus.

UNGUENTUM DE LIQUIRITIA *pag. eadem* præstantius reddere laborat, *cerussam* cum *aceto destillato* prius coctam eidem addendo. Quo de *Examen Unguenti albi* consulatur.

UNGUENTUM DE LITHARGYRO *pag. 347.* si juxta modum præscriptum fieret, malè ejus præparationem cessuram, & nullam, exinde Unguenti emerfuram consistentiam, autumat. Verùm sine fundamento.

Istam enim Unguenti in mortario plumbeo ab Augustanis productam agitationem non fieri debere absque calore, qui nimirum & meliorem ingredientium permissionem calicūque plumbeorum solutionem, & *aceti* debitam evaporationem procuret, ipse artis suæ gnarus Pharmacopœus novit.

Interea tenendum est, quòd hoc Unguentum nostris in Officinis molliori, sive Linimenti, in consistentiâ adservari soleat.

Alia etenim Unguenta molliora, spissiora alia esse, plus quàm notum est.

Sicut verò Augustanis hic imputare conatur Zvelserus, quòd hoc Unguentum justam non habeat consistentiam, sive quòd nimis liquidum evadat; ita econtra illius *Unguenti de lithargyro*, nonnullis in Officinis usitati, cujus descriptionem adjungit, consistentiam duriorē quodammodo ab additis pulveribus reddi, objici posset; dum ad *libram unam Unguenti*, justam consistentiam adepti, aliquot pulverum uncias superaddit.

De præcipitatione *sacchari Saturni* quæ profert, ad Augustanos non spectant; ab illà tamen, quam tradit, *olei Saturni*, & *rosarum* commixtione dum aliqualis præcipitatio accidit, necessariò etiam aliqualis virtutum *olei Saturni* (sic Zvelserus *plumbi* cum *aceto* solutionem, ad spissitudinem *salis tartari per deliquium soluti* abstractam, vocat) destructio & annihilatio, dum *lithargyrum* &c. ab *aceto* separatur, quod ita calcis formam indutum, secundum Zvelseri doctrinam, effectum redditur, timenda est.

UNGUENTUM MARTIATON NICOLAI *pag. 348. ex tam confusâ ingredientium congerie* conflatum esse, sibi imaginatur, ut, *Z z z.* plures

plures Pharmacopœi, à quo primùm incipiendum, aut ubi ultimò desistendum sit, ambigere, necessum habeant &c. Verùm similia medicamenta, non tyronibus, sed exercitatis Pharmacopœis elaboranda traduntur, qui modum procedendi si ignorent, vix digni sunt, quibus pharmacorum præparatio concedi debeat.

Neque tamen difficile admodum est, secundùm recensitam methodum concinnare hoc Unguentum.

Primam quidem conficiendi formulam ita se habere, facilè concedo, ut vix ab alio, nisi exercitato Magistro, intelligi, atque ut secundùm illam, absque difficultate, parari haud possit.

Caterùm quod huic deest, id altera supplet; in qua tamen quid verè mancum & mutilum dici debeat, vix video. Annon enim herbarum recentes *vino* septem diebus infusæ, postea unà cum *oleo communi*, ad *vinum* consumptionem, decoctæ, colatæque, & in colaturâ hac *butyrum*, *medullæ*, *adipes*, *styrax*, *massiche*, *rhui*, *oleum nardinum*, & *cera* liquata, Unguentum bonæ consistentiæ, omnesque Unguenti notas habens, efficiunt?

In quonam igitur defectus ille consistat, prius monstrandum erit, cui tunc obviam procedere licebit.

Quòd si fortè ob herbas nonnullas odoratas, similiter coctioni submissas, quas Zvelferus separatim, ut excepta humiditatis odoratæ particula Unguento reddi possit, coquit, mancam & mutilam hanc Augustanorum præparationem adpellet, aliquid fortè proferret.

Nec utique negari potest, particulam illam spirituosam aliquas Unguento huic virtutes conferre. At propter ejus absentiam, cum ipsi omnis herbarum virtus haud inhareat, medicamentum inefficax non redditur.

Ut taceam, quòd quædam vegetabilia, quibus odoratæ insunt particulae, & quæ alibi destillationi laboriosæ propterea committit, in substitutâ à se Unguenti præsentis præparatione, unâ cum *vino* coquat Zvelferus, & ita hujus ac illarum jacturam faciat; inter illa verò, quæ in præsentî Unguento destillationi adaptat, quædam ponat, quæ alibi coctioni, ac si spirituosis effluviis carerent, subjicit, ubique propriâ animadversione dignus.

Myrrham in *vino*, vel *aceto* nonnihil quidem dissolvi, vel dilui posse, scribit; magis tamen genuinam ejus, nec non *styracis*, & *olibani* solutionem cum *terebinthinâ*, cujus ideo *dimidiam libram* Unguento nostro destinat, fieri, credit. Verùm mihi hoc in loco satisfaciunt, quòd pro Unguentorum præparatione, illam gummatum resinosorum cum *aceto* dissolutionem sufficere, pag. 128. animadvert. ipse Zvelferus docuerit. Quare *terebinthinæ* additione facile carere possumus.

Insuper consimilium, uti : *myrrha, thuris, mastiches &c.* pulveres circa finem præparationis, sæpius in *Pharmacopœiâ Regiâ*, absque eo, ut prius in *erebinthinâ &c.* eadem dissolvat, Unguentis suis, juxta normam, ab Augustanis hoc in Unguento traditam, immiscet.

UNGUENTUM AD MEMBRA EX IGNE COMBUSTA PRIMUM pag. 350. ad modum Unguenti albi simplicis, & camphorati, vel de lithargyro, parari posse, animadvertit; melioris tamen informationis gratiâ, dilucidiorē ejus addit præparationem; quam quidem suo in valore relinquo; Augustanorum tamen modum propterea non repudiandum esse, adstruo.

Zvelferum verò in substitutâ à se præparatione olibani uncias duas, ab Augustanis præscriptas, sine ratione omittere, notetur.

SECUNDUM pag. eadem, ad ambusta planè nihil valere autumat; quas enim, inquit, ex succo corticum medianorum Sambuci virtutes nobis pollicemur, si illas in coctione olei Rosarum deperdimus? Utique nullas virtutes ex succo illo nobis polliceri debemus, si illæ perditæ fuerint. Ast hoc in Augustanorum Unguento præsentī fieri, negatur.

Sumitur equidem succus ille, & ad sui consumptionem ferè coquitur; quia tamen odore notabili, aut virtute insigni humiditas ista, quæ coquendo exhalat, neutriquam gaudet, quis virtutes corticum sambuci perditas esse, conqueri jure potest?

Quin ipse Zvelferus *Pharmacop. Reg. pag. 75. & 52.* cortices istos medios sambuci violentæ coctioni submittit; & in propriâ, quam adnectit, Unguenti hujus præparatione decoctum corticum sambuci, ad formam extracti inspissatum, ponit. Si coctione eorum vires pessum eunt, idem in Zvelferi decoctionibus, & inspissatione fieri, verisimile est.

Unde, qui Zvelferum suum faciunt, vel proprias suas præparationes prius reformat, antequam in aliorum animadvertant; vel si illas pro legitimis habent, palinodiam, ob animadversiones adductas, canere, recorderentur.

UNGUENTUM AD MEMBRA PERUSTA GELI pag. eadem, modo præscripto parari posse, concedit.

UNGUENTUM MERCURIALE pag. 351. ob multipliciter ingredientium alto supercilio contemnit, luxuriantisque in cavillando styli specimen præbet. Solus, ait, *Mercurius est, qui vim & operationem suam exerere debet, reliqua verò, quæ illi adjecta sunt, quod tantoperè Mercurij vim infringere, nervosq; & membra roborare valeant, difficilius probari, quàm credi potest.* Est autem res cachinno digna, velle, ut *Mercurius intimè ad partes penetret,*

netret, & noxiam materiam expellat, roborando verò nervos & membra tantâ commixtâ farragine ejusdem conamini simul resistere. Pergit dein, & membra, nervosque debilitatos post inunctionem mercurialem demum roborandos esse, concludit. Negat etiam, adjuncta illa, ob lentorem, crassitiem & viscositatem suam, unâ cum *Mercurio* ad intima membra penetrare, aut passibus æquis eum infectando, malignitatem ipsius infringere posse &c. Verum solum esse *Mercurium*, qui vim & operationem suam exserere debet, negatur.

Reliqua non tantum ad roborandas partes, ne à *Mercurio* lædantur, sed multos alios propter usum adduntur; prout ipse *Zvelserus* suo *Unguento mercuriali oleum guajaci, styracem* &c. permiscet.

Ast *Mercurij* vim, quam exserere debet, infringere, *Augustani* minimè volunt; nervos autem & membra, quibus inimicus est *Mercurius*, per adita reliqua roborari &c, difficilius credi, quàm probari potest.

Et quæso, quid opus est verbis, ubi rei ipsius testimonium adest? Ipse felix *Unguenti* hujus usus sufficienter id comprobatur.

Est autem res commiseratione digna, statuere, quòd *Mercurij* conamini, dum noxiam materiam expellit, medicamenta nervos & membra roborantia resistant. *Mercurij* enim vis medica non in eo consistit, ut nervos & membra debilitando materiam noxiam expellat; sed hæc ipsius vis nervis inimica tantum se habet ut accidens, cui meritò prudens Medicus obviam procedit, ei que totis viribus resistit; quod dum facit, *Mercurij* conamini, quatenus nervos debilitat, equidem resistit, non verò quatenus noxiam materiam expellit.

Interea non negatur, illam corroboratorem etiam post inunctionem & veneni expulsionem fieri posse, cum hoc illius usum non tollat.

Boni quippe Medici est, non solum nervos & membra debilitata confortare, sed quoque iisdem, ne debilitentur, quantum potest, prospicere. Difficilius is ejicitur, quàm admittitur hostis.

Si verò non est credendum, adjuncta illa ingredientia propter lentorem, crassitiem & unctuositatem suam unâ cum *Mercurio* ad intima membra penetrare; qua ratione itaque illa, nervos & membra roborando, *Mercurij* conamini ibidem resistere possunt? Nam si non penetrant, membra, ad quæ penetrare debent, etiam non roborant.

Sit autem, quòd passibus æquis *Mercurium* omnia non infectentur, sed vel concitatoribus, vel tardioribus progrediantur; nihil tamen inde patrosini *Zvelserus* speret. Ibi membra & nervos roborando *Mercurij* advenientis

nientis violentiam arcebunt ; hîc eadem jam oppugnata subsidio salutari reficient.

Quamvis non penetrare adjuncta illa , tam diu negabo ; usque dum, qua ratione Unguenta & Emplastra Zvelferi, quorum virtus partibus intimioribus succurrere debet, penetrent, explicetur ; cùm & ipsa lentore, crassitie, & unctuositate prædita esse deprehendantur.

Pergit dein, & *Mercurium pinguedini suilla* permistum, in suffimigio adhibitum &c. eadem duntaxat, & non graviora symptomata, quàm præfens Unguentum, producere, putat. Si symptomatis nomine illa, quæ ut accendant, desiderantur, v. g. salivationem, intelligat, tunc eadem à *Mercurio*, cum solâ *pinguedine suilla* permisto atque inuncto &c. evenire, Zvelfero largior. Sin alia, uti nervorum debilitatem &c. innuat, graviora illa à solo isto *Mercurio* magis timenda esse, regeo.

Nec refert, quòd in nonnullis, *hydrargyro* illo simpliciter cum *pinguedine suilla* misto utentibus, similia haud observentur. Nec enim venena, unicuique nocent. Interdum ob aliorum symptomatum vehementiam non æstimantur. Nonnunquam longo post tempore sese exserunt &c.

Cauti & conscientiosi Medici est, sollicitè cavere, ne minimum etiam damnum, quantum possibile est, pertimescendum sit ; præcipuè cùm *hydrargyri* cum nervis antipathia in dubium vocari nequeat.

Lithargyrum, & *cerussam* nihil ampliùs in hoc Unguento præstare, uti objicit Zvelferus, quàm ut poros ocludant, & *Mercurio*, ne ad interiora penetrare possit ; resistant, sed ut in membris torpidus hæreat, ac difficulter iterum expelli queat, efficiant, falsum est.

Unde *lithargyrum* & *cerussam*, ubi ulcera adsunt, Unguentis similibus addere, non sine ratione observat *Hercules Saxonia cap. 39. tr. de Lue venerèa*.

Si verò *cerussa*, atque *lithargyrum* poros ocludunt, ne *argentum vivum* ad interiora penetrare valeat, vanus est metus, ne scilicet torpidus in membris hæreat, atque ex iis difficulter iterum expellatur. Dictæ enim *Saturni calces* aut poros ita ocludunt, ut *Mercurius* in corpus penetrare nequeat ; aut non ocludunt ; Si illud, nugæ sunt, quæ de ejus difficili expulsione, profert. Si enim in corpus non fuit receptus, quomodo ex eodem expelletur ? Sin hoc, *cerussa* & *lithargyrum* poros ita obstruere haud potuisse, necessariò sequitur, quò mirùs *hydrargyro* per eos patuerit aditus ; dum verò ejusdem ingressum remorari non potuerunt, neque ipsius egressum inhibere posse, verisimile est.

Prout etiam experientia ejus penetrationem, facilemque iterum expulsiōnem sufficienter in hoc Unguento comprobat.

Sit autem, quod à *Saturno* oclusi sint pori illius partis, quæ inunctiōnem sustinuit; an *Mercurius* per hanc ipsam viam denuo evacuati debet? An per nullam aliam viam facilis ipsi exitus pater?

Porro *bdellium*, & *gummi arabicum* nihil ampliùs posse, quàm poros similiter ocludere, & tali modo *Mercurij* vim non infringere, vel ejus malignitatem corrigere, aut membra roborare, sed solummodo *hydrargyri* penetrationem retardare, animadvertit. *Gummi arabicum* quod concernit, illud non singularem aliquam ob causam additur, sed tantum, quatenus in *Theriaca*, & *Mithridatij* compositiones recipitur; quarum intuitu tam parvâ in quantitate ad hoc Unguentum accedit, ut poros obstruendi vires nequiquam exserere possit; neque enim integra *quinque grana* ejusdem huc venire, deprehenditur; cùm econtra pondus totius Unguenti *libras quatuor* excedat.

Bdellium eidem vitio obnoxium esse, negatur; quod nec aliorum vires, quò minùs per poros intromittantur, retardatur, nec proprias suas effundere, intermittit.

Quid verò cum *Zvelferi Emplastro diaphoretico pag. 294. Pharmacop. Reg.* fiet; quod, cùm *uncias quatuor bdellij* recipiat, pariter poros ocludendo, reliquorum ingredientium penetrationem retardabit?

Mel, quo prædicta, *Theriaca*, & *Mithridatium*, abundant, eodem arte impugnat. Verùm *Theriaca*, & *Mithridatium* huic Unguento non associantur propter *mel*, sed vice versâ.

Quòd poros ocludendo, adjunctorum simplicium virtutis in corpus receptionem impediatur, si nulla alia ratio, *Theriaca* tamen salutaris usus externus non admittit.

Si autem *mel* per se cuti illitum non penetrare, ponamus; nihil tamen exinde contra ejusdem, aliis rebus penetrantibus, uti in nostro Unguento, lentasque ejus particulas discontinuantibus permitti, usum concluditur.

Si insuper *mel* poros ita ocludit, vel obstruit, & cutim visciditate ac lentore suo imbuat, ut aliorum ingredientium virtutem, ne per cutis poros in corpus penetret, prohibet; quo modo excusabitur *Emplastrum de bacis lauri stomachale, Pharmacop. Reg. pag. 291.* quod mellis *uncias tres* recipit? Nec impunè abibit *Emplastrum de fulgine, pag. 294. Pharmacop. Reg.* in quod *Antidotus theriacalis*, cum largâ mellis quantitate parata, ingreditur.

Ex hisce itaque consideratis clausula, quam his præmissis adjungit, quid valeat, patescit; dum, si tali modo administratus *Mercurius* leviter saltem operetur,

operetur, vel gravia symptomata quandoque non producat, ipsi tam egregiè & exactè correctum fuisse, non exclamandum esse, scribit. Verùm prout Augustani omnia illa, quæ *argento vivo* in hoc Unguento addita fuere, pro egregiis, & exactis corrigentibus malignitatem ejusdem, non proclamant: ita *hydrargyrum* alienis compedibus ligari hîc & constringi, ne vires suas exserere valeat, *satis stultè* (ignoscat Lector phrasi Zvelserianæ) adfruitur.

Illis verò, qui, si quandoque *Mercurius* salivationes & similes, quibus se prodere solet, operationis suæ modos exserere non potuerit, aut si nulla, vel imperfecta ex illo medela est, (quod ob parcam ejus quantitatem, vel sinistrum usurpandi modum accidere potest) propterea *ipsum non verum luis Venereæ rhizotomum* esse, exclamant, hoc ipso patrociniū non præstatur; neque ad Augustanos id pertinet; quibus sufficit, quòd multo tempore, Unguenti, de quo hîc sermo est, usus in curandâ lue venereâ feliciter cesserit, eoque, quidquid præposterum aliorum judicium in contrarium adducit, debellaverit.

De quo insuper recentia, si necessitas efflagitaret, exempla produci possent eorum, qui aliis remediis methodicè adhibitis, à morbo venereo liberari non potuerunt, hujus Unguenti illinitione perfectè restituti fuerunt.

Tandem in ipsâ Unguenti præsentis præparatione notat, gummata in *spiritu vini* dissolvi non posse, utpote *bdellium*; neque etiam illa, quæ tali dissolutioni apta sunt, Unguento propter nimiam *spiritus vini* quantitatem, nisi potior ejus pars abstrahatur, permisceri posse. Ast non talis cum *spiritu vini* solutio præcipitur, qua gummata cum eo quasi in liquorem resolvuntur, sed quæ pulvis formam præbeat; & tali modo nec *bdellium* dissolutioni ineptum est, nec nimia *spiritus vini* quantitas requiritur.

Tali modo ipsè etiam Zvelserus *Pharmacop. Reg. pag. 286. in Unguento splenetico* utitur; dum *gummi ammoniacum*, & *sagapenum* cum *vino albo* ad pulvis formam solvere, præcipit.

UNGUENTI NERVINI *pag. 353.* conficiendi modus absurdissimus Zvelsero dicitur, quem ex subsequenti suâ præparatione facilè elucescere, scribit. Verùm prout negare nolo, meliores conficiendi Unguentum hoc modos dari posse; ita tamen præscriptum ab Augustanis absurdè absurdissimum vocari, arbitror.

Zvelserus itaque herbas, flores &c. cum solis oleis & axungijs maccrat &c. *vinum* autem, ne evaporando subtiliores ingredientium partes secum rapiat, omittit. Certum equidem est, *vinum* in coctione aliquas spirituosas ingredientium partes, non inutiles, verùm non omnes, multò minùs

cunctas virtutes, secum auferre; quorum defectus, si necessitas efflagitat, qualibet vice, ubi in usum trahitur, à Medico facile suppleri potest.

Interea tamen Zvelferus perfectam extractionem in supposito suo modo non adsequitur, si animadversio, quæ superius circa *Oleum stomachicum Cratonis* occurrit, alicujus momenti sit; ubi scilicet *oleum olivarum*, cum quo *Oleum lumbricorum*, *vulpinum*, *anethum*, & *hyperici* conficitur, propter lentorem suum & unctuositatem, pro extractione vegetabilium satis aptum menstruum non esse, propugnat. Annon ergo præstabit, pro perfectiori extractione *vinum* addere, & ne vegetabilia intacta remaneant, hoc modo procurare?

Spiritus vini uncias duas, quas Augustani circa finem descriptionis hujus Unguenti ponunt, pro *mastiches*, & *benzoës* dilutione adsignatas fuisse, existimo; quod Pharmacopœus exercitatus ipse non ignorabit; si tamen, eadem gummata infusioni &c. cum herbis &c. traderentur, ea hac ratione commodè satis oleis uniri, diffiteri nequit.

Alia quæ fortè obscuriora videri possent, Pharmacopœo perito difficilia, Lectori æquo absurda videri nequeunt.

In UNGUENTO NICOTIANÆ, SEU EX PETO, VEL TABACO pag. 354. I. *vinum* frustrà addi autumat, quo *nicotiana*, quæ per se succulenta est, macerari debeat; cujus etiam vices *succi libra dimidia*, quæ huc accedit, supplere possit. Verùm 1. non dicitur, quòd *nicotiana folia recentia* sumi debeant; cum præcipuè non omnibus in locis illa, nec quovis tempore, haberi queant.

Unde etiam si folia recentia per se satis succulenta sint, exsiccata tamen, prout nonnunquam ab Institutoribus venduntur, pauco succo & humiditate gaudent.

2. Licet recentia sumantur folia, quia tamen pingua illa, uti de *oleo olivarum* è Zvelfero modò monui, insufficientia sunt ad extrahendas vegetabilium virtutes, aliquis liquor, qui extractioni inserviat, uti *vinum*, cur addi nequeat, haud video.

3. Zvelferus ipse in Unguento ad hernias pag. 281. Pharmacop. Reg. radices herbas &c. recentes cum butyro, axungia, atque vini rubri uncis sex macerat & coquit. In Unguento potabili rubro primo pag. 285. Pharmac. Reg. radices recentes &c. pariter cum butyro ac vini rubri uncis quatuor macerat atque coquit. Si itaque in hisce medicamentis butyrum & axungia ex radicibus, herbis recentibus &c. virtutes perfectè non eliciunt, sed vini additione opus habent; cur simile ab Augustanis observatum, tantum est piaculum?

4. *Succum nicotianæ vini* subire posse vices, dum *animadversiones in Sinapum lenitivum de tribus pag. 70.* intueor, dubito. Si enim vegetabilium succi abunde jam suorum, è quibus expressi fuere, corporum virtutibus imbuti sunt, atque ulteriori infusioni & extractioni prorsus inservire nequeant, uti hoc de *succo rosarum* Zvelserus ibidem in specie effatur, idem de *succo nicotianæ* timendum sit, necesse est.

11. *Resinam abietis*, cum axungia si coquatur, non solum in bullas semper elevari & intumescere, verum etiam spiritum ejus oleosum, qui naturam *spiritus terebinthinæ* æmulatur, citissime evaporare, objicit. Ast 1. non cum solâ axungia, sed etiam cum *nicotianæ succo* coquitur *resina abietis*.

2. Si semper, quod tamen perito artifice non accidit, in bullas elevaretur *resina*, hoc, si aliud non subsit incommodum, Unguenti præparationi nihil demeret.

3. Spiritum ejus oleosum ex parte evaporare, non ibo inficias, sed major ejus pars remanet, & hoc ipso naturam *terebinthinæ* æmulatur, cujus oleum, sive spiritus, uti communiter audit, non omnis exstillat, si *terebinthinæ uncie quatuor* cum *aquæ uncis sex*, ad harum totalem protectionem, defullentur.

UNGUENTA NIHILI AD OCULOS *pag. 354.* admittit, ita tamen, ut *camphora*, in pinguedine benè soluta, illis admisceatur, & ne in dissolutione exhalet, caveatur. Utrumque Pharmacopœus quilibet, vel modicè versatus, ipse non ignorat.

Si tamen minuta omnia eosdem monere, convenit, malè id aliquoties in *Pharmacopœiæ Regiæ* Zvelserus omisit; ubi imprimis, ratione *camphoræ*, *Unguentum de liquiritiâ*, nec non de *lithargyro pag. 282.* conferantur.

In UNGUENTO PECTORALI *pag. eadem, ceræ, oleorum, & adipis* frivolam atque ineptam loturam esse, cavillatur, ac propterea Lectorem ad *Unguenti infrigidantis Galeni animadversiones* remittit, quarum *examen pag. 334.* invenitur.

In excutiendis UNGUENTIS PEDICULORUM *pag. 355.* ingenij vires & curiositatem suam pariter exercet Zvelserus, dum nil quidquam ad rhombum hæc facere, probare intendit. 1. enim insectis illis aut aliquid dandum esse, quod avidè amplectantur, vel devorent, aut à cujus odore, vel sapore adverso (quorsum?) fugiant. Illud *pinguedinem porcinam* esse, quam, si *Mercurius, semen staphidis agria, hyoscyami*, aliudve venenum dulce, inspidum, aut inodorum ipsi permisceantur, faciliè devorent, mortemque sibi consciant. Ast si *sapo Venetus, acetum, sal &c.* prædictis commisceantur, tunc illa nequaquam attingant, quin potius hæc illorum sint alexi-

pharmaca, neque eorum odor tam validus sit, ut ipsos propellat, aut fugere faciat; & ita quod uno vel altero ingredientium præstatur, reliquis inconvenienter admixtis prohiberi, concludit. Lubens in hisce imbecillitatem meam fateor, qui quid animalculis istis gratum acceptumque sit, pro certo venditare nequeo. Zvelsero, majorem circa hæc peritiam præ se ferenti, qui velis, per me fidem habeat; considerans tamen, non omnibus insectis eadem grata, vel adversa esse; nonnulla hoc, vel illo, foetido etiam odore, delectantur; aliqua dulcem saporem, ingratum & amarum alia festantur.

Quod si insectis illis *pinguedo porcina* in deliciis est, ab admisto verò *hydrargyro*, *semine staphidis agria* &c. exitiosa evadit; utrum tamen *saponem Venetum*, *acetum*, *sal*, quæ admodum improprie alexipharmaca pediculorum vocat, tantopere averſentur, dubito; cum nec odorem, nec saporem eorum ipsis magnopere contrariari, verisimile sit.

Si enim locum, victumque eorum consideres, illum non absque foetore, hunc interdum nullas sapidas, dulcesve delicias esse, consenties.

Excrementa illa capitis, quibus fordida ista animalcula immersa sunt, *saponis* quodammodo naturam æmulantur; unde nec *sapo* ipsis adversus fortè esse potest, quò minùs eundem devorent.

Nec sine humoribus salis, præcipuè ubi phthiriasi & tineâ laborant, sunt capita illa.

Præterea *aceri* & *salis* tam parca additur quantitas, ut reliquis permista, vix ampliùs eorum sapor notabilis perſentiri possit.

Mercurius etiam, cum *aquâ forti*, unde *Mercurij sublimati* æmulantem naturam induit, à Zvelsero hoc in casu commendatus, saporis gratiâ destituitur.

Sed quid moror? Ipse usus monstrat, quid similia Unguenta, in malo illo debellando, valeant; quorum virtutem, vel cruda imprimis gens rustica, toties experitur, sibi que commendatam habet, & eo ipso, satis efficacia esse, contra Zvelserum solidè evincit.

Sic quidam Medicorum nostratium (ut hoc obiter addam) aliquoties, à rustico, cui, foedis istis hospitibus gravato, Unguentum hoc commendaverat, se vitulo, ob felicem subsequenter effectum fuisse donatum, retulit.

2. Unguenta acribus similibus, *aceto*, *salis*, *saponi*, *helleboro*, permixta, si capitibus, phthiriasi vel tineâ insectis, inungantur, pruritum summum, nec non dolorem ingentem, item majora ulcera excitare; nec ista ad hæc mala sananda, quibus ut plurimum caput in simili insectorum profuentiâ laborat,

rat,

rat, valere, obſcit. Verùm, uti modò innui, aſcero *ſalis*, & *acetì* à reliquis additis pinguibus mitigatur, ne vim ſuam corrodendi validè exſerere queat.

Celebriores etiam Practici, uti *Sennertus de infant. curat. part. 2. cap. 4.* pro tinea capitis radicitus tollendâ, detergentia, & quodammodo erodentia commendant. Ita d. l. *Sennertus* in Linimentum, huic ſcopo inſerviens, *acetì acerrimi unciam unam* recipit.

Quid de Zvelſero dicam, qui ulceribus ſimilia acria deſtinare, ipſe non intermiſit?

Sic *Pharmacop. Reg. pag. 272. Unguento ægyptiaco*, quod in ulceribus malignis & ſordidis detergentis valde proficuum eſſe, deprædicat, *acetum* immiſcet; quod igitur Unguentum pruritus ſumum, dolorem ingentem, & ulcera majora, ex eodem Zvelſeri fundamento, excitare debet.

Idem periculum ipſius correctum *Unguentum pediculare*, cum *argento vivo*, in aquâ forti, quod inter vehementiora corroſiva meritò locatur, ſolutò, conſectum, maneret; vel ſi *Mercurius ſublimatus*, ceu idem ſuadet, in aquâ, vel decocto aliquo ſolutus, adhiberetur.

Ut jam non repetam, quòd uſum Unguenti illius hîc uſitati proficuum eſſe, compertiffimum habeatur; nec dicam, Medicum non uni iſti Unguento adligatum eſſe, quin pro variâ rei exigentiâ, alia etiam remedia adhibere poſſit, ſciatque.

UNGUENTUM DIAPOMPHOLYGOS NICOLAI, VULGO NIHILI DICTUM, *pag. 356.* ſecundùm artem conficere, exercitatus Pharmacopœus ignorare nequit.

Caterùm cum *acetì deſtillati uncis aliquot, ceruſſam, & plumbum uſtum* coquere, non adeo eſſe neceſſe, *Examen Unguenti albi* diſtitat.

UNGUENTI POMATI *pag. eadẽ* artificioſa præparatio Pharmacopœis peritis meritò relinqui poteſt.

Zvelſerus autem cumprimis *aquarum*, & *vinì* quantitatem abrogandam eſſe cenſet, cùm hæc neceſſariò exhalare debeat. Quod certè non eſſet de nihilo, ſi humiditatis cum ipſo Unguento commiſſio deſideraretur; tanta quippe ejus quantitas, juſtæ conſiſtentia Unguentum impetrare, haud permetteret.

Verùm ſi *vinum* ad ſpecierum aromaticarum infuſionem, *aquam* autem *roſarum* (ſola enim hæc in præſenti compoſitione conſpicitur; unde minùs adcuratè Zvelſerus voce: *aquarum*, loco: *aque*, utitur) ad ſervi caſtrati ablutionem commendari dicamus, illa quantitas an abrogari debeat, meritò dubitatur.

Uti enim pinguedines non frustra ablui, in *Classe vigesima* probabitur: ita si hunc in finem *aqua rosarum* hic pro *sevo castrati* adhibeatur, odor rosatus hac ratione eidem nonnihil imprimitur.

De *vino* autem si quid exhalare debet, aliquam fragrantiae specierum partem sic deperdi, verum est; major tamen remanet; quod ipsum tantopere reprehendi nequit; praecipue dum *Zvelserus* in substituto suo *Unguento pomato*, *pomerum odoriferorum* N. xxiv. rad. *iridis conficissar.* 3j. *rosarum recentium conficissar.* ℞j. cum *sevo castrati*, & pinguedine *suillâ*, ad humiditatis, & consequenter etiam fragrantiae, exhalationem usque coquere, ipse praecipit.

Nec propriè odoris causâ, sed ad oris fissuras & cutis decorem, usus praesentis Unguenti commendatur.

Qui tamen valentem in eo odorem, variis modis ipsi conciliandum, obtinere, concinnioremq; praeparandi modum sequi, desiderat, illi per me integrum hoc esto.

POMATA SIVE SEVUM CONFECTUM EX AMATO LUSITANO pag. eâdem sicco pede transeo; cum ejusdem compositio inter obsoletas, vel inusitatas numeretur.

In *UNGUENTO POPULEO NICOLAI* pag. 357. duo praecipue notat:

1. *Vinum* omitti debere, autumat, quia herbae, si recentes, satis succulentae sunt; fragrantia etiam *oculorum populi* in tam longâ lentâque coctione cum *vino* expirat. Verum particula illa: si notari hic debet.

Si herbae omnes sint recentes, vinum rectius omitti, verisimilius dici posset.

Sed de hoc dubitatur; neque enim recensitae herbae omnes simul, sed successivè colliguntur. Unde priores in collectione non amplius recentes, aut humiditate nativâ turgentibus esse possunt; quorum intuitu *vini sufficiens quantitas* ad coctionem adhiberi potest.

Hinc *Medici Hafnienses* eandem cum *Augustanis* methodum praeparandi Unguentum hocce sectantes: si herbae sint sicciores, aliquid *vini addendum*, monent.

Et licet hac ratione fragrantiae *gemmarum populi* nonnihil dematur, nota tamen haud expirat.

Nec oculi illi propriè odoris, sed virtutis somniferae causâ, huc accedunt; quæ an in solâ illâ fragrantia consistat, maxime dubitatur.

Sed ne longior hic sim, oppono *Unguentum populeum Pharmacop. Reg.* pag. 285. in quo *gemmarum populi recentium librae duae*, cum insigni aliarum herbarum, & florum recentium abundantia, ad humiditatis fere totalem consuetudinem.

consumtionem, cum *axungia porcina* libris decem, leniter coqui debere, præcipitur; ubi certè non levis fragrantia oculorum populi iactura strenuè procuratur.

2. *Axungia* pondus augendum esse, cum herbarum respectu mancum sit, putat; quam tamen *axungia* quantitatem desideret, equidem nescio.

Si quis verò juxta modum, in *Unguento populeo* Pharmacop. Reg. pag. cit. traditum, procedere vellet, ubi nimirum *axungia porcina* libra decem, herbarum &c. librae sex, uncia una, vel uncia undecim ponuntur, is ferè libras septem *axungia* sumere deberet; quia in hoc Zvelferi Unguento pro librà unà *axungia*, uncia septem, drachma due, grana viginti quatuor, vel uncia octo, drachma due, grana viginti quatuor herbarum &c. destinantur.

Quod tamen necessarium haud esse, alia Zvelferi Unguenta testantur.

Sic in *Unguento cephalico* Pharmacop. Reg. pag. 276. pro *axungia porcina* libris duabus, herbarum &c. libras duas, uncias quatuor cum dimidià, atque ita pro librà unà dictæ *axungia*, libra una, uncia due drachma due; in *Unguento cordiali* Pharmacop. Reg. pag. 278. pro *axungia porc.* librà unà & dimidià, specierum libra una, uncia novem cum dimidià, sive pro librà unà *axungia*, libra una, uncia due, totidemq; drachma & scrupuli specierum adhibentur.

Unde vel in hisce duobus, similibusque Unguentis, herbarum &c. quantitatem pariter justo majorem, *axungia* contra mancam; vel *Unguentum illud populeum* Zvelferi non satis efficax esse, utpote quod ob nimiam excipientis, sive *axungia*, dosin, majorem herbarum quantitatem ferre posset, rehostimenti loco repono.

UNGUENTUM POTABILE pag. 358. optimâ ratione vinum, quia radices, ipsum ingredientibus, sicca sunt, recipere, largitur; *sperma tamen ceti*, peractâ decoctione, residuo jungere, atque *radicum rubia tinctorum* quantitatem augere, *alcanna* etiam radices addere, quò colore rubro Unguentum sufficienter imbuatur, præcipit. *Sperma ceti* parato Unguentoungi posse, haud nego; idque fortè Augustani innuere voluerunt, dum secundum artem præsens Unguentum fieri debere, tradiderunt.

Concedo etiam, *radices rubia tinctorum* in majori quantitate sumi, vel *radices alcanna* quoque, aut aliud quid, addi posse, si quis saturatè rubrum, colore expetat; cujus tamen Augustani nullam hîc mentionem faciunt.

IN UNGUENTO EX RHAMNO ET FRANGULA D. R. MINDERERI pag. eâdem, *sulphuris vivi* quantitatem meritò augeri posse, notat. Sed idem etiam de aliis ingredientibus, si liberet, augendis, dici posset.

Simile

Simile pariter iudicium de Zvelferi compositionibus ferre, nihil prohiberet.

Vitella ovorum in fine demum jam ferè refrigerato Unguento addenda esse, animadvertit; id quod ipsi Augustani jam observarunt, eadem, juxta, cum aliis, post decoctionem, Unguento jam colato & expresso adjungentes.

Acetum scilliticum, ne nimium rodat, doloremque inferat, una cum reliquis ingredientibus decoctioni committere, denique consultum ducit. Sed non benè consulit.

Nam 1. *acetum scilliticum* coquere, est, partem ejus spirituosam, cui aliàs tantum non omnes ipsius vires adscribit, deperdere.

2. Pauca satis, reliquorum ingredientium respectu, *aceri hujus* est quantitas, cujus etiam acrimonia ab adjunctis cæteris nonnullis mitigatur.

3. *Acetum*, si scabies ab humore falso (scilicet in eo sensu, quo Zvelferus vult, voce falsi sumtà) foveatur, quatenus hujus acrimoniam mitigat, maximè in hoc Unguento utile erit.

4. Si per *ingredientia* (dum scilicet *acetum scilliticum* una cum reliquis ingredientibus decoquendum esse, voluit) omnia hujus Unguenti ingredientia, exceptis *ovorum vitellis*, quod idcirco fortassè in fine præparationis addere, studiosè notavit, intelligit, iterum malè agit; *terebinthina* enim & *styraci* vim ita inferri, ex aliis Zvelferi locis patet.

De UNGUENTO RESUMTIVO FERNELII pag. 358. multa, ratione ingredientium, præparationis, & adscripti ridiculi encomij, dicenda esse animadvertit, quæ tamen brevitatæ causâ omittit; cùm unusquisque ejus levitatem faciliè agnoscat. Insuper quamplurimas antecessores animadversiones, ratione præparationis, observare, præcipit. Cùm tamen causas hujus adscripti sui iniqui non adducat, idem excutere, supervacuum est.

Præparationis norma vix meretur animadversiones; quam etiam eodem planè modo in *Dispensatorio Hafniensi* traditam fuisse, Lector Benevolus offendet.

Contra UNGUENTUM ROSATUM MESUES pag. 359. insurgit, dum proprium modum, pro conservandâ ejusdem Unguenti vi refrigerandi, fragrantiaque, nec non candore conciliando, adnectit. Quod vii refrigerandi spectat, illa Unguento Augustanorum denegari nequit.

Odoris hîc non habenda est singularis ratio; prout eundem in *Oleo de capparibus* Zvelferum non curâsse, supra jam monui.

Mediantibus *rosis albis* majorem candorem Unguento huic accedere, equidem non nego, sed color ejus virtutes non exaltat.

Præterea

Præterea candorem illum vulgus, ceu tradit cum Augustanis Zvelferus, probat; à prudentioribus verò, Medicisque tanti non æstimatur; qui tamen *rosas albas* propterea non planè excludunt.

Dum verò Zvelferus *axungiam porcinam, & rosas albas* contusas recentes, odoriferasque, horas viginti quatuor invicem maceratas, *leniter* quamvis, ad humiditatis consumptionem coquit, eo ipso fragrantiam *rosarum leniter* exhalare, quoque permittit; quam tamen alembico imposito excipere potuisset; & quidem majori cum fructu, quàm in secundâ novorum florum recentium, cum *axungia* prædictâ, missione, ubi in cucurbitâ, quò humiditas, quæ prodit, servari queat, unicam illam ebullitionem instituere jubet; in qua unicâ ebullitione tanta fragrantis humiditatis exhalatio nullo modo fieri potest, quanta in diuturnâ, & viginti quatuor horas durante coctione, pertimescenda est.

Sed quid cum exiguâ illâ humiditatis, unicâ ebullitione prodeuntis, particulâ, tam studiosè à fugâ retractâ, agendum sit, non exprimit.

Tertiâ infusione cum novis *rosis*, ut & *succi rosarum* conjunctione opus non esse, uti Zvelferus notat, equidem concedo; indè tamen, frustraneum, esse laborem illum, nemo colligat; quinimo eo modo Unguentum efficacius redditur; de quo, medicamentorum nimirum virtute adaugenda, aliàs sollicitum admodum, & contra Augustanos rigorosum, quanquam sapius intempestivè satis, se præbet Zvelferus.

Ultimò *oleum amygdalorum dulcium* ab hac compositione eliminatum vult, quia eo addito fluidum nimis, aut liquidum exinde redderetur Unguentum; odor etiam non parùm diminueretur. Quod si de solo suo Unguento intelligi velit, me non movet.

Ast si de Augustanorum modo idem intelligat, *oleum* scilicet *amygdalorum* additum, fluidum nimis reddere Unguentum, pernego.

Nec Unguenta ejusdem esse consistentiæ, sed molliora ac spissiora dari, superiùs monui.

Pariter de odore paulò antea actum fuit.

Licet multùm immutare odorem nequeat, si recens, prout decet, illud fumatur.

Quod modum secretiorem conficiendi *Unguenta odorata*, cujus meminit Zvelferus, atinet, illum suo in valore relinquo; præcipuè cum hæc non de Unguentis odoratis agatur.

Secretum tamen hoc, jam dudum propalatum, & ideo secretorum numero exemptum, Zvelfero non debemus.

Ita *Tobias Aldinus* exactam *mantecas*, (sic *Italici* dicuntur) sive *Unguenta odorata* parandi è floribus odoratis normam traditurus, talia scribit: *Sumo duo vascula alba è terra vitreata, plana, & depressa, in quibus nostri Pharmacopola solent conservas rosarum, violarum &c. ponere: fundum horum vasculorum adipe illo (scilicet purissimo, albissimo, ac sine aquæ contactu preparato) leniter illino, inde repleo vascula floribus odoratis, & simul claudo concularum more, reclusi flores mancant, & mutantur, ut dictum est in oleo: quum satis odoris adeps attraxerit, colligitur, & in vasculum aptum servatur, qui magnam Manteca copiam habere voluerit, huic pluribus vasculis opus erit. Manteca odorata usus jam notus Nobilibus, nil igitur aliud addam. Adeps eligitur solidior, ut hedini, vitulini, cervini, si nimis solidus visus fuerit, aliquantum suilli adipis misceatur. Sed parari etiam potest ex odoratissimo oleo balanino, addita pauca cera albissima, ut in unguenti formam deveniat. De hoc vid. cap. 6. Descriptionis rariorum plantarum horti Farnesiani.*

IN UNGUENTO RUBEO, SIVE DE MINIO CAMPHORATO pag. 360. *lithargyrum, minium, & cerussam in aceti destillati sufficiente quantitate, antequam oleo commisceantur, coquenda esse, docet; camphoram verò in oleo solutam, sub finem demum addendam, judicat. Licet hoc modo institui præparationem posse, haud eam inficias; illa tamen ab Augustanis tradita admitti pariter debet. Qua de materiâ in antecedentibus actum jam fuit; unde repetere illam, superfluum foret.*

Consentire etiam Augustanis observo *Amplissimum Collegium Noricum*, in ultimâ *Dispensatorij* sui editione, Anno M. D. C. LXVI. factâ; in cuius classe 2. sect. 8. pag. 209. hujus Unguenti præparationem absque aceto pariter absolvit, his verbis ejusdem delineationem tradens: *Rec. Olei Rosati libram unam semis, Minij uncias tres, Lithargyrij uncias duas, Cerussæ unciam unam semis, Tutia, Camphoræ ana drachmas tres, Cere uncias duas. Misce, fiat in pila plumbea, cum pistillo plumbeo, Unguentum.*

IN UNGUENTO AD SCABIEM pag. eadem 1. *Cerussam cum succo limonum, tanquam acido, coquendam esse, animadvertit, dubio procul, ut inde saccharina plumbi dulcedo eliciatur, sive cerussa dissolvatur. Hoc tamen necessarium haud esse, Unguenti albi examen vincit.*

Quòd si succus limonum (eadem enim ratio est, ac succi citri) coquatur, eum in aciditate suâ infringi ac dulcescere, è *Zvelferi* pag. 3. *Pharmacopœia Regiæ*, supra pag. 12. ostendi; hac itaque ratione ad cerussam solvendam ineptus evadit.

2. *Sal* omittendum esse, judicat, quia pruritus augeat, & consequenter quoque majorem causet affluxionem, cum ut plurimum scabies à falso humore

humore producat; unde contrariis, exstinguentibus scilicet falsum fermentum, curanda veniat. Si *sal* per se, & unicum hic in usum traheretur, majorem fortè fidem hæc Zvelferi sententia inveniret; verùm dum unà cum acrimoniâ ejusdem temperantibus adhibetur, tantum excitare pruritus haud valebit.

Sal autem in Unguentis, Linimentis &c. contra scabiem usurpandis, utiliter misceri, crebra Practicorum suggerit experientia.

Ita *Petrus Borellus observat. medico-physic. centur. 2. observ. 7.* Unguento suo odorato ipsum *salis spiritum* immiscet; & *Daniel Sennertus libr. 5. medicin. pract. part. 1. cap. 27.* nonnullis Unguentorum formulis *sal commune* destinat.

Aliàs etiam *acetum* in hoc casu exulare deberet; cùm tamen *asphodeli radices* in *aceto* coctas, utiliter scabiosis illiniri, *Petr. Andr. Matthiolus com. in lib. 2. Dioscor. cap. 164; & lib. 4. cap. 123.* tritam *buglosi* radicem cum *aceto* tribus diebus continuis illitam, scabiosos juvare, testetur.

Sal etiam in ulceribus putridis, ac serpentibus mundificandis, in pruritu, & scabie exsiccandâ, *Joh. Schröderus Pharmacop. med. chim. lib. 3. cap. 27.* commendat.

Imò si scabies à falso humore, si vox *falsi* in eo sensu, quo aliàs solet, à Zvelfero accipiat, quatenus scilicet *acido* directè opponitur, ortum ducit, *salis communis* usus non adeo incommodus esse potest; cùm in hoc acidum abundet, atque ita falsum illum scabiosorum humorem, tanquam contrarium exstinguere quodammodo valeat.

Quo sane respectu scabiem, licet ab acri, falso foveatur humore, mediante sale, per medicamentum contrarium curari, dici potest. Similitudo enim, quæ intercedere videtur, reverà contrarietas est.

Sit autem, quòd *Salus* in hoc Unguento quantitas excedat, propterea tamen usus ejusdem omnino rejici haud debet.

Si Medicus prudens, eo modo paratum Unguentum justò potentius esse, nonnunquam observet, additis aliis, acrimoniâ ejus temperantibus, ad usum adcommodabit. Neque enim universale scabiosorum refugium esse, nunquam ab Augustanis creditum fuit, qui potius illud *Sennerti l. c.* memoriâ tenent, dum inquit: *neque unico medicamento facile omne genus scabiei curari potest, & qui hoc tentant, vel negligentia, vel inscitia accusandi sunt.*

Si verò *sal* tanta corrodendi, & pruritus excitandi ineffectus potentia, sine ratione Zvelferus eidem *Mercurium sublimatum*, ex argento vivo, spiritu *salis*, & *vitrioli* conflatum, licet in minori quantitate, substituit; utpote quem

summè corrosivum esse, nemo ambigit; unde etiam *Mercurij corrosivi* etymo à *Zvelsero* pag. 461. animadverti. insignitur.

In UNGUENTO AD TINEAM pag. eàdem, *florum aris* pondus excedere, autumat, cum maximè corrosivi sint. Verùm corrosivos hos *flores* esse, probè norunt Augustani, ideoque Unguento huic illos addidère; cum tinea laborantibus topica, ex erodentibus, aliisque indicationi satisfaciendis mista, convenient, ita tamen, ut unà respectus ad ipsius mali magnitudinem, ægri ætatem, naturam &c. habeatur.

Unde si fortè nimis potens Unguentum hoc in nonnullis casibus esse, videatur, idem, admittit largiore in quantitate oleis, aliisque congruis, facile mitigari potest.

Neque verò tantà oleorum &c. additione, pro vi corrosivà *florum aris* minuendà, opus est. Aliàs in Unguento *ægyptiaco* *Pharmacop. Reg.* pag. 272. pondus *crystallorum aruginis* pariter minuendum, vel mellis &c. adaugendum foret.

Sed similia ad præparationem medicamentorum non pertinent.

Accedit, quòd Unguentum hoc ab Augustanis inter medicamenta obsoleta relatum fuerit.

UNGUENTO DE SUCCIS ARANTII pag. 361. corrigendo quamvis operam impendere vellet, nil tamen effecturum se, cavillatur, quod, servatis singulis ingredientibus, ad denominatos adfectus utile foret; quare etiam illud, tanquam inutilem compositionem, transgreditur. Sed hæc partim contra medicamentorum præparationem, qua de hoc in opere sermo esse debet, nihil inferunt; partim etiam pro commento habentur, usque dum, cur compositio hæc ad denominatos adfectus inutilis sit? demonstretur.

In UNGUENTO DE TUTIA NICOLAI pag. eàdem *cerussam*, & *plumbum calcinatum* cum aceto prius coquenda esse, denuo animadvertit; de quo tamen in *antecedentibus* actum jam fuit.

Insuper olei quantitatem respectu *cere* paucam nimis esse, objicit. Certum quidem est, Unguentum hoc aliis spissius esse, eà tamen in consistentià communiter apud nos expeti & præparari, sciendum est.

In UNGUENTO AD VERMES pag. 362. ancipitem se hærrere, scribit, an prægrandem errorem, quoad succorum pondus, culpæ typographi, an verò voluntati autographi adscribere debeat; cum nulla *succi nasturtij*, (cujus vis & efficacia in spiritu volatili, facile avolante, consistat) respectu reliquorum, sit proportio. Illius enim *libram integram*, horum (qui tamen directius ad scopum propositum colliment) duntaxat *drachmam*

nam poni, existimat. Sed insigniter Zvelserus fallitur, dum *succum nasturtij* sumi, sibi persuadet. Non enim *succus*, sed ipsa *herba* ab Augustanis præscribitur; id quod ordo ingredientium ita positus comprobatur:

Rec. Succi absinthij

abrotani &c. ana drachmam unam,

porri uncias duas,

nasturtij aquatici libram unam.

In ultimâ quidem Dispensatorij Augustani impressione, in folio editâ, vox: *nasturtij* sub *porri* vocabulum ponitur, hoc nempe modo:

Rec. Succi absinthij,

abrotani &c. ana drachmam unam,

porri uncias duas,

nasturtij aquatici libram unam.

eoque succum, non herbam sumendam esse, evincitur. Ast erratum typographi hoc esse, è reliquis Pharmacopœiæ Augustanæ editionibus sufficienter elucescit.

Quin & Zvelserus in utrâque Pharmacopœiæ suæ reformatæ editione vocem: *nasturtij* non sub *porri*, sed rectâ infra *succi* vocabulum ponit, atque ita herbam, non succum intelligi, clarè satis ipsè ostendit.

Unde solo cavillandi animo hanc animadversionem Augustanis scriptam fuisse, suspicandi ansa subministratur. Sed ad reliqua me quoque converto.

Vim & efficaciam *nasturtij* in spiritu volatili, facilè avolante, consistere, ex parte quidem concedo; ast omnem virtutem in eo residere, nego.

Si quis Adversariorum contrarium sustineat, eum ad Zvelseri Pharmacopœiam Regiam, ibidem reformandum, voco; ubi nimirum, spiritu dicto per cocturam, & inspissationem expulso, pars terrestrior saltem succi, vel herbæ, reliquis medicamenti partibus unita relinquatur.

Exemplum hujus in *Sirupo antiscorbutico* pag. 27. occurrit; in quo *succi nasturtij aquatici & hortenensis ana libra una*, cum *succi cochleariæ librâ unâ & sacchari libris tribus cum dimidiâ*, ad omnem ferè humiditatis succorum, exhalationem, & tabulati quasi consistentiam, coquitur.

In *Pilulis spleneticis* pag. 68. *succi nasturtij libra dimidia*, cum multis aliis, ad spissioris Extracti consistentiam, exhalando redigitur.

Herba nasturtij, v. g. *uncias tres* pag. 6. in *Sirupo aperitivo chalybeato secundo*; & pag. 17. in *Sirupo nephritico primo*, cum aquâ decoqui, observatur.

Si modum procedendi quoque, in Unguentis observatum, desideres,
Unguen-

Unguentum spleneticum pag. 286, ubi præcipitur, ut *herba nasturtij hortensis*, & *aquatici ana uncia tres* &c. parùm coquantur, notabis.

Sed ad nostrum potius Unguentum redeamus, in quo reformato *succi nasturtij inspissati*, atque ita spiritu suo volatili privati, *drachma dua* à Zvelfero ponuntur.

Unde in *nasturtij* coctione, vel omnem vim & efficaciam non deperdi, adfirmandum; vel inconsideratè inutilem illam cocturam sapius à Zvelfero commendatam fuisse, fatendum erit.

Præterea *succi nasturtij libram unam* ab Augustanis positam esse, *ceterorum* verò succorum singulorum duntaxat *drachmam unam*, falsum pariter existit; cum *succi porri* non *drachma una*, sed *uncia dua* præscriptæ fuerint.

Reliquos succos directiùs ad scopum propositum collimare, quàm illum *nasturtij* creditum, si de virtute Unguenti vermibus adversà loquatur, dubito; cum *nasturtium* inter medicamenta ἐλμικὰ, & Priscis, & nostris temporibus semper locum invenerit. Reliqui quòd efficaciores sint, adhuc probari debet; quin & de hac materià agere, huc non spectat.

Pergit dein, & *oleum absinthij* jam sufficienter imprægnatum esse ab *absinthio*, objicit, ut, licet *tres libræ succi Nasturtij* adderentur, & cum dicto oleo ad humiditatis consumptionem coquerentur, parùm tamen exinde juveni-
nis sperandum esset: Nani tanta quantitas succi, multò minùs herbæ, cum Unguento absque ulteriori decoctione & abstractione permanere nequit. Ast hic etiam meras nugas Zvelferus tradit.

Si *oleum absinthij* jam sufficienter imprægnatum est, ut ampliùs quid in se recipere nequeat; cur ipse in *Pharmacopœia Regie* Unguentis *Olea rosarum, sambuci, chamameli* &c. aliquoties, aliis herbis imprægnanda, comendat? Sed de hoc quoque actum jam superiùs fuit.

Facile autem concedo, quòd *oleum absinthij*, si à *librà unâ nasturtij* nihil in se recipiat, multò minùs à *tribus ejusdem libræ* aliquid recepturum sit; neque contrarium Augustani unquam tradiderunt.

Si tanta quantitas succi cum Unguento absque ulteriori coctione permanere nequit, quòd multò minùs tanta herbæ quantitas cum eo permanere queat, inversus dicendi ordo esse mihi videtur; facilior quippe herbæ cum Unguento, quàm succi unio existit.

Quid per tantam quantitatem succi, vel herbæ, intellectum velit, an videlicet *libram unam*, vel *tres*? equidem nescio; sed cum de *tribus libræ* non sit sermo Augustanis; nec *succus nasturtij*, multò minùs *integra ejus libra*, & quæ

quæ absque ulteriori coctione permanere debeat, iisdem fuerit præscripta, materiam hanc tractare, superfluum foret.

Quod verò adsignata herbæ quantitas cum Unguento, absque ulteriori decoctione & abstractione permanere queat, ut defendam, ansam præbent aliquot Unguenta *Pharmacopœia Regia*; v. g. pag. 276. *Unguentum cephalicum*, quod *axungie porcine libras duas*, & *herbarum florumq. recentium libras duas*, *uncias quatuor* recipit. Sic pag. 278. *Unguentum cordiale axungie porcine libram unam semis*, *herbarum, florum, & corticum libram unam*, *uncias septem*, præter alias species, continet. Et tamen utrumque, licet parum coquatur & abstrahatur, quæ abstracta humiditas postea residuo redditur, ritè præparatum esse, dici debet. Cùm Augustani tantùm *libram unam herbe ad libram unam & dimidiam olei*, cum *cere sufficiente quantitate* justam consistentiam adepti, recipiant, & ex arte Unguentum conficiant.

Quamvis humiditatis succorum abstractionem aliqualem Augustanos in suâ præparatione prohibuisse, nequiquam dici queat.

Tandem, quod à succis, peractâ coctione, remanet, nullâ arte Oleis permiscibile esse, animadvertit. Quod si ita foret; cùm tamen hîc de Unguentis, quæ diversam ab Oleis consistentiam habent, agatur, animadversio hæc nihil evincit.

Cæterùm de succorum cum Unguentis permissione in *Examine generali Unguentorum*, quod in *hujus Classis frontispicio* posui, sermo institutus fuit.

De UNGUENTO VIOLATO pag. 362. *animadversiones super Unguentum rosarum* consulere, jubet; quarum igitur *Examen* simul huc trahatur.

Unguentum hoc non in usu esse, addit; sed cui non sit in usu, haud exprimit, Augustanorum in Officinis paratum semper inveniri debet.

UNGUENTI AD VERRUCAS, SEU CARUNCULAS IN MEATU URINARIO NATAS pag. eâdem præparationem, facilem quidem esse, admittit; ast cavere sibi, hortatur, qui illud adhibiturus est, ne ægrotanti intolerabilem dolorem, præsertim si *oleum vitrioli*, aut *aqua fortis* jungatur, concitet &c. Quidquid hîc profert, præterquam quòd compositionem potius, quàm præparationem medicamenti respiciat, experientia eatenus evertit, quatenus ipsa felicem Unguenti hujus usum, ceu adnexæ Augustanorum animadversiones docent, contra quamvis objectionem defendit.

Unguentum hoc à perito & provido Chirurgo adhibitum, excitare tantum dolorem non valet; siquidem ita applicandum est, ut carunculam saltem, non alias meatus urinarij partes tangat,

Neque

Neque indiscriminatim quibusvis, qualibet in meatu urinario carunculâ, laborantibus commendatur; cum corporum, robustiorum, vel infirmiorum, nec non magnitudinis carunculæ &c. semper ratio habenda sit.

Unde Augustanos circumspicere, nempe *pro magnitudine affectus*, aliquid *olei vitrioli*, vel *aquæ fortis* addendum esse, monuisse, observo.

Si excrescentiam illam carneam aliis blandioribus remediis facile tollere poterit Chirurgus, utique male ad hujusmodi fortiora cathartica descendet. Quam curandi per leniora scientiam jam dudum quoque cognitam fuisse, notissimum est.

Si varia in curatione illâ superveniant symptomata, illis obviam ire, dexteritas Medici ignorare nequit.

Liceat mihi adducere illud percelebre *Emplastrum*, quod recipit *viridis aris*, *auripigmenti*, *vitrioli*, *aluminis rupei anauncias duas*, cum aceto acerrimo in tenuissimum pollinem redactas; cujus *uncia due* cum *lithargyri uncias duabus*, *olei rosati uncias quatuor*, in *Emplastri* consistentiam coctis, miscentur. Hoc validâ erodendi vi non destituitur; & tamen tanto cum successu adhibitum fuisse, constat, ut *Amatus Lusitanus centur. 4. curat. 19.* Lernaï & Herculei hujus morbi clavam nominet, quod hymnis multis & laudibus decantari mereatur.

Videantur de eodem *Ambros. Parus lib. 18. operum chirurgic. cap. 23.* *Hieronym. Fabricius ab Aquapendente lib. 3. oper. chirurgic. cap. 14.* *Dan. Sennerius Medic. pract. lib. 3. part. 8. sect. 1. cap. 9.* nec non *Petr. Borellus histor. & observat. medico-physic. centur. 1. obs. 19.*

Idem tamen in robustis hominibus, ac rusticis saltem admittit *Horatius Augenus epistol. & consultat. medic. tom. 2. lib. 9.*

Si verò mitioribus medicamentis tam grave malum curare novit *Zyelferus*; cur *Mercurium sublimatum*, maxime corrosivum, in ulceribus venereis, in gonorrhœâ diuturnâ ac virulentâ curandâ, pro excrescentiis carneis, laudes suas mereri, fatetur?

Ultimum *UNGUENTUM VIRIDE REGINÆ pap. 363.* non minimis absurditatis refertum esse, arguit.

1. In coctione diuturnâ herbarum odoriferarum & balsamicarum virtutes exhalare, quæque non exhalant, ineptissimâ præcipitatione Unguenti in aquam frigidam, post peractam coctionem, elui, putat. Verum ineptæ hæc animadversio est. Quis enim Augustanorum, diuturnam coctionem instituere, desideravit?

Lenis potius aliqua decoctio intelligitur, sive una vel altera ebullitio *Zyelferiana*.

Sed in unâ ebullitione exiguum humiditatis fortè prodire, in reformati hujus Unguenti præparatione, Zvelserus scribit. Parum ergo, & quod, exemplo Zvelseri, sapius in *Pharmacopœiâ Regiâ* occurrente, non adeo magni esse potest momenti, cocturâ illâ perditur.

Absurdum autem mihi videtur esse, statuere, quòd residua virtus balsamica Unguenti, dum expressum in aquam frigidam effluere permittitur, eluatur; uti enim non negatur, aliquid hoc modo aquæ communicari: ita tamen perpaucum id esse, res ipsa comprobat.

2. Ne nimis efficax evadat Unguentum, *oleum* simpliciter, non, uti *butyrum*, ad eliciendas herbarum vires addi, objicit. Sed neque hæc animadversio alicujus momenti est.

Si *butyrum* herbarum vires sufficienter jam eliciuit, *oleum*, pro ulteriore earum extractione, frustra conjungeretur.

Sed *butyrum* sufficienter herbas extraxisse, ipsius Zvelseri testimonio comprobo. *Herbarum* enim hic positarum quantitas continet *Manipulos quinquaginta septem*, quos *Manipulos si libræ sex* in pondere æquare, ponamus, optimè à *libris sex butyri* extrahi posse, tot à Zvelsero in *Pharmacopœiâ Regiâ* adducta Unguenta confirmant; ubi sæpe major specierum quantitas, quàm *butyri*, vel *axungiarum*, occurrit. Unde si ibi sufficientem extractionem factam fuisse, credi debet; cur non & idem in hoc Augustanorum, Unguento concedatur?

Præterea *oleum olivarum*, propter suum lentorem & unctuositatem, pro extractione vegetabilium, satis aptum menstruum non esse, Zvelserum statuere, superius jam monui.

3. *Mastichen*, quæ in *oleis* facilè & promptè liquefcit, pulverisatam perperam addi, arbitratur. *Mastichen* in *oleo* promptè dissolvitur, ambabus concedo manibus. Sed pulverisatam propterea perperam Unguento addi, pernego. Hæc enim pulverisatâ *mastiche* dum additur, utique etiam in Unguento adhuc calente solvitur.

Sed quæso, cur in Unguento Comitissæ adstringente *Pharmacop. Reg. pag. 277.* *mastichis pulverisatæ uncia una & dimidia* additur, atque non prius in *Oleo myrtillorum* solvitur?

In Unguento de *lithargyro pag. 282. Pharmacop. Reg.* cuilibet ejus *libra uni & dimidia, mastichis subtilissimè pulverisatæ drachma sex* adjunguntur, nec prius in *Oleo sambuci*, vel *rosarum* dissolvuntur. Quare vel hanc animadversionem, Augustani scriptam, Antagonistæ delectant, vel eandem dictis Zvelseri sui Unguentis adnecti, non agrè ferant.



RESTITUTA

CLASSIS DECIMA OCTAVA,

Emplastra explanans.

IN *animadversionum Classis hujus præfatione*, Emplastra, & Cerata non nisi consistentiæ ratione inter se differre, quorum illa paulò solidiora, hæc nonnihil molliora existant, Zvelserus monet. Quod uti est tritissimum, & à plurimis adnotatum jam fuit : sic nihil novi hîc edocet, sed scripta potius scribit.

Quamvis utraque sæpius ab Autoribus confundi, certum sit.

Hoc etiam medicamenti genus utrumque latitudinem non respuit ; uti ex *Esthio* notat *Joh. Theod. Schenckius Syntagmat. compon. & præscrib. medicam. part. spec. class. 3. sect. 7. cap. 1.*

Quæ de universali determinatione proportionis oleorum ad reliqua ingredientia profert, dum communiter ad ʒi. oleorum (præsertim in Ceratis) ʒiij. cera, resina ʒj. pulverum ʒj. ʒjß. & ʒij. sed vanâ adsertione, destinari, statuit, Augustanos non tangunt ; qui universalem illam regulam non tradunt, neque etiam in ullâ suorum Emplastrorum, ac Ceratorum compositione observant ; utpote, & præparationem, & ingredientia diversorum Emplastrorum, atque Ceratorum maximè inter se differre, haud ignorantes.

Quamquam universalis hæc Zvelseri adsertio vanitate non careat.

Alij enim jam ante Zvelserum determinationem illam non adeo possibilem esse, cognoverunt, reque ipsâ confirmarunt, Cerata scilicet, & Emplastra ex diversâ ingredientium proportionem conficientes.

Non potest, inquit *Joh. Jacob. Weckerus*, in omnibus Emplastris certus medicamentorum modus pondusq; præscribi. Vid. ejus *Antidotar. general. lib. 1. cap. 37.*

Dan. Sennertus Institut. medic. lib. 5. part. 3. sect. 3. cap. 36. de Ceratis sequentia habet : *Proportio autem mistorum varia est, neque facile definiri & regulis comprehendere potest.*

Et *Joh. Schröderus Pharmacop. medico-chim. lib. 2. cap. 53.* proportionem olei, cerae &c. in Emplastris exactè definiri non posse, similiter animadvertit.

Imò & illi, qui quantitatem istam oleorum, cerae &c. universaliter determinant, non tamen communiter illum à Zvelsero propositum modum sequuntur.

Unde *Petr. Morellus method. præscribendi formulas remedior. lib. 2. sect. 2. cap. 12.* olei, cerae, pulverumq, proportionem ancipitem admodum apud Autores esse, memorat.

Et cum, prout Unguentorum, sic & Emplastrorum, ratione consistentiæ, aliqua detur differentia, *Morellus* autem triplicem eam ponat, quatenus nimirum sunt minùs dura, duriora, & durissima, ipse pro olei 3j. ad Emplastrum minùs durum pulverum 3ß, cera 3j; ad durius pulverum 3vj, cera 3jß; ad durissimum pulverum 3vj. vel 3j, cera 3ij. recipit. Pro Cerati verò compositione, ad olei 3j. pulverum 3j. 3jß, cera 3ß. in capite præsedente 10. exigit.

Pariter *Sennertus l. c.* de Ceratis agens talia adducit: Ita ferè definiri solet analogia mistionis, ut cum ex oleo, cerà, & resina constant, sumatur olei pars j. resina dimidia, cera part. iij. Cum verò pulveres adduntur: ut oleorum ad pulveres proportio sit octupla: ad ceram verò tripla, quadrupla, sextupla: & ad resinam, quæ ut tenacius hæreat, addi solet, duodecupla.

Inter causas verò, ob quas proportio illa determinari nequeat, etiam ponit, quòd terebinthina, resina, gummata &c. modò liquidiora, modò solidiora, & crassa deprehendantur. Quod equidem negari nequit. Ast contra Zvelseri *Pharmacopœia Regiæ Emplastrorum & Ceratorum* compositiones militat, in quarum plurimis terebinthina &c. pondus determinatur, veluti in *Emplastro catagmatico pag. 292. citrino vulgari pag. 293. nervino pag. 296. Ceratis de betonica cephalicis pag. 305. 306, ad hernias seu rupturas pag. 306, matricali pag. 307.* videre est.

Verùm ipsa potius Augustanorum Emplastra speciatim perlustrare, adgredior; quorum primum est

EMPLASTRUM ALBUM COCTUM *pag. 305.*, quod paratu difficile esse, Zvelserus objicit; præsertim si pondus præscriptum rerum, ex quibus componitur, strictè observari debeat. Ast paratu hoc difficile esse, etiamsi ingredientium præscriptum pondus strictè observetur, non simpliciter concedo; sed tædiosam quodammodo & laboriosam existere, ob diuturnam lentamque coctionem, qualis, ut albedo ejusdem conservetur requiritur, ambabus largior manibus.

Fundamentum adferti sui ex naturâ *cerussæ* desumit, quam rem gravissimam esse, scribit, cum e contra *oleum* respectu illius, leve admodum, adeoque, quoad pondus, prorsus improporcionatum sit. Quare convenire, putat, ut *Cerussa olei pondus superet, vel ad minimum adaquet.* Ast nihil solidi hîc deprehendo.

Licet *cerussa*, metalli sui, cujus calx est, naturam servans, grave satis & ponderosum corpus, e contra *oleum olivarum* leve admodum sit, ut ita, si utriusque molem species, nulla inter ista duo spectetur proportio; cum tamen Emplastrum hoc non solâ & simplici mistione conficiatur, sed coctio simul in subsidium vocetur, cujus ope *oleum cerussam* adgreditur, eam dissolvit, cumque ipsâ quasi coagulatur, & tali modo bonæ consistentiæ Emplastrum acquiritur, proportionem convenientem inter illa duo adesse, satis clucescit.

Atque hoc modo parari posse Emplastrum præsens, Pharmacopœi non ignorant.

Quin eandem etiam difficultatem in præparatione *Emplastri triapharmaci*, quo nomine illud notissimum *Noribergense*, sive *Ehrnsingerianum Emplastrum* insignit (cum tamen potius *tetrapharmacum* vocari postulet, è quatuor nimirum ingredientibus, *minio*, *aceto rosato*, *oleo rosato*, & *camphorâ* conflatum; cujus magis genuinam descriptionem *Dispensatorium Noricum class. 2. sect. 9. pag. 230. exhibet*) *pag. 301. Pharmacop. Reg. deprehendo.*

Minij enim, quod cum *cerussâ* pari ferè passu ambulat, nam hoc, & illud calx plumbea est, *libra una cum dimidiâ* tantum ponitur, cum tamen *olei libræ duæ* ipsi accedant. Unde similiter nulla hîc inter utrumque, *calcem plumbeam*, & *oleum*, est proportio.

Pariter *cerussæ*, atque *olei* idem pondus in præsentî Augustanorum *Emplastro albo cocto* notari, observatur.

Quare si in isto *Emplastro triapharmaco*, cocturâ, debita forma obtinetur, eadem etiam in Augustanorum *Emplastro* acquiritur.

Porrò *acetum destillatum*, pro meliori *cerussæ* solutione, addendum esse, animadvertit. Ast si *acetum destillatum* pro meliori saltem *cerussæ* solutione adjungi debet, non alium in finem, meritò expensis illis in *aceti* comparationem, destillationemque faciendis, carere possumus; quia *calces plumbeæ* non adeo difficilis in *oleo* sunt solutionis.

Hanc *cerussæ* in *oleo* dissolutionem nec ipse Zvelferus negare potuit, utpote qui in sequentis *Ulmensis Emplastri animadversionib.* talia profert: *Cerussa per coctionem in oleo dissoluta.* Si itaque per se in *oleo* solvitur, *aceti* additionem non adeo necessariam esse, videtur.

Ast dum qua ratione addendum sit *acetum destillatum*, & qua in quantitate, non edocet, animadvertione dignus est; cum in utroque facile error à minus exercitato Pharmacopœo committi queat.

Interea si quis modum in *Pharmacop. Reg. pag. 292. circa Emplastrum*, quod etiam *Albi colli* nomen gerit, observet, is certe non benè rem expediet.

Namque *Aceti sambucini libram unam & dimidiam* eidem *Cerussa Veneta* quantitati, cum *Olei sambuci libris duabus* mistæ, pro illius exactiori solutione, inter coquendum, esse infundendam, à Zvelsero notatur. Nunc si *Aceti* istius *sambucini* naturam perlustremus, non minimam ejus partem, unà cum *florum sambuci* odoratis atomis, studiosa destillatione prius separatis, in auras migrare, deprehendemus.

Acetorum enim medicinalium è floribus præparationem, quam veram, legitiman, & dextram adpellat, *pag. 213. Pharmacop. Reg.* traditurus, *acetum vini* floribus recentibus adfundere, & destillando iterum abstrahere, docet; cui deinde novos recentes flores injicit, atque, post aliquot dierum, infusionem, *acetum* hoc colat, filtrat, sicque usui reservat.

Verùm quia *acetum* illud spirituosum est, ac *oleo*, dum hoc cum *cerussa* coquitur, infunditur, id sanè, calorem sentiens, facile avolat, aliquà saltem, sui parte relicta, quæ *cerussam* corrodit.

Non enim possibile est, ut omnes *aceti* atomi acidæ sic protinus cum *oleo*, & *cerussa* disgregentur, ut omnes in *cerussam* agere possint; hinc necessariò earum aliquæ, antequam dictam calcem invadere queant, in auras fugiunt.

Unde potius *cerussa*, antequam *oleo* admisceatur, cum *aceto* illo repetitam lentam imprægnationem à Zvelsero, qui exiguan etiam subtilium, partium jacturam Augustanis exprobrat, commendari debuisset, ubi nimirum acidæ istæ atomi non æquè avolant, autumo.

Præterea vel *simplex acetum destillatum* negotio huic sufficeret; cum enim *flores sambuci* illis plantis ab ipso Zvelsero *pag. 330. animadvert.* adnumerentur, quæ sulphureæ sunt, tenuiumque partium, atque ita levi etiam coctione easdem amittunt, nihil sanè ab odoratis istis, tenuibusve partibus, ob diuturnam in Emplastro hoc coctionem, in qua scilicet tanta *aceti* phlegmaticæ partis evaporatio quæritur, superesse potest.

Hinc jam adparet, quàm benè Zvelserus observet id, quod *pag. cit.* adduxit, scribens: Eo namque tum ego ipse semper aspiravi, & merito qui vis Medicus in præscribendis medicamentorum generibus in id unice attentus esse deberet, ut in unoquoque composito singulorum ingredientium vires & virtutes integras conservaret, nec easdem inutiliter perderet.

Accedit

Accedit insuper, quòd Zvelferus in isto suo *Emplastro albo cocto*, *acetum sambucinum* ideo infundendum esse, notet, ut *exactior cerussa dissolutio* fiat. Sed in *sambuci floribus* non reperitur illa *cerussam* corrodendi potentia; quinimo illi ipsi flores *acetum* jam imprægnarunt, atque ita ad *cerussa* dissolutionem inhabile quodammodo, juxta Zvelferi quidem mentem, reddiderunt. Unde *acetum simpliciter destillatum* huic utique præferendum esse, si *aceti destillati*, pro hoc negotio, additio strictè expetatur, meritò statueret quis posset.

Pluribus hac de materiâ in *Examine Unguentorum alborum* actum fuit, quæ faciliè præsentì quoque *Emplastro albo cocto* adplicari à quovis possunt.

Sal, licet, quod nonnullis usitatum esse, Zvelferus notat, addi queat, adjungere, necessarium non esse, ex eodem fundamento, quo *aceti* additio necessaria negatur, evincitur; scilicet sine *salis* accessu *cerussa* etiam in *oleo* dissolvitur, atque Emplastrum diligenter paratum albicat.

EMPLASTRUM D. D. ULMENSIUM pag. 366. illo antecedente paratu facilius existere, animadvertit, cum candor in eo non expectatur. Sic est, non tantum temporis ad hujus præparationem requiritur, cum violentiori igne conficiatur, citiusque in *oleo cerussa* hac ratione dissolvatur, & ad consistentiam debitam perducatur. Quo respectu facilior utique præparatio ejus dici potest. Sed nihil hoc contra Augustanos concludit.

De additione *cerae* quæ profert, ipse quoque existimo, peritiores Pharmacopœos huic, aliisque Emplastris *ceram* admiscendi tempus, modumque non latere.

Emplastris his *mastichen*, & *thus* subtilissimè trita, nec non *camphoram*, in *olei* particulâ dissolutam, conjungi posse, Medici minimè ignorant, qui non solum has, sed & diversas alias species, pro diversitate indicantium &c. commisceri posse, cognitum habent. Sed hæc & similia ad medicamentorum præparationem non spectant.

In EMPLASTRO APOSTOLICO NICOLAI ALEXANDRINI pag. eadem cum ingredientia ejus saltem ab Augustanis ponantur, nullâ præparationis factâ mentione; proinde necessum esse, ducit Zvelferus, ut dextrum ejus parandi modum subnectat. Quod propositum equidem tantopere impugnare, nolo. Peritus tamen Pharmacopœus dextram ejusdem confectionem ipse non ignorat.

Interea dexter ille Zvelferi modus aliquid sinistri quoque continet, si vel *animadversiones antecedentis Emplastri albi* excutiantur, dum *libargyrum*, quod calcem plumbeam esse, neminem latet, cum solo *oleo* coquit, sicque dissol-

dissolvere illud, conatur, qui tamen *aceri* accessum aliàs necessarium ducit. Prout etiam in *Unguento Apostolorum Avicennæ*, pag. 339. *animadversionum*, *lithargyrum*, addito *aceto forti*, quod nempe Augustani ibidem non observarunt, coquendum esse, studiosè monet.

Plura etiam in præparatione illâ mutari variè possent, v. g. si ista *galbani uncia una* non in *aceto*, sed in *terebinthina uncia una* & dimidiâ, quæ pariter ad Emplastrum hoc requiritur, dissolveretur.

Quod utique præstaret, si *animadversionibus*, in *Unguentum de althæa compositum Nicolai* pag. 338. scriptis, fides sit habenda; ubi sequentia habentur: *Galbanum si purum totaliter in terebinthinâ liquefit & dissolvitur, quod tum faciliori negotio postmodum oleis commisceri potest, quàm si vino vel aceto dissolutum esset.* Quare etiam *galbani*, & *gummi hederae* causâ, pondus *terebinthinae ad uncias duas* adauget, sic ut cuilibet *uncia gummi*, *uncia una terebinthina* respondeat.

Quamquam in tantum propterea pondus *terebinthinae* augere, opus ibidem haud fuerit; cum istarum superadditarum duarum unciarum loco, *drachmæ quinque vel sex* sufficissent; quia *gummatum uncias novem* in *sex terebinthinae uncias* liquari possit, pag. 378. *animadvers. in Emplastrum magneticum Angeli Sala*, exemplum *Zvelferus* suppeditat.

In nostro verò, de quo jam agimus, Emplastro *terebinthinae* quantitatem augere, non opus est, cum ejus *uncia una cum dimidiâ*, *galbani uncia una* respondeat.

Pariter etiam *myrrha* in *terebinthinâ* solvi requireret. Nam, sic *Zvelferi* verba pag. 350. *animadvers. in Unguentum Martiatum Nicolai* sonant: *Licet Myrrha in vino vel aceto nonnihil dissolvi aut dilui queat, non tamen hæc tam genuina solutio est, quàm si in Terebinthinâ solvatur vel liquefiat, utpote quæ tum deinceps oleis &c. facillimè commisceri potest; secus evenit, si cum vino vel aceto diluta sit.* Idcirco etiam huic scopo ut satisfaciatur, compositioni prædictæ, per se satis prolixa, *terebinthinam*, quæ aliàs *Unguentum*, istud non ingreditur, admiscet, ac ita, licet aliàs in medicamentis compositis ingredientium cumulationem detestetur, compositionem adhuc prolixiorrem efficit, saltem, ut *myrrham* tali modo solvere possit. Quapropter si tam necessaria est illa solutio, eandem, & quidem majori jure, in hoc quoque, Emplastro observare debuisset.

In ò non tantum *galbanum*, cum *myrrhâ*, sed quoque *ammoniaccum*, & *sarcocollam*, quorum omnium pondus si conjungatur, *uncias tres, drachmas sex* ea pendere, deprehenditur, in *terebinthinâ* dissolvere potuisset, *acetiâ* additione opus ipsi minimè fuisset, si duntaxat præscriptis *terebinthinae*

uncia uni & dimidia unciam unam, ex fundamento, superius in animadversionibus Emplastri magnetici monstrato, adjecisset, nec ita quidem duplicato ejus pondere opus habuisset.

Bdellium in aquâ plantaginis solutum addit; sed non adeo prudenter. Aqua enim ista si non tota, majori tamen ex parte in subsequente præparatione iterum exhalat, sicque expensæ, quas alias præcavere velle, videtur, in ejus destillationem frustra factæ fuerunt.

Bdellium quoque in quacunque aquâ simplici, eadem facilitate, dissolvi posset; & ita exhalatio ejus nullum Pharmacopœo damnum inferret.

Ut jam non repetam, quòd *Zvelserus* vegetabilia, adstringendi virtutē prædita, destillationibus, quales similium aquarum sunt, ineptas reputet.

Imò *bdellij* solutio planè omitti, atque ipsum saltem in pulverem reductum, unâ cum aliis pulveribus, adjici potuisset; quod etiam *Zvelserus* in *Unguenti Apostolorum* præparatione, pag. 339. animadvers. observavit, videlicet *bdellium* in formâ pulveris subtilissimi adjiciens.

Mastichen reliquis pulveribus adjungit, sicque alternatim inspergendo, cæteris commiscet. Ast neque hic animadversionibus suis prioribus conformem se præbet.

Potuisset enim *mastiche* cum cerâ, colophoniâ, & *terebinthinâ* in oleo liquari.

Namque pulverisatam eam perperam addi, ex pag. 363. animadvers. in *Unguentum viride Regina* venari licet, ubi *Zvelserus* talia fatur: *Mastix* (mastiche) etiam, quæ in oleis faciliè & promptè liquefit, pulverisata non minùs perperam additur.

Unde etiam pag. 344. animadvers. in *Unguentum Comitissa*, *mastichen*, & ceram in oleis liquat, tum demum pulveres inspergens; & pag. 345. animadvers. in *Unguentum fuscum Nicolai*, *mastichen* unâ cum cerâ, pice, & *terebinthinâ* in oleo liquat, eandem cum *thuris* pulvere non adjiciens.

Sed satis de hoc; ex quo Lector Benevolus etiam cognoscit, quòd incitatis Unguentis *Zvelserus* multa, ratione dissolutionis gummatum, contra Augustanos scribat, quæ tamen ipse postea non observat.

Sequentia jam quatuor Emplastrâ paratu facillima esse, monet.

Horum primi, videlicet **EMPLASTRI DE BACCIS LAURI** pag. 368. præparationem adnectit, quæ tamen cum ab Augustanis generaliter saltem indicata fuerit, atque à Pharmacopœo perito, præcipuè quia facillima est, non ignoretur, missam eam facio.

EMPLASTRUM BASILICUM MAIUS MESUES pag. eadem nullo ferè indigere oleo, animadvertit; cum ejus species ingredienti-

antes.

entes etiam sine ipso commixta, mollioris consistentiæ Emplastrum constituent. Sed Emplastrum hoc, inusitatorum censum aliàs ingrediens, aliquid olei ferre posse, non planè negari debet; cùm non una eademque omnium Emplastrorum sit consistentia, sed nonnulla molliora, duriora alia existant; quo de circa principium *Examinis Classis hujus* actum fuit.

Accedit quoque, quòd, *terebinthinam, resinam, gummata &c.* modò liquidiora, modò solidiora & crassa deprehendi, Zvelserus in *prafatione animadvers.* ad *hanc Classem* monuerit. Quæ recensita simplicia huic quoque Emplastro destinantur. Unde si eadem solidiora & crassa fuerint, cur olei particulam ferre nequeant, haud video, imprimis dum Augustani pondus olei non exprimunt, sed tantum, *quantum sufficit*, sumendum esse, volunt, sicque olei pondus, ob diversitatem specierum ingredientium, Zvelseri ad mentem, non determinant.

Illud etiam paucum *oleum* ad Emplastri malaxationem adhiberi potest.

Quæ de *cera citrinâ*, videlicet quòd ea *alba* præferenda sit, adducit, Emplastri hujus præparationem non concernunt.

Ejus verò quantitatem, quò nonnihil de *oleo* addi possit, augendam esse, usque adeo concedi haud debet, tum quòd necessarium minimè hoc esse, ex modò dictis elucescat, tum quòd *cera*, & *oleum* huc, ad formam Emplastri obtinendam, non propriè ob singulares aliquas virtutes medicas, ferè saltem accersantur; quo respectu, si absque olei ope Emplastrum hoc debitè parare se posse, Pharmacopœus intelligeret, *cera* quantitatem adaugere, ut parum olei addere queat, neutiquam tenetur.

Idem etiam in *EMPLASTRO BASILICO MINORI MESUES* pag. eàdem observari debet.

EMPLASTRUM E LAPIDE CALAMINARI pag. eàdem, si juxta modum ab Augustanis præscriptum paretur, durioris Unguenti, non verò Emplastri consistentiam acquirere, objicit; idcirco vel *cera* quantitatem notabiliter augendam, vel *libargyri* ponderi *unciæ dimidiæ* assignatæ adhuc *duas uncias* jungendas esse, arbitratur. Ast neutrum horum opus esse, qui Emplastrum hoc diligenter paraturus est, cognosceret.

EMPLASTRUM CATAGMATICUM, SEU AD FRACTURAS OSSIUM D. D. RENODÆI pag. 369. secundum præscriptam formulam præparatum, non Emplastri, nec Unguenti formam impetraturum, objicit; sed nescio (sic cavillatur Zvelserus,) *cujus medicamenti mirabilem acquireret consistentiam, cùm illa principio & sine careat, omniq; ordine ac debitâ componendi ratione.* Ast non adeo hæc animadversio inconcinna sano judicio placere potest; cùm tradita hic ab Augustanis præpa-

ratio utique principium, *radicum* nimirum *Symphyti majoris*, *althææ*, *visci querni*, *plantaginis* &c. in æqualibus *vini nigri*, & *aquæ fabrorum* partibus, decoctionem habeat; nec sine, qui illis verbis: *Fiat lege artis Emplastrum*, indigitatur, careat.

Nec sanè ullam rationem video, ob quam Augustanorum præparandi modus, non Emplastri, sed mirabilem aliam consistentiam producat?

Siquidem *radicum Symphyti*, *althææ* &c. cocturam ritè se habere, non est dubium; quod decoctum *mucilagini seminis cydoniorum oleisq;* mistum, & ad humiditatis aquosæ exhalationem coctum, cum *lithargyro* dein, *gummatibus*, & tandem *pulveribus* unire, atque ita, *lege artis*, Emplastrum conficere, peritus Pharmacopœus haud ignorat.

Quare, Emplastri hujus dextram elaborationem, ex præscriptâ Augustanorum formulâ adgredi, qui Pharmacopœi nesciunt, minùs exercitati sint, necesse est, & qui munere illo vix digni existunt.

Atque his vel modum à Zvelfero præscriptum commendo; vel ut artem meliùs addiscant, consulendum ipsis esse, arbitror.

Hinc ignorantia conficiendi Emplastra, si eorum compositione ritè se habente, præparatio vulgari illo: *Fiat secundum artem*, saltem indigitetur, non Medico, sed Pharmacopœo potius, secus ac velle videtur Zvelferus pag. 47. *Append. animadvert.* imputanda est.

Et Medici nonnulli, officio suo se satisfecisse, meritò arbitrantur, dicta verba formulis adscribentes; nec auctoritatem suam ministris pharmacopœis prostituunt; qui si probè calleant artem, illud *secundum artem conficere*, jam satis intelligunt, præscriptamque prolixam conficiendi formulam non necessariam, sed superfluum esse, ducunt. Sin rudes in conficiendis medicamentis existant, indigni sunt, quibus officium illud concedatur. Et similibus Augustani non, sed illis potius, tam magni momenti spartam assignant.

EMPLASTRI CERONEI NICOLAI pag. 370. præparationem optimè quidem inceptam, ast pessimè & perquam stupidè finitam, esse, convitiatur; sed in quo tanta consistat labes, clarè non exprimit.

Licet etenim alium præparandi modum adnectat, ipse tamen Augustanorum illum neutiquam tollit, aut erroneum esse, evincit; in quo nimirum *sagapenum*, *galbanum*, *opopanax*, & *ammoniacum* ad pultis formam solvuntur cum *vino*, cujus mediâ parte bulliendo consumptâ, *pix navalis*, dein *cera*, postmodum *colophonia*, & *styrax* cum iisdem liquantur; postea *masliche*, *olibanum*, *myrrha*, *bdellium*, *terebinthinam*, *alumen*, *lithargyrum*, *sanguis* ordine conjunguntur, & massa ista in aquam frigidam effunditur; cui,

cui, aqua expressa, aloë pulverisata additur, atque peracta super marmor, oleo laurino inunctum, malaxatione, crocus pulverisatus adjungitur, manibusque, oleo laurino inunctis, magdaleones efformantur.

Ubi certe nihil animadversione tam acerba dignum reperio, nisi forte massæ in aquam frigidam effusioni eadem scripta fuerit. Quam equidem, omitti posse, non ibo inficias; interea tamen cur adeo insolenti calamo perstringi debeat, nulla alicujus momenti causa subest.

Sed Emplastrum hoc minùs usitatorum numero cum insertum sit, de eo pluribus agere, supervacaneum esset.

De EMPLASTRO CITRINO VULGARI pag. 371. cum id paratu sit facillimum, non est sollicitus Zvelferus.

DIACHYLON SIMPLEX SIVE ALBUM MESUES pag. eadem parem diligentiam, quam *Album coctum*, efflagitare, monet, cum albedo in eo valdopere probetur. Verùm animadversio hæc superflua est. Si enim Augustanorum ad normam diligenter paretur, desideratam albedinem ipsum acquirit.

Interea Zvelferus, animadversiones suas, super Emplastrum album coctum conscriptas, unà huc trahendas esse, atque secundùm eas Emplastri hujus præparationem commodè institui posse, scribit. Sed dum ibi *cerussæ* pondus olei ponderi respondere, & acetum destillatum, pro meliori *cerussæ* dissolutione, addi debere, animadvertit, (quod tamen necessarium haud esse, in Examine ejusdem, propugnavi) eo ipso minùs ritè *Diachyli sui simplicis*, pag. 293. *Pharmacop. Reg.* descripti, se tradidisse præparationem, comprobatur. *Lithargyrum* namque, cujus hîc eadem, atque *cerussæ*, ratio est, cum solâ *axungia porcina*, absque aceti destillari accessione, dissolvere tentat; præterea *lithargyri* libris tribus, *axungia porcina recentis* libras quatuor destinat; cum tamen *lithargyrum*, uti *cerussa*, res sit gravissima, *axungia* verò, respectu illius, levis admodum, adeoque quoad pondus prorsus improporcionata.

Mucilagines illud ingredientes, cum *lixivio*, quod nonnullis Pharmacopœis usitatum commendat Zvelferus, extrahi quidem possunt, sed adeo necessarium haud est.

Et quia Emplastrum hoc ad vulnera quoque & ulcera consolidanda, adhibetur, mirari subit animum, quòd Zvelferus, ob acrem ejus vim, *lixivij*, & quidem, uti in citato *Diachylo suo* habet, fortis, additionem non improbet; qui aliàs acria in consimilibus casibus eradicare, contra Augustanos, sustinet.

Aliquos, pro oleo, *axungiam porcina* substituere, pariter notat; quos

& ipse in modo nominato suo *Diachyla simplici* sequitur. Per me id imitari, vel negligere licet.

Siquidem variè medicamentum aliquod, etiam ratione ingredientium, mutari facile posse, equis est, qui nesciat?

Augustani illum à se traditum modum cum emolumento observant, & porro observabunt.

In *DIACHYLI COMPOSITI, SEU EMPLASTRI DE MUCILAGINIBUS DICTI* pag. 372. præparatione necessum esse, ducit, ut *mucilagines* cum *oleis* ad totalem humiditatis consumptionem coquantur. Ast quid hîc agendum sit, aliâque similia, Pharmacopœus peritus, ut iterum hoc inculcem, jam ipse novit, qui nimirum *secundum artem* Emplastrum hoc conficere, didicit.

Sed *mucilagines* cum *oleis* ad humiditatis totalem consumptionem coquere, *oleumq;* coctum colare, vel à crassamento, à *mucilaginibus* relicto, separare, dum præcipit Zvelferus, eo ipso parùm benè procedit; quia dum *mucilagines* totæ iterum separantur, non tantùm *radices althææ*, *semen lini*, *cortices medianos ulmi*, ac *sænugracum* inutiliter perdit, verùm etiam laborem, extractioni *mucilaginum*, earumque cum *oleis* coctioni impensum, irritum reddit, nec non *oleorum chamemeli*, *liliorum alborum*, & *anethi* spirituosas partes exhalare, improvidus cogit.

Hanc tamen meam objectionem non alio, nisi Zvelferi fundamento niti, volo, quod pag. 44. *Append. animadvers.* struxit, sic scribens: *Succi vegetabilium* tanquam *aquosi* nullo unquam cum *oleis* consortio connesuntur, ut vel centies invicem commixta, denuò naturâ suâ segregentur, nullâque omninò arte ita commisceri aut uniri possint per se, ut per minima commixta maneant, undè nemo in eam opinionem descendat, aut sibi persuadeat, succorum virtutes medicinales, in olea transmigrare, illisq; dextrè communicari, quid? quòd licet invicem, olea scilicet & succi coquantur ad totalem succorum & humiditatis exhalationem, ut aliàs moris est, nihilominus evidens sit separatio olei à succo inspissato &c. *Mucilagines* autem cum nihil aliud sint, quàm succi vegetabilium, *radicum althææ* &c. pariter in prædictâ *oleorum* coctione segregabuntur; quos inspissatos & segregatos succos, à Zvelfero nomine crassamenti à *mucilaginibus* relicti, donatos, ab *oleis* separare, Zvelferus sinistrè satis jubet.

Gummata quidem Emplastro commisceri posse, insuper notat, aceto & vino prius diluta; melius tamen esse, judicat, eadem in *terebinthinâ* dissolvere, quia consistentia mollior alioquin evadit, quàm pro Emplastro exigitur. Quo ipso dicam Augustanis scribit, qui in præsentî Emplastro *gummata* in vino optimo dissolvere, præcipiunt. Ast uti non nego, *terebinthi-*

nam negotio huic inservire posse: ita vicissim Augustani culpari haud merentur.

Exigua enim ad hanc dissolutionem, quæ nempe si ad pultis formam fiat, sufficit, *vini* quantitas requiritur, quæ ideo consistentiam Emplastri tantopere immutare nequit; præcipuè cum Emplastrorum, ratione consistentiæ, latitudo aliqua detur, & si fortè *vinum* abundet, illud coctione iterum separari, sicque debita forma obtineri possit. Licet verò hac ratione partes aliquæ spirituosæ in auras abeant, tam magni tamen momenti eæ haud sunt, quia non nisi perpaucæ esse queunt.

Ubi etiam illorum, quæ in *Examine animadvers. Emplastri Apostolici*, circa *gummatum* in *terebinthinâ* dissolutionem, notavi, Lector Amicus recorderetur.

Sequitur nunc *DIACHYLON MAGNUM MESUES* pag. 372. cujus animadversiones sic exorditur: *Equidem multò consultius esset, hanc & similes compositiones ex Dispensatoriis elidere, quàm corrigere.* Cur, verò tam malignam censuram compositio præsens mereatur, dum non exprimit, de eâ judicium ferre nequeo.

Nihilominus eandem omittere, quòd consultius fuisset Zvelfero, arbitror.

Quippe medicamentum præsens, vel ob compositionem, vel præparationem, elidi requirit.

Ob compositionem autem, Zvelferi animadversiones respuit, cum ipse in præparationes saltem animadvertere, sibi proposuerit.

Præparatio verò nullum præ se fert errorem, utpote quam *secundum artem* fieri debere, ab Augustanis generaliter innuitur; quod artificium Pharmacopœus peritus minimè ignorat, cui videlicet labor hic demandatur.

Plura de Emplastro hoc addere, necessarium haud existit; quod jam dudum ex Augustanorum Officinis remotum fuit.

In *DIACHYLO PARVO MESUES* pag. 373. pondus *li-thargyri* ad unciam unam vel alteram augeri debere, animadvertit. Hoc quidem fieri posse, non nego; ast fieri debere, quilibet, qui secundum præscriptam methodum paraturus illud est, negabit.

DIACHYLON CUM GUMMIS VIGONIS pag. eàdem difficultates nonnullas implicare, putat. Si enim 1. ad uncias viginti sex & dimidiam oleorum, libram dimidiam seu vitulini, nec non *terebinthinâ* unciam unam cum dimidiâ, *cera* quantitas sufficiens, ad Emplastra aliàs à Medicis determinata, tandem addi deberet, ejus vix novem libras sufficere, objicit. *Ast hac quantitas*, sic pergit Zvelferus, *cera nimium excederet proportionem ingredientium*.

dientium reliquorum. Quare *lithargyri* quantitatem, respectu aliorum ultra modum diminutam, necessariò adaugendam esse, concludit, atque in formulâ *drachmis ejus decem, libram unam cum dimidiâ* postea substituit. Sed animadversio hæc difficultates nonnullas implicat.

Nam posito, *novem cera libras*, vel majorem etiam ejus quantitatem, sumi debere, cum *cera* tantum consistentiam requisitam inducendi causâ adjungatur; licet, reliquorum ingredientium respectu, ejus dupla, tripla, vel quadrupla dosis sumatur, propterea errorem committi, dicere minimè licet.

Aliàs & Zvelserus periculo huic subesset, si v. g. *aquæ* magnam quantitatem pro aliquibus ejus medicamentis, ut ipsis forma liquida inducatur, præscribi, notetur, in quibus sanè quantitas *aquæ* nimium excedit proportionem ingredientium reliquorum; ceu illud *Pharmacop. Reg. pag. 87. Decoctum contra calculum nephriticum, & pag. 88. Decoctum contra dysenteriam*, in quo *aquæ libra octo, specierum libra dimidia & drachmis sex cum semisse* destinantur. In præsentis Emplastri descriptione, præter *cera* à Zvelsero denotatas *libras novem*, aliorum ingredientium quantitatem ultra *libras quatuor, duasque uncias* adesse, conspicitur, quæ partim substantiâ suâ integrâ, partim meliori sui parte extractâ illud ingrediuntur.

Lithargyri quantitatem, respectu aliorum, ultra modum diminutam esse, negatur.

Minor quidem ea est, intuitu *radicum althææ, iridis*, nec non *oleorum chamæmeli &c. pinguedinum, terebinthinæ, & sèvi vitulini*, ast æqualis, respectu *olei amygdalorum dulcium, æspi, & succi glycyrrhizæ*; imò major, respectu *seminum lini, fenugraci, malvæ, althææ, cydoniorum, & psyllij, sagapeni, popanacis, bdellij, galbani, atque ammoniaci.*

Potiori ergo jure de ultimò recensitorum aliquo Zvelserus dicere potuisset, quòd quantitas ejus, respectu aliorum, etiam *lithargyri*, ultra modum diminuta sit.

Denominatus tamen *lithargyri* pondus non necessariò adaugendum esse, ex antedictis elucescit.

2. Pro *suc o glycyrrhizæ nigro, fortissimum radicis liquiritiæ decoctum* substitui posse, opinatur, ne Emplastrum à succo illo, colore nigro imbuatur. Decoctum tale posse substitui succo, equidem non nego. Ast Emplastrum hoc neque ut notabilem albedinem præ se ferat, expetitur, neque à succo addito nigredine imbui, illud præparantes observant. Non quidem admodum albescit tali modo paratum, sed quoque non nigrescit.

Caterum si eadem *decocti radicis glycyrrhizæ* quantitas, quæ scilicet, post debitam, ad extracti spissi consistentiam, inspissationem, pondere
drachmæ

drachmas decem, quot scilicet *drachma succi glycyrrhizæ* ab Augustanis præscribuntur, adæquat, sumatur, Emplastrum hoc eodem colore, quo, si cum ipso succo paratum esset, imbuetur. Siquidem decoctum radicum illarum inspissatum parem cum succo nigredinem præ se fert; nec certè inter utrumque usque adeo magna est differentia.

Imò maiorem nigredinem, à Zvelferi decocto, Emplastro præsentī induci, necesse est; quia præscripta à Zvelfero *radicum liquiritiæ libræ dimidia* decoctum, si cum sufficiente aquæ quantitate radices decoctæ, earundemque omnes vires extractæ fuerint, ad succi debitam consistentiam evaporatum, sive, uti Zvelferus hic præcipit, ad consumptionem humiditatis coctum, *drachmas decem* in pondere longè superat, sicque Zvelferus aliorum reformatæ & dealbare Emplastrum cupiens, se, propriumque suum Emplastrum insigniter reformat, multoque magis denigrat.

Interea ob externum tale aliquod, & ad medendum nil conferens accidens, medicamenti alicujus compositionem immutare, minimè decuit; præcipuè quia non tam ad medicamenti pulchritudinem (si tamen aliqualis hic speranda est) sed potius ad ejusdem efficaciam respiciendum esse, alibi Zvelferus clamat.

Infringitur autem Emplastri efficacia, si pro minori nigredine conciliandâ, minor *liquiritiæ* quantitas recipiatur.

EMPLASTRO DE CRUSTA PANIS MONTAGNANÆ *pag. 374.* præterquam quòd vitium typographicum subesse, suspicetur, id quod ex falsâ ipsius constructione colligit, insuper etiam nonnulla frustra addita esse, omnino existimat Zvelferus, ex. gr. *coralia alba, rubra, & spodium*, utpote quæ externè applicata, præsertim *spodium*, tanquam res emortuæ, ventriculum haud roborent. Utique vitium typographicum, subest, ratione locationis ingredientium, quæ tali modo fieri debuisset:

Rec. Olei de mastiche,

cydoniorum,

Terebinthina,

Cera ana unciam unam.

Non minùs etiam *coralia*, & *spodium* hoc in Emplastro omitti posse, arbitror, cum tali modo applicata virtutem suam, qua ventriculum roburare dicuntur, exserere vix queant.

Quamquam propterea non mox res emortuæ dicendæ sint.

Possè quoque plures alias Emplastrorum stomachicorum formulas præscribi, nemo est, qui dubitat. Interea illud Augustanorum, à *Montagnanâ* mutuatum, suam pariter laudem meretur.

EM-

EMPLASTRI DE FULIGINE *pag. 375.* preparatio licet non adeo difficilis sit, nosse tamen se non paucos, scribit Zvelferus, qui illud dextrè conficere ignorant. Quare illorum in gratiam, dilucidiorē & faciliorem ejus preparandi modum adponit. Quod monitum Augustanos non tangit, qui præparationem ejus artificii commendant, cui ingredientia ista ritè miscere, atque ita in debitam Emplastri formam adunire, utique non est difficile.

Illos, qui talia, non adeo difficilia, conficere ignorant, parùm assimant; quin, ut Zvelferus eosdem informet, libenter permittunt.

EMPLASTRUM GRYSEUM DE LAPIDE CALAMINARI *pag. 376.* nullâ ratione artificiosius, quàm simplici mixturâ confici posse, animadvertit. In quo iterum nihil, quod contra Augustanos militat, adducit, qui *secundum artem* conficere hoc Emplastrum, præcipiunt. Pharmacopœus autem artis suæ peritus ipse, ex ingredientium consideratione, non coctionem hîc requiri, sed debitam solum nonnullorum liquationem, simplicemque mixtionem, cognoscit.

In EMPLASTRO AD HYDROPEM *pag. eadē* nihil animadvertit, sed genuinam tantum ejus præparationem producere, conatur; in cujus tamen delineatione, præter ipsam præparationem, compositionem quoque reformat, dum nonnullorum ingredientium pondus adauget, nonnulla verò planè (an præmeditatè, vel ex negligentia? me latet) omittit.

Alium autem addere confectionis modum, tam necessarium haud fuit, cum ille ab Augustanis assignatus suo stet valore.

Et quamvis ipsi *baccas lauri, anethum, flores chamamelis* coctioni, unâ cum *stercore columbino, sulphure &c.* submittant, in qua partes earum aliquas oleosas petere auras, negari nequit, omnes tamen haud avolant, sed parva saltem earum pars deperditur.

Ipsè etiam Zvelferus in commendatâ à se, circa præparationis finem, unâ vel alterâ ebullitione, earum aliquas in aërem dimittit.

Augustani justæ consistentiæ Emplastrum adquirunt, dummodo ad debitam spissitudinem decoctio fiat. Zvelferus verò *potius Cataplasma* parare, uti ipsè fatetur, docet.

Circa EMPLASTRUM ISCHIADICUM *pag. eadē* similiter aliud quid non occurrit, quàm quòd Zvelferus illud solum conficere, edoceat, dosin interim *fermenti*, quam, ut & *olei lini*, non determinant Augustani, (qui tantum sumendum esse, volunt, *quantum satis est*) exprimens; reliquorum verò ingredientium omnium, excepto *castoreo*, pondus (fortè, ut aliquid

aliquid contulisse videatur,) duplicans, & Emplastrum inde confectum, accedente etiam unâ vel alterâ ebullitione, Cataplasmatidis nomine similiter insigniens.

Augustani verò efficax hoc suum Emplastrum, solâ ingredientium in mortario calido incorporatione, diligentique permixtione, conficere norunt.

In EMPLASTRO MAGNETICO ANGELI SALÆ pag. 277. duo potissimum occurrere, cavillatur Zvelferus, quæ ingentem redolere absurditatem, autumat, videlicet *gummatum* cum *aceto scilicito* coctionem, & *terra vitrioli* preparationem. Utrumque hoc licet meliori modo tradi potuisset, ingentem tamen absurditatem redolere, mox dici non meretur.

Sagapenum, ammoniacum, & galbanum etiam si per diuturnam coctionem dispendium aliquod partium subtiliorum incurrant, omnes tamen amittere, nullâ ratione probari potest.

Quod si aliquas earum perdere, ingentem involvit absurditatem, quin ipse Zvelferus censuræ huic rigidæ subdit, non est dubium, utpote qui in suis Emplastris, recersita gummata liquando, cum aliis ingredientibus permiscet, & eo ipso, lenis quamvis accedat calor, partes aliquæ subtilissimæ quò minus in auras exhalent, prohibere nequit. Imò postquam ingredientium facta jam fuit permixtio, nihilominus tamen Emplastrum talia aliquandiu in calore agitare, præcipit; in qua agitatione particularum subtiliorum exhalatio egregiè promovetur.

Prout hujus exemplum suggerit *ammoniacum, & sagapenum*, quæ *aceto* soluta *Pharmacop. Reg. pag. 294.* Emplastro diaphoretico conjunguntur, & postquam omnia commixta atque dextrè unita jam sunt, nihilominus adhuc per horam integram in vase duplici, calore leni, Emplastrum jam paratum, agitatur.

Ammoniacum, & galbanum in Emplastro oxycocco *Pharmacop. Reg. pag. 297.* conspiciuntur, quod, ubi, *omnibus exactè mixtis*, debitam consistentiam obtinuit, *aliquandiu in calore diplomatæ* agitandum esse, præcipitur.

Videntur autem Augustani hanc gummatum solutionem, pro sortidum, quæ ipsis inherere ut plurimum solent, separatione, præcipuè commendasse; qua sanè ratione tantopere culpandi non sunt, cum multas sæpe impuritates continere ea, nemo ignoret.

Unde quoque Zvelferus *Pharmacop. Reg. pag. 296.* in Emplastro nervino, *sagapenum &c.* in *terebinthinâ* liquatum, per linum & qualum, si opus, colare; atque eodem modo *ammoniacum, & galbanum* pag. 297. in Emplastro oxycocco, si necessitas posulet, tractare, jubet.

Si quis tamen cum minori *aceti* quantitate idem impetrare se possit, autemet, illi litem non movebo.

Quamquam id, quod à *scilla* remanet, in hoc Emplastro non exiguarum sit virium, ut vel eâ ratione major *aceti scillitici* quantitas sumi queat.

Præparationem & edulcorationem *terra vitrioli* quod spectat, eam satis ineptam & non intellectam esse, objicit. Verum non omnia, quæ hîc reformat, satis intellexit Zvelferus; cujus rationes adductas itaque percurrere, libet.

Et quidem præparationem quod concernit; 1. nullatenus tam facili negotio tria illa (*ficta aliquando*) Chemicorum principia, Sal, Sulphur, & Mercurium, additione *salis ammoniaci*, & sublimatione, à *vitriolo* separari, statuit.

Sal, Sulphur, & Mercurium dum *ficta aliquando* principia Chemicorum adpellat, nescio, quænam sibi de iis fingat.

Si enim *ficta* aliquando sunt, nunquam vera erunt. Si autem aliquando vera sunt, quod Zvelferus velle videtur, nunquam falsa esse queunt. Aliâ principia dici non possent. Sed de istis agere, ad præparationem medicamentorum nostrorum non spectat.

Posito itaque principia ista tria in nonnullis haud mereri nomen principiorum, quod tamen *vitriolum* attinet, utpote de quo hîc sermo unice est, idem de ipso adfirmare nequit Zvelferus, nisi sibi metipsum contradicere velit; dum pag. 385. *Pharmacop. Reg. vitriolum* corpus, tribus constans principiiis, Sulphure scilicet, Sale, & Mercurio, vocat.

Non posse autem tria hæc principia, per traditam sublimationem *vitrioli*, cum *sale ammoniaco*, tam facili negotio separari, Zvelfero minime contradico.

Cæterum de separatione dictorum principiorum *vitrioli*, mentem Zvelferi excutere, si liberet, ab ineptiis immunem cum haud esse, ostendere, non adeo difficile foret.

Interea solum *Sulphuris vitrioli*, quod *anodynum* vocat, artificiosam (scilicet) separationem in *Pharmacopœiâ Regiâ*, pag. 394. & 395. Lector Benevolus excutiat. Cui sanè vera illa *Sala* sententia, *sect. 1. Synops. aphorism. chiniatr. 45.* adplicari potest, scribentis: *Pulvis iste subviridis vel flavus, quem chemici quidem, mediante præcipitatione, vel attractione per laminas ferri facta, separant, non est sulphur, sed pars mineralis & fixa vitrioli (cuprum, ferrum) cui nomen sulphuris Vitrioli anodynî nequaquam debetur.*

2. Sublimationem illam cum *sale ammoniaco* non succedere, objicit, nisi *vitriolum* prius ad rubedinem optimè calcinatum fuerit. Verum, etiam si

etiamſi ſimpliciter, *vitriolum Hungaricum* ſublimationi eſſe ſubjiciendum, in ſextu innuat, eo ipſo tamen deſtillationem, vel calcinationem requiſitam præcedere debere, non negatur; quin potius illam fieri debere, præſupponi, artifex recordatur.

Imò Auguſtani ſublimationem iſtam dum tradunt, quòd, à *vitriolo* phlegma, omneque ſal acidum jam ſeparatum eſſe, ex *Angelo Salà*, Emplaſtri huius autore præſupponant, credibile eſt, qui poſtquam, mediantibus deſtillationibus, rorem vitrioli, aquam ſecundam, ſpiritum & oleum, (pro-ur partes illas diſtinguit) nec non ſal vomitivum extractione, ſeparavit, terram nigram reſtare, tract. 1. *Anatom. vitriol. cap. 7.* ſcribit, quam igne fortiffimo exſiccare, & poſtea, cum æquali pondere *ſalis ammoniaci*, in pulverem redactam, primùm igne lento, dein majore, tamdiu ſublimare, jubet, donec nullum ampliùs fumum alta petere, conſpiciatur. Atque iſtud, quod *ſal ammoniacum* à *vitriolo* in ſublimatione in altum rapuit, nonnullos *ſulphur vitrioli* adpellare, memorat.

Sed ponamus, Auguſtanos minùs benè ſcripſiſſe: donec auferantur *ejus tria principia* &c. & ad tertium dubium nos conferamus, quòd ſcilicet, eti-amiſi *ſal ammoniacum* cum *vitriolo* non calcinato ſublimaretur, non tamen, terra lotioni apta, ſed *vitriolum* ſolubile, poſt ſublimationem, in reſiduo maneat. Quod dubium, cum *vitriolum*, ſalinis partibus jam exutum, ſublimationi adaptetur, ſponte concidit.

Verùm omnibus hiſce planè non indigemus, cum poſt ſublimationem hanc ritè peractam aliud non, quàm *terra vitrioli, colcothar* dicta, remaneat; quod *colcothar* ab illo, poſt ſpiritus deſtillationem, extremo igne factam, relictò, & ſi opus, edulcorato, non differt. Unde etiam hoc, illius loco, ad *Emplaſtrum magneticum* adhibere, perinde eſt; ceu idem Pharmacopœi noſtri obſervare, conſueverunt, & eo ipſo *Mundererum*, quem de hoc Emplaſtro, cap. 7. de *chalcanto* videri poſſe, Auguſtani notant, imitantur.

Nunc de edulcoratione paucis quoque agendum eſt.

Namque terram à ſublimatione relictam, nullo modo ad hunc deſtinatum uſum edulcorari debere, Zvelſerus animadvertit, cum edulcoratione omnis vis magnetica (adſtrictoria, & attractoria) relictà terrà mortuâ, ipſi dematur. Quod adſertum ſuum pag. 409. animadverſ. in *Colcotharis indurati preparationem*, confirmare nititur. Minùs dextrè tamen ſe expedit.

Quid enim eſt, quod edulcoratione tollitur? Certè non aliud, niſi ſal quoddam, vel potius, *vitriolum*, quod ab ignis vehementiâ in deſtillatione à terrâ illa non ſeparatum, vel etiam noviter ex aëre attractum, fuſt.

Illud quidem capiti mortuo *vitrioli*, à vulgari spiritus destillatione residuo, ut plurimum inest.

Rariùs enim tam diu ignis tædiosus continuatur, usque dum spiritus corrosivi omnes egressi fuerint.

Et hinc Zvelserus *l. c.* caput mortuum *vitrioli* ut plurimum valde corrosivum esse, benè observat.

Hinc quoque tale *colcothar*, extremâ Vulcani violentiâ spiritibus suis non privatum, linguam & palatum, si gustetur, offendere; à sale autem aëris attracto vim aperientem nancisci, testatur.

Quo sanè respectu utrumque edulcoratione indiget.

A sale quidem aëreo liberare id, expedit, ut vi aperitivâ depositâ, adstrictoriam obtineat; cùm in Emplastro nostro hæc potius, quàm illa, expectatur.

Corrosivum autem sal sequestrari debet, quia hîc non corrosiva, sed adstrictoria virtus desideratur.

Quomodo itaque edulcoratione vis adstringens tollitur, si ea neque à sale aëreo, neque corrosivo dependet? Annon eadem ipsi tali modo potius conciliatur?

Obijcit equidem Zvelserus *l. c.* adstrictoriam & attractivam vim imbibitione aquæ tolli; sed nihil hoc in loco evincit. Quia post peractam, abluitionem *colcothar* exsiccandum, sive ab aquâ imbibitâ liberandum esse, nemo fortè ignorat.

Quamvis ab aquâ, isto modo imbibitâ, vim adstrictoriam tolli, non simpliciter concesserim. Nec ullam video rationem, ob quam hac virtute aquam pollere, dicere liceret. Sed satis de hoc.

Nunc EMPLASTRUM DE MELILOTO MESUES *pag. 378.* nos ad se vocat, cui insufficientem præparandi modum adscriptum esse, & omnes propemodum Pharmacopœos simpliciter, scilicet liquando, quæ liquari possunt, dein reliqua pulverisata adjiciendo, *ammoniacum* verò in *aceto* solum, *ficusq;* in pulpam conversos admiscendo, Emplastrum hoc conficere, scribit. Quem etiam modum commendat, quia omnia coquendo, multum de rerum aromaticarum atque odoriferarum fragrantia, & penetrante, subtili essentia deperdatur. Verùm insufficientis est Zvelserus reformandæ præparationi hujus Emplastri.

Rationem conficiendi hoc Pharmacopolarum illorum, de quibus Zvelserus loquitur, suo in valore relinquo; cùm unum medicamentum à perito Magistro diversimode parari possit. Zvelseri modum, quem ipse elegantem & pro-

& proficuum adpellat, pariter non planè rejiciendum esse, existimo. Ast non minùs, qui ab Augustanis traditur, insufficiens dici haud debet.

Partium quidem subtilium aliquam hìc fieri jacturam, negari minimè potest; multum tamen id esse, dummodo à Pharmacopœo perito præparatio fiat, negatur.

Primò enim *melilotus*, *fœnugracam*, & *chamamelum* in aquâ decoquuntur, ubi major fragrantia, *chamameli* imprimis, pars in auras abigitur; cui decocto, post medietatis per cocturam consumptionem, colato, tritunda subtilissimè pulverisata immittuntur, & coctio ad pauca aquositate remanentiam repetitur &c. in qua coctione dubio procul Zvelferus rerum aromaticarum & odoriferarum fragrantiam, penetrantemque subtilem essentiam perdi, credidit; longè tamen sese ipsum fefellit.

Pharmacopœus namque, in quo prudentia & solertia medicamenta parandi supponitur, optimè scit, quæ priùs, quæve posterius liquori immitti & coctioni submitti debeant, qui ideo rerum aromaticarum fragrantia curam habens, minùs odorata priùs, & circa finem coctionis aromatica demum atque odorifera immittere, sponte novit. Quo facto, si & reliqua omnia debito ordine admisceantur, bonæ notæ Emplastrum profurgit.

Quod verò de nonnullorum ingredientium fragrantia dispendio, licet, uti modò demonstravi, insufficienter objicit, illud pariter in ipsius eleganti & proficuo, ceu vocat, præparandi modo reformare datur, dum nonnulla, veluti *flores chamameli*, *absinthium*, *spicam indicam*, violentæ coctioni tradit, ubi pars eorum aromatica & fragrans magnam jacturam incurrat, necesse est; præterea *cardamomi*, *cyperi*, & *cinnamomi*, similibus particulis refertorum pondus immutat, dum pro eorum singulorum *drachmâ unâ* & dimidiâ, saltè *drachmam unam* mutatæ suæ præparationi admiscet.

EMPLASTRI DE MINIO VIGONIS pag. 379. bonitatem communiter à vulgo ex colore rubro judicari, qui tamen ex adpositis ingredientibus non mutatis haud impetrari queat, animadvertit. Verùm, ut Zvelfero largiar, hoc fortè à vulgo Viennensi fieri; ab Augustano tamen minimè observari, tenendum est, à quo nimirum, Emplastrum hoc ut rubrum adpareat, non strictè requiritur; sic ut Augustani de dosi ingredientium mutandâ sollicitos se præbere, neutiquam opus habeant; qui vicissim, cuilibet, qua velit methodo, rubrum, aliove colore præditum Emplastrum hoc alibi ut præparet, lubenter permittunt.

Imò cur rubicundum colorem, etiam non mutatis ingredientibus, impetrare nequeat, haud video.

Postea

Postea ob inconcinnam rerum commixtionem, eundem hujus compositionis ingredientium vires fartas rectasque servare, impossibile esse, iudicat, cum *Olei rosarum*, & *Unguenti populei* fragrantia in commendatâ preparatione pereat necesse sit. Sed neque hic singulare quid adfertur.

Unguentum enim *populeum* præparandi normæ animadversiones si evolvantur, in eâ ingredientium, præsertim *oculorum populi*, fragrantiam in longâ lentâque coctione unâ cum *vino* jam exspirâsse, Zvelserum statuere, adparet. Si ergo odor ille jam exhalavit, qua ratione is demum hac in præparatione perire potest?

De *Oleo rosarum* idem hic applicari potest, quod ipse Zvelserus pag. 265. *Pharmacop. Reg.* in *Oleo de capparibus hepatico & splenetico* monuit; in quo nimirum, dum, ob cocturam institutam, *rosarum* fragrantiam expelli, observat, ibidem non odorem *rosarum* desiderari, concludit. Pariter idcirco & hic odorem *rosarum* non expeti, respondeo.

Alterum *EMPLASTRUM DE MINIO NICOLAI MASSÆ* pag. eadem, & Augustanorum, & Zvelseri methodo elaborari potest; quod tamen in usu nobis haud esse, character indicat.

EMPLASTRUM NERVINUM VIGONIS pag. 380. ex admodum dissonante rerum congerie constructum; secundum etiam præparandi modum priori inepto multò ineptiorem; siquæ omnes hujus *Emplastri*, tam quoad compositionem, quàm præparationem ejusdem, errores commissos enumerare, lubido esset, integram paginam sibi non suffecturam esse, cavillatur Zvelserus. Quam rigorosam censuram probare haud possum.

Et quidem compositionem reformare, Zvelserus non potuit, cum extralimites propositi sui vagatus hoc modo fuisset.

Præparatio autem tam inepta non est; licet modo meliori (etiam dexteriori, quàm Zvelseriano) parari eam posse, inficias ire nolim.

Sed cum omnia illa generaliter saltem objiciantur, nec ipsi errores manifestentur, de iis quoque multa disserere, frustraneum censi possit.

Interea hoc saltem moneo, secundum ab Augustanis adscriptum modum magis ineptum priori dici haud posse, cum potius concinnior is meritò statuatur.

Plura de *Emplastro* hoc addere, hac vice supervacaneum duco; nisi quòd duos illos assignatos conficiendi modos strictè à *Pharmacopœo* observari haud debere, moneam.

EMPLASTRI NIGRI pag. 381. animadversiones sic exorditur: Si dextra fieri debet *Emplastri* hujus præparatio, necessum est, ut ingredientia,

quæ adeo confusè conglomerata sunt, priùs in ordinem redigantur. Ast hæc animadversio non penitus censuram effugere potest.

Concedo enim, quòd, si dextra Emplastri præsentis à tyrone pharmaceutico fieri debeat præparatio, necessum sit, ingredientia alio ordine tradere, quò is, quæ priùs, quæve posteriùs addi, & permisceri postulant, certior reddatur.

Sed ipsius Pharmacopœi & Magistri, quem artis, quam profitetur, adprimè peritum esse, requiritur, in gratiam, desideratum in ordinem ingredientia redigere, tantopere necessarium non est; utpote qui fundamenta præparationum probè edoctus, & multiplici experièntiâ confirmatus, ingredientia, confusè conglomerata visa, eruere, atque ex iis debitè Emplastrum parare, probè novit.

EMPLASTRI OPOTELDOCH D. D. MINDERERI *pag. 382.* magna hinc indè apud Autores plurimos prostare encomia, refert Zvelferus, & proinde æquum judicat, ut sedula exquisitaque ejus fiat præparatio; cujus igitur parandi modum subneçit. Quem equidem impugnare eò minùs animus est, quia Augustanorum illum non tollit, cùm hîc legibus artis conformis, paratuque non adeo difficilis existat.

Præter mutatam autem Emplastri hujus *colcotharini* præparationem, ipsam quoque compositionem, ingredientium aliquorum dosim augendo, alia adjiciendo, nonnulla omittendo, Zvelferus immutat, quod tamen & præter scopum, & necessarium minimè est, præcipuè cùm, si illa *Mindereri* compositio genuinè paretur, magnarum virium Emplastrum profurgere, præter *Mindererum*, Augustani, aliique compertum habeant.

Interea *Mindereri* sententiâ adquiesco, qui *succos alchimilla, symphyti* &c. adjici quoque posse, notans, suam tamen cuique intentionem liberam esse, vult.

Quare & Zvelferi intentionem in adjiciendis &c. nonnullis pariter liberam relinquo.

Quam tamen libertatem, in retinendâ genuinâ descriptione, Augustanis etiam nemo adimere præsumat.

Quem prolixum subneçit discursum, de *magnete*, utpote cui, *oleo vel essentiâ Martis* saturatè imprægnato, majorem & potentiorè suis in operationibus & actionibus in distans accedere efficaciam, à nonnullis statuitur &c. ad Augustanos is non spectat, apud quos de hac materiâ altum est silentium.

Nec sanè *magnes* compositioni huic additur, ut vim suam attrahendi ferrum exferat, sed potius ut virtute suâ exsiccante Emplastri vires augeat.

Id quod considerans *Felix Platerus*, *question. medicar. 97.* sic scribit : *Magnes licet ferrum sibi simile trahat, non tamen agit eā vi in corpus nostrum, cum quo nullam habet similitudinem. Proinde potius siccante vi, uti & hamaeises prodest, sanguinis fluorem sistens & siccans potenter.*

Quæ dein contra Dispensatorium nostrum scommata eructat, tanquam inania verba, intacta relinquo.

De edulcoratione *terra vitrioli* dum iterum minùs æquè judicat, videlicet, quam rationi non usquequaque consentaneam esse, pronunciat, illa, quæ in *Examine Emplastri magnetici* dicta fuerunt, huc trahantur.

Neque negare volo, edulcorationem frustraneam esse, si, verbis utor. *Zvelferi, probè sufficienterq; Vitriolum calcinatum, omniq; aquositate & spiritu privatum sit, quod tali modo necquicquam amplius corrosivum esse, nec salsedine abundare, deprehenditur, nisi ex aëre, si fortè ad aliquod tempus repositum fuerit, de novo eam attraxerit; quam tamen salsedinem longè alias, ac vitriolum, redolere virtutes, Zvelferus statuit.*

Quod equidem tantopere non impugnabo; spiritum tamen ex tali, à sale aëreo impregnato *colcothare*, eundem ferè esse, cum illo *spiritu vulgari*, & ita corrosivum quoque existere, ex *pag. 397. Pharmacop. Reg.* discitur.

Sicque non usque adeo multùm *colcothar* illud, sale isto impregnatum, à *vitrioli* viribus differre, videri posset.

Qua ratione etiam, dum *colcothar* ratione facultatis exsiccantis præfenti Emplastro conjungitur, minùs convenienter, illud astris vernali tempore per septimanam unam vel alteram ut priùs exponatur, à *Zvelfero* exigitur.

Sufficiat in præsentiarum, continuationem ignis in *spiritu vitrioli vulgari* destillatione rarò eò usque fieri, usque dum omne sal corrosivum resolutum, & in vas recipiens expulsum sit, ac idcirco ut plurimum *colcothar* in retortà relictum multum adhuc de eo participare; quod etiam ipse, *Zvelferus pag. 409. animadvers.* observat. Quare vel huius intuitu edulcoratio ipsius rationi undique consentanea, & summè necessaria est, quò vis illa corrosiva auferatur, virtusque exsiccatoria, adstrictoria, & ita vulnorum consolidatoria remaneat.

Eandem de *croco Martis* rationem esse, tandem concludit *Zvelferus*, Nam, inquit, ubi adstringere volupe fuerit, humectantia stypticis admiscenda non sunt, & vice versà. Verùm non admodum concinna hæc est sententia, contra quam quatuor imprimis notare, placet.

1. Augustani, cum *Minderero* suo, *Martis* edulcorationem hic non tradunt, cum *crocum Martis* ex arte sine corrosivo concinnatum requirant. Qui itaque, corrosivis particulis dum destituitur, edulcorari quoque non depolcit.

2. Posito,

2. Posito, *crocum* hunc deposcere edulcorationem; dum ipse, sale corrosivo imbutus, aquà humectatur, ejusque ope à dictâ salsedine liberatur, stypticam vim non amittit; sed eam, si ob corrosivi salis præsentiam antea non adfuerit, potius adipiscitur.

3. Licet hac ratione aqua, tanquam humectans, *croco Martii*, styptico, se insinuet, ab eadem tamen, post absolutam edulcorationem, per institutam exsiccationem, iterum separatur.

4. Si tamen humectantia, quorum familia amplè satis se extendit, styptici admiscenda non sunt; (quod haud simpliciter conceditur) quàm benè plurima medicamenta, stypticis pariter & humectantibus gaudentia, in *Pharmacopœiâ Regiâ* Zvelferus parare docuerit, aliis judicandum relinquo.

Conferantur v. g. *Unguentum Comitissæ adstringens Pharmac. Reg. pag. 277, Emplastrum catagmaticum pag. 293, Emplastrum ad rupturas seu hernias pag. 299, Emplastrum de symphyto ad hernias pag. 301, Emplastrum vulnerarium verum pag. 303, Ceratum de quercu pag. 308, Cataplasma ad hernias pag. 312, & alia similia medicamenta externa dictæ Pharmacopœiæ; ut de internis, ad quæ generalis illa Zvelferi animadversio pariter extenditur, nihil proferam.*

In OXYCROCEO COMMUNI EX NICOLAO *pag. 384. crocum* imprimis, cujus nimiam quantitatem adesse, opinatur, accusat. Sed fallitur Zvelferus.

Etenim, larga *crocii* dosi licet adsit, à quo nomen etiam Emplastrum, hocce sortitur, propterea tamen nimiam eandem esse, haud sequitur.

Ast Zvelferus instat, & r. non convenire, objicit, ut *pulveres, qualescunque etiam illi sint*, in Emplastris æquale cum *cerâ*, aut *resinis* pondus habeant. Quod adsertum admodum vacillat; si, præterquam *resinarum* quòd magna detur diversitas, quâ vel solidam consistentiam habent, vel diversimode liquidiora existunt, Emplastris etiam *olea*, aliave ingredientia liquida commisceri solere, consideretur, quo intuitu, etiamsi *pulverum*, & *cera*, vel *pulverum*, & *resinarum*, aut omnium æquale adsit pondus, Emplastrum tamen optimæ consistentiæ efformari potest.

Sed istam Zvelferi sententiam *Emplastro nostro Oxycroceo*, de quo hîc propriè agendum est, adplicemus. In quo an *pulverum* æquale pondus cum *cerâ resinisve* præscriptum fuerit? dispiciamus.

Si Zvelferus *pulverum* nomine *crocum* solum indigitat, in Emplastro nostro *cera*, & *crocii* æquale pondus reperiri, utique verum est. Attamen cur illud non convenit? De causâ sanè ingens est silentium.

An fortè solidiorem, quàm par est, consistentiam emersuram esse (ceu
F ff sequen-

sequentia, dum scilicet *libram unam croci* Emplastro huic imprimi posse, negat, forsan innuunt) credidit? Sed deceptus sic fuisse; cum præter *terebinthinam, acetum* quoque compositioni huic destinetur.

Cæterum hac etiam ratione *croci pulverisati, & resinarum* non æquale, sed diversum planè, & harum quidem multò majus pondus adesse, deprehenditur.

Sin *pulverum* nomine Zvelferus illa, quæ sub finem præparationis Emplastri præsentis inspergere jubent Augustani, nimirum *myrrham, olibanum, mastichen, & crocum* (quod certè velle videtur, dum ait: *pulveres qualescunque illi sint*) intelligit; neque hac ratione, *pulverum* cum *cera* aut *resinis* æquale pondus adesse, compositio monstrat.

Posse autem quandoque æquale *pulveris, & cere* quantitatem in Emplastris poni, vel superius examinatum *Emplastrum D. D. Ulmensium*, in quod nempe *cerussæ subtilissimè tritæ* vel pulverisatæ, & *cere citrinæ* partes æquales recipiuntur, evincit; & tamen propterea à Zvelfero illud non reformatur, sed potius à præparationis facilitate commendatur.

Non minùs in *Pharmacop. Reg. pag. 302.* pro *Emplastro antivenereo, seu Mercuriali* conficiendo, ad *mastichis & olibani pulverum an. unciam unam, cere uncia duæ* admittuntur. Ut alia, quæ ex istâ Dispensatorij dicti *Classè decimâ octavâ* adduci hîc possent, silentio præteream.

2. Nec tam vili precio vendi *crocum*, ut eum adeo largiter citra necessitatem profundamus, objicit. Iterum de precio quid deblaterat; quem tamen preciosissimis (si scilicet precium, sumtusve spectentur) compositionibus Pharmacopœiam suam obruisse, in propatulo est.

Quamquam illa *croci* quantitas tantum precium non efficiat, si in debitas portiones, vel doses, quibus in usum venire solet, compositio ista dividatur.

Nec opus est, in *Emplastrum* hoc *crocum Austriacum* cariorem recipere, sed illum, qui, bonæ tamen notæ ut sit, ex *Galliâ*, minori multò precio, ad nos adfertur, huc trahere, sufficit.

Citra necessitatem tantum *croci* hîc sumi, si ponamus, cum diversimode Emplastri hujus compositio mutari queat, non tamen, inutiliter eum, profundi, aut pondus minuendum esse, sequitur.

3. Quod magis esse, putat, tantam *croci* quantitatem Emplastro huic imprimi non posse, animadvertit. Ast maximè hoc falsum est. Si enim, debita *aceti*, quod non est omitendum, adhibeatur quantitas, cur *crocum* ille imprimi nequeat? haud video.

Unde neque pondus *croci* diminuere, neque Emplastrum nostrum aliter, quàm

quàm traditus ab Augustanis modus suadet, conficere, nec, quod magis est, Zvelseri modum amplecti, cogimur.

Tandem aliqua nota, quam memorato suo præparandi modo adnectit, se nobis sistit, dum gummata quædam, utpote *galbanum*, *opopanax*, *ammoniacum*, longè melius in *terebinthinâ*, quàm in *aceto* solvi, statuit, cum illa cum *aceto* propria horum gummatum solutio haud sit; & propterea non consultum esse, ducit, ea cum *aceto* multum coquere, sed tantum de *aceto* solummodo addere, ut ex iis pulcicula efficiatur, ne sub coctione diuturnâ partes ipsorum magis subiles & penetrantes evanescant. In præfenti verò Emplastro, ob *terebinthinâ* paucitatem, & gummatum copiam, in illâ solutionem fieri non posse, notat. Recensita gummata, videlicet *galbanum*, & *ammoniacum*, (*opopanax*, præfenti Emplastro haud accedens, huc non pertinet) melius in *terebinthinâ*, quàm *aceto* liquefieri, equidem non impugno.

Sufficit mihi, quòd illa, cum *aceto* quæ sit, solutio explosionem non mereatur, cum eam pro Emplastrorum præparatione satis convenientem esse, ipsius Zvelseri exemplum, quod pag. 294. *Pharmacop. Reg. in Emplastro diachylo cum gummi*, nec non *diaphoretico*, exhibet, comprobat, unâ cum decisione, quam pag. 128. *animadvert.* consignavit, videlicet ibidem concedens, quòd gummata resinosa *aceto* dilui, & quasi dissolvi possint, pro Emplastrorum, Unguentorum, & aliorum præparatione expetita.

Sive itaque solutio ista cum *aceto* propria sit, sive impropria, eam tamen, pro Emplastris genuinè parandis convenire, sufficiat.

Consequentia, quam ex hoc adserto format Zvelserus, nulla planè est. Nam sic argumentatur: Gummata quædam in *terebinthinâ* melius, quàm in *aceto*, solvuntur, quia hæc non est propria eorum solutio. Propterea non est consultum, ea cum *aceto* multum coquere: Aliud enim est, gummatum solutionem; aliud, coctionem instituire. Illa etiam absque hac perfici potest.

Ast vicissim pari jure argumentari, alicui liceret: Gummata quædam in *terebinthinâ* melius, quàm in *aceto*, solvuntur, quia illa propria est solutio. Propterea non est consultum, ea cum *terebinthinâ* multum coquere.

Nulla tamen in præfentis Emplastri præparatione gummatum in *aceto* dilutorum coctio, multò minùs diuturna, præcipitur. Unde etiam, ne partes ipsorum magis subiles & penetrantes evanescant, nullum adest periculum.

Et quamvis, ubi coctio, pro *aceti* exhalatione, nonnunquam instituitur, aliquæ subtilium partium exhalent, illæ tamen non usque adeo magni momenti

momenti esse possunt; quin subtilissimas quoque in eorum à Zvelfero commendatis liquefactionibus &c. evanescere, in antecedentibus jam monui.

In hoc Emplastro, quod jam examini subiectum fuit, ob *terebinthina* paucitatem, gummata, nimirum *galbanum* & *ammoniacum*, in eâ dissolvi non posse, vix credo, si obtrusam Dispensatoriorum normam, *Pharmacopœiam Regiam*, consulere, licet; quæ in *unciis quatuor terebinthinae*, posse *galbani* & *ammoniaci an. uncias quatuor* liqueferi, sicque Emplastris aduniri, docet; sic enim pag. 297. in Emplastro basilico & vulnerario gummatarum integræ *uncia sex*, in *terebinthina unciis duabus* liqueferi debent.

Vel si parcam nimis *terebinthina* quantitatem adsignatam esse, ponamus; cur non eandem, quò genuinè soluta gummata Emplastro huic dextrè commiscere potuisset, adauxit? Utpote quod eum in finem in Unguento de *althaâ composito Nicolai* pag. 338. animadvert. factum ab eo jam fuisse, superius monui.

Et quidem duplicem præcipuè ob causam idem hoc in loco observare, potuisset, tum quia hac ratione majorem quoque *croci* quantitatem Emplastro huic imprimere, licuisset; tum quia ipse jam *terebinthina unciis quatuor* in substituti *Oxycroci communis* præparatione, unam adhuc superaddidit; sicque portione ejus aliquâ dictis *unciis quinque* insuper adjunctâ, *galbanum* & *ammoniacum* in eâ dissolvere, *picem* verò, *ceram*, & *colophoniam* absque eâ liquare, facile fuisset.

Nunc *OXYCROCEUM VIGONIS* pag. 385. se offert, quod licet Augustanorum in Officinis prostare minimè teneatur, debitam tamen Emplastri consistentiam non, nisi mutatis ejus ingredientibus, suppeditare, ceu animadvertit Zvelferus, dubito; cùm, si ritè juxta traditam normam, paratur, præparatio non possit non benè succedere. Nec ullam contrariæ adsertionis rationem video.

EMPLASTRUM DIAPHOENICUM CALIDUM MESUES, nec non FRIGIDUM EIUSDEM pag. 386. 1. Parùm admodum, quoad caloris, vel frigoris temperaturam inter se differre, animadvertit. Quod licet ita sese habeat, cùm tamen hoc ad præparationem eorum non spectet, de eo quidquam ulterius addere, nolo, hoc saltem animadvertens, Zvelferum in *Pharmacopœiâ Regiâ*, pag. 297. & 298. tres diversas *Aquæ cordialis* descriptiones tradere, quarum primam, *Aquæ cordialis calide* nomine insignit, *duabus* verò posterioribus *frigide* epitheton tribuit; cùm tamen utraque largiter satis ingredientia aromatica, & calidâ qualitate dotata recipiat.

2. Illius Emplastri, calidi scilicet, conficiendi modum, simul tamen ipsam

ipsam compositionem quoque immutans, adponit; quo labore opus haud fuisset; cum illa ab Augustanis adducta præparandi norma quò minùs observari possit, nulla subest causa; compositio autem pariter efficax existat.

Loco *Galia moschata*, & *Trochiscorum ramich*, species eorum sumere, per me licet; præcipuè si isti Trochisci in Officinis aliis etiam pro usibus parati non habeantur. Augustani verò, qui utramque compositionem sibi usitatam esse, volunt, sicque paratam in Officinis suis semper inveniunt, ipsos quoque Trochiscos prædictos Emplastris hisce adjungunt, animadversionem vix merentur.

Ast, quod Zvelserus vult, loco *Galia moschata*, *ambra* ʒj, *moschi* gr. vj, *ligni aloës* ʒss. sumere, si quis exactam ponderis *Galia moschata*, ab Augustanis præscripti, quod est ʒj, rationem habere velit, haud convenit; cum potius *ambra* ʒj, *moschi* gr. vj $\frac{1}{2}$, *ligni aloës* ʒss. gr. iij $\frac{1}{2}$. addere, deceat.

Ut propemodum ad unam omnes, sic animadversiones in EMPLASTRUM DE RANIS CUM MERCURIO VIGONIS pag. 387. exorditur Zvelserus, *Emplastrorum compositiones inconcinnæ & absurde conscriptæ sunt, ita nec, quam in præsens ventilamus, Emplastri formula sua absurditate caret.* Ast iterum limites propositi sui egreditur Zvelserus, dum inconcinnam animadversionem suam in compositiones vibrat.

Sed qua concinnitate dica hæc Emplastro præsentī scribatur, & num. Zvelserus nihil absurdi in ejus reformatione committat? dispiciamus.

Istam autem absurditatem illico aliquem deprehendere, scribillat, si modò *argenti vivi* extinctionem cum *salivâ jejuni hominis* perpendere is non gravetur. Unde I. querit: *Quis, rogo, asseruabit hujus spurcitiei libram unam vel alteram, quâ pro dissolvendâ assignatâ quantitate Argenti vivi opus esset.* Ast I. *Mercurium* in *salivâ* extinguere, non dissolvere, præcipitur.

Istam enim extinctionem pro veneni, quod in *hydrargy*ro est, correctione institutam fuisse, credibile est.

Hinc *Gual. Rondelctus* in *Pharmacopol. officinâ*, quòd hac ratione venenum emendetur, statui, t. statui; quod superstitiosum & inutile vocat. Nec certè magni illam præparationem momenti esse, credibile est.

2. Licet quis *salivæ* tantam copiam non adservaret, quæ assignatâ *argenti vivi* proportioni respondeat; non tamen uno die præparationem istam absolvere, atque unius *hominis jejuni salivam* adhibere, necessum foret; ut itaque, quod uno die, & ab uno homine fieri nequit, pluribus diebus, pluriumve *salivâ* impetretur.

3. Salsè, ut cò magis Emplastri hujus præparationem exosam forte reddat, *salivam* vocat *spurcitiam*; quæ, si talis sit, miror, quòd *spurcitie* istâ *Cauterium*

Cauterium suum nobile è fraxini cineribus factum, madefacere, atque pro fonticulis excitandis adplicare, pag. 51. Append. animadvers. præcipiat.

II. Zvelferus interrogat : *Quis tantam copiam aquositate Emplastro huic commiscere poterit, servatâ justâ Emplastri consistentiâ, & viribus Mercurij integris?* Verùm cum Mercurij solutio in salivâ non quæratur, hæc iterum separatur, solusque Mercurius, cujus venenum per salivam, accedente aliquot dierum digestionem, qua de videatur *Gabriel Fallopius tract. de morbo gallico cap. 78.* extinctum esse, putarunt, adhibetur.

Sed ponamus, *Mercurium* in magnâ satis *salivæ* quantitate solutum, Emplastro huic destinari; is utique, servatâ justâ Emplastri consistentiâ, viribusque *hydrargyri* integris, admisceri posset, si nimirum humiditatis leni calore exhalatio fieret.

Verùm hac de materiâ prolixius agere, nolo; cum istâ præparatione, quam magnopere excusare, animus minuire est, facile carere possimus, & Pharmacopœi *argentum vivum oleo laurino* subactum, reliquis aptè satis permiscere, sciant.

Nunc Zvelferi præparationem, quam ipse multò meliorem, & longè efficaciorẽ adpellat, tangere, ac num illa absurditate, nugisquẽ careat? inquirere, pariter decet.

In eâ verò jam pridem *Cl. Tackenius Hippocr. chim. cap. 25.* Mercurij corrosivi sinistram additionem observavit, nec sine causâ rejecit.

Zvelferus enim *argentum vivum* in *s. q. aquæ fortis* solutum, cum *axungia viperinâ*, & *oleo liliorum alborum* in vitro leniter, ad *aquæ fortis* exhalationem, sive, donec ejus guttula una vel altera in ignem projecta, strepitum amplius non edat, coquere præcipit. Cum autem Emplastrum hoc à *Vigone* ad dissipandos artuum &c. à lue venerèâ inveteratâ obortos dolores commendetur, ne à *Mercurij corrosivi* additione, dolores, quos lenire, hîc intentio est, novi generentur, non immeritò veretur *Tackenius*.

Cui quidem objectioni Zvelferus *pag. 174. Apolog. contra Tackenum* respondere conatur, scribens : *Scito, quod Mercurius, aquâ forti solutus, ac cum axungia & oleis leniter coctus, in vitro, vel vase terreo capaci, ad aquæ fortis exhalationem, in residuo maneat, unâ cum axungia & oleis, serè dulciscatus, per minima autem illis commixtus, tanquam ab unctuosus solutus esset.*

Et *pag. 175.* sequentia habet : *Hæc coctio Mercurij soluti cum axungia & oleis, ad humiditatis, vel aquæ fortis exhalationem, est artificiosa & dextra (ignis intentione) edulcoratio, & spirituum corrosivorum expulsio, sine præcipitatione tamen Mercurij facta; ita ut verè dulcis; legitime tamen solutus ab un-*

ab unctuosius, vinctulis autem corrosivorum spirituum non amplius ligatus, operationes suas naturales liberè possit exercere.

Et iterum : Crede interim, quòd corrosivum acidum in axungia si non moriatur, leni tamen coctione expellatur ac mitescat &c. Sed malè se excusare hic Zvelferum, si quis rem intimiùs perpendat, nemo dubitabit.

Satis aptè huic Zvelferi responsioni cap. 7. *Clav. hippocrat. medic. Tackenius* satisfecit, regerens, causticum hoc, *Mercurium* in aqua forti solutum, cum axungia viperinà & oleo usque ad humidi aquei absorptionem cocturà, dulcescere, contra experientiam, & claram veritatem esse. Siquidem 1. *alcali tartari* adfusum massam istam grysei coloris, mediæ horæ spatio, *Mercurio* præcipitato, in obscurè flavescens colore convertere, obijcit, dum scilicet acidum corrosivum, ab aqua forti relictum, ab *alcali tartari* absorbetur, sicque *Mercurius*, solutus in acido, separatur. 2. Quia ex propriâ Antagonistæ confessione, *Mercurius*, quem dulcificatum esse, venditat, nihilominus condylomata, carnes putridas, & similia absomit.

Nec sanè aliter, nisi crimen læsæ veritatis committere velimus, statuere possumus.

Et quidem 1. cocturam illam, leni igne institutam, ad aqua fortis exhalationem facere, sic ut solus *Mercurius* cum axungia & oleo remaneat, non est credibile ; cum aqua fortis non adeo volatilis sit indolis, ut omnes isti corrosivi spiritus, præcipuè *hydrargyro* arctè conjuncti, tam facilè avolare queant.

2. Si *Saturnus*, ab aceto destillato corrosus, & cum oleis coctus, his se immisceat, aceto tamen remanente ; cur non idem quoque cum *Mercurio* in aqua forti corrosio, accidat, si is pariter cum oleis coquatur, ita ut ipso se his insinuante, aqua fortis etiam remaneat ? Superesse verò ibi acetum destillatum, è Zvelfero adstruo, qui in animadvers. Unguentorum alborum, ea nimis effoeta absque eo esse, pag. 337. obijcit, omnesque cerussæ vires refrigerantes saccharinæ *Saturni* dulcedini, quæ nimirum ab aceti & *Saturni* corrosi unionis oritur, adjudicat, & sic ipse cerussam cum oleo, & aceto sambucino igne lenissimo coquere, ut Unguentum fiat efficacissimum, pag. 273. *Pharmacop. Reg.* edocet. Si enim hæc vera sunt, acetum certè in coctione hac evanuisse, neutiquam dici potest ; cum, eo à plumbi calce separato, nulla amplius saccharina dulcedo percipiatur.

Imò acetum in coctione simili multò faciliùs evaporare deberet, quia cerussæ major, quàm *Mercurij*, cum oleis est adfinitas ; siquidem illa in ipsis promptè fatis, hic non item, solvitur.

3. Præter Tackenij modò adductum experimentum, observavi etiam, isti argenti vivi, cum oleo laurino ad humidæ aquei absorptionem, ita ut guttula una vel altera in ignem coniecta strepitum amplius non edat, codd, misturæ si sal tartari p. d. solutum adfundatur, ebullitionem aliquam oriri; quatenus scilicet tartari alcali, & acidum aqua fortis in coctione remanens, in se invicem agunt, & ita, à mutuâ illâ actione, effervescentia oritur; quæ sanè ab alcali & olei permixtione haud oboritur. Quo etiam motu cessante, Mercurium currentem in fundo vasis, atque hinc inde per massæ corpus granulatim dispersum deprehendi.

Idem quoque ex propriis Zvelferi verbis evincere, haud est difficile.

Nam 1 argumentum Tackeanianum firmo nititur fundamento. Hæc quippe Zvelferi verba sunt, pag. 176. *Apolog. contra Tacken.* consignata: Non enim à Reformatore Mercurius solutus simpliciter & rusticè, Unguentis commiscetur, uti præcipitatus, qui occultum & corrodens acidum in se continet; sed in coctione lentâ corrosivo suo privatur, ut magis dulcis, quàm præcipitatus ipse, Unguentis per minima commixtus, feliciores & benigniores edat effectus in absorbendis corruptelis & excrecentiis, ex lue Venereâ obortis. Operationes naturales Mercurij, quas in Emplastro, suo modo parato, conspici, tradit, non sunt excrecentias illas Venereas absorbere, quia hoc potius corrosivis spiritibus, Mercurio aliunde accedentibus, debetur.

Unde libenter Zvelfero concedo, præsens Vigonis Emplastrum eo modo, quo à Zvelfero docetur, confectum, feliciores & benigniores in absorbendis excrecentiis, ex lue venereâ obortis, effectus edere.

Quod utique à genuinè, & absque Mercurio corrosivo præparato Emplastro haud sperandum esse, fateor; neque ut ita agat, experitur.

2. Pag. 174. cit. *Apolog. hydrargyrum in aquâ forti solutum, & cum oleo, atque axungia coctum, ferè dulcificatum reddi, notat.* Quo ipso, aliquid corrosivi adhuc superesse, nec Mercurium sufficienter dulcificatum existere, consentire videtur.

3. Pag. seq. 175. artificiosam dextramque vocat argenti vivi in aquâ forti soluti coctionem, ad humiditatis vel aquæ fortis exhalationem. Humiditatem enim aqueam illam, sive phlegma aqua stygia, coquendo exhalare, nemo est, qui dubitet; remanet autem, quod in illo phlegmate, vel humiditate exhalante solutum fuit, sal corrosivum cum Mercurio, cui atque sese insinuavit.

Dum verò de cocturâ, ad humiditatis, vel aquæ fortis exhalationem factâ, loquitur, & ita humiditatem atque aquam fortem idem esse, innuere videtur,

videtur, ambabus largior Zvelfero manibus, quòd tota *aqua fortis*, vel, ut clarior sit sensus, tota *aqua fortis* humiditas coquendo evanescat.

4. Ipse *pag. eadem*, de fugâ spirituum corrosivorum acidorum dubitare incipit, dum vult, ut *Tackenius* credat, quòd corrosivum acidum in axungia si non moriatur, leni tamen coctione expellatur ac *mitescat*. Si moritur in axungia sal corrosivum, quòd cocturâ in auras illud evanuerit, dicere haud licet; si idem leni coctione *mitescit*, neque ita exhalâsse, dici potest.

Sed plura hac de materiâ addere, supersedeo; quare ad

EMPLASTRUM DE RHABBARBARO JOANNIS MARNARDI *pag. 388.* & EMPLASTRUM SANTALINUM, OLIM INCOGNITUM DICTUM *pag. eadem* me confero; quæ paratu facilia esse, & ideo singularibus animadversionibus tantopere non indigere, notat. Quæ autem ex ingredientibus prius, quæve posterius commiscenda, aut coquenda sint, perito Pharmacopœo ex ipsâ eorum naturâ abunde constabit. Progredior itaque ad

EMPLASTRUM SPLENETICUM HIERONYMI FABRICII AB AQUAPENDENTE *pag. eadem*, cujus nonnihil auctam, uti scribit, præparationem exhibet. Quâ tamen nihil contra Augustanos adducit.

Secundum artem enim Emplastrum hoc conficere, Pharmacopœo non potest esse difficile; prout quoque augere ingredientium numerum, nec non pondus, haud parit difficultatem.

Interea, illam ab Augustanis prolatam formulam scopo satisfacere, sufficiat.

In EMPLASTRO STIPTICO CROLLII *pag. 389.* animadvertit: 1. ut *lithargyrum* in pondere ad aliquot uncias augeatur, vel præscriptum ejus pondus duplicetur. Sed cum hujus moniti causam non addat, de eo aliud quid statuere nolo; nisi quòd superfluum illud esse, existimem; cum Emplastrum hoc, absque illo *lithargyri* in pondere augmento, satis efficax existat, debitasque Emplastri notas obtineat.

2. Ne *bdellium* cum reliquis gummatibus in aceto solvi tentetur, quia gummi mucilaginosum & in aquâ resolubile est. Non hîc contradico; sed *bdellium* in aquâ solutum, vel etiam, quod nonnullis usitatum est, in pulvêrem redactum, Emplastro huic conjungi posse, largior.

Interea Zvelferum *pag. 397. animadvers. in Ceratum matricale*, *bdellium* in aceto nullo modo solvi, repetere invenio, sed potius in *serebinthinâ* & *oleis*; quod tamen pariter non est possibile.

3. *Vitriolum album* dissolutum addendum, atque cum oleo & *litham gyro*, nec non *minio*, ad Emplastri consistentiam coquendum esse. Verum Augustani, *vitriolum* illud reliquis pulveribus permistum dum Emplastro adjungunt, animadversionem minimè merentur.

Neque enim strictè Zvelferi ille modus observari debet; qui licet non planè sit repudiandus, illum tamen Augustanorum minimè tollit.

EMPLASTRUM TETRAPHARMACON GALENI pag. 390. nullam difficultatem habere, animadvertit, dummodo observetur, ut, postquam liquata sunt ejus ingredientia, per linum colentur. Quod ipsum Pharmacopœus, ubi opus, non ignorat.

EMPLASTRUM TRIAPHARMACON MESUES pag. eàdem spadiceo colore commendabile esse, notat, qui cōctione paulò violentiori impetrari debeat. Quod Pharmacopœus ipse iterum cognitum, habet, qui in similibus Emplastris, pro cōcturæ diversitate, diversos quoque colores producere, novit.

Circa EEMPLASTRUM AD TOPHOS pag. eàdem aliud non animadvertit, quàm quòd ejusdem præparationem adducat. Quam suo in valore relinquo. Augustanis, ut *secundum artem* fiat, Pharmacopœis peritis indicasse, satis fuit.

In EEMPLASTRO FILII ZACHARIÆ SECUNDUM MESUEN pag. 391. ejus consistentiam reformat, scribens: *Quisquis hoc Emplastrum vel simpliciter, vel istud valentius reddendo, cum mucilagimbus fœnugraci, æsopi, ichthyocolle &c. ad normam præscriptam conficere voluerit, nunquam ferè Emplastri consistentiam adipiscetur, licet satis diu multumq; imò vel ad combustionem usque species huic compositioni deputatas percoxerit.* Si quidem nihil adesse putat, quod soliditatem aut debitam Emplastri duritiem ingredientibus largiri possit. Sic est, Emplastrum hoc eà, qua præcedentia reliqua, soliditate & duritie non gaudere.

Unde etiam ejusdem, prout hîc in usu est, consistentia Ceratum potius æmulatur.

Ceterùm dari in Emplastris latitudinem aliquam, ratione consistentiæ, supra jam notavi.

Nimis itaque immaturo Zelo Zvelferum hujus medicamenti usum, expungere velle, arbitror, & illud non requirere, adfero, ut spongiam ipsi admoveatur. Ob consistentiam enim molliorem hoc rejicere, nugis non caret.

Licet etiam alia ad enumeratos adfectus Emplastra huic Classi inserta essent,

essent, quod jam non controvertam, neque hanc propter rationem sinistro illi iudicio locus dari potest.


Neque enim omnia hujus Classis Emplastra Augustanis usualia sunt; neque Officinæ nostræ Medici unius, sed plurium medicamentis præscribendis inserviunt.

Præterea, ut alia taceam, non unum calopodium omnium pedibus adcommodare, uti Sutor valet: ita neque Emplastrum aliquod, certo adfectui destinatum, omni individuo semper adplicare, Medico licet.

Imò uno semper remedio uti, imperitiæ ut Medicus arguatur, quandoque in causâ est; sicut econtra variatio ipsum commendat. Quæ ratione Hippocratis varias inter adtributas laudes, à Peto etiam in epistolâ, quæ in operibus Hippocratis secunda recensetur, ad Regem Artaxerxem exaratâ, ejus diversis modis pestem profligandi scientia extollitur.

EMPLASTRUM VESICATORIUM pag. eâdem simpliciter parari posse, quod Zvelserus monet, nec Augustani ignorant.





RESTITUTA

CLASSIS DECIMA NONA,

Cerata exhibens.

Primum quod se offert, CERATUM DE AMMONIACO D. D. PETRI FORESTI pag. 392. inordinatè nimis & confusè conscriptum esse, obiter notat, cujus dein parandi modum adnectit. Licet ingredientia Cerati præsentis meliori ordine poni potuissent, ex istâ tamen locatione ipsi præparationi nihil decedit. Confer. quæ in consimili materiâ circa *animadvers. in Emplastrum nigrum* prolata fuerunt. CERATUM EX BETONICA pag. 393. etiamsi paratu facillimum esse, concedat; nihilominus modum conficiendi illud adnectit; sicque nihil singulare animadvertit.

Et cum Ceratum hoc *Mumia* quoque ingrediatur, de eâ differendi ansam arripit, atque illa, quæ ad nos hodiernâ die transportantur cadavera nigricantia, linteis involuta, sæpenumero foedissimâ morte defuncta, nil minus esse, quàm veram *Ægyptiorum mumiam*; quæ ipsa etiam tantum abesse, putat, ut utiliter intra corpus humanum adsumi, quin mage plurimum obesse possint. Non negatur, prout in omnibus materiis medicis: sic in *mumiis* etiam magnam, ratione bonitatis, differentiam esse; quin & fraudes non leves committi.

Ast ideo selectione opus est.

Licet cadavera quædam nigricantia, qui color ab *asphalto* potissimum est, ad nos hodiernâ die transportentur; non omnia tamen ejusmodi esse, diligens *mumiarum* inspectio monstrat.

Quæ ipsa, veræ *Ægyptiorum mumie* esse, propterea non desinunt. Corpora enim defunctorum, sive ob tenuiorem sortem, sive Libitinariorum fraudem &c. *asphalto* in *Ægypto* conditæ, nihilominus *mumie ægyptiacæ* nomen merentur.

De hac *Jul. Cas. Scaliger de subtilis. exerc. 104. sect. 9.* agit, scribens: *Quæ ad nos mumia deferretur ex Ægypto, non ex Aloë, & Myrrhâ condimen-*

tum

cum est corporum, sed ex Asphaltis. Illis enim utuntur Nobiles, quorum effodere corpora capitale est.

Quamquam, quod huic Scaligeri sententiæ, in elegantissimo suo libello de Mumii Wratslawiensibus, subiungit Andreas Gryphius, illum pane rigorem, dudum est, quod auro perfregimus.

Verum non solum dicta cadavera nigricantia sæpenumero foedissima morte defuncta esse, sed & illa, quæ veræ *Mumia Egyptiaca* titulo fortè dignatur Zvelserus, taliter quandoque se habere, dicendum est; ut ita nulla prærogativa, hanc ob causam, ulli *mumia*, ex Ægypto advectæ, concedi queat.

Et licet ad nos delatæ *mumia* tales forent, quod tamen idcirco intra corpus humanum utiliter adsumi nequeant, universaliter haud conceditur.

Quamvis hîc de usu *mumia* interno agere, planè ἀλλότριον sit, cum *Ceratum* hoc de betonica non deglutendum ægroto offeratur, sed ejusdem capiti potius imponatur.

Interea, majoris securitatis gratiâ, *mumias artificiales* adhiberi posse, non contradico; quod jam in usu aliquibus esse, notum est.

Imò sine artis medicæ detrimento, isto remedij genere carere nos posse, *mumiasq;* ad nos delatas ad explendam curiosorum spectantium cupidinem adservare, rectius licere, arbitror; ut corpora ista in ornamenta conclavium vertantur, tumbis quondam ac nocti credita sempiterna, ceu eleganter l. c. Gryphius effatur.

CERATUM CAPITALE pag. eadem nullam experitur animadversionem, nisi quod, additâ ejus præparatione, à Zvelsero *santalum citrinum rubro*, ab Augustanis posito, substituatur, *ladani* etiam, *cera*, & *resina*, sive *terebinthina* pondus exprimatur, immuteturque. Quorum neutrum tamen necessarium est.

De *santali* quidem substitutione agere, ad compositionem, non præparationem Cerati spectat.

Nec si reliquorum trium recensitorum simplicium partes æquales, & quantum ad desideratam Cerati consistentiam sufficit, sumantur, prout Augustani præcipiunt, animadversio hîc locum invenit.

CERATUM CERINE CTESIPHONTIS pag. eadem nullâ notatu dignâ animadversione excipitur.

Circa **CERATUM DIACHALCITEOS GALENI, SEU DIAPALMÆ** pag. 394. animadvertit, quod, rarus in locis Europæis *palma* proventus cum sit, & non nisi in hortis quorundam Magnatum culta visatur,

Vilatur, non ubivis locorum Ceratum hoc dextrè, & quidem cum *palma* ramusculis confici possit. Prout etiam sapissime se vidisse, testatur, solam rudiculam, ex *palma* ramo confectam, pro agitatione, in ejusdem præparatione, sive coctione, adhibitam fuisse, atque taliter confectum hoc Ceratum in Germaniam, aliasq; Regiones, utpotè in quibus illud adeo benè & artificiosè scilicet, parari non posse arbitrati sunt, ab exteris fuisse translatum. Sed in locis Europæis rarus licet *palma* sit proventus, propterea tamen Ceratum hoc ubivis locorum dextrè confici non posse, falsum est.

Quasi enim teneriores *palma* rami exsiccati (recentes quippe, sive humido nativo turgidos strictè sumendos esse, Augustani non requirunt) ad nos deferri haud possent; qui tot exoticis, etiam à Zvelfero compositionibus suæ *Pharmacopœiæ Regiæ*, destinatis, in Germaniâ quoque, fruimur, quæ Europæa tellus non producit. Multa sic Zvelferi medicamenta non ubivis locorum, nec in Germaniâ, confici possent.

Utrùm nonnullis in locis, quæ tamen à Zvelfero non exprimuntur, sola rudicula, è *palma* ramo confecta, pro agitatione, in Cerati præsentis præparatione, adhibita, taliterque paratum Ceratum in Germaniam, aliasq; Regiones, tanquam benè confectum, ab Exteris translatum fuerit? equidem nescio.

Sufficiat, Augustanis proprio Marte paratum hocce medicamentum, in usu esse, qui nimirum satis benè & artificiosè à se illud, ex *quercu*, confici posse, jam dudum huc usque arbitrati fuerunt.

Nota, quam in fine suæ præparationis, quæ Augustanorum conficiendi modum non tollit, ponit, quòd scilicet in Germaniâ, aliisque locis, ubi *palma* haberi nequeunt, satis commodè rudicula, pro agitando Emplastro (vel potius Cerato) ex *viridi ramo querno* confici, & loco *teneriorum palma* ramorum, *folia tenera querna recentissima* substitui possint, non omnem animadversionem respuit.

Namque 1. *teneriores rami palma*, si expetantur, ubique locorum in Germaniâ, prout reliqua simplicia exotica, haberi possunt.

2. Rudiculam in defectu *ramorum palma*, ex *recenti ligno quercus* fieri posse, ipsi Augustani indicant.

3. Non est universale, quòd in Germaniâ *palma* haberi nequeant; utpote, quæ in uno alterove horto, ob raritatem, coluntur.

DIADICTAMNI SEU SACRI GALENI pag. 395. adnexum conficiendi modum erroneum esse, proclamat; cui idcirco alium subnectit. In quo tamen error consistat, haud declarat.

Quare,

Quare, cum ibi errorem esse, deprehendere non liceat, diu hic subsistere nolo, unicum hoc repetens, alium adscriptum præparandi modum, priorem erroneum esse, non evincere.

Dein notam aliquam adnectit, ac *squamam aris*, nec non *diphrygem* nihil diversum esse ab *are ustis*, quæ tria separatim in hoc Ceratum à *Galenis* recipiuntur. Quid igitur, sic querit *Zvelserus*, opus est, entia citra necessitatem multiplicare? Quod autem *Galenus* ea confuderit, mirum non est, cum ipsius tempore similia metallica non ita distinctè, uti hodiernâ die, innotuerint.

Verum ut *as ustum*, *squamam aris*, & *diphrygem* convenire inter se, *Zvelsero* concedamus, animadversio tamen hæc ad *Augustanos* non spectat; quibus nimirum præsens Ceratum in usu minimè esse solet.

Imò *diphryges* Eorum Officinis vix nominetenus notum est; cum simplex istud in nullam aliam Dispensatorij nostri compositionem, quam Ceratum hocce obsoletum, recipiatur.

Quid verò dicta corpora metallica sint, *Galenis* tempore non ita innotuisse, *Zvelsero* haud facile adsentior.

Imò & ante ipsum eadem cognita jam fuisse, è *Dioscoride* colligitur, qui lib. 5. cap. 47. *aris* ustionem tradidit; cap. 49. *squamam aris* ex Cypris officinarum clavis decussam esse, scripsit; & pag. 79. *diphrygis* tria genera recensuit, quorum secundum perfecti *aris* quasi subsidentem fecem esse, prodidit, quæ post frigidæ aquæ adfusionem inveniatur.

Licet autem unum eorum, in dosi competenter auctum, loco trium substitui queat, ne entia citra necessitatem multiplicentur; errare tamen, qui contrarium faciunt, vix dici possunt; præcipue cum nec compositi vires immutent, nec ullam in præparatione difficultatem pariant, multò minus precium augeant.

Ast multiplicationem hanc dignam esse, ponamus, in quam animadvertendum sit; ex eodem tamen fundamento, quod scilicet entia citra necessitatem multiplicari haud debeant, major *Zvelseri* compositionum pars, quas in *Pharmacopœiâ Regiâ* describit, erronea, animadversioque digna judicanda foret; videlicet, in quarum plurimis non duo, vel tria, sed plura ingredientia, naturâ quidem diversa, sed effectû, viribusque similia, e. g. alexipharmaca conspiciuntur, sicque entia præter necessitatem multiplicantur.

Sed hæc tantopere non urgeo; quin potius à *Zvelsero* simplicia aliqua, non solum virtute, sed & naturâ similia, uni eidemque composito admisceri, noto.

Cerussa

Cerussa enim, *minium*, *plumbum ustum*, & *lithargyrum*, nihil aliud, quàm *plumbi calces* esse, naturâ viribusque inter se minimè diversas, saltem puritate, atque nonnullis aliis externis accidentibus differentes, extra dubium positum esse, arbitror.

Id quod etiam *Zvelserus pag. 346. Pharmacop. Reg.* comprobat, scribens: *Cerussa* & *Minium* ex hoc metallo (*plumbo*) arte parantur: quemadmodum & *Lithargyrium* non nisi *Plumbum* sapit: ex quibus omnibus ac singulis, *saccharum*, *sal*, sive *vitriolum* (seu quo insignias nomine) aquè ac ipso crudo *Plumbo*, elici possunt, puriora tamen ex uno, quàm ex alio.

Pariter *pag. 337. animadvers. lithargyrum*, & *cerussam*, simplices *Plumbi calces* vocat.

Et nihilominus in *Pharmacopœia Regia Unguento de lithargyro seu Saturnino pag. 282*; & *Cerato ad hernias secundo pag. 307. lithargyrum cum minio* ponitur. In *Emplastro defensivo pag. 293. lithargyro*, atque *cerussa*; in *Emplastro de plumbo pag. 298. plumbo usto seu calcinato more figulorum*, nec non *cerussa* locus conceditur.

Quis, entia citra necessitatem in hisce multiplicari, dubitet?

Non absimile iudicium de *pompholyge*, & *nihili albo ferre*, liceret.

CERATI DE GRATIA DEI, NICOLAI pag. eadem diversam saltem addit præparationem; quod medicamentum tamen in usu nobis esse, desit.

Pariter & *ISIS EX GALENO pag. 396. aliâ methodo à Zvelsero* paratur.

CERATO MATRICALI, VEL DE GALBANO pag. cit. aliquid, quo cum species in consistentiam Cerati coire queant, addere, necessum esse, monet; cum non cuncta hanc compositionem ingredientia, gummatâ in aceto se dissolvi patiantur, utpote *gummi animæ, tacamahacæ, bdellij, asæ fœtida*, quæ potius in *terebinthinâ*, & *oleis* solvantur; *galbanum* verò & *myrrha* aliquantum equidem in aceto liquefieri, non tamen veram & genuinam hanc esse solutionem, repetit. Speciosa hæc animadversio non usquequaque concedi potest.

Namque 1. nihil aliud, quàm quod in formulâ præcipitur, hic requiritur, cum quo species pro debitâ consistentiâ uniri queant, si *galbanum*, & *myrrham*, in aceto dissoluta, pro reliquis speciebus in massam cogendis, sufficientia esse, consideretur. Uti enim ista solutio glutinosa est: ita eadem reliqua ingredientia, præcipuè dum optimè invicem in mortario nonnihil calido contunduntur & permiscuntur, conglutinat quasi, & ob tenacitatem resinosa, tum propriam, tum aliorum ingredientium, coherere facit.

Quod

Quod tamen Ceratum cum citò durius evadat, *cerâ, terebinthinâ &c* additâ, præcavere hoc, non interdicto, nisi recens semper dispensare illud magis ardeat.

2. *Bdellum* dum inter ea gummata collocat, quæ *terebinthinâ*, & *oleo* dissolvi cupiunt, immemor est *animadversionis*, in *Emplastro sſptico Crollij* editâ, ubi *bdellum gummi mucilaginosum* esse, & in aquâ resolubile, admonet. Unde nec in *terebinthinâ*, nec *oleo* liquesceri illud potest, quæ oleosam, & aquæ contrariam naturam obtinent.

3. *Galbanum*, & *myrrha*, sive aliquantum, sive verè in *aceto* dissolvi, dicantur, sufficit, quòd, tanquam resinosa, pro *præparatione Emplastrorum*, *Unguentorum*, & aliorum expetita, aceto dilui, & quasi dissolvi possint; uti *Zvelferus pag. 128. animadvers.* ipse concessit.

CERATUM OESYPI MESUES, & PHILAGRII pag. 397. conjunctim adgreditur, & vix mereri illa, scribit, ut ipsorum correctioni vel tantillum operæ demus. Neque ab ipsis Augustanis, correctioni eorum incumbendum esse, statuitur, qui utrumque, in Officinis suis ut proſtet, neutiquam exigunt.

In priori tamen, dum nullo modo ad justam Cerati consistentiam illud cogi posse, nisi, cum dispendio tamen partium spirituofarum & oleofarum utilium, diu ac fortiter coquatur, & quasi comburatur, existimat, non simpliciter adensum meretur. Etenim non una Ceratorum est consistentia, quorum aliqua liquidiora esse, ideoque ad Unguenta ferè posse referri, à nonnullis jam observatum fuit. His itaque mollioribus præſens etiam Ceratum adnumerari deberet.

Alterius Cerati præparationem *secundum artem* absolvere, Pharmacopœum peritum latere nequit.

CERATUM DIAPIPEREOS GALENI pag. 398. vel album, vel nigrum, vel gryseum, pro diversitate cocturæ, & regimine ignis, confici, atque ideo antecedentes similium Emplastrorum animadversiones observari posse, notat. Illud cum sit notissimum, nec Augustanorum, præparationem indè infringatur, ipsumque Ceratum inusitatum nobis sit, ad sequens me conféro

CERATUM EX PELLE ARIETINA ARNOLDI DE VILLA NOVA pag. eâdem, circa quod pariter diu subsistere nolo, licet vehementer à *Zvelfero* perstringatur; cum ejusdem quoque nullus apud Augustanos usus existat. Unde magna apud Pharmacopœcos nostros, de ingenti illud parandi difficultate, ut querela audiat, causa hic non subministratur.

Perfectionem quidem parandi modum addi potuisse, non inficias i-
rim; ille tamen, ab Augustanis productus, ita comparatus est, ut à quovis,
artem Pharmaceuticam edocto, facile intelligi, & perfici possit; atque ita,
eundem delere, nulla cogit necessitas, multò minùs stupidus is & absurdus
mox dicendus est.

Unicum antequam ad aliud Ceratum me conferam, adhuc monere
libet, quòd nimirum Zvelferus curiosè nimis *sanguinem hominis recentè è*
venà extractum, & non siccum sumere, *siccatoq; substituere*, doceat. Quasi
verò Augustani *sanguinem siccatum* recipiendum esse, innuissent, cùm simpli-
citer sanguinem posuerint, an liquidus, siccusve debeat esse, non expri-
mentes.

Quanquam illum potius ab ipsis intelligi, existimarem.

Circa CERATUM PRO HERNIOSIS D. D. NORIBER-
GENSIUM pag. 399. *aloën, tragacanthum, & gummi arabicum* in deco-
cto aliquo adstringente & vulnerario dissolvere, liberum cuique relinquit,
De quo cùm Augustani nihil habeant, aliud non addo, quàm ut pariter id
unicuique liberum esse, velim.

Dein *cera*, ac *pici* quantitatem, dubius tamen, exprimit. Augustani
autem eorum tantum, *quantum sufficit*, accipiendum esse, volunt.

In CERATI SANTALINI MESUES pag. eàdem confecti-
one, pondera *cera*, & *olei rosarum* invertenda esse, animadvertit, si debita
Cerati consistentia exoptetur. Ast hac ratione si animadvertere, & sine
ratione compositiones Augustanorum reformare licet, virum se præstare
Zvelferum, nullus dubito, qui negat ea, quæ *avolòvia* comprobant.

Ceratum enim hoc *santalinum*, servatis ingredientibus requisitis, eo-
rumdemque pondere adsignato, secundùm artem præparatum, sic satis ju-
stam dare Cerati consistentiam, unicuique facile experiri licet. Unde plu-
ra non adjungo.

In CERATI SPARADRAPI VIGONIS pag. 400. ani-
madversionibus, ejus parandi modum, ab Augustanorum diversum, à Zvel-
fero saltem additum fuisse, deprehendo. Quare, præcipuè cùm medica-
mentum hoc obsoletorum Classi insertum sit, moras in eo necesse, nolo.

In CERATO STOMACHALI GALENI pag. eàdem, *cera*,
& *Olei rosacei* lotionem, quam ineptam vocat, utpote qua saltem efficacia
& fragrantia ipsorum eluatur, in *Unguentis rosarum, pomato, & Regine* se-
jam reprobasse, monet, quam etiam hic omittere, omnino utile esse, censet.
Verum equidem est, ablutionem illam rectius omitti hic posse. Zvelferus
tamen, dum eam in *citatis Unguentis* reprobasse se, scribit, fallitur.

Nam

Nam in *Unguentum rosarum*, quod *animadversionum* pag. 359. habetur, nec *cera*, nec *Oleum rosaceum* recipitur, multò minùs ulli lotura animadversio scribitur; sicque ineptè satis exemplum hujus hîc à Zvelfero contra Augustanos adducitur.

Unguenti Pomati Amati Lusitani præparationem prorsus ridiculam esse, pag. 357. *animadversion.* quidem objicit; in specie tamen nec contra *Olei rosacei*, utpote quod in illius Unguenti descriptione haud reperitur, nec *cera* ablutionem quid profert.

In *Unguento viridi Regine* pag. 363. *animadvers.* adversus ejusdem in aquam frigidam expressionem insurgit; quæ ipsa tamen propriè ablutio dici nequit; multò minus *Olei rosacei*, quod nec ad hujus compositionem recipitur. *Cera* etiam, postquam Unguentum ex aquâ iterum extractum, fuit, demum adjungitur, ut ita, in aquam fuisse eam præcipitatam, & simul ablutam, dici nequeat.

Solâ ac simplici ingredientium commixtione parari hoc Ceratum, ipsi Augustani jam notarunt.

Cera pondus nonnihil adaugendum esse, vel *olei* diminuendum, si solidior Cerati exspectatur consistentia, non est dubium.

Licet etiam meliora stomatica Emplastra, quàm hoc Ceratum est, commendari possint, hîc tamen & de Ceratis agimus, & præsens *Galenî stomaticum Ceratum* non exiguarum esse virium, committendum habemus.





RESTITUTA

CLASSIS VIGESIMA,

Præparationes quorundam Simplicium, quorum in præcedentibus Classibus mentio fit, dilucidans.

P*reparationes in hac Classe contentas destructiones potius simplicium, pro maximâ parte dicendas esse, animadvertit Zvelserus. Quod quantopere invido & impotenti calamo arguat, ex speciali uniuscujusque examine patebit.*

ADIPUM PRÆPARATIONEM *pag. 402.* ineptam lotionem, & quæ nullius prorsus utilitatis sit, adpellat; tum quòd pinguedinibus per crebras illas ablutiones multum de viribus detrahatur, tum quòd ipsis à lotione humiditatis aliqua impacta maneat, quæ postea in causâ sit, ut eò citius rancecant, situm contrahant, ac tractu temporis etiam ingentem concipiant putorem. Verùm si dextrè fiat hæc præparatio, nulla humiditas impacta ipsis remanet.

Post ablutionem enim superaddere coctionem, necesse est; id quod studiosè ab *Hafniensibus* in *Dispensatorio suo* observatur, dum ad *consuntionem humiditatis* eandem instituire, præcipiunt.

Et talia Pharmacopœi, si vel modicâ prudentiâ polleant, ignorare ipsi haud possunt.

Quæ adipum coctio, etiam si recentes sumantur, necessaria esse videtur, si cita eorum corruptio præcaveri debet.

An enim sine humido aquoso illos esse, dici potest, si ita recenter ex animalibus desumantur? Quis etenim lympham per omnes corporis partes, consequenter etiam pinguedinem, dispersam negabit.

De rancoris periculo quidquam Augustanis objicere, Zvelserus rectius intermittere potuisset, qui se nimirum eidem animadversioni obnoxium reddit; dum *butyrum recentissimum* ad Unguentorum suorum compositiones

iones sapius adhibet ; hoc enim quòd multas, in sui præparatione, vel à lacte separatione, aquosas atque serosas partes recipiat, & quàm facilè rancescat, nemo ignorat.

Catèrum per crebras ablutiones multum de viribus detrahi pinguedinibus, dicit, sed non probat Zvelserus.

Uterius adipum, pinguedinum, ac sevorum loturam superflua nominat, quia, si purè & nitidè ex animalibus excipiantur, impura non sint, neque pravâ aut noxiâ aliquâ qualitate infecta. Multum sanè sub illo : si purè & nitidè ex animalibus excipiantur, continetur.

Adipum enim, pinguedinum, & sevorum extractio à Lanis, Venatoribus &c. peragitur, qui tamen tam nitidè istud negotium peragere, rarò solent ; adeo ut vel illorum causâ ablutio commendari queat.

Quamvis etiam purè satis ac nitidè si excipiantur, ob inharentem tamen ipsis cruorem, qui aquam, cum qua lotura fit, inficit, celebrari potest.

Unde Medici Londinenses in Pharmacopœiâ suâ præparationem hanc seqq. verbis pag. m. 357. tradunt : *Adeps seu pinguedo recens, exemptis venulis, fibris, & membranulis, simplici aquâ clarâ toties lavetur, donec pura, nec amplius cruenta effuat.* Ergo pinguedines, ut puriores evadant, lavantur.

Sed ob pravam, vel noxiâ aliquam qualitatem, nemo Augustanorum, loturam instituendam esse, unquam præcepit.

Ipse Dioscorides, licet adipem saltem colliquatum ac colatum usui reponat, quem modum Zvelserus commendat, tamen pinguedinum nonnullarum, uti suillæ, ursinæ &c. ablutionem lib. 2. cap. 69. tradit ; atque pingue laurinum, vitulinum, & cervinum, vino ablutum, ad odorata Unguenta adhibet.

Ob explicatam itaque rationem, Adipum ablutionem admitti posse, patet.

De aliis eorum loturæ causis, dum vel acrium & mordicantium qualitatibus removendarum, vel utilium aliquarum, uti suaveolentium, ope scilicet aquæ rosarum, alteriusve cujusdam liquoris odorati, aquæ loco adhibiti, inducendarum causâ instituitur, hic agere, supersedeo.

UITIONES ÆRIS pag. 403. cum sale communi, vel sulphure peractas, insigniter discrepare, putat.

I. Cum sulphure si lamina æris purgatæ stratificentur & urantur, verè calcinari eas, atque fragiles evadere, ut in pulverem totaliter tundi possint, concedit, qui pulvis si ulterius sapiusque cum sulphure calcinetur, tandem in crocum rubicundum redigi, vel aquâ sapius adfusâ in vitriolum Veneris caeruleum elaborari possit ; quod vitriolum vehementiori calcinatione iterum
in

in *crocum Veneris* rubicundum, vel spadicei coloris commutetur. Sic est, multi & varij sunt *crocum aris* parandi modi; prout etiam à destillatione, *spiritus Veneris*, sic Zvelsero dicti, *crocus* ejusmodi elegantissimus spadicei coloris remanet. Omnes autem isti *croci*, sive cum *sulphure* calcinentur, sive adfuso *spiritu sulphuris*, aut *vitrioli* solvantur, *vitriolum Veneris caruleum* suppeditant; quod denuo omne, vehementiore calcinatione, expulso spiritu acido, in *crocum* revertitur, qui iterum, iterumque in *vitriolum* redigi, calcinari, inque *crocum* reduci potest.

Crocus autem talis, sive per simplicem cum *sulphure* calcinationem, sive ex *vitriolo* factus, quòd stupidissimè à quibusdam Chemicis aquà edulcorari præcipiatur, sic satis stupidè objicitur.

Et quidem quod *crocum*, ex *are*, cum *sulphure* simpliciter calcinato, productum, attinet, in istà edulcoratione partem *aris*, cum particulà *Spiritus acidi sulphuris* solutam, separari, utique verum est; an autem huic separato *sali metallico vitriolato* (sic enim à Zvelsero vocatur) tota vis *croci*, adstringens scilicet, & aperiens, adscribi debeat? maximè dubitatur.

Eadem hìc ratio militare videtur, quæ *Marti crudo* debetur, quo de in *Electuario chalybeato* sermo habitus fuit.

Æs ustum enim instar *aris crudi* se habet, in hoc præcipuè differens, quòd crudum habeat corpus arètè compactum & concretum; usum verò pulverisatione facilè in exiguas atomos divelli se, patiatur. Unde tali modo liberius agere, adstringere, & exsiccare valet; prout v. g. in *Unguento Apostolico* ad ulcera depascentia adhibetur; ubi scilicet præsentia sua illud ulcerum fermentum, ceu vocat Zvelserus, compescit, satisque manifestè, superflua istà humiditate consumptà, adstringit.

Sed vim adstringentem *arisusti* in solo ejus *sale metallico vitriolato* non consistere, & ita *crocum*, sale hoc separato, omnem efficaciam haud amittere, si Zvelseri saltem Opera excutio, deprehendo.

Nam 1. *Mantiss. spagyr. part. 1. cap. 4.* caput mortuum, à destillatione *spiritus vitrioli Veneris* residuum, igne ad ultimum gradum usque adaucto, peractà, legitimum *Crocum Veneris* adpellat, virtute exsiccante & adstringente pollentem, proficuum insuper ad desiccanda ulcera, quæ copioso humore madent.

Porro, omne caput mortuum *Vitrioli*, extremà ignis violentià spiritu suo & oleo rubro privatum & exhaustum, ita comparatum esse, scribit, ut quasi mortuum corpus, nullo sale, protinus à destillatione aquà simplici superfusà, prægnans sit aut gaudeat.

Si itaque talia mortua capita nullo sale gaudent, & tamen virtute exsic-

exsiccante atque adstringente pollent, quomodo tota *croci Veneris* virtus, adstringens etiam, sali ejus metallico adscribi potest? Cur idem *ari usto* Augustanorum, per aquam à falsedine abluto, denegatur.

2. *Flores vitrioli Veneris l. c.* qui nihil aliud sunt, quàm *crocus Veneris*, ex *vitriolo* & *laminis cupreis* cum *phlegmate vitrioli*, spiritu proprio acuato, extractus, oleo tartari præcipitatus, & aquâ simplici sapius adfusâ edulcoratus, atque ita omni sale privatus, nihilominus aperiendi, i. e. per inferiora purgandi vi pollere ipsi dicuntur, ac ita ipsis per abluionem illam non omnis efficacia detrahitur, & mortua terra efficitur.

3. Caput mortuum, à destillatione *spiritus vitrioli Veneris* residuum, part. 2. cap. 9. *Mantiss. spagy.* ubi de *spiritus vitrioli* destillatione agit, expulsa totâ radicali humiditate, spiritu, & oleo, ita ut omni sale vacuum ac destitutum sit, & si protinus peractâ destillatione cum aquâ elixivietur, nulla prorsus falsedo exinde eliciatur, aut extrahi possit, *crocum Veneris* adstringente virtute præditum, appellari posse, scribit; qui studiosè adservandus sit, ne salinâ humiditate ex aëre imprægnetur, ac ita virtus adstringens amittatur. Cur igitur *ari usto*, à falsedine prorsus liberato, vim adstringentem denegare liceat? Quomodo tota vis horum crocorum, & quidem adstringens, sali illi adscribi potest, si hanc vim ab accessu salis amittit, inque contrariam, aperientem, immutat?

Unde *aris usti*, quod instar *croci Veneris* se habet, vis adstringens, ab Augustanis præcipuè expetita, per edulcorationem neutiquam tollitur, sed potius, juxta fundamenta è Zvelfero modò adducta, demum introducitur.

2. *Ustionem aris*, quæ addito sale, vel nitro, peragitur, saltem aliqualem, non totalem ejus calcinationem esse, objicit, propterea quòd duntaxat superficies laminarum nonnihil calcinentur, quæ si aquâ abluantur, & à sale suo liberentur, *as ustum* fundum petat instar *croci*, in exiguâ quantitate, quem tamen inefficacem, & nullis manifestis siccandi, vel adstringendi qualitatibus donatum esse, adfirmat. Verùm, etiamsi non primâ vice *lamina aris* à sale vel nitro totaliter calcinentur, sufficit quòd pars earum aliquaturatur, & tota repetitis calcinationibus in *crocum* redigi queant.

De efficaciâ *aris usti*, post *salis* abluionem, prægressum *croci* hujus cum *sulphure* parati Examen agit, quod huc adplicari à quovis facillè potest.

In AGARICI PRÆPARATIONE pag. eâdem nihil singulare adducit; qua tamen *agaricum* corrigi, optimo jure statui potest; quia, diſſitante Zvelfero ipſo, 1. per illam cum radulâ comminutionem à pluribus inutilibus partibus liberatur; 2. leviori negotio subtiliter teri potest; 3. commodiùs ægrotantibus propinatur, dum nauseam, quam crudus facile

cilè procreat, præcavet ; quò per *Zingiberis* additionem idem in virtutibus suis exaltari, communis hætenus Medicorum sententia fuit ; dum ignavam *agarici* vim ab acri *Zingiberis* virtute excitari &c. crediderunt.

Sed cum Zvelserus de *agarici* virtute quædam pag. 47. *Appendic. animadvers.* non sine censurâ in Augustanos, producat, eadem paucis perpendere, placet.

Videlicet *agaricum*, expurgando capiti & cerebro dicatum, commodissimè non *infusione Zingiberis*, sed vel decoctis vel succis, capiti & cerebro expurgando destinatis, (ubi paulò post exempli loco *decoctum asari*, vel *mercurialis* ponit) sapius insuccatum, & denuo leniter exsiccatum, in trochiscos efformari posse ; per se enim haud ita efficacem eum esse, scribit, ut etiam drachma una intra corpus sumta (ob quantitatem tamen, molemq̃ue magnam, saporem insuper amarum, ingratum, nauscabunda) parùm operetur ; colorem autem albicantem in *Agarico trochiscato* aliàs consideratum, sic perire, observans, eundem spernit, quum efficacia colori merito sit præferenda. Ubi notare convenit :

1. *Agaricum* non propriè purgando capiti & cerebro, sed educendæ pituitæ utplurimum ab Autoribus destinari, sive ea in cerebro, sive in ventriculo, vasis mesaraicis &c. hæreat.

Imprimis autem Augustani, quorùm hîc res agitur, nullam de illâ speciali virtute, sed de hac mentionem faciunt.

Prout *Pilulus de agarico Mesues* ad thoracem à crassis & pituitosis humoribus expurgandum commendant.

De *Extracto agarici simplici* adfirmant, quòd pituitam lentam & crassam, ex ventriculo maximè & mesenterio, nec non jecore, liene, pulmonibus, ac utero expurget, à cerebro quoque, nervis & artubus eandem, licet debilius, proliat.

De *Agarico trochiscato*, pituitam crassam bile permixtam, & crassos viscidosque humores eum expurgare, ac viscerum obstructions tollere, scribunt.

2. *Agaricum* non commodissimè cum *infusione Zingiberis* præparari, contra Dispensatoriorum putatam normam, *Pharmacopæiam Regiam*, militat, quæ pag. 128. *Agarici trochiscati* dextrum conficiendi modum indicatura, Lectorem ad pag. 210. animadvers. in *Trochiscos* remittit ; qua adductâ paginâ *agaricum* folius *Zingiberis* infusi, cum vino Cretico facti, ope in massam, redigere præcipit ; & quidem optimo successu ; quia *Zingiber* pituitæ lentorem incidit, segnem *agarici* vim excitat, & ventriculum contra adversam ejus qualitatem roborat.

3. Posse autem aliis decoctis &c. fungum istum imprægnari, nemo tam est stupidus, qui ignoret.

Prout etiam Medici, ubi ejusdem usum præscribunt, alia quædam, stimuli loco intervientia conjungere, jam dudum sciverunt.

4. Non quidem movebo dubium, an *asarum*, & *mercurialis*, præ aliis partibus caput & cerebrum expurgent, iisque destinata sint, sed tantum an per decoctum *asari*, *agarici* vis, caput, cerebrumque purgans, intendatur?

Si enim *Helmontium*, magni à Zvelfero æstimatum, audire licet, contrarium statuendum foret; dum scilicet tract. *Natura contrariorum nescia* §. 45. seqq. profert: *Multa per primam sui bullitionem vires deponunt pristinas. Asarum enim sic de vomituro evadit diureticum.* Quæ sententia non multum à generali illà Zvelferi abludivit, qua in præfat. *Class. 2. Pharmacop. Reg. cathartica* per diurnam coctionem viribus suis haud parum diminui, statuitur.

5. Licet *agaricum* per se propinatum non adeo efficax esse, deprehendatur, id quod jam olim, antiquioribus etiam Medicis cognitum fuit, dum tardam ejus operationem observarunt; vis tamen ejus, additis aliis purgantibus, prout *Augustanorum Dispensatorium* aliquot exempla suggerit, vel aliâ præparatione, concentrando quasi eam, ceu in Extracto fit, augetur.

6. Magnam ejus dosin requiri, quæ tamen nauseabunda sit, pariter notum fuit.

Unde ad *drachmas tres* usque *Egineta* ascendit.

Nauseosa autem quantitas ac qualitas juxta modum in præced. §. 5. indigitatum, emendatur.

7. Efficaciam medicamento colori præferendum esse, non impugno.

At memor hujus esse debuisset Zvelferus in suâ *Confectione alchermes Pharmacop. Reg. pag. 180.* ubi eam auri centum pluribusve foliis exornat, quæ tamen gratia, à colore aureo, ad vulgi oculos pascendos, efficaciam medicamento infringit; veluti ex *Mantiss. spagyr. part. 1. cap. 1. pag. 316. 317.* colligitur.

Circa ALOES LOTIONEM pag. eadem, aloën Socotrinam, & hepaticam, si pura sit, nec rebus heterogeneis permixta, hæc impropria & inutili lotione opus non habere, notat. Sin sordibus, puta stramine, lapillis, segmentis lignorum, & similibus permixta sit, eam dissolvere & colare, necessum ducit. De nomine aloës lotæ, & ipsâ lavandi diversitate, in *Pilularum aloëphantinarum*, ac de aloë lotâ *Examine* actum jam fuit.

Aloën, sive Socotrina, sive hepatica illa sit, rarò puram ad nos deferri, Pharmacopœi non ignorant; quòd si quandoque unum vel alterum fru-

stum purissimum sit, quia tamen Pharmacopœus de hac puritate, solo ad-
spectu, certus esse ut plurimum nequit, quid prohibet, quò minùs de illà par-
tium heterogenearum factà sequestratione se ipsum, per loturam, certio-
rem reddat? Unde nec inutiliter lavari, dici potest.

Hanc tamen partium heterogenearum sequestrationem *vinu spiritu*, non
aquâ perficiendam esse, contra Augustanos decernit; quia illa partes etiam re-
sinosas, quas *aqua* intactas relinquit, dissolvit. Sed inutile hoc est monitum.

Licet enim resinosa *aloës* pars ab *aquâ* perfectè non solvatur, diluitur
tamen & fluida redditur; unde in *co'aturâ*, quam Augustani præciunt,
simul cum reliquâ aquosiori parte per colatorium transit, nec quidquam de
eâ perditur, fecibus tantum post se relictis.

Eadem normâ *Zvelferum aloës* cum decocto aliquo aquoso, uti *belle-*
bori, pag. 64. non accersito *spiritu vini*, solutionem adgressum fuisse, *Phar-*
macopœia ipsius *Regia* edocet.

In *Append. animadvers. pag. 48.* *aloën* in viribus suis, & secundum in-
tentionem cujuscunque Medici, *infusione rosarum, violarum*, decoctis ca-
tharticis, vel aromaticis insuccari posse, notat. Quæ omnia nota sunt, li-
cet non rejicienda.

De *aloës* autem cum aromaticis imprægnatione, quam alio modo, ac in
Pilulis aloëphanginis, pessimâ illâ insolatione diuturnâ, qua spirituosa vis pe-
nitus annihilatur, factum est, instituendam esse monet, ne parte balsamicâ
aromatum depulsâ, eorum effæto & inutili decocto nos saturemus, in *Exa-*
mine dictarum Pilularum pluribus actum fuit.

Interea formulam, quam subjungit, si huic animadversioni adplicare
libeat, ipsi eandem scribi debere animadversionem, adparebit; dum *radices*
calami aromatici, & galanga, nec non *absinthium, & mentha odorata* in f. q.
aquæ repetitis vicibus coquuntur, & hoc decoctum unâ cum *aloë* additâ in-
spissatur. Ubi certè enumeratorum simplicium spirituosa & aromatica vis
tota (terminos adplico *Zvelferi*) pessimâ illâ coctione diuturnâ penitus tol-
litur & annihilatur, effætoque ac inutili decocto *aloë* saturatur.

ALUMINIS USTIONEM pag. 404. sub alembico terreo vi-
treato fieri posse, pro spiritu ejusdem colligendo, equidem non negabo. Si
tamen hoc in *alumine* observare, necessarium est, idem in aliis quoque spi-
ritibus negligere non debuisset *Zvelferus*, v. g. in *Regulo antimonij simplici*
Mantiss. spagyr. pag. 364; ubi utilissimum *nitri & tartari spiritum*, Chimi-
cis quibusdam *Chysu* nomine insignitum, à *Schrödero* quoque *Aqua Strimmi*
sulphurea dictum, detonatione in vase aperto institutâ, imprudenter, avo-
lare coëgit.

ANACARDIORUM PRÆPARATIONEM pag. eadem, ad mitigandam eorum exurentem, vel summè calefacientem qualitatem, à Veteribus commendatam fuisse, existimo.

Ast cùm, monitore Schrödero, è quo forsan Zvelserus animadversionem suam hausit, tam excessiva caliditas *anacardiis*, prout ad nos deferuntur, tribui haud possit; an benè eorum præparatio instituta fuerit? non immeritò dubitari posset.

Quam tamen propterea ineptissimam mox adpellare, & pro summæ stupiditatis ac dementiæ indicio proclamare, impotentis animi non leve indicium præbet.

Aceto autem, qui colaturà ab *anacardiis* tritis & maceratis separatur, omnem vim & efficaciam *anacardiorum* inesse, nugæ sunt; neque enim omnis *aceti* substantia per colaturam separatur, sed aliqua ejus pars cum *anacardiis*, postea exsiccandis, remanet, cui pariter utique virtutis & efficaciæ pars inest; neque etiam magnam *aceti* quantitatem sumere, opus est, quæ totalem *anacardiorum* extractionem peragere possit; prout aliàs Zvelserus pro omni virtute eliciendâ magnam satis liquoris quantitatem speciebus extrahendis adsignat.

ARI RADICUM PRÆPARATIONE pag. eadem missâ, ipsas *radices ari* simpliciter exsiccatas in usum trahere, conducibilis fore, existimat; cùm acrimonia illarum in ipsâ exsiccatione iis adimatur. Verùm, acrimoniam illam maximam, & exulcerantem qualitatem, quodammodo per exsiccationem infringi, negari nequit; ast omnem planè adini, ipse gustus, cujus organa pungere non cessat, refutat.

Unde *radicem ari* exsiccata, ne quid de ejus acri sale pereat, verum, domitorem & expulsores veneni artenicalis cancri, vocat *Joseph. Quercetanus Pharmacop. dogmat. restitut. lib. I. cap. 20.*

Præparationem itaque ipsis esse necessariam, statui posse, videtur.

Hanc tamen ita institui debere, animadvertit Zvelserus, ut tam frequentî adfusione *vini*, & toties reiteratâ ejus separatione opus non sit; cùm tali modo *tota vis & efficacia* è radicibus extracta eluatur; quare etiam, *vinum* unâ cum radicibus exsiccandum esse, judicat. Sed illâ *vini* separatione sal istud mordicans, sive, uti vocant, aronicum, majori ex parte demi, nemo unquam negavit; eidem tamen totam *radicum ari* efficaciam adscribere, haud decet; cùm earundem *radicum ari præparatarum*, sive sale isto exutarum virtus multiplici experientiâ Medicis innotescat; ipsam etiam *Feculam ari*, eodem sale privatam, non omni efficaciâ destitui, observatum fuerit.

Aaron aceto bullium mifcere, magnorumq; cafuum medelam fieri, ipfe Helmontius, parum alioquin vulgaribus Præparatis favens, Pharmacopol. ac Difpenfat. modern. §. 46. teftatur.

Sed neque omnem è radicibus hoc modo elui, contra Zvelferum, ex ipfo Zvelfero, defendi poffet.

Namque vinum ad duorum digitorum transverforum eminentiam, prout *Querquetanus*, cui hæc præparatio imprimis debetur, l. c. monet, fi adfunditur, & infufione, quæ in loco frigido per 24. horas fit, separatâ, novum vinum bis eodem modo fuperinfunditur.

Nunc an in triplici hac infufione, in loco frigido, cum vino, ad eminentiam duorum digitorum transverforum adfuto, peractâ, tota vis & efficacia è radicibus ari extrahatur? animadverfiones, in *Extractum agarici* fcriptæ, edocent; ubi *agaricum* unicâ illâ *spiritus vini* ad eminentiam duorum, vel trium digitorum in loco calido, vel tepido adfufione, totâ fuâ efficaciam nequitiam exui poffe, objicitur, fed requiri, ut *bus terve ad minimum recentis spiritus reaffufio fiat*, & ita tres, quatuorve ad minimum cum *vini spiritus*, ad duorum vel trium digitorum eminentiam fuperinfuso, in loco calido, vel tepido, extractiones, cum adjunctâ etiam expreffione, fiant.

Jam Candidus Lector utramque extractionem, *radicum ari*, & *agarici*, conferat; & ibi 1. triplicem infufionem, 2. ad duorum transverforum digitorum eminentiam, 3. in loco frigido, 4. absque expreffione, celebrari; hic verò 1. quadruplicem ad minimum infufionem, 2. ad trium etiam digitorum eminentiam *spiritus vini* adfuso, 3. in loco calido tepidove, 4. cum fubfequente expreffione, commendari, ac neceffariam judicari, obfervet.

Vinum unâ cum radicibus exficcare, minùs conducibile fore, pariter, ex ipfo Zvelfero ftatuere quis poffet; cum enim hac ratione à vino, nil, nifi vappæ naufcofæ particula, cum dictis radicibus remanere queat, quæ confortando ftomacho tamen deftinantur, eundem naufcâ potius infestabunt, atque ita plus oberunt, quàm proderunt.

In ASELLORUM PRÆPARATIONE pag. eâdem unicum, hoc notatum vult, ne vinum effundatur, & abjiciatur, fed lento calore unâ cum *asellis* exficcet. Neque enim venenofitatem ullam ab *asellis* pertimescendam effe, quin potius cavendum, putat, ne in defu, ac utendi modo error committatur. Sed vinum effundere, Auguftani non præcipiunt, quin potius communiorem illum procedendi modum teftantur, qualem *Horatius Augenus epistol. & confultat. medicinal. tom. 2. lib. 9.* nec non *Guilhelm. Laurebergius Epistol. de curat. calculi veficæ*, tradunt, dum millepedas elotas in vafe vitreato exficcant ac pulverifant, & infuso vino generoso, quantum imbi-

imbibere possunt, rursus exsiccant, istamque imbibitionem & exsiccationem tertio repetunt; cujus etiam modi in *Medicinâ experiment. Digbaanâ* mentio fit.

Neque inutile hoc modo evadere medicamentum lithontripicum, citatus *Augenius* binâ observatione, & *Laurembergius* proprio exemplo, testantur; quorum etiam *Dan. Sennertus lib. 3. Pract. part. 8. sect. 1. cap. 2.* meminit.

AVELLANARUM PRÆPARATIONEM pag. 405. nugacem & ridiculam vocat, quippe quæ talis sit, qua cuncta Dispensatoria, & ipsa *Diasena Nicolai* commodè carere possint, cum à pauculis illis granis *avellanarum*, quarum aliàs non exigua quantitas absque tam exactâ decorticatione comedatur, nullas eximias virtutes dicta *Diasena* mutuetur. Sed nugas has in *undecimâ Classis Examine* jam eventilatas majori ex parte Lector inveniet.

Posito verò, carere posse *Diasenam Nicolai* nucibus istis; an propterea præparatio earum nugax & ridicula mox dicenda est?

Multæ *Zvelferi Pharmacopœia Regiæ* compositiones hoc vel illo ingrediente commodè carere possent; an autem ingrediens illud mox idcirco explodendum erit?

Sic v. g. *Passulae purgantes sicca prima*, & *Electuarium passulatum Pharmacop. Reg. pag. 48. amygdalis dulcibus* iisque dubio procul decorticatis, commodè carere possunt.

Ceterum non solum *avellanarum* decorticationi, sed etiam humiditatis consumptio in illâ præparatione traditur.

Illam verò, scilicet decorticationem, nugacem & ridiculam vocare, quia *avellanarum* non decorticatarum haud exigua quantitas comedi solet, nugacis animadversionis nomen haud effugiet.

Aliàs nec *pistacia*, *amygdala dulcia*, & *semina cucumeris* decorticare, *passulas majores* ab arillis purgare &c. absque ridiculæ nugacitatis imputatione, liceret; quia plurimi *pistacia*, & *amygdala dulcia* non decorticata, comedere malunt; *semina cucumerum*, ipsi fructui adhuc coherencia, in acetariorum esu, nemo prius decorticare præsumit; *passulas majores* vel pueri multoties, sine arillarum prægressâ separatione, comedunt.

Et tamen *Zvelferus pistacia*, *amygdala dulcia*, & *semina cucumerum decorticata*, *passulas majores ab arillis repurgatas*, pro compositionibus nonnullis, in *Pharmacopœiâ Regiâ* aliquoties studiosè commendat.

Reliqua, uti dixi, in *Examine Classis undecimæ* dilucidantur.

BOLI ARMENIÆ PRÆPARATIONEM pag. eadem, ut &

& omnium Bolorum, ac Terrarum cum aquâ, vinô, vel aceto frequentem ablutionem rejicit; cum omnis Terra astris imprægnata, saleque centrali, quod ita eluitur, imbuta sit &c. Verum aliquot in hac animadversione ineptias deprehendo.

Cum primis autem obscura admodum est Zvelferi propositio, videlicet: omnem Terram astris imprægnatam, saleque centrali imbutam esse; quam tamen, tanquam indubitam, omnibusque concessam præsupponit.

Ast, quod illam Bolorum ab astris imprægnationem attinet, explicandum prius esse, arbitror: quidnam per astra, an saltem majora illa cœli lumina, reliquasve stellas, vel omnia conjunctim, intelligi debeant? An ea, & qua ratione, quonam in positu ac constellatione Terras imprægnent? &c. Quibus habitis, tum demum de hypotheseos valore decernendum foret.

Sed posito, Terras aliquo modo ab astris imprægnari; videndum, tamen adhucdum restat: an illud magnas Terris virtutes tribuat? annon Terra, à benigno aliquo influxu imprægnata, à subsequente malignâ aliquâ constellatione minùs salutares virtutes acquirere possit? num illud, quod imprægnatione communicatur, in illâ præparatione, sive loturâ annihilatur? an post peractam præparationem Terra talis novæ imprægnationi astrali amplius non exposita sit? & quæ hujusmodi plura alia adduci possent.

De *sale centrali* pariter obscure loquitur Zvelferus. Cujus naturam, exprimere debuisset; an acidi, alcalici, alteriusve generis sit? An fixum, vel volatile? quales possideat virtutes? an saltem in centro terræ, vel ubinam reperiatur? Probare, non nudè adserere debuisset, quòd omnes, vel potiores Terrarum virtutes ipsi adscribendæ sint &c.

Sed nitrosum sal, quale in aëre delitescere, creditur, à Zvelfero indigiti, ponamus; neque hoc alicujus momenti est.

Probari quippe debet, virtutes omnes, vel potiores Bolorum ab ipso proficisci.

Mihi, *bolum armeniam* exploranti, sal aliquod nitrosum quasi, post aquæ, cum qua Bolum præparaveram, evaporationem se exhibuit, in minimâ tamen quantitate, ita ut *libra una* dictæ *bolis* nec integrum *salis granulum* suppeditaverit.

An ergo tam exiguam particulam, in tantâ terræ mole diffusam, tam magni momenti esse, adstruere decet, ut tam insignes virtutes, scilicet potiores, vel omnes, *bolo armenia* conferat? Quantum quæso ejus dosinam unam boli ingredi potest?

Et sanè pollicem nobis premit experientia, quæ bolum nostram, sic notam, & sale centrali orbatam, effectus, qui ab eâ expectabantur, præstissse, confirmat.

Quin si aliquæ fortè ablatae essent, vim tamen desiccatoriam, cujus intuitu à *Galeno lib. 9. de simplic. medicament. facultatib.* ad dysenterias, ventris profluvia, sanguinis exspuitiones, & catarrhos, ad putrescentia oris ulcera, commendatur, adhuc superesse, nemo inficias ire potest.

Unde adparet, quàm inconsideratè Zvelserus de sale illo centrali loquatur, dum ait: *hoc ablato, omni etiam virtute terra spoliatur.*

Quanquam sui immemor, tribus saltem interpositis lineis, non omnes, sed potiores virtutes, in dicto sale fundatas, elui, tradat. Si itaque, potiores (quod tamen adhuc probandum est) tantùm eluuntur, non omnes esse ablatas, & consequenter virtutes boli non à solo centrali sale proficisci, sequitur.

Pergit dein Zvelserus, & præparationem hanc relinquendam esse, putat, cum quælibet Bolus satis pura inveniatur, ac ferè nullis, vel paucis lapillis comixta, quos tamen facili negotio ab iis, si qui sint, manuum operâ separari posse, tradit. Utique si Terrarum, & in specie *Boli armenia* lotura saltem lapillorum segregandorum causâ, qui tamen vel nulli, vel pauci ipsi essent commixti, & si hi pauci facili negotio manuum operâ separari possent, institueretur, inutilem præparationem hanc vocare fortè liceret. Ast id negatur; cum non unicolorum lapillorum inhærentium gratiâ, sed alium etiam in finem iste præparandi modus observetur.

Lapillos quidem à Bolo, prius in pulverem redacto, manuum ope segregari posse, non ibo inficias; sed non unice lapilli, verùm etiam arenulæ ipsi inesse solent, quas solâ manuum operâ separare, tædiosum admodum foret.

Namque non unice propter lapillos Terræ lavantur; verùm etiam, ceu *Galenus l. c.* habet, ut arenosa segregentur.

Interea non adeo magnam heterogeneousorum illorum copiam Bolo nostræ commixtam esse solere, minimè negabo; ast aliquid in eâ deprehendi, experimento instituto, cognovi.

Præterea salis aliquam, acrem, & peregrinam qualitatem Terris sæpius adjunctam esse, quis dubitet? cum tot diversi saporis salia hinc inde in terræ visceribus lateant, quæ, præter sal illud Zvelseri centrale, Terris medicatis se admiscere possunt. Horum verò præsentia cum virtutibus Terræ nonnunquam adversetur, cur eadem separare non liceat?

Præcipuè in nostrâ *Bolo armeniâ*, quæ facultate exsiccatoriâ, profluvii ventris

ventris adversâ &c. pollere debet, plus ea nonnunquam obesse, quàm prodesse poterit.

Quare Petr. Andr. Matthiolus com. in præfat. lib. 5. Dioscorid. terram, in simplicem, & compositam distinguens, per simplicem eam intelligit, quæ cum nullâ re fossili, neque cum aliquo liquido succo fuerit permista, item : *quæ nullam prorsus aluminis, aut salis, aut chalcanti, aut bituminis, aut cuiusvis alterius rei metallica mistionem admiserit* ; & ita diversi generis salia &c. Terris quandoque se admiscere, adserit.

Unde cum Zvelfero consentio, & *laudabilius esse, rerum virtutes augere, quàm manifestè easdem destruere*, concedo. A veritate tamen Zvelferum aberrare, dum in hac præparatione manifestè Boli virtutes destrui, scribibilat, ex hæcenus dictis elucescit.

Quod Zvelferi modum præparandi attinet, cum suo in valore relinquere ; quem laboriosum tamen observare, tantopere opus non est ; cum bolus illa rarè per se, sed ut plurimum cum aliis, virtutem ejus augmentibus, propinetur.

Sciunt etiam Augustani, sic à Veteribus quoque Medicis edocti, præparationes simplicium fieri, tum ut qualitas aliqua, quæ non expetitur, tollatur, tum ut quandoque nova aliqua inducatur, vel prior, quæ jam inest, intendatur.

Unde dum Augustani de illâ in hoc Capite loquuntur, hanc minimè rejiciunt, sed cujusvis Medici prudentis arbitrio, qui pro variâ intentione, boli vires fortiores reddere novit, relinquunt.

Interea, num illa cum *rore majali*, vel *aquâ pluviali*, ingenti licet tonitruo & fulgure delapsâ, boli frequens imbibitio alicujus momenti sit ? dubitare liceret.

Uti enim liquores illi, si evaporationi committantur, nullum, vel paucissimum sal post se relinquunt, quin potius toti, relictis ut plurimum paucis nonnullis fecibus, in auras abeunt : ita quoque in illâ frequenti boli cura aquis hujusmodi imbuitione ne idem accadat, metus est ; ut sic, præter frequentes & inanes labores, nihil habeatur amplius.

Dein ad bolum imbuendam decoctum *radicum angelicæ*, atque *herbæ scordij* adhibet, quod postea leni in calore ad siccitatem reducit, *relictâ bolo efficacissimâ*. Mihi verò, ab hisce boli efficaciam non augeri, sed minui, potius videtur, si Zvelferi animadversiones, quas contra Augustanos urget, intueor.

Namque similibus rerum odoratarum parti spirituosæ omnes nonnunquam virtutes adscribit, quibus evaporatis, residuum crassamentum, & partem

rem terrestriorem nullius efficaciam esse, quæ mole suâ reliquorum virtutem saltem impediatur, dosinque medicamento augeat, objicit.

Unde dum in istâ *angelicæ*, & *scordij* decoctione, ac subsequente cum bolo exsiccatione partes activæ, oleosæ, & subtiles consistere nequeunt, sed, leni etiam calore, in aërem migrant, remanente saltem eorum parte crassiore, quem quæso effectum ex tali parato medicamento Zvelseriani sibi promittere possunt? Annon, tenuibus atomis in fugam pulsis, reliquæ boli dosin quodammodo augebunt, ejus virtutes infringent, effœtumque medicamentum efficiant?

Contineri autem tales spirituosas partes in dictis duobus simplicibus, odor manifestè satis arguit.

Unde quoque *angelicæ radicem* destillationi, ope M. B. vel B. V. celebrandæ, in *Pharmacop. Reg. pag. 81. in Extractis antipestilentialibus, pag. 195. in Aquâ alexipharmacâ, pag. 208. in Elixir seu Aquâ vitæ antipestilentiali, & Liquore seu Essentiâ alexipharmacâ, pag. 212. in Aceto antipestilentiali*, commissam ab ipso Zvelsero fuisse, invenio.

Scordium etiam, præterquam quòd pariter in recensitis modò *Pharmacop. Regiæ* medicamentis destillationi adaptetur, huic operationi inservire, dictæ *Pharmacopœia pag. 21. Sirupi de Scordio, simplex, & compositus, pag. 209. Liguor alexipharmacus, atque pag. 212. Liguor ad gonorrhœam virulentam & dunturnam*, comprobant.

Imò si ipsæ in Dispensatorium nostrum Zvelseri animadversiones evolvantur, earum *pag. 295. angelicam* illis, quæ destillationi in B. M. accommodata sunt, adnumerari, deprehendetur; & in his *boli armenia præparationis animadversionibus*, bolo, cum decoctis illis imbutæ, oleum *angelicæ*, quod coctione, & exsiccatione in auras mittitur, addi posse, scribit.

Pariter *pag. 37. in Sirupi de Scordio simplicis* præparatione commendat destillationem, ut spirituosior quæ prodit aqua, Sirupo reddi queat, sicque *scordij* vis antiloimica excellens conservetur & augeatur.

Idem de boli nostræ, cum *scordio, rutâ, corticibus citri*, præparatione, *pag. 52. Append. ad animadvers.* traditâ, judicium esto.

Perpende nunc Lector Benevole, (liceat aliquibus Zvelseri verbis loqui) quantum hæc præparatio discrepet à contentiosâ illâ præscriptâ reformatione, quam contra Augustanos aliàs urget, quòd corruptiva potius, si Zvelseri fundamentis insistamus, quàm perfectiva, & ob id meritò unâ cum animadversione Augustanis scriptâ, delenda sit, ne posteris innotescat, quòd in rebus tam levibus adeo crassos commiserit errores.

Animadversionibus hæc ad finem perductis, ADDITIONEM aliquam

quam producit, suadetque, ut, si Bolus, vel Terra aliqua medicinalis sigillanda, lavanda, eluenda, & à suis recrementis, rebusque heterogeneis, lapideis arenulis, sabulo, vel stipitibus, aut paleis, beneficio lotionis segregari debeat, illa Terra, si siccata & arida sit, à majoribus lapidibus, aliisque rebus heterogeneis, quantum fieri potest, liberetur, pulverifetur, (recenter verò effloam & humidam trituratione hac non indigere, animadvertit) & sensim adfusâ aquâ pluviali, si haberi queat, tonitruis delapsâ, aliquandiu in mortario largo cum pistillo agitur, tandem aliquot momentorum quiete concessâ, aqua à Terrâ crassioribus & terrestrioribus partibus, ejusque lapillis & sabulo fundum petentibus, per inclinationem in aliud vas purum decantetur, novâque remanentiæ dictæ aquâ adfusâ labor hic repetatur, totiesque iteretur, usque dum subtiliores Terræ partes à reliquis inutilibus separatæ fuerint. Quo facto, cum in illâ aquâ sal minerale, subtile, & universale, cui potiores, easque virtuosiores Terræ partes tribuit, solutum sit, ne aquæ hujus effusione nobilis illius salis jactura fiat, aquam in leni calore, retro fornacem, terreo in vase, chartâ benè tectâ, leniter evaporandam esse, usque dum Terra planè siccata, aut ad sigillandum apta fuerit, præcipit.

Sed liberalitas Zvelseri, qui omnia sua arcana, dummodo multa ipsi essent, in Lectorem profundere satagit, hunc unicum modum communicare haud concessit; quare secundum etiam adjungit, videlicet, aquam istam, Terræ elotæ supernatantem, & per inclinationem ab eâ separatam, in vitreo vase, in M. B. abstrahere, & quod ab abstractione in residuo manet, Terræ elotæ restituere, edocet &c.

Plura in hisce virgulam censoriam requirerent, quorum unum & alterum saltem tangere, libet.

1. Tota hæc additio planè inutilis est, nec nisi chartæ maculandæ inservit.

Si enim, quod in animadversionibus modò examini subjectis, habet, verum est, quòd *qualibet Bolus satis pura invenitur, ac fere nullis vel paucis lapillis commixta, qui tamen facili negotio ab eis, si qui sint, manuum operâ separari possunt*, si, inquam, hoc verum est, quis prolixum illum Additionis discursum inutilem, superfluumque esse, dubitet?

Sin dictus discursus in nonnullis Terris attendi meretur, animadversio illa, de *qualibet Bolo* agens, animadversione indiget.

Unde etiam manuum operâ lapides, aliasque res heterogeneas sequerandas esse, *quantum fieri potest*, in discursu præsentis notat.

2. Terram, antequam lavetur, prius à majoribus suis lapidibus, aliisque rebus

rebus heterogeneis, quantum fieri potest, segregandam esse, docet. Quod tamen haud necessarium esse, molestumque hunc laborem rectius omitti posse, arbitror; siquidem illi ipsi lapides commodè satis unà cum reliquis lapillis, & sabulo, quæ manualementem illam selectionem subterfugerunt, mediante aqua, ab utili Terræ parte segregari possent; ne scilicet labor duplicetur, quem aliàs se contrahere, Zvelferus videri voluit.

3. Terram, si siccata & arida sit, antequam lavetur, pulverisari debere, pariter non adeo necessarium esse, mihi videtur. Superinfusa enim aqua, glebas illas facile pervadit, earumque particulas discontinuat, non minus cum pistillo factâ agitatione continuâ negotium hoc adjuvante.

4. Si Terra pulverisata diligentem juxta Zvelferi regulas agitationem experta, & quietis justo momentorum spatio observato, aqua debitè decantata, hæcque operatio adhuc semel iterata fuerit, ulteriori labore, his verbis: *hæc operatio toties & tamdiu repetenda, donec subtiliores partes omnes terræ seu boli unà cum aqua separata fuerint &c.* à Zvelfero indicato, opus minimè erit, cum duabus istis vicibus non possit non subtiliorum partium plenaria separatio facta esse.

5. Sali, quod in aqua illâ, ad lavandam Terram adhibitâ, solutum est, potiores easque virtuosiores (quanquam hoc respectu, quo à Zvelfero id usurpatur, idem esse lo potiores, & virtuosiores, existimem) partes deberi, meritò dubitari posse, supra jam innui, præcipuè cum salia illa in terræ visceribus latentia, terrisque se adjungentia, non unius sint generis, sed varia variis in locis existant.

Unde facile accidere potest, ut Terra aliqua noxia aliquo potius, quàm salutari & adproprio, imbuatur, à quo potiores virtuosioresve ejus partes diminuantur & inveniuntur.

6. Aquam illam Terræ clotæ commixtam, retro fornacem, terreo in vase, chartâ benè tecto, leniter exhalare debere, dum studiosè monet, haud leves agit nugas.

Alio namque etiam calore, v. g. Balnei, qualem in secundo modo commendat, breviori tempore, item in vitreo vase (terreum fortè, cum de terris agat, eligit) exhalatio illa fieri possit.

7. Hujusmodi Terræ lotionem dum recrementorum, uti lapidum, arenularum, sabuli, stipitum, & palcarum, tanquam partium heterogenearum, à Terræ homogeneis separationem quarit: sed tradito illo modo easdem omnes tollere minimè edocet.

Stipites enim, atque palcas, & si quæ alia nonnulla leviora recrementa fuerint,

fuerint, commendato isto momentorum aliquot spatio fundum semper, haud petere, extra dubium positum esse, existimo. Quare eadem cum partibus Terræ utilibus, & aquâ, dum hæc decantatur, simul à subsidentibus partibus inutilibus, crassioribus segregantur, ac postea, si cum terrâ utili, tractu temporis subsidente, fundum non petant, ipsique permisceantur, cum aquâ effusâ, & remanentiâ, quæ post debitam aquæ exhalationem impetratur, conjuncta, Terræ iterum adsociantur.

Nullam etenim colaturâ vel filtrationis, cum aquâ istâ obeundâ, mentionem facit Zvelserus.

8. Sal illud, quod in aquâ constituit, tantisque laudibus exornat, subtile vocat; ast, si subtile est, volatile etiam sit necesse erit, & quod evaporante aquâ, simul exhalet.

Unde quantas Terræ, Zvelseriano etiam modo paratæ, virtutes id largiatur, quilibet ipse facile videre potest.

Siquidem subtile Zvelsero idem, ac volatile esse, ex variis ejus Operum locis demonstrari potest, exemplumque ejus *animadversiones in Sirupum de absinthio* subministrant.

Sed relinquamus Zvelsero hanc, quam veram, genuinæque rationi consentaneam sinistrè vocat, præparationem, & ad reliqua Præparata accedamus.

CANTHARIDUM PRÆPARATIONEM pag. 407. inta-
ctam relinqueret, *nisi aërem*, sic loquitur Zvelserus, *quovis vapore, sive aceti sive alterius humiditatis multò subtiliorem, & consequenter etiam penetrantior-
em esse, constaret. Itaque ubi acetum sive ab eo relicta humiditas per chartam
pergamenam, exhalare potest & debet, si Cantharides exsiccare volueris, ibi multò
magis aërem penetrare posse opinor: adeoq; has nugas ex præscripto tractare pe-
nes Pharmacopœi arbitrium esto, nos ludicra illa non curamus. Certè nec mi-
hi, ludicram hanc animadversionem multùm curare, animus est; quin po-
tius eam, tanquam nugacem, paucis saltem percurram.*

Interea cavillari eum voluisse hæc Augustanorum verba: *Cantharides
in fictili sicco, chartâ pergamenâ benè clauso, exsiccentur, ne aër ipsas contin-
gat, arbitror.*

Nec diffiteor, aërem subtiliorem & penetrantiorē esse aceti vapore, qui in *cantharidum* exsiccatione exhalare debet.

Ponamus etiam, aceti particulas, quas *cantharides*, dum ejusdem va-
pore enecabantur, imbiberunt, necessariò chartæ pergamenæ poros in exsic-
catione transire. Et hac ratione, aërem chartam istam penetrare posse, fa-
cile largior.

Dum

Dum verò Augustani exsiccationem hanc ita instituendam esse, volunt, ne aër *cantharides* tangat, non ipsum aërem, quatenus talem, intelligunt, utpote qui, Jovis omnia plena esse, probè sciunt, sed aërem externum, pulverificulis, rebusque heterogeneis per ipsum sparsis gravidum, innuunt, atque ita, ne talis impurus aër *cantharides* tangat, volunt, sed potius ut is, vel ob chartæ pergamænæ impositionem excludatur, vel, si, aëre incluso expulso, ille aër externus in istius locum succedat, à dictis inquinamentis, per chartæ nominatæ poros transiens, purificetur.

Quam ob causam etiam Zvelserum herbarum, florum, & corticum recentium exsiccationem, eadem nimirum in umbrâ, cum cautelâ, & chartâ desuper operta siccando, *Pharmacop. Reg. pag. 103. in Pulvere grosso ad sacculos pro epithemate cordis & pulsibus*, aliisque in locis instituissè, dici fortè possit.

Nugas itaque Pharmacopœis tractandas ab Augustanis imponi, neque Eorum adducta verba, neque Zvelseri animadversio evincunt.

In CAUTERII POTENTIALIS, SEU LAPIDIS SEPTICI PRÆPARATIONE *pag. eâdem* studiosè cavere jubet, ne illa in vasis æneis, vel ferreis fiat, cum *calx viva* metallis, vel potius sulphuri ipsorum summè infesta sit, quod allicit, solvit, & ex parte destruit. Quamquam animadversio hæc vel eâ ratione superflua sit, quia in præsentî præparatione, ut *artis est*, procedendum esse, ab Augustanis innuitur, peritus autem Pharmacopœus ipse non solum, quale vas ad negotium hoc adhibere, sed & quo modo in reliquis quoque procedere debeat, probè cognitum habet, nonnihil tamen hic notare libet.

Quamvis illa de *calci viva* in metalla potentiâ opinio concedatur, an tamen cautio, quam exinde pro Cauterij hujus præparatione colligit Zvelserus, singularis momenti sit? controversi adhuc posset. Si enim aciditatem aliquam (quæ sive spiritus, sive sal vocetur, hic parum refert,) *calci viva* inesse, statuatur; hanc esse metallis infestam, dici posset, quatenus rodendo in ea agit. Ast cum eadem aciditas ab alcali *cinerum clavellatorum*, in aquâ soluto, promptè absorbeatur, sive, ut Zvelseri modo loquar, destruat, non video, quòd hic singularem aliquam in vas æneum vel ferreum, scilicet rosione, agendi potestatem retineat.

Inesse autem tale aliquod acidum *calci viva*, ipse Zvelserus *pag. 276. animadvers.* statuit, ubi de *salis viperarum volatilis* cum *calce viva* fixatione agit, scribens: Eò quòd viderem aquam *calci viva* potentem esse (licet destructiva ejus aciditas promptè & per se annihiletur, & in auras abeat,).

Caterum

Cæterum non jam negabo, quòd pro Cauterio *fraxini cinis*, per simplicem ligni & corticum combustionum recenter paratus, inserviat, illudque Chirurgis nonnullis quàm maximè in secretis habeatur; quod tamen secretum insignis Zvelseri liberalitas boni publici causà revelare voluit.

Sit itaque Cauterium istud nobile, & quavis laude dignum. Interea tamen alterum illud ab Augustanis adductum effectus suos non minùs laudabiliter præstat.

Tanti id experienciâ usum ejus edoctus, facit *Joh. Heurnius*, ut *lib. 1. method. ad Praxin Medicam, sexcentorum remedium causticorum utilitatem illud vincere, Medicisq; abundè sufficere*, scribat, & *securitate*, & *vi agendi, qua cuncta alia excellit*.

Hoc enim *Heurnio*, aliisque Practicis magnopere laudatum Causticum è *lixivio acerrimo Saponariorum* conficitur; quod lixivium ex alcali combustionum vegetabilium, & *calce vivâ* parari, notum est; quo de scitè satis *Exc. Tackenij Hippocrates Chemic. cap. 4. tractat*.

Nec sanè aliud deesse ipsi puto, quàm quòd nostro tempore vulgare, admodum, atque notissimum jam existat, nec ab Augustanis in secretis habeatur. Quod tamen ad ejus virtutes minuendas, vel exaltandas nihil facit.

Illà secretorum ejusmodi possessio quandoque magnam vanitatem reolet, eorundemque revelatio ridicula existit.

Dan. Sennertus cap. ult. Institut. de hujusmodi Cauteriis potentialibus agens, sequentia profert: Materia & compositio multiplex est, ac vix Chirurgus est, qui non hic aliquid secreti jactitet.

In *Append. animadvers. pag. 51. hoc insuper de nobili istâ cinerum fraxini vi causticâ notandum esse, monet, quòd cinis recenter combustus, (nam paucis saltem diebus vigorem servat,) illicò modulo nimio inclusus ad magnitudinem Ciceris, paulisper salivâ saltem madefactus, pro fonticulis excitandis, ad debitum locum applicari debet. Nolo diu hic subsistere, sed paucissimis saltem unum alterumque notare libet.*

1. Cauterium hoc, ratione laboriosæ præparationis, ut & vulgaris operationis, adeo nobile haud esse.

Chirurgus enim quotiescunque illud adhibere, necessum habet, ferè semper noviter id parare cogitur, quia paucis saltem diebus vigorem servare dicitur.

Unde *Nob. Thom. Bartholinus histor. anatomic. & medicar. centur. 3. histor. 36. inter incommoda, (sic enim vocat) quæ cinis iste habet, hoc etiam commemorat, quòd cinis recens semper esse debeat.*

Econtra

Econtra illud, è *lixivio Saponariorum* paratum, diu satis integrum, persistit.

Pariter nec operationis intuitu prærogativam *cinis fraxini* meretur. Nam utrumque escharam inducit.

Lixivium quidem prædictum inspissatum citò satis, tutò, & jucundè operatur.

Etenim brevissimo tempore, ac horarum duarum, vel trium spatio, sine ullo dolore, aliisque symptomatibus escharam inducit, ceu *Sennertus d. l.* testatur.

2. Illicò, postquam *cinis* iste *fraxini* per combustionem paratus est, modulo nimio inclusum, esse adplicandum, *Zvelferus* docet, obscurè satis. Nec enim quid per *modulum unum* intelligat, facilè videre licet, nisi divinando id adsequi concedatur.

Clariùs à prælaudato *Birbolino* cineris hujus, ex solo *mediano fraxini cortice* producti, *Hafniensibusque Chirurgis* usitati, adplicatio *l. c.* traditur, nimirum: *Cinis per cribrum transmissus lineo globulo detricto includitur, & aqua calenti tamdiu immergitur, donec totus incalascet, tum statim signato loco globulum applicatur & emplastris regitur.*

Ubi simul observo, elegantiorẽ *Chirurgum fraxini cinerem*, quò sal in eo contentum solvatur, sicque agere possit, aquà potius calidà, ceu *Hafnienses* faciunt, madefacere, quàm, *Zvelferi* ad exemplum, spurcit illà (quo epitheto in *Animadversionib.* *Emplastrum de ranis cum Mercurio Vigonis* à *Zvelfero salvam* exornatam fuisse, invenio) imbuere, præcipuè ubi delicatioribus, pro foniculo excitando, ille adplicandus venit.

CERUSSÆ LOTIONEM, VEL ABLUTIONEM pag. eadẽ æquè ac *Boli armenia*, vel similitum rerum ablutionem ineptam adpellat. Quid enim (sic pergit *Zvelferus*) *impuritas continet Cerussa, quæ ablutione indigeret ? Est enim per se calx metalli purissima ex plumbo confecta, nec præter tantillum salis proprii aliud quicquam lotioni ab ea auferri potest, quod tamen sal sive Saccharum Saturni Cerussa essentia est ; illam itaque studiosè abluere stupiditatis & dementia rem plenam esse, tandem calumniatur. Verùm in hanc cerussæ ablutionem Zvelferus jam in Animadversionib. Unguenti albi, sive de cerussâ simplici, & camphorati dum debacchatus fuit, ipsi in earundem Examine obviam ivi.*

Ponamus autem, in lotionẽ illà aliud quid non impetrari, nisi quòd *saccharina Saturni dulcedo*, ab aceto producta, eluatur ; cùm tamen solutum, vel sal istud, uti *Zvelferus* id vocat, tantillum sit, nec *cerussa* abluta viribus nativis orbetur, non video, cur tantilli hujus separatio tam rigorosà & injuriosà animadversione indigeat ? Sed

Sed tam acerbè Augustani exagitandi fortasse fuerunt, cùm illud, quod ablundo *cerussæ* adimitur, proprium sal *plumbi*, sive *cerussæ* essentiam esse, ipse crediderit. Quod tamen adsertum, si cui Zvelferiana eloquentia placeret, stupiditatis, & dementiæ plenum esse, rectius dicere liceret.

Namque si ipsius Zvelferi mentem, diversis in locis, cum primis in *Appendice animadversionum*, excutiamus, quòd illi, qui similia tradunt, hallucinantur, Animadversorem nostrum vociferare, deprehendemus.

Unde cum primis *pag. 69. Append.* vitriola cujuscunque metalli non esse vera metallorum salia, scribit, sed *metalla ipsa soluta cum totà substantià, quaque denuò in pristina metalla converti possunt vi ignis.*

Qua ratione etiam *saccharum Saturni*, quod inter vitriola reponi meretur, beneficio *aceti* extractum, vel potius solutum, facillimè, paulò violentiori igni traditum, in *plumbum* verum abit & redigitur; de quo vid. *pag. seq. 70. Append.*

Neque *saccharum* hocce *cerussæ*, vel *plumbi* essentiam dici posse, *pagina citata* edocet; ubi Zvelferus resolutionem daturus quæstionis: Utrum *sacchari Saturni* extractio sit vera extractio, an verò solutio? Aliud esse, subiectum, vel corpus solvere, respondet; aliud, essentiam, vel tincturam ex eo elicere, vel extrahere. Ex quo fundamento concludit, *saccharum Saturni* esse verum *vitriolum plumbi*, imò ipsum *plumbum* solutum; unde etiam, levi operâ in pristinum metallum, i. e. *plumbum*, reduci possit.

Sit itaque tantillum illud ex *cerussâ* per loturam separatum, non proprium *cerussæ* sal, & essentia, sed ipsius *cerussæ* substantiæ particula, & acidum sal *aceti*, nimirum quod rodendo cum eâ coagulatum fuit.

De CHALCITIDIS PRÆPARATIONE *pag. eadem*, in discursu de *Theriaca* actum fuit.

Circa CHALYBIS PRÆPARATIONEM EX ACETO, *pag. cit.* nec non CUM SULPHRE *pag. 408.* animadvertit, omnes has præparationes eò tendere, ut *ferri* solutio fiat. Unde non adeo necessum esse, putat, ut, quod nonnulli Chimici præcipiunt, *limatura chalybis*, vel *ferrum* non solutum, à soluto, & in pulverem converso *chalybe* per ablutionem separetur, ne *Mars* suo sale vitriolato, dulci, proprio, & *aceti* spoliatur. Verùm hoc cum Augustanos non tangat, utpote qui ablutionem illam non præcipiunt, moras hîc necesse nolo, sed animadversionem istam, quos ea adfcit, examinandam relinquo.

Ast dum Augustani *limaturam chalybis* septies, juxta Zvelferi quidem mentem, (quæ tamen à vero longè aberrat, cùm potius Augustani octies *limaturam Martis aceto* imprægnent; semel enim factam *aceti* adfusionem

septies

septica repetendam esse, scribunt) cum *aceto vini acerrimo* imbuerè, jubent, censuram Zvelseri incurrunt, qui septenam illam madefactionem, exsiccationemque, pro *chalybe* in pollinem convertendo, non sufficere, sed pluribus opus esse, contendit, prout plus, minusve limaturæ fuerit, aut *acetum* forte exsiterit. Verùm huic in animadvertendo labori supersedere utique potuisset, qui fortè præparationem hanc ritè nunquam celebravit.

Sufficere enim septenam, vel octonam, pro limaturâ ad pulverisandum aptâ reddendâ, *aceti* adfusionem, si ea juxta Augustanorum mentem ritè fiat, quivis faciliè experiendo discere potest.

Et licet magna limaturæ quantitas sumatur, nil quidquam tamen ea operantem impedire potest, cum & tunc majorem *aceti* quantitatem requiri, unicuique pateat, si tantum *aceti* adfundere velit, *ut tota limaturæ quantitas in eo madeat.*

Aceti etiam differentia, quam adducit, nihil evincit, quia Augustani *acetum vini acerrimum* adfundi debere, notant.

Posse autem crocum hunc diversis aliis modis parari, nemo est, qui ambigat.

Sit tædiosus & diuturnus labor ille, adducta tamen Zvelseri præparatio propterea nullam prærogativam meretur.

Nam Augustanorum commendata *limatura chalybis* cum *aceto vini acerrimo* irrigatio, ut & subsequens repetita pulverisatio brevi temporis spatio absolvitur, atque ultimò super porphyritem instituta lævigatio paucis horis peragi potest, ut ita vix integra dies, si omnes hos labores computes, præparationibus his destinetur; reliquum enim temporis, quod limaturæ cum *aceto* macerationi exsiccationiq; impenditur, licet diuturnum quodammodo sit, tædiosum tamen dici haud debet, cum materia ista loco calido concredita, e. g. fornaci aliàs calefaciendâ imposita, nullum ampliùs laborem, qui tædiosus esse posset, requirat.

Quin tres, quatuor, pluresve septimanas vix sufficere huic labori, insignis est hyperbole; imò vix unam requiri, artifex prudens non ignorat.

Unde si illa à Zvelsero adducta *limatura Martis* cum *aceto destillato* in ollâ vel patellâ ferreâ, coctio consideretur, quam unicâ die absolvi posse, scribit, vix ullum laboris compendium fieri, elucescit.

Accedit duplex incommodum, quo hic Zvelseri modus laborat, tum, quòd *acetum destillatum*, non sine tædiosâ destillatione impetrandum, adhibeat, cum tamen eidem negotio optimè quoque *acetum vini acerrimum* inserviat, quod etiam ratione tartari sui, qui in destillatione illâ vulgari non

elevatur, sed in fundo cucurbitæ &c. remanet, in *Martis* corpus agit, illudque rodendo in pollinem redigit; ut ita labor ille destillationis frustraneus existat; tum quod in violentâ istâ coctione magna *aceri* hujus pars in auras abeat, antequam *Martis* corpus invadere possit. Id quod in leni exsiccatione non adeo metiendum est.

Utrum possit leviori negotio *vitriolum Martis* mediântibus aquis fortioribus, sive spiritibus, scilicet revera & potenter corrosivis, parari? ut disquisitioni submittatur, hîc quidem opus non est; cûm de *limaturâ Martis* in tenuissimum pollinem redigendâ, non de *ejus vitriolo* hîc sermo sit.

Attamen, si pag. 335. *Pharmacop. Reg.* ubi prædicti vitrioli elaboratio traditur, consulatur, satis etiam tædiosam præparationem illius esse, & vix leviori negotio, ac illam cum *acero destillato* commendatam, peragi, adparet.

Spiritus etenim *vitrioli*, vel *sulphuris* primò omnium tædiosissimam, destillationem, postea ejusdem cum aquâ dilutionem, *limaturæ ferri* cum hoc spiritu successivam & paulatinam irrigationem, novæ aquæ repetitam, adfusionem, solutionum filtrationem, lenem ad cuticulam usque exhalationem, in frigido aëre crystallisationem, crystallorum separationem & exsiccationem, residui liquoris ulteriorem exhalationem, crystallisationemque reiteratam, cum sulphuris (sic Zvelserus vocat) vel rubiginis, fundum petentis, qualibet vice separationem, requirit.

Alteram Augustanorum præparationem, cum *sulphure* peractam, re, non benè intellectâ, hîc adnotatam esse, cavillatur. Ast, ut mihi videtur, ipse Zvelserus rem non benè intellexit.

Quæro enim: quidnam Augustani per hanc præparationem obtineant? Subtilissimum certè *Martis* pollinem.

Nam limatura hujus metalli à *sulphure* in calcinationibus corroditur, & in porphyrite ut facilè lavigari possit, disponitur.

Atque hic scopus Augustanorum fuit, quem sibi hoc in loco proposuerunt, quem sub *Chalybis præparatione* intellexerunt.

Unde Augustanorum mens haud fuit, ut *vitriolum Martis*, de quo iterum hîc loquitur Zvelserus, obtinerent.

COLCOTHARIS INDULCATI PRÆPARATIONEM pag. eâdem, in *animadversionib. super Emplastrum Opoteloch* se (nî fallor, tamen addit) tetigisse, scribit. Ad cujus igitur Examen Lectorem remitto; ubi nimirum de hac præparatione agendi sufficientem anam dedit Zvelserus, qui itaque istam dubitandi formulam, scilicet: nî fallor, omittere potuisset; cûm quid in prioribus scripserit, facilè evolvere, & invenire insuper potuisset.

Circa COLOCYNTHIDIS PRÆPARATIONEM pag.

409. *colocynthidem* tam violentum catharticum esse, notat, ut etiam quævis medicamenta cathartica, ex *antimonio*, & *Mercurio* facta, superet, ideoque, correctione non immeritò indigeat. Violentia simplicis hujus equidem negari nequit; utrùm verò quævis medicamenta cathartica, antimoniatà & mercuriatà, vehementià superet? aliis decidendum relinquo, si horum aliqua in minori dosi, maximà utpote corpus purgandi vi pollentia, exhiberi observent.

Miratur postea Zvelferus, quòd nemo Medicorum hætenus, quibus illa in frequenti usu fuit, genuinam aliquam ejusdem præparationem, vel correctionem meditatus fuerit; illam enim in confectiōe *Trochiscorum albandal* consistentem, nullo modo genuinam vocari posse, subjungit. Sic est, vehemens admodum medicamentum esse *colocynthidem*, & plurima Medicorum testimonia, & crebra experientia comprobant; quam ut mitigarent, multis modis Medici defudarunt; qua de materià videri potest *Excell. Rol. fincij tract. de purgant. vegetab. sect. 3. art. 4.*

Unde somnia sunt Zvelferi, quòd nemo hætenus Medicorum genuinam aliquam ejus correctionem meditatus fuerit.

Aliud enim est, genuinam præparationem meditari & investigare; aliud, eandem invenire.

Illud à Medicis hætenus non intermissum fuit; hoc obtinere, si fortuna hucusque negavit, quomodo illis, aliqualem saltem quòd moliti fuerint correctionem, vitio verti jure queat?

Imò ipsum mirabundum Zvelferum miror, quòd nec ipse genuinam correctionem molitus fuerit, sed aliqualem saltem cum succis acidis, & coctione tradiderit; quam tamen, si Zvelferi sententiæ aliàs prolata fides habenda, nullà ratione admittere possum.

Succos enim acidos quod concernit, ad illos quoque derivatur questio, quam pag. 134. animadverti in *Extractum gummi gamandæ Mynsichti* adducit, videlicet: An liquores vel spiritus minerales acidi, nec non quæ ex vegetabilibus parantur acera, vera & legitima rerum catharticarum corrigentia esse possint? Ubi tandem hunc in modum concludit: *Liquores acidi, quicumque illi sint, res quaslibet cum Minerales, tum Vegetabiles, quæ ipsis imbuuntur, pro ratione majoris vel minoris quantitatis addita, figunt & ligant quodammodo: Atque eò fit, ut ipsæ nativas ac genuinas suas virtutes minus, quàm aliàs, ubi libera sunt, nec peregrinis additamentis præpedita, exserere possint. Hoc autem modo non raro in extractionibus rerum catharticarum, ingeniem jacturam facimus sumptuum & laborum: nam quòd exigua quantitas aliàs*

præstaret rei alicujus, levi negotio & exiguo precio habenda, id tali modo preparata, majoribusq; sumptibus acquisita, satis magna dosi vix effecerit &c. Præstaret itaque meo judicio, cathartica in viribus suis & effectibus illis, ad quos à naturâ destinata sunt, non impedire, vel etiam destruere, sed potius purum ab impuro separare, & heterogenea sequestrare, quæ demum vera esset correctio.

Nunc generalia hæc si speciatim *colocynthis* cum succis acidis præparationi adplicentur, vim ejus catharticam ab his figi, & ligari quodammodo, dicendum est; unde *colocynthus* nativas ac genuinas virtutes suas minùs exserere possit. Qua ratione ingens jactura fiat sumtum & laborum, cum, quod exigua aliàs ejus quantitas præstaret, levi negotio & exiguo precio habenda, hic majoribus sumptibus adquisita major dosi vix efficiat. Præstaret igitur Zvelseri judicio, *colocynthidem* in viribus suis & effectibus, ad quos à naturâ destinata est, non impedire, vel etiam destruere.

Quod ad coctionem spectat, per eam vires *colocynthis* haud parùm infringi, ex *Pharmacop. Reg. pag. 31.* discere liceret, ubi cathartica (in genere de iis sermonem instituens) propter diuturnam coctionem in viribus suis haud parùm diminui, venditat.

Quare etiam Siruporum loco, Infusa purgantia, utpote quæ sine coctione parantur, commendat.

Et quæso, quid est, quod à *colocynthide* in coctione exhalat? Certè non partes ipsius heterogeneæ, quas sequestrare, veram esse correctionem, è Zvelsero modò ostendi.

Sin fortè partem *colocynthis* venenatam esse, innuere voluerit, eo ipso incautus admodum fuisset, dum *Aqua purgante destillata pag. 206. Pharmac. Reg. colocynthidem* quoque adaptavit, cujus partem subtiliorem, & prædictâ ratione venenatam, destillatione elevatam, simul cum reliquorum ingredientium spirituosâ parte laxare alvum, & humores suaviter educere, credidit.

Interea non nego, simplici isto, aliisque nonnullis Medicum carere, posse, cum plura, eundem cum illis effectum habentia, nobis suppetant.

Sed transeo ad

COMPOSITI SPERNIOLÆ PRÆPARATIONEM *pag. eadem*, in cujus animadversionibus *aquam spermatis ranarum destillatam* parvi se pendere, scribit; ipsum autem *sperma*, quod in aquam facilè resolvitur, quæ addito *alumine* diu incorruptè, sine ejusdem destillatione, servari potest, magni æstimat, ita ut species pro hac *Crollij sperniolâ* tali resolutâ aquâ, non verò destillatâ imbui debere, concludat. Sed non sufficit, rem aliquam, parvi pendere atque rejicere, sed etiam causam, ob quam hoc fit, adsignare, convenit; quod tamen Zvelserus hic minimè observat.

Sperma

Sperma illud debite tractatum totum in liquorem solvi, & punctis illis nigricantibus solum remanentibus, destillari posse, Pharmacopœi nostri norunt.

Idem etiam *Cl. Tackenius cap. 19. Hippocrat. chim.* indicat; ubi totum *sperma* cum patientiâ ex Balneo, in puram aquam, relictis granulis nigris & aridis, elevari, tradit.

Posse autem *sperma ranarum* sponte, absque illâ destillatione, in liquorem resolutum, *alumine* etiam conditum, adservari, utilemque in medicinâ de se spargere effectum, quis dubitet? Hoc tamen illius usum non tollit.

Quin saturatum *alumine spermatis ranarum* liquorem non adeo omnibus indicationibus convenire, & tenerioribus epidermida interdum separare, *Exc. D. D. Daniel Ludovici Pharmac. modern. pag. 729.* testatur.

Camphora post reiteratas exsiccationes ut demum addatur, ne vel tota, vel majori ex parte exhalet, non repugno.

CIRCA SEMINUM CORIANDRI PRÆPARATIONEM *pag. 410. Dioscoridem*, & cum ipso plures alios Botánicos, *coriandrum* inter venena connumerare, insignem tamen inter plantas recentes, & aridas quandoque esse differentiam, scribit, atque simili modo *coriandri semen*, ubi exsiccatum est, vix ullam pravam, vel venenatam qualitatem habere, ab experientiâ demonstrat. Unde superfluum judicat, illud *aceto* adfuso ad usum præparare, & inefficax reddere, quia taliter imbutum exsiccando, tota ejus vis carminativa & balsamica, unâ cum *aceto* exhalet, remaneatque *coriandrum* inodorum, atque adeo potioribus suis virtutibus spoliatum. Verum si ritè de dubio hoc judicium ferre velimus, nec planè repudiari, nec simpliciter admitti hæc *Zvelseri* sententia debet.

Certum quidem est, *coriandrum* à multis inter venena referri. Prout etiam à *Dioscoride*, quem citat *Zvelserus*, illud fieri, negari nequit.

Sed non venenorum propriè sic dictorum numerum ingreditur, verum nocet, quatenus & viride est, & immodicè sumitur.

Sic de viridi *Galenus lib. 2. de antidot. cap. 7. ex Asclepiade* loquitur.

Citatus autem *Dioscorides* modicum ejus usum in multis adfœctibus commendat; largiùs tamen sumtum, mentem non sine periculo movere, tradit; quare continuo & copiosiore ejus usu abstinendum esse, suadet *lib. 3. cap. 62.*

Rodericus à Fonseca cap. 18. de sanitate tuendâ, magno in usu apud Hispanos esse *coriandrum viride*, ad obsonium & carniû condimentum, testatur, atque adductæ *Dioscoridis* sententiæ intuitu, sic concludit: *Unde non mirum est, si apud Hispanos tot mente capti reperiantur, cum in omni ferè accario coriandro utantur, quod reliquæ gentes præcauent.*

Pariter

Pariter *Monachi comment. in Mes.* propter eandem causam plurimos Hispanorum fatuos esse, memorant, ob quorum curam tam frequentia sint Hospitalia; ceu hoc in *Apolline Pharmacopolar. rad. 1. Franciscus Alexander, & Casp. Hofmannus lib. 2. de medicament. officinalib. cap. 70.* producunt.

Sic *Prosper Alpinus cap. 42. de plantis Aegypti*, virentis coriandri herba, ingratè quamvis oleat, usum apud omnes Aegyptios familiarissimum esse, refert, neminem tamen coriandrorum causâ læsum fuisse, aut ei aliquos sensus turbatos, nisi immoderatè eis fuerit usus.

Nec adeo incredibile est, posse coriandrum viride noxam inferre, cum vel solus ingratus ille & foetidus odor, quem cimicem redolere, atque inde nomen à græco: *κορίσις* obtinuisse, nonnulli volunt, spiritibus nostris vix amicus esse queat. Unde si immoderatè & confertim is in corpus immitatur, noxam quandoque inferre valet, præsertim ubi subjectum debile, impressionem illam facilè recipiens, inveniatur.

Hinc quousque Zvelferi sententia de coriandri veneno admitti queat, jam elucescit.

Nunc ad ipsam seminis præparationem accedamus, quam ob venenatam aliquam qualitatem institui, autumat Zvelferus. Quod uti in aliis nonnullis falsò adstruit: sic etiam licè labi potuit.

Præparationes enim simplicium non solius veneni causâ, sed alios etiam ob fines fieri, supra jam notavi.

Interea cum de coriandro viridi certum sit, quòd non omni prorsus qualitate nocivâ careat, vel hujus intuitu, quò omnis periculi metus tollatur, præparationem institui posse, videtur.

Quamvis, per exsiccationem eadem si separari queat, præparationem aliam utique non deposcere semen exsiccatum, extra dubium sit.

Similia *Excell. Simon Pauli class. 3. Quadripartiti de simplic. medicament. facultatib.* jam dudum memoriæ prodidit, scribens: *Solertiores Medici, seu Pharmacopœi observarunt atate solâ coriandri semen meliorescere, & quicquid erudi virosq; continet, sensim exspirare perfacilè. Tutò itaque semine maturo annuo, sine præviâ præparatione uti licet, maximè cum ex ventriculi sympathia cerebrum laborat.*

Et *Joh. Schröderus Pharmacop. Medico-Chim. lib. 4. class. 1. cap. 106.* semina coriandri qualitatem suam noxiam, absque præparatione, arescentiâ tantum, amittere, perhibet.

Si verò coriandrum jam exsiccatum cum aceto præparetur, hoc fieri, ut majores incidendi, aliasve ab aceto, quod in exsiccatione non totum tollitur, adquirat vires, dici potest.

Existimo

Existimo attem, *coriandrorum* adhuc *viridum* præparationem ab Augustanis hoc in loco tradi.

Qua etiam ratione *Schröderus*, præparationem *seminis coriandri cum aceto*, ob castigationem qualitatis noxia fieri, testatur.

Quare non video, quòd tantopere Augustani hîc reformari mercantur, qui & de seminibus recentibus loquuntur, & præparationem, ne ignoretur, saltem adducunt.

Nam Pharmacopœi nostri semen debite exsiccatum, præparati loco, meritò in usum vocant.

Sed ponamus, *coriandri siccî* præparationem hîc ab Augustanis tradi, in eâ tamen totam vim carminativam & balsamicam cum aceto exhalare, & *coriandrum* inodorum, atque adeo potioribus suis virtutibus spoliatum remanere, nego.

In exsiccatione illâ aliquam virium jacturam fieri, non penitus quidem inficias iverim; totam autem vim carminativam & balsamicam exhalare, falsum esse judico, quod vel semen taliter præparatum, si tantum gustetur, vel teratur, ubi scilicet vis ejus balsamica faciliè in sensum incurrit, comprobatur.

Quippe non opus est, magnâ aceti quantitate semen inundare, sed parca ejusdem quantitas sufficit; neque exsiccatio vehementiori calore, sed leniter celebrari debet, quo ipso oleosæ partes, quæ non tam faciliè avolant, magnâ ex parte conservantur.

Quin si vis carminativa tota hac ratione exhalat, quem in finem pag. 46. *Pharmacop. Reg. in Elektuario lenitivo pro chysteribus anodynis & carminativis*, juxta cum aliis carminantibus, semen quoque *fœniculi*, & *carvi*, quæ pari passu cum *coriandri semine* ambulant, violentiori coctioni cum aquâ submittit? Certè si in leni exsiccatione, cum modicâ aceti quantitate vis illa carminativa & balsamica tota tollitur, non video, quo modo violentiam, ignis in coquendo sustinere, ut non avolet, eadem queat.

CORNI CERVÎ PRÆPARATIONEM pag. eâdem, destructionem adpellat, ipsamque ceu inutilem penitus rejicit, quia illud omni suâ virtute medicinali propriâ omnino sic castratur, & in terram mortuam, inspidam, ac effœtam redigatur.

Quam animadversionem ex *Helmontio* imprimis hausisse videtur, qui tract. *Pharmacop. ac Dispensat. modern. §. 42.* hanc in cornu cervi usum statuit sententiam: *Quid in Scholis insulsius dici potest, quam Cervi cornu, in insulsum, & omni privatum virtute, cinerem redegisse, ad magnos usum? & loco præparationis, castrationem seu potius privationem substituisse.*

Ac cap. 3. de lithiasi §. 29. Ossa animalium combusta nullum sibi salem fixum retinent : at tantum inspidam terram residuam. Notabilis ergo stupiditatis est, ebur, & cornu cervinum, calcinari in morborum præsidia, quia mercari jubent pulverem, viribus orbatum : adeoq; & crumena, & spei ægrotorum imponunt, occasionem benè agendi prætereunt, ac seipfos ridiculos faciunt. Pro me autem spondent monetarij. Siquidem testæ probatrices (quas vocant capellæ) constare debent cinere, orbato omni sale. Quare optime, è cinere ossium, longeq; excellent ex ebore & cornu cervino.

Pariter & Brossæus Gallus lib. 3. de naturâ plantar. cap. 7. post ustionem tantummodo cinerem mortuum, figulinis vasis conficiendis magis, quàm medicinæ idoneum superesse, statuit, ex quo penitus arte nullâ sal aliquis elici queat &c. uti refert Gregor. Horstius centur. problem. medicor. therapeut. decad. 1. quæst. 4.

Sed non tam sinistrè de medicamento hoc est judicandum. Non quidem nego, in præparatione præscriptâ cornu cervini aliquam fieri destructionem, qua præcipuè salis volatilis jactura incurritur ; ast tantam hanc esse, ut terra inutilis planè, penitusque rejicienda indè emergat, pernego ; quia omni virtute medicâ eam non castratam esse, abunde experientiâ edocemur.

Cumprimis autem virtus diaphoretica, qua etiam malignitati simul resistit, in eo plusquàm cognita est.

Cornu Cervinum combustum non solum in substantia assumptum est diaphoreticum, sed insuper etiam in decocto usurpatum quotidiano potui plurimum putredini resistit, & morbo Ungarico laborantibus convenientissimum est, quod ipsemet frequenter observasti, cum annis superioribus hic in Austriâ, in curandis ægris παράσπον fidelem mihi præstares ; prout Johannes Michelius, Superioris Austriæ Archiater, ad Gregorium Horstium in epistolâ, quam hic libro 3. sect. 1. Consilior. & Epistolar. medicinal. inseruit, perscripsit.

Idem quoque Horstius Problemat. l. c. quanquam per longam experientiam, & Anatomiam spagyricam, alios quoque cornu cervini præparationis modos, usui medico convenientes haberi, confirmatus fuerit, effectus tamen cornu cervi usti præparati, toties à Veteribus, & Recentioribus observatos, negare se non posse, testatur.

Magn. Guerner. Rossincus Ord. & meth. consultat. lib. 4. conf. 13. ad resistendum malignitati, cui præcipuè in peste obviâ sit eundem, C.C. usum commendat.

Exc. D. D. Daniel Ludovici eleganti tract. de volatilitate salis tartari, idem inter diaphoretica alexiteria reponit, quod haud penitus evanidum, aut per accidens solummodo hydroticum esse, statuit.

Idem

Idem etiam in Ejusdem *Pharmacîa moderno seculo applicandâ* invenitur. Salutare *C. C. usum* ulum *cap. 7. & 9. Elagographiæ Clar. Jo. Andr. Graba* proponit.

Quem sanè effectum contra tot, pluriumque Medicorum, quæ adduci possent, testimonia, ab experienciâ robore dotata, negare haud possumus.

Qua verò ratione *C. C. usum* talia peragat, difficilior est, demonstrare. Nonnulli hoc à sale aliquo fixo, quem in eo superesse credunt, provenire, existimant; quem tamen separare, inque conspectum producere, ars nondum valuit.

Mihi decisione *Horstij* acquiescere hac vice lubet, qui post calcinationem *cornu cervini*, sal aliquod fixum remanere, non immeritò dubitari, scribens, præsertim ubi communis, & facilis illa salis è cineribus rerum combustarum, sive vegetabilium extractio perpendatur, *etiamsi verò*, inquit, *tali promptitudine non possit idipsum, quod volumus, hic demonstrari, nihilominus tamen ex effectû, tot seculis comprobato, convincimur, operationem hic talem esse, quæ cineri mortuo tribus nequeat.*

Quòd *cornu cervi* crudum & raspatum adhibere, conducibilis sit, ceu vult *Zvelferus*, nondum planè decisum est.

Idem quidem jam dudum alij, quos inter *Ludovic. Septalius* animadvertens. & *caution. medicar. lib. 9. §. 63. & Hercules Saxonia cap. 59. de plicâ Polon.* voluerunt.

Ast obviare videntur observationes, quæ raspatum illud cornu sine effectû propinatum, immutatumque fuisse iterum excretum, edocent.

Prout e.g. supra citatus *Michelius, Medicus Austriacus*, apud *Horstium*, sequentem in modum hac de materiâ disserit: *Ego, ut verum fatear, non semel, sed aliquoties rasuram cornu Cervini crudi exhibitam, sed absque effectû & mutatione per alvum vicissim excretam observavi &c. Veruntamen minime negandum esse videtur, quòd in naturis robustioribus etiam crudi C. C. rasura quandam efficaciam habeat, præsertim ubi optimè lavigatur.*

Siquidem simpliciter raspatum, præcipuè ubi ventriculum debilem offendit, non usque adeo facile in corpore resolvi, ejusque partes gelatinosæ è solidè compactâ substantiâ extrahi possunt.

Licet ubi subtiliter raspatum, vel limatum, optimèque lavigatum fuerit, qua ratione virtutes suas in corpore faciliùs emittit, rejicere illud, minime sit animus; quin potius commendari id meretur; quanquam propterea nec *ustum cornu* in aliquibus casibus rejici, aut raspatum & lavigatum, cum primis satis laboriosè præparando, simpliciter postponi debet.

Cornu cervinum ustum gelatinâ cornu illius imprægnari, sicque utiliter usurpari posse, equidem haud contradico.

Sed Zvelserus nullâ ratione commendare illud potuit; cum cornu hoc per ustionem semel inutile & effectum, uti ipse vult, redditum, licet vel millies gelatinâ imbuatur, inutile & effectum remaneat, solâ gelatinâ inspissatâ officium suum faciente.

Licebit quoque hîc controversiam, *Tackenum* inter & *Zvelserum*, circa præsentem *C. C.* ustionem agitatam, tangere. Quorum ille *cap. 19. Hippocrat. chin.* aciditatem caloris causam esse, & *C. C. ustum* in se acetum & reliqua acida omnis generis absorbere, supponens, hoc felici successu febricitantibus propinatum à Medicis fuisse, scribit. *Nam, inquit, sicut cornu cervi ustum ex aceto absorbet & combibit acidum volatilem sale, sic aciditatem in quibusdam febribus obortam tollere & absorbere, non sine magno animi gaudio animadverterunt.*

Econtra instat *Zvelserus*, & *pag. 115. Apolog. adversus Tacken.* fiduciam hanc inanem, adseritionemque frivolum, nec naturæ, nec rationi consonam adpellat, ac *C. C.* vel quæcunque alia animalium ossa combusta, indifferenter se habere, putat, ad recipiendum quemcunque liquorem, sive acidum, sive salsum, aut insipidum etiam, & dulcem, tantum nimirum, quantum pro eorum humectatione saltem sufficit &c. At præterquam, quòd experientia à *Tackeni* partibus stet, quæ febricitantium fiduciam in *C. C. ustum* quandoque non inanem esse, confirmat, frivolo etiam fundamento *Zvelseri* adseritio innititur.

Non quidem negari potest, *C. C. ustum* ob pororum laxitatem, & multa, quæ continet, spaciola inania, quemcunque superinfusum liquorem, acidum, alcalicum, insipidum &c. in se recipere, imbibere, & absorbere; at acidorum, præter hanc, longè alia insuper est receptio, hæc enim simul vi suâ corrosivâ terrestre illud *cornu* corpus adgrediuntur, illud corrodunt, cumque ipso quasi coagulantur, ita ut ab invicem, evaporando, vel cluendo, separare, haud sit possibile; cum econtra liquor insipidus, dum *C. C.* cum eo humectatum calori committitur, facili negotio iterum auferatur, & leni calore evaporet, solo *C. C. uso* remanente.

Illud ut clarius fiat, saltem *cornu cervino uso* acidum aliquem liquorem, v. g. *spiritum vitrioli, acetum destillatum* in vitro adfunde, quo ipso, ceu etiam *Horsius* observat, ebullitio. quam, præcipuè ubi fortior adfunditur, spiritus, incallescens vitri comitatur, oboritur. Materia hæc exsiccata nec sapore amplius, qualis *C. C. usi* fuit, nec, dummodo excessiva *spiritus vitrioli* &c. quantitas non fuerit adhibita, acido, pollet; cui si aquam calidam super-

superinfundas, & huic filtratæ limpida *sal tartari p. d. resolutum* instilles, effervescentia insequitur, ab acidis scilicet *spiritus vitrioli &c. & salis tartari* alcalicis particulis, unâ cum pulveris albicantis copiosâ satis præcipitatione, qui nihil aliud est, quàm *cornu cervi usti* substantia, à corrosivis, *spiritus vitrioli &c.* partibus soluta, iisque unita, nunc verò ope *salis tartari* iterum ab iisdem liberata.

Spiritus nitri immissum hoc ustum cornu, in eo facilè totum solvitur.

Qua sanè ratione acidum quoque præter naturam in corpore febricitantium hospitans, ingestum *C. C. ustum* rodere, sicque unâ in aciditate suâ infringi posse, verisimile est.

CRANII HUMANI PRÆPARATIONEM *pag. 417.* ideo laudat, quòd sine calcinatione, aut ullâ virium destructione, sed potius exaltatione ipsarum peragatur. Hoc saltem monitum vult, consultumque ducit, ut loco aquarum destillatarum, quibuscum *cranium* impastari præcipitur, decocta, v. g. *florum & seminum pæonia*, accipiantur. Hoc fieri posse, non est dubium.

Cæterùm hæc, & aliæ materiæ medicæ exaltari variè possunt; quod ipse Medicus, quando *cranium* hoc præparatum præscribit, variis modis obtinere se posse, non ignorat.

Circa CUPEROSÆ PRÆPARATIONEM *pag. eadem* animadvertit, quòd, cum illa nihil aliud sit, quàm *vitriolum album vomitivum*, idcirco ejus confectio cum præparatione dicti vitrioli jam vulgò notâ, coincadat; & de hoc Tyrocinia Chemicorum videre, præcipit. Ast nihil singulare hoc ipso notat.

Essè *cuperosam* speciem *vitrioli*, & quidem albi coloris, ipsi Augustani indicant. Cujus præparatio in purificatione, & leni calcinatione consistit, quæ sive cum *vitrioli albi vomitivi* vulgò notâ præparatione coincadat, sive non, parùm refert. Sufficit, quòd ipsa animadversione non indigeat.

DENTIUM APRORUM PRÆPARATIO *pag. cit.* superiori *cranj humani præparationi* respondet.

EBORIS SEU ANTISPODII PRÆPARATIONI *pag. cit.* eadem, quæ de *cornu cervi præparato* dicta fuerunt, certo respectu ad commodari queunt; quam denuo ineptissimam ipse multò ineptior appellat.

DE ELATERII PRÆPARATIONE *pag. eadem* talem dat animadversionem: *Elaterium*, quod succus est inspissatus ex *Cucumeris asinini fructu*, nullâ aliâ indiget correctione. Utique præparatio hæc animadversionem vel correctionem quòd non efflagitet, repono.

Si enim succus ille fructus *cucumeris asini maturi*, per digestionem in M.B. clarificatur, & à fecibus liberatus inspissatur, ceu Augustani jubent, omnia ritè se habent.

ESULÆ RADICUM CORTICUM PRÆPARATIONEM pag. eadē dextram proclamat, si *acetum*, cum quo cortices isti infusi sunt, non separetur, sed unà cum ipsis exsiccentur. Quo iterum nihil contra Augustanos adfert, qui *aceri* separationem non efflagitant, sed potius, ut illud à corticibus absorbeatur, & ita exsiccentur, exigunt.

EUPHORBII PRÆPARATIONEM pag. cit. ab Augustanis commendatam, nil minùs, quàm correctivam esse, animadvertit, cum, quousque *euphorbij* substantia integra & intacta maneat, ejus etiam mordacitas firmiter persistat. Quo ipso sanè contra experientiam nititur, qua per commendatam istam præparationem *euphorbium* multum de summâ suâ acredine remittere, sicque quadantenus corrigi, observatur.

Pergit dein, & *oleum amygdalorum dulcium* planè fucatam ac palliativam præbere correctionem, nihilque ampliùs præstare, objicit, quàm quòd lentore suo quadantenus prohibeat, ne *euphorbium* vires suas, donec dicto oleo spoliatur, exferere possit. An fucata, vel palliativa, non autem vera correctio ista dici debeat? haud controvertam. Sufficit, quòd *euphorbium* in tenuissimas atomos redactum, cumque *oleo amygdalorum dulcium* per minima mistum, non ampliùs eà acredine gaudeat, qua non præparatum pollet, & ita tutius in usum internum vocari possit.

Atque hæc correctio satis benè cum resinarum purgantium, *amygdalis dulcibus* eas subigendo, correctione, à Zvelfero quoque traditâ, coincidit, dum pag. 54. *Pharmacop. Reg. resinas gualappæ, mechoacannæ albæ, & turberthi* pulverisatas *amygdalis dulcibus* ideo subigere jubet, quia *amygdala* utpote *oleaginosa* omnes *Resinas* eum illis subactas quasi dissolvant, earumque acrimoniam contemperent.

Si igitur *amygdala* oleaginitate suâ resinas purgantes quasi dissolvunt, earumque acrimoniam contemperant, ut ita tutò propinari possint; *euphorbium* autem pariter illis adnumeratur, quæ ab oleis dissolvi se patiuntur, (unde pag. 263. *Pharmacop. Reg. Oleum de euphorbio* solâ, leni calore factâ, *gummi euphorbij* in *Oleo cheirino*, vel *majoranæ* dissolutione parari docetur à Zvelfero) non video, cur *olei amygdalorum dulcium* lentor, sive oleaginitas, *euphorbij* substantiam resinosâ pariter quasi dissolvere, ejusque acrimoniam obtundere nequeat. Certè si hoc de resinis istis purgantibus, idem de *euphorbio* quoque dici debet,

Porro

Porro etiam per affationem ejusdem in clibano nil quidquam ipsi admi statuit; *pomi* enim (intellige: *citrij*, vel *cydonij*) humiditatem, & olei unctuositatem prohibere, ne resina illa *euphorbij* jam spissa à calore ignis moderatò tam promptè lardatur. Verùm uti *citria poma*, & *cydonia euphorbium* corrigere, jam dudum observatum & creditum fuit: ita Augustani hoc in loco eadem *poma* huc trahentes tantopere non errarunt.

Licet autem exiguum sit, quod tali ratione *euphorbio* à dictis fructibus accedit, aliquid tamen esse, negari nequit.

Resinam verò *euphorbij pomo* inclusam jam spissam esse, haud facile conceditur, quam potius ab oleosis *amygdalorum* particulis solutam & disc continuatam esse, tenendum est.

Alexander Massaria Practic. medicin. lib. 8. duplicis *euphorbium* præparandi rationis mentionem facit, unius ex *Manardo*, alterius, quam à Præceptoribus suis didicisse se, longaque experientiâ utilissimam deprehendisse, fatetur; dum scilicet *euphorbium* electum cum oleo *amygdalorum dulcium* tritum, & *pomo citrio* inditum in clibano coquitur.

Quod **HELLEBORI ALBI, ET NIGRI PRÆPARATIONEM** pag. 412. concernit, eam tantopere necessariam non esse, autumat, posse tamen, si quis *helleborum* corrigere velit, ex ipso confici extractum, separando crassum à subtili, purumque ab impuro. Quamvis correctionem hanc tantopere necessariam esse, statuere neutiquam velim; eam tamen hic penitus improbare, non decet; quia hujusmodi materia ad medicamentorum præparationem non spectat.

Interea *helleborum*, qualitatis alicujus noxiæ toties accusatum, pro timore illo tollendo, quodammodo, sic ipsum præparando, corrigi posse, negare nolo.

Cumque aliqua qualitas, in *helleboro albo* imprimis, de quo hic pariter agitur, stomacho ingrata & infesta deprehendatur, *succus* autem *cydoniorum* egregium sit stomachicum, aqualiter eam sic emendari, non est dubium.

Posse verò ex *helleboro* extractum confici, sicque catharticum illud ad usum medicum adaptari, nec Augustani ignorarunt, utpote qui hoc in *Class. se septimâ*, quæ de *Extractis* agit, exemplo *Extracti melampodij*, seu *hellebori nigri* abunde comprobavit.

Si quis tamen præscriptam præparationem necessariam judicaret, eum, unâ cum radicibus, *succum cydoniorum* per evaporationem exsiccare, & neutiquam effundere debere, animadvertit. In quo lubens Zvelsero consentio. Neque contrarium Augustani exigunt.

Caterum, sic pergit Zvelserus, *ademptio illa medulla lignæ radicum ex*

nimiùm curiosi cujusdam cerebello profecta est, qui radices Hellebori nunquam forsitan viderit aut nôrit, multò minùs tractaverit, ideoq; tanquam inutilem & impossibilem eam reprobamus. Mihi verò indubitatum est, animadversionem hanc ex nimiùm curioso cerebello profectam esse, & quòd Zvelferus, si radices hellebori utriusque, albi, & nigri debite iustrasset, atque tractasset, inutilem eam, & impossibilem haud facile proclamasset.

Simile de helleboro nigro judicium in *præcedd. animadversionib.* uti *pag. 66. circa Sirupum rosatum solutivum compositum helleboratum Montani, pag. 88. animadvers. in Infusum hellebori, & pag. 89. in Decoctum hellebori* videre est, jam protulit.

Quæ itaque hellebori emedullatio, sive decorticatio, cùm nimiùm curiosa Zvelfero videatur, exactiùs discuti deponit.

Utrum ex nimiùm curiosi cerebello, qui radices hellebori nunquam forsitan viderit, noverit, multò minùs tractaverit, præparatio ista fuerit profecta? disquirere, inutile admodum foret.

Primus autem fortè *Dioscorides*, Botanicus antiquissimus, & classicus, de re herbariâ multum conspicuus & meritis autor ab ipso Zvelfero proclamatus, atque vix ab ullo reprobatus, eandem literis consignatam nobis reliquit; quem vidisse, cognovisse, & tractasse helleboros, equis dubitet? & tamen *lib. 4. cap. 146. de helleboro nigro* agens, quem corpulentum & plenum, in quo tenuis sit medulla, eligi debere, monet, ita scribit: *Veratru albi modo emedullatur.* Ex quibus, *Dioscoridem, hellebori albi & nigri* excorticationem cognovisse, patescit.

Duplici verò ariete eandem petit Zvelferus, & 1. *inutilem* vocat. Quamvis non negaverim, medullam illam aliquas continere virtutes, illæ tamen tantæ non sunt efficacix, quantam cortices ipsam investientes, succoque abundantes possident.

Unde vel hac ratione, si quis nimirum simplicis alicujus nullam virtutis perdere velit particulam, omitti decorticationem posse, existimo.

Sed melioris tantum partis si quis rationem habeat, quò minùs, medullâ separatâ, solis corticibus is uti queat, nulla causa adest.

Aliàs vix aliqua radicum medullâ suâ privari, inque usum medicum, taliter vocari deberet; quia hujusmodi radicum pars, quæ sive medulla, sive pars lignosa, dura, aut callosa vocetur, hic perinde est, omni virtute haud destituitur.

Et tamen Zvelferum *eryngij, cichorij, apij &c. radicum* usum, non quoad integram ipsarum substantiam, sed corticetenus saltem commendasse, superius *pag. 50.* ostendi,

2. *Impossibilem* dictam corticum ablationem adpellat. Unde quodque pag. 66. in cit. *animadvers. super Montani Sirupum rosatum helleborum*, Autorem hunc cachinno excipit, eumque indignum laborem Pharmacopœis, quos clanculum subridere, scribit, imposuisse, cavillatur, ac ipsas *veratri nigri* radices subtiles & filamentis (quæ filamenta, num cannabina, vel alia? intelligat, obscurum est) parùm crassiores esse, scribit.

In *Decoctis* etiam *hellebori animadvers. pag. 89.* illum, qui cortices *hellebori* à radicibus suis minutissimis separaverit, magnum sibi fore Apollinem, exclamat.

Sed nullo modo *hellebori albi*, & *nigri* decorticationem impossibilem esse, contra Zvelserum defendere, facile suslineo.

De *albo* quidem, cujus pariter præparatio hoc in loco indigitatur, res est notissima, cujus, tenues licet, fibræ, etiam exsiccatæ, medullam in medio earum contentam promptissimè extrahi, permittunt, quod unicuique, qui vel semel *hellebori albi radices* in Officinis adservatas, vidit & tractaverit, notissimum erit.

Quare ad *nigri hellebori radices* accedo, in quibus cumprimis decorticationem suggillare videtur. Eas autem tanquam recentes, & exsiccatas considerare, placet.

Nec de omnibus *hellebori* illius speciebus hîc agere, necesse quidem est, sed tantùm de illâ, quæ in Officinis communiter proflare, atque à loco, ex quo ad nos potissimum adfertur, *helleborus Styriacus* dici consuevit, qui primis juventutis septimanis, veluti *Rolfincius sect. 7. art. 1. cap. 4. tract. de purgantib. vegetabil.* loquitur, albis radiat floribus, senio languens floridum juventutis roseam ostendit colorem; qua ratione album & rubrum florem ejusdem plantæ sobolem esse, *Clusius lib. 2. histor. rarior. plantar. cap. 63.* notavit.

Hunc itaque *helleborum* recenter è terrâ desumptum, emedullari posse, extra dubium mihi est.

Medulla quidem ista non primo mox attacku facilè extrahi se, permittit, sed promptè cedit, si radix prius quodammodo contusa fuerit.

Qua ratione in noto illo Helvetiorum oppido, Sangallo, sive Sancti Galli fano dicto, ingens quotannis radicum horum quantitas à medullâ liberari solet, dum scilicet radices recentes ligno tereti, illud super radices volvendo & nonnihil comprimendo, aliquantulum confringuntur, quo factò, medulla facillimo negotio extrahitur.

Pariter res cum *helleboro*, cujus flos viridis est, se habet.

Sin radicum recentium proventus non habeatur, sed ea jam exsiccatæ prostant; quò medulla ipsis adimi queat, macerationem præmittendam esse, constat.

Hoc jam dudum *Ebn Sina lib. 2. tract. 2. cap. 42.* docuit, dum fibras radicis in paucâ aquâ madefacere, dein excorticare, corticesque in umbrâ exsiccare; præcepit.

Nec aliud velle videtur *C. Plinius lib. 25. histor. natur. cap. 5.* scribens: *Antiqui radicem cortice quàm carnosissimo seligebant, quò tenuior eximeretur medulla. Hanc humidis spongiis opertam turgentemq; acu in longitudinem findebant, deinde fila in umbrâ siccabant, iis utentes.*

Idem *Altuarius lib. 5. method. cap. 8.* aliique Antiquiores, ac Moderni Medici prodiderunt.

E maceratis igitur radicum *hellebori nigri* fibris, ac postea nonnihil conquassatis medulla absque difficultate extrahi potest.

Quæ omnia ita sese habere, cuivis, cui libet, experimento factò, cognoscere licet.

Et huic labori peragendo non saltem exercitati Pharmacopœi, quæ adeoque ob hunc decorticationis laborem injunctum, tanquam impossibilem, clanculùm palamve subridere, nullam habent causam, sed & mulierculæ, atque tyrones pharmaceutici pares sunt, quibus itaque de præclaro magni Apollinis titulo, his verbis à *Zveltero ex Eclog. 3. Virgil.* concessò: *is mihi magnus erit Apollo*, gratulari, æquum est; qui vicissim, separationem hanc obeuntes, *Zveltero*, vel alij hujusmodi Reformatori, ex eadem *Eclogâ* quasi accinunt:

Efficiamus, posthac ne quenquam voce lacesas.

Tandem radicum sic preparatarum, *cydonio* infixarum, pastâque involutarum, ulteriorem in clibano coctionem, tanquam ineptam & ridiculam, æquè improbat. Quam equidem omitti posse, & ipse non repugno. Augustani tamen modum istum saltem recensent, non verò imitandum proponunt.

De HIRUNDINUM, ut & ERINACEI, RANÆ, MILLEPEDUM, & BUFONUM USTIONE pag. eadem acturus, ad *Appendicis Classis decimæ quarta Animadversiones* regreditur, ubi luculenter tum experimentis, tum rationibus demonstrasse se, arbitratur, quòd cuncta animalia ex meris volatilibus constent, & nihil præter inutilem terram mortuam post se relinquunt. Verùm uti similibus integrorum animalium combustionibus medicinam carere posse, non dubito: ita tamen nil nisi inutilem terram mortuam ex cunctis animalibus hac ratione remanere, haud

haud concedo ; id quod vel solum *C. C. ustum*, quo de superius actum fuit, comprobatur.

Quæ postea de innoxio *busonum* interno & externo usu subnectit, ex quo multò minùs à *pullis hirundinum, erinaceis, ranis, millepedis* solummodo exsiccatis pertimescendum aut abstinendum esse, concludit, ac ideo eadem potius exsiccata pulverisare, quàm comburere, suadet, tantopere non impugno. Illa tamen contra Augustanos propriè non decertant ; cum Ipsi unctionem hanc ideo non tradant, ac si hac ratione noxia aliqua dictorum animalculorum qualitas, quæ pertimescenda esset, auferretur, dum & Ipsi pulverisata ea, aliove modo administrata proficua esse, non contradicunt.

Unde etiam *hirundinum pullos* vivos disceptos, non combustos, *Aquis hirundinum* in Classe decimà quintà destinant. *Millepedarum* etiam, sive *asellorum* in hac ipsà vigesimà Classe præparationem dum producunt, eas non combustas, sed vinò imprægnatas, & dein pulverisatas pro usu adservare, præcipiunt.

JECORIS LUPI, & INTESTINI EIUSDEM PRÆPARATIONES pag. 413. sic institui posse, animadvertit, ut, lavando illa prius in *vinò spirituosò myrrhato*, & postmodum vitreæ cucurbitæ immitiendo, in M. B. exsiccentur, vel *myrrhâ* conspergantur, atque ita aliquatenus condiantur. Quos procedendi modos observari posse, equidem haud inficias ibo ; ast iidem Augustanorum præparationes neutiquam tollunt, quæ non minùs commodæ existunt.

Quod enim Zvelserus *vinò myrrhato*, sive in quo *myrrhâ* portio dissoluta, atque in M. B. illud Augustani in *Jecoris lupini præparatione* faciliùs solo *vinò odorato*, & exsiccatione in furno, obtinent.

Pariter quod Zvelserus dicto *vinò myrrhato*, illud Augustani *vinò*, cui *rata* & *feniculum* incoctum, in *Intestini lupi præparatione*, efficiunt.

Atque ita dubitare quàm maximè liceret, cuinam parti palma debeat ?

Quod *hepatis* dictam *præparationem* concernit, eam à Zvelsero traditam meliorem esse, videri posset, utpote quæ non *simplex vinum*, pro loturâ, sed *myrrhatum* recipit ; *myrrhâ* autem ad animalia, eorumque partes à corruptione vindicanda, magnam inesse efficaciam, creditur. Ast *vinum* illud *myrrhatum*, dum saltem ad ablutionem adhibetur, eo ipso iterum separari, innuitur.

Tali enim in sensu *lò* : lavare, à Zvelsero accipi, *animadversiones in Pitalas de aloë lotâ pag. 208.* evincere videntur.

Nihil ferè *hepati* dicto accedere idcirco à *myrrhâ* potest, nisi paucum, quod hinc indè cum *vino*, ipsi post ablutionem adharet.

Augustani autem *hepar* elotum & exsiccatum, *absinthio* circumdatum reponunt, vel etiam ante exsiccationem *pulvere santali citrini* conspergunt; quibus duobus simplicibus vim putredini resistendi deberi, vix dubium erit.

Sed in *intestini lupi præparatione ruta*, & *feniculum*, cui utrique, illi præcipuè, eadem putredini adversa potentia debetur, ab Augustanis adhibetur, unde ab iisdem quoque cum *vino* pars earum aliqua utilis post loturam remanebit; si in Zvelferi modo utile quidpiam à *myrrhâ* superesse, credi debet.

Porrò Augustani *intestinum* istud *rutâ* obvolvunt, sicque usui referant; quod Zvelferus *myrrhâ* conspersione efficit; & ita differentia tantum ratione simplicium medicamentorum putredini adversantium occurrit, dum Augustani *absinthium*, *santalum citrinum*, *rutam* & *feniculum*, Zvelferus autem *myrrham* commendat.

De exsiccatione, quam hic in M. B. in cucurbitâ vitreâ celebrare præcipit, aliqua dici possent; interea cum eundem scopum commodè in furno quoque Augustani adsequantur, aliquantulum sumtuosiore, & laboriosiore illâ in M. B. exsiccatione carere nos posse, arbitror.

Circa LACCÆ LOTIONEM VEL PRÆPARATIONEM pag. 473. quòd ea subtiliter trita difficulter lavari queat, quin ipsa, unâ, & quidem melior ejus particula eluatur, atque idcirco crassiusculè saltem terendam eam esse, animadvertit, ut stipites duntaxat & ligna, quibus plerunque referta est, aquæ innatantia ablui, & ab eâ separari queant. Quod monitum impugnare nolo, cum propriè contra Augustanos non militet, qui *laccam tritam*, non autem pulverisatam, vel subtiliter tritam, aquâ fontanâ lavandam esse &c. simpliciter indicant.

In LAPIDIS LAZULI PRÆPARATIONE pag. eadem ablutionem ejus ineptam, ridiculam, ac planè inconsideratam vocat; quia utrumque quod eluitur, & quod à lotionem remanet, purus pulvis *lapidis lazuli* sit, si purus ille; vel lapillis permixtus, si is saxosus fuerit; imò, sive purus, sive saxosus fuerit, nullo planè sapore aquam ab eo imbui, notat, qui signo esse posset perfectæ lotionis.

Hanc præparationem deridere Zvelferum considerans Excell. Dn. D. Joh. Laurentius Bauschius, Celebris in Germaniâ Collegij Naturæ Curiosorum Fundator, primusq; Præses, in *Schediasmate de cæruleo & chrysocolli*, tale cap. 6. de eo fert judicium: *Verum tanto cachinno non excipiendos esse antiquos Medicos puto (modernos meliores præparandi modos nobis submisstrare non inferior) cum ex hac præparatione magnum in viribus oriatur discrimen, cum non lotus*
ventrem

ventrem & vomitum moveat cum labore, quod non facit ablutione præparatus; atque hoc cap. 8. testimoniis Mesues, Ebn Sina, Serapionis, Alexandri Tralliani, aliorumque confirmat.

Non in me quidem defendendum suscipiam, quòd ablutio illa in quavis lapide lazuli admodum necessaria sit; ast simpliciter eam ineptam, ridiculam & inconsideratam proclamare, minùs aptè & inconsideratè satis fieri, existimo.

Sit ita, quòd cum aquâ, lapidis aliqua substantia simul effundatur, ea tamen cum exigua foret, siquidem non post agitationem aqua mox effundenda est, sed post aliquam interpositam moram, qua pulvis ille subsidet.

Præterea in lapide hoc, prout in aliis quoque mineralibus, varias se admiscere posse, in eorum generatione & concretionem, impuritates, succosque, adeo absonum haud est, statuere; quos ideo, ad lapidis constitutionem propriè non spectantes, separare, ridiculum neutiquam dici potest.

Dari autem in lapide lazuli (utrùm in omni, me latet) sal aliquod simplicis cum aquâ ablutione auferendum, in elegantissimo lapidis hujus frusto pulverisato experimentum institutum me edocuit, quod lixiviosa fore propià esse, gustus judicavit.

Verùm ut conficit, quo pacto lapis lazuli præparari debeat, & qua ratione quasi in magisterium redigi queat, colore pulcherrimo, coerulco conspicuum, Pictoribus ultramarinum dictum, Zvelfero libet, modum subjungere, quem à plurimis in secretis haberi, scribit; videlicet dum lapis lazuli subtilissimè tritus, cum Emplastro, ex cerâ citrinâ, pice græcâ, vel colophonîâ, resinâ pinî, oleo lini, terebinthinâ, & mastiche parato, subigitur, digeritur, inque calidâ aquâ malaxando iterum educitur.

Non equidem negabo, modum hunc pro secreto à nonnullis haberi, ita ut eundem ignaris pro tali venditare soleant, imò non sine expensis eundem, quod & sibi accidisse, Zvelferus hîc fatetur, aliis communicent. Ast nihil certè secreti continet hæc præparandi ratio, quæ jam olim literis consignata fuit, ut ita à Pictoribus Venetis, aliisve, eandem cum expensis demum addiscere, nulla cogat necessitas.

Prout colorem hunc transmarinum conficere jam dudum Alex. Pedemontanus part. 1. & 2. secretorum, atque ex eo Joh. Jac. Weckerus lib. 16. de secretis, cap. 6; nec non Anselm. Boëtius de Boodt histor. gemmar. & lapid. lib. 2. cap. 124. & seqq. aliique edocuerunt.

Differentia saltem est ratione doseos ingredientium, ut &, quòd inter-dum thus quoque, ac oleum amygdalorum amarorum adjungatur.

Quamvis nec ipse Zvelferus hac in parte sibi conformis existat, dum

pag. 51. *Append. animadvers.* aliud pro hoc negotio *Emplastrum*, diversum, scilicet ab eo, quod in præsentib. animadversionib. tradidit, describit.

Sed missio hoc secreto, quod Medici Pictoribus relinquere, & ejusdem loco lapidem lazuli optimè lævigatum, vel alià ratione præparatum usurpare commodè possunt, ad

LAPIDIS MAGNETIS PRÆPARATIONEM pag. 423. accedo, quam æquè inspidam esse, objicit, tum ratione ipsiusmet *magnetis*, tum additæ aquæ destillatæ, qua is præparari & circulari debet.

De *magnete* quidem in pulverem redacto in *animadversionibus super Emplastrum Oporteloch Mindereri* se egisse, monet; ubi vim attractoriam exiguam, vel planè nullam ipsi pulverisato inesse, statuit. Ast uti magnopere litem hîc movere, nolo: ita tamen, vim desiccatoriam in *magnete* superesse, non minùs proficuum & expeditum, certum est.

Unde præparatio hæc ex parte ipsius *magnetis* destructoria neutiquam censeri debet.

De aquâ destillatâ autem major dubitatio animum subit, videlicet, quæ pulveri *magnetis* vix quidquam, quod alicujus momenti esset, conferre valet.

Siquidem haud est credibile, aquæ hujus partem aliquam cum *magnete* remansuram; quin potius in destillatione tota iterum ab eo separetur.

Cum remanentiâ verò à destillatione, vel succis solis ibi recensitis, *magnetem* imbuere, conducibilius fore, existimo.

Quonquam propterea sententiæ Zvelseri non adeo simpliciter subscribere possim, dum ait: *Etenim aqua spirituosâ semel destillatâ, nunquam in secunda aut tertia cohobatione, rei, cuicunque etiam jungantur, spirituositatem aut vires relinquunt aut impertient, quin æquè ut in priori destillatione volabunt.* Hoc quidem de nonnullis verum esse, inficiari nemo potest; ast de aquis spirituosis destillatis quibuscunque & cuicunque rei jungantur, id adfirmare, veritati non usquequaque respondet.

In aquâ spirituosâ, vivificâ *viperarum*, *hirundinum* &c. dùm sal volatile, & dubio procul urinosum, acidoque oppositum, continet, hoc evidens est; si enim illa sali vel liquori alicui acido fixiori, uti *sals spiritui*, jungatur, non ampliùs aqua spirituosâ, sed phlegma saltem elevabitur; quia sal urinosum ab acido ligatur & figitur.

Similiter aquæ spirituosæ, tale sal volatile *viperarum* &c. continentes, si *calci vivæ* conjungantur, non ampliùs eâ prædictæ virtute per alembicum transeunt; cum *calcem vivam* destruere salia illa volatilia, Zvelserus experimento suo pag. 276. probare laboret.

Interea,

Interea, ut dixi, illam aquæ destillatæ à *magnete* abstractionem omitti jure optimo posse, concedo; licet propterea non tam acerbis verbis præparationem illam, ita ut insipida &c. dici debeat, excipere conveniat.

Secus qui facit, is similia pariter insipidè factitasse Zvelserum, largiri tenetur; dum e. g. *acetum destillatum rosarum* aliis speciebus superinfundit, species postmodum exsiccat, & post exsiccationem violenter decoquit in *Sirupo emetico purgante ex vegetabilibus primo Pharmacop. Reg. pag. 33.* *Acetum* namque semel destillatum, quod se instar spirituosæ alicujus aquæ habet, nunquam, dum secundò vel tertio calori submittitur, rei, cui adjungitur, spirituositatem suam relinquet, quin æquè, ut in primâ destillatione, avolabit; id quod ipse Zvelserus *pag. 2. Append. animadvers.* fatetur, dum, *acetum destillatum vegetabilibus adusum, non destrui, sed, integrâ aciditate servatâ, per Alembicum transire, scribit.*

Similiter in *Classe quintâ Pharmacop. Reg.* aliquoties aqua rosarum, anisi, & *cinnamomi*, coctionis ad tabulatî consistentiam torturæ, cum saccharo, subjicitur; prout etiam eidem negotio aqua rosarum, *cinnamomi*, & *florum aurantisorum pag. 122. 123. 125. Pharmac. Reg.* in Morfellorum confectiionibus inservire debet. Alia, quæ adduci possent, exempla ut silentio inviam. An hic credibile est, aquas prædictas semel destillatas, dum igrâ de novo in coctione submittuntur, cum re, cui decoquendæ adduntur, non iterum in auras elevari? Certè eâdem facilitate, vel majori, cievabuntur, inque aërem abibunt.

De LEPORIS USTIONE *pag. eâdem*, ut discursus de *C. C. usso* consulatur, Zvelsero sic monente, Lectoris prudentiæ relinquo.

LUMBRICORUM PRÆPARATIONEM *pag. cit.* similem in modum, quo *jecur lupi, vino* scilicet *myrrhato*, & exsiccatione in M. B. institui posse, animadvertit. Posse hac ratione præparationem istam fieri, equidem non nego. Sed hanc, quòd Augustanorum modus erroneus sit, minimè evincere, atque ita propriè Augustanos hîc non reformari, quilibet ipse judicabit.

Circa MANDIBULARUM LUCII PISCIS PRÆPARATIONEM *pag. cit.* Augustani Lectorem ad *dentium aprorum præparationem*, & Zvelserus ad *ejusdem animadversiones*, remittunt. Mihi quoque, ad *harum Examen* regredi Lectorem posse, monere placet.

In MEZEREI PRÆPARATIONE *pag. eâdem* nullatenus *acetum* separare aut decantare, sed unâ cum ipsis foliis lentè exsiccandum esse, consultum ducit. Quod monitum observare, tantopere opus haud est;

est; cum unâ cum *aceto*, cujus tamen parva requiritur quantitas, vehementis acrimoniæ quoque *mezerei* separatio instituitur.

MYRRHÆ PRÆPARATIONEM pag. 414. quod attinet, ejus veram & genuinam solutionem non esse, animadvertit, quæ fit cum *vino*, cum totaliter in eo *myrrha* non solvatur. Verum etiamsi *myrrha* in *vino* verè ac genuinè non solvatur, sufficit, quòd ita diluatur, ut adhuc calens per linteam transcolari possit, quod uti maximè possibile est, & ab Augustanis quaeritur: ita hoc in loco genuinè eam solvi, certo respectu dici potest.

Quod dein Zvelserus monet, *myrrham* scilicet quandoque in *vino* dilui ob id, quia, postquam cum *vino* ad spissitudinem cocta est, liquida aliquatenus maneat, atque hac ratione cum reliquis speciebus intimius permisceri queat, aliquàlter verum esse, concedo. Sed ista intentio propriè locum hic non habet, cum præparatio præsens non tam in dictum à Zvelsero finem, quàm potius ad *myrrhæ* à lignosis quisquillis depurationem instituitur.

Tandem hanc *myrrhæ* præparationem intermittere, nec prius instituerè, quàm exigatur, præstare, putat. Quod contra Augustanos neutiquam militat, qui tempus hujus præparationis non determinant, sed modum saltem ejus adducere voluerunt, quòd eum, tempore ferente, ac necessitate exigente, observare & imitari Pharmacopœus possit.

OESYPI COLLECTIONEM pag. 415. dum, uti scribit, penitiùs investigat, satis mirari se non posse, scribit Zvelserus, quòd tam foetidi sordidique animalium sudores tantopere ad Medicinam expetantur, quasi vel non sexcenta alia suppeterent medicamenta, ad eosdem, quibus *asypus* inservire posset, adfectus æquè efficacia & experimentata, leviori etiam precio, minori multò labore, & in majori copiâ ubique obvia. Verum hæc ad præparationem medicamentorum propriè non spectant, sed potius ad eorundem compositionem, qua de hic agere, institutum Zvelseri non permittit.

Interea quàm sordidas etiam res, minusque benè olentes Zvelserus in usum medicum trahat, omnibus notum erit.

Ipsum *Zibethum* simplex sordidum (de quo Petri Castellii tract. de hyanâ odoriferâ videri potest) &, præcipuè recens dum est, per se ingratum ac foetidum, à Zvelsero tamen usurpatur, quamvis plurima alia prostant simplicia odorata, ad eosdem adfectus, quibus *Zibethum* inservire posset, efficacia, experimentata, leviorique precio obtinenda.

De reformatâ *Mindereri Aquâ acousticâ* superiùs egi, quam cum largâ *spiritus urinae caprea* foetidissimi quantitate conflatâ, ipsi ori immittere jubet *Zvelferus*.

Allij, bulbi illius foetidi, pro regiis medicamentis usum à *Zvelfero* commendatum supra pag. 87. adduxi, quasi verò nulla alia longè gratiora alexipharmaca prostant.

Cauterij sui potentialis è fraxini cineribus cum salivâ, spurcitie illâ, (uti in animadvers. *Emplastri de ranis cum Mercurio* eam vocat) madefactione, superiùs quoque jam aliquid monui; quasi alius non suppeteret humor, eisdem negotio intersvens.

Quamvis medicamentum istud sordidum *Zvelfero* visum, *tantopere* ab *Augustanis* ad Medicinam non expetatur, qui ejus locum aliud aliquod subire posse, minimè negant.

Unde cap. 7. *Prolegom.* quod de *Substitutis* eorum, quæ vel planè non, aut difficulter haberi possunt, vel exoleta ad nos devehuntur, vel de quorum ortu, num legitima sint, adhuc dubitatur, agit, *æsyphi ἀντιβαλλόμενον medullam cruris vituli* constituunt.

Quod sanè non alium in finem monere videntur, quàm quòd laborem illum satis tædiosum & sordidum Pharmacopœis suis imponere nolint, *æspum* autem, si rusticis, ovium custodibus, aliivè vilioris sortis hominum generi colligendum committeretur, facilè ab iisdem adulterari queat.

Placuit tamen *Ipsis æsyphi* præparationem adnectere, tum ut quid illud sit, indicarent, tum, si cuiquam laborem istum subire placeret, modum colligendi edocerent.

Ex hisce jam, quid de eo, quod contra *æspum* ulteriùs producit *Zvelferus*, statuendum sit, elucescit.

Denique rationabilius esse, autumat, *lanam* istam *succidam*, à qua *æspum* colligitur, si pari alicui dolenti aut tumori duro adplicanda sit, à spurcitie istâ prius eiungere, & probè mundare, quàm ita foetidam, ac sudore, aut nescio qua immunditie conspurcatam corpori adhibere. Sed hîc iterum à viâ declinat *Zvelferus*; cum hoc in loco de usu *lane succidæ*, parti alicui dolenti, aut tumori duro imponendæ, *Augustani* ne verbum quidem proferant, de solâ *æsyphi* collectione agentes.

Quamquam dubitare adhuc quàm maximè liceret, utrùm rationabilius sit, *lanam æsphi* isto nondum purificato imbutam, præ eâdem *lanâ* elotâ, ac probè mundatâ, in dictis adfectibus eligere?

De OLEUM LAVANDI MODO pag. eâdem hæc sentit, quòd,
cum

cum *oleum* illotum, scilicet *vulgare olivarium*, ad cibos condiendos usurpatur, non opus foret, illud ad usus externos, præsertim si gutturi inferiori injiciendum, prius tam studiosè lavare; ideoque hanc lotionem ineptam, ulteriori examine penitus indignam, ac infantilem adpellat. Sed mitius sentiendum esse, existimo.

Aliud est, simplex aliquod usui medico, aliud culinario adaptare.

Aliàs si valet hæc argumentatio: *oleum* illotum ad condiendos cibos usurpatur. Ergo non opus est, & ineptiæ dici debent, ad medicamenta aliqua paranda illud lavare; mihi quoque sic inferre licebit: *Saccharum albisimum*, *amygdala decorticata*, *acetum destillatum* plurimis medicamentis suis Zvelserus adhibet. At multoties *saccharum vulgare* non admodum candidum ad cibos condiendos usurpatur; *amygdala non decorticata* sæpissime comeduntur, *acetum destillatum* culinis vix notum est, à quibus *vulgare* saltem pro usu communiter eligitur. Ergo *saccharum albisimum* pro medicamentorum præparatione adhibere, *amygdala* decorticare, *acetum* destillare, ineptum, & infantile est.

Cur autem *oleum* laveretur, duplicem assignat causam *Galenus* 2. de simplic. medicament. facultat. cap. 15. scilicet, ut mordacitatem exuat, & candidius efficiatur; atque cap. 17. in oleo duplex ponit excrementum, unum terrestre, & crassum, quod subsidet, & vulgariter amurca vocatur, alterum tenuius, ac veluti aquosius sive ex aëreâ essentia & tenui serosâ compositum, quibus separatis, candidius, dulciusque effici oleum, cap. 18. edocet.

In PELLICULARUM VENTRICULORUM GALLINARUM PRÆPARATIONEM pag. 416. animadversiones cum illis, quæ *lumbricorum præparationi* scriptæ fuerunt, coincidunt, quarum igitur *Examen* consulatur.

De PILORUM LEPORIS USTIONE pag. eadē notat, rataliter ustos pilos, hæmorrhagias, vel sanguinem erumpentem sistere, credi; cui itaque alia medicamentz sanguinem sistencia non suppetunt, in tantâ aliàs ubertate eorum, illi per se licere, scribit, pilos dictos comburere; quanquam parum in hisce, à rebus aliis, ab animantibus desumptis, & incineratis vel combustis, diversum inveniri, regerat. Sed nimis sinistrum hoc est de medicamento præsentē judicium.

Pilos leporis tradito ab Augustanis modo posse præparari, imprimis ut fiant medicamentum, quod sanguini sistendo utile existit, dum Zvelserus concedit, eo ipso præparationem istam non mereri animadversionem, probat.

Quamvis autem magna medicamentorum sanguinis fluxum inhibentium copia detur; propterea tamen *pilos* hosce ab usu medico remove,

vix conceditur ; præcipuè cum nec ipsi *pili* magno veniant precio, nec eorum præparatio tantos requirat sumtus.

Unde quoque pari facilitate & jure *pilorum* horum usus commendari posset, ita ut abundantiam aliorum remedium, cariori quandoque precio venientium, propter hosce abrogare liceret.

Porro non minùs de aliquibus à Zvelfero in certis casibus commendatis simplicibus simile judicium ferre, daretur. videlicet, quia magna aliorum, v. g. adstringentium, cordialium &c. datur ubertas, hoc vel illud à Zvelfero præscriptum adstringens, cordiale &c. tum demum usurpari posse, ubi alia, eundem effectum promittentia, non suppetunt.

Circa PILARUM MARINARUM TORREFACTIONEM pag. eadem notat, quòd *pila* istæ, nisi totaliter in carbones vertantur, in pulverem redigi nequeant. Verùm ipsa experientia contrarium comprobabat, quæ *pilas* istas, etiam mediocriter saltem torrefactas, neutiquam verò ustulatas, aut in carbones conversas, non adeo difficili negotio, per trituram in pulverem subtilem redigi posse, monstrat.

Ut ita ferè mihi persuadeam, Zvelferum hanc præparationem aut planè nunquam, aut oscitanter peregisse.

Similiter cum *serico crudo* se rem habere, animadvertit. Ubi quidem utique verum est, quòd pulverisatio simplicis hujus difficulter succedat ; attamen eapropter non opus est, illud in carbones vertere, cum debitè tostum, & cum *solutione tragacanthi*, quod in descriptione adjungere, intermissum fuit, imbutum, Pharmacopœi periti in pulverem redigere, norint.

Idcirco quæ de *pilis marinis, sericoq; combusto*, longiori sermone profert, huc planè non spectant ; prout etiam, quòd *sericum crudum* per se planè inutile & inefficax sit medicamentum, nondum sufficienter & abunde fuisse demonstratum, *Examen animadversionum super Confect. alchermes* comprobat.

De PLUMBI USTIONE ET LOTIONE pag. cit. sequentia animadvertit : *Plumbi ustionem dexteriores à figulis addiscere oportebit, qui nullà peregrinà additione liquefactum Plumbum rudicula ferrea tam diu hinc inde commovent, agitantq; collocatum super ignem lentum, donec totaliter in calcem conversum sit.* Quam figulorum calcinationem illi ab Augustanis præscriptæ, cum sale perficiendæ, ustioni meritò præferendam esse, censet, eò quòd & sine additione fiat, nec edulcoratione aut ablutione opus habeat, utpote quam neque ad hanc *plumbi*, neque ad alias metallorum calces præparandas quidquam prodesse, judicat. Verùm longè aliter, meo quidem judicio, de hac *plumbi* præparatione statuere oportebit.

Augustani & *plumbum* calcinandi modum, qui addito *sale* fit, & illum, qui figulis quoque usitatus, per se solâ *plumbi* liquefacti agitatione instituitur, cognitum habuerunt.

Unde *plumbum* per se in calcem redigendi artificium à figulis demum addiscere, neutiquam opus habent; præcipuè cum *plumbum* per se urere, vel ex antiquissimi Scriptoris, *Dioscoridis lib. 5. cap. 56.* scire potuerint.

Interea ut omnis planè adversæ parti dubitatio eximatur, præparationem saltem *salis*, vel *sacchari Saturni*, in *Mantis. hermet. pag. 452.* traditam, evolvere non graventur; ubi sequentia scripta invenient: *Rec. Cinerem Plumbi aperto igne sine alio adjecto præparatum.* Quæ verba calcinationem *plumbi* per se factam clarè innuunt, simulque *salis* adjectionem manifestè excludunt.

Dum autem hoc in loco illam cum *sale* præparationem Augustani tradunt, nullo modo erroris insinulari possunt; siquidem hac ratione ut *plumbum* calcinetur, possibile esse, nemo sanæ mentis negabit. Neque mox alteram illam dexteriores appellare, aliisque præferre, convenit.

Posito verò, præparationes, quæ sine additione alterius rei non strictè necessariae fiunt, præferendas esse illis, quæ cum aliquâ talismodi perficiuntur; hac ratione nec Zvelserum animadversione non notatum abire posse, considerandum est; qui exempli gratiâ, *pag. 366. in animadversionib. Emplastri albi costi*, pro meliori, ceu ipse fatetur, *cerusse* dissolutione, unâ cum *oleo*, *aceri* quoque *destillati* additionem adprobat; quam tamen Augustani solo *oleo*, absque *aceri destillati* accessu, absolvunt. Quare ibidem Augustanorum modus isti Zvelseriano, secus ac ipse putat, præferendus esse videtur.

Sed videamus etiam decisionis illius causas, quarum duas adfert, & 1. ideo calcinationem *plumbi*, figulorum more peractam, isti cum *sale* perficiendæ præfert, quia sine additione fiat. Quòd ita simpliciter positum nihil quidquam solidè evincit, quin probatione potius adhuc indiget.

Ast si fortè sumtum intuitu, qui in *sal* impendendi sunt, dictum hoc velit, tunc eadem facilitate illam *aceri destillati* in *Emplastro albo* additionem omitti posse, regerere licet.

Quamvis in paucam *salis* quantitatem, quæ exigitur, tanti sumtus hîc non sint faciendi.

2. Quòd *plumbum* per se ustum edulcoratione aut ablutione non indigeat, & hoc ideo, cum talis edulcoratio nec ad hanc *plumbi*, neque ad alias metallorum calces præparandas quidquam profit. Si Zvelserus *plumbum* per se calcinatum illi, cum *sale* usto, ob non requisitam ablutionem prætulisset, eò, quòd ibi labor edulcorationi impendendus omitti possit, aliquid, parvi

parvi tamen etiam momenti, dixisset; sed causa, quam ipse subjungit, plane nihil evincit.

Cæterum de *plumbi calce* edulcorandâ notari potest, quòd, si *calx plumbi* pura, nullis partibus heterogeneis, falsis imprimis, permista desideretur, edulcoratio utique profit, si *calx* illa cum ejusmodi salibus corrosivis parata fuerit.

In genere etiam edulcorationem illam ad metallorum calces extendere, inutilemque vocare Zvelserus non debuit, qui *calcem*, seu *crocum auri purpureum*, nec non *aurum fulminans Mantuff. spagyr. part. 1. cap. 1.* aquâ dulci recente, & destillatâ sæpius adfusâ, probè edulcorare, jubet.

PULMONUM VULPIUM PRÆPARATIONEM pag. 417. in modum *hepatis lupi* peragere, conveniens ducit Zvelserus, quos etiam *decoctis pulmonarie, veronica, essentiâ croci, myrrha &c.* imbuere, & quasi condire, non inconsultum fore, judicat. Quam opinionem nec impugno, nec Augustanorum modum eam tollere, arbitror; siquidem variè rem aliquam in tantâ remediorum ubertate præparari, imbuli, aut condiri posse, mihi non est dubium.

SANGUINEM HIRCI PRÆPARATUM pag. eadè à nonnullis, præsertim ab acutissimo *Helmontio*, valdopere in pleuritide commendari, paulò tamen aliter ejus præparationem ab eodem institui, monet; cujus dein verba è §. 75. *tract. Sextuplex digestio alimenti humani* adducit, in quibus *sanguinem hirci*, à castratione effluentem, eligit, quem siccatum instar vitri, difficillimæque triturationis, atque longissimè ab *hircino sanguine* Offinarum differentem esse, *Helmontius* scribit. Eadem repetit & illustrat in *tract. Pleura furens* §. 32.

Mihi quidem sanguinem ita exceptum rejicere, non est animus; sed necessariò miserum *hircum* castrandum esse, ita ut *sanguis* effluens pro usu, curiosè nimis, colligi queat, haud necessarium duco; cum & *sanguis* ex *hirco* jugulato collectus eosdem effectus spondeat, quos ille à testibus exsectis profluens producere valet; & quidem in adfectibus calculosis, ad quos ab Augustanis, exemplum Medicorum antiquorum secutis, is cumprimis commendatur; unde in *Pulverem Avicenna* è cineribus, & *Electuarium diureticum Bartholomæi Montagnana* recipitur. Quare etiam *hircum* vegetabilibus diureticis prius esse nutriendum, requiritur.

Quod si *sanguis* ita ab *hirco* jugulato, non castrato, collectus, unâ eum sero suo, debitè citra combustionem in Balneo vaporoso siccetur, æquè splendens eum, renitentemque, ac si testicularis foret, adparere, *Exc. Dan. Ludovici* in *Pharmac. modern.* observat.

SCAMMONII PRÆPARATIONEM pag. eadem adscriptam veram & exquisitam dici non posse, putat, cum additamenta stomachum duntaxat roborare, non verò *scammonij* vim & violentiam directe infringere queant. Verum an exquisita & vera correctio hæc dici debeat, ut non disputem, eandem tamen non planè inutilem esse, sufficit.

Nam à *Galeno*, *Ebn Sina*, *Mesue*, aliisque *scammonium*, quod quàm maxime *κλεῖστόμαχον* sit, accusatur. Quare incommodo huic ut obviam irent, ventriculoque prospicerent, variè illud corrigere tentarunt, quibus modis etiam præsentem adjungere libet; in quo potiora additamenta, ventriculum imprimis roborando, utilem præstant operam.

Ipse autem *Zvelferus* artificiosiore correctionem ejus indicare vult, si purum ab impuro separetur, cum multis inutilibus illud scateat recrementis, de qua plura in *Montissa* sequente dictum iri, promittit; in qua saltem *resinam scammonij* juxta modum in *resina gialappe* præparatione traditum, parari posse, è residuo autem liquore per abstractionem extractum, animadvertit. Ast neque hæc præparatio vera & exquisita dici meretur, utpote quæ *scammonij* vim & violentiam non infringit, sed partes terrestriores, quibus vix ulla operandi vis inest, saltem segregantur, *scammonio* interim æquè violento cathartico, ac antea erat, manente.

SCORIE FERRI PRÆPARATIONEM pag. citat. jam antea sub *chalybis* præparatione indigitatam esse, notat, quia *chalybs* & *ferrum* parùm admodum differant, ac nihil aliud ille sit, quàm *ferrum* purissimum & optimum. Omnia hæc ita se habere, concedamus. Quare etiam, quæ de *chalybis* præparatione supra prolata fuerunt, ex parte huc trahantur.

De SCORPIONUM USTIONE pag. cit. idem, quod de aliorum animalium superiùs productâ combustionione, *Zvelfero* monitore, tenendum est, Examen tamen prægressum similis materiæ unà expendatur.

SCILLÆ PRÆPARATIONE pag. eadem non abs re carere, nos posse, animadvertit, si *scilla montana* solum sive *Hispanica*, aut in hortis cicurata ad nos deveheretur; quia hæc tantâ mordacitate, exurentique malignitate non sit prædita, qua sunt *scilla marina* in litoribus maris Italiæ uberrimè crescentes; *Galenus* etiam ipse *scillam* crudam, non præparatam usui Medicinæ destinârit; atque hac præparatione nihil efficiatur aliud, quàm quod mordacitas *scillæ* ex parte diminuatur, non verò totaliter tollatur, secus enim viribus suis omnimode eam privari, arbitratur. Verum animadversio hæc non usquequaque arridet.

Quod equidem *scilla* differentiam, mordacitatis ratione, concernit, eam

eam cognitam jam dudum fuisse, extra dubium positum est, prout etiam præparationem hanc cum in finem celebratam, ut *scilla* mordacitas mitigetur.

Nos autem cum ut plurimum *scillis marinis*, Venetiis huc delatis, Augustæ utamur, quas mordacitatis, exurentisque malignitatis participes esse, Zvelserus adferit, non iniquè facere videmur, dum ad exurentem illam qualitatem infringendam *scillas* præparamus.

Galenum scillam hoc modo non præparatam usui medico adaptasse, in *animadvers. ad Acetum scilliticum* Zvelserus jam objecit. Neque negari potest, in *lib. 3. de medicamentis faciliè parandis cap. 20.* quì *Galeno* adscribitur, *scilla* tantum concisâ, non verò in clibano coctâ & exsiccata mentionem fieri. Sed ibidem non *scilla marina*, verum *montana* expressis verbis nominatur, quam nocivâ illâ qualitate non ita, ac *marinam*, præditam esse, Zvelserus concedit, & ita quoque præparatione istâ, pro noxâ corrigendâ, tantopere non indigere, sequitur.

Ceterum *scillam montanam*, sive *Hispanicam* dum ob dictam causam, præfert Zvelserus, electionem tamen hîc requiri, sciendum est. Duplicis enim speciei, in Hispaniâ crescentis, mentionem facit *Carol. Clusius rarior. plantar. histor. lib. 2. cap. 22.* quarum primam in specie *scillam*, alteram *pancratium* vocat, quod abundè, inquiens, crescit in *Hispaniâ mediterraneis*, adeò rusticis exosum, ut me ejus bulbos eruentem admonerent, ne degustarem, præsentaneum enim esse venenum. Uterque autem bulbus Hispanis eodem nomine, teste eodem *Clusio*, *cebolla albaranna* audit.

Si itaque per traditam præparationem mordacitas *scille*, quam malignitate præditam esse, Zvelserus ponit, diminuitur & mitescit, nos autem *scillâ marinâ* quoque utimur, præparatione nominatâ non ita carere commode possumus.

Præterea per dictam præparationem, *scilla* mordacitatem ex parte saltem diminui, non verò totaliter tolli, sententiæ Zvelserianæ contrariatur, quam *pag. 219. animadvers. in Trochiscos de scillâ* adduxit; ubi liquidò patere, putat, quod si *Scille* nativâ suâ humiditate spoliuntur, etiam suâ totali priventur essentiâ & substantiâ, ut nil nisi viribus exhausta membranulâ remaneant. Ast cum in præsentî præparatione humiditas *scille* auferatur, dum eam exsiccari debere, præcipitur, necessariò totali quoque essentiâ & substantiâ sua privari deberet, nil nisi viribus exhaustis membranulis remanentibus. De qua tamen objectione quid sentiendum sit, *Examen animadvers. in Trochisc. scillitic. pag. 207. & 202.* edocet.

Ex quo etiam loco, quid de altero Zveiferi dubio decernendum sit, patescit, dum mordacitate *scille* ablatâ, viribus suis omnimode ipsam privari autumat.

Si tamen per *scille* vires solum noxias aliquas, quas paulò antea mordacitatis, exurentisque *malignitatis* nomine proposuit, innuat, eo ipso hunc *scillam* præparandi modum non inutilem, sed ob *malignitatis* expulsionem, summè proficuum esse, demonstrat.

De SERICI CRUDI TORREFACTIONE pag. eâdem, crudiq; usu medico, in *Examine Confessionis alchermes*, & *animadversionum, pilularum marinarum præparationi* scriptarum, actum fuit.

SULPHURIS VIVI PRÆPARATIONEM pag. eâdem quandoque necessariam non esse, animadvertit, cum *sulphur* dictum tantum purum nonnunquam sit & inveniatur, ut nullâ lotionem indigeat; si tamen impurum fuerit, illud *vino*, vel *spiritu vini*, vel *aceto* lavare, tantopere errorem dici non posse, scribit. Quo ipso contra Augustanos propriè non militat, qui purissimum *sulphur* ablutionem illam stricte haud requirere, non nesciunt.

Quamvis & *sulphur vivum*, quod satis purum esse videtur, particulis quibusdam acribus ipsi adhærentibus interdum præditum esse queat, quas remove, & abluere, non inconveniens videri posset.

Quod in fine monet, videlicet nonnullos *spiritum vini*, vel *acetum destillatum* ab eo aliquoties abstrahere solere, ad Augustanos minimè spectat, qui abstractionis illius mentionem nullam faciunt.

De qua etiam quid notare nolo, cum Zveiferus, in decidendo aliàs satis promptus, num benè vel malè abstractio ista instituitur? haud determinet.

TEREBINTHINÆ COCTIONEM pag. citat. meram esse abstractionem spiritus, vel olei spirituosi, observat. Nec sanè negari potest, quòd coctione illâ, præter phlegmaticas acidiusculas *terebinthinæ* partes, oleosæ quoque volatiliores auferantur; quæ tamen, licet inefficaces haud existant, remanentem *terebinthinam* inutilem suâ absentiâ minimè reddunt, quæ etiam (ob quem finem coquitur) sic inspissata Pilulis exin conficiendis, Pulveribus, aliisque nonnullis compositis idonea evadit.

Interea cui, coctionem non aperto vase, sed in vesicâ cum alembico instituire, sicque eâdem operâ *oleum* quoque *terebinthinæ*, pro aliis usibus, impetrare placet, is reprehensionem non meretur.

Ab Augustanis autem *oleum* ex *terebinthinâ* absque aquæ additione destillatum, quod à nonnullis illi cum aquâ prolecto oleo præfertur, expecti, Eorum *Mantissa hermetica* monstrat.

Circa TUTIÆ CALCINATIONEM ET PRÆPARATIONEM pag. cit. hanc dat Zvelferus animadversionem : *Tutia calcinatio prior, posteriori satis tædiosa meritò præferenda est.* Verùm duplicem, quidem tutiæ calcinatæ præparationem, unicam autem tantùm calcinationem Augustani tradunt.

Unde nullâ prærogativa hîc datur, cùm prior & posterior eadem existat ; sique posterior tædiosa dici, eodem nomine prior quoque insigniri deberet.

Quia igitur in calcinatione nulla adparet diversitas, eandem fortè in subsequente præparatione indicare voluit Zvelferus ; ubi utique verum redditur, posteriorem magis tædiosam, quàm priorem esse ; dum scilicet tutia priori modo elaborata, in posteriori, linteo inclusa, in vase, aquâ clarâ pleno, hinc indè agitur, ut tenuior ac melior ejus pars in aquam effluat, crassiore in linteolo relictâ ; ista autem, postquam in aquâ resedit, supra porphyritem ex aquâ rosarum lavigata in pastillos cogitur.

Ast num illa prior huic operosiori mox præferenda sit ? dubito ; quia hac ratione tutia multò tenuior redditur, atque ita, in Collyriis cumprimis, usus ejus aptior esse videtur.

VESICARUM APRORUM PRÆPARATIONEM pag. 428. juxta normam in *hepatu lupi* &c. præparatione traditam, nempe eas in B. M. exsiccano, commodè peragi posse, admonet. Quod equidem, cui volupe id est, per me observet.

Augustanis animadversio hîc propriè non scribitur, qui purgatas aprorum vesicas exsiccare, simpliciter præcipiunt.

Quam exsiccationem in clibano, B. aliove loco calido instituere, perinde est.

Cæterùm de hac in M. B. exsiccatione aliquid jam in *hepatis, & intestini lupi præparatione* notavi.

VITRI USTIONEM ET PRÆPARATIONEM pag. eàdem, levidentem ac planè inutilem adpellat, atque ceu ineptissimam, omni jure se explodere, addit, cùm *tantas involvat absurditates ; ut si quis accuratori examini & judicio eam subicere vellet, animusq. haberet reprehendendi primum, materiam sanè suppeditaret sufficientissimam, vel hanc aut aliam similem ex præmissis præparationibus nugacissimis, omni vulgo notissimâ & rusticana Philosophiâ carentibus, in volumen extendendi, & infinita absurda hinc deducendi, quæ indigna essent Philosopho rationali.* Sed calamum sisto, nec reliqua homine, non dicam erudito, indigna verba adduco, ne docto & humano Lectori in recensendis iis tadium adferam.

Si ex

Si ex ullâ, certè ex hac Zvelferi animadversione, impotens ipsius, & malignus in Augustanos, aliosque, Medicos cumprimis antiquos, animus clucescit.

Quæ cuncta scommata, & verba injuriosa, nihil ponderis habentia, sed invidos, indoctosque animos saltem titillantia, silentio transilio; licet plura circa hanc materiam in Zvelferum retorquere, facillimum esset.

Ipsam potius *ἡμετέραν* evolvamus, quod circa virtutem *vitri usi* versatur, licet de hac agere, propositus à Zvelfero tractandi modus non ita permittat.

Itaque, *Vellem*, inquit, *clarius constaret & sese explicuissent, cur tantoperè hoc medicamentum desideretur, aut ob quas eximias virtutes in officinis prostrare debeat?* Mirum, quòd Zvelferus causam, ob quam *vitri præparatio* exigitur; & quas virtutes habeat, sciscitetur, quam, si frontispicium *hujus Classis* saltem intueri, simulque medicamentorum in *precedentibus Classibus* descriptorum, compositionem perlustrare non oblitus fuisset, facile cognovisset.

Talis enim *presenti Classi* titulus ab Augustanis inscribitur: *CLASSIS VIGESIMA, Præparationes quorundam Simplicium, quorum in hoc Opere mentio facta est, dilucidans.* Si nunc præparationes Dispensatorij hujus evolvantur, *vitrum usum* in medicamenta diuretica & lithontriptica recipi, mox adparet, prout illud in *Pulvere è cineribus Avicennæ, & Electuario diuretico Bartholomæi Montagnanæ* conspicitur, quæ utraque, præter urinas ciendi potentiam, calculosis prodesse traduntur.

Quamvis, hæc medicamenta composita Augustanis non amplius usitata dum sunt, *usi vitri* etiam præsentiam in Eorum Officinis strictè non requiri, simul indicent.

Facile quoque usum illum *vitri usi* medicum percipere potuisset ex aliis Autoribus, qui de eo literis quid tradentes, ipsi virtutem dictam omnes adscribunt.

Galenus cumprimis *5. de simplic. medicamentor. facultatib. cap. 13.* urinam illud provocare, jam dudum scripsit; & *de renum affect. dignot. & medicat. cap. 8.* potenter calculum frangere, testatus fuit.

Pariter *Ebn Sina* in calculo renum & vesicæ *vitrum usum* commendavit, ceu ex *lib. 2. tract. 2. cap. 831.* patet; nec non *lib. 3. sen 18. tract. 2. cap. 19.* ubi simul modum illud urendi edocet.

Hinc minime errat Zvelferus, dum ob singularem vim lithontripticam medicamentum hoc desiderari, existimat.

Quam tamen si quis in eo sibi imaginetur, eum toto errare cœlo, clamat,

mat. Sed hoc ipsum adsertum suum neque experientiâ, neque ullâ ratione comprobatur.

Econtra multorum seculorum decursu usum ejus Medicis non inutilem fuisse observatum, certiùs constat.

Unde *Clariss. Jo. Rhodius ad cap. 153. Scribon. Largi pag. 227.* non dubitat, quin *vitrum* in hujusmodi casu utile sit, *maximeque*, addens, *Augustanorum placito cinerfactum* : Ideoq. *Antonius Guainerius avi sui medicus percelebrus de Calculi pass. cap. 8. jure laudat.*

Zvelterus autem vim lithontripticam, si quæ aliquando in exhibitione ejus sit animadversa, non à *vitro* emanasse, sed potius à *sali stipitum fabarum*, in quo talis vis fabulum & arenam pellendi inest, judicat. Sed sinistrè satis lata est sententia.

Non quidem negatur, *sali stipitum fabarum*, eorumve *lixivio* vim istam deberi, quod *Petrus Forestus*, ex *Manardo*, lib. 24. observat. 25, nec non *Ambros. Parvus Oper. chirurgic. lib. 16. cap. 37.* *Joh. Schröderus Pharmacop. med. chim. lib. 4. class. 1. cap. 140.* testantur. Ast huic soli omnem virtutem, si quæ aliquando ab exhibitione ejus fuerit observata, tribuere, propterea non decet.

Hac enim procedere methodo si liceret, plurima Zvelteri medicamenta reformare, daretur; si in eorum aliquibus ingredientis cujusdam virtutes, cordiales, stomachicæ, nephriticæ &c. concederentur, & reliqua conjuncta ingredientia frustra adjici, diceretur, cum virtutes illæ, si quæ observentur, illi, non hisce ingredientibus debeantur.

Interea tamen *vitri*, Augustanorum præscripto modo *usti*, vires non tam *sali fabarum*, quàm potius ipsi *vitro* adjudicare, æquum est, cum *lixivium* istud, in quo *vitrum* candefactum extinguitur, non unà cum *vitro* exsicceetur, sed, solo *vitri* tenuissimo polline reservato, effundatur. Unde, quidquid *lixivij* adhuc cum *vitro* cohaeret, non nisi perpaucum esse potest, cujus perexigua granuli particula, singulæ *vitri* dosi adjuncta est, quæ ita per se sola nihil quidquam efficere valet.

Ast non posse *vitrum* sic *ustum*, & in impalpabilem pulverem redactum, sine periculo, aut detrimento agroti exhiberi, licet illud protinus non persentiat, haud facilè Zveltero largior. Sed cum fundamentum hujus adserti sui non proponat, de eo pluribus agere supervacuum esset.

Mitto itaque hæc, & potius ad ultimam PRÆPARATIONEM, quæ est UNGULÆ ALCIS pag. eadem, aliorumque simplicium ibidem recensitorum, me conféro.

Ubi *ungulae aleis* parandi modum, si juxta *animadversiones*, in *preparationem cranij humani* factas, instituitur, minimè destructoriam, sed utilem potius esse, monet. Qua de materia igitur *Examen* illarum consulatur.

Augustianorum modo institutam preparationem neutiquam sanè destructoriam pariter dici posse, certum est.

Eadem reliquorum enumeratorum simplicium parandi norma, per trituram scilicet & lavigationem peragitur; quorum nonnulla haud difficulter eo modo concinnanda admittit, praesertim quæ molliora & friabilia sunt, nec *vitri* aut *adamantis* duriciem æmulantur, uti *blattæ byzantinas*, *coralia alba*, & *rubra*, *margaritæ*, *oculos cancerorum*, & similia, maximè si lavigatio supra lapidem durissimum, de quo nihil medicamento accedat, aut quam minimum comunicetur, qualis porphyrites est, instituitur. Hac animadversione nihil contra Augustanos movet, qui similes lavigationes in lapide durissimo, uti *porphyrite*, celebrandas esse, Pharmacopœos suos non latere, probè sciunt; illudque etiam in prioribus nonnullis preparatis in specie, uti *chalybis cum aceto*, & *sulphure*, ac in *cornu cervi usti* preparatione adnotarunt.

Aquas verò, quibuscum res prædictæ studiosè preparari jubentur nequequam de virtutibus suis impertiri iis posse, animadvertit, ob rationes sæpius, & paulò ante in *magnetis preparatione* inculcatas. Quamvis aquam etiam vulgarem purissimam destillatis, quæ ad lavigationem adhibenter, substitui posse, non contradicam, tantum tamen erratum illud Augustanorum non est.

Quin insuper quàm benè in consimili modo se gesserit Zvelserus, *Examen animadvers. in magnetis preparat.* saltem evolvatur.

Nunc ad cæteros duriores lapides atque gemmas, quandam *vitri* & *adamantis* similitudinem habentes, progreditur, eosque difficillimæ trituræ & lavigationis esse, multumque laboris & temporis requirere, antequam, usui idonei reddantur, in qua diuturnâ preparatione, asperitate & duritie suâ, accedente preparantis nisu & compressione, multas lapidis partes abradi, & ita gemmis preparatis admisceri, scribit. Quare etiam ob hanc rationem, aliasque in *animadversionib.* *Classis undecimæ*, nec non super *Emplastrum opoteldoch* circa *magnetis preparationem* prolatas, rudem hanc, uti vocat, preparationem simpliciter se admittere non posse, concludit. Verùm quod *animadversiones Classis undecimæ* concernit, ad eas in *Examine ipsarum* jam respondi.

Qua autem ratione *Emplastri opoteldoch, magnetis* in eo positi *preparationis animadversiones* huc trahendæ sint, clariùs exprimere debuisset, quòd de iis iudicium ferri potuisset.

Communicari gemmis, lapidibusque durioribus aliquas marmoris, in quo lavigatio peragitur, particulas, non planè negabo; ast propter has, ipsa talis præparatio non mox rejici prorsus debet.

Præterquam enim, quòd in lapide durissimo, vel in *porphyrite* lavigationem obire conveniat, ubi magna particularum lapidis abrasio non fit, multò minùs tanta, ut simplicia ista duriora sic præparata duplo, aut triplo quoad pondus, ceu objicit *Zwelferus*, augeantur; illæ quoque paucissimæ particulæ abrasæ, tum quòd minimâ in quantitate singulas alicujus medicamenti, ad quod talismodi præparati lapides usurpantur, doses ingrediantur, tum exiguam possideant ad corpus nostrum alterandum potentiam, &, si quam habent, noxia tamen ea laud existat, notabile aliquod, inò vix ullum damnum corpori humano, si ita cum præparatis ingerantur, inferre neutiquam valent.

De *lapide ætite*, cujus præparatio cum *aquâ tormentilla* ab Augustanis traditur, notat, quòd is, periapti instar, corpori prægnantis, aut parturientis alligatus, supra renes, si fœtum diutius in utero materno continere, abortumque prohibere debeat; infra renes autem & cruribus, si partum promovendi animus sit, multa præstet. In subtilissimum verò pulverem tritus & lavigatus, additâ licet *tormentilla aquâ*, non fit, quòd nobis de virtutibus dictis quidquam promittamus, nisi fortè vim adstrictivam illi, taliter præparato, si intra corpus sumatur, tribuamus. Idem judicium de plurimis aliis lapidibus preciosis dat &c. Quæ tamen iterum nihil quidquam contra Augustanos evincunt.

Namque *lapidis ætitis* præparatio hîc consideratur, quatenus cum aliis medicamentis permisceri postmodum debet, non verò quatenus integer, externè, periapti instar, corpori applicatur. Diverfa enim hæc esse, Augustani probè norunt.

Quancquam virtus illa *lapidis aquilini*, in retinendo, vel expellendo fœtu, in applicatione diversâ consistens, quòd tantum præstet, nondum planè concessum sit, cum fiduciâ in eum plus, quàm virtutibus, meritisque ejus hîc tribuendum esse, nonnulli contendunt.

Imprimis *Conradus Gesnerus lib. 3. histor. animal.* contra hujus usum, acriter admodum decertat.

Et tantum ferè efficere eum posse, credibile est, quantum arboribus adligatus; dum summitati earum adpensum, ne fructus decident, inferius autem, ut decident, in causâ ipsum esse, aliqui tradunt. Quod tamen minime succedere, ab aliis, periculum hujus facientibus, observatur.

Cæterum Augustanos *atiten* pulverisatum, ob vim adstringentem in usum trahere, clarè satis *Pulvis Stegnoticus D. D. Gutmanni*, qui lapidem hunc recipit, ostendit, cujus nimirum usus in sanguine sistendo imprimis versatur.

Unde ad fluxus sanguineos narium & hepatis sistendos, nimium mensum fluxum, dysenteriam, nec non ad supprimendum vulnerum sanguinem commendatur.

De gemmis autem, periapti instar adhibitis, differere, pariter huc minime spectat.

Quid circa reliqua simplicia, in fine *hujus Classis* denominata, observandum sit, ex hucusque dictis patescit.

Quare *huic ultimæ Classi*, quam plurimis inutilibus & destructivis rerum præparationibus refertam haud esse, Examen traditum contra Zvelferi insimulationes evincit, colophonem impono, atque ad

Mantissam Hermeticam Augustanorum progredior.



RESTI-

RESTITUTA
MANTISSA HER-
METICA.

SPIRITUS SIMPLICES.



Ntequam ad ipsas Compositionum hac in *Mantissa* consignatarum preparationes progrediar, quid in præfixâ præfatione, quam illi Augustanorum à se silentio involutâ substituit, Zvelserus proferat, enarrare prius convenit.

De medicamentorum enim Chemicorum præstantiâ, eximiiisque virtutibus, quæ præ aliis, more Galenico, id est, rudi elaboratis, eminent, nonnulla in medium proferre, sibi incumbere, scribit; quod tamen, ut scriptio operam compendifaciat, cum à pluribus Medicis id factum jam fuerit, nec suspensâ hederâ opus sit, intermittit.

Ita est. Chimia multis egregiis medicamentis Artem medicam ditavit, quibus hac ætate vix amplius carere possumus.

Interea tamen thrasonico elogio eadem commendare, quod nonnulli consuevere, haud decet; neque etiam simpliciter medicamentis, uti vocantur, Galenicis, præferri possunt; cum in hoc, vel illo adfectu modò Galenicorum, modò Chemicorum medicamentorum usus emineat.

Insuper nonnulla preparatio Chimica præ aliquibus Galenicis; e contra aliqua Galenica nonnullis Chemicis eminere, jure merito dicitur.

Neque consentire Zvelsero, & medicamenta Galenica rudi more elaborata esse, simpliciter concedere possum; cum, quantum sapius artificium contineant, nemo eorum parandorum gnarus ignorare queat.

Quin si illa tam rudis sunt præparationis, plurima Chimica eodem elogio laudari debere, nemo, qui eorundem elaborationem cum Galenicorum confectioe attentè comparat, negabit.

Pergit dein Zvelserus, & de Chemicæ artis difficultate paucis agere, decernit; cum nonnulli sint, qui adeo facilem ipsam esse, autumant, ut vel sex mensium spatio, & alij (quod maxime miratur) intra decursum sex, septemve septimanarum, quantum Medico necessarium, integrè addisci posse, audacter adserere non vereantur. Quibus verbis in *Angelum Salam*, & *Ant. Guntherum Billichum* calamum vibrat; quorum ille sex mensium spatio Studiosum medicinæ tantum in Chemicâ arte proficere posse, auctarij & su-

& superpondij loco *Aphorismus suis chymiatricis* adposuit, quantum sufficiat Medico el-gantiori. Hic verò in *Coronide, Observationibus & Paradoxis chymiatricis* superadditâ, eum, qui tempori, preciosissimæ rei, parcere malit, totidem septimanis cursum omnem absolvere posse, statuit, methodumque id consequendi simul aperit.

Quamvis ad Chimiæ exactam scientiam, penetraliumque ejus pervestigationem obtinendam, neque integram hominis aetatem sufficere, libenter Zvelfero largiar; attamen dum superficialiam potius, minisque exactam cognitionem Scriptores illi intelligere, mihi videntur, ita ut Medico sufficere, existiment, debitam furnorum structuram callere, aquas destillare, olea separare, extracta conficere, aliaque medicamenta usitatoria parare, non adeo inconcinnè locuti fuerunt.

At dum Zvelferus hic statuit, quòd illi, qui ipsam, scilicet Chimiâ, exactè callere, ejusque penetralia pervestigare velit, non septimana una aut altera, non menses aliquot, nec annus integer, imò nec omnes suæ vitæ dies sufficiant, & ita neminem ad plenariam Chimiæ cognitionem pervenire, innuit; nihilominus autem, paucis tantum interjectis lineis, aliquos ad culmen ejus penetrâsse, his verbis: *ut pauci admodum inter tot millia hominum culmen ejus attigerint, adserit, ἀνελόγως iterum committit.*

Causam verò hujus difficultatis longo ordine prosequitur, & mox in principio culpam in tot, tamque varia, quæ nos deludunt, Chemicorum scripta, mendis & mendaciis referta, eorundemque processus ferè infinitos, laborem irritum reddentes, culpam rejicit. Quæ utique vera in plurimis esse, nemo dubitat.

Horum etiam, ne longiùs abeam, exemplum vel ipse noster Zvelferus exhibet, cujus *Mantissa Spagyrica* plures processus fictos exhibet; prout inferiùs de hujusmodi specimine, circa *Mercurialis aquæ*, pro *liquore alcahest* venditata, elaborationem occurrente, quadam monere, occasio dabitur.

De ejusdem *Mantissa Mercurii* ex *antimonio* proliciendis, quos nunquam confecisse ipsum, ferunt, idem alij jam observarunt.

Hinc utique magniloquis processibus non mox fidendum, sed omnia curioso oculo attentè prius pervestiganda esse, concedo, ne nempe incassum laboremus.

Difficultatem itaque hanc intimiùs considerans Zvelferus, vix ac ne vix quidem ad corrigendam Augustanorum *Mantissam Hermeticam*, licet communissima saltem & officinalia contineat, animum se disponere possit, scribit; à quamplurimis tamen sollicitatus & quasi impulsus, opus hoc adgredditur, in quo quid præstiterit, nunc dispiciamus.

Primò

Primo omnium SPIRITUS SIMPLICES se offerunt, de quibus notat Zvelserus, quod ij legitimè, & secundum artem spagyricam præparati, qui ab aliquo subjecto, vegetabili, minerali, vel animali denominationem, fortiuntur, ex eo solo & unico constare soleant & debeant; utpote *Spiritus absinthij* ex solo *absinthio*; *liliorum convallium* è *liliis convallis* &c. Eum autem, qui primus in hac *Mantissâ* describitur SPIRITUS ABSINTHII pag. 423. non tam *absinthij*, quàm *Spiritus vini absinthiten* dici mereri. Verum est, si strictè nomen *Spiritus absinthij* præsentis expendere velimus, eum *Spiritus vini absinthiten*, aut alio modo adpellari posse; sed cum hic propriè non *Spiritus vini* habeatur ratio, sed *absinthij*, quod hic tanquam basis, & cujus vires, volatiliori in parte consistentes, expetuntur, se habet, *Spiritus vini* autem eâ ferè solùm ratione accedat, quatenus oleosâs *absinthij* partes dissolvit, imbibit, secumque per alembicum ducit, non video, cur *Spiritus absinthij* dici nequeat? præcipuè cum *absinthij spiritus*, absque *vini spiritu* destillati, vires optimè adæquet.

Prout *Aquam cinnamomi* absque additâ aquâ fontanâ, vino &c. non parari, & tamen à Zvelsero simpliciter *Aquam cinnamomi* vocari, notum est, cum potius, si strictè loqui velimus, *Aqua fontana cinnamomea*, *Vinum destillatum cinnamomeum* &c. dici deberet.

Aliud exemplum in animadversionibus *Sirupi de portulacâ Mesues* suggeritur, cujus pag. 44. mentionem feci; dum *Aquam endivie* producit, quæ tamen aliis etiam simplicibus ortum debet.

Adplicari huc posset nomen famosi *Spiritus Veneris*, qui, juxta ejus constitutiva à Zvelsero ipsi assignata, *Spiritus aceti*, *vinosus*, *urinosus*, *veneris* &c. dici postularer.

Olea cocta simplicia, quæ in *Pharmacopœiâ Regiâ* describit, non simpliciter, v. g. *Oleum absinthij*, *anethi*, *chamæmelinum* &c. sed *Oleum olivarum absinthiacum*, *anethinum*, *chamæmelinum* &c. dicenda forent; quia non ex solo & unico *absinthio*, *anetho*, *chamæmelo*, sed unâ ex oleo olivarum constant.

Imò ejusdem *Oleum mastichinum*, quod *Pharmacop. Reg. pag. 262.* producit, *Oleum olivarum cum majoranâ*, & *mastiche*, è quibus nimirum constituitur; & pag. 263. *Oleum ex styrace*, *Oleum olivarum*, vel *Oleum amygdalorum amarorum cum styrace*, & *tacamahacâ*, adpellari requireret.

Quin & *Spiritus absinthij simplex*, legitimè paratus, si ex solo & unico *absinthio* constare debet, certè neque ille, cujus confectio nem, fermentationis ope, paulò post describit Zvelserus, talis esse potest; cum ille potius *compositus* existat, *absinthio*, *spirituiq; fermenti*, vel *sacchari* ortum debens.

Fermea-

Fermentando enim, *saccharum* spirituosum evadere, & per destillationem spiritum ardentem largiri, Chemicis jam in confesso est. Prout idem de *fermento* quoque dici debet, scilicet spiritum aliquem illud emittere. Hi itaque spiritus, è dictis corporibus reclusi, oleosis *absinthij* partibus, per fermentationem, accedente phlegmate, in spiritum resolutis, sese permiscunt, & unà per alembicum in vas recipiens transunt.

Quibus itaque consideratis, Spiritui huic Augustanorum, *Infusionem absinthij*, spiritu vini factam, præfert, utpote quæ ipsâ essentiâ *absinthij* imbuta est, nec minori, sed majori potius efficacîâ pollet, quàm *spiritus vini*, unâ cum partibus *absinthij* subtilioribus duntaxat ac volatilibus per alembicum prolektus, relictis in residuo virtutibus ejusdem potioribus. Quamvis non negaverim, *Essentiam absinthij* cum spiritu vini paratam, si simpliciter vires stomachicæ &c. spectentur, efficaciorē esse *Spiritum absinthij*; ast cū Augustani liquorem aliquem summè penetrantem, & è meris volatilibus partibus constantem, nullo insuper colore imbutum, sed limpidum, pellucidum & colore planè aqueum hîc desiderent, cujus multiplex dein usus esse possit, eo ipso Spiritus Essentiâ præstantior est.

Aliàs pari jure plurimas Aquas destillatas, Spiritusque è *Pharmacopœia Regiâ*, inibi præscriptos, remove, iisque Infusiones simplicium, è quibus prolekti sunt, tanquam efficaciores, sive partibus terrestrioribus æquè utilisbus imbutas, præferre, & ita Zvelserum reformare, possum.

Norunt etiam Augustani *Essentiam absinthij* per infusionem laudatam conficere, quam pro variâ intentione, modò Spiritui præferunt, modò postponunt.

Si verò in residuo à destillatione virtutes potiores hærent, iniquè nimis cum *Sirupo de absinthio Mesues* (quo de in ejus *Examine* actum fuit) Zvelserum agere, obiter noto, quòd eundem, partibus subtilioribus, coctione vel destillatione avolantibus, orbatum esse, creditum, nullius fore efficacîæ, statuatur; & pag. 225. *Apolog. contra Tackenum* spirituosam ejus partem, totius energiæ & effectus originem adpellet.

Cæterum de Essentiis tractare, hujus loci non est.

SPIRITUM ANISI pag. eadem, potius *Spiritum vini anisatum* dici debere, & nec ab antecedentis *Spiritus absinthij* præparatione quidquam differre, nec ullum artificium hermeticum in se continere, animadvertit. Quem igitur elegantiorē & efficaciorē, additione olei anisi destillati, ejusdem seminis extracto, & sale, parare edocet. Quæ tamen majori ex parte in præcedentis *Spiritus Examine* discussa jam fuerunt.

Quare hoc saltem moneo, licet magnum artificium hermeticum Spiritus

ritus hujus præparatio non ostendet, planè nullum tamen in se continere, falsum esse.

Sufficit, Spiritum hunc magnæ esse efficacæ, & præscriptam destillationem voto Medici satisfacere.

Augustani non singulare aliquod artificium hermeticum hic ostentare, in animo habuerunt, nec magnificis inscriptionibus & descriptionibus gloriam in suâ *Mantissa* captare, laborarunt; sed medicamenta experta, atque periclitanti proximo salutaria adponere, mens Eorum propriè fuit.

Interea magnorum arcanorum divitem possessorem, artificiosarumq; spagyricarum operationum dispensatorem, Zvelkri *Mantissa Spagyrica* num eundem esse, qualis equidem videri vult, sufficienter comprobet? alij judicent. Mihi sanè, plures ineptias, multa vulgaria, nonnulla haud adeo artificiosa inibi contineri, dum eam perlustro, adparet.

Spiritum autem hunc *anisi*, ubi additione extracti &c. elegantior fieri debet, non amplius *Spiritum*, sed *Essentiam anisi* vocabimus.

Circa SPIRITUS CERASORUM NIGRORUM, ROSARUM, aliorumque consimilium *pag. cit.* præparationem nihil contra Augustanos adducit.

Cæterùm dum herbas & flores longè minorem præbere Spiritus quantitatem, quàm fructus, in genere animadvertit, non usque adeo benè disserit. Si enim herbæ vel flores multas oleosas contineant partes, eorumque debita proportio fermentata &c. destillationi committatur, majorem certè, vel parem impetrare licet Spiritus eorum quantitatem, quàm ex aliquo fructu non ita oleoso.

Ex. g. si *libra quatuor summitatum lavendula*, post debitam fermentationem, destillentur, illæ utique similem, vel largiorem Spiritus proventum dabunt, quàm *libra quatuor ex g. cerasorum nigrorum, fragorum &c.* fermentationem destillatæ.

Baccas quidem *juniperi*, utpote copioso oleo prægnantes, plurimos præbere Spiritus, nunquam inficias ibo.

De SPIRITU SALIS *pag. eadem* genuino, in aliquà copiâ vel quantitate, magnâ cum difficultate acquirendo, non satis querelarum apud Pharmacopœos, & Chemicos esse, unde dictum Spiritum rarò purum, atque aliis (maximè Spiritu nitri) non adulteratum divendi, scribit. Cujus difficilis destillationis causam à nemine adhuc detectam, aut assignatam, ipsam tamen naturam nobis patefacere, putat. Verùm *Spiritus salis*, cum *bolo* destillati, parcum satis ut plurimum esse proventum, ideoque adulterationem ipsum quandòque incurrere, haud negabo.

Pariter

Pariter non disquiram : an difficilis illius destillationis causa hæcenus ab aliquo detecta fuerit ? cum hoc nihil contra Augustanos evincere videatur.

Est causa, quam ab ipsâ naturâ nobis patefactam producit Zvelferus, vix admitti potest ; dum in ipsâ destillatione egredientes & fervidos *salis Spiritus* statim *terram figulinam*, cui sal permixtum est, adgredi, corrodere, & ita se reciprocè destruere, scribit, ut exigua portio spiritus, eaque tota phlegmatica transeat ; quod à *Spiritibus* huiusmodi *acidis, salis, vitrioli &c.* probare nititur, quos, super *arenam, lateres*, aut *terram figulinam siccam*, vel *bolum* si fundantur, fermentare veluti, & ebullire, inque res prædictas agere, & agendo vicissim pati, imò totaliter destrui, ac in aliud ens converti, venditat, non secus ac si pro solutione rerum aliarum mineralium & metallicarum adhibiti essent. Negari quidem nequit principium, cui adsertum suum Zvelferus superstruit, nimirum quòd, si *Spiritus salis, vitrioli*, aliique *acidi bolo &c.* adfundantur, non quidem fermentatio, sed ebullitio oriatur, tantum tamen abest, ut *Spiritus salis &c.* actione istâ totaliter destruantur, ac in aliud ens convertantur.

Contrarium enim ipsa natura quasi patefacit. Siquidem eandem ebullitionem, ubi *simplex* tantum *aqua* ejusmodi *bolo* infunditur, percipere licet ; quæ tamen *aqua* neque corrosivis illis gaudet spiritibus, qui in *bolum* agere possent, neque etiam ob actionem illam destruitur, cum tota iterum abstrahi queat.

Cognoscere id potuisset Zvelferus, si ablutionem tantummodo *boli sicci*, contra quam in *Classe ultimâ animadvers.* verba fecit, vel etiam *luti*, pro furnorum ad labores chemicos requisitorum structurâ expetiti, præparationem è terrâ siccâ, attendisset, ubi *aquam simplicem* adfusam pariter ebullitionem excitare, notissimum est.

Ac ita ebullitio hæc cum illâ, quæ in *cornu cervi ustò*, ab infuso *spiritu vitrioli, aquâ simplici &c.* observatur, conveniret.

De quo C. C. *ustò*, aliisque *animalium ossibus combustis pag. 275. Apolog. contra Tacken.* scribit, quòd indifferenter se habeant ad recipiendum quemcunque liquorem, sive acidum, sive salsum, aut inspidum etiam, & dulcem, tantum nimirum, quantum pro eorum humectatione saltem sufficit. Quemcunque enim liquorem è prædictis *cornu cervino ustò* adfundas, ebullitionem oriri, deprehendes. Pariter se res habet cum *bolo*, quæ indifferenter se habet ad recipiendum quemcunque liquorem, sive acidum, sive salsum, aut inspidum etiam, & dulcem, tantum nimirum, quantum pro sui humectatione saltem sufficit, imbibendo.

Quin actione illâ non destrui spiritus acidus, ipsâ destillatio, debitè & cautè instituta, evincit.

Si enim exquisita fiat cum justâ boli quantitate, salis permixtio, debitum, etiam ignis regimen attendatur, largè satis spiritus illos prodire, ij, qui similes operationes ritè tractarunt, non ignorant.

Scitè de illâ agit *Ant. Gunth. Billichius lib. 1. observat. ac paradox. chymiatr. cap. 5.* dum *sal calcinatum* in minutissimum pulverem, quò ita exactè cum *bolo, sabulo, argillâ &c.* misceri queat, redigere, præcipit. *Misceri autem, subjungit, opus est, tum ut futura ebullitionis effera vis compefiscatur, tum etiam ut solida materia interjecta disjungantur particula, disjunctaq; examinentur, quæ conjuncta atque unita inexpugnabili robore obnuncuntur stillationi.*

De hac solertes nonnulli Chimici observarunt, quòd parcè eliciatur, *salus Spiritus*, ob ignis neglectum regimen, à quo immoderato in fluorem redigantur particula salinæ.

Quare etiam si boli larga satis quantitas *Spiritu salis* imbuatur, & post finitam ebullitionem, lentamquè exsiccationem *bolus* retortæ includatur, ac destillationi adaptetur, *Spiritus salis* æquè acidus denuo egreditur. Prout idem superinfusus *unciis tribus Spiritus dicti, libræ uni & dimidia boli vulgaris*, observare mihi licuit.

Si autem acidi spiritus *bolo* juncti destruerentur, & in aliud ens converterentur, cur idem hîc non fieri debeat, nulla causa subest.

Exemplum de Spirituum acidorum in mineralibus & metallis destructione, quod pro argumenti sui robore adducit Zvelferus, contra ipsum militat, meamquè sententiam non parùm confirmat; dum *Spiritus acidus salis, vitrioli &c. in lateribus, terrâ figulinâ, bolo &c.* totaliter destrui, atque in aliud ens converti, statuit, *non secus, ac si pro solutione rerum aliarum mineralium & metallicarum adhibiti essent.* Ubi quidem utique verum redditur, *Spiritum v. g. vitrioli, rei metallicæ, uti Martis, pro ejusdem solutione, adfulum, in Martem agere, & agendo vicissim pati, saporemquè suum acidum deponere; ast planè destrui, contra omnem rationem, & experientiam militat.*

Aliàs etiam e. g. *Spiritus vitrioli Martis*, in *Mantissâ spagyricâ pag. 336.* à Zvelfero descriptus, non ens esset. Dum enim, ceu quoque docet Zvelferus, *vitriolum ferri*, per *Spiritum vitrioli* (solvendo nimirum *limaturam ferri* cum *Spiritu vitrioli, vel sulphuris*, ac solutionem in crystallos, seu *vitriolum* redigendo) paratum, ad ejusdem destillationem adhibetur, atque hæc ad totalem humiditatis radicalis, oleique rubri expulsionem continuatur, in retortâ nil nisi verus ac legitimus *crocus Martis adstringens*, liber ab omni

omni falsedine, remanet, destillatus autem Spiritus acidus & corrosivus existit. Si itaque ille *vitrioli Spiritus*, ad prædicti *vitrioli* præparationem primò adhibitus, extremâ Vulcani violentiâ iterum à re metallicâ, *Marte*, separatur, quomodo is destructus ab eâ dici potest?

Quam deinde objectionem sibi metipsi format de SPIRITU NITRI, qui, licet cum *terrâ figulinâ*, aut *bolo* destillatio ejusdem peracta fuerit, acidissimus tamen & corrosivus impetretur, meam non facio; cum ea Augustanorum non sit.

Quamvis vanitas ejus ex antedictis jam similiter elucescat.

Spiritum nitri etiam cum *terrâ figulinâ* à Zvelfero ipso destillari, inferius notabitur.

Adeoquæ nondum patet, processus hosce, videlicet destillandi *Spiritum salis* &c. cum *terrâ figulinâ*, *bolo* &c. si peritum, industriumque artificem, inveniant, esse explodendos, vel indignos, & qui mendis scateant, adpellandos.

Cui autem commendatum à Zvelfero *alumen ustum bolo* &c. substituere, sumtusque in illud facere, lubet, eidem me non oppono; dummodo *recenter ustum* illud adhibeat, ne novâ falsedine attractâ (quod citissimè fit) non *Spiritum salis simplicem*, sed unâ ex *alumine* constantem, ac ita quasi adulterinum, impetret, atque sic per sumtuosum hoc additamentum, laboriosamque unctionem, spe suâ excidat.

Attamen cum *alumine ustâ* destillationem hanc adgredi, non est Zvelferi inventum. Sic *Joh. Schröderus lib. 3. Pharmacop. medico-chim. cap. 21.* nonnullorum modum destillandi *Spiritum salis* esse, testatur, ut *aluminis ustæ partes duas, salis communis partibus tribus* addant, & ita destillent.

Quin & minoribus cum expensis cineres saltem *elixirviati*, qui nimirum salium in igne liquationem, uti *pag. 134. Apolog. contra Tacken.* Zvelferus fatetur, prohibent, *alumini*, tanquam corpus, vel terra emortua, substitui possent.

Tandem *Glauberi* modus, hunc, similesque Spiritus destillandi, in primo & secundo furno *Philosophico* indigitatos, commendat. Ast non negligenda hic est admonitio *Georgij Erasmi Oellingeri*, quam *part. 2. suæ Officinæ pharmaceuticæ* de illo *Glauberi salis Spiritum* in furno primo, cum carbonibus destillandi modo protulit, quæ *ibidem pag. 148. & 149.* videri potest.

Memini *Nob. Rolfincium* in Collegio chimico, quod Anno M. DC. LXV. in eleganti suo Laboratorio suburbano JENÆ instituit, in furno isto *Spiritum ex aquali salis, & vitrioli* portione prolicuisse, cui tamen saporis & odoris

odoris gratia defuit ; unde quoque à *pralaudato Viro* non immeritò modus iste in discursu tunc habito parvi æstimatus fuit.

De SPIRITU, qui nunc pag. 424. sequitur, TARTARI hoc, quod moneat, habet, ut pro ejus destillatione *tartarus* unicà solutione & crySTALLIFICATIONE purificetur ; sic enim defecatum, & ab inhaerentibus stiptibus liberatum, non Spiritum graveolentem, uti aliàs, sed fragrantem, & insigniter penetrantem præbere. Etenim *tartarum crudum*, quàm purus etiam esse videatur, plurimis tamen rebus heterogeneis permixtum deprehendi, statuit, à quibus demum insignis ille fœtor oriatur. Et propterea *vulgarem Officinarum tartari Spiritum*, qui à suo relicto capite mortuo non rectificatus, nec à suo abundante phlegmate liberatus fuerit, nullà ratione pro puro puto *tartari Spiritu*, sed mixto & inquinato haberi debere, contendit, ut in posterum non sit, quod miremur, ab eodem *Spiritu tartari* foetido sæpe contrarias operationes, & pessimos quandoque suboriri effectus. Non quidem controvertam, quòd commodè satis, loco *tartari communis*, ejusdem *crystalli* adhiberi possint. Sed pariter *tartarus albus purus*, qualem Augustani requirunt, locum meretur.

Nec primus est Zvelferus, qui *tartari purificati* usum pro Spiritu exinparando commendat.

Idem enim jam alij, veluti *Oswaldus Crollius* in *Basilicà chemicà*, *Angelus Sala* sect. 1. cap. 9. *Tartarologia*, *Joh. Schröderus* *Pharmacop. med. chim. lib. 4. class. 2. cap. 408.* notarunt.

Non nego, puriorem hac ratione, ceu idem observat *Joh. Hartmannus* in not. ad *Crollium*, impetrari Spiritum ; ast tam impurus is à *tartaro puro* crudo haud redditur, ut usui medico utiliter adcommoari nequeat.

Ita ut tædioso depurationis labore, si talis suppetat, tantopere minimè indigeamus.

Licet aliquid heterogenearum partium is contineat, tantì tamen momenti eæ haud sunt, quæ magnum fœtorem, dum inter destillandum unà cum *tartaro* comburantur, Spiritui imprimere possent.

Insuper insignem illam graveolentiam unicis his impuritatibus imputare, haud decuit Zvelferum, cum & ille Spiritus, qui è purificato *tartaro* elicitur, non minùs graveolens & foetidus existat, sic ut exigua admodum inter utrumque graveolentiæ differentia deprehendatur.

Unde *Crollius* in suo *tartari Spiritu*, quem etiam è purificato *tartaro* destillare, docet, fœtorem vel odoris gravitatem meritò agnoscit.

Imò ipse Zvelferus fateri idem, cogitur, dum pag. 430. animadvers. *Mixtura de tribus, ex Spiritibus mineralium*, mentionem facit, quam etiam

Spiritus

Spiritus antimonij tartarisatus ingreditur, quem ex cremore tartari & antimonio parari, monet; de eadem autem pag. 112. *Apolog. contra Tackenum*, quòd graveolens ab illò tartari Spiritu sit, fatetur, scribens: *Videmus autem, prædicta omnia firmiter constare in horum spirituum commixtione, tum acuatatem spiritus Vitrioli, tum etiam empyreuma, & odorem graveolentem, spiritus Tartari.*

Tandem vulgarem illum tartari Spiritum, qui in Officinis proflat, non pro puro puto, sed mixto & inquinato Spiritu habendum esse, judicat, quia 1. è tartaro non purificato destillatur; 2. si à capite mortuo non rectificetur; 3. si à suo abundante phlegmate non liberetur. Attamen primum quod attinet, Officinarum Augustanorum Spiritus tartari è tartaro albo puro confici debet. Quare si heterogeneæ aliquæ partes ipsi fortè adhuc essent commixtæ, & quæ in destillatione illà unâ elevarentur, non quidem planè pro puro haberi potest, exiguum tamen alieni Spiritus ipsi immixtum erit, nec tantum, quod propterea nomen Spiritus tartari ipsi dubium redderet. Sic Zvelserus suum Spiritum salis ammoniaci acidum Append. animadvers. pag. 53. dum describit, neutiquam purum salis ammoniaci Spiritum acidum parare edocet, cum is frumento adjuncto multum debeat. Spiritus Veneris non pro puro puto Veneris filio habendus est, cum maximâ ex parte acero ortum suum referat.

Secundum, & tertium ad Augustanos non spectant, qui nimirum Spiritus hujus rectificationem tradunt; qua ipsâ etiam phlegmatis pars superabundans separatur.

Sed dum contrarias operationes, & pessimos quandoque effectus ab hujus Officinarum Spiritus tartari utu oriri, arbitratur, si hoc de tartari Spiritu ex impuro admodum & feculento tartaro confecto intelligat, vel eâ de causâ, cum talem Augustani haud describant, non impugno. Sin idem de Augustanorum Spiritu innuat, perneco, cum talismodi salutaris usus ab experientia abunde confirmetur.

Licebit hîc de tali Spiritu idem pronunciare, quod de suo, licet ex tartaro purificato, prolecto Crollius habet, videlicet ejus foetorem non esse formidandum.

Possè tamen quandoque sinistrum effectum insequi ejus usum, equis dubitè? si ab imperitâ medicastri manu exhibitus, vel ab agro, adstantibus &c. error aliquis commissus fuerit.

Qua sanè ratione, Spiritum quoque tartari, è purissimis quamvis crystallis destillatum, contrarias operationes, & pessimos quandoque effectus producere, dici meritò possit.

Quod

Quod si *tartarus*, ab Augustanis pro Spiritus destillatione electus, partes heterogeneas contineat, qualesnam illæ erunt? Stipites inhaerere *tartaro*, Zvelserus hîc indicat; sed tales in *tartaro puro* vix inveniuntur. Si verò nonnulli inhaerent, & ab *uvîs* essent, Spiritui noxam adferre haud valerent.

Sed antequam materiam hanc finiam, dum Zvelserus ansam præbet, ad *Mantissam Spagyricam* paululùm divertere, placet, ubi pag. 413. sequentia scripta invenio: *Verùm enim verò, quæ in destillatione spiritus & olei Tartari, ne tantopere fœteant, aut empyreuma spirent, observanda sint, in præmissis n. Animadvers. pag. 425. fideliter detexi: nimirum, ut pro eorum destillatione Tartarum accipiamus aut seligamus, vel purum putum Italicum, aut Rhenanum, multis recrementis heterogeneis non refertum & inquinatum: vel Cremorem ipsum ex Italico, Veneto aut Rhenano Tartaro unica solutione confectum & purificatum &c.* Verùm animadversiones, quas, examini jam subiectas, innotuit, & pag. 426. (non pag. 425.) animadvers. collocat, cum adductis verbis neutiquam conveniunt; in quibus nempe *tartarum purum Italicum, & Rhenanum* pro Spiritu exin proliciendo admittit; ibi verò *tartarum* solutione non prius depuratum, sive *Italicus* is, sive *Rhenanus* sit, omnino rejicit, quia *tartarum* crudum, quàm purus etiam esse videatur, plurimis rebus heterogeneis permixtum esse, venditat, à quibus demum insignis ille fœtor, & quandoque contingentes pessimi in ejus usu effectus oriuntur.

Alium destillandi *Spiritum tartari* modum, quo etiam *sal tartari fixum* elevari creditur, Excell. Langelottus in Epistolâ ad Naturæ Curiosos de quibusdam in *Chimiâ prætermissis* describit, cujus etiam Clar. Henricus à Moenchers in Epistol. medic. cent. 2. epist. 42. à Nobil. Thom. Bartholino editar. meminit; scilicet per præced. fermentationem, vel potius effervescentiam *salis tartari* cum *tartaro crudo*; ubi tamen, cum pulvis *tartari crudi*, non prius per solutionem & crySTALLISATIONEM &c. depurati, adhibeatur, neque ita partium heterogenearum ante destillationem, forti tandem igne peragendam, separatio instituatur, animadversio quoque Zvelseri, si alicujus momenti foret, locum inveniret. Quancquam ejusdem Spiritus efficaciam sibi experientiâ confirmatam, Langelottus dicto loco deprædicet.

De SPIRITU SULPHURIS pag. 423. qualiter per campanam aut retortam, aliisque modis destillari possit, Schröderum, & Glauberum adeundus esse, suadet. Quod per me observare, & præter hos, Autores quoque alios de eo consulere, pariter licet.

Mihi sufficit quòd Augustanorum modus non minùs admitti queat.

Simpli-

Simplicibus hisce examinatis Spiritibus, in *Appendice animadversionum* unum alterumque Spiritum medicinale superaddit, videlicet istum *Veneris* dictum, *salis ammoniaci acidum*, item *salsum*, *salis nitri*, *Aquam regiam*, *Spiritum nitri circulatum*, & *Spiritum vitrioli essentificatum*; de quibus breviter notare quædam, libet.

De primo quidem inferius, ubi de *Magisterii* sermo fiet, commodior agendi erit occasio.

Spiritum salis ammoniaci acidum, quem unà cum altero, *salso* ipsi dicto, suam sibi suppeditare experientiam, scribit, quod concernit; ille sanè Spirituum simplicium Classi minùs adcuratè inferitur; quia cum largà admodum *frumenti* quantitate destillatus, magnam aciditatis partem ab eodem, non à solo *sale ammoniaco*, mutuatur.

Nec ita etiam simpliciter *Spiritus salis ammoniaci acidus*, sed simul *frumentaceus*, vel *triticeus* adpellari debet; qui insuper in tantà Vulcani violentià ab ingrato empyreumate, dum destillatur, tueri se vix potest.

Spiritum salis ammoniaci salsum, vel potius *urinofum*, destillandi modus multo jam tempore notus fuit; quem utplurimum è *sale ammoniaco*, *cineribus* permisto, separare consueverunt.

Qui etiam modus vel hac ratione illi, à *Zvelfero*, per *salis tartari* scilicet additionem, producto, anteferri potest; cum minoribus sumtibus æquè præstantem Spiritum largiatur.

Spiritus salis nitri 1. legitimam, quam tamen promittit, destillationem à *Zvelfero* non tradi, observo; si nimirum aliqua debeat *animadversionibus* in *Spiritum salis*, præcipuè pag. 425, fides haberi; ubi *nitri Spiritum* vocat acidissimum, qui aliquà sui parte, dum *terra figulina* junctus destillatur, in eà destruat; unde quoque cum *alumine ustò*, videlicet in quod non posse, agere similes Spiritus, scribit, eundem esse destillandum, suadet, concluditque pag. 426: quòd præposterè *argilla vel terra figulina Sali* & *similibus rebus*, *Nitro* etiam jungatur, pro destillatione ipsorum Spirituum.

Et part. 2. *Mantiss. spagyr. cap. 11. pag. 408*, similia de *Spiritu nitri* studiosè denuo admonet.

Zvelferus autem in hoc processu *nitri libras duas*, vel *tres*, cum *testarum nondum crematarum libris quatuor*, vel *sex* in pulverem redactas, mixtasque per retortam destillat. In qua operatione non exiguam *Spirituum nitri* partem in pulvere *testarum nondum crematarum* absorberi, & destrui, secundum traditam hypothesin, necesse est; atque ideo præposterè destillationem hanc institui, sequitur.

Testa enim nondum cremata aliud haud sunt, quàm argilla, vel terra sègulina, à Zvelfero, quò insultare Augustanis posset, explosa.

2. Subtilissimi hujus Spiritus locum vulgariter saltem prostantem, nec tantopere dephlegmatum *nitri Spiritum* in Medicinà occupare posse, existimo; cùm hic & difficulter adservari, & ubi agroto propinari debet, non, nisi prius aliis rebus dilutus fuerit, commodè exhiberi queat.

De *Aque regia* destillatione agere, huc non spectat, quia ex compositorum Spirituum numero illa est, è *Spiritu nitri* & *salis gemmæ* conflata; quæ aliàs, *auri* cumprimis solutioni destinata, variè à variis confici solet.

Si tamen Aqua hæc tam suaviter *aurum ad quosvis labores chymicos* solvit, atque vera & genuina *Aqua regia* dici debet, quò eandem pro *auri* solutionibus in *Mantissâ spagyricâ* ipsè non adhibuerit, miror; dum potius *Spiritu nitri* à *sale communi* abstracto, & *Spiritu salis rectificato* utitur.

Spiritus nitri circulatus, ad compositos potius Spiritus, quàm simplices referendus, originem suam à vulgatâ illâ, & Chemicis plus quàm notâ *Spiritus nitri cum vini Spiritu* permixtione, & doloribus colicis infestatis præcipuè, cum aquâ fontanâ tepidâ, pro sudore ciendo, exhibitione trahere videtur; cui varia dein pro variâ intentione admiscere, vel substituere, non adeo est difficile.

Prout nonnulli *Spiritus vini simplicis* loco, eundem ab herbis anticolicis prius abstractum, *Spiritus nitri* permiscere consueverunt; & magni nominis Chimiater *Spiritum* è *nitri*, & tartari partibus equalibus, per retortam, tubulatam, immisso in vas recipiens *Spiritu vini* à seminibus calidis quatuor majoribus rectificato, destillatum in usu habuit.

Notandum etiam, in hac *Spiritus nitri*, cumprimis curiosè admodum rectificati, cum *Spiritu ardente*, uti fragorum à Zvelfero commendato, commixtione lentè esse procedendum, ne mixtura inflammetur, & non sine periculo, ipsius medicamenti jactura incurrat.

Spiritus vitrioli essentificatus, sive à *sale gemmæ* abstractus, & postea *Aquæ melissæ*, nec non *Spiritus rosarum* junctus, simplicibus Spiritibus adnumerari pariter nequit.


Quæ dein sequuntur medicamenta, nimirum *Spiritus compositi*, *Essentia* &c. ea mitto; licet multa in iis animadversione peti possent. Plura autem similia conscribi facile queunt.

Unici adhuc *Spiritus*, nimirum *viridis* è *Venere seu cupro*, cujus descriptionem *part. 1. cap. 4. Mantiss. spagyr. pag. 344.* Zvelferus suggerit, coronidis loco mentionem facere, oportet; quem, majori ex parte è corrosivis talibus

salibus cum *Mercurio* prius tædiosè sublimatis, constantem, viroremque suum à *cupri* particulis, in forti destillatione elevatis, atque in ipso Spiritu solutis, obtinentem, *ulterioribus*, & magni momenti laboribus destinandum adpellat; qui tamen pag. 392. *Mantiss. spag. part. 2. cap. 9.* similes labores ridere videtur, multos in vanum laborare, & irritò se torquere conatu, scribens, in apparando, seu destillando *Spiritu vitrioli viridi*; ac si magni quid in viridi deluēsceret colore.

A *Vitriolo*, sic *Ang. Sala sect. 1. aphorism. chymiatric. 45.* judicat, viridius quidam liquor abstrahitur, quæ tamen viriditas non est ipsi spiritualiter atque indivisum, ut aqua alteri aqua, permixta: potius accidentalis quadam res & subtilissima fuligo cuprea, ab eo vicissim separabilis, sic ut liquor is clarus limpidusve evadere possit. Idq; per hanc irrefragabilem maximam, quod nihil sit in vitriolo, aquam ipsius aut liquorem tingens, quàm cuprum.

Plura, quæ in ipsâ ejus elaboratione speciatim notari possent, silentio transilio.



SPIRITUS COMPOSITI.

SPIRITUM CEPHALICUM pag. 426. si debite & dextrè paratur, inque Essentiam redigatur, non exiguas in confortando cerebro obtinere virtutes, animadvertit. Proinde posthabito modo ab Augustanis præscripto, utpote quem ratione prioris infusionis & extractionis ex parte insufficientem esse, judicat, propriam adjungit præparationem. Verùm Spiritum illum cephalicum non exiguas in confortando cerebro, aliisque partibus obtinere virtutes, negari nequit.

Quòd autem infusio & extractio prior ex parte insufficientis sit, equidem planè inficias ire nolo, perpaucum tamen esse, quod remanet, potioresque rerum extractarum vires ita impetrari, simul tenendum est.

Cæterùm non solum compositio Spiritus hujus à Medico perito, sed & ipsa præparatio ab artifice exercitato variè mutari atque augeri potest.

E SPIRITUS EUPHRASIE MINDERERI pag. 427. ingredientibus à destillatione residuis, posse extractum confici, & id vel separatum, vel cum prolecto Spiritu adservari, dubium non est.

Augustanis Spiritum saltem limpidum hinc tradere, animus fuit. Prout Zvelfero pag. 204. *Pharmacop. Reg.* solam Aquam ophthalmicam destillatam proponere, placuit, absque addita notâ, quid cum remanentiâ agendum sit.

SPIRITUM DIATRION, seu *Mixturam de tribus pag. eadem*, (aut quocunque alio vocetur nomine) admixto *Spiritu, ex eremore tartari, & antimonio* parato, optimè etiam confici posse, notat. Sed non hunc solum Spiritum, verum plures alios optimè huic permisceri posse, credibile est.

Interea illum communiorem modum, Augustanis usitatum, efficacem satis in operando existere, ita ut etiam, rubro saltem colore occulatus, nonnullis pro secreto, non sine adplausu, habeatur, frequens ejus salutaris usus ostendit.

Loco *Spiritus theriacalis camphorati, Essentiam theriacalem camphoratam* misceri posse, insuper animadvertit. Quod licet ita sese habeat, Spiritum tamen idcirco rejiciendum esse, nemo concludat; utpote in quo potiores, juxta Zvelferi doctrinam, virtutes, in partibus nimirum spirituosioribus, penetrantioribus radicatae, continentur.

Licet autem aliquæ partes, non planè inutiles, scilicet terrestriores, quæ in destillatione istâ haud elevantur, hac ratione medicamento non concilientur; propterea tamen neque efficacia ad sudorem in peste &c. movendum, penetrandum &c. Spiritui huic demitur, neque magna, aut ulla jactura incurritur.

Siquidem, si cui hoc placet, è residuo extractum parari, illudque usui reservari, vel etiam, quando libuerit, Spiritui commisceri, facili negotio, neque ab Augustanis prohibito, quovis tempore potest.

Præterea, sicuti Zvelferus in commendato à se præparandi modo non nihil de *Essentiâ theriacali camphoratâ præcipitari*, per filtrum postea separandum, fatetur, nullam tamen singularem virium jacturam exinde pati medicamentum hocce, unâ adfirmans, cum nihilominus potiores rerum extractarum *Essentia ipsi imprægnata remaneant*: sic & mihi, *Spiritum theriacalem* à partium crassiorum absentiâ nullam singularem virium jacturam pati, sed potiores ejus extractas ipsi Spiritui imprægnatas inesse, adstruere, similiter licet.

Plures alias Essentias, vel Mixturas conficere, non adeo est difficile. Hinc missis illis duabus à Zvelfero productis, ad

SPIRITUM DIAPENTE *pag. cit. me confero*, in quo *folia auri* frustra addi, animadvertit, cum vix *dimidium granum* pondere adæquent, à quo hæc mixtura non singulares virtutes mutuari possit; *aurum* etiam tam crasse hoc modo resolutum, pro usu interno nimis crudum & ineptum esse; ut hac ratione *auri folia*, salvis tamen Spiritus, vel Mixturæ hujus viribus, commodè omitti possint, arbitratur. Mixturam præsentem absque illo *foliorum auri* accessu efficacem satis esse, ideoque eadem, cum parum virtutis dicto medicamento tribuere queant, commodè omitti posse, nullus dubito.

dubito. Quamvis decem ista auri foliola nec magno veniant precio, nec corpori noxam inferre valeant.

Ast quòd decem ista folia vix dimidium granum pondere adaequent, ex illis, quæ supra pag. 253. circa hanc materiam protuli, negari possent; cum, hîc AUGUSTÆ è drachmâ unâ non 1200. circiter, sed 400. præter propter Artifices, illi labori dediti, educere soleant.

An tradita auri cum Spiritu salis resolutio crassa dicenda sit? cuius, quid velit, statuendum relinquo. Interim tamen similes crassas metallorum solutiones apud Zvelferum quoque, magni ab eo aestimatas, reperio; quod vel Martis, & Saturni in Spiritu vitrioli, atque aceto destillato solutio probat.

Quòd si crassè resolutum aurum pro usu interno crudum nimis & ineptum est, multò crudius & ineptius aurum planè crudum, & nihil planè solutum, sed tantùm in scobem redactum, à Zvelfero tamen commendatum, pro usu interno erit.

SPIRITUM THERIACALEM CAMPHORATUM pag. eadem per infusionem parare, satius esse, putat, quàm per destillationem, quia in hac potior pars Theriaca, myrrha, & croci in fundo remaneat. Quare ex ingredientibus Essentiam parare edocet. Verùm pro saluberrimo hoc Spiritu evertendo insufficientes esse animadversiones has, non dubito, imprimis ubi ipsa Zvelferi Opera excutio.

Potior enim ingredientium Theriaca, præcipuè alexipharmacâ virtute præditorum, pars multis volatilibus partibus constat, præcipuè quæ in fermentatione, Theriaca superveniente, magis magisque recluduntur, ac libera evadunt; quæ itaque in destillatione per alembicum unâ cum Spiritu vini elevantur. Illis autem subtilibus, sive spirituosius particulis, non verò remanentibus crassioribus, penetrandi vim Zvelferus adjudicat. Spiritus verò theriacalis ad sudorem eliciendum, noxiumque, partium etiam interiorum, dum validè corpus penetrat, expellendum commendatur.

Ut ita crassioribus hac sub intentione facillè carere queamus.

Quin, si cui libet, è residuo extractum parare, illudque, ne quid pereat, pro usu separatim adservare, Augustani non prohibent.

Myrrha simplici tali destillationi commissæ exemplum suggerunt Elixir seu Aqua vitæ antipestidentialis, nec non Liquor seu Essentia alexipharmacæ Pharmacop. Reg. pag. 208, quarum utraque compositio, in B. V. destillando, myrrha unciâ unâ recipit, absque eo, quòd ex remanentiâ, aliquantò restrictiores partes continente, extractum esse parandum, præcipiatur.

Croci

Croci drachmarum sex similis destillatio pag. 197. 198. Pharmacop. Reg. in Aquis cordialibus habetur.

Sed modum Zvelferi si excutiamus, eum quidem mereri commendationem, non nego; si quis non Spiritum limpidum & colore aqueum, qualem hic Augustani volunt, sed coloratam Essentiam desideret.

In eo tamen paucissima quædam de *Theriaca unciarum quinque*, cum totidem Spiritus vini, vel juniperi uncis digestionem &c. animadvertere decet.

Sic enim scribit Zvelferus: R. *Theriaca Andromachi uncias quinque*, Cui superinfundantur Spiritus vini (vel Spiritus Juniperi) uncia quinque, statim digestionem separetur liquor, qui, si possibile est, filtratur. Quid, quæso, labore hoc Zvelferus (si ex ipsius fundamento sermo fiat) aliud adquisivit, quàm Spiritum vini, vel juniperi, melle imbutum, qui è reliquis speciebus *Theriacam* ingredientibus virtutem nullam elicit.

Namque talem de *Aquâ antidotali alexipharmacâ Matthioli*, quæ *Antidoti Matthioli*, & *Sirupi de corticibus citri ana libram dimidiam*, cum Spiritus vini libris duabus & dimidiâ extrahendam recipit, pag. 287. animadvers. statuit sententiam: *Syrupus de corticibus Citri*, & mel (quod potiorē *Antidoti* partem constituit,) Spiritum vini statim imprægnant & inefficacem reddunt, quò minus ex reliquis speciebus *Antidotum* ingredientibus virtutem elicere possit.

Si itaque mellis uncia tres, sacchari uncia quatuor (tantum enim incirca in dictâ *Antidoti Matthioli*, & *Sirupi de corticibus citri dimidiâ librâ* contineri, ponamus) integras duas libras & dimidiam Spiritus vini ita statim imprægnant, ut hic ad reliquorum ingredientium virtutem eliciendam inefficax reddatur; qua ratione Spiritus vini uncia quinque tueri se poterunt, quò minus ab uncis tribus, & quod excurrit, mellis, in requisitis *Theriaca uncis quinque* contentis, statim imprægnentur, & ad reliquam specierum *Theriacæ* virtutem extrahendam inefficaces reddantur.

Unde sequeretur, *Theriaca*, quæ tamen hujus Spiritus, vel Essentiæ præcipua pars est, vix ullas virtutes alexipharmacas, utpote quas melli in animadvers. *Chylostaticis diaphoretici Mindereri* pag. 290. Zvelferus dubias jam reddidit, Spiritui vini imprimi, atque ita minori cum labore, & dispendio simplex tantum mel, eodem cum effectu, conjungi posse.

Verba quoque Zvelferi de liquoris jam examinati filtratione censuram merentur; dum Spiritum vini, vel juniperi à *Theriacâ*, cum qua prius fuit digestus, separare, & si possibile est, filtrare, jubet.

Ubi 1. non exigua Spiritus vini, vel juniperi quantitas deperditur; cum, nulla inter uncias quinque liquoris, nimirum Spiritum, & totidem un-

Electuarij, medicamenti spissi, videlicet *Theriaca*, dum est proportio, is magnâ ex parte à *Theriaca* absorbeatur, ita ut, separato tantum supernatante liquore, non levis pars in subsistentiâ remaneat; instituta quoque dein filtratio dispendium adaugeat.

2. Illa verba: *Liquor, si possibile est, filaretur*, aliquam sapiunt ignorantiam. Quasi enim liquor à *Theriaca*, post digestionem cum *Spiritu vini* &c. celebratam, separatus, filtrari non possit.

Sed ulterius progredior; ubi *SPIRITUS VITRIOLI CORDIALIS ANGELI SALÆ* pag. 428. se sistit, in quo nil quidquam cordialis se reperire, scribit, cum *Spiritus vitrioli* nullas virtutes cordiales à cornu cervi usq. contrahere queat; quia hoc omnibus suis viribus in calcinatione orbatum sit, atque ita quod ipsummet non habet, *Spiritus vitrioli* communicare nequeat. Verum, singulari virtute cordiali in simplici hac abstractione num *Spiritus vitrioli*, à cornu cervi usq. imbuatur, equidem, ipse dubito; ratio tamen Zvelferi, quia erroneo innititur fundamento, ceu ex C. C. usq. *preparationis Examine* pag. 428. & seqq. colligere datur, contra medicamentum hoc nihil evincit.

Interea ipsi *Spiritus vitrioli* cordiales virtutes, in febribus cumprimis, non planè denegari posse, arbitror; præcipuè si quis aliquam venditati acidi liquoris in pericardio existentis, & cum succis acidis symbolici, quo de pag. 293. animadvertit. in *Aquam cordialem temperatam* Zvelferus aliquid enarrat, rationem habere velit.

ELIXIRIA.

ELIXIR PURGANS PANCHYMAGOGUM pag. 431. si juxta modum ab Augustanis præscriptum sit conficiendum, ejus dosin ad uncias duas, vel amplius se extendere, si verò artificiosè & modo rationabili paretur, unciam dimidiam, vel drachmas sex non transcendere, i. animadvertit. Verum sit ita, ceu innuit Zvelferus, hoc tamen contra Augustanorum præparationem propriè non militat; quia aliud est, medicamenti cujusdam præparationem; aliud, ejusdem jam parati dosin tradere.

Posse verò ita confici, ut minori in dosi propinari queat, propter ea minimè negabo; prout etiam in Zvelferi *Pharmacopœia Regiâ* invenire licet com-

cet compositiones, quæ, ut minori mole earum doses circumscriberentur, reformari faciliè possent.

2. Paratum hoc Elixir Sirupo aliquo adpropriato, e. g. refrigerante, ad *Spiritum vini* contemperandum, edulcorari posse, monet. Quod Augustani ipsi jam indicarunt, dum illud *Julepo rosato, sambucino*, vel similibus pro libitu dulcorari posse, scribunt.

3. Ejusdem cum liquoribus aquosis permistionem improbat; quam tamen Augustani minimè tradunt. Unde nec Ipsi ista debetur animadversio.

Tandem *carthami semen* ob unctuositatem suam, utpote qua reliquorum catharticum exactam extractionem duntaxat impediret, omisisse se, notat. Sed ubi cum *Spiritus vini* sufficiente quantitate extractio instituitur, metum hunc inanem esse, cognoscitur.

ELIXIR PESTILENTIALE CROLLII pag. eàdem suis quoque non carere difficultatibus, objicit; quia extracta à suis spiritibus, vel menstruis separata, & olea, præsertim in majori paulò quantitate, se invicem non amplectantur. Tam facilem horum non esse unionem, res est notissima. Quare etiam *spiritum vini* à *Theriaca*, cæterisque speciebus antiloinicis abstractum, pro dissolutione *oleorum juniperi*, & *succini*, cum *floribus sulphuris* conjunctorum, adhiberi posse, non contradico; quod ipsum peritus in consimilibus laboribus chemicis Artifex haud ignorare potest.

Idem Crollius ipse, dum *Laudani Paracelsi* præparationem tradit, hisce verbis edocuit: *Quia Olea destillata difficulter Extracto miscentur, & semper supernatare solent, omnibus Oleis nominatis in vitro prius invicem mixtis aliquot gutta spiritus vini affundi solent, & diligenter commisceri, ita invicem uniantur, & postea faciliè permiscentur toti compositioni.*

Inverso tamen dicendi ordine utitur Zvelferus, dum tantum de *Essentiâ Theriacâ, helenij, angelicâ, baccarumq. juniperi*, isti *Balsamo sulphuris* addere, jubet, quantum ille dissolvere aut amplecti potest; cum potius *Balsami in Essentiâ* solutio fieri debeat, ut ita dicendum fuisset, tantum de *Essentiis prædictis* *Balsamo* esse addendum, quantum illa dissolvere aut amplecti possunt.

Oleum succini ab odoris vehementiâ liberari non posse, ultimò notat, nisi vires ejus in volatili sale consistentes, simul aboleantur. At Crollius, & cum ipso Augustani, dum *oleum succini* ab odoris vehementiâ liberatum hîc præscribunt, non volunt, ut genuinus ille, penetrantissimus olei *succini* odor tollatur, sed potius ut à vehementiâ odoris istius ingrati, à destillatione forti impressi, per rectificationem liberetur; unde vires ejusdem taliratione non aboleantur,

In *Elixiri pestilentiali*, quod ipse adjungit, de *cordibus vivis* & *jecinoribus viperarum vel serpentum Germanicorum in locis sanis degentium*, hoc saltem animadvertere libet, quòd medicamentum singulares vires indè mutuari nequeat; siquidem *Spiritus juniperi optimè rectificatus* vix notabile aliquod in *corda & hepata viperarum* &c. imperium tenet, tùm quòd similes animalium partes virtutes suas simplici illà digestionem liquori simili tam, promptè vix impertiant, tum *Spiritus juniperi*, oleosis juniperi partibus imprægnatus, ex Zvelferi decisione, ulteriori extractioni tam commodus haud existat.

Et quamvis illas *viperarum partes vivas* esse adhibendas, præcipiatur, quo ipso *Spiritus* vivifici fugacissimi communicatio procul dubio quæritur, is tamen si in præcedente digestionem salvus remansit, in colaturâ subsequente vix à fugâ coërcebitur.

Imò cum *corda & jecinora quindecim* solum recipiantur, salis volatilium vivifici non nisi paucissimum continere queunt, econtra *Elixiris* quantitas integram libram multum excedat, quantum, quaso, singulæ ejus doses salis hujus continere poterunt?

Pro *ELIXIRIS PROPRIETATIS PARACELSI* pag. cit. dexteriori præparatione plus *Spiritus vini*, quàm ad levem madefactionem specierum sufficiat, esse adfundendum, statuit, ne *Spiritus sulphuris*, præsertim si dephlegmatus probè fuerit, species nimium comburat. Utrum species *Elixiris* hujus à *Spiritu sulphuris* comburi, rectè dicantur à Zvelfero, Criticis inquirendum relinquo. Mihi tamen, improprie satis dictum hoc esse, videtur; licet enim species nigricantem colorem hinc induerent, non tamen comburi easdem, mox statuendum esset; præcipue cum in *sulphuris spiritus* vis illa *sulphuris φλογισός*, quæ parti resinosa, in *Spiritus* præparatione combustæ & destructæ, debetur, amplius non reperitur.

Sed terminum hunc fortè à *Crollio* mutuatus fuit, qui tit. de *Elix. propriet. Parac.* diligenter observandum esse, monet, materiam primò irrorandam *Spiritu vini*, ut fiat quasi pasta, & demum oleum *sulphuris* affundendum, alioquin tota materia in nigredinem combureretur.

Quod autem *Crollius* hic de specierum irrotatione, ut quasi pasta fiant, innuit, id Augustani per specierum levem madefactionem intelligere, verisimile mihi videtur. Qua ratione eas non in nigredinem verti, experimento factò discitur, & *Elixir* indè confectum sanguineo colore, non nigro, se commendat.

Postea alteram infusionem, cum argillâ in globulos redactam, per retortam destillare, neque necessarium, neque consultum esse, arbitrat.

Necessariam esse hanc destillationem, ipse quidem non admitto; æst omnis planè excludi minimè debet; qualis est illa *Crollij*, qui post duas istas infusiones, feces supersites *lente*, &, prout *Hartmannus* in *notis* addit, per *Balneum*, destillare, ne empyreuma redoleant, præcipit.

Cæterùm Augustani destillationem illam non alterius infusionis, sed remanentiæ, sive secum gratiâ potius instituire, videntur; scilicet ut harum quoque residua virtus Elixiri communicetur, alteram istam infusionem argillæ adfundendo, quò feces cum eâ coherere, inque globulos compingi possint. Quòd autem hoc adeo clarè non expressum legatur, vitium vel Scribæ, vel Typographi subesse, suspicor; quod vel ipsa constructio indicare videtur.

Adductam verò sententiam suam duplici ratione munire, *Zvelferus* laborat: 1. Essentiam illam è speciebus extractam, si per retortam ex arena, igne forti destilletur, ingratum empyreuma contrahere, scribens. Quod præcavere, utique conducibilis esse, fateri, necesse est. Quo respectu *citatus Crollius* suum Elixir meritò commendat, quòd empyreuma non sapiat, ut fieri solet vulgariter destillando.

2. Commistione illà secundam infusionem virium insignem pati iacturam, statuit; cum *spiritus sulphuris* argillam corrodat, sic plurimum infringatur, aliam naturam induat, imò in totum aliud ens transmutetur. Quod ex erroneâ hypothesi promanans adsertum falsum esse, existimo. Licet enim *spiritus acidus* bolo, vel argillæ infusi, in eas agere, illico incipiant; talem tamen fieri indè eorum transmutationem, ut induisse aliam naturam, inque totum aliud ens esse conversos, dici queat, non admittitur; siquidem *spiritus* hujusmodi acidus destillando iterum separari, priori suâ aciditate, & vi corrosivâ pollentes, exemplum *spiritus salis* supra edocuit.

Commendo itaque Elixiris hujus simplicem parandi modum, videlicet per specierum cum *spiritu vini*, & *sulphuris* dextram extractionem. Cui tamen aliqualem *spiritus vini* abstractionem, ceu vult *Zvelferus*, superaddere, non adeo consultum esse, duco, quia hac ratione non purus *vini spiritus*, sed unà cum subtilioribus & penetrantioribus *myrrha*, ac *crocis* partibus, non inutilibus, abstrahitur.

ELIXIR UTERINUM CROLLII pag. 432. nimis spissum, & ad usus internos non admodum habile (nisi prius aliis liquoribus dissolvatur) esse, atque ideo in Essentiam liquidam illud redigere, quòd præstet, judicat; quia sic & commodius propinetur, & virtutes castorij omnes integræ conserventur. Quod commodam propinationem concernit, propter eam Elixir hoc in liquidâ formâ proflare debere, non adeo aptè inferre licet, cum

cum aliis omnia medicamenta, quæ per se, ob consistentiam minus commode semper exhibentur, reformare necessum esset.

Similia autem tunc, ubi necessitas exigit, facile conveniente aliquo liquore dilui, aut alio modo ad propinandum apta reddi possunt.

Virtutes *castorij* in abstractione *spiritus vini* debilitari, concedo; quæ tamen, cum separatus hic spiritus non sit abjiciendus, sed ubi opus est, pro Elixiris hujus solutione, vel alium in finem adhiberi possit, pessum haud eunt.

Earum autem parvam habuit rationem *Zvelferus* in *Unguento potabili rubro primo Pharmacop. Reg. pag. 285.* in quo *castorij drachmas sex* cum *vini uncias quatuor*, ad hujus consumptionem, ebullitioni committit.

Quamvis adeo spissum Elixir præsens haud evadere, nec *castorij vires* diminui queant, si *Pharmacopæus* peritus præparationem ejus obeat, qui, simplici illâ oleorum adjunctorum cum extractis missione & digestionem, debitam non fieri unionem observans, illam per oleorum in spiritu abstracto solutionem impetrare se, ignorare nequit.

Unde etiam *Joh. Hartmannus* in *not. ad hoc Elixir*, olea prius in *spiritu vini* solvenda esse, antequam reliquis addantur, observat.

Interea præstare, non diffiteor, si in similibus præparationibus omnia, clarè exprimantur. *Augustani* ipsis *Crollij* verbis loquuntur.



ESSENTIÆ.

IN præparatione ESSENTIÆ AMBRÆ MINDERERI *pag. 434.* hoc difficultatis occurrere, autumat *Zvelferus*, quod neque *Elixir vite Matthioli*, cum jam ante plurimis speciebus oleaginis, & *saccharo* sufficienter imbutum sit, neque *Aqua epileptica Langij* essentiam ex *ambra*, & *moscho* rectè elicere valeant, licet aliquali odore, & sapore *ambra*, & *moschi* imbuantur, potioribus tamen eorundem partibus, & virtutibus relictis. Verum sinistrè admodum laudatum hoc *Mindereri* medicamentum reformat.

Namque 1. *Elixir vite Matthioli* plurimis speciebus oleaginis licet imbutum sit, propterea tamen omni extrahendi virtute neutiquam destituitur; quod vel solus Essentiæ præsentis odor, à *Zvelfero* quoque admixtus, comprobatur.

Ipsū etiam nominatū *Elixir Matthioli* non simplici infusione & extractione, sed unā & destillatione paratur, in qua tantopere à speciebus oleaginosīs non imbuitor, quò minùs ex aliis postmodum aliquid elicere valeat, ita ut dicti Elixiris pro *Essentiā ambrae* destinatas uncias duas, non plures, quàm *drachma una* & dimidia, vel paulò minùs specierum respiciant; quas inter tamen multas destillationi ineptas iudicat Zvelferus, ut ita earum virtutem imbuissē Elixir illud, minimè dici queat.

Peractā quidem destillatione, *santalum odoratum*, *moschus*, & *ambra* extrahenda ipsi (quod strenuè facit) immittuntur, ast neque hæc totum id imbuunt; siquidem has requisitas uncias duas *santali granum unum* & quarta pars *grani unius moschi*, nec non *ambra tertia grani pars* vix ingreditur; quæ exigua quantitas non integra duo grana æquans, tantam liquoris spirituosī destillati molem sufficienter imbuere, falsum est.

Quin & Zvelferus spiritus, oleaginosīs partibus jam imbutos, pro aliarum rerum oleaginosarum extractione adhibet, prout hoc in ejusdem *Elixiri antipestilentiali Crollij reformato*, paulò ante tradito, videre est; ubi spiritum *vini*, *Theriace*, *helenij*, *angelica*, *baccarum junperi* essentiā non solum spirituosa & subtili, sed & crassiore imbutum, pro *Balsami sulphuris*, cum oleo *juniperi*, & *succini* parati, dissolutione adhibet.

Pariter in altero, quod subnectit, *Elixiri pestilentiali* spiritum, oleaginosā *juniperi baccarum* substantiā turgidum, ad extrahenda corda & *hepata viperarum*, *crocum*, atque *myrrham* adhibet; in quo dein ulterius *camphoram*, & *Balsami sulphuris* modò indicati tantum, quantum is capere potest, dissolvere præcipit.

Alia, quæ huc adduci possent, exempla, è *Pharmacopœiâ* etiam *Regiâ* petenda, ut silentio præteream.

Species itaque istæ oleaginosæ cum *ambra*, & *moschi* extractionem impedire nequeant, quid 2. *saccharum* efficere valeat, quod ratione *Elixiris vite Matthioli* huc accedit, in quod nimirum *libra una Julepi rosarum* recipitur, inquiramus.

Ejusdem autem *Julepi* ferè *drachma una*, & quatuordecim grana has uncias duas Elixiris, pro præsentī Essentiâ requisitas, ingrediuntur, quæ *drachma una*, & grana quatuordecim vix plus, quàm grana quadraginta quatuor, vel quadraginta septem *sacchari* incirca continent; ut ita *scrupulus unus Elixiris* minimè integrum granum unum *sacchari* recipiat, quæ exigua quantitas magnam liquoris molem sufficienter imbuere, sive ad ulteriorem extractionem inidoneam reddere neutiquam potest.

3. *Aqua epileptica Langij* non omnem extrahendi vim deesse posse, tum

tum quæ paulò antea de *Matthioli Elixiri vitæ* dicta fuerunt, tum ipsa ejusdem præparatio comprobatur, in qua *vinî mensura una semis*, sive *libra quantuor, specierum uncis quinque, drachmis duabus* saltem adjunguntur, à quibus sufficienter *vinum destillatum* imprægnari, negatur.

Accedunt quidem ipsi insuper *duodecim florum liliorum convallium manipuli*; ast cum flores isti recentes, si tempus ferat, sumantur, aliud non largiuntur, quàm propriam aquam, cujus pro extractionibus usum esse posse, *Pharmacopœiam Regiam*, in *Aquâ antapoplecticâ primâ, Aquis cordialibus, & antepilepticis primâ, ac secundâ*, testem produco.

Imò perfectæ jam destillatæ Aquæ huic posse *radices pœonia* minutim, conscissas denuò immergi & infundi, Zvelterus in ejus animadversionibus monet. Si igitur Aqua hæc perfectè destillata aliquam adhuc extrahendi vim possidet, (quod scilicet esse debere, suppono, ne Zvelterus malè infusionem istam commendasse, dicatur) cur eadem ipsi in Essentiâ præsentî derogari debet?

Certè aliam non video rationem, quàm quòd à *Minderero* medicamentum istud proficiscatur, & ab Augustanis Dispensatorio suo inseratur, quod tam acriter exagitandum Zvelterus in se suscepit.

Sed non sufficienter esse imbutum *Elixir Matthioli*, (ut nil dicam de *Aquâ epilepticâ Langij*, quam multò minus, ac dictum Elixir, pro hac extractione inservire, sine ratione adstruit) ipsa, quæ sequuntur, Zvelteri verba, quæ aliquali odore atque sapore *moschi, & ambre* imbui Essentiâ hanc, testantur, evincunt.

Quanquam non aliqualis sit odor ille, (de sapore multùm sollicitum esse, opus non est, licet ille quoque in remanentiâ notari vix mereatur) qui à *moscho, & ambra* ipsi imprimitur, sed efficax satis, ita ut post debitè peractam infusionem, remanentiâ *ambre, & moschi* exiguo polleat odore, & vix alio, quàm qui ob particulam liquoris, ipsi inhærentem, accedit.

Idcirco non dubito, quin *Essentiâ hanc Mindereri* qui paraturi sunt, similibus Animadversoribus remanentiâ istam pro levi precio communicare, non detractarent; quibus dein, potiores *moschi, & ambre* partes, ac virtutes exinde elicere, integrum esset.

Zvelteri modum substitutum quod attinet, eum quoque animadversiones mereri, è proprio ipsius fundamento elucescit, dum prænominatorum duorum simplicium suaveolentium essentiâ cum *spiritu liliorum convallium* rectificato separare, præsumit, qui tamen cum virtute *liliorum convallium* jam sit imbutus, non adeo commodè pro istâ extractione adhibetur.

Cui

Cui aliam *Essentiam ambrae*, in formâ siccâ, ex *ambra* cum *oleo cinnamomi* &c. & *saccharo* permistione constantem, adnectit; quam equidem efficacem esse, non inficias ibo, tantâ tamen odoris gratiâ non gaudet, cum, & *olei cinnamomi* odor *ambrae* odorem longè superet, & ipsa *ambra* sine *moscho* singularem odoris gratiam non possideat.

Cui non immeritò *Ambra* illa *essentificata*, cujus descriptionem exhibet *Joh. Hartmannus* in not. ad *Crollium*, nec non sub titulo *Ambra rectificata* in *Praxi chymiatricâ*, subrogari posset; à qua non magnopere differt *Amplissimi Collegij Medici Norici Essentia ambrae sicca class. 3. Dispensatorij ultimo editi sect. 3. pag. 166.* delineata, *sacchari* ferè dosin tantùm auctam continens. Nec diversa admodum est *Clarissimorum Hafnienſium Medicorum Essentia ambrae sicca, Dispensator. Class. 20.* descripta, *moschi* dosin majorem recipiens; cui similis quoque ferè nostris in *Officinis*, eodem sub titulo, parata proſtat. Conferatur etiam *Tenzelij Diamoschum ad Magnatum corda roboranda*, in *Exegesi chymiatric. part. 1. sect. 1. productum*; ut & *Ambra moschata Hadriani Mynsichti Armament. medico-chimici sect. 1. &c.*

In *ESSENTIA CASTORII SENNERTII* pag. 435. ingratum licet, ad uterinos adfectus tamen summè efficacem *castorij* odorem in primâ *aceti* abstractione perdi, animadvertit. Efficaciorem fore *Essentiam* hanc, facile mihi persuadeo, si eidem odor ille fortis *castorij* integer permaneat.

Quamvis vicissim in præscriptâ *aceti destillati* abstractione non omnis *castorij* odor auferatur, sed ex parte remaneat.

ESSENTIAM CITRI pag. eâdem suas mereri laudes, efficaciorrem autem evasuram, scribit, si eidem de *succo citri acido* simul nonnihil adjungeretur; sic enim & delicatissimam, & ad cordis ventriculique imbecillitatem præstantissimam evadere, adserit. Qui equidem modus suis non defraudari debet laudibus. Augustani tamen *Essentiam subacidi saporis* hic non desiderant, quem additione succorum convenientium quovis tempore conciliare ipsi, sciunt.

Utrùm nonnihil *acidi succi* additum magnas *Essentiæ* virtutes addat? dubito, nisi simul dosis ejusdem quoque adaugeatur.

Sed videamus, an substituta à *Zvelfero* *Essentia*, illâ Augustanorum, efficacior existat?

Horum itaque *Essentia* continet *sacchari uncias duas*, *drachmam unam semis*, *grana sedecim $\frac{2}{3}$* , *olei citri drachmas duas*, *grana tredecim $\frac{1}{3}$* , (scilicet suppono, cum debitâ *olei citri* quantitate *Elaosaccharum citri* esse paratum; quod pro singulâ *uncia* *sacchari*, *olei drachmam unam* tolerare, vel è *Phar-*
macop.

macop. Reg. Append. pag. 29. in Diacodio asthmatico contra tussim diuturnam, nec non pag. 22. in Morsellis cephalicis discitur. Quanquam iterum cespitans in ultimâ Pharmacopœiæ Regiæ editione, pro horum Morsellorum compositione, ad unciam unam sacchari, drachmam tantum dimidiam olei Zvelferus destinet) succi oleosi corticum citri exteriorum quantum pro Essentiâ liquidâ conficiendâ sufficit, v, g. uncias quatuor.

Zvelferi autem Essentiâ sacchari libra una, succi oleosi (uncia una, vel) uncia una cum dimidiâ, olei citri drachma una semis, succi citri acidi libra dimidia constituunt.

Unde quælibet Augustanæ Essentiæ dosi, si ea drachmarum duarum esse, ponatur, circiter complectitur sacchari grana quadraginta unum, olei citri grana quinque, succi oleosi citri drachmam unam, grana quatuordecim.

Zvelferi verò Essentiæ dosi una, si pariter drachmarum duarum statuatur, recipit incirca sacchari grana septuaginta duo, succi oleosi citri scrupulum dimidum, olei granum unum, & septimam grani partem, succi acidi grana triginta sex.

Sic in Zvelferi Essentiâ sacchari pondus præ cæteris omnibus eminet, & ultra drachmam dimidiam major est, quàm in Augustanorum Essentiâ. Quod tamen saccharum ob singulares vires pro hoc medicamento propriè non expetitur, sed potius, ut oleum ab eo absorptum liquori commisceri queat, gratam etiam aliquam dulcedinem præbeat.

Olei e contra, & succi oleosi corticum citri quantitas, quibus tamen, quas Essentiâ hæc continet, virtutes adscribi debent, à Zvelfero nimium immittitur, sicque unâ medicamenti efficacia infringitur, ita ut quatuor Zvelferi doses vix tantum præstare valeant, quantum Augustanorum modo paratæ Essentiæ unica dosi.

Et licet insuper succi acidi citri grana incirca triginta sex ipsi accedant, hæc tanti momenti tamen non sunt, ut unica dosi, taceam integris quatuor, respondere queant.

Si quis siccam magis expetat Essentiâ citri, illi vel solum citri Eleosaccharum, ad prioris compositionem requisitum, vel addito etiam nonnihil de oleoso corticum citri exteriorum succo, satisfaciet.

In Zvelferi modo, qui saccharum in tali expresso succo dissolvere, & exsiccare, docet, non levis partium oleosarum fragrantissimarum pars perditur.

ESSENTIAM CROCI MARTIS CROLLII pag. eâdem, si Essentiâ dicenda sit, à chalybe cum aceto preparato non differre, animadvertit, de quo in ultimâ Classe, videlicet Preparatorum, actum fuit. Quantum

quam Essentiæ liquidæ nomen haud mereatur hoc medicamentum, siccatamen dici non planè respuit.

A chalybe cum aceto preparato, & ratione additi aceti, quod ibi simplex acerrimum, hîc destillatum recipitur, & ipsius præparationis, aliquo modo differt.

ESSENTIAM MARTIS LIQUIDAM *pag. cit.* nihil artificiosi, aut virtuosî continere, cavillatur; quia omnes tales metallorum extractions acidis & corrosivis liquoribus factæ, propriè extractions non sint, sed simplices duntaxat solutiones. Non quidem negari potest, hanc *Martis Essentiam* aliud non esse, quàm dicti metalli solutionem; neque pro verâ aliquâ extractione, & Essentiâ propriè sic dictâ Augustani illam venditant.

Sufficit, quòd præparatio hujus medicamenti, prout in proximè subsequitur probabitur, firmo ster talo, effectusque edere laudabiles in Medicinâ valeat.

Similiter verò, ubi *Essentias Zvelferi martiales* evolvo, nihil artificiosi aut virtuosî eas continere, regere possum, fundamento Zvelferi innixus; dum scilicet simplices duntaxat *ferrî* à liquoribus acidis & corrosivis solutiones existunt.

Exemplum suggerit *Essentia, sive Tinctura Martis aperitiva Append. animadvers. pag. 58.* in qua *limatura chalybis à spiritu nîtri, & vitrioli* corroditur, & tamen Essentiæ nomine decoratur, ac efficacissima in nonnullis adfectibus proclamatur.

Ejusdem indolis est *Essentia Martis corallina*, quam *pag. 59.* priori modò indicatæ subnectit, atque *vices Tincturæ Martis & Coralliorum re & nomine supplere, venditat*; nec non *Tinctura Martis adstringens pag. 60.* descripta.

Quod si *Tinctura Martis prima Mantiss. spagy. part. 1. cap. 3. pag. 337.* tradita excutiat, illa certè præ hac Augustanorum Essentiâ parum singulare obtinet.

In ipsâ *Tincturâ Martis* proximè subsequente, quam veram, & egregiam adpellat, *Martem, spiritus vitrioli, vel sulphuris* corrosum & solutum ostendit.

Ipsam præparationem Essentiæ Augustanæ quod concernit, in eâ *ferrî* præcipationem, colorisque rubicundi simul privationem fieri, objicit; dum acetum, in quo ferrum solutum continetur, si ad tertias, vel dimidias illud abstrahatur & inspissetur, in ipsâ abstractione colore privari, & rubedinem exuere, *ferro soluto instar croci flavi fundum petente, quod nullo modo solvat,*

solvat, vel extrahat *spiritum vini*, & licet etiam rubedinem exigua in dē eliceret, in abstractione tamen, quæ ad liquidioris Sirupi consistentiam fieri debet, illam denuo evanescere, fundumque petere *ferrum*, scribit. Ast sine ratione.

Præscripto enim Augustanorum modo Essentiam, sive Liquorem rubicundum, *Martemq;* solutum continentem impetrari, nemo, qui experimentum debite instituere, non gravabitur, ambiget.

Et miror sanè Zvelserum, quòd tam audacter hujusmodi res, quæ oculos facile incurunt, negare ausus fuerit.

Fieri quidem in *aceti* abstractione aliquam soluti *ferri* præcipitationem, minimè negabo, ast omne solutum *ferrum* in fundum cadere, ipse color saturatè rubicundus, sapor martialis, & *sal tartari p. d. solutum* si adfundatur, ubi præcipitatio soluti *ferri* manifestè observatur, nullo modo admittunt.

Imò si *vini spiritus* huic *Martis* solutioni, juxta requisitum modum, abstractæ, infundatur, colore saturatè rubro promptè ille tingitur, quo spiritu, ad Sirupi non tantum liquidioris, sed & crassioris, abstracto, nihilominus rubedo illa permanet, quæ manifestum signum præbet, contineri inibi adhuc aliquid de *Marte* soluto; unde etiam si taliter confectæ Essentiæ, quæ sapore suo *Martem* non obscurè ostendit, *sal tartari p. d. solutum* infundatur, *Martis* quoque evidens fit præcipitatio.

Faciliùs autem concedo Zvelsero, quòd *spiritus vini ferrum*, in abstractione *aceti*, instar croci præcipitatum, non solvat, aut extrahat, & idcirco vires à *ferro* hinc non mutuetur. Sed Augustani *vini spiritum* non *ferro* isti præcipitato, sed integræ extractioni abstractæ adfundere præcipiunt; quo ipso *ferrum* ab *aceto* solutum *spiritui vini* conjungi, ipsa *ANALYSIS* monstrat.

Conclusionem igitur, quam, hisce præmissis, format, quatenus scilicet *Essentia* sive *Tinctura martialis*, cum liquoribus acidis confectas, *nihil aliud, quàm Ferrum solutum vel in Vitriolum redactum* esse, ponit, quoad prius admitto, sed quoad posterius rejicio; siquidem cum ut plurimum Essentiæ istæ liquidæ sint, *vitriolum* autem corpus potius obtineat solidum, *ferri* quidem solutiones, *vitriolum* autem non prius dici possunt, quàm, parte liquidâ separatâ, in solidam consistentiam abierint.

Prout quoque omnes istas solutiones in *vitriolum* redigere, non adeo facile est; quale exemplum mox ipse Zvelserus producit, dum è *ferro*, in *spiritu nitri* soluto, nullum ferè acquiri *vitriolum*, testatur.

Vitriolum Martis ritè præparatum haud indignè prædictarum Essentiarum vices, quod vult Zvelserus, supplere posse, non simpliciter admitto,

idque ex ipsius Zvelferi verbis, quibus tales solutiones quodammodo in effectu inter se differre, addit.

Et quamvis hoc propter menstruum adfufum esse tantum, dicatur, sufficit, quod aliæ aliis magis efficaces, magis minusque resolventes, vel astringentes, volatiliores, vel fixiores evadant.

Quin eodem ariete Zvelferi *Essentia martiales* superius indicatæ peti possunt; cum scilicet omnes ferri solutiones sint, menstruorum additorum, ratione differentes, ipsis *vitriolum Martis* ritè *preparatum* haud indigne substituere liceret.

Ultimò alicujus *Tinctura Martis pulcherrima, vera*, è solo *vitriolo non calcinato, beneficio salis cujusdam secretioris*, perficiendæ, mentionem fecit; quam tamen, unà cum salis dicti secretà & verà præparatione, aliquandiu sibi reservare, firmiter decrevit. Cujus confectiorem in *Pharmacopœia Regia ultimâ editione*, & quidem adnexæ *Mantissæ* pag. 337. denique communicat; quæ ipsa tamen revera nil aliud est, quàm solutio *Martis*, beneficio *spiritus vini cinnamomifati*, vel *aquæ cinnamomi spirituosæ* (unde non ex solo *vitriolo*, & *sale secreto* constat) in liquidâ formâ subsistens. Cujus non ab similem descriptionem jam suæ *Chimie in artis formam redactæ lib. 4. sect. 1. artic. 3. cap. 13. Excellentiss. Guerner. Rolfincius* inferuerat.

Quale hoc *sal secretum* sit, prælaudatus *Rolfincius lib. 5. sect. 1. artic. 1. cap. 14.* quodammodo jam edocuit, per illud *Terram istam tartari foliatam* dictam, è *sale tartari*, & *aceto destillato* paratam, intelligendam esse, nonnullos censere, scribens.

Nec vana hæc fuit opinio. Unde Zvelferus in *cit. Mantiss. sal suum essentiale vini* id vocat, & pag. 33. *Apolog. advers. Tackenum, ex vino, sal essentiale.*

Ipsam quoque ejusdem præparationem pag. 73. *dict. Apolog.* tradit, subjungens: *Hunc salem arcanum juris publici fecit Tackenij insolentia.*

Porrò ex seq. pag. 74. *Rolfincium* in sententiâ suâ non aberrâsse, colligitur.

Verùm hujusmodi arcanorum, vel secretorum quilibet dives esse potest, si ea, quæ alij jam dudum propalarunt, pro talibus habeat.

Sic medicamenti hujus *Philipp. Müllerus Miraculor. chimicor. & mysterior. medicor. lib. 3. cap. 4. n. 4.* præparationem, sub *Terra foliata tartari secretissima* nomine, multis ante Zvelferi editas animadversiones annis, tradidit.

Eandem quoque conficere *Clariss. Dan. Sennertus Institut. medic. lib. 5. part. 3. sect. 3. cap. 6.* edocuit, atque *Oleum tartari, quod Magisterium Tartari vulgò dicitur*, adpellavit.

Cujus

Cujus etiam descriptionem, *Olei tartari Sennerti* titulo, Augustani in subsequente *Classe de Oleis destillatis*, Ipsi adduxerunt.

Quod igitur alij *Terram foliatam tartari*, *Oleum tartari*, *Magisterium tartari* &c. nominant; illud Zvelferus *Salis secretioris*, *Salis nostri essentialis vini*, inscriptione commendat.

ESSENTIÆ SACCHARINÆ BEGUINI pag. 435. quam lib. 2. *Tyrocin. chim. cap. 6.* nomine *Olei sacchari simplicis* habet, præparationem, ab *Angelo Salâ part. 2. saccharolog. cap. 2.* fortè ita edoctus, rejicit, eamque ridiculam esse, & nimis abusive *Essentiæ* nomine venire, nec aliud, quàm solutionem *sacchari in phlegmate vini*, & aquâ *rosarum* peractam, existere, Zvelferus contendit. Magnum in hac præparatione reperiri artificium, nec ipse adfirmare volo. Prout nec *Essentiæ*, propriè sumto hoc vocabulo, nomen ipsi competit; cum saltem *saccharum* sit, in *phlegmate spiritus vini*, ab hujus conflagratione residuo, solum, & aquâ *rosarum* permixtum.

Quamvis in pectoris nonnullis adfectibus, materiam crassam & lentam incidendo, efficax satis deprehendatur.

Interea aliis medicamentis idem, quod cum hac *Essentiâ*, effici posse, vix est, qui ambigat.



TINCTURÆ.

CIRCA TINCTURAS CORALIORUM pag. 438. nullum ferè, qui vel à limine saltem *Chimiam* salutavit, esse, qui non de singulari aliquâ *Tincturæ* talis præparatione gloriatur; quas omnes tamen nullam prærogativam habere præ superiùs traditis *Martiatibus*, aut aliorum metallorum *Tincturis*, vel *Essentiis* vulgò dictis, animadvertit. Plurimas *Tincturæ coraliorum*, ac si genuinæ forent, circumferri præparationes, equidem notum est, ut ita Ille non *Entium Scriptor* tot ejus processus circumferri, scripserit, quot sunt *musca in Armennâ*, aut *Poëta in Germaniâ*.

Sed parum genuini eas continere, ab aliis jam dudum animadversum fuit; quamvis non omni destituantur virtute medicâ.

Quo in censu etiam ab Augustanis productas ex aliis Autoribus *Tincturas* neque pro veris habendas esse, neque omnibus carere virtutibus, existimo.

Unde easdem quodammodo cum *Essentiis Martis* supra examinatis, aliisq; metallorum *Tincturis* coincidere, faciliè largior.

Interea nomen hoc ob colorem, quem præ se ferunt, rubicundum, non planè derogari ipsis debet.

Zvelseri quoque *Essentie*, vel *Tinctura metallorum* vix alio jure, titulo hoc insigniri possunt.


Quare meras potius solutiones *coraliorum* esse, atque ratione menstruorum eas differre, Zvelsero faciliùs largior.

Itaque si medicamenta salubriora è *coraliis* conficere, animus sit, non tam ad rubedinem, vel Tincturam, cum hæc sit valdè volatilis, inconstans, & fraudulenta, sæpenumero è solâ digestionem adfusi liquoris orta, priori etiam, propriâ, & nativâ annihilatâ, quàm ad ipsâ menstrua solventia, respiciendum esse, concludit. Non quidem nego, menstrui hîc magnam esse curam habendam, pro cujus diversitate, Tinctura modò efficacior, huic vel illi morbo, sexui &c. magis adcommodata, modò debilior proveniat. Ast coloris rationem simul habere, ægri &c. conditio interdum requirit, cui, si Tincturam expetat, solutionem *coraliorum* cum aceto, vel *Spiritu Veneris* factam, pro Tincturâ offerre, ludibrium, vel contemtum pareret.

Laudabilia aliàs medicamenta è *coraliis*, rubicundo colore non imbuta, confici posse, extra controversiam est; sed hîc de colorato, liquido, sive Tincturâ, agitur.

De *Spiritu Veneris*, quem hîc commendat, inferiùs quædam monendi, imprimis, num (quod vult Zvelserus) is à *coraliis* &c. in eo solutis, integris viribus abstrahi queat? occasio dabitur.

TINCTURAM HYPERICI pag. eâdem paratu facilem esse, cui tamen, ut aliquid contulisse, videatur, majoris efficacîe conciliandæ ergo, de *extracto hyperici*, separatim factò, addi nonnihil posse, notat. Verùm, uti plurima alia medicamenta, Zvelseriana quoque, efficaciora variis modis fieri possunt: ita hanc quoque Tincturam concentratam magis reddere, quòd liceat, non dubito; quo ipso tamen ille Augustanorum modus erroris insimulari nequit.



OLEA DESTILLATA.

Circa Olea essentialia odorifera pag. 489. cum eorum per vesicam, vel alembicum, additâ aquâ, destillandi modus omnibus Pharmacopœis jam innotescat, aliud non addit, quàm quòd nonnulla eorum graviora, utpote *cinnamomi*, & *caryophyllorum*, paulò intensiorem

rem ignis gradum postulent, quàm quæ leviora existunt. Quæ observatio pariter Pharmacopœis, similibus destillationibus operam dantibus, cum jam innouerit, plura de eâ verba facere, nolo.

Aliæ in destillationibus Oleorum horum observandæ ἐν γυγαισθεῖς hinc indè è Chemicorum, & qui materiam hanc tractant, scriptis, colligi possunt.

Additionem *salis tartari*, vel aliarum similium rerum supervacaneam adpellat, modò in regimine ignis non peccetur &c. *Salis tartari* additionem Augustani in nullo Oleorum suorum è vegetabilibus essentialium mentionem faciunt; *sal* autem, vel *tartarum* pro eorum nonnullis adhibent, cum quibus nimirum digesta vegetabilia, copiosius oleum fundunt; quod etiam Schröderus Pharmacop. medico-chim. lib. 2. cap. 70. innuere videtur.

Quantum, ubi non tam copia, quàm potius olei major gratia, durabilitas, & efficacia quaeritur, meritò absque istâ similium conjunctione, destillatio vegetabilium per se, vel, ubi sicciorem naturam possident, aquâ &c. conspersorum, instituta commendari mereatur.

OLEUM CAMPHORÆ SENNERTI pag. 440. juxta modum præscriptum confici non posse, autumat, miraturque, quòd in omnibus tyrocyniis chymicis hujus Olei præparatio simili tenore toties descripta reperiat, cum tamen commendata destillatio naturæ Camphoræ ex toto adversa sit; hinc etiam fiat, ut illa integra per Alembicum aut retortam transeat in excipulum, ut plurimum etiam retortam usq; recipiens diffingat. In omnibus Tyrociniis chymicis eandem Olei hujus reperiri descriptionem, falsum est; cum potius diversissimæ inibi legantur.

Joh. Hartmannus in Praxi chimiaticâ unum & alterum destillandi illud modum producit. Alios habet Keslerus, de quibus, aliisque videri potest Gorhostr. Mæbij Anatomia camphora cap. 11. Diversos pariter processus Joh. Schröderus Pharmacop. medic. chim. lib. 4. class. 2. cap. 378. ostendit.

Illi ipsi, qui traditam à Sennerto, & ab Augustanis hîc adductam rationem imitantur, non conveniunt, dum argillam, bolum armeniam, terram sigillatam alij recipiunt; nonnulli camphoræ parti uni, terra partes tres, aliqui partes sex admiscunt; quidam in globulos materiam destillandam redigunt, Schröderus sufficere, si materia solum misceatur, determinat.

Nec fallere omnes istos cum terrâ destillandi modos, certum est; pro ut largus satis ejus est proventus, si camphoræ cum terrâ optimè permista ex arenâ destilletur.

Ignis imprimis moderatum regimen hîc observandum est.

Ut

Ut ita tam necessarium non sit, de operosè quæsitis aliis modis cogitare, & cucurbitam argenteam &c. curiosè nimis adhibere.

De OLEO CERÆ pag. eàdem notat, quòd ossibus calcinatis, vel cineribus, & similibus rebus mista cera, destillando in Oleum difficulter convertatur, sed instar butyri crassi saltem transeat. Idcirco opus esse, judicat, ut eadem prius liquefacta à lateribus, globulis argillaceis &c. ignitis imbibatur, & tum demum destillationi committatur. Diversitatem hujus olei dari, certum est. Interea hoc si crassius quodammodo sit, propterea tamen non rejiciendum est.

Imò à Chemicis Butyrum ceræ dici, *Ang. Sala sect. 2. cap. 12. Hydrologia* monuit.

Idem optimus Sennertus *Institut. medic. lib. 5. part. 3. sect. 3. cap. 6.* considerans, sequentia profert: *Quia oleum ceræ plerumque, quando exstillavit, mox instar butyri concrevit & coagulatur: affusa aqua rectificatur, donec clarum & pellucidum, ac fluidum fiat.*

OLEUM SALIS COMPOSITUM HARTMANNI pag. 441. in secundo furno Glauberiano commodè destillari posse, saltem notat. Istam, aliorumque nonnullorum Spirituum, à Zvelfero etiam descriptorum, destillationem uti secundum indicatum Glauberi modum, vel per retortam tubulatam, qualem salium destillationem *Joh. Schröderus Pharm. medic. lib. 3. cap. 20.* jam recensuit, & cap. 23. per Spiritus nutri destillationem exemplum edidit, fieri posse, minimè contradico: ita tamen modus hic alterum illum Hartmanni neutiquam tollit.

OLEUM SATURNI pag. eàdem juxta modum præscriptum, ad instar Balsami sulphuris, paratu facillimum esse, animadvertit. Non quidem difficilis admodum est hæc præparatio; sed à Balsami sulphuris confectione, adjunctæ destillationis ratione, differt.

De OLEI TEREBINTHINÆ pag. cit. destillatione per cucurbitam institutâ observandum esse, monet, quòd, oleo albo prolecto, statim residuæ terebinthina sabulum, vel cineres sufficienter admisceri debeant ad siccitatem usque &c. Hæc Augustanos, qui in cucurbitâ destillationem peragere, non præcipiunt, propriè haud attingunt. Notare tamen decet, ne dum alembicus pro sabulo vel cineribus admiscendis, removetur, ulla fiat jactura olei, à terebinthinâ adhuc calidâ exhalantis, tum quoque ne cucurbita, aëre frigido intromisso, disruptionis periculum incurrat, ante destillationem sabulum mox addi posse; quod facere, nonnullos consuevisse, Sennertus l. c. cap. 5. testatur.

Oleum verò secundum, absque corporis istiusmodi solidioris admixtione

atione destillatum, si ignis debite regatur, licet priori, *Spiritus* nomine improprie indigitato, crassius, instar *terebinthina* crassum nequitiam transit, sed fluidum satis, oleique consistentiam præ se ferens.

Ultimum rubrum crassius licet existat, rectificari tamen debere, Augustani innuunt. Id quod ipsi etiam cum sabulo prolecto debetur.

Quæ de *oleo terebinthina* primo, absque additione aquæ destillato, quod nempe altero, cum aquâ prolecto, præstantius sit, adducit, in *Classe Præparationum*, sit. de *terebinthina* coctione, tetigi.

De OLEI VITRIOLI RUBRI pag. eadem destillatione Glauberum, aliosque consulere, non prohibeo.



BALSAMA EX OLEIS DESTILLATIS SIMPLICIA.

PRO dextrâ Balsamorum confectio, prius ea esse distinguenda, animadvertit, in illa, quæ interno, quæve externo usui intervenire debent; quia hac ratione plurimum variet ipsorum conficiendi modus. Verum non usquequaque admitti hoc potest; cum aliqua dentur, Balsama, externo usui destinata, quæ internum etiam non respuunt; & vice versâ.

Sed levia hæc sunt, & compositionem magis, quàm præparationem, Balsamorum respiciunt, ideoque ad ipsas potius Augustanorum Balsamorum præparationes accedo; quorum primum est

BALSAMUM ANGELICÆ SENNERTI pag. 443. Usui interno duntaxat destinatum hoc esse, benè suspicatur Zvelferus, atque sic, præter integritatem præparationis, compositio quoque laudem oppidò meretur.

Si verò externæ inunctioni deservire debeat, præscriptam ejus præparationem non benè convenire, opinatur, tum propter tenacitatem admixti Extracti, tum quòd idem omni suâ spirituositate spoliatum sit, atque ita, inutiliter saltem addatur. Sed hæc, eo ordine, quò à Zvelfero proponuntur, nullius sunt momenti. Nam propositio est, dicti Balsami præparationem non benè convenire; probandi verò media, compositionem non benè se habere, potius volunt. Diversa autem sunt: medicamentum componere, & illud præparare.

Videa.

Videamus tamen, quid veri contineant illæ animadversiones.

Quamvis in Balsamo hoc, externo usui si destinaretur, *Extractum angelica* commodè omitti posse, inficias ire nolim, adductæ tamen Zvelseri rationes ut id evincere queant, tam magni ponderis haud sunt.

Inesse quidem Extracto tenacitatem aliquam, verum est, quæ tamen à *mannâ*, & *angelica oleo* temperatur, ac quasi discontinuatur.

Nec sanè similia tenacia externo illinitionis usui planè incommoda dici possunt; nisi idem in Zvelseri quoque medicamenti nonnullis carpere velimus; qui v. g. in *Unguento seu Balsamo stomachico Regio Pharmacop. Reg. pag. 287. mastichen, tacamahacam, & gummi animæ* reponit; quibus simplicibus tamen pariter inest tenacitas. Ipsum etiam *croc Extractum huius*, & *pag. 278. Unguento cordiali* adjungit.

Extractum angelicæ omni suâ spirituositate esse spoliatum, negatur. Quanquam aliqua ejusdem pars ab eo ablata fuerit, non omnem tamen ipsi deesse, vel solus odor superstes evidenter satis comprobatur.

Quin & Zvelserus Balsamis externè illiniendis *oleum nucis moschatæ expressum*, per *spiritum vini*, & *aquam rosarum* odore suo exutum, atque spirituositate spoliatum adhibet. Num ideo inutiliter illud addi, mox dici debet?

Ceterum præstare putat, Balsamum hoc, & alia externo usui destinata, ex solo *nucis oleo*, secundâ vice vel ultimò expresso (quod albicantis est coloris) atque, uti innui, odore suo per extractionem cum *spiritu vini*, & edulcorationem cum *aquâ rosarum* privato, additâ *olei angelicæ* &c. sufficiente quantitate, conficere. Qui equidem præparandi modus observari potest, alias tamen conficiendi rationes, diversis nimirum cum corporibus, ita vocatis, nequitiam tollit; de quibus paulò post plura monendi occasio dabitur.

Quòd Zvelserus minùs benè istud à *nuce moschatâ* crassamentum pro Balsamorum corpore commendat, ex præmissis propriis ipsius fundamentis constat.

Hoc quidem è *nuce moschatâ*, dum exprimitur, ultimò profluens *oleum albicantis* quia est coloris, & ita quosvis colores recipere, aptum existit, commodè Balsamis conficiendis destinatur; at odore suo, & consequenter majori virium parte per *spiritum vini*, & *aquam rosarum* idem orbare, corpusque emortuum quasi adhibere, inconcinnum est; si non semper ad medicamenti pulchritudinem, ad quam etiam certo respectu odor medicamenti referri potest, sed ad ejusdem efficaciam potius respiciendum est; uti Zvelserus *pag. 463. animadvers.* observat, atque, prout in *Mantiss. spag. yr. pag. 473.* judicat, non tam ad pulchritudinem & odorem magis gratum, quam ad

ad virtutes & efficaciam salubrium medicamentorum prospici debet. Ista enim cum *spiritu vini* extractio, & cum *aquâ rosarum* ablutio *oleum nucis moschata* virtutibus suis non parum exuit, ac Zvelserus curioso suo & artificioso labore rem destruit potius, quàm quòd boni aliquid exinde efficiat.

Et licet odor ille *nucis moschata* aliorum odoriferorum oleorum odori similis haud existat, tamen insignis tamen is haud est, ut illi, qui emanat ab oleis destillatis, quibuscum pro Balsamis simplicibus animatur, præpollere, aut eundem obtundere queat. Imò in Balsamis compositis, ubi plurimum oleorum destillatorum unio fit, tantò minùs metui is debet.

Pariter *rosarum aquam* pro edulcoratione, uti Zvelserus loquitur, adhibere, opus haud est; cum idem *aqua vulgaris* præstare valeat.

Si quis etiam eadem Balsama internè usurpare veller, ipsis taliter præparatis extracti proprii portiunculam addi posse, sed tum colorem Balsami nativum, aut proprium destrui, animadvertit; cum cuncta ferè extracta nigra, aut spadicei sint coloris, atque ita Balsama nigredine aliquâ imbuant. Verùm hac ratione si Balsama efficaciora evadant, aliqualis illa nigredo tanti curari non debet; quia, ut repetam, ad efficaciam potius, quàm elegantiam medicamenti respiciendum est.

Porro usu receptum jam esse, monet, ut unumquodque Balsamum nativo ac proprio suo colore conficiatur, utpote *rosarum* rubro vel sanguineo, *rutæ* viridi, *succini* albicante, *citri* flavescente, quod tamen cum non adeo facile sit, nec fieri possit, ipsarum *herbarum* aut *florum*, quorum Balsama expetuntur, *Magisteria* addere, docet; quæ *Magisteria* (quorum elaborationem jam *Mynsichtus* in *Armament. medico-chim. sect. 1.* tradidit, nec non *Schröderus lib. 2. Phærmacop. medico-chim. cap. 67.*) ad eundem modum conficit, quo illud *granorum chermes*, cujus *Examen*, ubi de *Confectione alchermes* sermo fuit, tradidi. Quæ tamen cum emortua ferè sint corpora, à contrarietate (Zvelserianâ phrasi utor) menstrui solventis vel extrahentis, & liquoris præcipitantis, id est, *salis tartari*, & *aluminis soluti*, orta, potioriq; ex parte è terrâ mortuâ *aluminis* pronata, pro fuco inducendo non posse adeo commodè adhiberi, juxta Zvelseri fundamenta, statuere liceret.

Qua ratione etiam aliæ res, tincturam desideratam Balsamis præbentes, faciliiori negotio, uti *bolus armenia* Balsamo *cinnamomi*, admisceri possunt.

Pag. 64. Append. animadvers. inutilia ea esse corpora, negare quidem præsumit, dum majoris efficaciæ in naturâ suâ fore, arbitratur, quàm Feculas, ab ipso inutilibus & effictis medicamentis adnumeratas; quia tota veluti herbarum substantia excocta aut extracta, per contrarietatem salium, de novo præcipitetur, & consequenter virtutes quasdam proprias præcipita-

tum in se reconditas habeat, quod, tanquam vegetabile, à calore nostro facile subigi, & in actum denuo deduci possit, cum neutiquam corrosivis aquis combustum sit. Quodnam eorum majorem obtineat efficaciam, operose disquirere, supersedco, cum utroque carere facile queamus. Præflare tamen Feculas, ideo credibile videri potest, quia absque ope contrariorum salium parantur, & ideo nullam terram, à contrarietate istorum salium ortam, inutilem & insolubilem continent. Caterùm totam herbarum, substantiam extractam præcipitari, dubito, si animadversiones Magisteriis vulgaribus pag. 448. scriptas intueor; ubi de *coraliorum* &c. virtutibus non minimum cum menstruis, post præcipitationem separatis, relinqui, adstruitur. Si hîc cum menstruis quid relinquitur, cur idem in *vegetabilium Magisteriis* fieri nequeat, nulla causa subest. Quòd si terra, à contrarietate liquoris solventis vel extrahentis, & præcipitantis, tenaciter adhærens, in hisce tam potens haud est, ut eorum ulteriorem solutionem prohibere queat, certè neque in alteris illis contrarium accidet. Ubique par est ratio. Difficiliorem *pearlarum, coraliorum* &c. *præcipitatorum* in corpore solutionem, esse, ponamus, quia ad *vegetabilium* classem non referuntur; difficultastamen hæc impossibilitatem non includit.

Sed objicit Zvelferus: 1. Vegetabilia in simili operatione non comburi à corrosivis aquis, uti sit cum *coralin* &c. Ast, præterquam quòd impropriissimè dicantur comburi, ea à corrosivis aquis non destrui, Magisteriorum Zvelferianorum laus evincit, quæ cum maximè corrosivo *Veneris spiritu* parata, utilissima tamen proclamantur. 2. *Coralia, & perlas*, quæ Vulcani torturam sustinere nequeant, sic præcipitata, in pristinam formam reducibilia non esse. Demus, ita se rem habere. Idem de *vegetabilium Magisteriis præcipitatis* tenendum est; neque enim *Lacca florentina* in *granachermes, ruta Magisterium* in plantam suam &c. reduci possunt, neque eadem vegetabilia Vulcani torturam sustinere queunt, quin ab eadem destruantur.

Quæ de lapide sic dicto *bezoardico orientali*, ejusque adulteratione cum præfatis *vegetabilium Magisteriis* profert, animadversiones aliquot admittent; quas tamen hac vice præterire constitui.

Caterùm dum *Magisteria ista vegetabilium* ad crassam saltem pulvis formam, non omnimodè exsiccata adhibenda esse, studiosè monet; quia opinatur, totaliter ea exsiccata nullatenus corpus Balsamorum colore suo proprio imbuere, ineptias tradit.

Namque hac ratione Balsama cum iis paranda inefficaciora fiunt; quia
ob

ob humiditatem istam non tanta oleorum destillatorum quantitas imprimi potest, quantam aliàs, si exsiccata adderentur, compingere, daretur.

Etenim quò durius solidiusque *oleum nucis moschata expressum* fuerit, eò plus oleorum destillatorum recipere, atque consequenter nobiliora & efficaciora evadere Balsama, pag. 63. Append. animadvers. Zvelserus ipse testatur; cum tota Balsamorum virtus & efficacia ab oleis dependeat. Addito autem Magisterio humido, *oleum nucis moschata* non tam durum adparet, ac esse solet, si Magisterium siccum conjungatur.

Coloris autem, sive humidum, sive siccum adhibeatur Magisterium, vix ulla est diversitas; cum hoc æquè ac illud Balsama colore suo proprio imbuat.

Videtur quidem primâ fronte, ubi Magisterium siccum cum *oleo nucis moschata* duriusculo miscetur, colorem suum desideratum non æquè feliciter imprimere; ast ubi dein olea destillata adduntur, ille mox sese exserit, eodemque nitore, ac si humidum fuisset Magisterium, se ostendit.

In Append. pag. cit. 63. aliud insuper pro Balsamorum præparatione, artificium proponit, nimirum *olei nucis moschata expressi* (duriusculi, quia, molle & unctuosum certissimum & infallibile signum sit, illud *buYRO*, vel *oleo* quodam adulteratum & permixtum esse; attamen non ad commendatam istam duritiem simpliciter respiciendum esse, obiter noto; quia hæc, duriuscula scilicet, consistentia à fraudulentis manibus, uti *cera* admixtione, eidem facilè conciliari potest) cum *decocto*, v. g. *ruta*, *caryophyllorum*, coctionem, eò usque continuandam, donec tota fragrantia, & oleum subtile spirituosum exhalarit. Ubi plura ex Zvelseri fundamentis reformationem deposcunt:

1. Se sistit *olei nucis moschata spirituosæ* totalis exhalatio; cujus non leves in medicinâ usus esse posse, & ideo servatu dignum existere, non est dubium. Quare meliorem hanc partem per destillationem separare præstaret; prout Sennertus l. c. cap. 37. *oleum nucis moschata expressum* cum aquâ rosarum digerere, & aliquoties destillare, jubet, ut *oleum fluidum cum aquâ exstillet*.

Non dubito, quòd Augustanos, si coctionem hanc tradidissent, Zvelserus, pro more suo, non parùm culpâset; quam itaque censuram ipsi hac vice debemus.

2. Simile iudiciûm est de *decoctis ruta*, *caryophyllorum*, & similium odoratorum simplicium, in quibus vis spirituosâ non minùs exhalare cogitur, remanente parte terrestriori, quam in nonnullis efficitur aliàs, & inutili Zvelserus iudicat.

Clarissimum id est in *caryophyllis*, quos illis vegetabilibus Pharmacop. Reg.

Reg. pag. 215. adnumerat, quæ *naturæ balsamica sunt, ac simplici destillatione, affuso aliquo liquore vires suas integrè & plenariè reddunt.* Atque *pag. 216.* *caryophyllos &c. ad Decoctiones, & Extracta ex illis paranda, ineptissimos* pronunciat; cum, partibus tenuioribus ac essentialibus ablatis, *exsuccum, inodorum, insipidum, & inutile crassamentum* remaneat.

3. Objectionem hanc declinare cupiens Zvelferus, ista decocta, licet partes eorundem spirituosiores, si sulphuræ sint naturæ, in vaporem resolutæ, decoquendo æthera petant, nihilominus crassiores & magis terrestriores partes permanere, respondet, quas minimè contemnendas, præsertim si intra corpus Balsama sumenda sunt, & hæc in virtutibus intendere, statuit, addens: *Nam omnia Balsama ad eandem normam parata, tam interno quam externo usui destinari possunt.* Verùm uti in nonnullis hoc concedere lubens volo: ita tamen de quibusdam, sulphuræ quæ sunt naturæ vegetabilibus sic decoctis, ex. g. *caryophyllis*, illud adstruere, Zvelfero minimè licuit; quia, ex ipsius principiis, remanentes partes crassiores & magis terrestriores, maximè contemnendæ sunt, ac Balsama in virtutibus minimè intendere valent, cum sint crassamentum inutile, insipidum, inodorum, exsuccum.

4. Etiam si utilitatis quid Balsamis interno usui dicatis crassamentum illud conferre, ponamus, eâ tamen ratione animadversione hîc opus est, quia à decoctis istis color *olei nucis moschatae* albicans nonnihil utplurimum immutatur, cum ea, ad duritiem cocta, instar Extractorum evadant, quæ cuncta ferè nigredine aliquâ Balsama imbuere, in *Animadvers.* contendit, cum tamen usu receptum jam sit, ut unumquodque Balsamum nativo ac proprio suo colore conficiatur.

5. Balsama ad traditam normam parata, externo usui (cui tamen destinari ea posse, Zvelferus hîc contendit) non conveniunt; quia decoctum inspissatum spirituositate suâ spoliatum est; ut adeo inutiliter saltem addatur; quam objectionem Zvelferianâ sententiâ, in *Balsamum angelica* superius latâ, inniti volo.

Sed satis de hoc, nunc de Balsamorum aliis corporibus quædam, animam subministrante Zvelfero, monere liceat.

Cum enim Balsama ista duabus cumprimis partibus constare debeant, *animâ* scilicet, & *corpore*, communiter sic dictis; *anima* autem nomine olea utplurimum veniant, quæ, ut eò commodiùs adservari & circumportari queant, rei alicui solidiori, quod *corpus* vocant, à quo quasi condensentur, commisceri solent. Quod *corpus* unde desumendum sit, varias in sententias Autores abeunt, aliis *ceram*, nonnullis *mannam, serum, adipem, butyrum &c.* eligentibus.

Impri-

Imprimis *Philippus Müllerus lib. 4. cap. 3.* rorem suum majalem aurei coloris, purum & dulcissimum, aliis omnibus præfert, quem aliud non esse, quam butyrum majale, alij notarunt. Quare *Ant. Gunth. Billichius observat. ac paradox. chimiatri. lib. 2. cap. 2.* talem ipsi animadversionem scribit: *Minuisset admirationem, si dixisset butyrum.*

Jos. Quercetanus manna celestus optimè depurata nomine, corpus pro Balsamis, sive potius, uti loquitur, Essentiis suis, *Pharmacop. dogmat. restit. cap. 25.* obvelavit; quam saccharum clarificatum, & debito modo inspissatum esse, *Billichius* iterum suspicatur. Alij tamen, quos inter *Joh. Schröderus Pharmacop. med. chim. lib. 2. cap. 40.* ceram depuratam interpretantur; quod etiam, esse scilicet cere alba rasuram, sæpius in aqua rosarum coctam & depuratam, *Andreas Tenzelius Exegef. chimiatri. part. 2. sect. 2. Matthai Quercetani* testimonio confirmat. Quem tamen modum ante *Quercetanus* jam *Oswaldus Crollius* in *Basilicâ chymiatricâ* indigitavit. Alij verò *Quercetanus* de manna pinguedine, post separationem salis ejusdem residuâ, loqui, autumant.

Nonnulli citra corporis talismodi solidioris additionem Balsama parare tentarunt, olea cum spiritu aliquo urinoso conquassantes. Atque hoc secretum, uti *Jeremias Barthius not. in Tyrocin. chemic. Joh. Beguini lib. 2. cap. 8.* inquit, tanti hæcenus à quibusdam invidis aurisugis & ingeniis heteroclitis æstimatum, ut id *Pharmacopœis* neutiquam revelandum esse, consuerint.

De quo modo fortasse intelligendus est *Tenzelius*, aliquos, solius microcosmici Echeneidis usu, absque ullo calore, virium perditione, aut similibus, sine ullâ rei corpulentæ admixtione alienæ, Balsamos conficere, *l. c.* scribens.

Induunt quidem crassio rem formam olea destillata, ita cum spiritu urinoso concussa; ast nihilominus liquidioris adhuc sunt consistentiæ, quam vulgò pro Balsamis istis expetitur.

Qua ratione Balsama hæc, pro usu interno cumprimis, conficere doceat *Glauberus, pars 3. Furr. philosoph. cap. 17. & 18.* aperit.

Zvelferi autem sententia de aliis, quam oleo nucis moschata, Balsamorum corporibus est, ceram, & sebum agninum planè inutiliter & perversè pro corpore tali adaptari; quia breviter rancescant taliter parata Balsama, & tractu temporis exiguo, instar Emplastri tenacissima fiant. Ubi hoc, de Balsamorum nempe induratione, ad ea, quæ cum cera; illud verò, de rancore scilicet, ad illa referri potissimum debere, existimo, quæ cum sebo agnino &c. parantur.

Neque negari potest, Balsama sevis consistentiam debentia, non tam diu

diu salva persistere, ac illa, *oleum nucis moschatae expressum* recipientia; prout etiam cum *cerâ* citius indurescere; quod incommodum *Billichius* jam notavit. Propterea tamen utraque planè rejici minimè debent. Præterquam enim quòd *Balsama* nonnulla, quæ non ita diu adservantur, sed mox pro usu adaptantur, eadem optimè tolerare queant, cum *cerâ* etiam, si debita olei proportio, major scilicet, quàm si cum *nucista oleo expresso* pararentur, adjungatur, ipsa quoque confecta studiosè adserventur, satis diu illaesa persistunt.


Si duriuscula evadant, additione aliquot guttularum olei proprii destillati, ad debitam reduci consistentiam facillimè possunt. Ceu idem in *Balsamis* cum *oleo nucis moschatae* confectis, & diuturnitate temporis duriusculis redditis, *Zvelferus* suadet.

Quin *Balsama* hæc cum nihil aliud sint, quàm *Unguentorum* odoratorum species, quorum aliquot præparationes, cum *axungia porcinâ*, in largâ satis quantitate, factas, *Zvelferus* proponit, sic satis diu *Balsama* cum *sevo agnino* &c. concinnata, oleisque aromaticis destillatis condita, præcipuè ab aère externo benè si muniantur, subsistere, necessum est; cum aliàs illa *Zvelferi* *Unguenta* citò satis pariter rancida evadere, dicendum foret.

Cæterùm *Augustani* *sebum* pro *Balsamis* suis non commendarunt.

Quamvis *Balsamis* illis, cum *oleo nucista expresso* paratis, laudem, usumque in *Officinis* propterea derogatum minimè velim, cum potius illud unà cum aliis *Medicis*, qui, jam ante *Zvelferum*, usum ejus tradiderunt, commendem.

Veluti *Augustanos* quoque adhibere id, scivisse, *Balsamum* *Eorum*, *apoplecticum*, & *cordiale Sennerti*, ab *Ipsis* adductum, comprobant.



BALSAMA COMPOSITA.

CIRCA *BALSAMUM APOPLECTICUM* pag. 448. minùs commodè *grana styracis* ipsi addi, & longè convenientiùs *oleum styracis destillatum* fragrantissimum substitui, animadvertit. Licet, oleum hoc pro *Balsamis* inservire queat, propterea tamen, ipsa *styracis grana* minùs commodè addi, haud sequitur.

Sed causam rejectorum granorum exprimere, *Zvelfero* incubuisset, de qua altum apud illum est silentium; qui ipse in *Unguento cordiale* (quod *Balsami* instar se habet) *resinam styracis calamita* & *benzoës*, non verò olea eorum

terum destillata recipit. Pariter *Unguento seu Balsamo stomachico regio, massichen* &c. non oleum ejusdem adjungit.

Ambram separatim prius in oleis convenientibus solutam cuicunque Balsamo esse admiscendam, ceu monet Zvelserus, non repugno; neque contrarium Augustani præcipiunt.

Alias *Balsamorum apoplecticorum* formulas à variis Autoribus descriptas esse, nemo nostrum ignorat; quarum aliæ Augustanorum formulam præstantiâ num superent? mei instituti non est, inquirere. Sufficit plurimas, præstantiores fortè visas, meliores haud esse, imò forsitan ab eâ bonitate & efficacîâ superari.

E speciebus pro BALSAMO BENZOINO TENZELII pag. eadè deputatis, si juxta modum præscriptum strictè instituatur præparatio, non Balsamum, sed resinam profurgere, notat; prout hoc in præparatione *Theriace* jam ante se edocuisse, scribit; quæ nisi cum aliis rebus commisceatur aut dissolvatur, intra corpus sumi nequeat. Nihil aliud hîc, quam resinam, styracis, & benzoës, impetrari, minimè nego, liquidiusculam tamen, unde resinam styracis exsiccare, non consultum esse, in *Theriace* indicatâ præparatione arbitrat.

Eam autem Balsami nomen non renuere, quilibet fatebitur, si consideret, quàm diversi generis medicamenti adpellatio illa tribui soleat. Hæc verò non de solis Balsamis, Unguenti formam præ se ferentibus, agit.

Prostat in Officinis nostris Balsami genus, quod *Tolutanum*, sive *Balsamum Hispanicum siccum* dici consuevit, & ad nos in vasculis quibusdam rotundis, è nucis cocci cortice, elaborari creditis, deferitur; quod licet resinosum & duriusculum sit, nomine tamen illo insigniri non cessat; cum cujus consistentiâ quodammodo hoc *Tenzelij Balsamum* coincidit.

Quocunque autem adhibeatur modo, Augustanos non angit, qui, ubi usu ejus indigent, variè illud agris suis præscribere norunt; hoc tamen in loco de medicamentorum dosi & exhibendi modo neutiquam agentes, sed dosin medicamentorum *Mantissa Hermetica*, prout in ejus *Præmonitione* habent, & exhibendi modos ex industriâ omittentes.

BALSAMUM CORDIALE SENNERTI pag. 444. juxta præscriptum modum facile paratu esse, concedit, additis *olei nucis moschate drachmis tribus vel quatuor*. Sit ita. Augustani dicti olei, quantum satum, ut Balsamum fiat, addendum esse, cum *Sennerto* scribunt. Ipse Zvelserus dosin ejus incertus exponit.

Dein eximiis virtutibus illud non destitui, fatetur, ut tamen, reformasse quid, videri queat, succos acidos, vel aceta aromatica internè & externè

ternè longè citius cordi robur addere, & languidum corpus validiùs, quàm hoc & similia delicatissima & preciosissima Balsama, refocillare & erigere, posse, experientiam frequentem edocuisse se, monet. Sed generale nimis adfertur hocce probari deposcit.

Sint succi nonnulli acidi, & aceta aromatica, cordialia egregia, ab experientiâ comprobata; hæc tamen longè citius cordi robur addere, & corpus validiùs refocillare, non simpliciter admittitur.

Augustani & Balsamis, & Acetis cordialibus languido cordi succurrere, nörunt.

Circa BALSAMUM GALBANETUM UTERINUM EIUSDEM *pag. citat.* talem proponit animadversionem: *Ad modum Olei Terebinthina in Alembico vel cucurbita vitrea destillari potest, (quod non est contra Augustanos) adjectis cineribus, postquam spirituosum Oleum, quod leni calore inter initia exstillat, prolectum sit; (hoc strictè opus non est, quia olei saltem subtilioris, non crassioris usus hic expetitur) Oleum Lavendula una cum reliquis committatur, & ubi per digestionem probè invicem unita fuerint, cuncta simul destillantur.* (Augustani similiter prolectum illud oleum, lavendula oleo conjunctum, iterum destillare, jubent) *Olea illa in destillatione sigillatim prodeuntia, uti in destillatione Terebinthina seorsim colligi & deinceps vel uniri, aut singula separatim asservari possunt; (Ulterius progredi, & crassius quoque oleum destillando elicere, ab Augustanis non prohibetur, quibus, desideratum spirituosius oleum pro usu præsentè obtinuisse, satis est. Cæterùm ubi oleorum sigillatim prodeuntium unio quæritur, ea seorsim prius colligere, necessarium haud est) Inter quæ primum satis spirituosum erit, nullà propterea ulteriori circulatione cum spiritu vini tantoperè indigens. (Absque spiritu vini penetrans esse Oleum istud, non dubitatur; at cum spiritu vini penetrantius reddi, credibile est. Si quis tamen illo solo, non circulado frui malit, tantopere animadversione non indiget.)*

BALSAMUM LOIMICUM HENISIANUM *pag. eadem,* quo egregia *Vir iste Celebris* præstitit, Oleum compositum potius, quàm Balsamum adpellandum esse, censet. Sed salva res est. Ipse Autor in fine præparationis *Oleum* vocat.

Balsami nomen, uti supra jam notavi, non unius generis medicamentis debetur, cum eo diversâ planè insigniantur.

Zvelserus verò cum medicamentorum nominibus ludere, non oblitus fuit, v. g. Aquam totam ferè elementarem *Sal tartari volatile* vocans.

Cæterùm illud, ut & BALSAMUM SULPHURIS ANISATUM MYNSICHTI *pag. eadem* juxta modos præscriptos conficere, permit-

permittit; attamen aliam *Balsami sulphuris*, ex *hepate* scilicet *sulphuris* sic dicto, & *oleo juniperi* præparationem adnectit, quod vulgari præstantius, nec graveolens, sed boni odoris esse, adstruit. Variè medicamentum aliquod compositum mutare, res est facillima. Sufficit, præparationem præscriptam ritè se habere.

FECULÆ.

DE FECULIS, GERSIS, seu CERUSSIS pag. 446. in genere notat, nihil aliud eas esse, quàm pulveres subtiles farinaceos, succo suo nativo orbatos, & consequenter etiam omnis virtutis & efficaciam expertes. Quibus proinde radicum ipsarum siccatarum, seu succo suo nativo inspissato adhuc gaudentium, pulverem longè præferendum esse, autumat. Cremorem hunc, aut florem sessilem, uti *Libani* *Feculas* esse adpellandas, censet, succo suo nativo ex parte orbatum esse, non est dubium, quatenus scilicet ille è radice, v. g. *ari*, contusâ expressus à subsidente parte graviore separatur. At succo suo adeo fuisse eum orbatum, ut omnis virtutis & efficaciam expertus evaserit, haud admittitur. Pars enim illius aliqua, pulverem illum humectans remanet.

Aliàs, dum post expressionem *Fecula* subsidet, partes illæ terrestriores mox omnem humiditatem à se propellere deberent, ita ut pulvis imum locum occupans, siccus planè foret, humiditas autem omnis supernataret; unde etiam hac decantatâ, remanens pulvis exsiccatione non indigeret. Quæ omnia tamen contra ocularem fidem militant.

Ari quoque *Fecula* saporem nonnihil acrem retinet, si, absque additione aquæ, debitè, & juxta Augustanorum traditum modum, præparata fuerit.

Quin etiam si *Fecula* effocti, virtutisque & efficaciam planè expertes pulveres farinacei sunt, eodem elogio *Amylum* quoque mactari debet, quod vix aliud, quàm *tritici* &c. *Feculam* esse, ex ejus præparatione, à *Dioscoride lib. 2. cap. 94*, *Sim. Sethi lib. de aliment. facult. lit. A. 7*, *Jac. Theod. Tabernamontano lib. 1. Herbar. sect. 7. cap. 11*, *Rudolpho Goelenio cap. 6. de vitâ prolongandâ*, aliisque descriptâ, colligitur.

Quia itaque *amyllum* pariter nihil aliud est, quàm pulvis subtilis farinaceus, succo suo nativo orbatus, consequenter etiam omnis virtutis & efficaciam expertus sit, necesse est. Sed cum & virtus alimentosa, & medicamentosa in eoprehendatur, adsertum illud sponte concidit.

Imò *amylum* ab ipso Zvelfero multis *Pharmacopœia Regia* medicamentis admiscetur; veluti *Diacodium pectorale solidum* pag. 109, *Loboch pectorale* pag. 110, *Loboch sanum & expertum* pag. 111, *Species diaireos* pag. 118, *Trochisci bechici albi* pag. 129. &c. id testantur.

Unde non ita simpliciter inutile & effœtum medicamento genus *Feculas* esse, admittitur, nec Zvelferus sententiam suam veris rationibus, quod tamen pag. 64. *Append. animadv.* putat, sufficienter stabilivit.



MAGISTERIA.

MAGISTERIUM ALUMINIS pag. 447. longè citius, & minori cum labore, per retortam vitream, quàm per alembicum, ob ejus altitudinem, destillando parari posse, animadvertit. Quamquam retortam commodè destillationi huic inservire posse, non contradicam; Augustanis tamen alembici altitudinem frustra objici, videtur, qui destillationem in *cucurbitâ brevi*, sive humili esse instituendam, monent.

Præterea in vesicâ bubulâ fordidâ, & foetidâ ut plurimum, *alumen* liquefacere, opus haud esse, statuit; quin commodiùs aquæ simplicis tantum adfundi posse, quantum pro dissolutione ejus in calore sufficiat. Vesicæ bubulæ fordities & foetor quem anxium terram à contrarietate aquarum, aut spirituum, vel salium exortam; de eorum autem viribus non minimum, menstruis post præcipitationem separatis relinquatur. Verùm uti Magisteriis hisce multum non tribuo: ita tamen omnes iisdem virtutes derogare nequeo, ac inutiles & mortuas &c. calces vocare, (licet à sinistro eorum, usu

Nunc ad vulgaria illa Officinarum **MAGISTERIA CORALIORUM**, & **PERLARUM**, pag. eadem descripta, atque ab aliis jam Autoribus rejecta, progreditur, quæ nihil aliud esse, venditat, quocunque etiam acido menstruo solvantur, & contrario eidem liquore præcipitentur, quàm *perlas*, & *coralia* in subtiles atomos, & calces ferè insolubiles ac inutiles conversâ, quibus non exigua portio menstruorum solventium, & liquorum, præcipitantium tenaciter adhæreat, ita ut difficulter in posterum iisdem aquis corrosivis solvi possint, ob adjunctam terram à contrarietate aquarum, aut spirituum, vel salium exortam; de eorum autem viribus non minimum, menstruis post præcipitationem separatis relinquatur. Verùm uti Magisteriis hisce multum non tribuo: ita tamen omnes iisdem virtutes derogare nequeo, ac inutiles & mortuas &c. calces vocare, (licet à sinistro eorum, usu

usu damnum potius, quàm levamen corpori obtingat) præcipue cùm post præcipitationem dissolvi se iterum patiantur. Quod Zvelferus etiam indicare videtur, dum ea non simpliciter, sed additâ voculâ: *ferè*, insolubiles calces adpellat. Quamquam vicissim pag. 212. *Apolog. contra Tacken. ad omnem impostèrum solutionem inhabiles & mortuas calces* nomet.

Difficilem autem eorum solutionem ob terram aliquam adjunctam, à contrarietate liquoris solventis, v. g. *spiritus nitri, aceti destillati*, & præcipitantis, *spiritus vitrioli, salis tartari*, exortam, spectari, verisimile haud est; quia aliàs, ubi per se, scilicet ut corpus aliquod, *coralia &c.* prius non corroserint, confunduntur, atque ita ob contrarietatem à Zvelfero indicatam in se invicem agunt, necessariò quoque terra ista deberet in conspectum venire, quod tamen minimè accidit; cùm post contrarietatis pugnam absolutam, liquorumque factum mutuum amplexum, liquor iste mixtus æquè limpidus, ac antea erat, persistat, ne granulo terræ alicujus præcipitato, dummodo liquores, *spiritus nitri, vitrioli &c.* puri, nec aliis antea rebus imbuti, negotio huic adhibeantur.

Firmare quidem sententiam suam nititur Zvelferus: 1. exemplo *Magisteriorum vegetabilium*, imprimis *Lacca Florentina* è *granis chermes* præparationis, quæ beneficio *aquæ aluminis*, & *olei tartari* conficiuntur; ubi ferè duplo plus *Lacca Florentina* acquiritur, quàm fuère *grana* ante præparationem. Qua de materiâ pag. 255. & 256. in *Examine animadversionum super Confectionem alchermes* pluribus jam egi; ubi illud, quod in istâ *aluminis* & *salis tartari* permixtione præcipitatur, potissimùm *alumini* deberi, demonstravi, utpote quod ex terreo aliquo corpore, & spiritu acido conflatum, quorum hic vel destillatione, vel calcinatione nudâ & ustione expulsi, albicantem terram, solâ ignis torturâ, absque præcipitantis liquoris intervenitu, relinquit, vulgò *aluminis usti* nomine insignitam. Adeoque exemplum hoc minimè huc quadrat.

Esse Magisteria hæc calces insolubiles, pernego. Si enim ex. g. *coralia*, cum *aceto destillato* soluta, & *spiritu vitrioli*, vel *sale tartari* præcipitata, cum aliquo liquore corrosivo, v. g. *spiritu nitri* misceantur, is in calore eadem, mox adgreditur, & totaliter dissolvit, novo adfuso *spiritu vitrioli* iterum in Magisteria præcipitari apta.

Hac tandem ratione permotus, ipsa *coralia, margaritas*, atque similia, trita duntaxat, & in subtilem pulverem redacta, majoris assimat Zvelferus, quàm talia præcipitata eorum Magisteria. Qua in re *Angelum Salam*, quem part. 2. cap. 12. *Mantiss. spag. yr. pag. 45.* citat, fortè ducem habuit, qui scilicet. *Tartarologia cap. 2.* simile de præcipitatis illis Magisteriis judicium profert.

Similiter *margaritæ, coralia &c.* in porphyrite lævigata, Magisteriis præcipitatis lib. de Chemicorum cum Aristotelic. & Galenic. consensio ac dissentio cap. 19. Sennertus anteponebat.

Cui opinioni & ipse accedo, præparataque similia corpora eorum Magisteriis præcipitatis pro usu medico meliora existere, concedo.

Hiscæ Magisteriis etiam illa è metallicis corporibus parata adnumerari possunt. Quod ipse Zvelserus part. 2. Mantiss. pag. jr. cap. 6 pag. 348. docere velle, videtur, dum Magisteria Saturni, quorum Schröderus cap. de plumbo in Pharmacopœiâ medico-chimicâ mentionem facit, parvi ponderis & pulveres, ex contrarietate solventium & præcipitantium liquorum & salium tales factos, nisi denuo novâ solutione resuscitentur, æstimanda. In quibus itaque describendis, operæ precium non esse, putat, ut tempus ac vires conterat.

His tamen non consideratis, pag. 138. Pharmacop. Reg. Saponi odorato Magisterium marcasita, per aquam fortem & præcipitationem paratum in largâ dosi admiscet. Et pag. 319. Mantiss. pag. Crocum auri seu Solis purpureum, aurum à corrosivis nitri, salis communis, vel gemmæ, & aluminis particulis solutum, oleo tartari per deliquium facto præcipitando, conficit, cui edulcorato, exsiccato, leniterque calcinato, iudoriferas & insignes cordiales vires tribuit. Eandem laudem Auro fulminanti, seu scopocrico inflammabili, ex auro in aquâ regiâ soluto, & sale tartari p. d. soluto præcipitato, edulcorato, atque exsiccato, constanti, pag. 320. imponit. Flores vitrioli Veneris è cupro, per acidum spiritum soluto, & ope disti olei tartari iterum præcipitatione separato, pag. 344. præsens remedium in vermibus esse, testatur. Mercurium præcipitatum luteum, qui è Mercurio sublimato corrosivo in aquâ fontanâ soluto, adfusione olei tartari p. d. præcipitatur, ad icteritiam sanandam, obstructionibus referendis, ac febribus diuturnis curandis efficacem esse, pag. 354. fatetur. Et tamen omnes hi pulveres è corporibus, per corrosiva salia solutis, ac contrario hisce tartari alcali præcipitatis oriuntur, nec novâ solutione resuscitantur, antequam ad usum medicum apta censentur.

2. Zvelserus ulterius sententiæ suæ robur addere conatur per MAGISTERIUM CORNU CERVII pag. eadem, quod cum ex cornu cervino crudo raspatum confectum sit, ejus qualitates meritò aliquid saltem æmulari debere, determinat, sed neque spiritum vel sal volatile ex eo per destillationem elici, neque mucilaginem vel gelatinam coctione extrahi, neque denuo in aquis fortibus, utpote spiritu nitri, dissolvi id posse, objicit; & hinc à C.C. usq. parùm discrepare, colligit. Verùm si à C.C. usq. parùm

parum discreparet Magisterium hoc, eo ipso non inutile esse corpus, concludere liceret; cum illud virtutes quasdam possidere, ex *ejus preparationis Examine pag. 428. &c.* elucescat.

Argumenta autem Zvelferi tam benè fundata haud sunt, ut contra hoc Magisterium quid evincere apta sint. Posito enim, neque sal volatile, neque gelatinam ex eo separari posse; an propterea mox inutilis & planè rejiciendus pulvis dici debet? *Cornu cervi ustum* (ut exemplum à Zvelfero subministratum adducere, pergam) neque destillatione spiritum, & sal volatile fundit, neque coctione aliquam mucilaginem in aquam deponit, & tamen non esse effectum planè corpus, ipse usus comprobat. *Sal tartari* è crudo per calcinationem &c. paratum *tartaro*, neque amplius spiritum illum, quo de *pag. 466.* actum fuit, & oleum destillando emitit; neque cremorem crystallosque acidos coctione &c. præbet; & tamen non est effectum, inutile & abjiciendum, sed pluribus medicamentis ab ipso Zvelfero aptum censetur.

Non posse *Magisterium cornu cervi*, ex eo soluto & præcipitato paratum, in aquis fortibus, & quidem in *spiritu nitri*, dissolvi, ipsa ocularis inspectio refutat.

Unde Zvelferi argumenta Magisterij hujus usum abrogare neutiquam apta nata sunt.

Quamquam preparatione istà carere nos facile posse, laudabilioresque *cornu cervini* preparationes in Officinis dari, ultro concesserim.

Solutiones verò, quæ absque præcipitatione, & per solam menstrui solventis abstractionem fiunt, in suo precio relinquit, quibuscunque etiam menstruis conficiantur; licet unum alteri in bonitate sit præferendum. Cui sententiæ equidem & ipse accedo. Quamvis num laudem mereantur, si Zvelferi fundamento insistatur, haud leviter dubitari queat.

Namque *pag. 64. Append. animadvers.* similia corpora, *margaritas, corallia, oculos cancerum &c.* ab aquis corrosivis & spiritibus, comburi; atque *pag. 208. Apolog. advers. Tacken.* acetum *perlus* penitus destruere, contendit. Si itaque comburuntur, & destruuntur, (quod tamen non admittitur) parum laudabile indè polliceri sibi quis potest.

Prodeat etiam *Jo. Bapt. Helmontius*, hunc in modum §. 55. tract. *Pharmacopol. ac Dispensat. modern.* differens: *Subtilior, ideoq; magis condolendus est error eorum, qui aurum, argentum, corallia, perlus, atque similia, per liquores acidos corrodunt, atque dissolvere videntur, putantq; hoc pacto intra venas admissum iri, verè suas proprietates nobiscum communicatura. Nesciunt enim ab nesciunt acidum venis hostile; ideoq; peregrina dissolventium superata & trans-*

mutata aciditate, ejusmodi metalla, & lapides, pulverem esse, ut ante &c. Atque cap. 25. de Febr. §. 11. & 12. solutiones illas in corpore, & quidem in primis adhuc viis, ante fores mezaraicarum venarum, præcipitari, scribit.

Nam quis spondere aufit, perlas &c. in liquore aliquo solutas vel corrosas, non præcipitatum in corpore iri? Quod ubi accidit, pulvis ille præcipitatus aequè inutilis & effœtus erit, ac si extra corpus à liquore acido fuisset separatus.

Porro solutionum harum ablutiones & edulcorationes supervacaneas adpellat, si solutio *aceto destillato, spiritu nitri, aut vitrioli philosophico* peracta fuerit: cum nullo modo aciditas aut vis corrosiva menstrui solventis, quam in aliud ens jam tum commutatam esse, scribit, elui, aut solutiones edulcorari possint; etiamsi vel centies hæc operatio reiteretur.

Simile *Thomas Moufettius Anglicus* in epistola ad *Petr. Monavium, Medicum Casareum*, monuit; dum *perlarum Magisterium*, per acetum radicatum confectum, improbat; quia tanta in eo superfit acrimonia, cui eluendæ vix trecenti aquæ congij sufficiant. Vid. *Laurent. Schulzij Epistolar. 277.*

Angelus Sala quoque *sect. 1. aphorismor, chimiatr. 40.* de solutionibus hisce talia fatur: *Quum dicunt, per multas cum aquâ destillatâ evaporationes dictos spiritus exhalare, sic ut à corporibus his acrimonia omnis exulet, crassissimum errorem committunt, quem, si gustum tantummodo suum, libram, ignemve consulant, facili negotio ipsimet sint agniscuturi.*

Verum si per ablutiones istas totum menstruum corrosivum auferri, quis statuatur, ille utique errat; cum longè arctior salis acidi in *coraliis &c.* coagulati cum corpore hoc sit unio, quam ut levi illâ operâ divelli se patiatur. Ast hoc *Augustani* minimè volunt.

Ablutiones autem & edulcorationes ideo supervacaneas in genere vocare, non licet; quia dum v. g. *coraliorum*, menstruo corrosivo superfuso, dissolutio quaeritur, hujus tam exacta quantitas minimè sciri potest, ut non aliquid menstrui quandoque superesse queat, quod aliorum *coraliorum* solutioni adhuc idoneum esset; hanc itaque menstrui particulam, quæ in leni exsiccatione remanere potest, auferre, cur impossibile, & supervacaneum?

Præterea ablutiones non simpliciter supervacaneas esse, ipse *Zvelferus* paulò post fatetur, dum solutiones hæcæ semel aut bis dissolvendo & filtrando ab adherentibus impuritatibus liberare, edocet.

Tandem pro solutionibus his *secretum menstruum*, quod per abstractionem totaliter à solutis in illo *perlis, coralis, oculis cancerorum* separari, & ad alios consimiles usus, hocque sæpius, adcommo-
& plus

& plus quàm ænigmaticè describit; cujus claram delineationem, ut bonitati publicæ rem præstet gratam, in *Append. animadvers.* pag. 52. impertitur, quanquam malignorum ingratiſſimorumque cuculorum canina invidia jusserit, illud inter secretiora arcanorum scrinia tantisper abditum ulteriore adhuc tempore captivum detinere, nec tam citò in meridianam lucem emittere. Ast Menstruum hoc secretum, sesquipedalibus verbis hinc inde commendatum, Zvelfero minimè acceptum ferendum est, adeoque intar multorum aliorum ejus secretorum, hætenus ex parte discussorum, se habet.

Ut ideo *Clar. Tackenius cap. 29. Hippocr. chimic.* eundem spiritum *Basilij* jam notum, atque ab eodem in libello, cui *Manuductio medicinae* inscriptio est, sub titulo: *vera perlarum solutio*, descriptum fuisse, non sine causâ objiciat.

Quod tamen agrè ferens Zvelferus pag. 208. *Apolog. contra Tacken.* falsum esse, regerit, se unquam hunc spiritum in *Valentino* legisse, aut hujus copiam exstitisse; deinde spiritum hunc *Veneris*, seu *aëris viridis*, pro verâ solutione perlarum à *Valentino* destinatum esse; quibus paulò post sequentia superaddit: *Esto, docuerit ante sæculum Basilius Valentinus, spiritum pro vera, uti dicis, perlarum solutione; si ego temporum vicissitudine oblitteratum illum, aut dolo & nequitia talium usurariorum medicinalium suppressum, luci restituissem: an non hoc literato orbi, & Medicæ arti, proficuum, ac mihi commendationi foret.*

Sed, licet isti liti tantopere immiscere me nolim, arrogantia tamen, spiritum illum sibi, dum toties: *Spiritus noster Veneris, Magisterium nostrum &c.* increpat, tribuenti, & tanquam insigne secretum commendanti, aliquid regerendum est.

Non quidem certò constat, Zvelferum hunc ex ipsis *Basilij Valentini* Operibus hausisse; sufficit tamen, eundem pro hujus autore non posse agnoscere. Ut ita pag. 221. *Apolog. cit.* ridiculè satis exclamet: *Meus hic partus est: mea industria: nostrum est magisterium, Reformatoris, Zvelferi.*

Cæterum falsum esse, quòd *Basilius* spiritum hunc pro verâ margaritarum solutione non destinaverit, ipsa refutat processus inscriptio: *Qua ratione vera perlarum solutio (die rechte auflösung der perlen) fiat.*

Temporum autem vicissitudine spiritum hunc *Basilij* oblitteratum, aut dolo & nequitia nonnullorum suppressum, ac à Zvelfero denum luci fuisse restitutum, nemo forè concedet, qui eundem ab *Andræa Tenzelio part. 1. sect. 1. Exeget. chymiatr.* clarè latis p. m. 417. descriptum, atque *Spiritus vitrioli philosophici*, vulgò *Antepileptici Basilij* nomine insignitum considerat; ex quo

ex quo etiam illum ipsum *Joh. Schröderus Pharmacop. medico - chim. lib. 3. cap. 26.* sub titulo : *Spiritus antepilepticus Basilij*, inseruit.

Ut adeo, si *Basilij Valentini* copiam *Zvelfero* non exstitisse, verum sit, eundem tamen spiritum à *Basilio* jam descriptum, ab aliis, nostro hoc seculo etiam, in lucem productum, & ita minimè inter secretiora arcanorum scrinia fuisse abditum, è *Schrödero* facile colligere potuisset *Zvelferus* ; utpote cujus copiam ipsi exstitisse, & quem legisse ipsum, *animadversiones in Extracta pag. 127.* ubi *Schröderi* opinionem, *aloës* resinolam partem purgationi inutilem judicantem, impugnat, verisimile reddunt. Prout quoque *Essentiam ex cordibus & hepaticibus viperarum siccis*, cum suo sale proprio fortificatam, à *Schrödero* ultimis *Pharmacopœie medico - chimicæ* editionibus *lib. 5. class. 1. cap. 37.* insertam, è suis Collegiis chemicis Patavij habitis, quo indè gloriolam captaret, *pag. 215. animadvers.* probè observavit.

De nomine etiam secreti hujus minimè secreti contentio intercedit, cum non nisi *acetum destillatum Tackeniæ*, *Zvelferus* econtra *Spiritum Veneris* dicendum esse contendat, qui longè majores virtutes in medicinâ & medicamentorum præparationibus obtineat. Sed meum non facio, tantas inter illos componere lites. Hoc quilibet mecum fatebitur, quòd *Basilus* menstruum hoc *aceti* nomine dignatus fuerit ; quare in processu, postquam ejusdem destillationem ac rectificationem edocuit, sic ait : *So bekombstu einen lieblichen Essig ; & mox iterum : In diesem Essig solvire persen.*

Nec sanè aliud, quam liquorem acidum corrosivum, concentratum, sive à superabundante phlegmate liberatum hîc adquiri, existimo ; cui tamen *Veneris* quid esse adsociatum, minimè contradico. Cujus præsentia num singularium virium in medicinâ eum faciat, meum hîc non est, inquirere.

Constare autem eum ex *aceto* quoque, & quidem maximâ ex parte, ipsa ejus præparatio à *Zvelfero* tradita arguit, dum, præterquam quòd *as viride* accedente etiam *aceto* paretur, ipse *vinaceorum* spiritus, quibuscum *lamina cupræa* stratificantur, acidum spirat.

Unde antiquissimus *Dioscorides lib. 5. cap. 51. aruginem* etiam confici, scribit, dum *massula aris*, aut *lamina una, pluresve, vinaceis* non recentibus, sed jam acescentibus conduntur. Quare *Matthiolus* in *comment.* eâ tantum nos uti, addit, quæ *are* in acetariis vasis demisso, aut *vinaceis* jam acescentibus obruto, conficitur. Et *Gabriel Fallopius tract. de metallis seu fossilib. cap. 18. ex are*, in sacculum coriaceum reposito, & in cumulo *vinaceorum non recentium, sed putrefactorum* sepulto quoque parari, memorat.

Crystalli etiam *viridis aris*, à *Zvelfero* propositi, non nisi magnâ *aceti destillati* quantitate accedente fiunt ; quatenus scilicet *as viride* in eo corrosivum &

sum & solutum, ejus sal acidum, avolante in exsiccatione phlegmate, secum retinet; quod in destillatione forti iterum eruat.

Hoc certum est, ad operationes chemicas, Magisteria, vel potius solutiones perlarum &c. respicientes, qua tales, eum conferre. Licet easdem, etiam vires *acetum destillatum*, optimè dephlegmatum imprimis si foret, ad hasce operationes possideat. De qua materiâ quid sentiendum sit, mox edocebo.

Sufficit, eundem non alterius ordinis menstruorum esse, quàm quæ acida & corrosiva sunt; quod sapor imprimis, effervescentia cum contrariis alcalibus, aliâque sufficienter demonstrant.

Ipse processus, à Zvelsero in *Appendice cit.* descriptus, eò tendit, ut *viride aris* in *aceto destillato* solutum ad siccitatem, crystallis indè profurgentibus, communiter *florum aris* nomine donatis, reducatur, sicque particulis aqueis, sive phlegmaticis evaporantibus, sola salina *acet*i substantia in *viridi aris*, vel *cupro* concentretur, & consequenter largior spirituum copia postea elici queat.

Quam verò à crystallis hisce, sive *aris floribus* binam, vel trinam *spiritum vini rectificati* abstractionem, pro majori volatilisatione & imprægnatione, insuper suadet, ea nec necessaria, nec utilis existit.

Namque idem huc quadrare, arbitror, quod Zvelserus *pag. 414.* in *animadvers. super preparationem lapidis magnetis*, de aquis spirituosis objicit, quas semel destillatas, nunquam in secundâ aut tertiâ cohobatione, rei, cuicunque etiam jungantur, spirituositatem, aut vires relinquere vel impertire, scribit, quin æquè ut in priori destillatione avolent.

Imò *spiritus vini* abstractus æquè subtilis & spirituosus, ac ante abstractionem adfusus fuit, per alembicum redit, qui neque à *cupro*, spiritibus acidis jam saturato, detineri in fundo cucurbitæ potest, neque ab *aceto destillato*, *cupro* adsociato; quin potius aliquas acidi spiritus particulas secum rapit; unde *oculis cancerum &c.* eundem superfusum, aliquantulum eos solvisse, deprehendi.

Quare etiam Spiritum hunc, absque *spiritus vini* præcedente abstractione paratum, meritò præferendum esse alteri illi, existimo; præcipuè cum Zvelserus *Manuiss. spagyr. part. 1. cap. 4.* hunc *Veneris* vocatum *spiritum*, ad laborum sumtuumque, quos esse impendendos, nonnulli conquesti fuerunt, diminutionem, è crudo saltem *are viridi* pulverisato destillari posse, tradat, qui postmodum probè rectificatus, parùm priori cedat, è *floribus aris* prolescto &c.

Licet, uti optimè notat *Rolfincius Chim. in artis form. redact. lib. 3. sect. 1. art. 4. cap. 2.* spiritus hujus, è solo *viridi aris*, non prius *aceto destillato* irrigato, levis & parvus emergat proventus, atque laboris tedium vix compensetur; cum econtra *flores aris*, *aceto* turgidi, largâ in quantitate eundem emittant.

De virtutibus ejus medicis pluribus agere, nolo, quatenus epilepticis, apoplecticis, hystericis, hypochondriacis &c. summè opitulari dicitur; qua virtute eundem pollere, non penitus contradicam; licet minùs benè quandoque usum ejus cedere, experimenta facta doceant.

De vi ejus odontalgicâ, à *Zvelfero* depradicatâ, *Tackenij Clavis antiquissima Hippocrat. medic. cap. 6.* videri potest.

Mihi potius de usu ejus chimico pro Magisteriis &c. quæ hîc tractanda propriè sunt, mentem *Zvelferi* excutere, incumbit.

1. *Tanquam esurinum* se habere, scribit. Quo ipso cum reliquis liquoribus acidis, corrosivis coincidit; unde etiam *Aceta esurina* vocantur. Atque ita nihil singulare hîc continet.

2. *Tanquam Liquorem alcahest* (de quo tanta ubivis terrarum miracula depradicantur) se eum habere, superaddit. Quod ratione solutionis *perlarum*, *coraliorum* &c. se intellectum voluisse, pag. 206. *Apolog. contra Tacken.* contendit, Verùm nihil singulare hîc præ communi *aceto destillato* habet.

Si enim hoc in largâ quantitate, & majori, quàm ad injectam *perlarum*, *coraliorum*, *oculorum cancrorum* &c. dosin solvendam opus est, adfundatur, pars ejus aliqua pro aliâ subsequente solutione idonea abstrahi potest. Ipse etiam *Zvelferus* in *Append. animadvers.* crebris solutionibus spiritum illum nonnihil debilitari, viresque suas quodammodo amittere, fatetur; eum verò, post unam & alteram factam solutionem, tandem planè fatiscere, alij jam notarunt.

Liquor autem *alcahest* ad mille valere usus dicitur, citra corporis sui diminutionem. Quare etiam ab *Helmontio tract.* qui inscribitur: *Arcana Paracelsi, liquor immortalis, immutabilis aqua solvens* adpellatur. Cujus quidem virtus non corrosiva esse dicitur; cum econtra *Acetum esurinum* *Zvelferi* quàm maximè corrosivum esse, nemo dubitare queat.

3. Solvere eum, perhibet, *perlas* integrè illi injectas blandè, *coralia* item, *oculos cancrorum*, & alia, non ut reliqui spiritus acidi & corrosivi, qui solvendo & agendo, reactione solvendorum patiuntur, & vel totaliter destruantur, inq. aliud ens convertuntur ac indissolubili nexu cum solutis *Perlâ*, sive *Corallus* sese uniant inseparabiliter, sed amicè tanquam eorum familiaris, non autem destructor

destructor adhibetur, utpotè à quibus destillando eàdem virtute & acrimoniâ ferè, quâ affusus, abstrahi, adq. consimiles usus adaptari potest.

Pag. etiam 205. Apolog. cit. talia de eo profert: *Is non agit violenter, non rodit simpliciter margaritas, corallia &c. uti reliqui spiritus corrosivi, & ipsum etiam vulgare acetum: verum leniter & amicabilem res solvenda, præsertim margarita, in eo veluti liquefiunt, exuviis earum integris remanentibus, nobiliori pulpâ & substantiâ extractâ. Quam solutionem dein non vulgarem, sed homogeneam adpellat.*

Ast 1. solutionem illam non esse blandam, lenem, & amicabilem, sed violentam potius & corrosivam, ipse corrosionis actus demonstrat, in quo margarita sursum deorsum moventur; oculos cancerorum non sine strepitu ille adgreditur.

Qua ratione autem fieri potest, ut acidissimus ille spiritus, & consequenter corrosivus, margaritis adfusus, hanc corrodingi potentiam non exferat, dum alij non ita acidi & corrosivi, uti vulgare acetum destillatum, iisdem in corporibus eandem manifestant?

Quòd margarita in eo veluti liquefiunt, exuviis vel pelliculis earum, integris remanentibus, nobiliori tantum pulpâ & substantiâ per corrosionem solutâ (non propriè extractâ,) homogeneam, & à vulgari solutione diversum quid habentem solutionem esse, minimè evincunt; quia etiam, vulgare acetum destillatum idem efficit, perlas scilicet integras ipsi injectas quoad interiorem earum partem solvit, exuviis integris relictis, liquori innatantibus.

Quare optimè Tackenius loc. cit. cap. 6. respondit: *Quis vel trivialis Medicus ignorare potest, acetum simpliciter destillatum præstare illud idem, licet morâ longiori, integris in illud perlis injectis.*

Idcirco nulla hîc inter acetum destillatum, & creditum Spiritum Veneris differentia occurrit.

Liquefcere quasi in Spiritu Veneris margaritas, nihil singulare est; cum vel in aceto simplici idem contingat. Quod non ignorans Ægyptiorum Regina, Cleopatra, cujus historiam habet C. Plinius Sec. lib. 9. natural. histor. cap. 35, quæ Antonij magnificas epulas, sponsione factâ, superatura, insignem, & maximi precij unionem aceto immerisit, ac, ceu textus habet, liquesfactum absorbuir.

2. Spiritum Veneris eàdem virtute & acrimoniâ ferè, qua adfusus, abstrahi, adque consimiles usus adaptari posse, non simpliciter conceditur. Si enim ipsi aliquod corpus, ex. g. oculi cancerorum, eò usque injiciantur, usque dum nullas amplius bullas ex ipsis elevari, conspiciatur, atque lapilli illi integri

tegrī persistant, signo certo, spiritum hunc esurinum sufficienter illis esse saturatum, & hæc solutio ex cucurbitā in M. B. vel etiam fortiori arenæ calore abstrahatur, ne guttulam quidem acidi spiritus per alembicum transiisse, observavi, sed phlegma saltem insipidum, omni *cancrinos lapillos* virtute solvendi privatum. Quod cuivis, cui Spiritus is ad manus est, experiri, facile est; dummodo, uti dixi, sufficientem corporis solvendi quantitatem, spiritui immerferit.

Si autem parca nimis manu Menstruo huic potenti, famelico, & admodum corrosivo *oculi cancrorum* &c. (ut horum exemplum retineam) obijciantur, ac ita liquor, ulteriori solutioni *oculorum cancrinorum*, si qui offerrentur, aptus, destillationi committatur, virtute corrosivā & acrimoniā aliquā præditum illud abstrahi, adque consimiles usus adaptari posse, nemo inficias ibit.

Illæ tamen ejus particulæ acidæ, quæ lapillorum dictorum substantiâ saturatæ, cumque eâ unitæ sunt, nequiquam adscendunt, sed in cucurbitæ fundo coagulatæ subsistunt, non secus ac *acetum destillatum*, cui æqualis ipsi corporis quantitas corrodenda ubi injecta fuit, si abstrahatur, non nisi phlegmaticam partem in abstractione emittit, salinā cum re solutā in cucurbitā remanente. Econtra si plus *aceti destillati*, quàm rei solvendæ fuerit, pars ejus aliqua acida per alembicum elevatur, quæ postmodum ad consimiles solutionis usus adaptari potest.

Quod autem acetum, ut verba *Tackenij* adhibeam, ex arugine prolectum in parva mensura potentiùs solvat coralia, quàm vulgariter destillatum, causam paulò ante ostendi; idem nimirum contingere, quod vulgariter acetum destillatum multa adhuc aqua dilutum sit: ab illo verò, quod ab arugine destillatur, per exhalationem paulatinam elementalē aqua evaporaverit.

Hinc iterum nullam hac ratione prærogativam *Spiritus Veneris* præ aceto destillato Officinarum possidet.

Unde etiam adparet, quid de *Zvelferi* adserto, quod pag. 66. *Append. animadvers.* continetur, statuendum sit, dum Menstruum prædictum totaliter à re solutā abstrahi posse, scribit; quod etiam pag. 449. *animadvers.* adserit; nec non pag. 80. *Apolog. contra Tacken.* ubi hunc spiritum à solutis integrè, purum, nullā residuā acrimoniā & aciditate, plenissimè abstrahi posse; & pag. 205. eundem destillando eadem acrimoniā, eademque virtute & efficacità, quā perlū, aut aliis rebus solvendis, affusus est, abstrahi, contendit.

Quin præter adductum modò à me experimentum, sententiæ huic quoque contrariantur plurima alia, quorum imprimis *Tackenius l. c.* mentionem fecit.

Scilicet

Scilicet *coraliorum drachmam unam*, in dicto *Veneris spiritu* solutam, post exsiccationem *drachmam unam* & dimidiam in pondere aquare; quod idem pondus in *coraliorum drachmâ unâ*, per *acetum destillatum* solutâ, & postea exsiccata deprehendi, memorat. Unde hoc pondus auctum? certe ab *aceto destillato*, & credito *Veneris spiritu*; quem itaque non totaliter abstrahi in exsiccatione, dici potest; cum tantum ejus remaneat, quantum cum *coraliis* in corrosione unitum, coagulatumque fuit.

Porro *coralia* hac ratione soluta, exsiccata, & iterum in aliquâ aquâ diluta, si *spiritus vitrioli*, vel *sulphuris* solutioni instilletur, præcipitari, quem pulverem ablutum, & exsiccatum, æquale pondus præbere, refert, videlicet tum è *coraliis* cum *Spiritu Veneris*, tum *aceto destillato* corrosis præcipitatum. Quo ipso discitur, *Spiritum Veneris* in exsiccatione non fuisse totaliter abstractum; quia alius infusus spiritus *coralia* præcipitat, & pulvis præcipitatus ejusdem ponderis est cum illo, è *coraliis*, *aceto destillato* solutis, præcipitato.

Ipse insuper Zvelserus hac, quam præ manibus jam habemus, pag. 52. *Append. animadvers.* Menstruum istud è *viridi aris* prolectum, totaliter à re solutâ non abstrahi, nec eadem acrimoniâ, eademque virtute & efficaciâ, qua ante adfusionem fuit, pollere, tacitè confirmare cogitur; dum 1. illud *destillando eadem virtute* & acrimoniâ, non simpliciter, sed *serè* abstrahi, scribit. Quod similiter pag. 66. *Append. animadvers.* profertur. 2. Mox subjungit sequentia: *Nolim tamen ego asseverare, quod penitus impermutabilis, aut indestructibilis sit hic spiritus; solet enim crebrioribus solutionibus adaptatus nonnihil debilitari, viresque suas quodammodo amittere.*

Quare, si vera sunt, quæ pag. 205. *Apolog.* de *aceto destillato* profert, videlicet quòd cum rebus solutis coaguletur, inque aliud ens transmutetur, viribus saltem & indole rerum mutatis, imò ex integro immutatis, nec non pag. 208. *aceti aciditatem*, nullâ arte à *perlis* separabilem, eas ab indole nativâ immutare, & vel penitus destruere; idem elogium Zvelseri *Magisterii solubilibus* verè preparatis tribui quoque debet.

Tantum itaque ab *Alcahest* hac etiam ex parte abest Zvelseri spiritus. Qui tamen decantatissimum illum *Liquorem, summum Doctissimi Helmontij secretum*, maximâ suâ in communicandis arcanis liberalitate ductus, *Man-tiss. spagy. part. 2. cap. 7.* qua ratione scilicet is parandus sit, describere laboravit, *Mercurium*, multoties repetitâ cum fortissimo alcali, è *calce vivâ*, & *sale tartari* confecto, purificatum, per triplicem retortam pellendo, atque eum, qui vivus unâ cum aquâ in vas recipiens transit, denuo primæ retortæ, per adnexum ipsi canalem, injiciendo, sicque destillationem hanc eò usque repetendo, donec *serè* totus in aquam versus sit; quam dein in phiolâ ob-

longâ

longâ per aliquot menses in F. E. putrefacit, atque rectificatam pro famoso illo *Ligore* venditat. Magnifica hæc sunt promissa, & ob prolixam præparationem magni quid præ se ferunt. Sed vereor, ne nubem pro Junone amplectantur, qui fidem hisce tribuunt. Quod nonnullis accidisse, mihi constat, qui exploraturi, quid speciosis hisce verbis veri subit, frustaneum, se subiisse laborem, experti fuerunt.

Tu manus itidem adhibe operi, atque albæ gallinæ filius deprædica-beris, si hac ratione *Mercurium* in aquam rediges.

Idem semper manet. Igne pressus, inque fumum elevatus, instar sublimati alicujus, vitri lateribus adhæret, sed digitis saltem, vel pennâ tactus, vultum priorem recuperat, & currens evadit.

Propter homogeneam simplicitatem in ignis tormento sibi perpetuò constans est. *Siquidem vel totus, in sui naturâ immutatus, ab igne avolat: vel totus, per seminus transmutationem, in igne perseverat*, uti *Helmontius* tract. *Progymnasinata* meteoris §. 8. loquitur, quæ de materiâ hac evolvere, *Zvelferus* præcipit.

Quis credat, *Mercurij sulphur externum*, originale metalli labem, continens, tam facili labore, posse separari; cum *Helmontius* l. c. §. 14. difficulter ab eo hanc labem tolli, innuat. Et spoliatum isto sulphure *Mercurium* nullo igne mutabilem, atque *Mercurium de Mercurio* nominat. Labem autem istam in causâ esse, dicunt, ob quam *Mercurius* corpora penetrare, eaque dissolvere haud valet, dum scilicet sulphuribus, salibusque, adhæret, ac sese iis admiscet.

Sed hic insurgere *Zvelferum* video, & *sulphur* hoc externum *Mercurio* adtributum ridere, dum pag. 170. *Apolog. contra Tacken.* illud vocat *Chimiam non visibilem, non perceptibilem, nunquam à Mercurio separabilem, nec ab ullo Philosopho unquam somniatam.* Et pag. 165. *Apolog. cir.* sic loquitur: *Quod Mercurius sulphure gaudeat externo; sitq; hoc separabile de essentia & esse Mercurij: est novum dogma, novi Legislatoris novum commentum. Quis unquam Mercurio appinxit duplex sulphur, internum, & externum?* Ast omnia hæc *Helmontius* in cit. tract. docet, qui omnium Chemicorum consensu *Philosophus*, imò vel *Adeptus* salutatur, quem *Zvelferus Doctissimus* compellat, cujus de *Ligore alcahest* discursus consuli debeat. Is, inquam, in *Mercurio sulphur* quoddam externum deprehendit, ceu §. 14. testatur; & ab eo posse id separari, §. 8. & 14. indicat; de interno etiam *sulphure* §. 17. tractat.

Neque prægressa multoties repetita *Mercurij*, cum alcali tartari, calce vivâ fortificato, sive, ut alij loquuntur, concentrato, misti destillatio singulari quid hic adfert; siquidem non nisi ejus ab adjunctis sordibus, rebusve hetero-

heterogeneis purificatio est, à vulgari illà cum *acero*, & *sale* purificatione magnopere non differens. Salia enim tantum in *Mercurium* haud obtinent imperium. Si corrosiva eum attingerent, fortè *multorum labor compensaretur*, uti *Helmontius* §. 26. habet.

Caterùm non negabo, posse in istà præparatione, unà cum *Mercurio*, aliquid aquæ in vase recipiente colligi. Sed hoc non ideo *Mercurius* in aquam resolutus dici potest, cum longè aliam originem habeat. Prout ea à luto, quo cum vasa conglutinantur, oriri potest, partim etiam è vaporibus aqueis, aëri vasa illa ingresso ut plurimum conjunctis, qui à calore rarefacti, inque recipiens vas expulsi, frigidum ibidem aërem nacti condensantur, ac tandem tandemque in aqueas guttulas colliguntur.

Adeoque processum hunc meritò *Conceptus ad Praxin* nondum redactos vocat ipse *Zvelferus*. Ij autem, qui rem intimiùs considerant, eundem inter processus, in *Luna concavo elaborandos*, quos *Mantiss. spag. jr. pag. 319.* innuit, connumerant.

Eosdem verò *Conceptus* alij quoque jam habuerunt, à quibus fortè *Zvelferus* mutuò eos sumsit. Similem ex. g. *Joann. Ernestus tract. de oleis variis arte chemicà destillatis*, de *Mercurio* in retortà triplici in aquam destillando processum adduxit.

Sed mitto hæc ficticia secreta, & ad *MAGISTERII GIALAP. PÆ pag. 447.* præparationem me confero; quam cum mancam esse statuatur, veriorem, uti eam vocat, subjicit. Hanc etiam rejicere nolo; licet eandem *Zvelferi* industriæ iterum non debeamus; cum alij ante ipsum non dissimilia admodum jam docuerint.

Prout Sennertus noster Institut. medic. lib. 5. part. 3. sect. 3. cap. 9. sub titulo *Extracti scammonij* eandem ponit, dum *scammonium*, *mechoacannam*, *radicem gialappe*, atque alia, quæ resinosi aliquid habent, cum *spiritu vini* extrahere, spiritum imprægnatum per inclinationem separare, ejus dimidiā partem lentā in Balneo destillatione separare, residuo aliquid *aquæ rosarum* instillare, extractum sensim subsidens, post *spiritum vini* per inclinationem separatum, lento calore siccare, & pulverificare, jubet, adfusionem tamen *spiritus vini* toties repetendam esse, subnectens, donec nihil ampliùs extrahat.

Et tali, quem proponit, modo paratam resinam evadere splendidiorē, & puriorem, nec tam graveolentem, uti alioquin esse solet, quando *spiritus vini* non fuit abstractus; quam graveolentiam etiam nullo modo tolli posse, *Zvelferus* tradit, per ablutiones, quam læpillime etiam fiant. Non adeo grato odore resinam istam gaudere, ut non controversam; talis

attamen

attamen is est, qui ab addito aliquo medicamento facile obliteratur; resina etiam Zvelseriano modo parata odore ingrato non destituitur.

Splendor nihil hinc conferre valet, utpote quia resina ista in formâ suâ compactâ transparente non exhibetur, sed potius iterum soluta, pulverisatâque; splendor autem in hac pulverisatione tollitur.

Caterum cur Zvelserus pag. 78. *Pharmacop. Reg.* repetitam resina gialappa cum aquâ rosarum abluitionem commendat? Certè animadversione utique hinc indiget. Si ob graveolentiam resinæ; ast hanc illi tantum resinæ, per solam præcipitationem, absque *spiritus vini* abstractione paratâ inesse, in præsentibus animadversionibus vult; eam ipsam etiam non posse per frequentes ablutiones tolli, objicit. Si ut odor fragrans rosarum resinæ imprimatur; sed hoc Zvelseri doctrina neutiquam permittit; præcipuè cum taliter lotam exsiccare totaliter, jubeat. Sin ob aliquas heterogeneas inutiles partes ipsi adhærentes; sed *spiritus vini*, gialappâ imprægnatus, prius filtratur, & ita ab inutilibus partibus liberatur; neque sordidâ cucurbitâ extractiones abstrahendas immitti debere, aut adfundi aquam rosarum inquinatam, pro exactiori resinæ præcipitatione, ipsa ratio dicitur. Sin ut extracti non resinosi adhærentes particulas hac ratione abluat; ast, ceu etiam pag. 117. jam notavi, non nisi inutilis & supervacaneus labor præcipitur; quia extractum non resinosum iterum resinæ postea conjungitur, atque ita denuo ab ipso inquinatur; præterea eidem negotio aqua saltem vulgari inserviret, & sic fragrantis rosarum aquæ jacturam facere, non opus foret.

MAGISTERIUM SULPHURIS, SEU LAC EIUSDEM pag. 448. ut ab aliorum Magisteriorum præparationibus parum, aut nihil differre: ita nullam præ iis singularem mereri laudem, adserit; cui igitur Flores sulphuris, aut ipsum crudum sulphur in virtutibus longè præfert. Verum si ab aliis Magisteriis hoc Lac sulphuris nihil differret, esset 1. calx emortua, cum pag. cit. animadvers. Magisteria illa præcipitata, superius examinata, instar calcis mortuæ se habere, objiciat; 2. ad omnem in posterum solutionem inhabilis; ceu de similibus Magisteriis Apolog. sapius cit. pag. 212. loquitur. Sed utrumque esse falsum, non adeo difficulter demonstratur.

1. Calcem emortuam, inutilem haud esse, crebra Practicorum suggerit experientia. Sic Petr. Poterius centur. 1. curation. § observat. cap. 98. pulmones assiduâ fluxione vexatos, decocto alexiterio & exsiccante cum Lacte sulphuris in pristinum reduxisse se; atque centur. 2. cap. 54. asthma inveteratum Pilulis suis catholicis, & Lacte sulphuris curasse se, testatur.

Adducit quoque digna est hac de materiâ decisio Exc. Dan. Ludovici, quam

quam pag. 375. *Pharmacia modern. secul. applic. fert: Lac sulphuris in bronchiorum infarctu crudo ac florificato revera præstantius perdis experti sumus (quamvis magisterij ratio in specie repugnare possit)*.

Ipse Zvelserus Mantiss. spag. yr. part. 2. cap. 10. pag. 401. cautior reditus pro maximâ sui parte saltem destrui in hac operatione sulphur notat; cujus tamen vix tertia pars viribus salva constet, ac virtutes & operationes sulphuris proprias edere possit; reliquæ verò duæ Lactis sulphuris partes sint calx emortua, & inutilis, in igne constans; cujus adferti veritas in momento videri possit, si Lac illud Vulcano simpliciter, aut etiam sublimationi tradatur.

Si itaque pars aliqua indestructa & utilis remanet, non simpliciter calx emortua appellari medicamentum hoc debet.

Quibus tamen planè contraria in paulò antecedentibus protulit; ubi vulgaria Chemicorum Magisteria, perlarum, coralliorum, oculorum cancrorum, matris perlarum, cornu cervi, ungula aleis &c. calces inutiles mortuas planè & effectas, nullâ arte, neque etiam fortissimo ac corrosivo spiritu amplius res solubiles vocans, præsens Lac sulphuris eidem judicio submitendum esse, voluit.

In qua Zvelseri sententiâ plura animadversionem efflagitant.

1. Lac sulphuris non esse calcem inutilem, mortuam planè & effectam, ex ipso Zvelsero modò ostendi.

2. Idem nullâ arte resolvable existere, falsum est. Taliter enim paratum Magisterium hocce si cum novo è sale tartari lixivio coquatur, hoc evidenter iterum colore rubro tingitur, odoreque sulphureo imbuitur; cui filtrato acetum destillatum infusum, denuo sulphur, concomitante foetore, lactescentis coloris in fundum agit; quòd exsiccatum prunis injectum iterum, ut sulphur, ardet.

3. Vix tertiam partem ejus viribus salvam constare, itidem negatur, ita ut duæ partes sint calx emortua & inutilis, in igne constans.

Cujus veritatem facilè cognoscere potest, qui Augustanorum modo paratum Lac hocce Vulcano tradere non gravabitur; ubi quidem pulvisculus aliquis remanet, qui tamen pondere neque vigesimam, & ita multò minùs plus quàm dimidiam Lactis sulphuris quantitatem, qualis ante combustionem fuit, adæquat.

Faciliùs illud Zvelsero concederem, si de solo Magisterio, mediante calce vivâ parato, sermonem institueret; utpote cujus loco cit. quoque mentionem fecit, scribens: *Quamvis sulphur per appropriata sibi, & homogenea*

veluti, menstrua, salem tartari, aut calcem etiam vivam, beneficio aquæ simplicis, legitur quidem solvatur &c. Tali namque ratione majorem in *sulphuris Lacte* reperiri calcis in igne constantis quantitatem, non contradicam, sed ea *calci viva* debetur; quam tamen Augustani pro suo *Lacte sulphuris* non admittunt, *sale tartari* contenti. Vid. quæ hac de materiâ *Magnif. Rolsincius Chim. in artis formam redact. lib. 5. sect. 2. cap. 35.* adducit.

Ex quibus, de secundo dubio, ubi *Lac sulphuris* ad omnem solutionem inhabile esse, opponitur, quid respondendum sit, pariter elucescit.

MAGISTERIUM TARTARI VITRIOLATI pag. 448.
commodius è *tartari sale sicco*, quàm *resoluto* parari, & si lubet, crystallisari posse, animadvertit. Verùm prout utrumque, videlicet *sal tartari resolutum*, & *siccum*, ad hujus medicamenti compositionem recipi posse, non inficias ibo: ita tamen commodius hoc præ illo esse, nullatenus mihi persuadere possum; quia utrumque eadem ratione cum *spiritu vitrioli* congregitur, inque unum, *sal* neutrum, concrescit; utrumque easdem habet virtutes & proprietates; differentia saltem est, quòd illud in aquâ &c. solutum sit, quæ absque ullo singulari labore in quovis calore facile iterum, post absolutam acidi & alcalici liquoris reactionem, separatur.

Imò si lubet, Magisterium hoc in crystallinam formam redigere, non nihil commodius est, *sal resolutum* præ *sicco* eligere; quia *siccum* cum *spiritu vitrioli*, imprimis si fortis is & dephlegmatus exstiterit, mistum, magnâ ex parte in coagulum mox abit, quod elegantes in crystallos ubi redigi debet, necessariò prius in aquâ solvendum venit.

Sed adserti sui rationem *Mantiss. pag. 97. part. 2. cap. 11. pag. 416.* dare conatur, dum *Tartarum vitriolatum*, è *sale tartari resoluto* paratum, facillimè in aëre liquefcere, & plurimas in parandis ex eo medicamentis siccis parare incommoditates, adstruit; *quemadmodum, subjungens, omnia talia medicamenta vel pauculus horis in aprico &c. aëre relictâ, humiditatem contrahunt inelegantem, nec in aëre coerceri possunt, quin in liquamen mox defluant.* Verùm alia est ratio *salis tartari resoluti* cum acido *vitrioli spiritu*, alia cum aliis rebus, imprimis nullo acore donatis, permissionis. Ibi debite cum *spiritu vitrioli* saturatum, in aëre non ita facile liquefcit; hic verò, si humiditas ejus abstracta est, promptè satis in liquorem resolvitur.

Quinimo periculum hoc non propriè *salis tartari resoluti*, & ita in aëre vel liquore aliquo liquefacto, sed potius *sicco*, à Zveltero commendato, incumbit. Illud enim humido aëris &c. jam saturatum est; hoc autem, utpote, ut *Tackenij* verbis utar, adhuc vacuum, demum saturari cupit, unde

aëri expositum, humidum in illo contentum absorbet combibitque, sive, liquefcit.

Tartarus itaque *vitriolatus* cum *sale tartari* *resoluto* confectus, cum alcali ejus acido jam saturatum existat, neutiquam facillimè in aëre liquefcit, nec faciliùs, quàm si cum *sale* ejusdem *sicco*, in aequâ tamen proportionè adhibito, fuisset paratus. Quorum uterque diu satis à fluore, vel deliquio illo immunis perstat; licet eosdem tandem solvi ita posse, non negaverim.

Caterùm non posse, quod objicit Zvelferus, certum *liquoris tartari*, & *spiritus vitrioli* pondus determinari, cum *spiritus vitrioli* magis vel minùs phlegmaticus sit, *sal tartari resolutum* itidem in tenuitate, *sal siccum* verò in siccitate discrepet, quâ ita hujus & illius pondus maximè variare possint, non simpliciter admitto.

Si talis quidem expetatur eorum unio, quæ utriusque salis, acidi & alcalici, æqualem proportionem contineat, tunc non nego, *sal tartari resolutum spiritum vitrioli*, vel vice versâ, usque ad punctum saturationis esse instillandum, sive donec omnis cesset contrarietas, strepitus & effervescentia. Quâ ratione utique exactam ipsorum definire quantitatem, non adeo esse possibile, concedo. Ceu idem, ante Zvelferum, alij jam observarunt, dum permissionem illam eò usque fieri debere, voluerunt, donec strepitus cesset.

Ast dum Augustani cum aliis pondus utriusque determinant, errare, eos, neutiquam dicendum est. Siquidem non tam strictè necessarium, illud saturationis punctum adcurate expectare, cum aliquantum excedens *spiritus vitrioli*, vel *salis tartari* pondus in suâ virtute medicamentum non adeo immutet. Ut itaque, *salis tartari resoluti uncias quatuor, spiritus vitrioli boni unciam unam & dimidiam* qui adhibent, animadversionem vix merentur.

Tandem inconsideratam quorundam adfersionem reformat, qui, post peractam sufficientem *spiritus vitrioli* in *sal tartari p. d. solum* instillationem, à residente & præcipitato pulvere albo supernatantem liquorem ceu inutilem separant; ex eo autem paratum per humiditatis abstractionem. *Tartarum vitriolatum* ceu nauseosum, vomitumque concitantem rejiciunt. Hæc animadversio Augustanos non tangit, qui supernatantis liquoris effusionem non præcipiunt, sed potius cum *Osvaldo Crollio*, & *Jo. Beguino* volunt, ut *humiditas supernatans evocetur lento calore ad siccitatem salis*. Quod idem alij plures jam quoque observarunt; ceu ex *Petr. Poterij Pharmacop. pag. 97. Andrea Tenzelij Exceges. chimiatri. patescit*.

Ast Zvelferus non tam facilem adsensum meretur, dum pulverem album, qui adinstar magisterij (si è *liquore tartari calcinati*, non *sale* ejus *sicco* conficiatur) præcipitatur, tanquam calcem fixam, insipidam, & inutilem, in

liquore potulento non resolubilem se habere, venditat. Non quidem nego, *liquorem tartari*, si is à terrâ, quam à calcinatione *tartarus* sibi reservat, non probè fuerit depuratus, aliquam calcem demittere, ubi contrarius *vitrioli spiritus* ipsi adfunditur; quod etiam contingere potest, si *spiritus vitrioli* impurus sit, corpusque aliquod prius corroserit.

Sed tunc idem quoque, licet *sal tartari siccum* sumatur, accidit; utpote quod à *liquore tartari calcinati* non differt, nisi quòd sit absque humido aquoso.

Si verò *liquor tartari calcinati* purus, itidemque *spiritus vitrioli* talis exstiterit, nunquam calx illa à Zvelfero indicata præcipitatur.

Quamvis, ubi liquores prædicti fortissimi sunt, ab eorum permixtione præcipitatio etiam aliqua in pulverem albicantem observetur; qui tamen tantum abest, ut calx insipida, inutilis, & irresolubilis dici queat; ut potius nihil aliud sit, quàm coagulum salinum, verbo, *Tartarus vitriolatus*.

Idecirco verus *Tartarus vitriolatus* neutiquam in solâ supernatante humiditate, præsertim ubi *sal tartari siccum* adhibitum fuit, delitescit; & præcipitatum pulverem album, ceu inutilem, abjicere, admodum inconveniens foret.

Quòd autem ex usu *Tartari vitriolati* dira quandoque suboriantur symptomata, ut vomitus, cardialgia &c. culpam Zvelferus rejicit in *sal tartari*, quod communiter è *tartaro* impuro, plurimisque rebus heterogeneis fordidis permixto, paratum huic medicamento adhibeatur. Unde *tartarum* in aquâ prius solvere, & crystallisare, necessum ducit. Verùm etiamsi *tartarus* qui adhibetur, non adeo purus sit, sal tamen ex eo combusto elixivatum non differt ab alio *sale tartari*, è puro calcinato *Tartaro* separato.

Licet ratione illà sal stiptum &c. quos *tartaro* non purificato inhærere, in *Spiritus tartari animadversionib.* prodidit, ipsi permixtum sit, hoc tamen vix alias virtutes, quàm ipsum *sal tartari* obtinet; cùm alcalium fixorum ratione virtutis vix ulla detur specifica differentia, utpote quam vegetabilia, vel corpora, à quibus educuntur, in summâ illâ Vulcani, quam experiuntur, violentiâ, amississe videntur. Unde Zvelferus pag. 274. *animadvers.* si ex animalibus combustis sal fixum elici posset, quod possibile esse, ipse pag. 276. exemplo *viperarum* comprobat, id tanti precij non esse, adserit, quin potius vires alterius cujusdam salis fixi æmuletur.

Quòd autem ab ejus exhibitione varia nonnunquam oboriantur symptomata, plurimæ causæ esse possunt.

Quo in loco præcipue Exc. Dan. Ludovicum Pharmac. moderno seculo adplic. pag. 390. audire, æquum est, scribentem: *Spiritus vitrioli sit hic (propria substantiâ*

substantiâ aliterve) intaminatus; alias noxas, si quæ revera, extra abusus (è libellorum commendatione natos,) observata fuerint, huic potius, quàm impuritati Salis Tartari (quid enim hic accederet, quàm secum ligneorumq; frustulorum innoxium Alkali?) adscriberemus.

Ad abusus referri potest, dum à Crollio imprimis, ob id ab aliis satis exagitato, pro universali digestivo proclamatur, ubi sæpe sæpius varia incommoda hoc *Sal vitriolatum* procurare potest.

Ubi obiter notetur, quòd Zvelserus indignè nimis petat Augustanos, dum in *Mantiss. pagyr. l. c. de Tartaro vitriolato, seu sale tartari vitriolato* agens, talia profert: *Virtutes hujus salis Tartari vitriolati notissima sunt: Generale digestivum illud proclamant D. D. Augustani &c.* Cùm non simpliciter tale, sed *generale ferè digestivum* illud pronuncient.

Sed cùm Zvelserus sententiam foveat, ac si in duorum horum inter se diverforum salium permissione tanta sit contrarietas, ut *spiritus vitrioli* destructus planè ibidem sit, nimio opere eum labi, hic monere volui.

Unde etiam *Tartarum vitriolatum* destillando *spiritum vitrioli* neutiquam reddere, venditat.

Sic pag. 138. *Apolog. contra Tacken.* inquit: *Potestne ex Tartaro Vitriolato, qui ex fixo alcali, seu sale Tartari, & spiritu Vitrioli, confectus est, Vitrioli denuò spiritus destillando elici, aut violentissimo igne expelli; uti ex ipso Vitriolo? Nequaquam.* Sed hoc ipsa spiritus istius præsentia retundit. Venti eundem destillari possè, Officinæ nostræ, in quibus ille prostat, testantur; & quidem non ex acido-salsum, sive ex acido & alcali mistum, sed revera acidissimum, corrosivum, odore & sapore non nisi *vitrioli spiritum* prodentem, atque cum *sale tartari* denuò effervescentem.


Quod ipsum quoque alij Medici jam dudum observarunt. Sicut *Billichius lib. 1. observat. & paradox. chymiatr. cap. 7.* hunc in modum disserit: *Vitrioli spiritus nunquam tam tenaciter adheret sali tartari, quin eum amoveat destillatio, nec tam arte unquam ambo coaluerunt, quin divortio semper patuerit locus.*

Et *lib. 2. cap. 7.* his verbis idem confirmat: *Sal iste & spiritus destillatione dissociati redeunt, viribus uterque integris.*

Cum quo facit *Excell. Jo. Dan. Horstius epistolâ 2. observationum anatomicarum decadi præfixâ.*

Et *Clariss. Daniel Sennertus* de hoc dubio ita sentit: *Tartarum vitriolatum si iterum destilletur, præbet spiritum vitrioli acidum, & ejus planè natura, cujus antea fuit. Vid. Paralipom. ad lib. 5. Institut. medic. part. 3. sect. 3. cap. 25. paralip. 39.*

Cui accedit *Celeberr. Rolfincini lib. 5. Chim. in artis form. redact. sect. 2. cap. 8. nec non Dissertat. chim. 1. cap. 32.*



SALIA.

Cum in hoc capite Salium tractatio se offerat, omnium primò ad *Appendicis animadversionum pag. 67. & seqq.* me conferre, Zvelseri habitus ibidem de Salium differentiis discursus, paucis saltem, quia materiam hanc pro exigentiâ tractare, aliquot paginæ requirentur, examinandus, cum plura in eo contra Augustanos adducantur, permovet. Ubi imprimis ea in propriè talia, & vera, nec non impropria, & illegitima distinguit.

De his primò agit, eorumque numero 1. *Essentialia* illa è *vegetabilium* succis parari solita, includit, quæ non nisi *tartari* species esse, (prout eadem *tartari* nomine alij Chemicorum jam descripserunt) adserit, corpora è variis rebus heterogeneis conflata, utpote oleo foetido, spiritu aquoso empyreuma redolente, terrâ mortuâ, & sale fixo. 2. *Salia coralliorum, perlarum, oculorum cancerorum &c.* sic vulgariter nominata; quæ tamen saltem ipsorum corporum solutiones existant. 3. *Sal* sive *Saccharum Saturni* unâ cum reliquis *vitriolis*, cum solutiones tantum *plumbi*, aliorumque metallorum sint. 4. In specie *Sal vomitorium Angeli Sale*, pro *vitriolo vomitivo* à Zvelsero habitum.

Verum qui dicta corpora salibus adscripsere Chيميци, hallucinatos fuisse, non ita simpliciter admittitur.

Nomen enim hoc commodè præ se ferre possunt, tum quod plurimis salinis consent partibus, tum etiam aliis cum *sale communi* accidentibus conveniant, uti, dum in diaphanam crystallinam formam redigi queunt &c.

Interea pro diverso conceptu modò *salia* dici, modò eorundem numero eximi possunt. Sunt *salia* sui generis; ceu *alumen*, ex acido spiritu, & terrâ conflatum, hac denominatione dignatur Zvelserus *Append. animadvers. pag. 64.*

Et quamvis, stricte salis nomen si quis accipiat, recensita illa utique ad *salia* referri nequeant, hallucinari tamen propterea illos. non mox exclamari debet, qui communiorem dicendi formulam hætenus secuti, salis nomine id complectuntur, quod pluribus salinis partibus constat, in aquâ solubile est,

est, atque crystallifari potest, non ignorantes interea, haud esse salia simplia, è solo sale conflata, sed heterogeneas partes continentia. Verùm singula ordine percurramus.

1. *Tartarus*, & sub eo contenta *salia essentialia Vegetabilium*, ubi ab adhærentibus impuritatibus purificatus fuerit, substantiâ suâ crystallinâ sal exactè satîs repræsentat. Unde non inconvenienter *vini tartarus* ab ipso *Zvelfero part. 2. Mantiss. spagy. cap. 12. pag. 409. Vini sal* dicitur. Licet enim non simplex sit corpus, sed compositum, sal esse propterea non desinit. Neque tam facîle sal reperire licet, quod non de Mercuriali, vel Sulphureo principio quid participet.

2. *Sal coralliorum* minùs aptè sal dici, *Schröderus* jam *Pharmacop. medico-chim. lib. 1. cap. 3.* notavit. Cui, ut repetam, si strictè loqui velimus, neutiquam contradico.

3. Cum his *saccharum* etiam *Saturni* coincidit.

Vitriolum autem sal esse, sed sui generis, & ab aliis salibus distinctum, *Paracelsus* notavit.

Sal solum dicitur, quod habeat proprietatem & consistentiam salis, in aquâ solvatur, & acris sit saporis. Quo modo nomen *Salis Saturni* explicat *Celeb. D. D. Guern. Rolsincius Chim. in artis formam redact. lib. 5. sect. 2. cap. 32.*

Videantur, quæ in *Examine animadversionum super Cerussæ præparationem* habentur.

4. Eodem modo se habet *Sal vomitivum Ang. Sala*, quod propriè sal dici nequit. Quare ipse *Sala tract. 1. anatom. vitriol. cap. 6.* illud prius à se pro sale habitum, tandem, non pro sale, sed *vitriolo* se agnoscere, monuit. Et *sect. 1. Synops. aphorism. chymiatr. 45.* quòd neque sal sit, neque rectè in salibus numeretur, de *vitriolo* effiatur.

Quin si illis, qui nomina cuique rei, propriè & strictè ipsi competentia, non imponunt, talem animadversionem scribere, atque objicere decet, quòd hallucinentur, salvus evadere nequit *Zvelferus*; qui ex. g. *Oleum terebinthina spirituosius*, in destillatione primò prolectum, *Spiritus* nomine donavit; & liquorem aquosum, vix salini quid continentem, *Sal tartari volatile* adpellavit. Præterea duplici *Salis antimonij* descriptioni *part. 2. Mantiss. spagy. cap. 8. pag. 380.* quàm benè nomen illud imponatur, facîle judicari potest.

Nunc ad salia vera, propriè sic dicta, se convertit, quæ in volatilia & fixa, ac utraque in purè salia (vel salia,) & acido-salia dividit.

1. De volatilibus purè salis, urinosi differit, quæ ut plurimum ex animalibus depromi, scribit.

Hæc cum *Tackenius* alcalium nomine proponat, rigorosè satis à Zvelfero traducitur, atque hoc ex tali fundamento pag. 81. *Apolog.* deducit; quòd salia alcalia præsupponant corporis sui pristini combustionem in cineres, è quibus demum sal fixum extrahendum sit. Nec non pag. 83. salibus animalium volatilibus nomen & etymon alcali competere minimè posse, regerit, etiamsi quoad falsedinem purè falsam salibus lixivialibus ex parte, sint æqualia, acida omnia immutando, non tamen totaliter destruendo, secus ac cum salibus alcalibus fixis fiat. Verùm tanti non est hæc controversia, lusu tantùm in terminis existente.

Alcali quidem adpellationem, si primam ejus originem consideremus, propriè non nisi sali ex *herbâ Kali* incineratâ elixiviato competere potest, quæ dein salibus reliquis lixiviosis, è cineribus vegetabilium, animaliumque eductis, ob horum cum illo similitudinem, quoque tribuitur. Attamen, cum alcalium horum proprium sit, ut salibus acidis contrariantur, quod imprimis ab effervescentiâ, quæ oboritur ex utrorumque commixtione, desumitur, salia autem illa volatilia urinosa idem facere deprehendantur, quòd scilicet cum acidis effervescent, non adeo inconcinnè nomen alcali ipsis imponitur.

Quin tam commodè salia alcalia volatilia dici queunt, quàm salia falsa volatilia.

Sal enim generale nomen est, & omni generi, alcalico fixo, urinoso volatili, acido, alcalico - acido &c. competit.

Unde non admodum convenienter de solis illis salibus, acidis directè contrariantibus, dicitur, quòd sint salia falsa, acida verò minimè falsa existant. Zvelferus etenim salia acida admittere quoque cogitur; quæ ita, salia non salia, sive salia non falsa, insulsè satis dicenda forent.

Quòd si istud falsi nomen nihilominus alicui salium generi in specie, sit adplicandum, multò aptiùs salibus, mediam inter acidum & alcali naturam obtinentibus, quæ ideo etiam à modernis nonnullis Chimicis salia media, neutra, anomala, enixa &c. à Zvelfero acido - falsa vocantur, imponeretur; quia *sal commune* tanquam salium summum consideratur, & à quo salia reliqua dicuntur salia; hoc verò acido - falsa, ut Zvelferus loquitur, sive ex acido & alcali mixta est naturæ. Ut adeo *Tackenius* his salibus neutris non tam ineptè falsum saporem adscripserit.

Quisque hic suo nihilominus abundet sensu.

Quòd autem Zvelferus salibus animalium volatilibus ideo minimè competere alcali nomen, putat, quia, licet acida, tanquam contraria immutent, eadem tamen non totaliter destruant; cum econtra salia lixivialia,
sive

sive alcalia fixa, acida totaliter destruant, inq; aliud ens ambo degenerent, à quo arte revocabila nunquam, longè fallitur.

Posito enim, salia volatilia ab acidis tantùm quodammodo immutari, fixa autem alcalia ab iisdem totaliter destrui, hoc sanè nondum evincit, ista alcalia dici non posse, quia & dicta immutatio, & destructio contrarietatem involvunt, & in utràque salia in aliud ens degenerant.

Si tamen tanta adesse debet similitudo, neque reliquis salibus è cineribus elixiviatis alcali nomen competeret, quia, uti supra monui, hoc unico è herbà Kali combustà educto salì propriè debetur; reliqua autem & ratione vegetabilium, è quibus parantur, & specificè differentia, cùm in cinere salem, in sale tanquam in gremio cujuscunque entis aut vegetabilis semina, quàm & plasticam virtutem latitare, Zvelserus pag. 121. Apolog. contra Tacken. statuat, differunt.

Quamquam etiam, venditam illam destructionem esse de nihilo, Tartari vitriolati spiritus acidus comprobet, quem nimirum artè è dicto Tartari magisterio revocabilem esse, pag. 521. ostendi.

Benè autem hic monet Zvelserus, salia volatilia urinosa, & acida, invicem mixta, non destrui, sed tantùm immutari, quia iterum separari possunt.

Quod si alibi attendifset, duo ista salia se invicem non destruire, haud adstruisset; veluti pag. 28. & 38. Append. animadvers. id factum fuit.

Et pag. 72. in hac ipsà salium præsenti tractatione, de salibus urinosi animalium confirmat, quòd ea avertentur acida, illisq; contraria sint, destruendo cuncta fermenta acida, & spiritus corrosivos omnes, quos in aliud esse planè commutant, illis ipsis salibus reciproce in salsedine destructis, ac in aliam naturam conversis.

Sed nomen alcali si tantùm ex incineratis corporibus, elixiviatis salibus fixis, acidisque contrarijs competit, nimis licentiosè illud ipsum salinix, sive acido-salfo, ex parte etiam volatili, Zvelserus imposuit, dum Mantiss. spagyr. part. 2. cap. 8. sal ex salis tartari 3iij, salis ammoniaci 3iij, spiritus salis 3vj, spiritus vini (qui tamen quoad spirituosam suam partem majori ex parte, si non totus, abstrahitur, ut ita non phlegma saltem prodeat) 3iij. coagulatum binà vice sal alcali adpellat.

Verùm ad specialem salium horum volatilium urinosorum tractationem revertor, quæ ut plurimum ex animalibus desumi, Zvelserus scribit. Econtra pag. 218. Pharmacop. Reg. nullum substantiale existens sal ex Vegetabilibus, uti ex animalibus indies acidit, arte elici posse, adfirmat. Quod tamen & contra experientiam, & ipsum Zvelserum militat.

Unicum prodeat *Sal tartari volatile*, quod revera dari, hæc nostrâ ætate dubitare, ampliùs non licet; quo de imprimis elegantissimus tractatus *Excell. D. Ludovici de volatilitate salis tartari* videri potest.

Ut de illo modo, quem *Anno Secundo Ephemeridum medico - physicarum Germanicarum curiosar. Observat. 38.* insertum reperimus, nihil dicam; cùm vermiculos, in *fecibus vini* situ oblitis prognatos, illud fundere, ac ita ad salium volatilium animalium censum referendum esse, videri faciliè posset.

Ipse quoque *Zvelferus Sal tartari volatile* conficiendi possibilitatem, pag. 247. *Pharmacop. Reg.* magno verborum fastu proponit.

Tartarus autem non ad aliud rerum naturalium regnum commodiùs, quàm Vegetabile referri potest. Unde etiam à *Zvelfero Sal vini* adpellatur.

Ut nihil dicam de oleorum è vegetabilibus destillatorum in sal volatile possibili transmutatione, ab *Helmontio cap. 15. §. 7. de febb.* memoratâ, aliisve modis. Consul. *Clar. Joh. Georg. Wedelij Discursus de sale volatili plantarum* nuper editus, in quo illud ex herbis elicere docet, pleniori illius artificij delineatione in aliud tempus reservatâ.

Quamvis ut plurimum ex animalibus salia volatilìa hæcenus desumpta fuisse, cùm reliquorum notitia non æquè exstiterit, haud contradici queat.

Cavere autem sibi, vult *Zvelferus*, illum, qui è verè venenatis animalibus, vivis præsertim destillationi commissis, salia volatilìa conficere satagit, ne sibi aliisque mortem inopinatè & inscius adsciscat, solo odore eorum, percepto, cùm summè penetrabilia sint. Quo ipso *sal viperarum volatile* summè penetrans, vel odoretenus saltem nocere, & interimere posse, suspicari liceret; cùm ex verè venenato animali, i. e. *viperâ*, eliciatur. Imò *spiritus viperæ vivificus*, subtilissimum, penetrantissimum sal volatile continere venditatus, è recenter mactatis & vivis adhuc viperis destillatus, hac ratione non ampliùs possidere insignes illas virtutes, tam curiosè conservatas, videri posset.

Salis volatilìs urinae destillationem, quam etiam producit *Zvelferus*, suo n precio relinquo; quod ex *urina* separare, jam dudum Chimici sciverunt.

De sale volatili urinoso, è *sale ammoniaco* per *tartari salem* separando, ea, quæ de spiritu ejus urinoso pag. 469. dicta fuerunt, huc quoque trahantur.

Sequuntur 2. salia volatilìa acido - salia *Zvelferi*, sive neutra, aut ex acido & alcali volatili mista; è quorum numero pauca esse, scribit, excepto *sale ammoniaco*, nisi arte talia efficiantur, quod à salium volatilium urinosorum cum *spiritibus acidis, vitrioli &c.* usque ad punctum saturationis conjunctione fieri, notum est,

Sed non leve hic oboritur dubium, an salia ista, *ammoniacum sal* præsentantia, inter merè volatilia reponi possint? E volatili urinoso quidem consistunt, adjunctum tamen acidum, v. g. *spiritus vitrioli &c.* majori ex parte fixum esse creditur; unde etiam inferius *Tartarum vitriolatum* fixis Zvelferus adnumerat, cum tamen & ipse *spiritum vitrioli* pro sui compositione requirat.

Zvelferus quoque *salis viperini volatilis fixationem* pag. 277. *animadvers.* tradens, eandem cum spiritu tali acido, videlicet *salis communis*, à fugâ coërcet.

Prout etiam revera illa *salia ammoniaca*, aëri exposita, non faciliè, uti aliàs salia volatilia urinosa, nondum ab acido ligata, solent, in auras abeunt.

Licet verò calori violentiori tradita in sublime ferantur, volatilia tamen idcirco propriè non sunt; cum acidum illud fixitatem, qualem prius habuit, retineat, atque per fortem flammam non nisi violenter ab urinoso sale in altum elevetur.

Aliàs etiam ipsum *Martis corpus*, & *sal commune*, inter salia fixa à Zvelfero relatum, volatilia essent corpora, cum & eadem, uti in *Floribus* videre est, ab *ammoniaco sale* in sublime ferantur. Licet *Mars* iterum ab eo separatus fixitatem suam denuo exhibeat.

Impropriè autem salia hæc volatilia adpellare, per me integrum esto; quamvis hoc in loco cuncta propriè sumenda esse, materiæ tractatio requirere videatur.

Quòd salia hæc anomala *indeperditis viribus* totum corpus penetrent, & ad extremas corporis humani partes pertingant, non simpliciter admitti potest. Si enim per *indeperditas vires* intelligat eas, quæ ab urinosi volatilis & acidì conjunctione proveniunt, tunc dubium occurrit, annon vinculum illud in corpore dissolvi queat, antequam ad ultimas seu extremas corporis partes pertingant salia dicta.

Sin istas vires innuat, quas utrumque separatim, alcali scilicet volatile, & acidum possident, iterum non admittitur decisio, cum nativas suas vires per factam conjunctionem deposuisse ea, ex ipso Zvelfero, imprimis pag. 38. *Append. animadvers.* probari queat.

Tandem noto, Zvelferum ex *sale ammoniaco sal* aliquod naturale, effingere, è salium volatilium acido-salforum numero *parca* esse, tradens, *naturà suà*, excepto *sale Armeniaco*, nisi arte talia efficiantur. Quod tamen eorum salium classèm, quæ ab arte producuntur, subire quoque cogitur.

3. Salia fixa purè salia, sive lixivialia, & alcalia propriè sic dicta, fixa, se sistunt; quorum verum parandi modum in animadversionibus edocuisse se, notat,

se, notat, admotâ cautione, ne cineres *sulphure*, præsertim in magnâ quantitate admixto, calcinentur, aut cum *aquâ forti* crySTALLIScentur, quàm eo modo à naturâ alcali destruantur &c. Quod equidem, si alcalia pura expectantur, ita se habere, non repugno.

Sed paucum etiam adjecti *sulphuris*, quod scilicet acidum quoque spiritum alcalibus impertitur, à Zvelfero fuisse pro alcalium confectiōe admissum, inferiùs dicitur; quo ipso non pura ampliùs sunt alcalia, sed mixta, & Zvelferi terminum ut adplicem, acido - falsa salia proturgunt.

4. Denique salia acido - falsa fixa adducit, quæ in naturalia, & artificialia subdividit; illis *sal commune, gemme, nitrum* etiam adnumerans.

De *nitro* solùm, quod medium inter volatile, & fixum esse, *parte 2. Mantiss. stagr. cap. 11. pag. 403.* statuit, moneo, quòd idcirco minùs convenienter salibus fixis adnumeretur.

Unde etiam præstasset, salia non simpliciter in fixa, & volatilia distinguisset, sed tertiam insuper classem, nempe eorum, medio quæ se habent modo, addidisset. Qua ratione quoque *sal ammoniacum* non salibus volatilibus, sed medio huic ordini adscribi postulare.

Artificialia vocat *Tartarum vitriolatum*, & quæ ex aliis alcalibus eadem ratione fieri possunt salia; de quo *Tartaro vitriolato* prægressum ejusdem Examen consulatur.

Hiscæ adnumerat salia fixa propriis spiritibus acidis essentificanda, ex quolibet vegetabili paratu possibilia. Quem itaque in censum in præcedd. jam notatum *sal essentielle vini*, sive *Terra foliata tartari* venire pari jure debet.

Quanquam, uti loquitur *Kolsfincius Chim. in art. form. redact. lib. 5. sect. 1. art. 1. cap. 14.* non planè fixa sit Terra hæc, nec planè volatilis.

Sed hæc fixa essentificata salia neutiquam salibus puris & legitimis adnumerari possunt, quia *sal præfatum vini essentielle* per retortam vitream, in arenâ positam, valido igne oleum & liquorem subamarum, (quem *Arcanum tartari* vocitare, consueverunt) instar *tartari*, monitore *Tackenio*, emit. *Tartarus* autem, qui oleum, spiritum empyreumaticum &c. destillando præbet, superiùs à Zvelfero inter salia illegitima primâ fronte relatus fuit.

Cæterùm in salium horum enumeratorum ordine nullum planè acidorum collocatur; quæ licet in liquidâ ut plurimum formâ proffent, difficulter in siccam vel crySTALLINAM formam redigenda, salibus tamen adscribi haud renuunt, cum isti spiritus, vel liquores acidi aliud non sint, quàm salia in phlegmate soluta, ideoque salium fluores aptè satis *Willisso* audiunt; eontra falsia spiritus sicci dici queant. Quale exemplum Zvelferus in.

Mantiss.

Maniff. fpagyr. pag. 322. Subminiftrat, ubi *ſpiritus ſicci urinae* mentionem facit; quo non niſi *ſal urinae volatile* intelligere videtur. *Sal etiam volatile tartari* vocat liquorem, vel exiguum, vel planè nullum ſal volatile continentem.

Quare pro diverſa intentione, alia, & meliores ſalium diviſiones tradi poſſent; quorum omnium optima eſſe videtur, quæ ſit in acida, alcalica & anomala; quæ iterum in volatilia, fixa, & mediæ conſiſtentia diſpeſcuntur.

Sed miſſis hiſce, ad ſpeciales Salium Auguſtanoꝝ deſcriptiones accedo.

SALIA VEGETABILIIUM PER INCINERATIONEM PRODUCTA *pag. 451.* primo loco ſe offerunt, circa quorum præparationem niſi, quod propriè contra Auguſtanos militat, adducit; uti de vegetabilium combuſtione, cinerum cum æquali vel duplâ *ſulphuris* proportionem calcinatione, ſalium cum aquâ forti cryſtalliſatione, & quæ huiusmodi alia ſunt. Quæ tamen breviter nihilominus percurrere, ſubet.

1. Non conceditur, herbas, radices &c. ideo in aprico comburendas eſſe, quòd in ollâ, vel alio vaſe non cineres, etiamſi diu crementur, ſed carbones tantùm, pro ſale extrahendo inutiles, ſuppeditent. Siquidem, in ollâ vel vaſe clauſo ſi combuſtio illa tentetur, hoc evenire, licet non contradicam, in apertâ tamen ollâ, vel vaſe, ubi forti illud igni committitur, negotium longè aliter ſuccedit; ubi nempe cineres etiam albi ſatis impetrantur.

2. Si cineres cum æquali, vel duplâ *ſulphuris* portione, ad huius conflagrationem uſque, calcinare, nullo modo probari poteſt, cum acîdus *ſulphuris* ſpiritus, ſali, in cineribus exiſtenti, miſtus, illud vitriolatum reddat, inque aliud eſſe peregrinum, mutatâ nativâ proprietate & indole, tranſmutet; nullâ ratione conceſſam à Zvelſero cinerum, minori licet cum *ſulphuris* quantitate, calcinationem probare poſſum; quia ex parte vitriolatum, ut termino hoc Zvelſeri utar, ſal iſtud ita redditur, atque à nativâ ſua proprietate & indole aliquantum immutatur.

Scilicet eo pacto, veluti *Billichius* loquitur, tantùm ferè decedit ſinceritati, quantum concretioni accedit.

Interea illam cinerum cum *ſulphure* calcinationem, ubi ſimpliciter ſal alcali ſimplex expetitur, neutiquam adprobo; nec, ubi non uſque adeo ad hoc reſpicitur, penitus rejicio.

Quòd autem *ſpiritus ſulphuris* tale cinerum alcali vitriolatum reddat, impropria ſatis eſt locutio.

Licet inſtar *Salis tartari vitriolati* taliter paratum ſal concreſcere, ejusque naturam imitari queat, vitriolatum tamen indè minimè redditur; cum neque

neque *vitrioli spiritus*, (licet is cum *spiritu sulphuris* multum conveniat) nec aliud quid vitriolatum ipsi accedat.

3. Si verò pauxillum *sulphuris* additum salia ista tantopere immutare nequit, quò minus nativam suam indolem exserere queant, *aqua fortis* etiam additio non planè rejicienda esse videtur, dummodo modica ejusdem instillatio fiat.

4. *Aquam fortem* ideo conjungi, scribit, quò minùs in frigore liquefiant salia &c. Sed alcalia non tam in aère frigido, quàm potius humido liquefunt, vel solvuntur. Ille enim, ubi non simul esset humidus, salia tam facillè haud permetteret liquefcere; cùm econtra, calido etiam, sed pluvioso existente aère, promptè solvantur.

5. Salia ista elixiviata & exsiccata igni fusorio in crucibulo, quò puriora evadant, si impura sint, committi posse, non contradico. Quamvis, ubi cineres ritè calcinati, & debitam ad albedinem perducti fuerint, sal indè satis purum, unà vel alterà vice illud solvendo, tandemque crystallizando, eliciatur.

Catèrùm observandas in his præparationibus utiles *ἐνχρησεις* plures similibus intentus laboribus artifex sibi met notare facillè potest.

De SALE CORALIORUM *pag. eàdem* hoc tantum notat, quòd illud se habeat ad modum solutionis eorum, cum aliquo corrosivo spiritu facta. Hoc ita se habere certum est; nec aliud Augustani per illam *coraliorum* cum *sulphure* calcinationem hìc quærunt, quàm eorundem à *sulphuris* spiritu acido corrosionem, quò postmodum sal indè prognatum extrahi queat.

Quæ de violentis *coraliorum* calcinationibus superaddit, neque Augustanos tangunt, neque examinanda in me suscipio.

SAL PRUNELLÆ *pag. cit.* quod *Nitrum clarificatum* vocat, diversimode parari posse, animadvertit, vel per injectionem *sulphuris*, dum *nitrum* in crucibulo ignito fluit, vel per reiteratas solutiones, filtrationes, & crystallisationes. Quo nihil notatu dignum aliud adfert, quàm quod ab ipsis Augustanis jam traditum fuit.

Ipsè verò, ut quid addidisse videatur, ultimam solutionem, pro diversitate adfectuum, quibus adaptari debet, in succis depuratis herbarum, vel decoctis earundem clarificatis, non incommode fieri posse, monet. Verùm non nisi paucum est, quod taliter crystallisato *nitro* à succis vel decoctis accedit. Cui tamen modum hunc observare libet, illi per me integrum hoc esto; quamvis Medicus, *lapidem prunella* adhibiturus, facillè pro diversitate
adfe-

adfectuum, in quibus exhiberi debet, omni tempore varia ipsi in competente quantitate conjungere possit.

De SACCHARO SATURNI pag. 452. hoc saltem notat, quòd non solum ex *plumbo communiter calcinato*, sed etiam ex eodem *laminato saltem*, & *granulato*, ac *minera* ejusdem, nec non *cerussa*, *lithargyro*, ac *minio*, purius tamen ex uno, quàm ex alio, beneficio *aceri destillati*, vel alterius liquoris acidi, elici queat. Præ omnibus tamen ad negotium hocce eligendum esse ipsum *plumbum*, censet.

Non quidem præparationem *Sacchari Saturni* ex *plumbo crudo* rejicere, animus est, sed eandem omnibus reliquis præferre, neque; cùm commendata *plumbi calx*, per se, solâ calcinatione, facta, *plumbo crudo* puritate vix cedat, atque ita æquè purum *Saccharum* largiatur, in hoc fortè præstantior, quòd superinfusum *acetum destillatum* promptius illud corrodere, sicque eo imbuti queat, particulis scilicet acidis cum *plumbi* minutis atomis se permiscuentibus, & ita plures earum unâ vice corrodentibus; quod cum *plumbo laminato* non æquè succedit.

Si autem *Saccharum Saturni* è *crudo plumbo* paratum aliis ejus speciebus præferendum est, mirari dignus est Zvelserus, quòd ipse in *Pharmacopœia Regiâ Saccharum* hoc, è *minio* productum, in aliquibus compositionibus studiosè præscribat; prout *Unguentum hamorrhoidale* pag. 280, & *Unguentum nihili ad oculos* pag. 283. illud testantur.

Mineram Saturni, quam hic adducit, in *Mantiss. spagy. part. 1. cap. 6. pag. 347.* pro extrahendo *Saccharo* planè rejicit. Quod etiam ipsi concedo.

Nos maneamus in terminis, & præscriptam *more figulorum* paratam, *plumbi calcem*, faciliè impetrandam, *Saccharumq;* elegantissimum præbentem, retineamus. Quid alij expetant, Augustanos non angit.

Hanc *Sacchari Saturni* præparationem ulterius reformaturus, pag. 69. *Append. animadvers.* triplicem de eo instituit quæstionem.

I. Utrùm *plumbum* (brevitatis enim gratiâ de reliquis metallis, aliisque huc non spectantibus discursum transilio) verè calcinari, & in cineres veros redigi possit, è quibus sal extrahendum? Concluditque, leni illâ præscriptâ calcinatione, figulorum more peractâ, in *pulverem* & *quasi cineres converti*, qui tamen pulvis violentiori igni traditus, in suam pristinam formam metallicam, scilicet *plumbum*, redeat. Ex quibus patere, scribit, pulverem hunc *plumbi* non esse veros cineres, sed metallum sive *plumbum* radicalis suæ humiditatis particulâ privatum. Quæ tamen contra Augustanos non decertant, qui *cinerem plumbi* pro conficiendo dicto *Saccharo* dum præscribunt, haud ignorarunt, non esse verum cinerem, sed, uti Zvelserus loquitur,

quitur, *quasi cinerem*; quatenus nimirum ignis ope calcinatur & quasi con-
crematur *plumbum*, pulvere exin grysei vel cinerei coloris emergente.

In Chimia tales adplicare terminos, nihil novi est; prout hujus exem-
plum *croci* vox sinit. Unde etiam apud Zvelferum *Crocus Solis, Martis &c.*
legitur, non quod metalla illa in illos *croci flores vegetabiles* abiisse, credan-
tur, sed denominatione ut plurimum ab externo illo accidente, colore ru-
bundo, croceo desumta.

Neque Augustani istam *plumbi* cinefactionem tradiderunt, ut inde sal
aliquod elixivari possit, sed potius ut in minutas particulas redactum *plum-
bum* ab aceto adfuso solvi, inque salis æmulantem formam redigi facilius
queat.

2. Utrum *Sacchari Saturni* sit vera extractio, an verò solutio? Ubi late
si sumatur vox illa, extractionem dici posse, verum tamen solutum metal-
lum, & *plumbum* esse, determinat, quod levi operâ in pristinum metallum,
reduci queat. Qua in significatione, videlicet latâ, Augustanos quoque
vocem: *extrahere*, sumere, regeo; & ita animadversione Ipsi non indigent.
Imprimis cum adscclam habeant ipsum Zvelferum, qui extractionis vocem,
metallorum etiam solutionibus adaptare, non fuit veritus.

Sic pag. 343. *Mantiss. spagy.* de *Spiritu Veneris* agens, eundem quoque
posse ex *crudo are viridi* destillari, monet, ne quis de *laboribus &c.* pretio, in
extractione &c. *crystallisatione aris viridis* conqueri possit; cum tamen *as vi-
ride* propriè non extrahatur ab *aceto destillato*, sed dissolvatur. Quare etiam
pag. 52. *Append. animadvers.* dum *Spiritus* illius præparationem describit,
non nisi solutionis terminum *viridi aris* adplicat.

Pag. 345. *Mantiss. spagy.* talia profert: Ex *Stanno calcinato &c.*
extrahatur, ope aceti vini destillati acerrimi, dulcedo, saccharum, sal, sive vi-
triolum Stanni, uti appellare lubet. Et mox subnectit: *Solutio* filiretur.

Pag. 347. loc. cit. de *Saccharo Saturni* sermonem instituens, *Quam-
vis* verò, ait, etiam ex *minera Saturni* haud difficulter *saccharum dictum*
extrahatur.

3. Utrum hoc *Saccharum*, vel *Vitriolum plumbi* edulcorari possit, repe-
titis solutionibus aquâ simplici, filtrationibus & coagulationibus, prout in
Augustanorum processu præcipitur? Quod fieri posse, negat. Tam neces-
sariam equidem esse edulcorationem hanc, si pro *Spiritus acidi separatione*,
ea fiat, non contendo. Ast si fortè ejus aliquid, *plumbo* nondum saturatum,
remaneat, haud plane inepta foret dicenda. Qua de materiâ, sic monente,
Zvelfero, ea, quæ de *solutionis corallorum* edulcoratione prolata fuerunt,
consultantur.

Sufficiat

Sufficiat hîc, si per reiteratas cum aquâ pluviali solutiones, filtrationes, & exsiccationes *Saccharum* hocce purius reddatur, ac ita labor non inutilis præcipiatur.

SALIS TARTARI, & SALIS VITRIOLI VOMITO-
RII pag. eâdem præparationes artificiosi nihil continere, animadvertit. Licet magnum non contineant artificium; illi tamen, qui eas insituere antea nescivit, satis artificij offerunt. Quo modo plurimæ operationes pharmaceuticæ, & chemicæ, artificium aliquod continere creditæ, se habent.

Neque illud *Sal vitrioli vomitorium Salæ*, si ritè parari debeat, omni caret artificio, quod in justâ *vitrioli* ad colorem brunnum calcinatione consistit, quæ si deficiat, vel excedat, *Sal incarnati coloris*, qui expetitur, non exhibet.

Unde *Rolfincius Chim. in art. form. redact. lib. 5. sect. 1. art. 4. cap. 3.* calcinationis terminum curiosè observare, jubet; Si deficias, inquit, & *vitriolum calcinatum colorem prædictum non adsequatur, nihil aliud extrahetur, quàm vitriolum ejusdem, vel parum labascens coloris & saporis. Sin excedas, ut omnibus spoliatur spiritibus, neque sic optatus sequetur eventus.*

Ex quo vel solo etiam patet, quòd *sal hoc* non sit idem cum *vitriolo albo*, quòd albi coloris existit.

Sal tartari potius è *tartaro*, per solutionem & crystallisationem deputato, quàm crudo esse parandum, nulla adhuc fontica causa à *Zvelfero* producta fuit. Quod enim de eo in *animadvers. Tartari vitriolati* protulit, nihil inferre, earum Examen demonstrat.

SPIRITUM VITRIOLI COAGULATUM, de quo pag. cit. agitur, diversis modis cum variis salibus parari posse, non est dubium. Aliqui etiam *spiritus vitrioli* coagulationem per se quærunt; quæ tamen voto raro respondet. Spontaneæ concretionis *Billichius*, & *Tenzelius* meminere.

Mihi istum saltem modum, cujus descriptionem *Augustani cum sale absinthij* tradunt, considerare, placet; quem *Zvelferus* improbat, quia *sal illud absinthij* spiritui huic acido contrarium, atque idcirco necesse sit, ut multum *spiritus* inutiliter perdatur, tantum scilicet, quantum fuerit *salis coagulantis*; tantum enim circiter in se recipere *salia*, scribit, antequam *aciditas spirituum acidorum* indestructa, vel immutata sese manifestare possit. Verùm istam *spiritus* partem, *alcali saturantem*, inutiliter deperdi, falsum est. Licet *sapor ejus acidus* ita occultetur, inutile tamen haud reddit *coagulum*, multò minùs in eodem destruitur, ceu ex superiùs vindicatâ *Tartari vitriolati* destillatione patefcit.

De SALIBUS THERIA CALIBUS, Quercetani imprimis, pag. eâdem
 B b b b

eàdem in *animadvers. super Append. Classis decimæ quartæ* se egisse, notat; quò itaque Lectorem amicum relegat. Ast *Confectiones* illas *viperinas Quercetani* (licet in nonnullis reformari eas posse, haud diffitear) adeo inconcinnas, uti *Zvelferus* putat, non invenio.



FLORES.

DE FLORIBUS ANTIMONII *pag. 455.* notat, exactam, ipsorum præparationem *Glauberum tract. 1. Furr. philosoph.* tradere, ad cujus imitationem, licet furnum illum in promptu non habeamus, sublimatio eorum diversimode institui possit. Quæ omnia intacta relinquo, quia hæc ab Augustanis traditam normam erroris non insimulant.

FLORUM SALIS AMMONIACI *pag. eàdem* tot reiteratas sublimationes rejicit, cum majoris efficaciz sint post primam à *Marte* sublimationem, quam si quinquies vel sexies, additione recentis *salis simplicis*, sublimati essent. Non quidem negabo, reiteratam toties cum *sale communi* sublimationem restringi posse, sed omnem planè rejicere nequeo.

Si majori *Martis* virtute Flores hos imprægnare libeat, *ferrum* alio aliquo modo præparatum, loco *squamarum ejus*, adhiberi huic sublimationi posse, concedo; prout id uniuscujusque intentio requirit.

Zvelferus sal ammoniacum, cum *chalybe*, aquis corrosivis, *aceto*, aut similibus nonnihil prius corroso, vel cum *croco Martis* aperiente non nimium calcinato sublimatum, dum *Salem* præbere, statuit, ad denominatos affectus efficacissimum, titubat; siquidem quibus in adfectibus ij usurpandi sint, neque Augustani, neque *Zvelferus* denominarunt.

FLORUM BENZOES *pag. cit.* sublimatio præscripta ritè se habet; alio tamen modo, etiam è *butyro benzoës*, per retortam destillato, confici eos posse, non est dubium.

FLORUM SULPHURIS *pag. eàdem* sublimationem, sine additione corporis cujusdam, quod liquefactionem *sulphuris* impediatur, haud commodè perfici, sed non admodum prudenter eos procedere, animadvertit, qui idcirco caput mortuum *vitrioli* addunt; quia hoc modo difficulter, & pauci Flores adscendant, eò quòd *sulphur* aciditate suâ rodendo terram *vitrioli*, quam in pristinum *vitriolum*, vel esse ferme restituat, se destruat. Unde denuo

denuo ansam de *spiritus salis, nitri &c.* destillatione agendi arripit, studio-
sequè observandum esse, monet, ne res illi commisceantur, in quas hi spiri-
tus acidi agere, & necessariò se mutuò destruire debent; quam unicam esse
causam, putat, in hunc usque diem necdum perpensam, quòd haud feliciter
hæ, *salis* ut plurimum, destillationes cedant. Sed quod incommodam *Flo-
rum sulphuris*, ob liquefactionem hujus mineralis, sublimationem attinet,
eam ita se habere, concedo, imprimis ubi ignis justò nimis intenditur, qua-
ratione *sulphur* facile liquefit, *Florumque* elevationem impedit.

Attamen corpus aliquod propterea ipsi addere, tam necessarium haud
est; siquidem solum etiam *sulphur* in frustra conquassatum, sive grossè con-
tusum, cucurbitæ, moderato arenæ calori &c. commissæ, per vices injectum
(quod eò facilius observare licet, cum alembici alternatim impositi sapius,
pro eximendis, qui jam adscenderunt, Floribus, removeantur) impedimen-
tum istud præcavet.

Illorum procedendi modum, qui *caput mortuum vitrioli* in sublima-
tione *sulphuris* addunt, eatenus hic non curo, cum Augustani eundem non
tradiderint.

De *spiritus salis, nitri*, cum argillâ &c. destillatione in superioribus jam
tractavi, è quibus repetitæ hoc in loco à Zvelfero admonitionis vanitas
unicuique satis patefiet.

Sulphuri, ceu suadet Zvelferus, *sal commune* in duplo pondere adjicere,
proficuum usque adeo esse nequit; hac enim ratione non simplices *sulphuris*
Flores impetrantur, quibus nimirum aliena à *sale* aciditas inhæret, in nonnullis
pectoris adfectibus, ubi Flores hi aliàs commendantur, non semper proficua.

Hoc verò notatu dignum, à paucissimis tamen animadversum, quod flores
sulphuris salis usti seu fusi commistione, reddantur noxii & corrosivi quasi; uti
Zachar. Brendelius *Chim. in art. form. redact. sect. 2. cap. 4.* scribit.

Adhærere autem aliquid, ipse Zvelferus *Mantiss. pag. yr. part. 2. cap.
20. pag. 398.* fatetur, dum *sulphur* cum *sale decrepitato* sublimatum, hujus
spiritibus in viribus suis magis intendi, adferit.

Ulteriùs frequenter reiteratas *Florum sulphuris* sublimationes non usque
commendat. Mihi quidem easdem magnopere commendare, animus haud
est; qui tamen puriores tenuioresque Flores desiderat, is debite sublimatio-
nem eorum repetendo, faciliùs scopum suum adsequitur.

Tandem concludit: Si mihi daretur optio, ego crudum *Sulphur*, imò vi-
zum, si purum & candidum esset (prout etiam reperitur) præ Floribus aliquo-
ties etiam sublimatis amplecterer, & tutò traherem in usum; utpote quod suo
adhuc gaudeat *sale centrali nativo*.

Et *Mantiff. spagy. l. c. Floribus sulphuris* ipsum sulphur crudum & purum, & si in promptu sit, & haberi possit, nativum, transparens, & purissimum præfert, postquam in sublimatione, quanta quanta illa sit, sulphur sale suo, veluti nativo, maximâ ex parte privari, prodidit. Mihi verò, crudum sulphur, purum licet videatur, Floribus esse præferendum, simpliciter concludere, inconveniens videtur.

Illud quidem sale suo centrali nativo adhuc gaudere, objicit; quid tamen per illud intellectum velit, non explicat. Sal autem acidum, quod, accedente humido in spiritum resolvitur, dum sulphur deflagrat, si intelligat, utpote quod propriè sal ejus nativum est, longè fallitur; cum hoc æquè in Floribus adhuc persistat, ex iisdem, uti è sulphure crudo, eliciendum.

Interea tamen *crudi sulphuris puri & transparentis* (candidum nunquam, sed ad albedinem nonnihil inclinans, vidi) usum medicum minimè impugno, quem Augustanis etiam notum esse, Eorum Dispensatorium monstrat.

Reperiri autem sulphur transparens, Officinæ non ignorant. Prout quoque *Dioscorides* inter sulphuris vivi optimi notas hanc recenset, quòd colore translucens esse debeat.

Talis sulphuris maximè transparentis in *Musei Francisci Calceolarij descriptione* mentio fit *sect. 2*, quod è Peruanæ Provinciæ fodinis aureis erutum in dictum Musæum fuit transportatum, colore fulvo aurum purissimum æquans, ac vitri instar pellucidum.

Mittit nobis, scribit *Nicolaus Monardus simplic. medicam. histor. cap. 56. Quito* provincia Peruana Sulphur vivum præstantissimum, ut vitrum translucidum, colore auri purissimi, cujus fragmentum pusillum lucernæ admotum, odorem maximum sulphuris ejaculatur, fumo viridi permistum; sed antequam incendatur, nullum Sulphuris odorem præbet. Eruitur istic è venis proximis aurifodinis.

Simile etiam aurei coloris, transparens, elegantissimum sulphur Helvetia nobis subministrat.

De FLORIBUS SULPHURIS COMPOSITIS *pag. eàdem* aliud nil profert, quàm quòd Lectorem ad *Schröderum* remittat. Quod per me quoque licet.


Augustanorum tamen eos parandi modus, ipso Zvelfero arbitro, præ aliis nonnullis commendationem meretur; dum aliud non sunt, quàm *florum sulphuris uncia tres*, cum aloës; & myrrha an. uncia una & croci scrupulo uno permixta, atque sic pollinis subtilissimi formâ ad usum servatæ.

Nonnulli enim species has ipsi sublimationi committere non dubitarunt; contra quos Zvelferus *l. c. pag. 399.* decertat; dum à similibus non nisi foetorem & coloris inelegantiam, nequicquam verò virtutis sulphuri, ejusque

ejusque *Floribus* accedere posse, statuit; cùm *crocus*, aloë &c. in sublimatione veluti comburantur, ac in sua principia, oleum foetidum, atque spiritum, talem aquosum resolvantur. Quare consultius esse, & magis probabile, autumat, ut talia simpliciter saltem *Floribus sulphuris* commisceantur.

Quod ipsum quoque, unà cum aliis, *Schröderus* in *Pharmacop. medic. chim. lib. 3. cap. 28.* circa *Flores sulphuris gummatos seu myrrhatos* monuit, felicius procedere eos, judicans, qui *Floribus sulphuris* jam factis species solummodo admiscant; cùm vix quidquam citra combustionem ex gummatibus unà cum *sulphure* adscendant.

Ubi quidem in confesso est, à foetido empyreumatis odore dictos *Flores myrrhatos*, & qui alij cum largâ similibus rerum additione sublimantur, tueri se vix posse. Idem tamen simpliciter de omnibus dici haud posse, *Rolfincius* autor est. Unde *l. c. lib. 5. sect. 4. cap. 6.* formulam præscribit, ita constitutam, ut empyreuma præcaveatur; quam *cap. 12. Dissertat. chim. 2. de Sulph.* repetit, atque hanc sublimationem ritè se habere, contra ejusdem Censores defendit.



CROCI, VITRUM, SUBLI- MATI, PRÆCIPITATI, ALIQUE PUL- VERES CHIMICE PRÆPARATI.

CROCI MARTIS tot tantosque in Tyrocinis chemicis exstare, processus, laboriosissimos nonnunquam, animadvertit, ut tædium adferant Lectori. Sit ita; duo tamen, *pag. 456. & 457.* ab Augustanis producti illum parandi modi, adnumerari iis nequeunt.

Variè consimiles Crocos elaborari posse, non est dubium, adsignati tamen Augustanorum modi ab iis non tolluntur.

De *priori*, qui per solam *Martis* igne valido calcinationem conficitur, notat *Zvelferus*, quod eum adfusâ aquâ edulcorare, vel abluere, ingentis sit stupiditatis, quia nullâ acrimoniâ, aut impuritate is scateat; sed ablutione, illâ nihil efficiatur amplius, quàm quod datâ operâ omnis vis adstrictoria eluatur. Crocum hunc adfusâ aquâ edulcorare, necessarium esse, equidem haud reputo. Attamen eandem ingentis accusare stupiditatis, minimè decuit. Mitiori, non tam, impotentis animi indice, calamo maligno, similia excuti-

excutienda sunt; præcipuè cum ablutio illa medicamentum hoc effectum minimè reddat.

Quòd omnis vis adstrictoria eluatur, falsum est. Cum enim nihil sit, quod à Croco hoc per aquam infusam tollitur, neque acrimonia aliqua, neque aliud quid, & *Crocus Martis* ejusdem qualitatis, cujus antea erat, remaneat, quomodo vis ejus adstringens eluitur? Namque hæc si ipsi terrestri illi metallico corpori, in tenuissimum pollinem redacto, inest, hoc autem post abluionem integrum adhuc invenitur, qua ratione omnis adstrictoria vis ab eo ablata dici potest?

Sed de hoc dubio quædam in *Examine animadvers. Emplastri magnetici Ang: Sala, & Opateldoch Mindereri* prolata fuerunt, hinc quoque adplicanda.

Idem de *Croco Martis* altero format judicium, quem *aperientem* vocat; quippe, si is edulcoretur, totam ipsius vim & efficaciam in sale vitriolato dulci consistentem, penitus auferri arbitratur. Quam objectionem, cum Augustanis ea non debeatur, utpote qui prædictum Crocum edulcorare non præcipiunt, illis, ad quos ea spectat, perpendendam relinquo.

CROCUM METALLORUM pag. 457. commodè posse secundum præscriptum processum parari, notat, sibi quæ usitatum præparandi modum illum, à *Schrödero Pharmacop. lib. 3. cap. 27. num. 4.* descriptum, fuisse, subnectit; ita tamen ut in crucibulo aperto, non clauso calcinationem paulatim ac per vices perfecerit. Verùm in crucibulo non simpliciter clauso, sed *relieto foramine* calcinationem hanc instituere aliquos, d. l. *Schröderus* memorat. Ubi æquè *Crocus* ille impetratur, ac si in latè aperto crucibulo operatio ista peracta fuisset. Nihil aliàs refert, siue unà vice materia immissa fuerit, siue per vices eadem imponatur; quanquam citius in uno, quàm in altero modo laborem ad finem perducere, certum sit.

Aliàs *Zvelseri* hæc commendata detonatio, si in *Aluminis ustionem* scriptæ animadversioni pag. 404. aures præbeamus, non omnino probari potest; ibi enim, dictam ustionem posse in alembico terreo vitreato fieri, notat, ut spiritus ejus, qui præscripto modo perit, adservetur, & sic illos, qui *aluminis ustionem* simpliciter in vase aperto perficiunt, Augustanosque reformatur. In hac autem *antimonij, nitri, & tartari* detonatione, ut de *floribus antimonij* unà adscendentibus nihil dicam, utilissimus spiritus in auras migrat, quem per retortam tubulatam capere potuisset, prout consimiles destillationes, imprimis sub Clyfforum nomine, prostant, & à *Schrödero* quoque *Aqua stimmi sulphurea*, nec non *tartarea lib. 5. cap. cit.* habetur.

Id quod monitum tantum volo, ut videatur, quàm benè *Zvelserus* alios reformans, se ipsum à consimilibus imputatis erroribus vindicare (scilicet) queat.

Insuper

Insuper usualis hic Zvelfero metallorum Crocus, ob rationem de Magisteriis præcipitatis contra Augustanos sapius prolatam, à quibus nimirum ratione præparationis parùm differt, inutilis calx dici debet; in detonatione enim *nitrum*, & *tartarus*, per combustionem, in alcali fixum reducuntur, cui *antimonij* pars soluta vel extracta inest, quæ postea aquæ interveniu diluta, *aceto* insperso, in fundum præcipitatur, *Sulphuris aurati antimonij* nomine communiter insignita; quæ præcipitatio non nisi à liquoris alcalici, & acidi contrarietate proficiscitur, à qua quid sperandum sit, superiores animadversiones pag. 448. 450. consulantur.

De VITRO ANTIMONII HYACINTHINO pag. eadem animadvertit, exactam ejus præparationem Schröderum in *Pharmacopœia sua* tradere, secundùm quem modum etiam se non semel *Vitrum rubini* instar elaborasse; nonnulla tamen, circa præparationem à se observata, superaddit. De *Vitro antimonij*, ab Augustanis descripto, & à *Basilio*, qui illud in *Curru triumphali antimonij* delineat, mutuato, dici meritò potest, quòd præparatio ejusdem legitima sit, Vitrumque transparens coloris elegantissimi largiatur. Cui tamen varias non contemnendas *εὐχρησθεῖς* & observationes, quas longa cumprimis experientia, & attenta elaboratio suppeditant, adjungi posse, prout in aliis etiam operationibus chemicis, haud negatur.

ANTIMONII DIAPHORETICI pag. cit. præparationes insigniter discrepare, notat, quarum unum alterumque exemplum recenset. Verùm prout potior medicamentorum pars diversimode parari potest, eodem recidente effectu: sic etiam hujus *Antimonij diaphoretici* elaboratio se habet. Interea traditus ab Augustanis modus neutiquam ab aliis nonnihil discrepantibus tollitur.

Sed commendatum à Zvelfero modum parumper intueamur.

1. Mixturem ex *antimonio*, *nitro*, & *tartaro* paulatim *εἰς* per vices *prunis ardentibus crucibulo injectis inspergendo*, detonare permittit. Ubi 2. per hanc detonationem, *spiritum nitri*, *εἰς* *tartari* utilissimum, retortæ tabulatæ mixtura si imponatur, in vase recipiente agglutinato aliàs capiendum, in auras abire permittit; cùm tamen *spiritum aluminis*, ceu monui, in hujus *ustione* conservari posse, studiosè monuerit.

2. *Prunis ardentibus crucibulo injectis* mixturem illam inspergere, docet; quod sanè inconcinnum latis est; cùm potius crucibulo, *prunis ardentibus imposito inspergenda*, ac ita detonanda sit.

2. Materiam à calcinatione residuam edulcorare, jubet, & residuum exsiccatum pulverem iterum calcinatum usui reservat. Verùm edulcorationem hanc improbare quidem nolo, sed unà cum ablutis illis salibus non
exigua

exigua *antimonij diaphoretici* utilis pars aufertur; quam, dum cuiusvis usus infervere debeat, non exprimit, vel planè abjicit, vel saltem suo *Antimonio diaphoretico* non conjungit.

3. Detonatum, & edulcoratum pulverem denuo igni committit, ut *majorem fixitatem & vim adstrictivam ipsi conciliet*. Verùm, ut jam non controvertam, an nova hæc *antimonij* jam *diaphoretici* reddit; & quidem per duas vel tres horas, igni commissio tanti momenti sit? quòd major ipsi vis adstrictiva hoc modo concilietur, non adeo benè dicitur. Siquidem in *diaphoretico* hoc medicamento vis adstrictiva non desideratur, sed contraria potius eidem, & resolutiva. Unde ad sudorem pellendum in diversis adfectibus adhibetur. Ad obstructions, licet inveteratas, hepatis, lienis, mesenterij, aliarumque partium internarum &c. *Schröderus* commendat; atque in variis morbis illud referre obstructions, *Rolsincius* testatur.

4. Additionem *tartari* non inutilem censet, propterea quòd ejusdem sal non parum faciat ad exactiorem *antimonij* resolutionem, licet tantillum de cineribus *tartari* ipsi cohæreat. Cum *tartaro* quidem addito detonationem fieri posse, non diffiteor, neque, medicamentum inefficax indè profurgere, statuo; sed eadem carere facile possumus; quia etiam cum solo *nitro* paratum non minùs efficax existit. Et hoc eò magis, cum, uti ipse fateri cogitur *Zvelferus*, à *tartaro* cineres aliqui ipsi commisceantur. Sive enim eorum tantillum, sive plus fuerit, præstat, medicamentum habere purum, quàm inutiles hujusmodi parti permixtum. Interea larga satis quantitas ipsi ab *unciis novem*, vel etiam, si quatuor detonationes institutæ fuerint, *libra una tartari*, & quidem *crudi*, i. e. non prius per solutionem & crystallisationem depurati (in processus enim delineatione simpliciter *tartarus albus* ponitur) accedere potest.

5. Partes crassiores in edulcoratione fundum citò petentes, relinquendas & abjiciendas esse, observat, solo reservato pulvisculo, aquæ leviter commotæ innatante. Crassiorem quidem partem separare, subtilioremque tantum pro usu adservare, non prohibeo. Sed illam idcirco planè abjicere, haud esse consultum, arbitror; cum ille pulvis non effoctus sit, sed subsectura alteri alicui *Antimonij diaphoretici* præparationi reservari &c., & tunc cum novo crudo *antimonio* calcinari iterum &c. queat.

Quod de omni *Antimonio diaphoretico*, sive cum solo *nitro*, sive addito etiam *tartaro*, parato admonet, (id quod etiam *pag. 96. Pharmacop. Reg. & pag. 366. Mantiss. spag. repetit*) tractu scilicet temporis aëri id expositum, pravam & quasi malignam induere naturam, hincque varia prava symptomata procurare adsumtum, ad quod evitandum, singulis duobus, vel tribus mensibus

mensibus recenter illud conficere, aut vetustum cum, vel sine *nitri* particulâ denuo calcinare, consultum ducit, non usquequaque probatur. Illud enim tam citò pravam induere naturam, si debite paratum fuerit, falsum est; imò ultra integrum annum persistere saluum, ejusdem usu erudimur.

Quamquam non immeritò dubitari queat, num *Antimonium diaphoreticum* malignam illam qualitatem, in eo nonnunquam observatam, tractu temporis ab aëre induerit. Quod dubium à laudato aliquoties *Dan. Ludovico Pharmacia modern. secul. adplic. pag. 324. & 325.* movet; ubi ritè paratum hunc *antimonij* pulverem nunquam non insontem, tutissimumque, etiam post quadriennium, se habuisse, testatur, aliasque causas, à quibus similia incommoda ab ejus usu suboriri queant, eruditè assignat.

Filtrationem, in præscriptâ præparatione ab Augustanis præceptam, perperam institui, Zvelterus animadvertit; quia verum *Antimonium diaphoreticum* per chartam non transeat. Ast sinistrum hoc est judicium. Augustani probè norunt, quòd ipse pulvis *antimonij*, diaphoreticas quoque virtutes possidens, qui, post massæ calcinatæ non excessivâ aquæ quantitate perfusionem, separatur, per filtrum non transeat; cum pulveres, à salibus, in quibus soluti fuerunt, iterum separati, tam subtiles haud sint, ut minimos chartæ bibulæ poros penetrare queant.

Interea nemo sibi persuadeat, dictum pulverem esse omnem *Antimonij diaphoretici* substantiam. Neutiquam. Etenim subtilior ejusdem pars in aquâ illâ decoctâ cum salibus unita remanet; unde etiam per filtrum facili operâ transmittitur, liquore pellucido, ac si nullum corpus solidum in ipso contineretur, adparente. Non secus, ac in paulò antea indicato *Croco metallorum*, ubi, dum materia calcinata in aquâ coquitur, pars ejus aliqua unâ cum salibus ibidem solvitur, alia autem separatur ac fundum facile petit. Illi verò, filtrato etiam, ubi *acetum* inspergitur, *antimonij* soluta substantia, sive *sulphur auratum* sic dictum, se manifestans, copiosè fundum petit.

Pariter in dictâ, ab *Antimonio diaphoretico* separatâ, & filtratâ, aquâ *res* habet, quæ ideo reposita tractu temporis pulverem aliquem albicantem, & tenuem, in fundum præcipitatum exhibet, qui tantum abest, ut veri *Antimonij diaphoretici* epitheto defraudari queat, ut potius melior ejus pars existat. Unde etiam aliquibus *Anima Antimonij diaphoretici* vocari solet, & in minori dosi easdem virtutes, quas crassior ejus pars, in filtratione primò remanens, majori mole spondet. Qualem consimilem etiam in *Specifici antisepticij Poterij* præparatione provenientem, *Animam* ejus adpellare, consueverunt.

Quod ex erroneo hoc supposito secundum efformat dubium, pariter

non admodum probatur. Scribit enim : *Nam verum Antimonium Diaphoreticum per chartam non transit, unde neque illud, quod per chartam transmittitur, & uti alia Magisteria precipitari potest, pro vero Diaphoretico, sed pro calce duntaxat vires Antimonij Diaphoretici non adauante (quæ ut plurimum à contrarietate precipitantis Salis aut liquoris ortum duxit) habendum esse censeo.* Quanquam ex hactenus dictis, cum primis *Magisteriorum Examine*, sententiam hanc facile quilibet ipse enervare queat ; placet tamen, breviter monere, calcem illam, ab *aceto destillato* præcipitatam, non esse effectam & inutilem ; est enim ipsa *antimonij* in salibus prius soluti substantia. Quare postquam salia illa, tractu temporis, & largâ quantitate aquæ adfusâ, ab omni *antimonio* libera evaserunt, nulla *aceti destillati* immixtio similem pulverem amplius præcipitare valet, liquore æquè limpidò persistente ; quod non fieret, si prænominata calx à contrarietate precipitantis salis aut liquoris ortum duceret.

ANTIMONIUM PRÆPARATUM AD PULVEREM COMITIS WARWICHII *pag. eâdem* à præcedente *Antimonio diaphoretico* non discrepare, animadvertit ; cui itaque eâdem animadversiones competant. Quod equidem magnopere non impugno. Unde etiam à nonnullis *Antimonium diaphoreticum* dicto Pulveri adjungi, deprehendo.

Nutri quantitatem diminui posse, pariter concedo ; licet illud totum, cum *antimonio* ita præparato remanere haud teneatur, sed pars ejus aliqua post ultimò peractam calcinationem conjuncta manere debeat.

De MERCURIO COSMETICO, VEL PRÆCIPITATO ALBO *pag. 458.* notat, quòd is in perpoliendâ cute, more aliorum consilium pulverum albicantium, qui fucatâ quadam albedine cutem imbuunt, præstare quid possit ; sed veretur, si frequenter adhibeatur, ne poris se insinuet, ac tractu temporis dentibus, aliisve partibus non leve damnum inferat. Idcirco usum ejus inter cosmetica non probat ; & longè præstantiora, quibus innocenter uti queamus, proflare cosmetica, concludit. Quæ omnia adcuratius excutere, tantò minùs animus est ; cum propriè contra Augustanorum præsentis medicamenti præparationem non decerent.

Observare saltem lubet, Augustanos suam *Mantissam Hermeticam* non tam ad simplicem externum ornatum, quàm potius maximum illud vitæ nostræ bonum, sanitatem, direxisse. Unde quoque *precipitatum* hunc *Mercurium cosmeticum* dum adpellant, non tam Ipsi nomen hoc ei tribuunt, quàm ab aliis ita vocatum producant ; neque ut fuco inserviat, sed ad medendum corporis infirmitatibus proster. Quamvis in eo observent id, quod in *Præmonitione Mantissæ* hujus notarunt, scribentes : *Uusus paucissimos, eosq;*
non

non in omnibus compositionibus adnotavimus &c. quia imperitioribus ansam noccendi propinare nolumus. Trahi huc potest illa *Solis calx*, quam *Aurum fulminans*, seu *sclopeticum* Zvelferus vocat, quæ licet, calorem sentiens, ingentem instar sclopi explosi sonitum edat, & ita nonnullorum joco inserviat, à Zvelfero tamen quòd propter vim illam fulminantem paretur, haud est credibile.

Namque *Præcipitato* huic non tantum cosmetica debetur facultas, sed etiam cathartica; quam ei virtutem, cum aliis, *Joh. Beguinus Tyrocin. chim. lib. 2. cap. 23.* è quo fortè Augustani descriptionem ejus desumsere, maxime in morbis venereis, assignat.

Et ipse Zvelferus *part. 1. Mantiss. spagyr. cap. 7. pag. 354.* eundem, pro usu medico adservandum, eo, quo ab Augustanis describitur, modo parare, edocet; solvendo nimirum *Mercurium* in aquâ forti, & cum aquâ falsâ eundem præcipitando.

Cosmeticum tamen esse *Mercurium* hunc, non inficior; quamvis utique tutiora longè & præstantiora eodem prostant. Num autem, cutem penetrando, insigne aliquod damnum corpori inferre valeat? è Zvelferi hypothese dubitari posset; cum & hic *Præcipitatus* ob convenientiam, quam cum superius examinatis Magisteriis habet, calx effœta & mortua videri queat, à contrarietate liquoris solventis & præcipitantis orta. Quod tamen aliàs non urgeo; & misso hoc, me confero ad

MERCURIUM SUBLIMATUM *pag. cit.* quem rectè quidem cum *sale*, & *vitriolo calcinato* sublimari, largitur, sed necessum esse, judicat; ut *vitriolum*, quod ipsi additur, ita calcinetur, ne suo corrosivo aut spiritu acido privetur. Quam admonitionem observari posse, concedo. Quamvis eadem, in hac Augustanorum descriptione, attento & versato Artifici tantopere scribi minimè postulet; utpote qui ipse non difficulter colligere, potest, qualis hic calcinatio requiratur. Ubi enim corporis non corrosivi, aut spiritus acidi expertis usum commendant Augustani, *Terram vitrioli lotam*, *Colcothar indurcatum* præscribere solent; & præparationem, ustionem, vel calcinationem *chalcitidis*, cui, in ejus defectu, *vitriolum martiale* substituere, consuevere, in *Theriaca* elaboratione, usque ad cinerij coloris adparentiam fieri debere, non obscurè colligitur. Unde etiam *vitrioli* præparationem, sive calcinationem eodem modo instituendam esse, prudentem Artificem haud latebit. Rudioribus tamen singula exactissimè & minutissimè indicare, utique necesse est.

Pag. 259. Apolog. contra Tacken. ideo *vitrioli* perfectè, ad totalem spirituum expulsionem calcinati, i. e. *colcotharis* additionem rejicit, quòd liquefactio-

factionem & coagulationem *salis* unâ adjecti quidem impediât, citius tamen ipsos *salis* spiritus absorbeat, antequam *Mercurium* attingant, & sic pro majori parte *Mercurius* adscenderet *vivus* semper in sublimatione. Verum pars illa spirituum *salis* à *colcothare* absorpta, non in eo ita figeretur, ut non cum *Mercurio*, & reliquis acidis *salis* particulis iterum elevari posset. Aliàs spiritus quoque acidi *vitrioli*, ad cinereum vel flavum colorem calcinati, in sublimatione non adscenderent, seseque *hydrargyro* unirent, ac ita *vitriolum* hocce inutiliter ferè pro hac operatione absumeretur. Ipse *Zvelferus Mantiss. pag. yr. pag. 351.* pro alterâ *Sublimati corrosivi* confectiōe, *colcotharis* seu *capitis mortui vitrioli parum* (quod *parum* quantum propriè esse debeat, non determinat, in reliquorum pondere ponendo aliàs sollicitus) addere, permittit; quod *parum* spirituum acidorum quoque partem, aliquam à *sale* absorbet.

Postea *vitrioli*, & *salis* præscriptam quantitatem non sufficere, putat, præsertim si corrosivus (uti ex sequente *dulci sublimato* colligit) reddi debeat *Mercurius*; necessum igitur ducit, ut non solum pondus eorum dupletur, sed & sublimatio *Mercurij*, additis semper recentibus speciebus, bis terve reiteretur, donec in crystallinam compagem elevetur. Majorem equidem dictorum corporum, *salis* scilicet, & *vitrioli calcinati*, quantitatem commiseri posse, ut magis corrosivus evadat *Mercurius sublimatus*, non impugno; interea tamen cum præscriptâ dosi *Sublimatum* eundem non esse corrosivum, insipidè adstruitur. Quorsum enim abierunt *salia* ista corrosiva *salis communis*, & *vitrioli*, cum in relicto capite mortuo non inveniantur? Certè cum *Mercurio*, salinam præ se ferente faciem, conjuncta sunt, unde non nisi corrosivam hic induisse naturam dici potest.

Accedit, quòd *Mercurium vivum* cum *sale*, & *vitriolo*, addito pauxillo *aqua fortis*, (aut etiam *aceti*) subigere, Augustani jubeant; id quòd pariter cum *Mercurio* dein sublimatur, eumque corrosivum magis reddit.

Neque tamen noxius hoc modo *Sublimatus* ille, ob spiritus nitri in aquâ fortis præsentiam, redditur, prout *Zvelferus Tackeni* *Mercurium sublimatum*, cum nitro confectum, pag. 157. *Apolog.* maxime corrosivum vocat, ad medicamenta & usum medicum summè noxium; atque pag. 158. spiritus *vitrioli*, *salis*, & *nitri*, per se destillatos, salutares, mixtos verò efficere aquam fortem, causticam, insalubrem ac deleteriam, objicit. Præterquam enim quòd *Sublimatus* hic rariùs, ab Augustanis nunquam, pro usu interno adhibeatur, nisi prius aliam subierit præparationem, prout in *dulcificato Mercurio* vis ejus corrosiva non ampliùs adparet; *Aqua fortis* etiam tam insalubris & deleteria non est, ut omnem usum medicum; internum etiam, respuat:

respuat. Horridum quidem nomen gerit, dum *aqua stygia* audit ; in se autem satis salutaris ; malignam quippe & deleteriam vim in *spiritu vitrioli* &c. & *spiritu nitri* prius non conspicuam, ab eorum demum commistione pronasci, haud est credibile.

Neque nocivus est *Mercurus dulcis*, è *Sublimato vulgò prostante*, & cum *nitri* quoque accessu parato, (dummodo is rebus aliis inconvenientibus, *arsenico* imprimis, adulteratus non fuerit, ad quod tamen periculum evitandum, sinceritatem ipsius, guttulæ *salis tartari p. d. soluti* adspersione explorare, mos est ; quod ejus examen *Christian. Langius Miscellan. curios. medic. cap. 25. tradit*) pront multiplex id experientia nos edocet.

Ipse *Zvelserus* similem aquam corrosivam usurpare non destitit. *Veluti Mantiss. pag. 367. Oleum corrosivum, sive Butyrum antimonij* describens, illud *Mercurio sublimato corrosivo* addito conficit, quem vulgari illo modo, videlicet cum *nitro*, sublimatum hîc adhiberi, *pag. seq. testatur*, ubi talia proferuntur : *Corrigitur præterea, & malignis suis qualitatibus privatur, à sale Nitri &c.* Loquitur autem hîc de *Mercurio vita*, ex *Butyro antimonij* præcipitato. Quo ipso *nitrum* ad *Sublimati* dicti elaborationem fuisse adhibitum, necessario sequitur. Et tamen separata denuo ab eo salia, quæ in phlegmate soluta communiter *Spiritus vitrioli philosophici* nomine donantur, neutiquam sunt noxiæ, insalubris, malignæ, & deleteriæ qualitatis, si ab *antimonij* adhærentibus particulis &c. probè liberata in corpus adsumantur, sed egregias in variis morbis, teste ipso *Zvelsero*, virtutes obtinent.

Et *pag. 352. Mant. cit.* ut dictus corrosivus, multùm noxius *Mercurius sublimatus vulgi* salutaris existere possit, necessum esse, determinat, corrosivos ac malignos ejus spiritus, in sublimatione adquisitos, prius contemperare, & vel penitus annihilare, ac in aliud ens veluti convertere, aut penitus ab eo segregare. Quod ut debite fiat, juxta modum, paulò post perstrandum, *dulcem* esse reddendum, animadvertit.

Spectat quoque huc *Essentia Martis aperitiva*, quam *pag. 58. Append. animadvers.* è *limaturâ Martis*, cum *spiritu nitri optimo*, & *vitrioli rectificato* solutâ, ac *phlegmate vitrioli &c.* dilutâ, paratam, in obstructionibus hepatis, lienis, venarum mesaraicarum, menstruorum muliebrium efficacissimam adpellat ; quæ dein ulterius *Essentia Martis coralina*, valde ab ipso laudatâ, quoque adaptatur.

Quòd si unica illa sublimatio *Mercurium* corrosivâ qualitate non imbueret, multò faciliùs, aucto adjunctorum pondere, trinæ vel quadrinæ sublimationis loco, unica nihilominus fieri posset ; sic enim, semel acidis spiritibus imprægnato *Mercurio*, laborem reiterare opus non foret.

Sed

Sed nigredinem aliquam in binâ, vel trinâ priori sublimatione depocere *hydrargyrum*, quæ necessàriò sit separanda, ut tandem in puram & crystallinam vertatur compagem, Zvelferus objicit. Ast nigredo illa tantopere non conspicitur, si *Mercurius* probè purificatus (requirunt autem Augustani *Mercurium purificatum*) huic negotio adcommo- detur; quæ purificatio modo consueto, aceto, sale, & expressione per corium absolvitur. Atque tali ratione *purificatum Mercurium*, ac per se *precipitatum*, prout ejus descriptio *Mantiss. spagy. pag. 352. & 353.* exstat, præstantissimum præbere medicamentum, Zvelferus testatur. Si itaque nigredo illa per vulgarem istam purificationem non tollitur, eandem demum in sublimatione primâ, secundâ, vel terciâ etiam auferre, tam necessarium haud est; si non auferatur, aut innocua erit, aut sinistram & nocivam in *Precipitato* isto præparationem commendari, regeo.

Non probari tamen potest Zvelferi sententia, quam *pag. 160. Apolog. contra Tacken.* habet, *Mercurius*, inquit, *sublimatus Reformatoris ab acidis spiritibus, in primâ sublimatione, non corrosivus redditur; ut neque in secundâ. Quare? Quia Reformator hoc non desiderat: verum vult per has binas sublimationes antecedentes Mercurium purificare, & à suâ nigredine & heterogeneitate liberare, ut tandem in tertiâ sublimatione ad perfectam reducat puritatem & solidam compagem crystallinam.* De purificatione modò egi. Reliquum inconcinnè satis profertur; scilicet *Mercurium*, cum salium corrosivorum non parçâ quantitate sublimatum, neque in primâ, neque secundâ sublimatione, reddi corrosivum. Ubinam salia quærenda sunt? Non in relicto capite mortuo, quod calore ignis urgente, cum *Mercurio* avolare ea, permisit; nec in auras evanuisse dici possunt. Non igitur nisi cum *Mercurio*, quem ideo in compactam, solidamque substantiam mutarunt, cohærentes esse possunt; in quo tamen naturam suam corrosivam hac ratione non deponunt, sed utique conservant.

Egregiè autem Zvelferus adserti sui rationem tradit; dum ideo corrosivum in binâ sublimatione cum non reddi, venditat, quia ipse hoc non desiderat; quasi natura illorum corporum tam simplici operantis voluntati auscultaret, nec prius corrosiva evaderet, antequam insipida imperantis vox, ut corrosiva fiat, ipsi imponeret.

Cæterùm *Mercurij* sublimationem commodè igne aperto peragi, si largiamur, in arenâ tamen commodè & faciliè satis eundem etiam sublimari, certum est.

Alia, veluti quòd *Mercurius* ad latera saltem cucurbitæ elevetur, ipsa praxis suppeditat,

Qui citius & minori labore *Sublimatum corrosivum* conficere intendit, huic suadet *argentum vivum* in aquâ forti, vel spiritu vitrioli, & salis solvere, humiditatem abstrahere, & residuam massam fortiori igne, unâ, vel si non satis crystallinus fuerit, binâ vice sublimare. Quo equidem modo elegantem adquiri *Mercurium sublimatum*, conceditur; in quo tamen acquirendo, si bis instituat sublimatio, tam notabile laboris compendium haud observatur, neque enim aqua fortis, vel vitrioli, & salis spiritus absque laboriosâ destillatione impetrantur.

Majus autem laboris compendium fieri potest, si à *Mercurio* saltem, in aquâ forti, spiritu nitri &c. soluto, humiditas non totaliter abstrahatur, sed post aliqualem tantum ejus separationem, reliquum crystallifari permittatur; ubi elegantissimus *Mercurius corrosivus crystallinus* concrefcit, sublimatione amplius tantopere non indigens.

Mercurij verò sublimationem ideo solum repetere, ut magis crystallinus evadat, est, tempus inutiliter terere, laboremque vanum subire; neque enim, ubi in usum medicum venit, ita crystallinus, sed vel solutus, vel pulverisatus, aliove modo in crystallinâ formâ immutatus adhibetur.

MERCURIUS SUBLIMATUS DULCIS pag. eâdem ex præcedente corrosivo, addito *Mercurio vivo*, conficitur; in cujus elaboratione exactam *hydrargyri* quantitatem determinari non posse, animadvertit Zvelserus; quia quò magis corrosivus est *Mercurius sublimatus*, eò plus requirit de *argento vivo* pro suâ edulcoratione, & vice versâ. Mihi quidem omnium *Mercurij sublimati* specierum curam agere, hic non arridet; quod tamen Augustanorum modum spectat, in illo *Mercurij vivi* additio non adeo culpari meretur. Sufficiens siquidem *hydrargyri* pondus ipsi assignatum fuit, pro corrosivâ ejus facultate obrundendâ; cum ille Augustanorum *Sublimatus* non admodum corrosivus existat. Si verò nimium esset *argenti vivi*, ita ut cum corrosivo uniri non posset, in sublimatione, sponte superfluum separaretur.

Idem etiam in arenâ saltem posito vase, spatio quatuor, quinque, vel sex horarum crystallinus elevatur.

MERCURIUM PRÆCIPITATUM RUBEUM, TURBETHUM MINERALE FLAVUM, & RUBRUM MYNSICHTI pag. cit. juxta modos præscriptos parari posse, concedit.

Plures consimiles proctus, uti & aliorum medicamentorum, à Tyrocinis chinicis peti, atque ab exercitato & perito Artifice excogitari possunt.

In GUMMI GAMANDRÆ VITRIOLATUM MINDERERI pag. eâd. insurgit, optimumque Autorem, pro more suo, pessime in-

mè invadit, dum illam præparationem potius in dedecus, quàm honorem Autoris huic Mantissæ pro corollario insertam esse, cavillatur; utpote qua Autor dictus summam suam incitiam in cognitione rerum naturalium & artis destillatoriæ prodat. Sed præceptum hoc judicium summum in Augustanos livorem Zvelferi saltem prodit, in proprium ipsius dedecus cessurum.

Falsissimum quippe est, *Mindererum* hic *spiritus vitrioli* à *gummi gamandra* abstractionem præcipere. Sic enim animadvertit Zvelferus: *Quis Spiritum Vitrioli à Gummi Gamandra abstraxerit, Gummi dicto non combusto, ejusq; colore nativo luteo non abolito? Quippe Spiritus Vitrioli violentiorem ignem desiderat pro sui abstractione (non quidem in Alembico, sed quod plus, in retorta vitrea humili perficiendâ;) quàm Gummi Gamandra pro totali sua combustionem & destructione.*

Ipsa verò, quæ in *Mantissâ Hermeticâ* adducuntur, verba ita se habent: *R. Gummi Gamandra quantum volueris. Dissolve cum sufficiente quantitate Spiritus Vitrioli in vase vitreato, postea per Alembicum humiditas omnis evocetur, & Gummi residens in vase exsiccecur, cavendo ne nigrescat, sed colorem suum nativum reservet luteum.*

In his verbis non *spiritus vitrioli*, sed *humiditatis* superfluae à dicto gummi abstractio præcipitur, quæ utique, si lentè & debite peragatur, gummi minime combustum, aut colore nativo luteo orbatum exhibet. Diverſa enim sunt: *spiritus vitrioli*, & *humiditatis* abstractionem præscribere.

Prout Zvelferus *Mantiss. spagy. pag. 324.* in *Essentiâ auri* vult, ut ab auro in *spiritu salis* soluto, & *urina spiritu* præcipitato, in *alembico vitreo*, destillando abstrahatur tota humiditas, quæ insipida erit; residuum autem salinam vocat substantiam. *Pag. 351.* pro conficiendo *Mercurio sublimato corrosivo primo*, argentum vivum in aquâ forti solvit, atque ut, factâ solutione, in *alembico* tota humiditas abstrahatur, ad siccitatem *Mercurij*, jubet. *Pag. 392.* *spiritum vitrioli* coagulare docens, post *salis vitrioli* cum *spiritu vitrioli* part. equal. missionem, totam humiditatem destillando ex cineribus, ad siccitatem *salis* abstrahere, præcipit. Refertur quoque huc potest, quod *pag. 73. Apolog. contra Tacken.* de *salis essentialis* è vino præparatione notat, scribens: *Abstrahatur acetum destillatum à sale tartari (ex cremore, vel purissimo Tartaro calcinato, facto) toties semper recenti aceto destillato affuso, quousque acetum eâ aciditate transeat, prout affusum est.* Si itaque in illâ *Mindereri* *gummi gamandra vitriolati* descriptione, humiditatem evocare, idem esset, ac *spiritum vitrioli* evocare; pariter in citatis Zvelferi medicamentis, humiditatem abstrahere, idem foret, ac *spiritum salis & urinâ, aquam fortem, spiritum vitrioli,*

vitrioli, acetum destillatum abstrahere; atque ita in *Mercurio sublimato aqua fortis* gratis adderetur; *spiritus vitrioli coagulatus* esset *sal vitrioli*, nihil à *spiritu vitrioli* prius infuso in se continens; *sal tartari aceto destillato* non esset saturatum, nec ita *sal vini essenziale* profurgeret.

Alterum quod de edulcoratione profert, examini subijcere, omitto; cum illam, sive abluendo, sive abstrahendo fieri debeât, ridiculam simpliciter tantum adpellet, causâ silentio involutâ.

Tandem explosâ hac præparatione, *Gummi de peru rosato Mynsichti*, juxta animadversiones suas parato, ut contenti simus, suadet. Verum hujus, *Mynsichti* nimirum, Extracti usus alterum illud *Mindereri* medicamentum non tollit. Utrumque in Officinis publicis admitti potest.

Modum parandi CREMOREM ET CRYSTALLOS TARTARI pag. 462. planè insufficienter traditum esse, quod patere ex præparatione, quam subneçit, dexterioresque adpellat, animadvertit. Verum, ubi istum Augustanorum modum cum Zvelferiano confero, non nisi exiguam inter eos differentiam deprehendere possum, ita ut debitâ collatione factâ, ille Augustanorum neutiquam insufficiens existat, sed optimè admitti queat.

1. Augustani *tartarum album* esse sumendum, scribunt. Zvelferus *tartarum album integrum, vel si in majora frusta fuerit concretus, grosso modo confractum, neutiquam tamen contusum vel pulverisatum, eligit.* In quo contra Augustanos nihil adfert. Ipsos enim pariter *tartarum* non contusum, vel pulverisatum præscribere, ex sequentibus colligere licet, dum post ejus ab impuritatibus ablationem, *tartarum* in pulverem subtilem contundendum esse, innuunt, sic scribentes: *R. Tartari albi aquâ calidâ aliquoties ab impuritatibus abluti, & in pulverem subtilem contusi libras duas.*

Majora autem *tartari* frusta grosso modo confringere, tam stricte opus non est; cum & hæc æquè nitide abluì queant.

2. *Tartarum aquâ calidâ aliquoties ab impuritatibus abluere*, Augustani jubent. Zvelferus autem, sapius *aquâ frigidâ, non calidâ, quousque nulla spurcicies amplius ab ipso elui queat, & aqua adfusa clara perstet, abluendum, cum esse, censet.* Ab impuritatibus *tartarum*, uti Augustani volunt, abluere; & ablationem cum Zvelfero tam diu continuare, quousque nulla amplius spurcicies aquæ à *tartaro* comunicetur, coincidunt.

Aquam verò calidam rejicere non simpliciter possum. Nam licet illa *tartarum* quodammodo dissolvat, tam potens tamen haud est, ut notabilem aliquam solutionem peragere queat, quia strictior crystallina *tartari* compages tam promptè aquam non admittit. Ea autem impuritates facilius

tollit. Quòd si tanti momenti foret, eadem aqua, purificata iterum, pro tartari coctione adhiberi postmodum posset, & sic exigua illa acidi tartari particula conservaretur.

3. Augustani tartarum in pulverem subtilem contusum coctioni submitunt. Zvelserus hunc lotum tartarum, i. e. integrum, vel grosso modo, si majora fuerint frusta, confractum, eidem destinat. Pulverisatus facilius & citius, uti alia salia, aquâ in coctione solvitur; integer verò, aut grosso modo confractus non item. Unde hac ratione Augustanorum modus quodammodo præ Zvelseriano prærogativam possidet.

4. Ebulliendo dissolvi debere tartarum, Augustani scribunt. Zvelserus fortem coctionem nominat. Sed idem est, fortiter rem coquere, & ebulliendo coctionem peragere.

5. Augustani coctionem in aqua fontana sufficiente quantitate, ad tartari dissolutionem usque, unicâ vice peragunt. Zvelserus pariter adfusâ aquâ simplicis sufficiente quantitate tartarum fortiter per horam unam coqui, & hac depletâ aquâ, si tartarus totaliter non solutus fuerit (quod raro fieri, scribit, præsertim si multum fuerit tartari) readfusâ aquæ recentis s. q. laborem hunc tam diu reiterari debere, notat, quousque tartarus in universum solutus sit, nil nisi arenosis ac lapidosis fecibus relictis. Verùm unica Augustanorum coctio utique sufficiens est, si aquæ quantitas sufficiens adfundatur, præcipuè cùm tartarus pulverisatus, nec in magnâ nimis quantitate, scilicet librarum duarum saltem, sumatur. Sufficiens autem aquæ quantitas, vas quoque debitam esse debere capacitatem, includit.

6. Cocturam in vase figulino instituunt Augustani. Zvelserus illud pariter admittit, ut tamen quid addat, vesicam cupream stanno obductam quoque adaptari huic negotio posse, indicat. Quod nullius insufficientiæ Augustanorum modum inculcat. Sufficit, vas figulinum negotio huic inservire.

7. Augustani simpliciter vas figulinum nominant. Zvelserus superius debere aliquantulum id clausum esse, curiosè addit; quia in operto vase intensior, quàm in aperto calor sit, unde in illo tartarus citius dissolvatur. Quod ego non impugno; neque tamen magnopere hoc solutionem tartari accelerat. Nec dubito, si Augustani in vase aperto (posito, tale eos requirere) tartari pulverisati libras duas in sufficiente quantitate aquæ coquerent, non breviori tempore has dissolutum iri, quàm si tantundem integri, vel in majora frusta confracti tartari in vase aliquantulum clauso coqueretur.

8. Tartarum cocturâ solutum, absque progressâ aliâ purificatione, per manicam Hippocratis Augustani colant. Zvelserus sub finem coctionis aliquot

aliquot albumina ovorum, cum aquâ simplici conquassata, adjicit, ut illa impuritatem segregent & in se recipiant, atque tum demum per pannum lineum colat. Sed hac cum albuminibus ovorum clarificatione tartari, aliis etiam ante Zvelserum notâ, (unde *Sennertus Institut. medic. lib. 5. part. 3. sect. 3. cap. 15. de tartari Crystallorum præparatione agens, scribit: Ut autem magis albescat, albumine ovi coctura prima à quibusdam clarificari solet*) carere facile possumus. Namque licet pars aliqua heterogenearum rerum hac ratione tollatur, eas tamen separare, nec tam necessarium est, cum stipites, ligna, arenulas, lapillos segregasse, sufficiat; nec magnam adferre potest utilitatem. Cum etiam tartarus crudus solâ loturâ ab adhærentibus sordibus mundatus egregiarum sit virtutum; imò eundem Cremori, Crystallisque ejus lib. 1. observat. medic. 1. Henricus ab Heer præfert; cum vis ejus alviduca in terrea & salinâ parte maximè consistat.

Accedit, quòd impuritates illæ vix damnum corpori inferre valeant. Aliàs enim, si noxam inferrent, utique tartari Crystallòs ab iis integrè per reiteratas solutiones, & coctiones separare deceret; quam frequentem tamen cocturam Zvelserus rejicit.

Quinimo ista ovorum albumina monstrato modo sufficienter purificare tartarum haud valent; unde tartarum post crystallisationem multis recrementis & fecibus esse permixtum, Zvelserus ipse fatetur.

Si elegantiores hac ratione futuros Crystallòs, quis regerat, ille non tantopere ad pulchritudinem medicamenti respiciendum esse, recordetur. Et posito, quòd notabilem aliquam puritatem ista purificatio tartaro conciliaret; ubi tamen Augustanorum Crystalli in pulverem ultimò conturuntur, albissimum non minùs colorem præ se ferunt, ac si albumina ovorum pro clarificatione unâ fuissent adhibita. Cui tamen illa ἐν χείρῳ tam insigniter placet, illi eandem imitari non prohibeo.

9. Fervens adhuc decoctum in aliud vas firmum esse colandum, Augustani monent. Zvelserus verò post adjecta albumina colaturam per pannum linteum instituere, obiter saltem jubet. Quo intuitu duplicem utilem admonitionem Augustani adferunt, à Zvelsero neglectam, 1. nempe decoctum colari debere, dum adhuc fervet. Secus enim si fiat, pars aliqua soluti tartari faciliè rursus coagulatur; ceu hoc incommodum *Schröderus lib. 4. Pharmacop. med. chim. class. 2. cap. 408.* notat. 2. in vas firmum esse colandum, ne scilicet, uti aliqui notant, vas à fervido decocto diffingatur.

10. Augustani colaturam per manicam Hippocratis; Zvelserus per pannum lineum, instituunt; ubi parva, vel nulla differentia occurrit.

11. Colatum decoctum Augustani *crystallisationi absque ulteriori cocturâ* committunt. Zvelserus autem adhuc *semel prius coquit*. Si aquæ sufficiens quantitas ad solutionem adhibita, ac coctio ritè celebrata fuerit, ulteriori cocturâ opus haud est; cum & ibi largè satis Crystalli concrecant. Si tamen excessiva aquæ quantitas huc venerit, tunc laborem coctionis reiterari posse, non diffiteor.

12. *Decoctum in calore sensim refrigerari, & crystallisari debere, vase superius cooperto*, Zvelserus habet. Augustani *frigido loco*, pro crystallorum concretionem, decoctum exponunt. Causa contrariæ sententiæ ex pag. 453. animadvers. elucescit, ubi adserit, quod Salum quorumcunque, Crystallorum Tartari, & quarundam aliarum rerum crystallisatio longè exactius in calore perficiatur, quàm in frigore: causa est, quod frigus impetu veluti liquorem coagat, ut inhaerentem sibi Salem præcipitanter deponat, quæ præceptum crystallisationem exactè fieri nequit, ac si lentè, successive & cum mora aliqua in leni saltem calore aut tepore fiat; hinc etiam in tectis aut coopertis vasis majores pelucidioresq; crystalli crescunt, quàm in apertis. Verùm hæc neutiquam demonstrant, insufficientem Crystallum tartari parandi modum ab Augustanis traditum fuisse. Concedamus, Crystallum tartari elegantiores hac ratione, acquiri; tales tamen obtinere, neque Augustanis, neque Zvelsero quid confert, qui cuncti Crystallum concretos, ablutos, & exsiccatos in pulverem, redigere, præcipiunt, ubi illa crystallina forma annihilatur, sicque, etiamsi maximi essent, elegantiorum pulverem haud suppeditarent, ac tartarus à frigore impetu veluti quodam coactus, & præcipitanter in minora granula depositus.

13. Crystallum in *frigido loco coagulatos, esse abluendos*, Augustani simpliciter indicant. Zvelserus eisdem lateribus vasis undique adherere, partim quoque in fundo jacere, simul notat. Si in hoc exprobratam illam insufficientiam consistere, Zvelserus arbitratus fuit, longè se ipsum decipit. Etenim decantatâ post crystallisationem aquâ, Pharmacopæus ipse Crystallum reperiet; cui locum adhesionis indicare, vana est curiositas.

14. Crystallum prædictos *aquâ fontanâ aliquoties abluere*, Augustani præcipiunt. Zvelserus huic operi *frigidam aquam* destinat. Verùm hic inter se non differunt. Illi quamvis aquam frigidam clarè haud nominent, eandem tamen intelligere videntur; quia in principio præparationis hujus, pro meliori tordium externarum ablatione, aquam calidam loturæ destinant; unde quoque eandem ultimæ huic abluitioni si adhibere vellent, similiter, calidæ epitheton adjuncturos eos fuisse, nullus dubito. Posito autem, Ipsos calidam hîc etiam deposcere aquam; nonnihil quidem sic à Crystallis solvi, largior;

largior; exiguum tamen id est, præcipuè ubi, quod fieri debere, ipsi Pharmacopœi antea norunt, ablutio celeri motu, & breviori tempore absolvitur.

Sed dato, insufficienter Augustanos modum hunc tradidisse; ab eadem animadversione nec Zvelserus, si tam strictè notari cuncta postulent, immunis erit, qui aquam frigidam loturæ huic esse adhibendam, obiter notat, an ea fontana, pluvialis, destillata, vel quæcunque alia, esse debeat, haud determinans.

Atque hæc est illa differentia inter utrumque, Augustanorum scilicet, insufficientem injustè proclamatum, & Zvelseri, dexteriorem propriâ vanâ commendatione venditatum, *Crysallos tartari* præparandi modum; de quo nunc judicare, cuilibet facillimum erit.

His consideratis, *tartarum* frequenti solutione & coctione in viribus & virtutibus diminui, adeoque unicam ejus sufficere, licet indè non evadat adeo candidus & crystallinus, &c. Zvelserum animadvertere, reperio. Quod ita esse, jam non controvertam; cum Augustani similiter unicam duntaxat solutionem & coctionem, utpote scopo suo satisfaciensem, commendent. Quare iis, quos hæc petit animadversio, eandem examinandam potius relinquo.

Tandem, si libuerit, *tartarum* hunc crystallisatum peregrinis posse virtutibus imbui, docet, scilicet in decoctis rerum catharticarum, vel aperientium *tartarum* dissolvendo, coquendo, denuoque crystallisando. Accedere quidem ipsi hac ratione aliquid de dictarum rerum virtutibus, non est dubium, sed tantum id semper non est, ut singulares indè vires *tartarus* contrahat; cum major virtus istorum decoctorum, v.g. *gialappa*, *hellebori nigri*, *radicum cichorij*, in aquâ, post crystallisationem decantatâ, resideat.

Et posito, notabilem aliquam partem cum *tartaro* concrelescere, parvum tamen hinc quandoque emergeret commodum, v.g. *gialappa*, exempli loco adductæ, potior vis in resinâ consistit, quæ cocturâ in aquâ non dissolvitur; & sic Crystallis illis quoque non accedit. Præterea quia hi pulverisari iterum debent, commodius, pro variâ intentione Medici, varia ipsis, atque imprimis quovis, dum in usum vocantur, tempore, adjungi, ac e.g. *resina gialappæ* exsiccata, & semine aliquo oleoso subacta &c. admisceri potest.

Ubi elegans subministrat *Angelus Sala* exemplum, qui *sect. 1. Tartarolog. cap. 8.* horum *Crysalloorum uncias quatuor* cum *arachnibus duabus* *Magisterij chalybis vitriolari*, sive *vitrioli chalybis per spiritum vitrioli parati*, in *duabus aqua fumarie uncis* solutis, incorporat, iterumque in pulverem redigit, addito pro aromatilatione *cinnamomi oleo*. Quem modum, *Mantissa* *spag.* pag. 412, sub titulo: *Tartarum chalybeatum*, insertum, ab *Angelo Salâ*, paucis nonnullis

nonnullis immutatis, mutuatum fuisse Zvelferum, ex factâ utriusque collatione credere quis posset.

De CORNU CERVI PHILOSOPHICE, SIVE ABSQUE
USTIONE CALCINATO pag. 463. notat, quòd, licet cornua, &
ossâ qualiacunque calcinatione, quam philosophicam adpellant, quæque per
vaporem aquæ ferventis cujuscunque peragitur, tantopere non destruantur,
fuisque nativis viribus perinde spoliuntur, atque aliàs in violentâ illâ calci-
natione, quæ per totalem combustionem perficitur, nihilominus non parum
ipsis & hoc modo de nativâ suâ humiditate, sale volatili, & oleo detraha-
tur. Ut propterea & hanc calcinationem philosophicam, licet totali exustio-
ne aliquanto meliorem, adprobare se non posse, concludat; econtra ipsum
crudum cervi cornu subtiliter & minutim raspatum, diversimode parandum
& in virtutibus exaltandum, pluris æstimat. Licet *cornu cervinum* sic di-
cto philosophico modo calcinatum, aliquam salis volatilis oleique jacturam,
subeat, dum nonnullæ ejus gelatinosæ partes ab aquâ extrahuntur, quæ aliàs
in destillatione salis volatilis proventum largirentur; idcirco tamen eandem
planè rejicere, minimè decet. Efficax enim satis hac ratione evadere medi-
camentum, quotidiana nos edocet experientia.

*Magna omnino Virtus inest C. C. Philosophicè preparato plurimos ad
Usus, adeo, ut omni etati hodie, ipsis etiam recens natus tutum ac jucundum pro-
prios in gravissimis morbis existat Medicamentum. Oceanus scribendorum se of-
ferret, si omnes ejus Usus in præsentiarum describere vellem. Sic Exc. Jo. Andr.
Graba sect. 3. cap. 8. Elagographiæ illud commendat.*

Non verò alium in finem excogitata fuisse videtur hæc præparatio,
quàm ut cornu hocce durissimum, & ita pulverisationi maximè obnitens,
tali ratione mollesceret, quò in tenuissimum pollinem postea leviori operâ
redigi, sicque adsumtum facilius in corpore actiones suas exferere posset.
Cum econtra durum illud crudum cornu raspatum non ita promptè in cor-
pore resolvi queat; quo de superiùs pag. 429. mentionem jam feci.

Licet, ut illius paginæ verba repetam, ubi subtiliter raspatum, vel lima-
tum, optimeque lævigatum fuerit, qua ratione virtutes suas in corpore fa-
cilius emittit, rejicere illud, minimè sit animus; quin potius commendari id
meretur.

Partes autem gelatinosæ, quæ in humidâ illâ calcinatione extrahun-
tur, ne perdantur, aliis usibus adcommodari queunt.

Ceterùm de Pulvere cervino è typhus concinnato, à Zvelfero tantopere
commendato, paulò post quædam adducere, occasio dabitur.

Nunc, quod corollarij loco proponit, excutiamus, videlicet: quale cornu
Cervinum

Cervinum ad usum medicum maximè eligi & adhiberi debeat? Ubi notum, esse, statuit, quòd *cervis* ordinarià naturæ lege annuatim, & quidem ut plurimum mense Februarii *cornua* decidant, cum ob nimiam eorum duritiem sanguis circa bregma subsistens putredinem veluti concipiat, è quo generati vermiculi radices cornuum rodendo, & quodammodo à bregmate separando pruritum excitent, unde *cervi* molestati, *cornua* arboribus adfricando, tandem decidere ea faciant. Qui tempore verno *recentes corneas excrescentias*, sive *typhas* adquirant; & hæcè usui medico destinandas esse, censet, dum earum præparationem, usumque edocet. Materiam hanc de *cornuum cervinorum* depositione tractantem consulere licet *Exc. Phil. Jac. Sachsij Gamma-rogium lib. 1. cap. 8. & 20.* Ubi tamen observatione dignum est, quod *Nobil. Schenckius Epist. 2. Gamma-rogia* adnexa habet, scribens: *Sententiam Medici istius de vermiculis gluten-depascantibus, unde cornua decidant cervo, non satis probatam deprehendo: nulli spectantur ad ista loca; hoc cerò credas.*

Typha, sive primò *protuberantia cornua* licet ab usu medico, mitiori destillationi adaptari *cornua* talia ubi debent, rejici haud possunt, pro pulvere tamen conficiendo, quo de hîc agitur, tam commoda, uti *cornua* adulta, haud existunt. Etenim & ingratum quodammodo colorem, dum admodum tenella adhuc & sanguine turgida sunt, possident, & levioris ponderis intuitu dosin auctiorem reddunt. Quod in reliquis non ita accidit, quæ copiosissimè concretas gelatinosas partes, spiritum, sal volatile, & oleum fundentes, continent, atque ponderosa inde redduntur, colorem etiam gratiorem albicantem, ablato cumprimis exteriore cortice, præ se ferunt. Quare in minori mole majores virtutes continent.

Aliàs, si hoc non attendi meretur, quin *cornu cervi philosophicè calcinatum* aequè laudabile sit, non est dubium. Siquidem, præterquam quòd candore suo oculis blandiatur, multas adhuc partes gelatinosas complectitur. Unde si in majori pondere tale exhibeatur, easdem obtinebit virtutes, quas à *C. C. crudo*, optimè lavigato, in minori dosi exhibitio, sperare licet.

Ipsa Pulveris hujus, è *corneis cervorum recentibus cruentis excrescentiis*, præparatio, quam Zvelferus, quia ab ipso profertur, *veram* adpellat, animadversionem deposcit, quam *pag. 290.* ipsi jam dicatam Lector B. offendet.

Alia similibus Pulveribus admiscere, haud est difficile, quod Medicus quolibet tempore, diversitatem adfectuum, individuorum, aliarumque circumstantiarum unà considerans, præstare, ac è tali simplici compositum, reddere medicamentum valet.

Sed coronidis loco, paucula quædam de Compositionibus bezoardicis &c. à Zvelfero productis, notare placet.

In Bezoardico cervino alexipharmaco I. salis viperini vel theriacalis, juxta modum secundum, vel tertium in fine animadvers. super Append. de Salibus theriacalibus edoctum, libram dimidiam ponit. Non hîc disquiram, quàm exiguum viperinæ carnis hac ratione singulam dosin Bezoardici hujus ingreditur, & num singulares indè virtutes id mutuetur? sed tantùm noto, quòd Sal juxta tertium modum paratum, hanc præ se ferat inscriptionem: *Sal theriacale simplex, seu Sal commune virtutibus viperarum alexipharmacis & confortantibus imprægnatum, ad usum familiarem, pro cibis.* Si itaque hoc sal condiendis cibis, unde etiam cum largâ quantitate salis marini, vel gemmei paratur, inservire debet, non ita concinnè Pulveri huic bezoardico adjungitur, qui pro medicamento, non pro cibo, inservit.

Bezoardicum cervinum alexipharmacum II. ostendit vipers recenter mactatas, unâ cum hepatis & cordibus earum, dum vitâ integrâ & motu adhuc gaudent, decocto scordij & ruta immersas, additoque sale scordij, & ruta, donec mollescant, & quasi in gelatinam convertantur, coctas, atque hoc decoctum post colaturam cum forti expressione, adjuncto pulvere prædicto è typhis cervinis, in cucurbitâ vitreâ destillando ad omnimodam siccitatem abstractum. Ubi 1. superflua est curiositas, vipers unâ cum hepatis & cordibus, dum vitâ integrâ, (quanquam de hoc pariter dubium moveri possit) & motu adhuc gaudent, coctioni submittere; cum creditus ille nobilis spiritus vivificus citissimè in violentâ cocturâ auras petat; sicque etiam vipera vitâ & motu privata idem decoctum præbere. 2. Scordij, & ruta vires subtiles alexipharmacæ in similibus coctionibus in aërem pelluntur, crassiore saltem parte relictâ. 3. Decocti colati & expressi cum Pulvere cervino destillatio displicet; quia vix aliud, quàm elementaris saltem humiditas indè abstrahitur. A viperis quippe nihil sperandum, cum spiritus vivificus in auras jam migraverit; gelatinosæ autem earum residuæ partes destillationi huic non obediunt, sed integris virtutibus in residuo manent. A ruta, & scordij pariter vix quidquam elevatur; quia spirituofam eorum partem in duplici prægressâ cocturâ jam avolâsse, certum est. Salis scordij, & ruta destillationi idem, quod de sale tartari pag. 246. Pharmacop. Reg. contra. Mynsichtum urget Zvelferus, exactè competit. Denique à Pulvere è typhis cervinis quid hac destillatione elici queat? non video; cum tenellæ istæ succulenta excrementa aquam duntaxat, sive humiditatem elementalem, exili virtute præditam exudent, uti pag. 292. animadvers. in Aquam cordialem temperatam Augustanis objicit; & omnia animalia, eorumque partes, vi destillationis hujus simplicis, aliud non reddant, quàm aquam quandam elementarem ac inefficacem, ceu pag. 242. Pharmacop. Reg. edocet, Imò si quid

Quid à typhis illis sperari debet, illud in prægressâ aliquoties repetitâ aqua dicta à corpore hoc abstractione jam dudum separatum, vel etiam in subsequente exsiccatione ablatum fuit. Hanc itaque reformationem sibi met ipsi acceptam referre posset Zvelserus.

Quòd si destillatio fieri debuit, rectius eadem in decocti scordij, & ruta præparatione, viperarumq; coctione observanda fuisset.

In Alexipharmaco seu Bezoardico cervino III. si nihil aliud, saltem herba recentis scordij, & ruta, nec non radices angelica, scorzonera, & zedoria cum largâ aquæ quantitate decoctio, atque decocti inspissatio, ob subtilium, fragrantium, penetrantissimarum atomorum exhalationem, animadversione indigeret. Ubi totalem virtutum specierum extractionem fieri, non contradicam, talis tamen illa est, ut non exigua earundem pars unâ deperdatur.

De Antepileptico cervino I. simile, ut de Bezoardico II, iudicium ferri potest.

Antepilepticum cervinum II. simplex est mistura, in qua miror, quòd sal volatile cornu cervi, spiritus salis ingeniosâ instillatione, à fugâ præservare, ejusdemq; odoris vehementiam infringere, prius non docuerit; cum nihilominus indeperditis viribus ad extremas usque corporis partes penetrare debeat.

Bezoardicum cervinum aureum, simplici trium ingredientium permutatione paratum, præ illo, quod accedente spiritus urina & vini an. libra dimidia à Croco Solis, & Pulvere cervino abstractione conficitur, eligendum esse, arbitror; cum repetita illa cohobatio tempus, laborem, sumtusque consumat, minorem effectum eodem medicamento, per solam diligentem ingredientium permissionem parato, vix obtinente.

Hiscæ adnectit Croci Solis præparationem, cum nil quidquam ab Augustanis in hac Mantissâ de auro traditum fuerit, cui iudicium suum ad quid simile adnectare potuisset. Sed de auro tractare, & in Pharmacopœiâ Augustanâ, & Eiusdem Mantissâ Hermeticâ occasionem habuit, quam etiam strenuè arripere, non oblitus fuit. Prout in Spiritu diapente auri additionem pag. 430. reformavit, addens: aurum tam crassè (in spiritu salis) resolutum pro usu interno nimis crudum & ineptum esse. Certè si hac ratione nimis crudum & ineptum est aurum, quid cum præsentì Solis croco eventurum sit, hæreo; qui videlicet nihil nisi ipsa auri substantia est, in minutum pulverem reducta, ad modum Magisteriorum præcipitata, atque sic ob contrarietatem liquoris solventis, & præcipitantis suspecta, terræ insuper aluminis parte aliquâ adaucta. Quibus consideratis, quilibet ipse ferat iudicium, quamnam præparatio magis crassa, & ad usum inepta dici debeat?

De Pulvere subsequente, quem Bezoardici cervini corroborantis nomine

Eccce

tradit,

tradit, simile dari posset iudicium, quale ipse *pag. 165. Animadv. contra Theriaca, & Mithridatij* in Pulveres receptionem; ubi, scommata interspersa ut taceam, *mel*, ex quo duæ illæ compositiones potiori parte constant, succum esse tenacem, statuit, qui neque per se, neque cum aliis speciebus mixtus verè in pulverem redigi queat, nisi illud totaliter comburere, & destruere velimus. Pariter enim neque *succus è corticibus citri extimus expressus*, neque *cinnamomi, & macis olea*, quæ aliquam Pulveris huius partem constituunt, per se, aut cum aliis speciebus mixta, verè in pulverem redigi possunt, nisi oleosæ, ac balsamica eorum partes deperdantur. Et licet cum magnâ pulveris alicujus sicci quantitate oleosæ fluidæ particulae dilgregentur, ita ut in pulverem redactæ esse videantur, verè tamen pulveres dici nequeunt. Nisi etiam *melli* idem concedatur privilegium; quod similiter discontinuatum pulveris formam ludere aptum est.

In *Essentiâ cervinâ antepilepticâ* dum *spiritus ceraforum, & liliorum convallium* dimidiam saltem quantitatem, vel minùs etiam, cum à *typhis cervinis* humiditatis elementaris particula aliqua se admisceat, à dictis *typhis* abstrahit, residuo postea reddendam &c. non usque adeo benè procedit. Ad quid enim laborem, tempusque destillationi huic impendere opus est, dum postea liquor destillatus readfunditur, digeritur, & filtratur? Si pro meliori *cornuum* extractione id faceret, tum (ubi magnopere necesse est, destillationem instituire) stricte opus non foret, unicam saltem spiritus libram abstrahere; quia per destillationem protractam major quoque extractio esset speranda.

Idem de *Essentiâ cervinâ alexipharmacâ* tenendum est.

Tandem in defectu *novellorum cornuum*, ex *cornu* etiam *cervino* *adultiori*, non tamen sponte delapso, sed à mactato *cervo* circa festum *Ægidij* initio Septembris delumto, ac subtiliter raspato efficacia medicamenta ad imitationem præcedentium parari posse, animadvertit. Non conveniunt inter se Autores, num sponte delapsum, an verò circo *Ægidij* festum à mactato *cervo* desumtum *cornu* præstantius sit? Illi, tanquam maturius, & quod à naturâ perfectionem suam obtinuit, sponte delapsum; hi alterum eligunt, cum hoc tempore *cervum* quasi vegetiorem esse, credant, nempe is tunc temporis libidinis æstro stimulatus in Venerem, tanquam furiosus, ruit. Sed curiosa hæc electio, si *cornu* bonæ notæ quoad alia requisita existat, magni ponderis haud est. Utrumque trahi in usum medicum eodem cum fructu potest; utrumque æquè ponderosum existit, gelatinâ abundat, atque sal volatile destillando copiosè emittit.

Cæterum variè id usui applicari posse, superfluum planè foret, explicare; cum hoc neminem fugiat. Eidem verò *philosophicè calcinato* oleum ejus

ejus destillatum, licet rectificatum, imprimere, minimè consultum duco, ob insignem, quem hoc emittit, foetorem nauseabundum. Idem hic valet, quod pag. 277. de oleo viperarum destillato notat, scribens : *Oleum crassum & satidum posset forsitan rectificatum super cineres, diversis usibus externis inservire, nervorum scilicet contracturis, tumoribus duris, cancerosis &c. prohibet autem factor ejus, quò minus frequenti exhibitione virtutes ejus explorentur.*

Atque hæc sunt, CANDIDE LECTOR, quæ in veritatis vindicationem, & Pharmacopœiæ nostræ immeritò reformatæ restitutionem, ab iniquo, imò provocante insuper Adversariorum calamo incitatus, meditatus sum. Plura, si tempus & occasio feret, in posterum addidurus.

Tu interim, hæc tantopere non elaborata, sed festinante calamo conscripta, à veri & æqui cupido animo tamen profecta, boni consule.

Alij meliora proferant ; laudem, si quæ speranda, nemini invideo. Mihi non præstantiores hac vice præparationes edocet, sed tantùm, priores quid valeant, inquirere, primò statim decretum fuit.

In specie quidem *Appendix ad Animadversiones* examini quoque fuisset subjicienda, sed potior ejus pars, aliquod momentum continere visâ, jamdum debitis suis locis discussa fuit.

Si alicubi minùs adpositè objectionibus respondi, veniam peto, qui meliora edoctus, priorem sententiam mutare, nunquam non paratum me sistam.

Interea monitum Te volo, ut quicumque has vindicias, livore, stipendio, aut etiam Zvelseri amore ductus, censuræ subjicere, præsumes, attentè hujus mentem evolvas, meamque simul de eâ latam sententiam debitè perpendas, ne mihi quædam absurda & inconvenientia imputes, quæ, si adcuratè consideraveris, à me saltem è Zvelsero adducta fuisse, facile reperies, ut cum ex ipso reformarem.

Cæterùm modeste agere, ne obliviscaris, moneo. Procul sit infernale calumniarum virus ; procul scommata, & cætera erudito homine indigna spicula. Sic ubi jure me reformaveris, laudem mereberis ; sin minùs ritè notaveris, modestum vicissim calamum meum experieris.

Nemo tamen sibi persuadeat, me unicuique, Pharmacopœiam hanc restitutam invasuro, debito responso mox esse obviam iturum ; totam enim vitam continuè libus transigere, nolo. Unâ fidelis duos pluresve parietes dealbari poterunt. Et si quæ novæ contra Dispensatorium nostrum eudentur objectiones, easdem necessariò oppugnare, neutiquam tenebor. Sed hæc omnia, quo modo procedendum sit, me tempus ipsum optimè edocebit.



INDEX.

A.

A Bsinthij virtus stomachica	Pag. f. 8.
Acetum in destillatione primò phlegma emittit 13. duplex sal continet ibid. destillatum non simpliciter præstat vulgari ibid. anticolis miscetur 85. A. de lithargyro 311. scilliticum	312. ibid.
Aceta medicata	292.
Aciditas aquæ in pericardio	291.
Acidorum vis cordialis	244.
Acori differentia	171.
Adamas sumtus intra corpus an noceat?	400.
Adipum præparatio	401.
Æris ustio	455.
Ætites vires in partu promovendo	195.
Agaricum trochiscatum	214.
Agarici præparatio 403. vis purgans 404. alexipharmaca	524.
Alcalia an dici possint salia volatilia?	ibid.
Alcali nomen	87.
Allij graveolentia	100. 104. 405. vis solutiva & roborativa 101. 105. 114. solutio in menstruis aqueis
Aloës rosata	114.
Aluminis ustio 406. usus pro destillatione spirituum acidorum	103.
Ambræ permixtio cum Pulveribus 154. & Confectione alchermes	465.
Amygdalorum destillatio	250.
Amyli præparatio	282. 283.
Anacardiorum præparatio	168. 501.
Anisum solutivum	407.
Antidoti ingredientia	91.
Antidotus Matthioli	208.
Antimonij per nitrum correctio 59. vitrum hyacinthinum	234.
Antimonium diaphoreticum ibid. an tractu temporis malignum evadat?	539.
541. A. præparatum ad Pulverem Com. de Warwich	542.
	Aquarum

INDEX.

A	
Aquarum destillatio in genere expenditur	308. ex animalibus 284. 286. 309.
ex stypticis	43. 311. 364.
Aqua laxativa Mannag. 54. acoustica Minder. 276. antidotalis alexipharm.	
Matth. 278. antimelancholica Fisch. 279. antiscorbutica Dorncrel. 281.	
arthritica ibid. asthmaica ibid. aurea Lang. 283. bardana comp. 286.	
caponis comp. ibid. confortativa usit. 288. cordialis temper. 289. epile-	
pica Lang. 293. 481. epilept. pueror. 293. pro epithemate cordis Norib.	
294. fumariæ comp. ibid. hirundinum usitata 295. hirund. comp. minor	
298. major 299. lithargyri 300. mastichina ibid. mercuriata 302. Merc.	
Zvelferi alcahest 513. mirabilis Lang. 302. nephritica Brengg. 303. usita-	
ta ad oculos 305. odorifera ibid. panacis heraclei comp. 306. physogona	
ibid. Stapediana ibid. stomachica 307. theriacalis bezoardica ibid. theria-	
cal. bezoard. Minder. 286. vitæ comp. 308. fortis an deleteria?	544.
Ari radicum præparatio	407.
Arnoldi de Villâ novâ medicamenta	51.
Aromatizatio Siruporum, Decoctorum	25. 36. 57.
Aromatum coctio in vase cum alembico 4. permixtio cum emeticis 58.	
vis non in solâ parte subtili 102. pulverisatorum usus	245.
Asari coctio	405.
Asellorum præparatio 408. usio	436.
Athanasia magna Nicol.	257.
Avellanarum præparatio	409.
Aurantiorum corticum virtus	23.
Aurea Alexandrina Nicol.	257.
Auri foliorum usus medicus 152. confertur cum ejusdem scobis usu ibid.	
in tenuissima folia extensio 153. 473. destillatio vulgaris	285.
B.	
Balsamum aloës 113. embryonum 283. angelicæ Senn. 491. apoplecticum	
498. benzoinum Tenz. 499. Tolutanum ibid. cordiale Senn. ibid. galba-	
netum uterinum 500. loimicum Henif. ibid. sulphuris anisatum	500.
Balsami colores 493. corpora	492. 495. &c.
Balsamis extracta addi possunt	492. 493.
Benedicta solutiva Nicol.	80.
Boli armen. præparatio	409
Borrage flores habet odoratos 27. cordialis est	ibid.
Bufo 409. usio	436.
C.	
Camphoræ pulverisatio	90.
Candelæ	

I N D E X.

Candelæ pro suffitu	
Cantharidum præparatiō	206.
Carnium vis nutritiva	416.
Cassiæ pulpa	284. 286.
Cassia extracta	74.
Cauterium potentiale	ibid.
Ceræ albæ usus pro Unguentis	417.
Cerati differentia ab Emplastro 358. in consistentiâ diversitas	330.
tium proportio	ibid.
Ceratum de ammoniaco Forest. 392. ex betonicâ	ibid. capitale 393. cerine
Ctesiph. ibid. diachalciteos seu diapalmæ	ibid. diadictamnū seu sacrum
Gal. 394. de gratiâ Dei 396. isis ex Nic. ibid. matricale vel de galbano	ib.
œsypi 397. diapipereos	ibid. ex pelle arietinâ
santalinum	ibid. pro herniosis 398.
sparadrapum Vigon. ibid. stomachale Gal.	ibid.
Cervi typharum destillatio 289. pulvis	ibid.
Cervi cornu ustio 427. crudi usus 429. 554. philosophicè præparatum	554.
electio pro usu medico	555. 558.
Cerussæ vis refrigerans 328. ablutio	419.
Chalcitis quid sit? 217. ejus usus in Theriacâ 218. præparatio	230. 420.
Chalybis crudi usus medicus 258. præparatio cum aceto, & sulphure	420.
Chimiæ difficultas	458.
Chimicorum medicamentorum comendatio	ibid. processuum fallacia 459.
Chylostagma diaphoreticum Minder.	286.
Circumforaneorum fraudes, dum à viperis morderi se patiuntur	191.
Cleopatrar mors 190. unionis in aceto liquefactio	511.
Clysterum commendatio	84.
Colcotharidis edulcatio	375. 380. 422.
Collyria sicca	204.
Colocynthis præparatio	423.
Compositi sperniolæ præparatio	424.
Condita	266.
Conditum pro familia antidotale Stap.	260.
Confectio hamech major Mef. 82. adversus lumbricos 91. pectoralis	165.
anacardina 256. Archigenis	ibid.
Confectiones viperinæ Quercet.	271. 533.
Conservæ simplices 267. cum Electuariis &c. permistio	75. 262.
Conserva violarum est lenitivum medicam. 75. hederæ terrestres comp.	267.
Coraliorum in succo berberum solutio 32. non præcipitatur à saccharo	33.
	Cordia.

INDEX.

Cordialium diversitas, & natura 23. mistio cum purgantibus	91.
Coriandrum an venenum sit? 425. ejus præparatio	ibid.
Cranij humani præparatio	431.
Cremor ptisanæ	150.
Cremor & CrySTALLI tartari	549.
Crocus Martis 537. ejus edulcoratio 380. Veneris edulcoratio 402. Cr. me-	
tallorum	538.
Cumini cum aceto præparatio	171.
Cuperosæ præparatio	431.
Cydoneorum in sapore diversitas	38.

D.

Dacrydium sulphuratum	154.
Decoctum foliorum senæ cum prunis 76. hellebori 83. aperitivum majus	
145. cum rhabbaro ibid. lenitivum minus ibid. capillorum Veneris	
146. quomodo fiat?	147.
Dentium aprorum præparatio	431.
Diabalzemer Renodæi	80.
Diacarthamum Villanovani 81. solidum	91. 93.
Diacassia cum mannâ incerti auctoris	75.
Diacodium Montani 157. simplex Gal. ibid. Actuarij ibid. solidum	ibid.
Diacorum Mesf.	243.
Diacydonium solutivum 94. pellucidum ibid. simplex, & aromaticum	267.
Diaphanicum Mesf. 85. Fernel ibid. solidum	94.
Diaprunis lenitivum seu diadamascenum Nicol 76. solutivum Nicol.	86.
Dialcordium Fracastorij	264.
Diasena Nicol.	90.
Diaturbith cum rhabbaro	95.

E.

Eboris præparatio	431.
Elaterij præparatio	ibid.
Electuarium catholicum Nic. Præpos. 75. lenitivum Florenz. ibid. lenit. de	
mannâ Nic. Alex. 76. diaprunis simplex ibid. hieræ cum agarico 77.	
lenitivum ex tamarindis ibid. senatum Renod. 80. caryocostinum 81.	
de citro solutivum 82. Episcopi seu Elefscoph Mesf. ibid. Episc. solidum	
94. indum majus Mesf. 85. de psyllio Montagn. 86. rosatum Mesf. 88.	
è succo rosarum Nic. 89. idem solidum 95. diascibesten Montagn. 90.	
alchermes Mesf. 246. hujus collatio cum Monspelienfi 247. utriusque	
cum Zvelferiano 252. cur sericum recipiat? 249. è baccis lauri Rhaf.	
	258.

INDEX.

258. chalybeatum ibid. contra dysenteriam Höchstett. 260. de scorpiæ ferri Rhaf. 261. diureticum Montagn. ibid. Guidonis contra pestem ibid. de ovo Maximiliani Imp. ibid. diaphatyrion Nic. 264. magnanimitatis ibid. vitæ Arn. de Villâ novâ	265.
Elixir vitæ Marth. 292. 479. purgans panchymagogum 475. pestilentielle Crollij 476. proprietatis Parac. 477. uterinum Croll.	478.
Emplastri differentia à Cerato 358. in consistentiâ diversitas ibid. & ingredientium proportio	390.
Emplastrum ad carunculas in meatu urinario 356. album coctum Noribergense sive Ehrnsingrianum 360. Ulmense 362. apostolicum ibid. de baccis lauri 364. basilicum majus ibid. bas. minus 365. è lapide calaminari ibid. catagmaticum ibid. ceroneum 366. citrinum vulgare 367. diachylon simplex ibid. d. compositum seu de mucilaginitibus 368. d. magnum 369. d. parvum ibid. d. cum gummis Vigon. ibid. de crustâ panis 371. de fuligine 372. gryseum seu de lap. calaminari ibid. ad hydropem ibid. ischiadicum ibid. magneticum Salæ 373. de meliloto 376. de minio Vigon. 377. de minio Nicol. 378. nervinum ib. nigrum ibid. opoteldoch Minder. 379. oxycroceum commune 381. oxycr. Vigon. 384. diaphanum calidum, & frigidum Mef. ibid. de ranis cum Mercurio Vigon. 385. de rhabarbaro Manardi 389. santalinum ibid. spleneticum Aquapend. ib. stypticum Croll. ibid. tetrapharmacum Gal. 390. triapharmacum Mef. ib. ad tophos ibid. filij Zachariæ ibid. vesicatorium	391.
Erinacci ustio	436.
Essentia absinthij 461. ambre Minder. 479. ambre sicca 482. castorij Senner. ibid. citri ibid. croci martis Croll. 483. croc. mart. liquida 484. faccharina Beguini	487.
Esulæ præparatio	432.
Euphorbij præparatio	ibid.
Extracta simplicia	114.
Extractum agarici simpl. 113. comp. 118. aloës 113. catholicum 118. diacarthami Andern. 120. catholicum Quercetan. 122. diacitri Reusn. 123. gummi gamandra Myns. ib. holagogum Andern. 126. marocostinum Minder. 130. melampodij ejusd. 134. diapocoonias ejusd. 135. Pilularum arthriticarum &c. 136. melanagogum Quercet. 143. panchymagogum 144. phlegmagogum Quercet. ibid. rhabarbari & foliorum fenæ	116.

F.

Fecularum examen	501.
Fiat s. a. formularum	366.

Flore.

INDEX.

Flores antimonij §34. falis ammoniaci ibid. benzoës ibid. sulphuris simpli-	
ces ibid. compositi	§36.
Fœtidorum usus medicus	250.
Fructuum esculentorum usus in medicamentis	169.

G.

Gallarum &c. cum viperis saginatio	150. 195.
Gemmarum præparatarum usus medicus 172. lavigatio in porphyrite	454.
Gesarum examen	591.
Granatorum fructus ratione saporis diversitas	39.
Gummi gamandræ correctio per acida 124. vitriolatum Minder.	547.
Gummatum Pilulis permissio 97. solutio pro Unguentis &c. 336. 341. 383.	

H.

Hellebori decorticatio 434. præparatio	433.
Hiera picra simplex Gal. 76. composita Nicol. 83. Logadij Nic. Myr. ibid.	
Pachij ibid. picra Rhaf.	109.
Hirundinum ustio	436.
Holippæ purgantes	94.
Hydromel comp. 148. purgans ib. laxativũ tartarifatũ antimelancholicũ ib.	
Hyoscyami usus pro Laudano opiato 141. à nonnullis cerevisiæ is incoquitur ib.	

I.

Jecoris lupi præparatio	437.
Infusum laxativum Mannag. 54. hellebori	82.
Insolationis usus	100. 314.
Intestini lupi præparatio	437.
Julepus rosatus 50. sambucinus ibid. ex vino Arn. de Villà novâ ibid. viola-	

L.

Lacæ præparatio	438.
Lac sulphuris §16. Virginum	300.
Lapidis bezoardici dosi 163. lazuli præparatio	438.
Laudanum opiarum	137.
Leporis ustio	441.
Lepra à Paracelfo curata	61.
Lohoch de caulibus Gordonij 158. de farfarâ ibid. de papavere Mesf. ibid. pas-	
silarum 159. è vino Mesf. ibid. è portulacâ ibid. è pulmone vulpis Mesf.	
ibid. sanum & expertum 160. è succo scillæ Galen. ibid. & 200. è scillâ	
comp. Mesf.	160.
Lotura aloës 104. resinarum 117. §16. gummi gamandræ	125.
Lumbricorum præparatio	441.

F f f f

M. Ma-

I N D E X

M.

Magisteriorum vegetabilium examen	493. 503.
Magisterium granorum chermes 255. aluminis 502. coraliorum &c. ibid.	
C. C. 504. gialappæ 515. sulphuris 516. tartari vitriolati	518.
Magnetis pro Emplastro magnetico usus 379. præparatio	440.
Mandibularum lucij pisces præparatio	441.
Margaritarum dosis	164.
Medicamenta ab Augustanis in suo Dispensatorio descripta, ipsis non sunt omnia in usu 18. M. composita aliis compositis addere, an sit inconcinnum? 88. 165. &c. M. comp. non unius virtutis ingredientia semper recipere debent 239. simplicia exotica non planè rejicienda 231. Medicamenta salutaria ab imperito propinata nocere possunt 73. Deorum manus dicuntur 73. 115. rarò agunt citò, tutò & jucundè 87. diversis ex ingredientibus, in eadem tamen formâ confecta, & eundem usum habentia, in Officinis publicis tolerari possunt	96.
Medicamenti efficacia non semper ab odore petenda 35. compositi dosis non ratione ingredientium singulatum, sed simul consideratorum est determinanda 41. 162. basis quid sit?	237.
Medicamentorum simplicium præparationis causæ 170. compositio perpenditur	241.
Mel anacardinum Azaravij 47. anthosatum ibid. emblicorum ib. menthæ 48. mercuriale ibid. passularum ibid. rosatum simpl. ac Mes. ibid. citratum ibid. violatum ibid. rosatum laxativum 72. violatum solutivum	ibid.
Mercurij vivi extinctio cum salivâ 385. duplex sulphur	514.
Mercurius nervis inimicus 338. 339. cosmeticus seu præcipitatus albus 542. sublimatus 543. subl. cum nitro an noxius? 544. subl. adulteratur cum arsenico 545. dulcis 547. præcipitatus rubeus	ibid.
Mezerei præparatio	441.
Micleta Nic. Myr.	263.
Mithridatium Damocr. 232. pulveribus miscetur	156.
Miva cydoniorum simplex Mes. 52. aromatica Nic.	ibid.
Mucharum rosarum	63.
Mucilaginosarum specierum, sacculo inclusarum, decoctio	30.
Mucilagine medicæ	158.
Mumia Ægyptiaca	392.
Myrobalanorum fricatio cum oleo amygdal. dulc. 67. cum butyro	265.
Myrrhæ præparatio	442.

N.

Nardi indicæ pulverisatio 227.

O. Odo-

INDEX.

O.

Odoratæ medicamentorum partes non semper expetuntur 7. eadem non-	ibid.
nullis nocent	
Odorata in fine præparationis Siruporum an benè addantur ? 36. 41. sim-	
plicia quomodo à Zvelfero exsiccentur ?	40.
Oesypi collectio	442.
Oleum lavandi modus expenditur 443. de castorio 314. araneorum Mind.	
315. costinum Mef. ibid. jasmini, aliorumque odoratorum florum ibid.	
liliorum alborum comp. 316. lumbricorum comp. 317. mastichinum 318.	
moschelinum ibid. nardinum 319. papaverinum ibid. de piperibus ibid.	
populeum ibid. rosatum ibid. scorpionum magnum Matth. 320. simplex	
ibid. stomachicum ibid. ex styrace 321. nucis moschatæ expressum adulte-	
rationi obnoxium ibid. & 495. inservit idem pro corpore Balsamorum	
492. camphoræ 489. ceræ 490. salis comp. Hartm. ibid. saturni ibid.	
terebinthinæ 450. 490. vitrioli rubrum	491.
Olea expressa 321. odorifera destillata vegetabilium 488. eorum cum sale,	
& tartaro destillatio	489.
Olei succini rectificatio	476.
Opij tostio Veteribus nota 109. eadem examinatur 138. venenū ib. crudi usus	
139. vis dementans 141. cū aceto correctio 137. correctio per fermentatio-	
nem cū succo cydon. 140. dosis 164. usus in Theriacâ 212. vis diaphor. 213.	
Oxymel simplex Gal. & Mef. 13. 48. comp. Mef. 49. diureticum Jung. 50.	
scilliticum Mef. ibid. helleboratum majus Juliani	72.
Oxyfaccharum simplex, & compositum	50.

P.

Panis pro Trochiscis viperinis usus 184. 226. odor refocillans	283.
Paracelsi epitaphium	61.
Passulæ laxativæ 79. solutivæ siccæ	94.
Pastilli pro fumo	206.
Pellicularum ventriculorum gallin. præparatio	444.
Philonia	263.
Pilorum leporis ustio	444.
Pilarum marinarum torrefactio	445.
Pilulæ de agarico Mef. 97. aggregativæ majores, & minores ibid. aloëphan-	
ginæ seu aromaticæ 99. sine curâ 103. de aloë lotâ ibid. Aquapendentis 105.	
Francofurtenses ibid. de aloë rosatâ 106. de aloë & mastiche Nic. Myr. ib.	
de ammoniaco Querc. ibid. angelicæ seu de aloë & rhabarb. 107. arabicæ	
Nic. 108. Assâiret Avic. ibid. aureæ Nic. ibid. de bdellio majores Mef. ibid.	

INDEX.

de benedictâ ibid. de castorio Avic. 109. cochiz ibid. de colocynthide Mef. ibid. de cynoglossô Nic. Præp. ibid. de cynoglossô cum castorio ibid. de eupatorio maj. Mef. 110. de euphorbio ibid. foetidæ maj. Mef. ibid. de fumarîâ Avicen. ibid. de hermodactylis major. Mef. ibid. de hierâ picrâ Gal. ibid. de hierâ cum agarico ibid. de tartaro Quercet. ibid. turbith aureæ 112. salia quandoque recipere possunt 106, auri foliis commodè obducuntur	107. 152. 210. 445. 331. 205. 149. 447. ibid.
Piper an alexipharmacum ?	
Plumbi ustio & lotio	
Poma ambræ	
Potus Hippocratici	
Pulmonum vulpium præparatio	
Pulpa cassiæ 74. prunorum ibid. tamarindorum	
Pulvis saxonicus 154. cholagogus simplex ibid. gryseus 156. rubeus (æfaris ibid. viperinus	192. 268.
Purgantium permistio cum cordialibus 91. cum aromaticis 127. destillatio 310. coctio 55. 424. correctio per acida	124. 423.
R.	
Radicum pro usu in Officinis repositio 49. cum aceto præparatio	154.
Ranarum ustio	436.
Requies Nic.	263.
Resina gialappæ	515.
Refinarum cum Extractis conjunctio	116. &c.
Rhabbarbari vis alexipharmaca 216. hepatica	259.
Rob de cornis, cynosbati, & juniperinum	53.
Rosæ moschatae an deleteriæ ?	66.
S.	
Sacchari penidij differentia à sacch. vulgari	27.
Saccharum non solvitur à spir. vini rectificatiss. 52. canthum violatum 68. fermentatum emittit spiritum ardentem 461. saturni quid sit ? 420.	
Sal ammoniacum quid sit ? 272. an volatile dici queat ? 527. coralliorum 530. edulcoratur 35. ejus nomen 523. saturni 531. ejus nomen 523. Sal vitrioli vomitorium Salæ 533. ejus nomen 523. prunellæ 530. tartari 533. S. tart. volatile 526. urinae volat. ibid.	
Salis usus pro Trochiscis viperinis 185. pro Unguentis ad scabiem 351.	
Salia volatilialia alcalia dici possunt 524. S. vol. vegetabilium dantur 525. S. vol. animalium venenatorum 526. vegetabilium incinatorum 527 529. horum cum sulphure præparatio 528. 529. in aëre humido liqufactio. 530.	

INDEX.

530. acida dantur 528. theriacalia Querc. <i>Vid.</i> Confect. viper. Querc.	268.
S. ther. antiquorum	521. &c.
Salium volatilium fixatio 272. divisio	447.
Sanguinis hirci preparatio	206.
Sapo molchatus	
Scammonij preparatio 448. cum saccharo pro Confectionibus solidis per-	
mistio 92. cum acido sulphuris correctio 155. vera correctio	156.
Scillæ preparatio 200. 313. 448. in Theriacâ usus. 209. differentiæ	449.
Scordij pro Theriacâ electio	231.
Scoriæ ferri preparatio	448.
Scorpionum ultio	ibid.
Senæ folliculorum usus	79.
Serici crudi torrefectio 450. vires	43. 249.
Sief	204.
Sirupus quantum liquoris requirat? 9. 19. acidus aliis liquidior esse potest 11.	
S. acid. in vasis terreis vel lapideis coquatur 26. pro massâ Pilularum effin-	
gendâ infervit 98. de absinthio 4. acetositatis citri 10. de succo acetosæ,	
& acetosellæ 12. acetosus simpl. Mes. ibid. comp. Mes. 14. acet. diarrho-	
don Mes. 18. adiantinus Fern. 19. de agrestâ Mes. ibid. de althæâ Fern. ib.	
aperitivus magistralis Minder. 20. aurantium 23. de corticibus aurant.	
ibid. florum aurant. 24. de artemisiâ ibid. betonicæ simpl. 25. comp. 26.	
de berberib. 26. de borragine ibid. de buglossô 27. byzantinus simpl. &	
comp. Mes. ibid. de calaminth Mes. ibid. de chamæmelo ibid. de capillis	
veneris simpl. & comp. ibid. è succo cardui bened. 29. cerasorum acid. ib.	
de cichorio simpl. ibid. de cinnamomo 30. coralliorum 32. de corticibus	
citri 35. cydonior. 36. de endiviâ simpl. & comp. ibid. de eupatorio Mes.	
ibid. de farfarâ ibid. de fragis ibid. de fumariâ simpl. ibid. de glycyrrhiâ	
Mes. ibid. granator. dulc. ibid. gran. acidor. 37. de succo hederæ terrestr.	
ibid. flor. hyperici ibid. de hyssopo Mes. ibid. de jujub. Mes. ibid. de limo-	
nibus 38. de lupulo ibid. è succo melissophylli ibid. de menthâ minor, &	
major Mes. ibid. è succo mercurialis 41. myrtinus comp. Mes. ibid. ne-	
phrocatarticus Joub. ibid. de nymphæâ simpl. 42. comp. Pedem. ibid. de	
papavere simpl. & comp. Mes. ibid. de papav. erratico ibid. florum para-	
lyseos ibid. de pœoniâ ibid. de pilosellâ ibid. è succo plantaginis 43. è po-	
mis simpl. Mes. ibid. è pom. ad Conf. alcherm. ib. de portulacâ Mes. 44.	
de prasio Mes. ibid. de duabus, & de quinque radicibus 45. ribium ibid.	
rosatus simpl. ibid. de rosis siccis ibid. de rubo idæo ibid. de scabiosâ ibid.	
de scolopendrio Fern. ibid. de scordio simpl. & comp. ibid. de sempervivo	
simpl.	

INDEX.

simpl. & comp. ibid. de stœchade simpl. comp. & Fernel. ibid. de sym- phyto Fern ibid. flor. tunicæ 46. è succo veronicæ ibid. violatus simpl. ib. viol. comp. Mes. ibid. è succo violar. ibid. florum acaciæ 55. de carthamo ibid. de cichorio cum rhabarb. Nic. Flor. 56. diasereos Andern. ibid. do- mesticus seu de spinâ cervinâ 57. emeticus Salæ ibid. de epithymo Mes. 60. de fumariâ comp. Mes. 61. de florib. persicorum ibid. de polypodio 62. è pomis Regis Sapor ibid. de rhabarbaro solut. ibid. rosatus solut. simpl. 63. rosat. solut. comp. helleboratus Mont. 67. ros. comp. sine hellebor. 68. rosat. laxativ. cum ambubejâ ibid. ros. solutiv. Quercet. ibid. spleneticus Verbez. ibid. lenitivus detribus 70. violatus solutivus 72. de siliquis 157.	
Solutiones coraliorum in corpore præcipitari possunt	289. 506.
Sotirella parva	265.
Species diahyssopu Nic. 169. diaireos Salom. ibid. diaprasiu Nic. ibid. dia- cyminu Nic. 170. diaspolit.	ibid.
Spermatis ranarum destillatio	425.
Spiritus animalium vivificus 275. 296. 317. vitrioli volatilis sulphureus 299. simplices 460. absinthij ibid. anisi 461. ceraforum nigrorum, & rosarum 462. salis ibid. cur hujus sit parvus proventus? 463. acidi in bolis non de- struuntur 464. nitri 465. 469. destillandi modus in furno 1. Glaub. 465. tartari 466. è purificato tartaro prolectus etiam graveolet ibid. sulphuris 468. salis ammoniaci acidus, & falsus 469. anticolicus 470. viridis è venere ibid. cephalicus 471. euphrasiæ Minder. ibid. diatrion 472. diapente ibid. theriacalis camphoratus 473. vitrioli cordialis Salæ 475. Veneris Zvelseri 507. &c. vitrioli coagulatus 533. vitr. philosophicus	545.
Styracis resinæ cum granis ejus comparatio 228. ejusdem examen	ibid.
Succorum è radicibus &c. expressio 22. 45. virtus extrahendi	64.
Suffitus non sola suaveolentia requirit	197. 205.
Sulphur vitrioli anodynum 374. pellucidum	536.
Sulphuris vivi præparatio	450.

T.

Teda aromatica	206.
Tartarus an sal sit? 523. vitriolatus	518.
Terebinthinæ coctio	450.
Terra foliata tartari	486. 528.
Terræ vitrioli præparatio	374.
Theriaceæ pulveribus permistio 156. dosi 164. examē 207. &c. destillatio 287.	
Theriaca aucta à Medicis Romanis & Bononiensibus 231. diateffaron Mes. ibid. communis, seu Augustana	232.
	Timoris

I N D E X.

Timoris vis in peste	224.
Tinctura rosarum siccarum 307. coraliorum 487. hyperici	488.
Tragacanthi pro Pilulis usus	108.
Tragæa grossa cum tabulatis	165.
Trochiscorum examen	174.
Trochisci de aniso Mef. 177. cypheos ibid. hedychroi ibid. 225. pectorales	
178. 198. de violis solutivi 178. de xyloaloë Mef. ibid. de viperis 179.	
226. de agarico 195. alhandal 196. aliptæ moschatæ ibid. de benzoë 197.	
bechici ibid. de scillâ 200. sublinguales	203.
Tryphera persica Mef. 79. magna Nic. minor Phoen. & Saracenicæ	264.
Turbethum minerale flavum 347. rubrum Mynsichti	ibid.
Tutiæ calcinatio & præparatio	451.

V.

Vegetabilia quædam habere partes volatiles, Veteribus notum fuit 4. 7. quas destillatione separare, & decocto reddere, ante Zvelserû notum pariter fuit 4.	
Vesicarum aprorum præparatio	451.
Vina medicata	311.
Vini oleum	52.
Viperis num serpentes nostrates substitui queant ? 181. earum delectus pro	
Theriacâ 182. venenum 186. &c. usus pro cibo	187.
Vitri ustio & præparatio	451.
Vitrum antimonij hyacinthinum	539.
Ultramarini, coloris Pictorum, præparatio	439.
Unguentorum non una est consistentia 330. 335. 349. consideratio in genere	
322. odoratorum præparatio è floribus	349.
Unguentum ægyptiacum comp. Magistrale 325. simpl. Mef. 326. Agrippæ	
ibid. de alabastro ibid. album sive de cerussâ simplex, & camphoratum 327.	
de althæâ comp. & simpl. 330. anodynum ibid. Apostolorum Avic. 332.	
aregon Nic. ibid. de arthanitâ majus Mef. ibid. aureum Mef. ibid. de bdellio Mef. ibid. è calce 333. citrinum seu basilicum Nic. ibid. clysmaticum	
ibid. Comitissæ ibid. de cynoglossò 334. fuscum ibid. ad hæmorrhoides ib.	
infrigidans Gal. ibid. Jovis ibid. de liquiritiâ 335. de lithargyro ibid. martiaton Nic. ib. ad membra ex igne combusta 337. ad membra perusta gelu	
ibid. mercuriale ibid. nervinum 341. nicotianæ 342. nihili ad oculos 343.	
pectorale ibid. pediculorum ibid. diapompholygôs seu nihili 345. pomatum ibid. populeum 346. potabile 347. ex rhamno & frangulâ ib. resum-	
tivum Fern. 348. rosarum ibid. rubeum sive de minio camphoratum 350.	
ad scabiem ibid. ad tineam 352. de succis Arantij ibid. de tutiâ ibid. ad ver-	
mes ibid.	

INDEX:

mes ibid. violatum 355.	ad verrucas seu carunculas in meatu urinario ibid.
viride Reginae	356.
Ungulae alcis preparatio	453.
Vomitoria cum aromatibus mista	58.
Zibethum per se ingrati odoris	442.
Zingiber solutivum	95.

F I N I S.

Communi quasi librorum fato praesens quoque subducere se haud va-
luit. Quare errata, quae irrepsere, corrigenda Lectoris humanitati commendo.
Mihi potiora, quae revidenti oculos incurrerunt, notare tantum libet.

Itaque pag. 2. lin. 10. Dedic. del. in publicum. Pag. 2. lin. 5. Praefat. leg.
elucesceret. In ipsius Operis pag. 2. lin. 18. leg. quot pag. 4. l. 16. *uncia* p. 7. l.
27. Odoris p. 8. l. 6. decoctum p. 9. l. 28. *caryophyllorum* p. 17. l. 35. *concretorum*
p. 38. l. 25. *maturitatem* p. 47. l. 3. obsoleta p. 58. l. 18. *illusire* l. 38. *elaeosachara*
p. 78. l. 20. *convall.* p. 79. l. 13. *PERSICA* p. 81. l. 38. Verum p. 83. l. 28. *species*
p. 98. l. 29. disquiri p. 121. l. 31. elaborato p. 123. l. 12. virtutis in p. 134. l.
24. perfectionem p. 140. l. 36. *crassamentum* p. 161. l. 13. quam p. 162. l. 38.
minime p. 163. l. 3. junctae p. 183. l. 31. membranofum p. 186. l. 26. satisfac-
tum p. 211. l. 38. observatis l. 39. *Galeno* p. 213. l. 5. *si non* l. 6. del. *si* p. 227.
l. 12. leg. *pane* p. 232. l. 4. *cuperosam* l. 17. *pulpa* p. 238. l. 6. & 7. *ἡ φύσις*
p. 257. l. 21. del., p. 263. l. 11. leg. *MICLETA*. p. 282. l. 25. earum p. 297.
l. 31. mitto. p. 312. l. 14. hoc. p. 334. l. 23. Verum l. 35. *aqua*. p. 335. l. 2. tota-
lem. p. 349. l. 13. del. & viginti quatuor horas durante p. 359. l. 37. leg. existere
preparationem. p. 379. l. 18. hic p. 384. l. 27. possit p. 389. l. 27. *STYPTICO*
p. 390. l. 35. *spongia* p. 392. l. 28. condita p. 395. l. 19. *cap.* l. 22. frigida p.
397. l. 6. *styptico* l. 32. preparatio p. 399. l. 21. possint p. 400. l. 14. humiditas
p. 402. l. 4. elegantissimus p. 403. l. 32. totae p. 405. l. 26. praferendam p. 406.
l. 5. reddat l. 37. del. à *Schrodero* quoque *Aqua summi sulphurea*, & leg. à *Ke-
slero Spiritus diaphoreticus* p. 409. l. 12. quarum p. 411. l. 37. cum p. 415. l. 34.
del. dum p. 422. l. 5. leg. antequam p. 432. l. 28. cum p. 435. l. 34. harum p.
454. l. 18. jubentur, nequiquam p. 473. l. 5. possit p. 482. l. 10. *secca* p. 483.
l. 4. compositione p. 485. l. 27. *αύσιν* p. 489. l. 20. *tyrocinis* p. 508. l. 13.
habitis profectam esse, quod p. 526. l. 31. in precio p. 555. l. 17. possint. p. 557.
l. 9. *zedoaria* l. 28. adnectere p. 558. l. 29. circa p. 559. l. 34. duo.